

**КЫСЬ
МЕ ТЭНӨ
КОРСЯ?**

ПОВЕСТЬ

КЫСЬ МЕ ТЭНӢ КОРСЯ?

Повесть

1

Сейсмостанциялӧн балӧкыс — трактор додь вылӧ вӧчӧм пӧвъя чомйыс — сулаліс нюр шӧрланьын, выльӧн чужӧм эзысь тӧлысь улын, и та вӧсна видзӧдсис пужъялӧмаӧн.

А сідзсӧ войыс эз вӧв ыркыд, керч турунлӧн да кисьмӧм нин, рокӧсмӧм мырпомлӧн сораса кӧрыс гыаліс нюрвывса сынӧдас, тӧдана да сибыда ыльӧбтыліс Латкинлы нырас.

Ӧтка-ӧтка номъяс ньӧти шытӧг ляскысьлісны сылы бан бокъясас, но зэв нин гежӧдыс курччасис, и ковмыліс на понда кималасьны, а мукӧдыс асьныс бӧр гылавлісны вежыня вомӧн пӧльыштӧмысь.

Сувтовкерліс кӧ Латкин, сэк бырлі сэсса номйыс, выльыс некысь нин эз волы: тыдалӧ, кок увсьыс вӧрзӧдӧмыс нин и дӧзмӧдчыліс сылы водзӧс.

Нинӧм эз зутшӧд Латкинлысь сьӧлӧмсӧ, содтӧд гажъяліс на сійӧ, и позис на, дышника восьлаліг, долыдасьыштны ӧтнаслы вичмӧм ывла лӧньнас, но босьтіс да сетчис йӧйталысь синъясыслы, пыдди пунктіс налы вержитчӧмсӧ.

Муткыра кузьмӧс вутшъяс разіпели кыпалісны нюр вылас, и насянь нин быдмисны урӧс ниа пуяс, пӧлыня дженъыдик пучераӧсь да гежӧдик таса вожъяӧсь. Видзӧдан да, шойна и эм быттьӧкӧ водзвылад, а балокыс быттьӧкӧ часовня сәні и ыштӧ креста на сигӧрас антенна пондаыс.

Шуштӧм пыраліс таысь Латкинлы, улис кӧдзыдӧн визмунлі мышкӧдыс. А сэсса и мӧвпыд сэтчӧ воис, мый эз на бур водзын,

төдөмьсь, тадзсө сылы вержитчы. И көть эськө эз кыв ас сайсьыс торъя мыж, кодкө вылө нинөм абуысь лёкалөм, шуам, но сёлөмыс помөдз эз нин такав.

Мышкыртчөма, чеган вьйөдз кусыньтлөм поноль кодь тіркъялысь, локтіс сійө балокө да көрт пачө би эз чуткыв, мед чай пузбөдлыны, ни сись эз өзтыв пызан вывсьыс, пөрөдчис-пуксис аслас нар вылө, лёк ногөн пөрчысис да сүйсис узылан мешөкө.

Велөдөма нин вөлі Латкинлөн асьсө өдйө унмовсьөдны: личодас ки и кок, плавгөдчас ва вылө моз да оз и төдлы сывкмунас. Көркө гөтырыскөд та понда буретш зыкө волісны. Дыр кодь эз вод гөтырыс, ваннаын, кылө, польскөдчис да мый да, а сэсся дзумгысис сы дінө эшкын улас да, төдөмысь, пондөм и виччысис. А Латкин сөмын ымөстыштіс чөскыда.

— Мый нө, узян нин? — юалис гөтырыс.

— Ог.

— А мый нө эськө-й?

— Менам личөдчөма нин, — нурбыльтіс Латкин.

Дерт, резьдіс та бөрын гөтырыс. Нөшта нин сы понда тшөтш, мый некод на сэк эз вөв налөн и виччысьнысө на эз ков.

А өні эськө и нинөмысь быттбөкө нюкрасьнысө, и велалөм вылысь лөсьыда нин личөдчис Латкин, да көнкө ылын на унмыс лэбаліс.

Пемыд нисьө рөмыдыс балок пытшкын быттбөкө востымасис, вижөдліс Латкинлөн читкыра сингяс вьсьтас, и сэки кодлөнкө ловья чужөмыс ясыда петкөдчыліс. Медводз Кузовкин, вездехөдөн вьськөдлысь, мисьтөма жермунліс сылы: мынтөдчыны пө эськө көсьян мьысь, да видзөдлам на. Сэсся Тамара, көса¹ лэдзальсь, югдыліс, курзьөм ныр-вома, ме пө ас вылад ыштылі, а тэ пө Рогачев сайө менө тувьялін.

Нөшта на кымынкө чужөм-пертас адззыліс Латкин, но найө эз вөвны сы вылө элясянаөсь: ни көр видзись Аким Ваньлөн, ни Раска сиктысь Филипповлөн, ни мукөдыслөн.

Лигыша ышловзис та бөрын Латкин да кальөг вомөн и вошйөдчис узбөм улө. Сөмын тай бара на матө эз инась, гөтырыс сэтчө уськөдчис сы водзө, нюмсермунөма видзөднысө, а отар вом пельбснас мыйлакө ыджыдджыка, ыштө тешитчө сы вылын, мый пө ытшкын, сійөс и куртін, мустөмой.

Пескыльтчис таысь Латкин да бауөн петіс узылан мешөксьыс. Кывзысьтөм киясөн өзтіс сись, а сэсся сійө жө истөг тувнас чуткис көрт пачө би, дась нин вөлі кос пескыс да сямөд чыкыль.

¹ Көса — уна канала кабель.

Тайё сейсмпартияс и веськаліс Латкин, кор помаліс Ухтаысь индустриальной институтсö. Кык во нин сэсянь коліс, коймод выло петіс. Шуны кө, уджыс ни йöзыс эз нин вöвны тöдтöмөн, ёна нин лои «чиганалöма».

Мамыс тадзи нимтіс Латкинлысь ветлöдлана уджсö, висътасис сылы да, воддзавысьсö кор отпускас воліс. Майыштчыліс весиг сэки мамыс, гöтрасьнытö пö тадзтö он слöймыв. Но кольöм во гöтырөн нин петаліс Латкин гортас, Эжва дорса чужан сиктас.

А таво гожöм и тыр семьяөн нин вöлі лöсьöдчö волыны, мöс вöра йöв выло писö вайöдлыны: нöбасис гöтырыс, да пиöс и виччысис, дерт.

Кызвын уджыс сейсморазведкалөн тöвнас, сы вöсна мый гожöмнад он быдлаö сибав, а колö ветлöдлыны веськыда, профиль серти. Сійөн и арталіс Латкин, мый гожöм кежлас бара на мынлас.

Таысь содтöд тöждыс сылөн эз и вöв: гöтыра, гöтырыс лючки нöбасыö и асланыслөн нин квартира Ухтаын, ичöтик эськö, öти вежöса, да век нин асланыслөн, и сэтчö жö став қоланаторнас. Мойвиис на, поэö шуны, Латкинлы квартиранас. Öти-кö, выль ыджыд керка «Геофизика» трестыслы буретш эштöдісны, а мöд-кö, эз жö öтдортны сійöс, кызди гöтыра том специалистöс да нöшта вöр-ваын ветлысьöс.

Öти кывйöн кө, тыр-бурöс виччысис Латкин гожöмсö. Но май помын нин тöдлытöг чукöртисны актив, и сёрниыс сэні сöмын сы йылысь и муніс, кутшöма кольччö «Геофизика» трестыс талунъя могъясьсыс, падмöдö Коми республика войвылысь да Ненецкöй округысь нефть-газ корсьöмсö.

Кык вежоныс эз на коль та бöрын, а сейсмпартияыс, став йöзнас и техниканас, вöлі нин тундра пыдйын, Яндо шор дорын, кытчö катісны баржаясөн ытва быгъя на Колва ю кузя. Маршрутсö сетісны тöвся кузяöс, Печоралөн ыджыд чукулыбын пукалысь Раска сиктсайса нюрöдз, матö квайтсö километр веськыда лунвылöсö. А каднас, мөдарö, дзескөдісны: августын нин мед вöлі помалöма маршрутсö.

Торъя полöм Латкинлы нинöмысь эз пыравлы, ичөтсьяныс сійöс гортас быдлаö новлөдісны, и мыйкö вöчöм водзвылын батысь моз сöмын кызöктывліс, а сэсся додзясьліс, кызд шуасны, да эштытöдзыс эз нин лэдзасьлы.

Эз шöйөвош Латкин и сыысь, мый буретш налысь сейсмпартиясö индісны тайö маршрутас, а асьсö сійöс пуктісны начальникөн. Таöдз сійö старшöй инженерөн на ветліс, и көть вич-

мыліс жё быдсяма пёлөс уджыс, но медясё ассыс станциясё и тёдіс: медтыкё уджаліс аппараураыс да взрыв гижёмыс лючки артмис.

Водза начальниксё, Омелинөс, босьтисны «Сыктывкар» пароход вылө, дзоньнас сейсморазведочной экспедицияыслөн гожа базаө. «Сыктывкарыс» пондас сулавны Печора вылын, Раска сиктыс катыдын, да кутны йитөд пыр вешъялысь партиясыскөд, волины налы отсөг вылө ли велөдыны вертолёт. Сэні жё, пароход вылас, нырвывса ыджыд каютаас, лоө и камералкаыс¹.

Омелиныскөд Латкин, воис сы динө арнас институт бөрас да, регыдөн и лөсяліс, медводза лунсяныс, гашкө. Пачыс вөлі оз ломзыы Омелиныслөн, көсий чай шонтыштны да, чискө муыс чукөртөм уль лөп-ёгыс; сэтчө жё и вевся вөлі сійөс пукталөма, кост абу кольөма биыслы ветлыны, та вөсна и оз ыпнит өзтылөм сямөдыс, сөмын чукрасё да трундитө.

Тешкодь лои Латкины татшөм коньорасьомсыс, петалис ывлаө да ратшкис-чегъяліс улыс кос увьяссө матігөгөрсә коз пуяслысь, мөздор тырыс пыртис балокө.

— Вай ме, — шуис Омелины, и сійө дөзмытөг вешйис пач динысь, видзөдан сувтис джодж шөрө.

А чай бөрас Латкин черөн да пилаөн нин петис, пөрөдіс неылысь косымөм коз да тырыс мича пес вөчис, тэчнысө весиг некытчө лои ставсө. Ковмис кузь сёр нюжөдны балөк мышкас, лэбулас, да сэтчө ваявны: кольны зэр улө ли сисьмыны эновтны татшөм мича пессө жалы жө вөлі.

И рыгнас, сійө жө луннас, нөшта өтиторйысь мездіс Латкин Омелинөс. Лөнис ывлаыс, да позис лыйсьыны², а движокыс, коді сетіс сейсмостанцияыслы токсө, некыдз эз босьтчы, эргыштчывліс лөкысь да бөр нюс-несмунлі. Восьтисны капотсө, видзөдлісны двигателы вылас, а сэні кенясьөма нин кулөм номйыс, карбюраторас весиг кутшөмкө ногөн веськалөмаөсь.

Номъясыдлы — налы мый, кытысь кылөны шоныдтө, сэтчө и сюйсьөны, но вермис жө Омелиныс идөраджыкөн лоны, корсюрө көть восьтывлыны капотсө, а не сөмын локны да скөрысь талавны стартер вылас. Гиляліс эськө Латкинлөн кывйыс шуны сылы та йылысь, да вежавидзис на, чөжа ноксис бензинө котөдлөм носөвикнас, кодөс перйис ветьөк туйө.

Ывлаыс эз дыр лөняв, пемдандорыс бара төвзис, но весалөм бөрад пыр и босьтчис движокыс, да удитисны лыйсьынысө.

¹ Камералка — көні медвөйдөр видлалөны шедөдөм материалъяссө.

² Лыйсьыны — вөчны взрыв.

— Лагерын шы ни төв!— медводз кайтис Омелин киас кутан микрофон, и динамикон ыдждодом голосыс сылон шызьодис воровасо.

Иозыс и техникаыс сулалисны торйон, ылынокды пожомо дзибйын, но код тодас, гашко, кодко ветлодло сэн тракторон, а сейсмоприёмникъясыс, кодъясос сюялома профиль кузяла станциясянь отаромодаро, сюся кыйоны муыслысь быд ворзышштлом, и омелинлон тайо олөдомыс инмис сэтчо на, асланыс лагеро.

— Шы — ни — төв!— коставломон нин казтылыс Омелин да юалана видзодлис Латкин выло, код пукалис аппаратура дорын.

— Менам лочки,— вочавидзис Латкин. Сэки Омелин йитчис взрывпунктод, тшөктис Рогачевлы, взрывникысла, лоны дасьон.

— Гөгөрвои тьянос, гөгөрвои!— долыда, кыло, висьтасис Рогачевыс.— Ме дась.

— Сета команда: би!

Некутиом гыпком, дерт, эз кывлы квайтымын километр сайсьыд, коть и тонна мато лои сыркнитома трөтилсо. Сомын станциялон контрольной блок вылас дженьыдик сувтса горд би визьясыс яра оддзисны йоктыны да вурсян машина улысь моз петис ки пидос пасьта магнитной лентаыс.

Идралис сийос Омелин, а Латкин сэк кості кусодис станциясо да косийс ывлао петавны, медым и движоксо кусодны, но Омелин пыр и косодис:

— Энылы тэ, крестьянин, югыд бинас пукуштам.

Паркис, дерт, Латкинылы виччысьтома тадзи нимтомыд, зэлыда чов усьлі одзос дорас да букыша сэссия и видзодлис Омелин выло, а сийо волькалом чужома нин воли, пызан корсис бара чай юны.

Вот татшом сяма ниртчомыс и вовли отлаын уджалічожыс, а зурасьломөдз некор эз волены. Латкин эз виччысьлы кесйодом ни чуйдом, а тайо, дерт, сьолөм вылас пуксис Омелинлы, коді дөзмөма нин воли сеймопартиянас дыр веськодломьыс да лача кутис вылынаджык удж выло, коні оз нин ков сылы помся кыскасыны.

Ерто-о нин пуктис сэссия Латкинос, али сидзи на, гусьон шогаломсьыс, воссис кывийыс Омелинлон, но отчид сийо гажа юрон лекалис готыр вылас, понъясян кывйон весиг нимтис, а борьяпомыс олөдис Латкинос, мед оз на тэрмась готрасьомнас, а то веськалас кутшөмкө кокни руа да олөмтө пузувтас. Латкин, дерт, довкнитис юрнас и жалитис думсьыс Омелинос, а олөдомсо сылысь мато эз на пукты.

Вочасон Омелин кызвын төждсо Латкин выло вожөдис, «көса» нождоны весиг дугдис петавлыны, но трактористьяскөд ачыс на пиньсо кеслис, унджык судтаа матьон на вувзысьлыс на выло. Мөд

пöрийö сöмын накöд жö сэссия и сысьявліс курыд дозтö, довъялан кодөн вольвліс балакас.

Олöма нин йöз, война вылö веськавлöмъяс, вöліны трактористъясыс, и позтöм көкъяс ставныс. Джаджъя морöсаоьс овлöны, сы мында, посни сьöмөн кө, босьтлöны, а вежоныс оз коль, котлопункт вылö нин öшйöны, бара уджйöзөн сөйöны, корзьöм чужöмаоьс сэн нямясьöны.

Эз, дерт, артмыв Латкинлөн накöд сөрниыс. На водзын сійö руймунліс, кыліс асьсö, кызди тай туй вылын куйлысь тöдтöм пон водзын: быттьökö оз эрав тэ вылö, а код тöдас, пурас оз, матöджык кө локтыштан. Сійөн Латкин и нюкырмунліс, ковмыліс кө ветлыны трактористъяс дінас, и тайö бара жö кивыв вöлі Омелиныслы: медся сьökыдыс да мустöмыс, видзöдтö, сы вылö на коли.

А öні Латкины некодлы нин лöк кевмысяна нюкырöсь чужöмтö вöчлыны, аслыс нин ковмас, кыздз кужан-а, вермöдчыны кызкö трактористъясыскöд и сейсмопартиянас дзоньнас веськöдлыны, медтö эськö эз жö мöдысь приказ öшöдны «как не обеспечившего руководство» кивъясөн. Нэмтö сэссия татшöм приказыд кутас öшавны тэ вылын, некытчö вылöджык он и волы удж кузяыд.

Печора карын, көні сейсмопартияыс сөвтчис баржаяс вылö да көні торьялісны Латкин Омелинкöд, кутшöмкö кывтöм сөрни на костын артмыс: сулалісны кыркöтшас да чöв олісны, кодныслöнкö ыджыдджыка ышловзьöмыс и кывліс. И бөрьяпомас сöмын Омелин топöдліс Латкинысь кисö да ышöдана каймöстіс:

— Нинöм, Коля, крестьянин тэ, бур ногөн кө шуны, а крестьяниныд некытчö на абу йөрмылöма. Эн шогав!

— Ог и шогав,— вашмунлі Латкин.

А шогавнысö эськö сылы нöшта на вöлі мыйысь, да он öд сувт да висьтав гуся шогтö.

3

Индустриальной институтас велöдчигөн воддза кык восö Латкины зільныджык ковмис мукöд сертиыс. Сиктса школасыд сійö сэтчö веськаліс да тöдчымöнъя кольччис, торйөн нин физикаысь да английскöй кывйысь. Да и босьтісны сійöс институтас, колö шуны, жаладдза, аскöдыс содтöд сөрни бöрын.

Висьтасис сэки Латкин, мый физическöй кабинетыс налөн школаын сöмын лыддысьсö, а збыль вылас тыртöм кодь, сы вöсна мый физикыс карлань синмөн олö, а англичанкаыс тöv шöрнас на пшйыс, да майöдз некод эз и велöд английскöйсö, майнас нин кутшöмкö

нывбаба воліс да песьштіс найӧс, медым эз визьйӧдлыны ков аттестатъяссӧ.

Мукӧдыс сідз-тадз кывзисны Латкинлысь висьтасьӧмсӧ, а ӧти мужичӧй, Сыктывкарысь кодкӧ, эскӧдана довкӧйдліс юрнас, да тайӧ, тӧдӧмысь, и катовтӧдіс приёмной комиссияыслысь Латкин дор шуӧмсӧ. Аскинас ӧшӧдӧм содтӧдъя приказын сійӧ волі нин босьтӧмаяс лыдын. Но, заводитчис велӧдчӧмыс да, сійӧс ӧдйӧ на нопйӧдісны.

Коймӧд во вылас Латкин пановтіс велӧдчӧмнас асланыс курсысь унджыкӧс, и рытъясыс сьлӧнджык лоисны. Сэки и кутіс пырны синмас быд мичаджык ныв, но волі сёр нин, сыгӧг нин волі найӧс казялӧмаӧсь, а он ӧд мырддысьны кут кутшӧмкӧ зонкӧд, дай и аслыд на мустӧм йӧзыдлысь пиньтуйтӧ курччыны.

Забеднӧйс, дерт, босьтліс жӧ Латкинӧс, мый бара на сійӧ пайкӧма лои, но кызкӧ ӧдйӧ на бурасис, мӧвпыштіс да, мый институтсӧ медводз колӧ зумыда помавны, а гӧтыртӧ ас сертиыс кыскӧ аддзас на, колӧкӧ, ӧткымынӧн институтса нывъясыс каитчыны на пондасны коркӧ, мыйлакӧ пӧ тай тэрмасим сэки йӧйясыд. Но и мед каитчӧны, сідзи налы и колӧ.

Некутшӧм на нылӧс тӧд вылас эз кут Латкин, кор помаліс институтсӧ да локтіс гортас шойччыштны уджавны нин мунӧм водзвылас: август кызьӧд лунӧ сылы колӧ нин волі бӧр воны Ухтаӧ, «Геофизика» трестӧ.

— Сэсся нӧ он на думайт? — юалис ӧти рытӧ мамыс.

— Мый?

— Мыйкӧ тай быдӧн на гӧтрасьлӧмаӧсь да...

— Час, — намыштіс Латкин, быгтьӧ вала ли пєсла мамыс ыстӧ.

— Тан эськӧ эм миян ӧти невеста да... Зэв на и сӧстӧм чужӧм вылас.

— Коді?

— Зоотехник. Вьльӧн на воӧм.

— А сідзсӧ кутшӧмджык?

— Ме кодъ жӧ лясӧ! — серӧктіс мамыс, но нӧӧти эз дойдана.

— А-а, — веськодя ымӧстіс Латкин.

— А мый нӧ, эз нин шогмы?

— Ме нинӧм эг шу.

— Эн тай, эг кывлы, пельтӧм да! — лыбзис мамыс. — Ме тай нӧ шогми батъыдлы, со на кутшӧмӧс тӧнӧ чужті да быдті и?! Лясоыс пӧ тэрыбджык быдлаӧ, пуӧ-вӧчӧ, мый оз вӧч. А сідзи и эм!

— Но, мед пуӧ, — гарыштіс Латкин.

— Мун сэсь! — лӧгасис да вомаліс мамыс, турки-тарки пондіс

шыавны кывтас... Сэсса ылі нин кытшлаліс татшом сёрнисьыд. И нёти письмёын бөрыннас эз дөзмөдчы та боксянь.

Во мысти сөмын, кор отпускё нин Латкин воис да век на өткаён, выльысь бертовтіс сійёс мамыс. Мед эськө уджсё кё чиганалөмөн нимтіс, да кывкөрталіс на сэтчө нюркйөдлөмөн, готрасьнытө пө тадзтө он слөймыв. И эз нин сюр сэки Латкины мездысяна воча кыв, и пыді вужъя мыр моз сьёкыда вөрзьяліс сьёлөмыс.

Отпуск бөрас мыйкө дыра Латкин жөвьяліс на Ухтаын, кольчыліс квалификация кыпөдан курсьяс вылө. оліс «Геофизика» трес-тыслөн общежитиёын. Улыс судтаас сәні вөлі бура ыджыд шойч-чан вежөс, и рыгтьяснас сэтчө чукөртчылісны кодлы абу дыш, мед-сасө, дерт, сэтшөмыс, коді гажтөмаліс выль удждонөдз.

Ляпкыдик сцена вылө сувтөдлісны улөс, улөс вылас пуктыліс-ны радиолә, восстылісны өшиньсө, и гажыс сэсса регыдөн и өкмыліс, воалісны нывьяс, кокниә вөччөм паськөмаөсь, изөймитыштөмаөсь нин көнкө ывлаас виччысьөмысла. Найө өдйө петалісны летйысь-ны гыпкысь музыка улас, а дзерөдөм зоньяс сюртчылісны нин на дінө, и артмыліс кутшөмкө сьөлөм пуктана ворсөм.

Колө, дерт, тані висьтавны бур кыв и Ваня-Ванялы. «По-русски дак, Иван Иванович, а по-нашему, коми дак, то дважды Ваня», — ачыс на коркө кодлыкө тадзикөн шусьылөма юрсө «веськөдөм» бөрын, и өні велалөма нин вөлі татшөм шыасьөм дінас.

Важ диагоналевөй гимнастёрка, куим весья орденскөй колодка-яса да Волховскөй фронтвывса ветеранлөн значока, сійө пукаліс телефона пызан сайын да веськыда синмаліс общежитиёө быд пырысьсө. А вөлі кё видлыштөма, сэки сайөдчыліс шондіысь моз кы пыдөснас ли лыддыны босьтөм книгаөн.

Ваня-Ваня төдіс яндзим, унджыкысьсө сідз лэдзліс нывьясөс. Но вөлі кё сэтшөма нин шоммөма коньөр и нинөм вылө петавны орчча керкаса кафеас, сэки чуктөдліс жө аслыс долыдлунтө.

— Бара?!— гоньгөдчыліс увлань, пыран өдзөс таладорас нин ыдждысь ныв чукөр вылө.

— Мый бара?

— Эг шулы төрыт на?!

— Нинөм эн шулы.

— Некодөс сэсса ывлаысь! Абу тані клуб тиянлы.

— Но, Ваня-Ваня?!— өтвывса каньгөм кывліс сэки.

Та вылө сійө эз на сетчы, бокша пуксьыліс пызан саяс да индөдліс сапөг нырьясө. Кымынкө зон мыччысьлісны недыр мысти шойч-чан вежөсысь да такөдана нюмьөвтлісны нывьяслы. Сэсса кодкө өти здук-мөд кежлө копыртчыліс Ваня-Ваня дінө, и сійө бөр пук-сьыліс веськыда, но водзө гузьмунөм нывьяслы гарыштліс на:

— Зонуловыс понда жё-а. Мед оз юсыны. А эськё...

Бёрыннас, рытсёрнас, кодсюрё зонъяс пиысь ыштылісны колльодны нывъясёс, вёзйылісны та могысь сьомтё Ваня-Ванялы унджыкёс нин, но сійё некор эз босьтлы, зумыдлуно эз воштыв: татчё сійё быттьокё измыліс. А кодкё, наяджык, эз на кё овсьыв, то и тодмышкавны на вермис сэтшёмсё.

Ваня-Ванялөн морттуйыс вёлі вежёртанаон да шмонитёмысь өтдор нинём эз чужтыв. И кор Латкинлысь юалісны, оз-ө сюр сылөн шайт вит, сійё сёмын шпыньмунлі да пырысьтём-пыр жё сетіс. Сэсся минутыс коли ли эз на, шойччан вежёсё пыралісны лэдзём нывъяс, кыпыдось веськалёмсьыныс.

Вёліны на пөвстын и вольтёмъяс на, и видзём вит шайтыс ыштё водзёс бергөдчис сэки Латкинлы да нөшта уна пөвстөн на: сійё төдмасис Ленакөд, гөгрөс бандзибъяса да ортсы нюма нывкөд. Кызнікөн да сёкыд вөрасаон водзджыкёс чайтсис сылы Ленаыс, син увсьыс воштыліс нин, а вөлөмакё зэв на и нюдз да швыркъялысь, лөсялісны йөктіганыс воча да.

Көсйис сэсся Латкин колльодны сійёс, но ныв быдён нормыліс кевмана, тайкё ырөстас, и аслыс нин лөсьыдтём лои Латкинлы, лөсьыдтём сыысь, мый школаын на, буракё, велөдчё Ленаыс да ышмыштё на сёмын гортсьыс вошлөмнас, а сылы эськё пыр сэтчё и көвьясьны.

Но кайис Латкин узьнысё да дыр на йөжгылясис, кывзысис мыйлакё ывла шыясас. Видёмөдз воліс асьсё, мыйла эз юав Ленаыслысь, волас оз аски, а то, гашкё, оз нин и адззыв некытысь. И гөгөрвотём друг лои, мыйла сэтшөма повзис Ленаыс сылөн колльөдөмысь. Аски рытнас Латкинлы ковмис шахматасьны. Сэні жё, шойччан вежөсас. Водза мозыс өти сайын мукөдыскөд тшөтш летйысьны сійёс эз нин кыскы, көть и кывлытём на пластинкаяс пуктыліс, а Лена эз петкөдчыв.

Аскомысь рытнас Латкин нинёмө эз эскы да кафеё ветліс ужнайтнысё, кыкысь фужер тырөн кутшөмкё вина закажитліс, эз и видзөдлы весиг нимсё, донаджык вөснаыс бурджык туйё пуктіс дай, а сэсся выльысь корис. Збыльысь, чөскыд и вёлі винаыс, мавтыштё горшсё. Но оз на быдөнлы, вөлөмкё, и лөсяв: горзёдыны бёрыннас кутіс сыысь Латкинёс. Петіс кафесьыс да сідз довъялыштіс ывла вылас, оз-ө өдйөджык кокнёд.

— А вөйдөрлунъя нывкаыд воліс!— эьтана висьталіс сылы Ваня-Ваня, кор локтіс общежитиеас.

— А-а... э-эз некод колльөд?— мыктальштіс да өдйө сэсся юаліс Латкин.

— Эз, өтнас регыд бөр муніс.

— Гашкө, эз и сійө вөв?
— Эз жө өд, кор кыз мык кодь тупльөс сэтшөм!— чиктыліс
Ваня-Ваня.— Көсьян кө төдны, ме сувтөдлі да юаси на.
— Мый юасин?
— Быдторсө. Но вот ог висьтав водзө нинөм, да сідзи жө олан.
— Колө вөлі, тадзтө кө, дэльөдчыны,— шуис Латкин.
— Оз и ков, да ачыл тай сэн чушгьялан вөй кань моз,— кайтіс
Ваня-Ваня. Сэссия быттьөкө жаляддза вежис думсө.— Мыйкө
уджалө, нефть пуан заводуын, операторөн. Горной техникум бөрын.
Таво на помалөма техникумсө. Мыйкөысь ачыс, Удораысь. А төрыт
рыгтя тшөтш уджалөма, кодкө абу на отпусксыс воөма да. Аски
көсийс на волены.
— Кодлы көсийсис?
— Меным, дерт. Мекөд тані лючки сөрнитіс да. Мыйкө абу кө
тэ прөсуж талун-а?
— Абу,— личаліс Латкин.— Гажтөм босьтіс, да кафеын пу-
калі.
— Көть мед вомкөтшад вайыштін.
— На куим шайта, петав, суан на.
— Ог нин талун,— өдторчис кинас Ваня-Ваня.— А, төдан,
мыйла вөйдөрлун тэныд абу сетчөма кольөднытө? Нарошнө юалі.
— Мыйла нө?
— Гөтыраөн нин чайтөма.
— Менө?!— чуймис Латкин да бөрынтьчис быдөн.
— А мый нө тэ, он мун гөтыра вылас? Нюрсмунөма со чужө-
мыд, нырыд сөмын кольөма.
— Да ме гожөмнас век омөльтчыла, көть кутшөма сөя. Дай,
мөдарө, яйсялоны на гөтыраясид. Мыйкө сійө төдө!
— Чайтөма тай со вот,— кывбертіс Ваня-Ваня.— Абу пө нин
сэтшөм том. Йөктыны кө пө, то дышөдчө, оз мый вермөмсыс, а
синмыс пө ёсь небось.
— Ог өд ныж синма ло, кажитчө кө нылыс,— дорйысис Лат-
кин.— А дышөдчөмтө эськө мед оз шу. Ньөтчыл эг кольы музы-
касыс.
— Пановтлін, сідзкө?
— Эг пановтлы, а сьөкыдджык вөраса и эм, батьө кодь жө
изья кока. А мый сэссия, быть вылө-вылө чеччыштыны, кызди
мукөдыс?
— Но ме сідзи и висьталі,— такөдіс Ваня-Ваня.— Мися,
модаыс нин сьлөн сэтшөм. А сідзсө, мися, гөтыртөм на и инженер
нөшта. Эн, мися, пов нинөмысь да вугырт өдйөджык лешакөс.
— Мед вугыртө,— шешмунлі Латкин.

Тодмалөма лои таджикон мыйсюрө ота-мөд йывсьыныс, медся водз коланасө, да гажтөмджык и артмис медводдза көльөдчөмыс Латкина-Леналон. Дерт, ньоти сөрнитөг эз овны, но быгтбөкө тыртөм ягөд ветлөдлісны, гежөдика на петалөм тшак корсялісны: шыасьлас-ны да бара лөнбөсь, сөмын кок шыныс и кылыштө.

Кежавны кыгчөкө йөз син водзсьыс, саймовтчывны пемыдджыкинө, эз жө вермыны: либө няйт вөлі, кыгчө кодйөма да, либө вуджрасьбны нин ныла-зонма. Тайө нөшта дзерөдіс Латкинөс, кодөс телепит нин босьтіс топөдлыны ас бердас Ленаөс. Сулав эськө сөки да чөв ов, а мый колө, сідз висьталөма лоө кывйысь кывйө.

Общежитиен жө оліс Ленаыс. Гөгөр на югзис керкаыс, а подъездас, посводз кодяс, йөршитчис төдөмөн вөчөм пемыд. Шөпкөдчөмыс и пыльсьялөмыс кывліс сэтөн, но, майбыр, эз нин ков родны мыйыськө, и думсьыс каитчыштөм бөрын, мыйла эз водзджык локны татчө, Латкин небыдика зырөдіс Ленаөс некодтөм на маті пельөслань. Майкыд юрсисө сылысь малалігтырйи окаліс сьөлөм пөттөдзис.

Вежон мысти, кор Латкинлы колө нин вөлі лэбзыны сейсмпартияас, найө ветлісны загсө да колісны шыөдчөм. Гөтрасян лунсө налы урчитісны ноябр квайтөд лунө, буретш праздник водзвылын. Сетісны печата талон, код серти позис ньобасьны гозйөдчысьяслы салоньн.

Тайө талоныс и имитіс тшөтш сэсья Ваня-Ванялы: сійө лэдзис Латкинлы кольөдлыны вой кежас Ленаөс.

Дерт, ныв пыкис на таысь, бара коркөя мозыс нормыліс, но Латкин веніс сійөс чорыда кывъясьөмөн, мый лэбзьө нин аски асывнас да дыр оз адзыв, и бурджык, төдны кө кутас, мый өні сылөн нин Ленаыс, а загсыд некыгчө оз пышйы дай абу сійө шлавө кутшөмкө.

Ноябр квайтөд лунө, коръя вөлі и урчитөма, найө сэсья гижсисны, а выль во кежлө налы вичмөдісны квартира. Ов да эн шогав нинөмысь, сэтшөм регыдөн инө-артө шедіс Латкинлы тайө кык ыджыдторйыс. Колис сөмын енмыслысь нин виччысьны, кодөс-мый сетас налы, гозъялы, чукйөна водзө олөм вылас.

Но Енмыс мыйлакө эз тэрмась, и локтан тулысыс ни гожөмыс эз на вежсьөдны Ленаөс. Гашкө нө, шаньмыштіс нөшта ставнас вывтырнас да ичмоньлөн мыгөраджык лои, тшөтш и төдчышта-наджык кынөм гөгрөса.

Тайө, тыдалө, и пөрийөдіс энькасө, Латкинлысь мамсө, кор воисны сы дінө отпусканьисө. Азь гум вөлі сійө кыськө вотөма да торья сөян сэтысь лөсьөдөма. И шуис пызан саяныс:

— Видлы, ноко, Ленук, видлы! Од номсаян жө нин, буракө?

— Ме-й ог, — мыжапырысь вочавидзис монъыс.

Шай-паймунлі таысь энькаыс да век на эскытöма чöвтліс синсö
Лена вылö:

— Мися, гашкö, новлöдлан нин кодöскö?

— Ме-й ог на.

Шогöдан чöв пуксис та бöрын да нюжаліс на эськö, эз кö шы-
ась сэтчö сёлöм сетана айкаыс, Латкинлөн батыыс:

— Лоö на кодкö! Дзоньвидза йöзлөн!

— Лотöг оз ов! — сюртчис öдйö энькаыс. — Час, благöслöвита
сöмын-а, — пернапасалис монъсö да писö. Юрбитлöм таöдз эз ка-
зьялы Латкин мамыслысь, а оз тай, вөлöм, ков тшöктöм-велöдöм.

Мичаалис гожöмыс. Эз пöж, а оняліс лунъяснас, шоныд зэрөн
пыйыштавалис вой улас. Майбыр вöлі отпусканьытö том гозъялы,
нöшта нин сы вöсна, мый тшак да вотöс сюралис матгöгөр вöрсьыс.
И Лена горшмыліс быдөн вотчöм вылас, видліс на верөссö,
нбöжйöджык кö содліс сылөн чöдйыс.

А сэся быттöкö ородісны. Дышöдіс Леналы вотчынысö, ве-
ситö вадорö гожъявны сійöс эз кыскы, кутіс нуöдчыны бөр öдйöджык
Ухтаö. Кывзыйсьны ковмис Латкинлы, аддзö нин, длькъялан сёлöма
гöтырыс да.

Ухтаас нин Лена висътасис, кызди сералöмаöсь сы вылын сель-
по лавкаын. Нбöбасьö вөлöм, а бөрвылас, кылö, килькъялöны
кутшöмкö нывбабаяс, ыштöкö ас костаныс сöмын.

— Ён баба, вердаса, — шуöма öти.

— Абу на пö и сьöкыд, — пыр и мöд кодкö шыасьö.

— А вывті вердасаыд öд озджык тай и тырсяв, ялавичтö кöть
босьтам, — содтöма сэтчö коймöд.

Коліс, гашкö, нөрöвитлыны сэки Латкинлы, медым кызкö ачыс
лөнис гöтырыс, дугдіс сьöмдавны сиктса нывбабаяс вылö лöгалöм-
сьыс, и сылөн биöс моз лöдсалöм артмис, шусис да, мый йöзыдлысь
вомтö этша тупкан дай абу быть пыдди пуктыны быд сөрöмсö.

— Либö-й тэ гөгөр мыжаыс! — чүшкыльтчис Лена.

— Ме!?! — виччысьтöмысла Латкинлөн дорйысяна лыбавлісны
киясыс.

— А коді-й нö, тöлысьясөн кö он овлы?

— Ог öд веж уджсö.

— Либö-й эн личöдчыв мед, кор вöлі колö!

Парскытöг эз ов Латкинлы тадзтö бергöдöмид, муртса эз кучкы
скөрвывсьыс гöтырыслы, да падмис сылөн нбöти повтöм суетса
синъяс водзын, мисьтöма сöмын и ёрчыштис. Петіс сэся балкон
вылас да дыр сәні сулаліс, нбөтчыд эз бергöдчыв гöтырыслөн шардлöм
вылö.

Кор пырис вежӱсас, Ленаыс узис нин (ли узьӱм улӱ лӱдз-чысьӱма вӱлӱ), но эз крӱвать вылас, а стен бердӱ сувтӱдӱм нӱль улӱс вылын; он, буракӱ, пальӱдлы да бурась, ни тӱрӱдчы сы дӱнӱ.

Кыдзкӱ эз жӱ вӱв лӱсьыд Латкины нӱжӱдчыны тыртӱм крӱвать вылас, и сӱйӱ вольсалӱс аслыс джоджӱ.

Аскинас Лена эз дугды чушгьялӱмсьыс, а удж вылӱ петны не-коднанныслы эз на ков, и эштӱлысны гозгья кузь лунтырнад дузгьяв-ны ӱта-мӱдныс вылӱ. Торӱӱн весигтӱ сӱйисны: Латкин аслыс кос тшакысь шыд пуис, а гӱтырыс вареннӱӱа чай вылын олӱс.

И локтан лунгьясыс эз на усыпаньвыв пуксьӱдны Ленаӱс. Шемӱс босьтӱс Латкинӱс, мый татшӱм дыр вермӱ ловгья морт чорыдасны, и телепит лои воштысьлыны кытчӱкӱ. Позис на вежоныс дырджык кежлӱ выльысь ветлыны гортас, но кӱдзӱдӱс табысь лоана юасьӱмыс, кӱтгтӱ и ай-мамыслӱн: мыйкӱ тай бӱр да ӱтнад?

Сейсмпартияыс, а стӱчджыка кӱ шуны, кымынкӱ морт да кольӱм техникаыс, сулалӱс Раска сикт дорын. Тӱвнас сӱтӱ «лыйлӱсны» ры-тылӱ-асылӱ, казаялӱсны му пыдӱссьыс лыбӱм, но уджыс помавтӱм на лои, сы вӱсна мый таялӱс гожӱмыс.

Сӱтчӱ и шуис уйковтлыны Латкин: чери вугральштас Печора юсьыс, пицальӱн довгьяльштас гыяс пӱлӱныс, и юр сюянӱныс дась — станциясылӱн балокыс. Колялас кадсӱ отпуск помӱдзӱс, а сӱсся бӱр на петалас Ухтаӱ да кызвын йӱзыскӱд нин удж вылӱ локтас. Сӱк кежлӱ Ленабыслӱн, дерт, пакталас нин чушгьялӱмыс.

Но мунӱс сӱки Латкин (Печора карӱдз поездӱн, сӱгысянь Раска сиктӱдзӱс «Заряӱн») да октябрь помын сӱмын, ыштӱ празникав-ны, петӱс Ухтаӱ. Висгталӱс гӱтырыслы, мый ковмис регулируйтны станциясӱ, коляс отпусксӱ сы вылӱ видзны, а бӱрыннас уджыс понда нин эз мынлы, ӱнӱдз со вот.

Гажыс Леналӱн бырӱма жӱ нин вӱлӱ да матӱ и пуктӱс верӱсыс-лысь висгталӱмсӱ, чӱсмасис сылы вайӱм гӱснечӱн — буретша солалӱм да сыла небыд яя печораса чериӱн. И, дерт, эз нин торӱӱн водны сӱсся гозгья.

А Енмыс, тыдалӱ, абу жӱ кедзвгтӱма найӱс тайӱ пӱрӱӱ, и выль во дырйи Лена каймӱстӱс, мый нӱбасьӱ. Арталӱсны да, коркӱ июнь помас налӱн кодкӱ нин лӱӱ. Сӱйӱн и ӱдӱӱ воисны ӱти кывӱӱ, мый каганыс чужӱм бӱрын быть олыштасны сиктын, Латкинлӱн ай-мам дӱнын, йӱла сӱян вылын. Паныда кыв Леналӱн эз нин петав, бара жӱ сӱтчӱ нуӱдан ли, мый ли.

И вот со кыдзи гугасис налӱн колӱм-чайтӱмыс: ӱтигыслы тунд-раӱ туйыс, а мӱдыслы некытчӱ, Ухтаӱ сӱйӱ кольӱ дай ыджыд сьӱкыдӱн.

— Вомыд абу-й шуныгӱ! — бӱрдана дӱжньштӱс Лена.

— Мый шуны? Кодлы?
— Кодлы-й колө-й! Ог, шу, мун — и-й ставыс!
— Приказ нин, мися, ошалө, начальникө на пунктөмаось,— га-
рыштис Латкин.— Оз кутны сэн бөрнясьны!
— А ме-й отнам тани?!
— Ньоти он ло отнад. Вольвыны кутасны. Став бабаыс
дасьось, кодьяс трестас тан уджалоны.
— Но, мун, туксей, мун!
— Кутшөм туксей?
— Сэтшөм жө-й,— эз висьтав Лена.— Коркө-й... асьтө-й...
сап жө ог видзөдлы, көтъя-й кувны кутан.
— Эн,— нурбыльтис Латкин.

Босьттөг сийэ эз ов вежорас, кутшөм полана да нөшта и забеднө
Ленаыслы кольччыны өни сытөг, но ветлыны да вежөдны приказсө,
кызмырдөн отпуск керны, эз жө нин ышты: татшөмтортө сылысь,
зэв зэлыд кадад бөжтө петкөдлөмтө, некөр жө эз вунөдны.

И кызди тай мукод пуыс оз-оз дай дзуркнитлө төладжык лунө,
сидзи жө кузяла дзугльөдліс туяс Латкинөс, кытчөдз эз воны Колва
йылө, Яндо шор вомө, да ректысьны заводитны ляк баддьөсь
дорөсас. Вунөдліс сэки Латкин, мый көнкө гөтыр эм сылөн да
доршасьө коньөрлөн синваыс.

Сэссия өти баржа вылысь шкиперлөн гөтырыс бара на кокньөд
вайыштис сылы. Съөд утка кельөб дизьгысис-пуксис Колва шөрас,
да нывбабалөн пыр и шусис сэтчө:

— Туксейыс!
— Съөд уткаыс али мый?— юалис Латкин.
— Нө-ө!— нюркнитис нывбаба.— Тэ көйдөсь жө!— серөктис
гылыда.

— Мыйөнкө?
— Пемыд тошкыд петө.
— А-а,— бытгьөкө личавліс да морөс тырнас лольштис та
бөрын Латкин. Нимкодь воліс, мый абу на зывөктана нимтөма
сийөс Ленаыс.

4

Нюжөдісны медводдза «көса». Кык паськыд съөд визь колис
вездеходыс чепөсийөм вежөда мылькьяс вылас, варкөдіс ляк бадьсө
да сэтшөм жө чукальөсь чалля шлавгысьөм кыздэсө сөнікөсь лымья
на лайдаясас.

Көнсюрө шонді паныдас, гөптасьөм ва дорөсас, сука быдмис

гөнаур, джуджыд заа да сувтса еджыд синлысьяса повтөм дзоридз. Весът кыкөн мусьыс вылын сярвидзөмөн сійө быттёо ышнясьышгис тундраса мукөд быдмөгыс водзын, кызди тай зонпосни шыалоны, кытчөкө кавшасясны да.

Вөрзбөдлытөм на, мортөн гежмавлытөм, вөлі тундраыс, и жалъ вөлі дойдавны сійөс, нөшта нин сы вөсна, мый ки вомлөс кыза и кульыштчис нэмөвөйся мусиныс, а увсьыс рудов кын сөй жеркавліс. И быттёокө ваө сунгысьыліс Латкин да зэлөдліс ловсө, кор Кузовкин веськыда нуөдліс вездеходсө гөнаур дзу вылө.

Быть чөв олөмысла — өд ачыс сетіс Кузовкиныслы нырвизьсө — Латкинөс сэсяя посни сырмөдліс. Торшөдлана мөвп вочасөн шымыртис сійөс, мый йөйталөм тайө, абу кө лөкджыктор на, гожөмнад тундратө жугөдлөмыд. Быттёокө төлыс оз нин вольты! Бергөдчыны эськө да сідзи и висьтавны рыгыя рапорт дырйиыс!

Но ыштыны та вылө Латкин, дерт, эз вермы. И нбөти эз сы понда, мый сьөлөмыс эзджык тырмы, а мөдарсянь мөвпыштгис да, мый надурнө вылө сейсмпартиясө татчө эз жө мөдөдны, эм на, төдөмысь, и государствоыслөн өдйөа коланлун, весьшөрө али мый, сідзтө кө, чукөртлісны активсө?

Водзджыксө Латкин эз лэчыв вездеходлөн кузовсьыс. Тамара Рогачева пыдди сійө лэдзалис сьөкыд кабельсө, мыгчаліс снаряд кодъ сейсмприёмникьяссө. Тамараыслы вөзйис кокныдджык удж.

Неыджыд бензомоторсянь бергалысь шнекөн писькөдлісны метр кык пыднаө кынйирсө да гуавлісны сэтчө сейсмприёмниксө, ортсө кольлісны сөмын бөр перьян трос помсө да нөшта кыка провод, кодөс коліс йитны кабельскөд, сы пытшкөсса колана каналкөд, а сэсяя төбны йитвежсө изолентаөн.

Тайө йитлысян-төбсян уджсө и вөзйис Латкин Тамара Рогачевалы, и мөдыс сөмын ыкмуналіс сылы воча топыд вомөн, муртса тай лыбавліс жө өтар бандзибыс гуся нимкоддьысла.

Но бөрынджык Латкин казяліс, мый Тамараыс оз тэрмась, ыштө весиг төдөмөн на ножмасьө. Ставөн нин виччысьөны, кор сылөн эштас да поэбө водзө вештыны, а сійө ноксьө сэн, и ыджыд кос-таось да чукальсь чуньясыс быттёокө изөймитөмаось.

— Манитан! — горөдсис сэсяя Латкинлөн. Эз видана, а лабутнөя.

— Со на шондіыс, — дэльөдана вочавидзис Тамара да жуыгөдчис чатөра юрөн. — Колө жө коркө гожьялыштнысө.

— Бөрти, бөрти. Колям өтнадтө, да коть кушөдз пөрччысь.

— Дыш меным өтнамыдлы.

— Но, Тамара?! — шеныштчыліс Латкин да чеччыштгис везде-

ходлөн кузовсьыс паръялём, ляти кодъ лоём мусин вылас. — Ноко, вайлы! — корис изолента гөрддзымсө.

Тамара пыльсмуни, сы вöсна мый чечыштёмсьыс пычмунём ныйт ваис резыштчис Латкинлы чужомөдзыс. Сэсса бытгөкө кийсы кио и кöсийс сетны изолента гөрддзымсө, но бөртя здукас чургөдлис гырддзасө да мышкөнджык лөсьөдчис, и кор Латкин доровтчыштис сылань өдөбвывсьыс, йөткыштис сийөс бокнас:

— Мун эськө!

Ышмөм туйө и пуктисны тайөс мукөдыс, торъя ызмунлөм эз и кывлы, нөшта нин уджалгад. А Латкинлысь чөсөдлис горшсө. Чөмрасян синма на, бытгөкө тшынысь, сийө лэптыштис мусьыс кабельсө да нускыштис:

— На, со. Кутьшта, колөкө.

— Эз на өд коскө суй, — серөктис Тамара. Сөмын эз нин кут нюжмасьны, ворсана өдийө вөчис асьсыс уджсө.

Вөрзисны водзө. Латкин кайлис вездеходлөн кузовө да, кор сувтисны, бара лэччылис Тамаралы отсөг вылө. И кузяла сэсса тадзи, кытчөдз эз эшты «көса» нюжөдөмыс.

...Эз вөв Латкин нөти гректөмөн Тамара водзас. Йөйтөдлис сийөс коньөрөс кольөм во арнас Раска сиктын, кытчө воштысьлис гөтырыскөд зыкалөм бөрын.

Помалөма Сыктывкарын культпросветучилище, да сиктса клубас уджавны вөли ыстөмаөсь Тамарасө. Воөмөн тшөтш босьтчөма петкөдлыны асьсө, быд рыт мыйкө котыртө. Видзөдан да, бара нин выль юөртөм ошалө сельпо лавкалөн өдзөсас.

«Нинөм нин сылы клубсьыс корсьны», — тадзикөн өлөдлис асьсө Латкин да колявлис рытсөрсө онялысь көрт пач дорын, горзөдлана сыла юква бөрын сэтөра чайөн горшсө веськөдигмоз. Кор вижөдана поводдя сулалис, рыгтя кыаа да асья пужъя, и шедис чериыс вугыр шатбөн көть подольникөн.

Но сэсса зэрласьны пондис, өти лун асывсьяньыс өддзис да лунтыр шливгис, и Латкинлөн узьсис сийө луннас. Рытнас, дась пемдытөдзыс, кöсийс довзөдлыны пицальбөн, да дышыс босьтис лысвасө көвтны: төдана нин тыясыс, кодъясөс таөдз кытшовтавлис, ставныс вөлины сук баддя дорөсаөсь, а видлы өни суйсьывны кытчөкө, пыр и сулик ва лоан.

Пукальштис Латкин балок өшинь водзын, пызан дорыш вылө морөснас өшөдчөмөн, и шуис ветлыны клубө. Локтис, а сәни зык муно. Тамаралы, клубөн веськөдлысьлы, колө репетиция нуөдны, а киномеханикыс, сылы нинөм висьтавтөг, кино юөртөма. И йөзыс өтарө-мөдарө шуасьоны, виччысьоны, код дорыс венас.

— Эг ме ва сайын вөв!— ыджыдаліс Тамара.— А дыш тэныд коктө песьыштны! Мун, эн йөйтөдлы сэн менө.

— Да, муртса на, мися, вайисны лентасө. Сувтліс тай водомёт-каыс.

— А муртса кө, и аски рыт петкөдлан.

— Аски меным бөр нин колө сетны лентасө. Миян график, пөнимагтан кө.

— Миян график жө.

— А народыс кино требуйтө. Тем более военнөй тайө!— ас дорыс ышөдана кайтис киномеханик да мыйлакө сувтліс синнас Латкин вылө, гашкө нө, пыдди пуктис сылысь штормовка-паськөмсө да сапөгъяссө, эскөмөн, мый тайөтө, дерт, кино понда нин локтис.

— Кымын серия?— юалис Латкин.

— Öти, час пятнадцать всегоыс.

— Но, видзөдам.

— А-а... тэ эськө абу татысь!— кань моз пөлыня юрөн чувш-мунлі Тамара.— Тошкөн нин тырөмыд, яндзимыд абу, а шыасны тшөтш колө!

Вөлі эськө Латкинлөн нопъяс бритваыс, да өтчид на и босьтліс сийөс, воис татчө да сөсся эновтчис Ухтаө бөр вөрзыөтөдз: сэки нин томмөдчас. И регыд на лэдзөмысла тошкыс зарсвидзис на сөмын, чуткасис кималас улас, өнджыкасө дурклуна на и висьталіс, төдөмысь, воча видзөдлысьыдлы.

— А гашкө, ме быдта?— наяна вочавидзис Латкин.— И кино видзөдны жө локтi, а эг...— и лог-легвөчис пельпомъяснас.

— Но вот,— лыбзис киномеханик,— а зыксьыны сылы колө,— шеньштчыліс Тамаралань.

— И кута, он кө дугды менө торкавны,— шуис Тамара да чукырзөмөдз топөдліс вом доръяссө. Но сөсся тіркнитис кияснас да пырис сценабокса вежөсө. Кымынкө ныв вөтчисны сы бөрся.

Бөрыннас, киносө видзөдігөн, Латкин кывліс сэтысь баянөн ворсөм да йөктышталөмысь зымкнитавлөм. Кодкө нывбаба шуис, кылө, весиг залас дөзмөмылысь:

— Ок, вед руа Тмаркоыс! Войөдла кө эськө!

Эз вөв дзерөдана киноыс, да Латкин вуграсигөн моз и пукаліс, кор тай некод оз дэбөд: таб вылө моз чөвтлас синсө экран вылө да бара зуньмунлас; помасьөмсө нин и виччысис. Гызьмунөм йөзыскөд сөсся тшөтш петис ывлаө. Но эз на мунсы шор саяс, көні өтка би и тыдаліс сейсмопартияса стөрөжлөн. Картиасьны кө оз пуксысь ськөд, мый и кугас вөчны? А колөкө, код стөрөжыс и пондас морөсад кутчысьөмөн өгиторсө кузяла дөжнавны? Ёна колө!

Ыркалыштис Латкин сулалөмысьыс да бөр на пырис клубө. Сэні

Тамара репетируйтис нин нывъяскөд кутшөмкө танец. Сьөрсьөн-бөрсьөн ветлісны нывъясыс да вотчөм петкөдлісны, лөсьыда нюкыльтчывлісны да бөр веськөдчывлісны, сизьдыштавлісны отила-ынджык да водзө кытшовсө нуөдлісны, и сәки тэрыба лайкъялісны, быттьөкө шор вомөн векни пос вывтi вуджалісны.

Кыткө-мыйкө ээджык кө артмыв нывъяслөн, Тамара пыр и энөвтліс баянсө орчча улөс вылө да вомнас ворсигтырйи петкөдліс, кызди колө. И сэтшөм нюдзөн, ки улө шедөдчытөмөн видзөдсис сійө! Да и пасьтасьөма вөлі мукөд нывъясыс моз изьваса ног жө: дзирдалан юрною, быгөртөм вөсни коска ковтаа, кузь сыръя чышьяна, кок улөдзыс да паськыда шывъялан юбкаа.

«Босыт да вот кут аслыд вылө, сэсса пышйөд кытчөкө!» — мөвпыштсис быдөн Латкинлөн. И дыр на, гашкө, нюмтырасис гусьөнникөн, да Тамара казалис сійөс сцена вывсянь и быттьөкө сутшиктыліс сійө здукас. Кокньыдика чеччыштис залө да тюрөдіс-локтис Латкин дінө, мукөд пукалысьсө ыштө эз и аддзы.

— А мый эськө тэсө таныс?

— Сідз, видзөдлыны пыри.

— Видзөдін нин тэ ассыд пай, часысь дырджык миянөс манитін. Мед вөлі петөма!

— Но, пета, — чеччис Латкин. — ог и төдмась, тадзтө кө, — шмонитыштис на дзерөдана.

— Ой! — бөрынтьчигтырйи нерыштис Тамара.

Кыкис на эськө Латкинөс бөр пуксыны, но веськодпырысьбөн, неуна весиг довкьялігтыр, петіс клубысь, босьтис төд вылас да, мый тадзсө, төдөмысь, паркасджык Тамараыслы, эз на кө кутшөмкө зон вылө сэтшөма ышты.

Аскинас бара на зэрласис, но эз нин пушкы төлыс, и лунсө коллялігмоз Латкин довгис вуграсьнысө дебаркадер вылө, кодi сулаліс сикт горулас. Шедас ли оз чериыс, торъя лача эз и кут, сы пыдди мөд лача чөжис, гусьөнникөс: оз-ө лэччыв Тамараыс теплоход дорө ли сідз ва дорас олыштны, өд оз жө вермы лунтыр көнкө пукавны.

Эз вөв өна джуджыд ваыс дебаркадер улын, и посни чери сөмын сәні бергаліс, медсясө вирсин кельчи да нэр сын. И, дерт, гежөдыс нин, вывтi горшыс ли, мый ли, өшйыліс Латкинлөн сизимөд номера вугыръяс йылө. А нидзувсө яндысьтөма джыбөдісны.

Но мөдлаө Латкины эз мунсы. Шыр кыйбодысь кань моз куткырасис дебаркадер бөжын да кыйкнитавліс кыр йывлань. И быдөн пөсьмунлі, кор аддзис кык нылөс, горув посниа да тэрыба тувччалысьсө: отиыс вөлі почта новлөдлысь, а мөдыс — Тамара.

Печора карысь кывтысь теплоходыс мыйлакө сөрмөдчис, эз на

кыв ни тыдав, да нывъяслы, кылö, дышöдiс дебаркадер вылын öти-
лаын варгынысö, найö кутисны ветлöдлыны гөгöрыс. Водзд-
жыксö кыгшовтисны нырöдыс, а сэссия тотшсьöдiсны и бöжланьыс,
Латкин дiнö.

— Абу тай дыш,— эльтана шыасис Тамара.

— А мый нö таянлы, горт олöм оз тöдны-а,— вочавидзис почта
новлöдлысь.

— Вола пестö поткöдлыны,— бергöдчис да шуис Латкин, кодi
таöдз мышка на вöли.

— Миян важöн нин чипасын.

— А мый нö эськö колö вöчны?

— Нинöм оз.

— Сiдзкö тай, верöс сайын нин?

— Тэнö öд ог виччысь.

— А кодi нö менö виччысьö?

— Корсь!— лывкнитiс почта новлöдлысь.

— Кыгыськö? Волi со клубаныд, да вöтiсны-а.

— Тэ кино видзöдны волiн, а эн...— öлöдана лэптылис кисö
Тамара.

— И тöдмасыны тшöтш кодкöдкö.

— О-ой!— öтшöтш эскытöма ымöстiсны кыкнан нылыс.

— А мый нö, нэмöс öтнамала?

— Колöкö-й!— пыльсмулi почта новлöдлысь.

— Да гöтыра нин... сё во!— дöжнитышгiс Тамара.— Сьöкыд-ö
нö кывтö песьштны?! Лок!— пондiс нуöдчыны.

— Сэссия эськö йöйтавны татчö локтi?— лэптылис Латкин
вугыр шатинсö, кодöс кыскалис кадсö видзöм вылö.— Лэдзис эськö
кодкö, вöли кö быттьö?

— Мыйла нö эськö локтiн?— косышгiс Тамара.

— Йöйтавны и локтi, дышöдiс нин отпуславны да. Но регыд...

— Мый регыд?

— Воаласны регыд да уджавны босьтчам.

Латкин казялис, кызди Тамара лигышмулi, быттьöкö кызöктöд-
ны сiйöс кöсйылис, да венны ковмис, ышловзъыны таысь бöрыннас.

— А нинöм оз и шед?— юалис сэссия Тамара пыдди пуктана.

— Мыйла оз шед, кыйны кö?! Да посни-а.

— А, ноко, ме видла?

— Видлы,— мыччис Латкин шатинсö.— Час, вежа сöмын
вугырсö-а.

— Тамаркоыс!— повзöдiс сэки горöдöмнас почта новлöд-
лысь.

— А мый меыс?— шöйöвошлi да дузгысис Тамара.

- Садьтö тöд!
- Эг на öд вошты.
- Либö и мунам.
- Мун. Кылö нин со теплоходыд.

Почта новлöдлысь дувмунли да лёкаддза зымöдiс дебаркадер пöлөн. Латкин вежис вугырcö ичöтджык вылö, самалис сэтчö нидзув бöж да тшöктiс Тамаралы чöвтны, сэсся нимкодя гарыштiс:

- Мися, гашкö, виччысян кодöскö.
- Ме ог. Ме содтöд музлитература велöдли, да ыгiсны кö, мися, татысь и босьта,— висьталiс Тамара.
- А öни кыдзи?— вашмунли Латкин.
- Почта вылас пырала,— воча нюмдылис Тамара.

Чериыс дэбöдчис, лэдзанмозыс тög-тигвöчлис табсö, и колi на эськö здук виччысьлыны, кыскыштнысö сетны, а Тамараöс телепитыс пановтлiс быд пöрйö, сийö нетшыштлiс шатинсö, и чериыс, дерт, мынласис. Ковмис Латкинлы тшöтш кутчысявлыны шатинас, видзны Тамараöс тэрмасьомсьыс, и кельчи бöрся кельчи сэки пондiс шедны, ставыс öткодь, вьсьт кузя кымын.

Рыгъявылöдзыс найö вуграсисны, бура уна лэпталiсны. Тамара весиг эз гарыштлы, мый мунны нин эськö сылы колö, а Латкин, дерт, чöv öлис жö та кузя. Выя нянь да термосын чай вöли Латкинлөн, вöзйис сийö Тамаралы нуръясьыштны, и мöдыс ньöти эз родыштыл, кöть нин кидöс вылас, абу пö лöсьыд ли оз пö ков.

Мустöм мöвп, сьölöмсö гирсийöдлана, волiс Латкинлы, мый ыджыд вöлök вуджöм морт нин, гашкö, Тамараыс и оз на öни сiдзи ышмы, нöшта нин полыштысь да сибöдчысь нывка моз, а асьсö на сийöс, Латкинöс, горша босьтысь ёкышöс моз вугралö, и он кут мынны бöрыннас.

— Тырмас кö-а?— дыр падъялис да шуис сэсся Латкин, кöть и босьтис на чериыс.

— Ой, да но!— зэв на и збыльысь кватитчис Тамара, а некутшöма эз сайöд вылö.— Некор на эг вуграсьлы, а ставсö, вöлөмкö, вунöдлан. Сэтшöма киясöй мудзисны. Ог тöд, кыдзи ворсны кута рыгнас,— серöктiс гылыда.— Но, аттьö!

— А тайöс?— лыбöдiс Латкин чери тыра пöлиэтиленöвöй мешöксö. Сылы бөр нин сьölөм вылас пуксьыштiс Тамараыс.— Катöд! Менам öд кыйöма нин, и бара на шедас.

— Ог, ме öд тан пöрысь гозъя ордын ола да аддзывла черитö. Но, мöдысьöдз!— кыдзкö кусыня копыртчылис Тамара, быгтьöкö сцена вывсянь, да öдийпырысь и мунiс.

Шöйёвошöма коли Латкин дебаркадер бöжö, дышеника чукöртчис да, мый да, и локтис сэсся пемдандорыс аслас балокö, да кыиыс

дыр на некытчö эз сибавлы, весиг сись öзтыны. Ылöсac Тамаралөн шуöмыс — «мöдысьöдзтö» поэбö уна ног вежöртны — чайтсис öнi, омöлтöдiс на сийöс да та вöсна нöшта нин дэльöдiс.

Асьсö торшöдлiс Латкин, мыйла ачыс эз шу мыйкö туйдöдчана, кöть нин юав нарöшнö, эм абу мыйкö талун клубас, и гөгөрвоана эськö лон Тамараыслы, мый мöдысьöдзид абу нин и ылын, а бöрти рыг помöдзыс сöмын, кор сийö эштöдчас удж вылас. И, тöдöмысь, ясыдджык воча кыв эськö сетiс.

Сэссия мöдарö пондiс Латкин асьсö торшöдлыны, мый нинöмла вöли сылы вильсъявны Тамараланьыс да нöшта гөтыртöмөн на висьтасыны. Дерт, ва шöрын гыбалысь чери кодь Тамараыс, кодсө вежид петö кыйны эськö кызкö, да öд олöмыд абу вуграсьöм, он кут сэтчö и татчö чöвтасыны. А мый нö, босьтас да торийдчас гөтырыскöд, некод на со весиг абу налөн, гозъялөн, быдмысь ни чужысь, да некутшöм бöж оз на и коль, а квартираыд веськодь, квартиратö бара коркö сетасы, асьтö кö удж вылад петкöдлан,— мый нö збыльысь та вылö мунас?

Веськыда кö, мөвпыштiс Латкин, лöсялiс сы шöрö Ленаыс да буретш сэтшöм здукö, кор мамыслөн шуасьöмысь бертовыштчöма вöли сылөн сьолöмыс, а водзджык кö таöдз аддзис кыськö Ленасö, то эз на, колöкö, и ышты тöдмасыны ни нинöм. Эз тай со и кывлы сэтшöм колöмсö, кодi шымыртлiс сийöс клубын Тамара вылö видзöдöмысь,— кутны да пышйöдны аслыд вылö. А абу омöй нö тайö и муслуныс, овлö кö быгтьö збыль вылас?

И сьöкыд оласа Ленаыс, мый дыра со, вöлөмкö, вермö дузъявны. Да нöшта водзöс косöдана, кык пöв дойдана сылөн дузъялöмыс. Медтыкö сылы гөгөр лючки вöли, а овлö на сiдзсö олöмас? Сэтчö жö и уджыс Латкинлөн сэтшöм, кызвын кадсö ылын гортсыс, локтас да, пöрöс висьöм моз на вöдитö пытшкöс мудзыс, дыш на и кутыштлыны гөтырсö.

А Ленаыслы гөгөрвотöм тайö, ыштö нинöмысь на вöли лешмынысö сылы. А он нö лешмы, кор, шуам, «луйсьыны» колö, а тöлыс пугрöдлö, вежон чöж кодарсянькö пушкö, и вошласыны быдөн мöдлан лөнъыштлöмсö лун и вой кыйдöмысь.

А гашкö, татшöм гөтыр и колö сылы, сьöкыд оласа? Вектö кыськö верöстö виччысыны оз на быдөн тырмы. Со тай, кывзан да, кымынлөн нин, кодi сейсморазведкаын ветлö, дзугсьöма гозъя олöмыс. Весиг со Омелин, партияса начальникыс, висьтасылiс, мый абу надеяыс гөтыр вылас. Сiдзтö кö, Ленаыс сылөн, Латкинлөн, та туйдöд зэв на и эскана, и бурджык нин сылы öти ордымöд ветлыны. А Тамараыс... код тöдас на, кутшöм сийö, гашкö на, жбыркъялыс кутшöмкö, и мед кодлы колö веськалö, абу жаль.

Такөдіс тадзи асьсө Латкин да ытйысьны пондіс, пач ломтіс да пызан корсис, пуксис нуръясьны. Гырыся зэр сярөбтіс сәки балок өшинаяс, мыйкө сук вөр кодьос артмөдісны тювмунөм ва визьөбъясыс, и курзьөдана гажтөм друг шымыртіс таысь Латкинөс, быттө и збыльысь сійө вөрө йөрмис да некод оз и төд, а коді төдө, сылы веськодь дай. Лөгыс петіс та бөрын Латкинлөн гөтыр вылас, лөкпоз вылө, код вөсна дзык и жөвьялө өні сійө тані. И бара визмунлі вежөрас Тамара, кызди тай ва веркөсөд төвру. Эз нин сәсся пукавсьы ни сулавсьы ымралысь шоныда балокас, шувкнитіс ывлаө да видзөдліс сиктлань, биа абу сәні клубыс. Клубыс биа на вөлі, и нййтсө сапөгъяснас пычйөдліг Латкин шавксьөдіс сэтчө.

Сәсся сійө кольөдіс Тамараөс. Дзуглясис сьөлөмыс и дількмунліс сыысь, мый гөтыра нин, да эз и шердйысь кывнас, чөв оломсьыс сөмын мездысьліс. А Тамара, тыдалө, буретш тайөс и пуктіс инө-артө, збыльысь кольөдөмө, сетчис бөрыннас оковны, тільыштіс мыйлакө синъяссө да вөзйысяна шуис:

— Ме пыра?!

— Ыгы,— копыр вөчліс Латкин. Вир яндзим босьтіс сійөс Тамара водзас, сы вөсна мый эскысь да сөстөм нывкаөн петкөдчис друг сылы Тамараыс.

Воис балакас да гыпкысис-водіс Латкин, ачыс аслыс вөлі мустөм. Некор на гатшөн эз вермыв дыр куйлыны, а тайө войнас нюжвидзис поэятөдзыс, узбө нисьө олө. Бурджык нин, мөвпыштіс да, гусяліс кө кодлыськө мыйкө, сәк эськө бөр позис нуны гусялөмторсө да местаас пуктыны. А Тамараыскөд кызди өні сылы? Коркө бөръявылыс висътавны, ме пө эськө гөтыра да? Но өд таысь вывті пежыс оз и овлы!

Лун дай мөдөс Латкин эз ветлы сиктө. Сөмын коймөд луннас, пемдандорыс, довзьөдіс сельпо лавкаө няньла да выйла. Синмө пырана юөртөм өшалис сән өдзөсас, мый лоө тарыт клубын: кык пөлөс фломастерөн, лөзөн да гөрдөн, ыджыда вөлі гижөма: «Танцы». Быгть ковмис Латкинлы мөвпыштны, мый, төдөмысь, и сылы вылө арталөма татшөм юөртөмсө.

А лавкаын, пырис Латкин да, вузасьысьыс, ёсь нырвома ичмонь, гусьөник шпынькерліс сы вылө, төда пө эськө мыйкө да ог на шу нинөм. Таысь Латкинлөн нөшта на содіс полөмыс и колөмыс адзөддыны Тамараөс да, мый лоан ло, висътасьны сылы.

Лавкасьыс петөм бөрын Латкин кежис вадор нөрысө да сәті эжа вывтігыс веськөдчис клублань. Но клубыс, видзөдліс да, пөдса на вөлі, и пуксис неылө скамья вылө, ышткө нимкодысьыштны Печоранас, көні асьныс өзъявны нин пондісны бакенъясыс.

Эз нин и дыр ковмы виччысьны сылы. Кыліс тотшсьөдөм клуб

дорö вайöдысь мостки кузя, эскöмөн чеччис, мый тайö, дерт, Тамара, и вочаасисны сэсся син на син.

— Бур рыт,— водзджык шыасис Тамара, но кызкö видзчысяна.

— Аслыд,— ышловзис Латкин.

— Мыйкö эн тыдавлы. Ветлин кызчöкö?

— Эг, сідз довьялі.

— А мый нö эськö? Дьшыд босьтліс?

— Кутшöм дыш?

— Но, шорсö талань вуджавны?!

— Эз, да... кыз тэныд и шуны...

— Он, шу, кажитчы,— каймөстис Тамара.— Сідз öд?

— Ньöти бара абу сідз.

— А мый нö эськö? Чайтан, абу нин ме ныв?

— Ме ог төд,— намыштіс Латкин.

— Сідзкö-й, төдны кутан. И чужйыссян сэсся!— пыркмуңлі Тамара.

— Да ме ачым абу нин зон,— веньгöдчыліс Латкин.

— Но и... пасьмуңан мед кызчöкö, тадзтö кö... Мун син водзысь!— зырöдіс Тамара да тайкö ныр-вомас и сеталас.

Латкин бöрынтьчис кымынкö воськов, казяліс чукыльбось да тшупöдось пода туй, коді лэччöдіс нöрыс йывсянь ва дорö, и пышгьяна зутшсьöдіс сәті горув; ю пöлөнөд нин сэсся, нятша вывтыис, болскис водзö катыд.

Вөлөмкö, ветлігкостаыс катер волöма Печора карысь, вайöма төв кежлас взрывчатка, дзонь «вор» тыр тротил. («Ворнас» сейс-мопартияын нимтісны ас вöчөм көрт баржа, кодös тракторгьясөн кыскывлісны вылö косö, медым эз ковмы ректысьны. Төвнас сэсся сәтысь и босьтавлісны вочасөн взрывчаткасö. А детонаторгьяссö, дерт, торйөн видзисны, томан сайын. Наысь кыв кутіс Рогачев, взрывникгьяс вылын ыджыдыс).

Тайö жö катернас и воöма нин вöлі Рогачевыс, гождьялöма лунывса лөсталан гождйөн, шылялöма чужöм вылас.

— Готов к труду и обороне,— шмонитіс Латкинкөд киасигас.

Пукалісны сэсся Латкин ордын, сейсмостанциялөн балокас. Кыкысь «босяцкöй» чай пузьбөдлісны. Дерт, кылаліс чайыс: гормöга водка доз вöлі вайöма Рогачевыс, а Латкин сола кебös, кык весть кузяös, вундаліс вомö сюян вылас.

Арлыднас Рогачев комынланьö нин матысмис, но век на гөтыртөм вöлі да, гашкö, та вöсна том морт туйö на и оліс. Эз тай некор лөгасьлы-а, юавліс кö кодкö гөтрасьöм йывсьыс. Вескыда жö и юаліс Латкин, кор варовмисны:

— Ӧтнад на?
 — А кодї татчӧ ме бӧрся вӧтчас?!
 — А мый нӧ, эн и тӧдмасьлы некодкӧд?
 — Мыйла эг?! Сысьялісны, мый вӧлі, сьӧмӧс, и мун гортад!
 Лунвылад сэтӧн, тӧдан, нывъясыд... Буди, татысь жӧ кодкӧ-а...
 — А тан эськӧ эм да, сиктас.
 — Кодї? — чуймис эскытӧмысла Рогачев.
 — Клубас уджалӧ. Вьльӧн на воӧма. Мичаник сэтшӧм. Тамара нимыс.
 — Клубсьыд бара и оз ков.
 — Мыйла нин?
 — Он кут аддзывлыны сэтшӧм гӧтыртӧ.
 — А ӧні тэ мый аддзывлан, тадзтӧ кӧ?
 — Нинӧм ог.
 — Но вот, — кайтис Латкин. — А гашкӧ, кутшӧм бур гӧтыр на лоӧ, мыйӧн тӧдан? Чайтан, клубын кӧ уджалӧ, сэсса и...? Кодӧс на кытчӧ кыскӧ, бабатӧ, а уджыд нинӧм на оз висьтав. Тӧдмасьлы вот нарошнӧ!

— Позьӧ, — вашмунлі Рогачев.

А Латкинлӧн лолыс сійӧ здукас гӧрддзасьліс аслас мӧвпӧшт-ӧмысь, мыйла на и тэрмасис, чуйдіс Рогачевыслы Тамарасӧ. Но абу ӧд кыснан шуӧмторйыд, он каттӧы бӧр асланьыд. И ковмис Латкиныл ӧчсалігтырйи, быттӧкӧ унмыс локтӧ, такӧдны асьсӧ, мый оз на, тӧдӧмысь, ыштӧы Тамараыс Рогачев коддьӧм вылад, нӧшта нин пӧръясьсылӧм бӧрад, да нинӧм на налӧн оз и пузыы, дерт.

Но артмис мӧдарӧ да гӧгӧрвотӧма регыдӧн. Лун дас мысты нин Рогачев ошйысис, мый Тамара петӧ сы сайӧ. Сэсса найӧ гижсисны сельсӧветын да свадьба вӧчлісны, и эз кодкӧ мӧд, а Латкин жӧ и свидетеляліс жӧникладорсяньыс. Дерт, йӧйӧватӧн кыліс сәки асьсӧ Латкин, но эз лысьт чорыда Рогачевыслы «огсӧ» шуны, висьталіс сійӧ да, мый Тамараыскӧд налӧн та кузя сӧрнитчӧма нин. И збыльысь, нӧтчыд весиг эз дузьявлы Тамараыс Латкин вылӧ, кузяла варов вӧлі сыкӧд да шпынныліс, быттӧкӧ дэльӧдіс, кужин пӧ мед овнытӧ.

А вьль во бӧрын Тамара вуджис уджавны сейсмпартияӧ, матӧджык верӧс дінас, кызди ачыс шуис. Вывті пӧдди татшӧм помкасӧ сылысь Латкин эз и пукты, сы вӧсна мый сейсмпартияыс некытчӧ на весиг эз вешйы сәки. Мӧдтор ӧнджыкасӧ вежӧр вылас босьтіс Латкин: синсӧ вежны на сылысь локтіс Тамараыс, водзӧс тадзикӧн косӧдны пӧръявлӧмсьыс.

...Но, вӧлӧмкӧ, и видзчысьны на колӧ сылы Тамарасьыс. Чайтис, сідз-тадз на ышмӧ талун, гажыс вощьӧма шондіа тундрасьыс, сійӧн

и оз пыр уджыс кияс, а тыдовтчис сэтшөмтор, мый и төд вылас Латкинлы эз волю.

Нюжөдісны «көсасө» да пуксялісны разі-пели косинө, ызөн туруна мыльк бокө, шойччыны, лөнялісны вочасөн куньтыра синьясөн. И друг Латкин кыліс бан боксө небыда гильөдөм. Бергөдчис видзөдлыны, коді нин сәні вильшөдчө, а мышку саяс Тамара шытөг гигьялө, гөнаюр кияс кутө.

— Но, мый эськө? — ышлов вөчис Латкин зумыша.

— Нинөм, — кургыштис Тамара.

— Смотри!

— И мый сәссия?!

— Ме өд верма жө пондынытө.

— Тэ помысь дай.

— Вай дугдам, — өлөдіс Латкин.

— Зэв тай мудер!

— Ме? Мудер лои мыйөнкө?

— А коді нө менө йөйтөдліс, эн тэ?

— Эн на сыв өтчыдтө окалөмысь.

— А гашкө, сылі?!

— Но өні жө тэ верөс сайын нин.

— Но и мый?! — вомалис Тамара, эз весиг лапмунлыны синьясыс.

Шуштөм босьтис Латкинөс. Полөмпырысь и чеччис да кытшолөн кайис мыльк йылө. Видзөдліс, оз-ө нин вөтчы Тамарыс бөрсяныс. Эз, сэтөн на вөлі сійө, кытчө и колис. Сөмын куйліс йөжгыля кымыньөн, кык ки костас юрсө дзебөмөн. Гашкө и, бөрдис.

5

«Лыйсялігтырйи» сейсмпартия вешьяліс пыр водзөджык, веськыда лунвылө. Тулысыс чорыда нин кутчысис, көнкө мышку саяс гожөм нин вайөдіс, и ывлаыс эз нин сэтшөма висьялсь, ружтыпошкы лым ли зэр вайысь төлөн. Мукөд войыс тиньган лөнь да вылөдз кыа гөрда сулаліс, мый чайтсис, быттьөкө шондыс и збыльысь кытчөкө матө пуксьөма да став ловья ловсө повзьөдөма.

Мустөм вөлі Латкинлы татшөм войсө шызьөдлыны, но асывнас коліс нин бөр каттыны лэдзавлөм «көсаясөс», и быть ковмыліс сылы сетны команда: «Би!» Сөмын командасө сеттөдз сійө тшөкөлдывайтис на взрывникьяскөд, торйөн нин Рогачевкөд, скөрмөдліс мортсө да ачыс тшөтш скөрмыліс, и тадзсө быттьө веськөдджык лөлі, мый сыркнитласны коньярөс тундрасө.

Бөръяыяс Латкин, позь шуны, тешитчис Рогачев вылын. Йит-
чис ськөд рация пыр да юалис, дась абу.

— Дась, дерт. Ог тан гыжъясь, — збодера вочавидзис Рогачев.

— А мый нө вочан?

— Куйла тан со. Письталас регыд мышкөй.

— Но, куйлы на, сідзкө, — шуис Латкин.

— Да мун сэн... Эн матькөд! Ме команда виччыся.

— И сеті нин эськө, да дурө мыйкө станцияыс.

— Дугды, дугды! — эз эскы Рогачев.

— Но со, ньөти оз кыскы магнитнөй лентасө.

— Либө и лөсьөд, а эн...

— Вот и лөсьөда, — гарыштіс Латкин. — Но, аскиөдз.

— Огө, огө! — чирөстіс Рогачев.

— Мый нө, гөтырсьыд гажыд бырис?

— Овсьө на сы понда. И ёна нин менө сійө виччысьө да!

— Мый либө чепасян? Аскомысь лоө жө вертолётис.

— Со бөръя пачкаыс. Вит сигарет кольөма. И няньөй помасьө.

Мед вөлі «льйсьөдөма»!

— Но, час, — көйысис Латкин да чиктыліс ас кежас. Сылы и збылысь долыд лолі помөдз өні вежөртөмсьыс, мый Рогачев сайө Тамаралөн петөмыс син пөртөм сөмын вөлөма.

А сідзсө уджыс сейсмопартиялөн муніс лючки, некод торъя эз аснырась, и нинөмысь на вөлі Латкины кодкө вылын ыджыдав-
нысө. Дерт, кивыв сылы лоис и тундраыс: матын абу тані сиктыд,
кыгчө позьө курыд дозйыдла шуркнитлыны, вот и морт сямаясь
быдөн.

Раска сиктөдз — а сэні помасьө нин маршрутыс — оз воыны
некыгчө, йөза оланінө. Та вөсна Латкин эз нин и майшась воддза
мозыс, кызди на сылөн ставыс бергөдчас, начальникөнтө пуктісны да.

Но рөкыд вылө адзысисны көр видзысьяскөд.

Вешйисны выльлаө да асывводзнас, рувъяліс на сынөдыс вой-
нас дыр зэрөмысь, бара петісны «көса» нюжөдны. Орчча мыльк
сайысь сәки быйкмуніс дадюв, куим көра, да луйки-лайки искөвтис
сука чепөсйөм веж турун вывтис, джөм сувтіс неблө вездеход
водзө, ыштөкө сувтлыны жө корис.

Дады вывсьыс чеччис осьса юра, өшалан пуртөса тасмаөн во-
лысалөм сөвика да кузь төбөка көр видзысь. Чужөм-пертасыс
сылөн вөлі дзик изьватаслөн, он бара сорав: ёся төдчан черлыяса,
кык судта ныра.

— Олам-вылам! Эг төд, мыйся войтыр-а?! — шуис сійө.

— Ми? Ми — сейсморазведка, — вочавидзис Латкин везде-
ходлөн кузовсянь.

— А-а, кывлі. Взрывайтанныд пö тай мусö. А сідзсö нö мыйкö сюрö жö?

— Вермас. Вот татшöм жö мыльк. Сöмын му индысбыс-а.

— И мый сэсса сэні?

— Нефть да газ вермас лоны. А вермас и нинöм. Буритасны, да сэки тыдовтчас.

— Но, гөгөрвоа. Дерт, эськö миянлы нинöмысджык лөсялö да,— дзугыла серöктіс көр видзысь.— Эн лөгась-а!

— Ог,— сюртчис Латкин.— Гөгөрвоа жö öд неунасö.

— А збыльысь на!— лыбзис көр видзысь.— Төвйыны петан, да пасьвартöмaось нин яла ягтö, гожиыны локтан, да... лойöмaось нин йирöдчанінтö. А яйыд быдöнлы колö, пимиыд да. Вай сöмын каньлы моз!

— Нефтьыс да газыс öд колö жö.

— Колö. Ог тай и öтарöась. Но кызкö эськö... Вай энö на сэтшöмасö гежмавлöй таті. Арнас ми гортлань таті вөр-збöдчам.

— Огöй, огöй!— көсйысис Латкин.— Öти туй визьыс миянлы тырмымön.

— Сідзкö тай, бур йöз на. Юала на либö, вомö öд он кучкöй. Мыйкö... чайнад ті абу озырöсь?

— Мездем. А мый нö ті, ньöти чайтöмөсь?

— Туйтöм миян. Эз сюр слöнаыс. А гаж нин бырöма. Локтан стадасьыд, да горшыд косьмö, дучкан да дучкан, а сбölöмыд оз бурмы. Эн дивит!

— Нинöмысь. Эм миян слöна чайыд, индийскöйыд, сійö кө быгтö.

— Сійö!— долыда кайтис көр видзысь.— Водзöстö öд мыйкö аддзам жö.

— Оз ков нинöм,— öлöдіс Латкин.— Сöмын ми огö нин бергöдчылöй. А тэ ветлы миян котлопунктö, дыр-ö нö көрнад. Шу, Латкин тшöктіс гырысь пачкасö дас кымынös.

— Вывті жö кө-а?— намыштіс Кузовкин.

— Миянлы ваясны на,— вомаліс сійös Латкин.

— Час, ветла инö, ог яндысь да,— шуис көр видзысь.— А ті волöй жö коркö регыдön миянös видлыны. Ми эстön, мыльк саяс, сулалам. Каянныд да аддзанныд чомсö. Ог кө ло, стадаын кө лoa, кывныд öд эм, юаланныд дай, көні Аким Ваньыс. Войöдласны сэки мела.

— Волам,— довкнитіс юрнас Латкин.

Гулыд яг кодь пыдöдз тыдалан лов пытшкöсаөн петкöдчис сылы

тайо Аким Ваньыс. И мододчисны водзё, да лосьыда артмом сёрни-
ыс некымынысь на усьліс тёд вылас, лигышмунодліс сійо с чужом
вылас, ыштёкё шоныд төвру воча инмыліс.

Нюжодісны «көсасо» да войланьыс лючки «лыйсисны», Лат-
кин некодкөд нин эз тшөкөлдывайт. Аскинас лун джынсө босьтис
«көсасо» бөр каттёмыс. Сэсся заптысисны пескөн, нетшкисны
тундраса ляк бадьсө, коді шедалё вужнас да оз нин сэтшөм лёка и
ломтысь. Колис чукөртчыны да вешйыны водзё, и Латкин тшөктис
чукөртчынысө, сөмын вонъяссө эз на тшөкты разявны.

— А мый нө? — пыр и юалис Кузовкин, вомыс кальөг нин
долыдысла.

— Час, войыс висьталас. Гашкө, тані на узям.

— Но а... эсиян динө од ветлам?

— Да, да! — дөзмөмвылысь шуис Латкин, парскис сылы «эси-
ян» кывийыс да.

— Сідзкө, ме заводита, — эз бара лөгась, довкнитіс юрнас Ку-
зовкин аслас вездеходлань и тэрыба вөрзис.

— Нинөмла! — горөдөмөн ковмис косөдны сійо с Латкиныс-
лы. — Подөн мунам, коді мунысь.

Бура ылын на вөлөма көр видзысьяслөн чомйыс, дас кымын
километр. Дерт, некод эз муртав, ылын-ө, но матө кык час тырмис
муннысө. Тундраөдыд он на зэв өдийбась, нөшта нин веськыда кор
көсьян воөдчыны: кыгті бадьбөсь, кыгті вутшка, кыгтөн ва гөп дівьвидзө.

Кузь гөна да өшлөн кодь кыз ныра пон, кодөс вөлі домалөма
көр даддьө, кутіс чепсасьны да шыён эравны төдтөм локтысьяс
вылө, и сэки чомсьыс өти бөрся мөд петісны нель нывбаба, а таөдз
чом дорас морт эз тыдовтчыв.

Нывбабаяс шай-паймунлісны, а сэсся, быттёкө сёрнитчөмөн,
өттшөтшмоз кресталісны кияснысө морөс весьтаныс.

— Повзьөдім, буракө, — шуис Латкин.

— Инөй, — бара жө өттшөтшмоз шыасисны нывбабаяс.

— А көні нө Аким Ваньыд?

— А сыа меам көзяинөй лоө, бригадир да, — вочавидзис олёма
нин нывбаба. — А сыа колө?

— Сыкөд ми неуна төдсаөсь нин. Төрытсаян на эськө да.

— Но-й, дадь тыр слөна тшай вайис. Мися-к, бур йөзыс тай
выйимось на. Локтөй.

— Ми од унаөнөсь.

— Зэй бур. Төрам. Миянөс од колө жө видлынысө.

— А көні нө көзяиныд?

— Сыа эстөн, чом саяс. Начкысьө. Час, войөдла.

— Да ме ачым, колөкө, — вөйысис Латкин. — Аддза өд.

— Аддзан. А миө пызан карам. Өддён! — висьталіс Аким Ваньлөн гөтырыс да өти сайын кесйөдліс и мукөд нывбабасө.

Латкин да нөшта кодсюрө сы бөрся мунісны чом сайө. Дженъыдик да джуджыд дадь вылын сэтөн руаліс кульөм нин да перйөм пытшкөса көр туша. Аким Вань сулаліс бокынджык да дэльөдіс яйторйөн тешкодь рудов понпиөс, ляпкыд пеляөс да чур-видзан палич бөжаөс.

— О, кузь кокаөсь на тай! — кыкнан кисө вылө лыбөдлөмөн чолөмаліс Аким Вань да докнитіс юрнас көр туша вылө. — Быгтьөкө төдсьөма менам! Час, пуам и, пөжам и, быд ногыс вөчам. А, гашкө, кодкө айбарчасянын да? Со пуртыс и сольс!

Айбарчасыны некод эз ышты: медводз Латкин вөрзөдліс пель-помъяссө, а сы вылө видзөдөмөн и мукөдыс.

— Онө, дерт, — пыдди пуктана гарыштіс Аким Вань. — Эськө кынтөма кө вөлі да этайө содтөд... А кысь өні кодзыдыс да куры-дыс?! Кывтө и лоө песны да сідзикөн гажтө корсьны. Гөстимйө делө вылад весиг войт абу.

— Нинөм, — такөдіс Латкин. — Сідзтө кө, миянлы на колө яндысьнысө.

— Мыйыськө?

— Локтім со вот, дзонь арава, а войт жө эг вайөй. Абусьыд пө тай эмтө он на вөч, кор колө.

— А тшай вылөджык уськөдчам дай! — серөктіс Аким Вань. — Да дугды нин! — дөзмыліс кок улас гартчысь понпи вылө. — Дас кынөм али мый сэсья тэнө вердны? Лөк, мам горш!

— Мамыс нө... дом йылын тай чом водзаныд? — юаліс Латкин.

— Талөн? Тагысь мамтө домавсьөма, лыйны кө он вермы кызкө.

— А мый нө, көинпи?

— Но! — чуймыліс Аким Вань, мый татшөмторсө оз казьяны. — Синийлі гусө да пуркөшита, мися: мөдысь этшаджык пакөсьт. А локті выльысь бөртинас, да тайө нин сөмын кольөма, новлөма нин мукөдсө кытчөкө мамыс. Вайи, мед оло, кытчөдз оло. Бара жө гаж, кузь туяд. Видзөдлөй, колөкө, мый кутас вөчны.

Аким Вань сетіс көинпиы көр тыяссө. Кытчө на, чайтан, и төрас сылы та мындаыс? А сийө тай эз шөйөвош, зэв өдийө и тшавкөдіс ставсө. Сэсья, муөдзыс өшиөм кынөма, таджиктіс весь-кыда горув. Сэні, лайдаас, саймовтчис вутш сайө да кутіс кодйысьны, резны вывлань му торпыригнас. Лөньліс недыр кежлө да бара кутіс мошкоритчыны, тыдовтчыны вочасөн вутш сайсьыс. И, нюрс-мунөм кынөма нин, кыккокийыв бөр кайис кыр йылө, коран синь-

ясөн пондiс чатрасны Аким Вань вылө, быттö сэтшөм на тшыг коньөр.

— Кыскö оз рöдыс!— каймöстiс Аким Вань.— Велöдөм оз ков мутивöйлы!

— Заптысьö,— содтiс Латкин.

— А мöдарö кö шуны, мый тайöс и видан?!— дорйшптiс Аким Вань кöинпиöс.— Енсянбыс нин талөн вужыйс кыссьö да. Вот мортыс... мукöдыс... таысь на горшасьö, да сийö мустөм.

— Мортыд öд Енсянь жö, тадзтö кö,— шыасис сэтчö Кузовкин.

— Мортыдлы уджавны урчитöма, вежөр нöшта сетöма да. А сийö и лөксö на, видзöдан да, уджалö!

— Кыдзикö?

— А мый нö, тöдөмөн кö лөк вöчан кöдлыкö, абу сийö уджалөм? Дерт, пеж-а!— тöдчöдiс Аким Вань.

— Но, гашкö,— сюртчис Кузовкин да мыжапырысь бöрынтьчис воськов-мөд.

— А көнöсь нö көрьясыд тiян?— юалис Латкин, медым мöдлаö кежöдны сёрнисö.

— Со нö, ты саяс тай, нöрысас!— петкöдлiс Аким Вань.— Колöкö, ветламöй, абу кö дыш. Дадюв эм сэтөн, гурьясьыштны позьö. Локтам да сэсся чорыда и ужнайтам. Дась нин лöб ставыс!

Кöра дадь вьлад гурьясьöмтö Аким Вань гарыштiс, да некодлөн на, Тамарабысь кындзи, дышыс эз пет ветлынытö. А Тамара, кодi удитöма нин вöли тöдмасьны чомйын уджалысь аньяскöд, кольччис налы отсасьны.

Кор локтiсны бөр ыджыд чукөрөн да Аким Вань бöрся гузгысны-пырисны чомъяс, ляпкыдик пызанъясыс сэнi чайтсисны вöйöмаось муас сёян-юан сьöктаысла. Но збыльысьсö чомйыс джоджа вöли, топыда тэчөм да югыдгöрдөн краситөм пöвьясыс нöшта, и тайö содтöд шензьöдiс воöмаясöс.

Ваймысь бипур нбöжйöника ломалис кушөн кольыштөм му вылын да сы весьтын, кыз сутугаысь вугъяс йылын, öшалiсны кык ыджыд пöрт да чайник. Не кö тайö, эз и эскыссы, гашкö, мый чомйö веськалин, сы вöсна мый гөгөр вöли сайöдöма мича занавесьясөн, торья вежöс кодьöс лöсьöдöма быд гозьялы.

Аким Вань корис пуксявны да видлыны кöрдорса сёянсö, мыжапырысь сэтчö содгыштiс, мый абу пö гортанысьсö да кысь уна пöлөсыс. А эськö яйсö и черисö вöли чукийөн лöдöма гырысь лёдьясөн, пöсь шыдсö кысгалöма джуджыд чашкаясö, öладдитö пöжалöма некымын тасьтi тыр. И весигтö песока турипув на тыдалис быд пызан вылын: тувсовъя вотлөмыс нин, буракö.

Веж петкөдлана сёянсбыс, эз на видлыны, а кодсюрөөс пыр и кызөктөдiс висьталана, мый татчө эськө вот и ёна лёсяліс да, вөлі кө курыдторыйыд. Ызмунаі серам, да сэсса ыштө тасянь и воссис пукалан гажыс. Пондiсны шмонитны өта-мөд выланыс, казтывны кольмөсө, кодi мый юлөма да сёйлөма.

Вой шөр ылөсас Аким Вань колльөдiс волюсьясөс. Латкин эськө шуліс, мед оз мудзтысь на понда, но Аким Вань эз кывзысь сылысь, бара пө ті веськыда зурзьөданныд да, нинөм он төд, йөрманныд ещө кытчөкө, а ме пө тіянөс косөджык нуөда, веретяяс вывті да кыт да, и өдйөджык на местаынөсь лоанныд.

Видзөднысө сійө эз и тэрмась, весигтө эз нөджьяв, копыртыштөм юрөн тувчаліс личыда, быттьөкө локтө нин кыськө важөн таялөм туйөд, но восьлавны сы бөрся регыд ковмис пошиктальштөмөн, нөшта нин бурпөта сёйөм бөрад. А сёяныс, дерт, пырис, медся нин көр яйыс, сы вөсна мый умөмаөсь нин вөліны быд лунья тушөнкасьыс, кытөн гос көрыс сөмын нин и кыліс.

Өти веретя вылын Аким Вань друг кежис кутшөмкө из чукөр дінө, а бөрвысяньыс локтысьясыслы горөдiс:

— Лольштөй!

Кытшовтіс сэсса Аким Вань из чукөрсө да содтөд на сэтчө вайис некумынөс, бура гырысьөс, пукталіс дорьясас.

— Мый нө?— юаліс Латкин, кор сійө бергөдчис. Водзөсө Латкин эз на лысьт юавнысө, абу-ө нин кулөмаөс сэтчө дзебөма.

— Кынь тай кодйысьсө, лешакыд!

— А мый нө тіян сэн?

— Быдторыйыс! Сёян и, көлуй и,— висьталіс Аким Вань.— Көркө өд ар воас, гортлань вөрзям. А кузяла ставсө он кыскав, морө дорөдз да бөр. Но, мөдімөй, ыркөдас пөсялөмвывсьыныд

Кыа визьөб ни кодзув чут эз тыдавын некөн. Да и енэжыс эз төдчы. Өткодь кельдылөз өшаліс вывсяньыс да муөдзыс. Сөмын тундраыс и рудобасис водзын аслас вывтасьяснас. Чайтсис, кытчө и нуөдө Аким Ваньыс?

Но регыд сійө катөдiс төдса нин ыджыд мыльк йылө, кодлөн горулын сьөдаліс кык визьөн вездеходлөн туйыс.

Асывнас сейсмопартия вөрзис водзланьө. Чорыда падмөдiс ичөтик шор, кодөс абу вөлі пасйөма весиг Латкинлөн карта вылө.

Чукльөдлысь лайковөд сьяльөдчис шорыс, сапөг юр вылөдзыд муртса лоө ваис, но лайков лунладорас куйліс уна пөвста йи да артмөдiс джуджыд сунтов. Веськыда кыпөдчыны сэтi тракторьяс эз вермыны, найөс бөр исковтөдліс, көть и додьястөг на пондылісны.

Латкин тшөктіс Кузовкинлы видлыны бокшөн, ачыс петіс вездеход водзвылас лөмөн да кутіс туясьны, рөшкыдджык еджговинъяс корсявны йи вывсьыс. И сы бөрся локтышталіг, Кузовкин сәсса лючки кыпөдчис лайков мөдарө, бергөдчис сэтөн да бөр ләччис сейсмостанцияла.

Латкинлөн личыда лольштсис. Сылы чайтсис, мый нинөмысь нин өні торъя майшасьнысө. Видзчысьтөг нин и тірзөдіс горув вездеходөн йирышталөм йи вывті.

Но кор Кузовкин выльысь катөдіс вездеходсө йи вылө, бөрвылас сейсмостанцияөн нин, сәк додьсө пондіс шыбөлитөдны, и бур мый сьорас на лөсяліс Латкинлөн лөмыс да удитіс сійөс сатшкыны додь сыв бердө, эськө путкыльтчис сәсса сейсмостанцияыс.

Ставөн уськөдчисны Латкинлы отсөг вылө, пыккисны коді кытчө слөймис, а Кузовкин ньөжйөник вөрзөдіс вездеходсө, и тадзикөн сомын вермөдчисны да кыпөдісны вочасөн сейсмостанциясө.

Сувтісны личөдны тырөм ловнысө, некод на вомсө эз восьтыв шуны мыйкө, но быдөнөс нин кыккис синмыс котлопункт вылө, өні сійөс коліс кызкө вуджөдны, а сәсса нин и мукөд тыра додьяссө: өтиын — ломтас, мөдын — взрывчатка, коймөдын — быдсяма запчасьтыс да көлуйыс.

Лунсө сөйс тайө ичөтик шорыс. Да и йөзыс сэтшөма лешмисны. Яндзим коліс төдны, медым өвтыштны рытыс вылө да «көса» нюжөдны на петкөдны. И кор воөдчисны выльаас, Латкин мудера шуис:

— Тырмас кө сәсса талун-а?

Некод, дерт, эз вомав сійөс.

Өдйө зэвталісны вонъяс, Латкин эз жө сэн нюжмась, отсасис өтилы да мөдлы, а сәсса пыралісны котлопунктө да разөдчалісны. Некод, весигтө Кузовкин, кодөс векджык вөлі пытшыд курчөма, эз гарыштылы, гашкө пө, картіасям.

Латкинөс регыдөн и личкис унмыс, медся на вичмис сылы мудзыс и нокыс да, чөскыда нин и унмовсьыліс, нө садьмөдіс кодлөнкө зэв матын таркөдчөмыс. Вөлөмкө, балок өшиняс таркөдчөны ывласяньыс. И Аким Ваньлөн тыдаліс сэн чужөмыс.

Йөжгыльмунлі Латкин виччысьтөмысла, дзык пыр эз и сяммы мыйкө шуны, сәсса нин довкнитіс юрнас:

— Пыр, абу өд игана.

— Ог, ачыд петав, — чорыда вочааліс Аким Вань, төдөмысь, абу нин бур мога.

Ковмис Латкинлы чеччыны да пасьтасьны, очсалігтырйи петны ывлаө, көні сійөс нөшта на мисьтөма очсөдіс. Но өдйө тай төлаліс

сы пытшыкысь ун колясыс, кор казяліс Аким Ваньлөн веськыд кисьыс карабинсö.

— А-а... мый нö? — нинöм гөгөрвотöмсьыс киргыштіс Латкин.

— Быдтасыс тай менам... морттуяджык на вөлöма... тиян дорысь, — коставлөмөн, бытгыкө убöлиталис воча кывсö, шуалис Аким Вань.

— Кутшöм быдтас?

— А кöинпиыс нö?! Сетан — нуас, а он кö сет, и сідз на олас.

— А ми нö эськö... гусялім мыйкө тиянлысь?

— Ог төд, коді волöмыдöсь.

— Кытчöкө?

— Из чукөр дінас. Кытчö тай ме кежавлі.

— Оз вермы лоны! — пыркнитліс юрнас Латкин. — Ачыд жö колльöдін. Ми пыр и водалім сэсся. А асывнас водзö дай.

— А кодкө, тыдалö, абу на узьöма. Камыс да, пежку да... мешöкын вöлі да... Кынь нö сійöс нуис?

— Час, ме садьмöда ставнысö. А то, колöкө, менö и шоб медводз.

— Оз на тэнад синмыд пышъяв, — дузгысьліс Аким Вань. — Шышсö колö мыйкөкерны, коді сэтшöмыс. Көнкө, чайтіс, арöдзыс ми огö нин волöй сэтчö да нинöм огö и төдлöй. А менö кöлачла кöзьяйка ыстіс... Лок!

Лагерыс сейсмопартиялөн тайö пöрйö эз вöв ылын. Гырыса восьлалігад кык минутыс, гашкө, эз и коль, воисны нин найö сэтчö. Латкин шöйöвошлі, кутшöм вонйö медводз и сійсьыны. Но скöрлуныс тойліс нин сійöс, зяткөдіс пиньяссö, и равöстіс сэсся ывла тырнас:

— А, ноко, подьём!

Морт эз мыччысь некутшöм вонйысь, весиг эз вöрзьыв кытöнкö. Выльысь нин вöлі кöсйö горöдны Латкин, да Аким Вань пановтіс сэки сійöс:

— Энлы, ме садьмöда! — И гымыштіс вьлö карабинсьыс.

Мыйкө дыра кежлö ловзьялісны бытгыкө вонъясыс, зэвтчылісны помала сыысь, мый кышасиганыс йöзыс зургылісны кытчöкө юрнас ли кинас.

Регыд ставөн ызгысялісны ывлаö. Сöмын Тамара эз на тыдав, но сэсся и сійö петіс.

— Узьнытö оз сетны! — тоткыштіс Кузовкин. — А мый кöть лоисö?

— Кодкө кузь киа миян пиысь! — ярскöба шуис Латкин да

сюзьлөн кодь сувтса синмөн сатшкаліс өти бөрся мөдөс, медбөрьян — Тамараос.

— Ме али мый?!— вешкыртчыліс сійө, тайкө бөрддзас.— Меным аслас кинас сетіс. Гөтырыс!— чургөдліс кисө Аким Ваньлань.— Со, колөкө, мед бөр босьтө!— пыраліс вонйө да петкөдіс көр куысь тяпи гоз.

— Мун, эн йөйтав!— чырыштис сійөс Аким Вань да бергөдчыштис.— Юр янөдан! Вод, некод тэнө оз чайт!— ыстис кикимльос шенасьөмөн.

— А мый эськө либө... коді гусяліс?— юалис Тамара, эз на сылөн пырсыы вонгяс да.

Аким Вань чөв оліс.

— Куяс. Мешөкын вөлөмаөсь. Из чукөрас, кодөс тай аддзылім,— висьталіс Латкин, виччысьыштіс да.— Мед вөлі өні жө вайөма татчө... да бурөн кызкө-мыйкө... либө ме гугөдла ставсө. Коми му таялам, а огө!..

— Гугөдлы нө!— кывберитіс Кузовкин. Латкин падмыліс, өшөдөм юрөн ышлоалыштис йөз водзас. Но сэсся кодкө ыштө каймөстіс сылы, мый вонгясысыс нинөмла и корсьны: лункосмысьөн найөс разявлыны колө отарөтө водзө мунігөн да и кыкөн-куимөн, а кытөн и нельөн узбөны, та вөсна гусялөмторыйд пыр и вермас эрдө петны. Сідзкө, мөдлаысь на колө корсьны. А кытысь мөдласысыс?

Котлопункт вылө мыйлакө видзөдлысис Латкинлөн, и аслыс быдөн яндзим лолі: пусысысыс, олөма нин морт, эз ветлы көр видзысыс дінас, меным пө кокьясөй донаджыкөсь нин. Бөрья во, ыджыд пенсия понда, уджаліс сійө сейсмпартияын да мортгуйсө нинөмөн эз уськөдлы. Ошйысьліс сөмын, мый маршал Мерецковлы пусыылөма Мурманск дорын, но код төдас, гашкө и, збыльысь пусыыліс.

Кодкө трактористьяс пиысь шышкаліс? Колөкө, буретш на и Кузовкин да сійөн и збоялө өні, медым оз чайтны сы вылө, сюрас кө мешөкыс? А йөзыдлысь вөрзбөдан серөсыс сылөн эм: отчыд вөлі колскөдөмаөсь нин сійөс Ухтаын кодлыськө дзик на выль свитерсө юөмысь.

Трактористьяс дорө и муніс сэсся Латкин. Йөзыс вөрзбылісны жө сы бөрысь, но бергөдчыліс да лөга өлөдіс:

— Нинөмла вөтлысьны ме бөрся!

Кузовкинлөн вездеходыс медматын сулаліс да сысянь и пондіс шобсыны Латкин: лыбөдіс пуклөсыяссө, весиг капотсө востыліс. Но нинөм эз югды сылы. Та бөрын тракторьяс вылө кыпөдчыліс, кабинаясысыс, пуклөс увьясысыс, видзөдіс, но бара жө — нинөм. Колис додыясысыс корсьлыны.

Взрывчатка тыра додь, кодös вевттьöма вöли кыз брезентöн, медся эскöданаон петкöдчис öни Латкинылы, дзевлыны кö быттьö мыйкö сэтчö. Локтöмөн тшöтш нетшыштис сийö брезентсö да шыркнитис боквыв. Вижöдлис син водзас сёркни рöма гöгрös тротилöвöй шашкаяссыс.

Мед нин лочки тöдмавын, татчö ли абу дзевöма гусялöмторсö, Латкин кайис додь вылö да кутис лукйыны да вештавын кокъяснас из кодь сьöкыд шашкаяссö, и тыдовтчис сылы мешöкыд, сырöметь торйөн кёрталöма.

Нюжмунлисны йöзыс, а сэссия ыдждём бипур дорысь моз вешйышталисны, кор аддзисны сылысь мешöкнад локтöмсö.

— Со,— усьём сьöлөмөн шуис Латкин Аким Ваньлы, быттьö ачыс и гусявлис да бөр вайис, да таысь кöть нин мед эз нöйтны сийös ёнасö.

— А кытысь сюри?— юалис тракторист Челпанов, кодi кыскалис взрывчаткасö. Латкинös сийö эз на зев пыдди пукты. Вöчлис эськö тшöктöмторсö — быть öд вöч, он кö кöсий вöтлөмөдз воöдчыны,— но воча кывтö, ладнö пö ли, мый ли, ньötчыд на эз убöлитлы.

— Тэнад доддысь,— вочавидзис Латкин.

— Нö-ö?!— весьöпöрлi Челпанов, а сэссия тай письтис сьлөн шева чуманыс: сы мында мать лэдзис öти здукөн.

— Некод тэ вылö оз на и шу,— öвсьöдис сийös Латкин.

— Кодкö мөд на вермис пуктыны,— содтис Аким Вань.

— А сiдзи! И тöда нин ме, кодi! Öти вонйын узылам!— бара пузис Челпанов да ускöдчис Кузовкин вылö, ляскöбтис сийös муö.— Таяла пежös! Вөрзвыв сöмын!

— Ме? Ме тэныд пукти?— чирзис Кузовкин.

— А кодi нö войнас вошлис?

— Менсьым кынöмös орийöдлис.

— Китö тэнсьыд колö орийöдлыны. Тшöтшöдла вот, чер босьта да!— И Челпанов збыльысь шавксöдис котлопунктлань, кытөн тыдалис черыс: сапкöма вöли бадь кералан чуркаö.

— Дугды, дугды!— вöтöдис сийös Латкин да лöсьöдчис паныд.

— Мун сэсь!— ырыштчылис кигутнас Челпанов.— Мед, колöкö, ме тэныд дыш да юысь, а йöзыдлысь ме ас нэмөн нинöм на эг вөрзöдды. Гөгөрвоин?!

— Зэв бура на-й,— кайтис Латкин. Öни сöмын воис сылы юрас, мый шань кывсö Челпановыслы ачыс на эз жö вичмöдды.

А йöзыс, кылö, шызисны. Вöлөмкö, Кузовкин чеччöма да лешиктö нин кытчöкö, ылысмö тундравывса лöзас.

— Кодi лэдзис?— котөрөн локтис да эрыштчис Латкин.

— Он өд кут кызкө, — дөжньштис өти.
— Вао пö тай пыра, — висьталис мөд.
— Но и... , мед пырө! — чепөсийс жö Латкинлөн матьыд, кызкө
весиғ сьолөм бурмөдана.

— А сідзи! — пыр и сьдөрасис Челланов.
— Та вылө өд сьолөм жö колө, — эскытөма, шешмунлөмөн,
гарьштис Аким Вань. — Урөс мортыд та вылө он на тырмы. Воас,
тöлалас да.

— А надурнө кө вөчас? — шыясис Тамара.
— Кодлы надурнөсө? — чуймис Латкин.
— Тэныд. Тэньсыд медводз юаласны, кытчө пö мортсө воштін-
ныд.

— Мед юалөны. Веськодь.
— Кыськө тай эм... йөйыд! — лөгасис Тамара.
— А мый эськө водзвывсө шогалан ме вөсна?
— Бөрас мед гөтырыс шогалө. Эм кө көнкө?!

Парскис, дерт, Латкинлы тайө «эм кө көнкөыс», нөшта нин
Тамаралөн пыльсмунөмыс, но водзөс мыйкө шуны эз нин сяммы
ни ышты.

— Либө и ветла да вайөда, — кывзысыяна шуис.
— А менө, буракө, воштисны нин, — казьтыліс Аким Вань.
Латкин корис сылысь прөща лөбмторсьыс, а сөсся кольбөдыштис
мыйтакө да кежис корсьны Кузовкинөс, коді некөн нин эз тыдав.

Нырвизьсө Латкин босьтис неыджыд мыльк вылө, кодарө сет-
чьліс Кузовкиныс, и мыйөн сөмын кыпөдчис мыльк вылас, пыр и
аддзис сийөс: пуксьөма да пукалө, сапөг бөрнас гудыйшталө мусө.

Сэтшөм лөк ру пыраліс Латкинлы, дась вөлі уськөдчыны да
чужийны Кузовкиныслы, мед сэтчө и ойкмунас: кидөс вылас көть
нин мед ылөджык муніс ли вийсян чужөм өні вөчліс.

— Мый нө косын дітшвидзан? — пинь пырыс сөдзөдіс Лат-
кин. — Тан өд оз саяв дона юрыд.

— А муніс нин Аким Ваньыс?
— Муніс.
— Но и меным кад чеччыны, — чиктыліс Кузовкин.
— А кутшөм синмөн нө эськө локтан лагерад?
— Асламөн. Быттьө оз нин прөступитчывлы мортыд?
— Тэ уджалін тайөс, а эн...! — Аким Ваньлөн кывъясыс усис-
ны төд вылас Латкинлы. — Важөн кө, таысь...!

— А ме, гашкө, ог и аслым?! — наяна вочааліс Кузовкин.
— Кодлы нө?
— Тэныд да, кодлы да.
— М-меным?!

— А мый нө, оз ков тэныд пезжу шапкаыс? Гөтырылды пимийс ли?

—!— «пошлитис» Латкин.— Аски жө лэбзян татысь!

— Ог. Докажит, да сэки. Мый ме мыйкөкери!— шпынняліс Кузовкин.

Лөгысла и шөйөвошөмысла Латкин воштыліс сійөс син водзсьыс. Сьөд вирөн тырлі юрыс, кызди эськө сиктын висьталісны.

— Но, сідзкө, эн норась,— шуис сэсся Латкин,— тшөтшөдасны кө китө.

— Челпановыдкөд ме ачым на кызкө...— вочавидзис Кузовкин.

Но, тыдалө, абу на кызкөсө артмөма. Асывнас Латкин мөдөдчис котлопунктө да Тамаракөд паныдасис: сөян нуө трактористьяслөн вонйө.

— Ловья?

— Ловья эськө да. Кутшөм на уджалысь-а?!

— Босьт зажигание ключсө. Шу, ме тшөкті.

Недыр мысти петісны «көса» нюжөдны, да Латкин ачыс нуөдіс вездеходсө.

6

Август помын пужья асылө сейсмопартия петіс Печора дінө.

Эжмөм няшаа ляпкыдик кыркөтш бердын сулалісны нин виччысыана «Сыктывкар» пароход да асьныс ветлан кык баржа. Ю катыдын, мөдарас, ородіс вөртассө джуджыдіно пуксьөм Раска сикт.

Колис вуджны Печорасө да «луйсьыны» медбөрьяысь Раска сиктсайса ыджыд шор вылас, и маршрутсө лоө эштөдөма. Лунмөдөн, гашкө, водзджык на урчитлөм графиксьыс. Дерт, нинөм кө нин оз торк.

Омелин, экспедициялөн базаөн веськөдлысь, чолөмаліс лючкибура воөмон, важ төдса кузяыс быдөнлысь топыда кутліс кисө, а сэсся читкыра син пөлөн каймөстіс Латкинлы, мый шампанскөйыд эськө сюрас да, көсьяс кө быттьө пожьявны нывсө.

Коркөя моз бара кырыштіс Латкинлысь сьөлөмсө. Пычкыштны комвис та вөсна абутөм нюмсө.

— Вай но, вештыся өд. Ог на кодзөй, сөвтчөм понда кө.

— Час, пивсянныд на да,— шуис Омелин.

...Матө кык төлысь нин колис сэсянь. Рытъя рапорт сетіс Латкин да көсйө нин вөлі кусөдны рациясө, но эз удит.

— А өні менө кывзы,— шмонитана шыасис Омелин.
— Кывза.
— Сөмын на, тэодз, Ухтакөд сёрниті. Мед пө вөлі чолөмалөма мортсө.
— Кодос?
— Ме ог төд, ме тай тэнө велалі-а...
— Мыйысь менө?
— Ныв тэнад чужөма! Али вунөдін нин сэн ставсө?
— Му-ун!— ыджыд кост мысти нюркнитіс Латкин.
— Вот тэныд и «мун»! Но эн на сэн вежньөдды вомтө. Шуны кө, бур водзын на нылыд.
— Кутшөм бур водзын?
— Он на ланьтөдчы, кыз шуласны.
— Тадзтө өд дасөс позьө лосьөдны.
— Позьө и дасөс!— гөрөктіс Омелин.— Майбыр, вөчөма нин панассө.
— Ладнө, мукөдды на эфирыс колө. Помалам.
— Зэв өд тэрыб! А аттьөсө коді меным висьталас? Юөргом-сьыс?
— Но, аттьө!— нурбыльтіс Латкин.
— А водзөс радиогаммасө коді ыстас? Ме?
— Мыйла тэсө?
— А вай текстө!— чырыштіс Омелин.
— Но, Латкиной Елене, сідзтө кө. Поздравляю дочкой. Будьте здоровы. Назови сама. Мый сэссия?
— Мысленно с вами!
— Но, мед сідзи,— сюртчис Латкин. Скөрвылысь зургис-кусөдіс рациясө да дув сувтіс дорыня пельпома.
Эз эськө вунөдды сійө, мый гөтырыс регыд нин ваяс, но вексө тайөс төд вылас эз жө вермы кутны, уджыс на медсясө гартчыліс вабергач моз юрас да. Сійөн и эз вежөрт дзик пырсө, кытчө синіс Омелиныс. И ньөти нин виччысьтөмөн да дойданаөн на сэтчө лои юорыс, мый ныв сылөн чужөма.
Мыйла ныв? Мыйла буретш сылөн? Мыйла мукөдыслөн, быд урөсыслөн на, пи чужө, а сылөн...
Сутшиктөдліс Латкинөс забеднөысла. Институтас пыригөн, кор оз на вөлі төд, босьтасны оз, а мукөдыс чиктылісны нин, весиг эз вөв татшөм забеднө. Ветлас армияө, кык во мысти вьльысь видлас — тадзикөн асьсө такөдіс. А өні кызди?
Пөдны кутіс шоныд балокас да петіс ывлаө. Өтпөлөса вөлі, да дыракодь ыркөдіс сійөс, йирмөг тіркнитліс. Сэки вөлісь сибөдіс матө ном моз дөзмөдчысь мөвпсө, мый оз өд сөмын пиян чужны,

дзоньнас кō олōм вылас видзōдлыны, космонавтъяслōн и то нывъ-
яс быдмōны. Сїдзкō, мый и йōйталōсō на сїйō?!

Но бōр пырис балокас да сулалыштїс ыралысь на пач дорын,
и бытгъōкō сэтшōм дзескыдїнō друг веськаліс, песовтчылїс быдōн.
Горш косъмōм моз кутїс ковны лѣкысь пурыштны кодōскō. Да
асътō ѓд он на пур, садътō кō эн вошты. Дай абу и сїйō мыжаыс, а...
кодї нывсō вайис.

Гōтырыс, дерт! Нинōм сән и ыдъясьнысō. Яйсермунōма нин
вōлі, кор тōдмасисны. Мижуй сэтшōм, Мōскваын нин узьны водō-
ны, а сълōн век на мыйкō эштōдтōм. И век ѓткодъ кутшōмкō, гаж
бырōмсō весиг он казавлы, вузалō бытгъōкō ичōтика нюмсō. А
дузгысьны кō, лышкыд, тōлысь да дырджык вермас сѣсся чувшъяв-
ны и нōшта на гыжїыштас-гарыштас, кор нин, чайтан, бурасъō-
мыдōсь.

Да татшōм гōтыр дїнад оз и кыскы ѓнасō!

А кысь сѣсся пивїд лоас, радейттōгыд?!

Кывкōрталїс Латкин таджикōн аслыс, и ыштō калькаліс кыткō
горш улас, ветлыныджык кутїс лолыс. Мед нин, инō, кодї сән чужис,
лōньыштїс сїйō, но ѓні сълōн сюрас нин гоз-мōд «мелї» кывїйд
гōтырыслы, кор гортас волас!

Дерт, ковмас на и йōзыслысь нюмрасъōмсō видзōдны, питō пō
абу вермōмыд вōчны, но кызкō-мыйкō ѓд... Зѣлōдан сълōмтō дай,
медым скōрмōмтō оз казавлыны. И бурджык нин ѓтпырїйō став-
ныслы висътавны, сѣк ызмунласны да ѓдїйджык ѓвсысны, гашкō.

Тадзи сѣсся и вōчис Латкин: мунїс котлопунктō да висъталїс,
мый ныв сълōн чужōма. Гигзьыштїсны сы вылын, недōкуньōн на
нимтїсны, и сълōмпōтōсь колины, код вылō он видзōдлы. Сōмын
Тамара лōгасъōмакодъ пукаліс, куткырасис, бытгъōкō кынтō сїйōс.

...«Сыктывкарлōн» нырвывладорас, кōні коркō вōвлōма мōдōд
класс, нюжалїс кузмōс шōр вежōс — сѣянїн. Сэтчō и чукōртчис-
ны пивсян бōрын, тōрōдчисны дасъ нин пызан сїйō, кызди ресто-
ранын. Медводз пасїйсны сейсмопартиялысь тундраысь петōмсō, а
сѣсся «пожъялісны» Латкиныльсь нывсō.

Юаныс куш шампанскōй и вōлі, да кодсюрōс дѣлѣдїс сōмын.
Кутїсны дзайгыны Омелиныльсь, медым чорыдджыкōс мыйкō тшōктїс
вайны — ѓд эм, тōдōмысь, кōнкō трюмас! — но воча кывїыс сълōн
ѣз вежсьыв, нюркїѓдлана ѓти нога кылїс:

— Абу но!

ітвывса сѣрни-гажыс та бōрын ѓдїйō оръясис, разї-пели
намōдчōмō пōри. Бōрынджык вешъявны пондалїсны: ѓти сэтчō
пуксъō, мōд татчō.

Ыштө тайо и виччысьома Тамара, пуксис Латкин динө, мыйон сомын тыртөммис орчча улөсыс.

— Юыштам на шампанскөйтө? — юалис дзеродана.

— Ю, со тай.

— Аскөдыд!

— Но, вай.

— А мый вөсна эськө?

— Ме ог төд, мый вөсна тэ көсьян.

— Мед сэсса пи тэнад чужо!

— Мед! — вашмунлис Латкин да точкысис.

— Но абу быть гөтырсяньыд, — содтис Тамара.

— К-кодсянь нө?!

— Кыскылас кодкө динө.

— М-мун, эн кодав, — мыктөдлыны кутис Латкинөс.

— А кольом вотө нө, та кадө?!

— Вай дугдам сэсса та йылысь.

— Дугдам. Сомын бур олөмыс тэнад оз жө ло.

— Кытчө нө лоө?

— Пон сөяс! — килькнитас Тамара.

— Водзвыв тай тэ төдан.

— Төда. Тэ жө некодос он радейт!

— Но и мый сэсса? — ыкшаасис Латкин.

— А сэсса... абу жө пө тай дзик синтөм Енмыс.

— А, гашкө, ме тэнө радейта?

— Чөв нин, коньорущка, — нерыштис Тамара да чеччис пызан сайысь.

— Ноко, энлы на! — сойбордйөдыс кутис сийос Латкин.

— Лэдз, — эз и лёкысь нетшыштчы Тамара. Сэсса петис сөянинысь. Гашкө, вылыс палуба вылас кайис.

Эз вөв лөсыд чеччыны да петны жө, медым оз чайтны сы бөрся вөтчөмөн, и Латкин пукөдис на асьсө. Нарошино юалис Омелинылысь, мыйкө сетис эз на налөн ыстылөм материалыс.

— Лок, петкөдла, — долыда вочавидзис Омелин да өттшөтш довкнитис юernas нырвывса каюталань, камералкалань. Сэни сийө паськөдис Латкин водзө выльөн на панөм изохронной¹ карта. — Аддзан, мый тыдовтчө?

— Лыбөм, — шуис Латкин.

— Вот тадз! — кайтис Омелин. — А мыйта на расшифруйттөмыс! Ми жө Ухтаю на ыстывлам, «ЭВМ» вылө. — И өддзис сэсса

¹ *Изохронной* — сэтшөм карта, кодос вөчөма взрыв гыясылөн өтдыра локтөм серти.

да пось петтөдзых висьталіс водзё лоан удж йывсьыс. Каймөстис весиг бөрьяпомыс, мый первойя восьтысьясон вермасны лоны, сюрё кё мыйкё бөрыннас муткырсьыс.

Латкинлы веськодь нин вөлі тайё ставыс: Тамараёс сійё төд вылас кутіс.

Но кайис сэссия вылыс палуба вылө корсьны сійёс, да сёр-ниттөм и лои, синмасисны сөмын, сы вөсна мый пароходыс сибөд-чис нин Раска сикт горулө.

Сиктө Латкин некодөс эз лэдз, пыр жё нуөдіс лыа юрө, кытчө сувтисны баржаясыс.

— Ректысям и водзё!— өлөдіс сійё.

— Мыйкё но... помидор пө вайөмаоьс лавкаас,— вөзйысяна шыясис Челпанов.

— Абу сэтысянь төлыс, сійё кё вашкөдіс,— вомаліс Латкин.

— Со нө жиганыс йирө,— индіс Челпанов ляпкыдінын келалысь зонка вылө.— Ме юалі нин сылысь.

— Сідзкө, мед Тамара ветлас, а мукөдыслы нинөмла.

— Уна-ө нө сійё ваяс өтнасыд?

— Мыйта вермас,— кывбертіс Латкин.

— А тадзтө абу жө морт ногөн,— ызисис Челпанов.— Поплы моз гождөмбыд на турті, вомө эг босьтыл...

— Öнтай нө, шампанскөйсө?— мудера дэльөдіс Кузовкин.

— Матере мен сійё вөв кудзыд! Муна и ньоба рыт кежлас. Доз витөс кымын на, лёк вылөтө кө. А мый нө, Пөкрөв лун кута вичысьны!?

— Но, ладнө,— сетчис Латкин, мөвпыштис да, мый чорыдасьө-мыд өні сылы мөдарө на вермас бергөдчыны.— Пуктыштам, воам нюр вылас да. Тыртчам на, колөкө. А сиктас ставөнлы нинөмла гузыгывны. Ветласны Тамара и...

— И ме, шуам,— ачыс вөзйысис пусьысь.

— А мый нө, подөн?— суйсис сэтчө Кузовкин.

— Тэнад со на уджыс,— чирыштис Латкин.

— Дыр-ө нө меным баржа вывсьыд лэччыны?— тэрыба педзыштис Кузовкин.

— Дыр!— буркнитис сылы Латкин.— Но, кызд?— юаліс сэссия Челпановлысь.— Позьё овны?

— Мыйла нө оз?— вашмунліс сійё.— Морт ногөн кө.

Ректысьнысө час кымын тырмис. Тамара да пусьысь сэк коста кайлісны сиктө, локтисны колана ньобасөн: оран выйынөс сойясныс, а кыпидөсь.

Накод тшөтш воис косіндзи мужичөй, сапөга да шляпаа, костюм

вылас кизявтём штормовкаа. Тамара индіс сылы, медым Латкин дінө шыёдчас.

— Ті, значит, лоанныд Латкиныс?

— Ме.

— А ме Филиппов, директор школыыс татысь. Собственно, выль морт на. На укрепление, кыз шуласны.

— Кывза.

— Просьба менам тиян дінө. Полан и висътавнысө. Пристрой-ка, значит, миян планируйтөма. Өні жө быдлаын кабинетной метод обучения. А вөрсө только на вайисны. Адданныд пурсө? Около восьмисот кубов сәні.

Кывтыдынджык, кытөн лыаыс алькөсмис, тыдалісны керъясысь чукъя плитаяс, лайкъялісны ю шөрысь локтысь гыясысь.

— Косө колө лэптавыс?— юалис Латкин.

— Вот именно, пока абу на сёр. Он вед йизьод татчө.

— А совхозыд нө мый эськө? Сы мында трактор, а...?

— Да ми пробуйтлім нин. Не под силу «ДТ»-ыдлы. И бук-суйтө на уль лыа вылас. Асьсө бөрыннас перйы! А тиян жө «Т-100» ставыс, болотной вариант к тому же, кык пасътаосъ гусе-нициясыс. Выручитанныд кө эськө, а?— пойгана нюмъевтис Фи-липпов.

— Ме ог төд да,— падъялыштис Латкин.— Асланым на уджыс эштөдтөм. И кызди на йөзыс? Тшөктөмнад тані... Гашкө, отсалам да?

Некод эз вочавидз сылы! Коді бергөдчыштис, коді мусьыс мыйкө «аддзис».

— Ме ордө позьө ветлыны бөрыннас,— вөзйис Филиппов.

— Вот тайө сёрни!— пыр и лыбзис Кузовкин.

— Абу тайө сёрни!— дөзмыштис Латкин.

— Да нет, ме жө ассыйм пукта!— такөдіс сійөс Филиппов.— А школаыдлысь ме ни копейки, что вы?!

— Некрытчө ми огө ветлөй, а отсалам кө, сідз отсалам,— шуис Латкин. Чөв усьлі да эскана видзөдліс Челпанов вылө.— Өти государствоын на олам, сідз өд, Михаил Васильевич?

Челпанов лигышмунлі, ыштө яндысьыштис ним-вичнас ыдж-дөдлөмысь:

— Ме сайын оз бөрд некод. Меным сөмын трос көртавын трактор бөрө. Вайө, инө, дась югыднас. Мөд ногыс өд... усьлө жө аслыд вөтөн, өткажитан кө мортыдлы.

— А збыльысь?!— кокниа нин ышөдіс мукөдсө Латкин.

Нелямын сизим плита арталіс сәсся сійө, кор воисны пур весьтө.

Нель тракторыдлы абу нин сэтшөм уна, манитчөмысь кō повны, дай вездеход на эм нōшта, вермас жō посниджык плитаяссō кыскавны.

Костōн-костōн сувтōдалис Латкин тракторьяссō, медым пасыкыджыка вичмис быдōнлы лыа вылыс да вōли кытчō лэптавны вōрсō. Позис на сувтны и вездеходлы, буретш пур бōж весьтō, но Кузовкин век на мыйкō зуньгырасис ректысянинын.

Пуркнитавлис сьōд тшынōн да нетшыштчывлис вездеходыс, а водзō ни бōрō эз вōрзбыв, быттьбкō дорōмаōсь. Лои мыйкō али аснырасьō на тадзикōн Кузовкиныс, мыйōн тōдан, он кō ветлы да лючки тōдмав. Но мустōм ыркыд йиджтысис нин таысь Латкины.

— Мый сән йōктō сийō? — юалис Челпановлысь.

— Мудералō коркōя моз, ме чайта.

— А мый коркōсō?

— Тадзи жō. Лыа вылын. Сылы о̄д аскиыд абу!

— А мый сылы торья лыаыс, мудеравны кō нин?

— Кивыв. Лёкысьджык бергōдчан, и — ме абу мыжа! А йōйыс мед, колōкō, мыркōдчō. Пасибō вылō. Видзōдлан вот, абу кō сідзи!

— Кыдзи?

— Но, петōма абу зэлōдан кōлесаыс, кодарыскō, гусеница воргасыс, — висьталис Челпанов.

— Бōрас видзōдлам, некор о̄ни, — кывкōрталис Латкии. Босьтис Челпановлōн тракторса трос помсō да лэччис ва динō, чеччыштис матысса плита вылō. Сэтысянь каттыштис на трасса да сийис плитавислōн кыкнан кōртōд увтис, кодьяс вōлины кыз ён сутугаыс.

Челпанов виччысис нин, кор Латкинлōн гōрōдавяся тросыс. И Латкин сэсса о̄дийō веськōдчис да о̄втыштис сылы кинас, мед вōрзяс, а ачыс чеччыштис орчча плита вылō. Домалōмаыс сэки ыльōбōн петис васыс да лыасō поромитиг ылысмис ю динсьыс.

Мōд пōрийōбясис нель плита нин кайис косō, сы вōсна мый некодлы нин эз ков чуйдыны, кыдзи да мый колō вōчны.

— А гашкō, войōдлам ми ордō да? — бара на каймōстис Филиппов, кор ва вылас нинōм эз коль пурсьыс.

— Некор, — вочаалис Латкин. — Да и асланым миян ньōбōма.

О̄ни сийō Кузовкин динō нин тэрмасис. Мōвпыштис весиг, мый лōсьыда и сеталас сылы ныр-вомас, мудер улō кō ланьтōдчис, сэсса мед мунō кытчō гаж.

Збыльысь сідзи и вōлōма, кыдзи гаралис о̄нтай Челпанов: вездеходлōн шуйгаладор зэлōдан колесаыс петōма гусеница воргасыс.

— Со вот... лыа вылад! — элясян шуис Кузовкин. Кусыня плавкōс пома лōм кутис сийō киас, и тайō, дерт, потшōсалис Латкинōс.

— А кодї тшөктїс тэныд лёкысьсө бергөдчыны?
— Бара ме сэтчө мыжми. А тэ аддзылін?
— Йөзыс төдөны, ме кө ог. Он нин медводдзабысь урась.
— Йөзылдысь сөрөмтө тэ меным эн катгы. Тэ меным ачыд докажит.

— Чайтан, ог вермы? — кывбертїс Латкин. — Мыйла пур до-
рас эн волы? Эз нин сюр эськө сэтысь тэныд уджыс?

— Тэ менсьым законной уджсө требуйт! А быд сэтшөм-
татшөмтө ме вөча али ог на. Вот и став сёрниыс.

— Абу на. Ми мунам, а тэ кольччан.

— Лөсьөдны? — шегмулис Кузовкин да довкнитїс юрнас вез-
деходланьыс. — Да тайос өти здукон позьө. Ме вөрзвөда, а кодкө
мыйкөкерас дай... веськөдас ломнас этайон.

— Асьным ми лөсьөдам, а тэ босьтан ноптө, и — матере! — эз
нин вермы кутчысьны Латкин.

Рөмдө нин вөли, кор сейсмопартия кыпөдчис Печора нөрысө.

Водзджыксө эз вевъявны: ковмис на Кузовкинлысь спекта-
касбөмсө видзөдны. Кангөмыс сылөн некодлы нин эз ин, да усь-
көдчис йөз водзө, кутїс апавны лыасө, тайкө пөдас.

Медводз Тамаралон, а сэсса и нөшта кодсюрөлөн петїс сэки
жалыс. И Латкин сетчис налон корөмлы. Медсясө, дерт, Тамара
ради.

7

Шпоракалыс көрт пачын быыс, быттьөкө мойдїс мыйкө Латкин-
лы, кутшөмкө мөд пөлөс олөм, көні сийө шонавлас сьөлөмөдзыс.

А пызан вылын дзулалысь сиськыс быттьөкө вильшасис, эз
кывзы тшөтш мойдөмсө, и пачысь быыс трачкакывлис таысь сы
вылө.

Збыльысь, эз и ков өні балокас кыкласянь югөрыс, да Латкин
лыбөдчис джек вылысь, медым кусөдны сисьсө. Но эз удит пөльышт-
нысө, кодкө локтысь лои сы дїнө, шаркакылис нюрыввса туруннас.

«Кодөс нин кыскалө?» — мөвпыштїс Латкин. Здук-мөд мысти
өдзөсө тутш-тотшкерисны. Небыдика, өти чунь камарон.

— Но... кодї сэн? — шөйөвошлис Латкин. Балокө пырис Та-
мара, вылысас чөвтөм шоньид ковтаа.

— Вөлөмакө, ме! — ышмана пөлынтьлис юрсө.

Өнтай, котлопунктын пукалїгөн, сийө видлыштїс жө водкасө.

— Кодалан кө нин-а?

— Ньөти бара!

- А мый нө эськө... вой шөр каднас? Он пов?
- Поли кө, эг лок.
- А төдласны кө? Висьталасны Рогачевыдлы?
- Веськодь.
- А аслыд? Чайтан, ме китөм-коктөм?
- Видзөдлам.

Латкин воськовтис Тамара динө, топөдис сийос бердас, кутис оковны.

Тамара пыксьышталис на гырдызаяснас, сэссия дугдис, дзыкөдз уськөдис кияссө. Латкин сывъялис сийос ковта увтыс нин.

- А лоө кө кодкө?— юалис бөрыннас Латкин.
- Лоө, дерт. Гашкө, пи на.
- Сидзкө, ме юкса?
- Он. Кодкөд олан, сыкөд и ов.
- А кызди нө?! Сысянь — висьталан Рогачевыдлы?
- Ог. Муна ме сы диньсь. Сэк на вөли мустөм, а өнитө...
- Ме таысь мыжаыс.
- Бөрддзы,— эльгышгис Тамара.
- Но, а кыгчө эськө мунансө?
- Кыгчөкө. Менам жө специальность эм.
- А кысь ме тэнө корся сэки?
- А мыйла менө корсьнысө?
- Мый нө, знатъ не знаю?— рочышгис Латкин.— Асьтө ни... коді лоөсө?

- Да-а!— дойдана нюркнитис Тамара.
- Но и морт жө тэ, тадзтө кө?!
- Кутшөмөн чужсьылөма! Ноко, көні менам ковтаыс?
- Со. А мый нө, мунан нин?
- Эг өд узьны татчө лок.
- Но көть колльода?— вөзийысис Латкин.
- Нинөмла!— пыркнитис юрнас Тамара.

И бара ывлаын шаркакывліс да лөнис.

ВИСЪТЪЯС

ПЪЕСАЯС

ВИСЬТАСЬӨМ

Шылыыда шуныгö Эжва, бытгыö оз и визувт. Лэччысь шондйыс виджадөн югзьöдö сйёс мöдлапöлöдзыс.

Номгыас абуюсь. Шондй лэччöм бöрын петöны найö. Карö кай-ысыас мылькйöсь эжа вылын виччысьöны теплоход.

Эжваыс тани чериа. Ме войколөн воли вуграсьны. Öни карö жö кая.

Месянь неылын пукалöны кык нывбаба да видзöдöны дзирдалысь ю вылас. Öти нывбабаыс косиник, вöйöм син гурангыас, чужöм вылас вижоват: мускыс, тыдалö, висьö, мöдыс — кыз, лётъялан бан-дзибгыас.

— Гашкö, вичкö да, Катерина? — друг юалис кыз нывбабаыс.

— Ог, — нюжöдöмөн вочавидзис косиникыс. — Сытöг овсьö.

— Мый нö эськö он ветлы вичкоас? Век жö висян-а. Он и тöдлы, кулан. Висьтасыны колö. Висьтасын кö, оз нин ков маитчыны нинöмысь. Чист лоан!

— Лоан! — нерыштит Катерина. — Заводитас кö йирны сьöлöмтö, этша нин висьтасьöмнад мынан.

— Мый нö сэтшöмыс тэнсьыд йирö?

— А вот тавой бара Микол Öдьöс вöтөн аддзыли: кильчö вылас еджыд паськöма сулалö, кинас менö корö.

— Абу öд тэ мыжаыс, кули кö! — чуймис кыз нывбаба.

— А кодй нö? Ме и мыжаыс. Ме сйёс тюрмаас пуксьöдй да.

— Мед эз гусясь!

— Гусясис! — бара нерыштит Катерина. — Вит китыр сю вöли босьтöма да.

— Эн босьт!

— Ланьт вай, Опонась, ланьт! Лöсьыд тэныд тадзтö шуны, война

чөжыс мужикыд дінад вөлі да. А сълөн муніс да юрсө пуктіс. Вит равзыйс коли. Сы мындасө вердны колө! Босьтіс кө вит китыртө, эз горшасьом ради. Висьталіс жө эськө суд вылас, мыйла босьтіс, да висьтав көть эн сәки. Законыс сэтшөм: мый вит китыр босьт, мый дзонь мешөк, дзик өткодь — сизим во! Челядьсө детдомө, а асьсө тюрьмаө. Сэтчө и кулі коньөр!— Катерина ыджыда ышловзис да мурчнитіс пиньяснас.— А эг кө эськө ме сет сәк Өдьотө судад, өні на эськө ловъя вөлі, и челядьыс дінас быдмисны, мамлысь меллун төдлісны. Вот кутшөм ыджыд менам грекыс! Көть сөйсы вичкоад ветла, ог мын ме сыысь кувтөдз. А тайө өмөй нө куш?!

— Ме ог төд,— шуис кыз Опонась да шензяна видзөдләс Катерина вылө: йөй кө пө-а, соссьом пыдди ставсө висьталө.

— Абу өд куш тайө!— нора кайтыштіс Катерина.— Мишө Васькаөс вот өні аддза да, парсавны быгтьө кодкө заводитас сьөлөмс, сэтшөм сьөкыд лолө. Ме жө өд мыжаыс, мый неморт лон сійө. Босьті да сплав вылө ысті дас нель арөса детинкасө. А сідз нин, коньөр, курксө-кызөдө вөлі, омөлик көмнад ветлөдлөма да. Моблисток вайи да — кызд гажыд! А видлы вөлі сәк гортад овны, моблистоктө кө ваясны. Сэсянь и висьмис Васькаыс. Пасибө, лечитісны да, олө на-а.

— Тэнсьыд өд сәк, колхоз пред вөлін да, требуйтісны жө. Быдлаө тай вөлі йөзөс корөны. Сійө и кылан, мублизуйтөмаөсь пө. А тэ асьтө сөмын мыжалан йөй моз!— шуис Опонась жалитөмпырысь.

— Требуйтнытө эськө, дерт, требуйтісны да, сьөлөмтөм жө ме мукөддырйиыс вөлі, сьөлөмтөм. Закон сөмын төді, сэсся нинөм эг,— вочавидзис Катерина.— Лыддьыси кө өд йөз шогнас, Педьө Машөөс ветымын трудодень доньд эг штрапуйты. Нель лун али мый удж вылө эз петав, мужик усьөм йывсьыс юөрыс воөма да. Кори правленньөө, да эн вид шуө. Ог вид, мися? Этатшөм мича кадас гортад пукалан, да ог вид? Уси кө өд мужикыд, эз өтнадлөн тэнад усь! Менам тай уси жө да! Ветымын трудодень сэсся крапки дай, вот! Со кутшөм ме сәк мортыс вөлі! Сьөлыштас кө быгтьө өні таысь меным Педьө Машөыд чужөмө, нинөм ог и шу, чышка да водзө муна.

— Война дырйиыд сәк быдөн скөрөсь вөліны,— шуис Опонась.

— Быдтор вылө ыстысьнытө позьө. Закон саяд сайөдчыны позьө и,— вочавидзис Катерина.— Сөмын топөдлас бөрыннас, эм кө көнкө садьыд. Менө тай со топөдіс-а. Ачым аслым мустөмми. Рөмпөштанө ог нин лысьт видзөдлыны. Пасьнитны окота рөмпөштансө, мед быра сэтысь!

— Бытгъо ме ог тѳд нин, мый вѳчѳмьд, этадзи вийсян?! Мун!—
серам сорѳн шуис Опонась да ѳвтыштѳс кинас, сѳссия сувтѳс да пон
моз зѳв ыджыда очсыштѳс.

Катерина зывѳкпырысь видзѳдлѳс сы вьлѳ, кѳсйис вочавидзны
чорыда-чорыда, восьтылѳс нин вомсѳ... но сѳмын ышловзис, кьдз
тай ышловзѳылѳны ыджыд дой венѳм бѳрын, копыртѳс юрсѳ да
кутѳс видзѳдны кок улас.

Недыр мысти воис теплоход.

Карысь ме аддзылѳ на кькнан нывбасѳ: Катеринасѳ поликли-
ника дорысь — пукалѳ вѳлѳ скверас, скамья вьлын, а Опонасьсѳ
базарысь — мырпомѳн вѳлѳ вузасѳ.

ШЫѳДЧѳМ

— Ме Ёдджыд керкаѳ, Лютоев дѳнѳ,— шуис Бабиков, ывлаѳ
пасьтасѳмѳн нин петѳс кабинетсьыс да.

— А подѳн нѳ?— чуймис секретарыс.— Ме эськѳ велѳдѳ
машинатѳ, висьталѳнныд кѳ. Дай абу на дыр.

— Оз ков. Песьшта кокѳс. А то рушми нин.

— И папкатѳгыд?! Ставсѳ ѳд он кут юрад. Вая?

— Эн. Ме мѳд могѳн.

Тѳрыт на гортас Бабиков гижис шыѳдчѳм, медым мездасны
сѳйѳс удж вьвсьыс, трестѳн веськѳдлѳмсьыс. Сѳмын эз тѳд,
кьдзѳкѳн инавны шыѳдчѳмсѳ, кьнас сетны Лютоевыслы ли письмѳѳн
ыстыны. Сѳдз и тадз мѳвпалѳс, да шѳрѳвыйѳас и колѳс. Но асывнас
босьтѳс сѳрсьыс шыѳдчѳмсѳ, пыр новлѳдлан гѳрд блокнот костас
пуктѳс. И лѳсялѳс со буретш: ачыс Лютоевыс звѳнитлѳс, тшѳктѳс
волыны бѳра-водз, оз нин ков вѳзѳйсьылыны сы дѳнѳ.

Дас минутыс и тырмис Бабиковлы локнысѳ. И то на Лютоевыс
дузгысьыс сы вьлѳ:

— Мый сѳтшѳм дыр?

— Да ме подѳн.

— Тѳ гѳтырыдкѳд рытнас бавъяв, а эн уджалан кадад. Пук-
сьы.

— А мый сѳтшѳм ѳдѳѳаыс?

— Нѳшта миллион колѳ тѳныд босьтны.

— Ог! Абу гадь вося планыс тадзтѳ пѳльтнытѳ,— кывберитѳс
Бабиков, вунѳдчис ыръянвьывсьыс да, мыйла нин и пыксьѳсѳ.

— А мый нө, асыт колө, мед потан? Скөрмөдас сэтчө! — мурөстис Лютоев. — Ме нө тэныд тыртөм сьом көвъяла? Ог лимитаос? Госпланысь өтдор?

— Госпланыдлөн сөмын на чөвталөма, кыгысь да мый, а збыль вылас пон вомысь лы моз на колө перйыны лимиттө. Мый он босыт тай, сийө и оз тырмы. Дась керкасө на ог вермой сдайтны, сө унитаз колө, и то некысь он аддзы.

— Он босыт, сідзтөкө?

— Ог, — кайтис Бабигов.

— А тэ төдан, кыгысь тайө миллионыс чукөрмис? Төдан, кымын организациялөн? Мукөдыслөн комын сюрс сөмын, муртса кык квартира вылө. А төдан, мый дыра нин пойгисны йөзыс? Пет да на водзын огтө шу!

— А мый бурьс, босьта да? Вөча ме налы оланінсө? Кыськө дай! Сідз нин таялам плансө-а.

— Мед, инө, вошө тайө миллионыс? Мед нинөм оз и вичмыв йөзыслы? Сідз, тэ ногөн?

— А мый нө, ог кө вермой уджө видзнысө?!

— Верман мыйтакөсө. А мый он вермы, водзө во вылас вуджас. И миян кийн сэки лоө ставнас, — шамыртліс Лютоев велькыд кисө да сыркйөдліс пызан вельтас.

— А ми бара уджйөзайсө колям? Бара менө кутшөмкө пленум вылын кырссаяннй?

— Но и мый? Лыыд да куыд нин коньөрлөн, кытчө нин и видзан? Нинөм, чукрасыштан кө.

— А-а, ме пайысь! — лыбзис Бабигов. — Көтө дас миллион на содтөй.

— А мый эськө тэ шпыннйлан?

— Пета удж вылысь.

— Кытчө петан? — дзерөдіс Лютоев.

— Бөр улөджык. Прорабөн ли, бригадирөн ли. А, колөкө и, сідзи на, сваршикөн. Верма жө.

— Тэ кывнад эн шыблась.

— Ог и шыблась, — кыкис Бабигов шыөдчөмсө. Лютоев вешкыртчыліс да өлөдана чургөдліс кисө, медым оз на мыччы. Назгыштис дөнзвөмөн:

— Чайтан, партийной дисциплинаыс тэныд оз инмы?

— Инмө. Сийөн и гижы.

— А помкаыс?

— А ті лыддьөй.

Бабигов котыр, асьныс гозья да кык пиньс, олісны куим вежөса квартираын. Шөр вежөссө, медся паськыдсө, өтувья пыдди и

видзисны. Но сэсса гётрасис ыджыд пиныс, и Бабиковы гётырискөд ассыныс вежөссө ковмис ичөт пиыслы сетны, коді институтын жө нин велөдчис, а аслыныслы отувьяас вуджны, медбөрьяон водны да медводдзаон чеччыны. Узьом ни олөм эз кут лоны, сэтчө жө и нөбасис нин моньыс. Коліс торйөдны том гозьясө, а кызди торйөдан, коді да кыгысь налы квартирасө сетас, он ко шедөд? И Бабиков шедөдіс. А недыр мысти газетө веськаліс, кодкө удтөма да. Эз и виччысь, корья парткомсө чукөртасны ли прокурор дорө корасны, бөр босьтис том гозьясө ас дінас. Но яндзымыс кык синмас гөрис на, и шустөм быдөн шымыртліс йөзыс водзын: ыштөкө гусяис, да кутісны. Та вылө и ыстысис шыөдчөмас.

— Но, тайө абу на помка!— лыддис да гөрөктыліс Лютоев.

— Мыйла абу? Эг на өд дзыкөдз вошты садьөс. Локтан кутшөмкө объект вылө, да кыв шуны он лысыт некодлы. Сыысь и полан, медтыкө оз вомавны. А уджыс, видзөдан да, бөрдө. Мый өні мейсь? Бөр и муна производствоас.

— Öдйө тай косян!

— Но чөвтөй, сідзкө.

— Чөвтасны, ковмас кө, тэнсыд оз юавны. А няргынытө гортад эштылан. Мед эн йөйтав дай. Вермин аслыд вылө сійө квартирасө корны, пропишитчыны сэтчө гөтырыдкөд, и некод эськө эз каттысь сәки, закон серти вөлі.

— А том гозьясө кытчө?

— Сэтчө и овмөдны. А во мысти кымын быттьөкө вежсьөм вөчны. Татшөмторсө, матькөдан, өнөдз он гөд!

— Код менө велөдіс?!— нурбыльтіс Бабиков.

— Вот и висьталі, мөдысь мед кужин. А шыөдчөмтө ме эг аддзыв. На, ачыл косявлан.

— Ог, коля.

— Дугды, колөкө!— жергөдчыліс Лютоев.— Газетө кө веськаліс, сэсса колө нин йөйтө песны! Пет да лымйө юртө сюйлы, он-ө вежөр вылө во. Мый эськө өні оз гижны да?! Менө тай вөлі гижөма жө, Москваысь корреспондент воліс да, вожа кывьясөн на нимтөма. Тэ ногөн кө, мунны жө меным колө татысь?

— А, гашкө.

— Вывтө тай көсян! Абу миян буржуазной демократия, мед быд сөрөмсө пьдди пуктыны.

— Мыйла сөрөм? Ме өд вөлі жө сэк пленум вылад. Мисьтөма и артмис тьян. Петіс мортыс пенсия вылө, и усыкөдчинныд сы вылө. А водзсө кытөн вөлінныд, юавны кө? Эн нө отлаын?

— Но и мый, отлаын да? Видлы вөлі сылы паныдтө шуны! Талун шуан, а аскинас тэныд и «в связи с переходом на другую

работу». Быдён тай чөв олісны, ас вöснаыс тіралісны. И öні виччысьöны, мый вывсянь шуасны. Но, артмö, найö и веськыд йöзыс. А ме шыаси, сэтшöма нин дöзми да, и вожа кывъя лои. И мед эськö муні татысь. Ме ог! Мед водэджык мукöдыс мунасны. А то чурвидзöны нин сöмын тыасьöм кер моз. Вот тэныд и воча кыв месянь! Мун да уджав!

Шойвошöмысла Баби́ков муртса эз чукрав шыöдчöмсö, йöжгылясьыштис да бöр пуктис гöрд блокнот костас. И чеччис да пöлыня юрöн и петис Лютоев дінсьыс. Милиционерыс, коді пукаліс коймöд судтаас, сод дорас, жаляддза видзöдліс сы вылö, нюмёвөтис на, буракö, нöшта öти коньöр пö. Таысь Баби́ковлөн и сутши́кмуналіс горшас, и ышловыскöд тшöтш локтис ыръяныс: мый лоан ло, а сетас шыöдчöмсö, медым и Лютоевыс, и коді на сэн лыддяс, мөвпыштласны жö, эм-ö налөн садьныс.

Улыс судтаас Баби́ков кежаліс общöй отделас да коліс шыöдчöмсö. Виччысьліс, мед ас дырйиыс и регистрируйтасны.

РОЧ ЗЯТЬ

Пашö Ёгорлөн зятьыс роч, Воронеж дорысь. Армияс шофёрё велöдчöма да сэтсыань и вербуйтчöма татчö, вөр удж вылö. Уна сьöм мортылды кöсйысьöмаöсь, да весиг мамыс дінас абу кежалöма. Чайтöма, нажöвитас во-мöдөн сюрс дас и доктас гортас да гөтрасяс, аслас керкаö овмөдчас. А нылыс Пашö Ёгорлөн, Ленаыс, медучилище карын помаліс, и уджавнысö сійöс вөр посёлокö жö индісны. Вот сэтөн и төдмасьöмаöсь томъясыд.

Абу на вöлі гижасьöмаöсь, вайöдліс Ленаыс петкөдлыны зятьпусö, и видзөдлынысö шогмана вылö сійö. А кутшöмджык этшыс, морт олысь абу, мыйöн водзвывтö төдан. Вербованнöй вылад лачатö кутны йöз понйөн вöралөм кодь на. А мөдарö кö шуны, мукöд коми нылыс тай пукавлөм роч сайö на петöны, да олöны сы понда. Öтчыдысьöнтö неминуचाысь мортыд югзбö, а сідзтö Енмыс сöмын чуйдодас, гагйöсь абу лолыс.

Буретш турун вайис Пашö Ёгор, кор Ленаыс да зятьпуыс воисны, и коліс ректыны додьсö дась пемдытöдзыс, да и коръя лым на шапкис, да мед эськö эз котась туруныс. Но эз и ковмы чукöстны зятьпусö, оз-ö отсав, дыр эз и видзөд сійö, тшöтш босьтис лэбын да том эбöснад панлавны на кутис, чөвтавны сöмын турунсö додь-

сьыс пöсьылас. А бөртинас пуксисны пызан сайö, и төлаліс Пашö Ёгорлөн эскана руыс зятъпуыс вылö. Эз эськö горшась сійö вина вылас, да юыштöм бöрад öд и вомад на мыйкö колö суйны, а сійö чезрасьö: сола тшакыд оз ков, сола черыд оз пыр, сола капустатö бöрыньтö. Порсь яя шьд сöмын и паняліс кынöмпöтыс, эз бара пискаась сылаысла. «Абу татөн олысь!»— кывкöрталіс аслыс Пашö Ёгор.

— Но, мый нö, батьö?— бөр мунöм водзвылас юаліс Ленаыс.

— Ме ог тöд. Ачьд öд аддзин.

— А тэ мый шуан?

— Нинöм ог. Да и сёр нин, колökö.

— Ог на öд öтлаын узьлöй.

— Но и думыштлы. Код тöдас, рочыд... пышгяс дай.

— Оз. Сöмын на выль «МАЗ» сылы сетісны, да оз йöйтав. И кывзысьö менсьым.

— Но и пет. Гашкö и, надейнöй да. Кутшöмöскö öд рыт пукалöмтö вöчлам. Со начкытöм на куканьным.

Тадзи и лоис Пашö Ёгорлөн роч зятъыс. А эз пышйы, ни эз лёкав Ленаыс вылö, да Толя зятъөн и кутіс шуны сійöс. Волöмсö сылысь и виччысьліс, сы вöсна мый уллон сэки воссьыліс Пашö Ёгорлы. Эз веситö тоткыштлы гöтырыс, зэв на колана туйö и сувтöдліс дозтö.

Война дырйисыс Пашö Ёгор Воронеж дорын жö вöлі, венгрьяскöд сән водзсасис, кыгчöдз эз контузитчы. Кымын во на сы бöрын шыблöдліс сійöс, кильчö вывсьяныс бöрөн, бауөн лэччыліс. А фронт вылас öтчыд ранитчöм венгрöс вылысас кыкис. Горзис мыйкö мöдыс да мукöд кывсö быгттьö коми ногөн и шуаліс. И збыльысь, вөлöмкö, эм öткодъыс: коми ногөн, шуам, вир, а на ногөн вер.

Висьтавтөг та йылысь Толя зятъыслы Пашö Ёгор, дерт, эз кольчы. Тшöтш и сикт нимгьяссö гараліс, кодгьяссö эз на вунöд. Матын сылөн и вöвсьылöма сэсянь, кыгысь Толя зятъыс. Артмö, туньялöма нин кодкö налы öти гөрöдөн гөрöдасьнысö. А он нö та вöсна точкысь?

Но век гылыда на костын сёрниыс эз мунлы. Водзпöрсö кыгтшлалісны на венсьыс, нылыд сетчылісны öта-мöдныслы, а сэсья, велалісны да, кымын водзö, сымын и восьса вомаöсь лоисны: варгасны-варгасны и пондасны тшетшйысьны. Пашö Ёгор, мед и гажанин, тöдіс на ассъыс тесть кутöдсö, видзчысис желля кывсьыд, но шуліс кö Толя зятъыс мыйкö парсканаöс, водзöссö гудйыштліс жö сійöс.

Мукöд пöрйö нинöм абуысь волісны зыкас. Коркö лючки нин пукалісны, очсöдліс нин кыкнаннысö, и чеччисны пызан сайсьыс, да

Толя зятыыс водзджык петіс ас могнас пöсйылас. Чуткис, кылö, бисö посводзас. А пырис да, юрас кутчысьöма, ымзалö. Вöлöмкö, задной öдзöс куричас люкасьöма,

— Ну что за дом у вас?!— ланьтыліс да лöвтыштіс на, выйöдзтö пидзöсас аслыс кучкис.

— Дом, дом и есть. Кысь бурыс? Абу öд купечлөн.

— Да двери такие низкие!

— А у вас нö там высокой?— зыргыштіс Пашö Ёгор.— У вас и дом-то, как у нас баня. А баня-то и никакая. В печке моетесь.

— Это же до войны, а сейчас... и большие строят, и бани тоже...

— Сюда на тай вербовался, сейчас дак. Коми вылö на гöтрасин и. Мед ас рочтö и вайин сэтись!

Коминас гöгөрвоыштіс нин Толя зятыыс да чепöсйылöмөн и вочааліс:

— А что я, обижаю вашу Лену?

— Да нет, не говорила на. Я ведь правду-то люблю жö.

— А вот вы меня обижаете.

— Но, первый сам начал да?! Стукнулся да, кто-то виноват ему?! Синмөн мед олін дай, свет-то ведь горел!

Вунöдліс-ö воддза венсö, матö эз и пуктыв да, ли эз и вермыв сибыд роч мортыд дырсö дуавны, вильысьсö Толя зятыыс бара ортсы нюма и воліс, лэптылöмөн шлапкыліс гöснеч тыра сьöкыд сумкасö лабич вылö, пызан дорас. Бöрсö сійöс Пашö Ёгор гозья, дерт, тыртöг эз жö мöдöдлыны: то яй, то картофель, то пув — мыйкö век нин пуктылісны. А эз кö венас воыны зятя-тестя, то Пашö Ёгор ывлаöдзыс да кутлöмөн на кольöдліс сійöс.

Эз и позь мустöмтны Толя зятыысö. Наян морттö öд казялан öтчыд-мöдысьөн. Шуас мыйкö сэтшöмыд, да кык пöвста сьлөн шүöмыс, водзвыв арталöма, медтыкö и збыльöс висьтавны, и сьöлöмтö тэнсьыд кырыштны да тадзикөн аслыс на сэссия чиктывны. А Толя зятыыслөн лольыс сöмын и письтыліс, да та вöсна, тöдöмысь, эз и эштывлы сійö бöрийны кывсö.

— Вот паразит был мой отец!— виччысьтöг шуис кутшöмкö волігö.— Бросил мать с тремя детьми.

— Паразит и есть,— кывйö сетчис Пашö Ёгор.

— Вас теперь как отца признаю.

— Но, корошо.

— Но все равно народ у вас тяжелый. Ох, тяжелый!

— А чего нö?

— И скажу. Еду я это... с лесом, двадцать кубов за спиной. Смотрю, Мишка Лудов в моторе копаётся. Ну, тормознул, да ещё

юзом покатило — метров на сто от него. Прибежал, спрашиваю: «Что там у тебя?» А он даже не оглянулся. «Ничего», — говорит. Но у меня-то второй класс, а он после курсов только. «Может, помочь тебе?» — снова, значит, спрашиваю. Как человек. А он мне: «Иди ты!» Чуть по зубам не дал ему, плюнул и пошёл. Вот так вот, Егор Павлович!

— Что-то я и не понял тебя. Зачем народ-то сюда тянешь?

— Да все там такие. Никто сам не попросит пока не прижмет, и тебе не поможет, пока не попросишь. Не принято у вас помогать друг другу. Вот чувствуешь, что не в России.

— И правильно, — кайтис Пашо Ёгор. — Коми-то всегда один кодил, окота и работа, кодкө вылө эз надейтчыв. Думаешь, Советская власть, дай изменился уже? Не-е, комиыдлы стыдно на помощь-то просить.

— Да что тут такого?!

— А тэ роч синмөн эн видзөд. У нас и жена-то свою цену знает. Я так и сказал Лене.

— А что вы ей сказали?

— Чтобы кошкой не вертелась и собакой не бегала. Потом сам знаешь. Жить дак, живи, нет дак, не надо,

— Так я же и живу. Вон дочка уже растёт. Ещё сына бы надо.

— Но, Толя зять и будешь!

Во дас вит, буракө, олісны Лена гозъяис вөр посёлокас, ныв дінаныс пиос на сэтөн лосьодісны. А квартираныс, кык вежос да кухнятор, щитовёй керкаын и вөлі, кодзыд дырйиыс дугдывтөг қоліс ломтыны, и то на кочыс петавліс кутшөмкө пельөсын. Пашо Ёгор эз отчыдысь шулы налы, вольвліс видлавнысө да, мый босьтас вот чер да пасьяс татшөм чомтө, и ызийөдліс на сөткөм сорөн, мед ас керка лэптасны, вөрын тай, майбыр, олоны, оз на ков ылысь корсьны кертө да нитштө. Но кар вылө на петіс налөн вежныс, мед и керкаөн, и машинаөн нин сэтөн овны; миян пө татысь унаөн нин тадзи муналісны, коді вермис сьөмсө чөжны.

Ленаыслы, медсестранад уджалігөн, муртса асьсө видзны удждоныс и локтыштіс. Мыйкө пуктылісны кө водзө кежлас, сөмын верөсыслөн вайөмысь. Витсө шайтөн да унджыкөн босьтліс сійө төвся төлысьясас. Но и уджыс сылы сәки шедліс жө: сап пемыдөн на петас гортсьыс да сап пемыдөн и пырас, кор бур йөзыс водалөны нин, мед эськө рейс ли мөдөс содтөд на вөчны кер тыр-нас. А пөсь пажынсө оз и төдлы, мый гортсьыс нулас, сійөн и нурьясьыштас сөвтчигас ли ректысигас. И кынмалөмыс сюрлө роль саяд: век лэдзыштөма стеклөсө шуйга өдзөссьыс, да сәті и ыргө кодзыдыс, мышкас кучкө.

Водзпöрсö эз норасьлы Толя зятъыс, ыштö висьö сылөн кыткö. Да, ен сыкөдөн, дзоньвидза и вöлі сійö, вир-яя да сөнйöра, нимкодъ и видзöдлынытö, пöрччыяс пывсянад да. А вот и норасьны кутіс: то коскас лыйöма, копрасьнысö оз вермы, то морöспань увсö нюкыртö, курыд дульбөн длькйöдлö. Дерт, гöтырыс, ачыс лекарствосъыд гöгөрвоыштö да, тöраліс сійöс, кызкö-мыйкö мездыліс висьöмсыс, но дырö кö мысти бара и топöдліс морттö. Со на кытчö и вайöдіс налөн, гозъялөн, сьöмтö чöжöмыд.

Мучитчис Толя зятъыс, а мöд удж вылö, гаражас ли кытчöкö, кытөн эськö эджык висьöмыс көвъяс, сідзи эз и вуджав, сэтшöма нин коліс сылы, медым öтпырйысьөн и машинасö асланыс ОРС пыр, и карысь керкасö ньöбны. Карас локтöм мысти сöмын сетіс аслыс личöдсö, аэропортö пырис шоферавнысö, сёян-юан ваявны ыджыд самолётъяс дінас: сутки уджалас, кыкöс гортас. Дерт, кык-кирудз оз жö пукав гортас, тырöма нокнас.

Бур керкаыд да, нöшта карад, бурöс жö и донтö корö. А видз-тысисны сэтчö машина вылас, да керкашой и ньöбисны, медтыкö сöмын кутчысьны. Пашö Ёгорлы ёна на ковмис сэн вöчасьны, сы вöсна мый Толя зятъыс эз на вöv киа-пода пу дінад, сылысь на велöдчис.

Лым сылöмсянныс да турун пуктытöдз тільсис Пашö Ёгор карас. Шуны кö, кызвын уджыс сы вылö и уси. Но и керкаыс ловзис: овны позис и ортсысянныс видзöдлыны. Толя зятъыс сьöм на вöзйыліс, да öвтыштіс кинас, мед оз дэльöдчы. Эз öд нажöтка сійö корсь, дай аслас нин кадыс, пенсия вылад. А мый сёйис да румкасьыд эз пыксьыв, сыысь и Енмыс на, гашкö, оз янöд.

Öтарсянныс кö, ньöти абу топыд, коран кö мыйкö, вывсьыс на пöрччас да сетас, а мöдарсянныс кö, зэв на колан синма вöлöма Толя зятъыс. И таысь медся нин ёна дöзмыліс Пашö Ёгор, а бöрря помыс и став рочыс вылö нин шуасис.

Кор оз лок удж вывсьыс Толя зятъыс, сэки и вайö мыйкö сьöрсъыс: лимонадтö, пакета чайтö, чипан кокъястö ли калбас торъястö, сыртö — ставсö, мый оз сетаваыны пассажирьяслы ылö лэбигас. И ыштöкö сідзи и колö.

— Зачем нö берёшь-то? — скöрсö нин лэдзис Пашö Ёгор.

— Так это же борпитание. Что осталось. Самолёт-то вернулся уже. Сколько можно объяснять?

— Пусть. А ты не бери!

— Скажете тоже.

— А шуны и колö тэныд. Он нö пөжав асьтö? Чисто нö это?

— О куды понесло! — кывберитіс Толя зятъыс.

— А сэтчө тэнö нөбөдө да. Он вермы төв паныдыс сулавны. Видзөдлы нылыд вылө.

— А что она?!

— Тэо жө тай рөдйөма. Мыйкө усяс кө син улас, колө нин курыштны да дзебны өдйөджык. А пиыд абу сэтшөм, сийөс мянө кыскөма. Наша кровь у него.

— А, может, наоборот? Это еще доказать надо!

— Огө өд судитчөй, бур кывсо кө он гөгөрво.

Та бөрын Толя зятъыс некымынысь тыртөг воліс удж вывсьыс и нывсө пызанас камөдөмөн өлөдіс, медым нинөм оз босътав гусьөн да дзеблав. Сэссия ачыс бара и уськөдіс юрсө, кык креслө вайис, көрт кокаось, да гөгөр нин ниртчөмаось.

— Это нө уж куда?!— зывөктыліс Пашө Ёгор.

— Да не волнуйтесь вы, они уже списанные.

— Но, вижу, да куда поставишь-то? Дома, что ли?

— Можно и здесь, у крыльца.

— Зачем?

— Устал, посидел.

— Йөз серам вылас?

— Что тут смешного?

— Синмыд өд эм, лөсялө оз татшөм пуклөсыс кытчөкө. Колөмыд на тэнö вөдитө. Ну, кытысь вайин.

Шөйөвошөмөн довьялыштис Толя зятъыс да пес видзан сайникас новліс креслөяссө: гаражө пө пукта, лөө да. Гараж пондаыс и лыбис сэссия на костын чорыд зыкыс.

Көртысь дась вөчөмөс нин вайис Толя зятъыс гаражсө. Грузөвик вывсьыс автокранөн и пуктісны керка дорас. Но сідз өд он йөрт сэтчө машинатө: коліс на джоджавны и пытшкөссияныс пуөн кышны, медым гожся шондісьыс оз пөжсьы сэтөн машинаыс. А буретш да пөвйыс, кызыс и вөсниыс, мый ньөблісны базарвывса хозмагсьыс, этша нин и коліс, ставыс керка вылас муніс. Аскинас ли, кор ли, позис выльысь ньөбны сэтысь пөвсө, кутшөмөс колө, майбыр тай, вузалөны сэн дача вөчысьяслы, мынтысь сөмын.

Но Толя зятъыслы телепит лои рытнас и лөсьөдны гаражсө, венгыны пондіс тестъыс водзын, вай пө эштөдам, дыр-ө нө кыкөннад, а то быд вой пов, оз-ө мыйкө перйыны машинасьыс.

— Вай пөвтө!—чушкыльтчыліс Пашө Ёгор, медтыкө мынтөдчыны.

— Найдём.

— Кытыськө?

— Сходим.

— Коді кыгөн тэныд дасьтіс?

— А вот там, где большой дом строят.
— Мед ме гусясьны петі?²
— Да никого там нет сейчас.
— Ланьт тайö сёрнинад!
— У соседа, что ли, берём? Чего тут особенно-то уж...?²
— Мун, сирала юрöс пöрысьö-нэмö!
— Тогда я схожу, — эз на öвсьы Толя зятьыс.
— Колöкö! Ме тэнад гараж динö киён ог пондыв-а. И лэчча аски гортö.

— Да что вы, как... я не знаю... Так ведь я тоже могу честного-то из себя строить.

— Нет, не можешь!— рочö кыскис Пашö Ёгорöс.— Мне ещё учиться надо воровать-то, а у тебя уже внутри сидит. От какого-то деда на.

— Ну, конечно, как русский, так и вор.

— И так и есть да.

— То-то же ни одного коми не попадается. Вон у нас авиатехник листы дюралевые стащил себе на лодку. Суд будет!

— А коми тоже испортился, длиннорукий стал. А раньше другой был. Потому что сам себе хозяин был, три рубля, али сколько там, платил казну, и больше его никто не трогал. А у вас все у помещика было. Потом дали землю да обратно взяли, колхоз сунули. Своей жизни почти и не видели. Вот и тянет воровать-то, никуда не денешься, если сам себя не держишь.

— Ладно, потерпит, — синбöжаліс Толя зятьыс гаражсö.

Аскинас сійö кыкысь ветліс аслас машинаөн базарывса хозмагас, ыджыда сöвтöмөн вайис пöвсö. И Пашö Ёгорлы нинöмысь нин лои чушъявнысьö сы вылö. Öдйöпырысь и кышисны öтвылысь гараж пытшкöссö да джоджалісны.

Мукöд уджсö лыддьытöг на, мыйтöг оз и овлы сиктад, быд гожöм Толя зятьыс отсавліс турун пуктыны, эз элясьы Пашö Ёгор водзын, отпускöс пö вошта. Ленаыс, ас быдтасыс, вомаджык вöвлі, тїян мöс вöсна пö эн и волы кöть татчö. И тайö гожöмсö Толя зятьыс тшöтш пуктысис, но мыйкö эз вöв воддза кодьыс варов. Кор нин зорöдö воис туруныс, да пывсян бöрын дозйөн пукалісны, вöлісь висьтасис. Кодкö, тыдалö, лөкөдöма сылы комиссö, и босьтöма тöд вылас, медым коркö желльыштны жö тестьсö.

— Говорят, полно лагерей у вас тут было.

— Мед эськö оз содтавны, — воча шуис Пашö Ёгор.

— А не было, что ли?

— Но, вöліны, и мый сэсыя? Комиыс сысысь мыжа?

— А тоже... наживались на этом,— мовкнитліс Толя зятъыс юрнас.

— Иди ты!..— ёрччыштіс Пашё Ёгор.

— Ну убежали же люди, в Россию пробирались, а ваши мужики ловили их и обратно сдавали. За это им муки да денег выдавали.

— Пусть не врёт, кто врёт! Коми всегда лес рубил да белку стрелял, а не так промышлял. Один урод-то, где-то, ничего на не говорит. Не знаю, кто у нас тут муку да деньги за это приносил. А ловили, знаю! И догоняли да на месте стреляли, тоже знаю!

— А это о чем говорит?!

— Что правильно делали. Так и надо было! И пусть не лопнут глаза-то. Кто, ты думаешь, убегал-то? Кто враг народа был, что ли? Он ведь не шпана волком-то жить. Да и дома кто остался, жалко, чтобы тоже не посадили. Вот шпана и убегала, и наших убивала. Пойдет кто-то в лес или рыбу ловить, а они на него. Ружье, топор — все отберут и кончат, чтобы не сказал. Но и их тоже! Вот пусть об этом и говорит, кто тебе говорит!

— Ладно, молчу,— такодіс Толя зятъыс.

— Хитрый какой! Чтобы я тоже молчал! Подожди, до конца дойдем да,— кайтис Пашё Ёгор.

— Ну я слушаю.

— Вот и слушай да думай. Сейчас везде пишут, по телевизору показывают и: Сталин виноват да, Берия виноват да, ещё кто-то да. Коми и то вот проклинают. А сами? Русские-то сами?

— А что русские?!

— Колхоз загоняли, милёнами сажали — все терпели... твою-мать! Да если бы русский народ не сдался, немцам же ведь не сдался, Ленина бы помнил, как отца, тогда бы и другие народы так не страдали. Вот тебе и сказка, спать-то ляжешь да!

Мудзёма и пывсян бёрын, и унджык на Толя зятъыслы вичмис дозсьыс, унджыкён сылы Пашё Ёгор и кисьталіс да, а водіс да дыр на сійё эз унмовсь, ыпкис да бергаліс вольпасяс. Та вёсна и аслыс Пашё Ёгорлы дыр на эз сибав унмыс, йирмөгысь моз вёрзьыліс родомысла, мый пыр на чорыдасис Толя зятъыскөд, тырвыйё ас туйё эз на и пуктыв сійёс, а мортыс сійё, тыдалё, пыжё на босьтана.

МУ ВЫВ ОЛЫСЬ

Путёвка сетісны милициясяньыс, да бурдодчыны ветліс Доронин. Няйтось сола ваас куйлөмыс зэв на и отсаліс сылы, пенсионерыдлы, кыис да кокыс ыштөкө бара на аслас лоисны. Бөрсө локтигас эз и велөд пиыслы, медым волас мотоциклас автобус днас: төдөмысь, ытшкыны нин петісны, да сы понда тракторсө оз сулөд. Чайтис, кутшөмкө да машина сідз на лөсялас совхозыслөн, а оз кө и, подөн на тапиктас вит версттө, кузь воыс йылысь өшөдас көлуя сумкасө да.

Сы ветлігкості чорыд туй пондөмаось нюжөдны налөн сиктө, кезанінсяньыс мыйтакө весиг гудроналөмаось нин, а водзосө лыа на кыскалөмаось да каржаалөмаось вылысас. Кыті важ туйыс чуکلөдліс, сэті весьтасалөмаось вөрсө пөрөдөмөн. Ёна нин йөзыс эляисны чорыд туйыс абутөм вылө, да со вот енлы моз кывсьөма жө кодлыкө, тшөктөма планө сюйны. Та өдйө кө вөчасны, арся зэра дырйиыс оз нин сиктыс йөрмөма ло, оз нин ковмы «ДТ»- ясөн йөвтө да картофельтө петкөдны, да и автобус сэсся кутас пыравлыны.

Джын туйсө кымын, Толича ёль дорө вотөдз, гургис Доронин лыа тыра самосвалөн. Ачыс шофёрыс и сувтис, аддзис сылысь каржа вывтгыс варгылясьөмсө да, йөткыштис кабина өдзөссө да чукөстис: «Лок, коктө жугөдан!» Сөрни сорнад шурк и воисны лыаалөм помас, кытөн бульдозер ветлөдліс. Мөд бульдозер, кылө, муркнитавліс көнкө ёль саяс нин.

Кокныд сьөлөмөн и восьлаліс водзө Доронин косьмалөм важ туйөдыс, кытчөдз эз во ёль дорөдзыс да сувтовкерлы жугласьөм нин пос вылас, мед видзөдлыны тыдалан ва кузялаыс. Мөдар кыркөтшсө неуна катыдсьыс чайшөмаось нин вөлі, весьтас сэті, буракө, шуөмаось выль поссө кучкыны да. Вожа йыла пожөмыс эз нин сулав.

Но быттьөкө эз на эскы аслыс, посниа лолалігтырйи Доронин сетчис чайшөминас. Джуджыд да паськыд воргаөн орис кыркөтшыс, а йөткәлөм муыс чукъя тымөдөн кыпаліс водзынас, пьськөдан визьбө отарас да мөдарас. Кысь өні корсян мыйкө, коді тэныд индас, тані пө эськө көнкө да?

И то на Доронин лэччис воргаас да нөджьяліс восьлалігмызыс, оз-ө тыдовтчыв мыйкө еджоватыс. Отчид весиг кежаліс, да пөрьясис: кузьмөс галя из, вөлөмкө. Бульдозеристыслысь и коліс юавны, коді локтан нюр вывсьыс нин сьөд трундасө вешталіс.

Косінас на Доронин чөвтис сумкасө мыр вылө, пөрччис көмсө

да пуджис гач кокъяссө, сідзикөн пырис пычъялан лятиодыс буль-дозерист дінас. Мөдыс чуймис быдөн, кодос нин сэн новлодло, сэсса ас машинаон ветлысьос чайтис:

— Мый нө, сибдин, кыскыны колө?

— Оз, менам мөд сёрни.

— Кутшөм?

— Этысь, ёль дорсьыс, тэ кыркөтшсө йөткалин?

— Но ме, а мый? Жаль лои? Оз ков тэныд бур туйыс?

— Мыйла оз ков!

— А мый сэсса юасын?

— Сідзи. Мися, эн-ө казявлы мыйкө?

— А мый сэсь казялан? Кутшөм озырлун? Коді пуктыліс?

— Гу вөлі.

— Кутшөм гу?

— Морт гу.

— Кодлөнкө?!

— Миян сиктысь вөлі. Йөвдөөн шулісны.

— Сэсса сэтчө гуалинныд?

— Эг өд өні. Ветымын өтиөд воын на. Мися, лы колясыс, гашкө усылі син улад?

— Ог өд ме кыйкъяв. Сатшки пуртос и газуйті. А мый сэн путкылясьө...

Косіс Доронин нюрсьыс да нйитөсь кок вылас, дерт, эз на көмась, ув ёгсьыс да кос кольсьыс доймаліг, петіс важ туй вылас и сэті на тапсьөдіс Чуля шор дорөдз. Медводз горшсө веськөдіс сәні сөстөм көдзыд вана, сэсса пожтыліс коксө да көмасис. Торъя эз на мудз сійө, дай пукалөм дыраыс эз коль гортөдзыс, но дзугтыльтөдіс сэтчө, да ыштөкө ойбыртіс, шорыслысь ныр увсьыс сяльгөмсө весиг дугдіс кывны.

...Ичөтдырсянныс төдліс Доронин Йөвдөсө, эз өтчыдысь аддзыв, кызикөн нуөдлісны сійөс сиктөдыс: ротйысьөм паськөма да лямалөм кыс көма, довзьөдіс сійө мышкас кйөн да пөлыня юрөн, а бөрсянныс милиционер восьлаліс, а то и кыкөн на.

И мамыс повзьөдлывліс Доронинөс Йөвдөна. Кесйөдас вөлі мамыс йөн нетшкыны йөрсьыс ли кыйөдны, кытчө этайөтө чипанныс колькъялө, а сылы дышөдас, и ю дорө котөртас, лунтыр сэтысь оз воы, шомкор вылын олас. Рытнас эськө мыжа и локтас гортас, водзвыв нин синсө тільө, да шедө на мамыслы вөсни нбөр улас:

— Кывзысьтөг көсьян овны? Йөвдө мөз? Нуөдасны өд тадзтө, висьтала да.

— Кодлы висьталан?

— Милицияыслы. Мися, миян быдмө жө асныраыд.

Но сідзсö мамыс эз на лёкысь шуасьлы Йöвдö вылас, курыда
ышловзёмөн на дöжнасис:

— Кутшöм авъя морт вöлі, мывкыда и киа-подъя, да со кытчö
асьсö вайöдіс. А мед оз ыръянит дай? Ми тай пырим колхозас да
олам.

Таысь водзö Доронин сэки эз и вежöртлы. Зонпосниыскöд
тшöтш эльталіс на Йöвдöсö кыськö потшöс сайсянь:

Ыджыд Йöвдö, пöдöм ныр,
Йöвдö колхозö оз пыр.

А мöдыс оз и вувзысьлы на вылö, дöзмöмвывсьыс нин сöмын
горöдас:

— Лявтöй, мый сэсса тиянлы!

Да и бöрыннас, кор нин тасмаа гач новліс Доронин да нывъяс
дінö пондыліс, эз на пуктыв пыдö юрас, мыйся морт Йöвдöыс, жерь-
яліс мукöдыскöд öтлаын, бара жö пуксьöдлісны сійöс: мед, сэтчö
сылы и туйыс.

Война бöрас вöлисти югдіс Доронинлы Йöвдöыс, кор аслыс
шöрö-водзö веськаліс: катöдыны ковмис сійöс Вылыс Човйö, ко-
лонияас.

Кызь квайтöд вося вöлі Доронин да видліс на война көрсö,
ранитчыліс Латвияын немечыслысь Курляндскöй группировкасö
бырöдігөн. Потласян пуля инмис шуйга лядвьеяс, но эз лыас, да
кока на колис. Та вöсна и эз на лэдзны война помас, матö куим во
на бротьяліс армияас. Старшöй сержант чина да партияö нин пы-
рöма, петіс гортас. И суйисны сэсса райкомсяньныс милицияö. Дерт,
ачыс ёнасö эз жö пыксьы, сы вöсна мый гортас позис овны и
колхозсьыс мынöма лоö, а то öлөдіс нин мамыс, мед оз корсь сэтысь
тыртöм трудоденьсö.

Ыджыд вөрпункт вöлі восьтöмаöсь налөн сикт мöдлапöлö, быд-
сяма йöзсö сэтчö вайöдöмаöсь, да на понда на ковмöма милиционе-
рыс. Збыльысь, гежöд лун и кольліс Доронинлөн вөрпунктас вет-
льтöмыс: воддза лёк вöчөмсö на туялан, а бара нин мыйкö вöчөмаöсь.
Öтчыд вöлі лавкаас вузасьысьыслы гираөн шыбитöмаöсь юрас, мыйла
абу уджйöзөн винасö сетöма. Сэки и аслыс Доронинлы чорыда
инмаліс, но йöзсö нин кутöмысь, медым оз пырны жугöдчөмөн ба-
ракас да керавны шпана чукöрсö.

А сиктас та туйöд уджыс сылы эз и сюрлы: то тышкасьöмаöсь
томуловыс, то пинясьöмаöсь кык баба, то потшöссö кодлыськö жу-
гöдöмаöсь... Быд татшöмторсьыс протокол он гиж: öлөдін водзö
кежлö, коді мыжаыс, а жугöдöма кө мыйкö, бөр тшöктін вöчны, и

олас. Дерт, садьтö кö воштыны да петкöдлыны асьтö, кутшöм сюся законсö видзан, и сиктсьыс на эськö сюрис уджыс. Кодкö, шуам, бызгöма, мый пö бара Сталиныс сөйлö-а, либö кодкö турун ытшкыштöма бадь костысь, колö öд кызкö мөстö төвийдны,— оз нö позь сідзикöн бергöдны, мед пуксьöдны мортсö?

Нэмсö милицияас уджаліс, да нинöмысь на Доронинлы кытшлавны йöзсьыс. Вөрпунктас и то некод оз бугжылясь öні сы вылö, а эськö кодсюрöс сэтгысь, пöрысьсö, коркö чиршöдліс жö да. Ставыс на сэк мыжаось вöліны, коді ыстöмаыс, да пасйысьны коліс волыны контораас, кодлы кутшöм луно да кадö урчитöма, а абу и абу, кодöскö виччысян да. Локтас сэсся да шапкасö шамралö, и шусяс ёсьджыка да повзёдлана, мый тадзтö и мөдлаö на сйö вермас веськавны, а мортыслөн, видзöдан да, синваыс доршасьö: мотовозыс, вöлөмкö, жугавлöма вöрсьыс лэччигөн. Бурөн сэсся и лэдзан сйöс.

Смекайтчис кö йöзыс вылын, а сэк позьö вöлі тадзикөн дольдтö корсьны, эськö водзöссö ёрисны жö асьсö дай гусьөн на мыйкö вермисны вöчны, а весигтö эз нимтыны, овыс серти и пондісны шуны. И сиктсаыслы тшöтш Доронин лои, Микулай Коля пыддиыс.

Йöвдöысь öтдор сэки некодöс эз и нуöдлы сиктсьыс. Бöрыннас öд тай, кор ютöм луныс эз кут овлыны уналөн, мыйсö эз кутны керсьыны-а. Тракторнад нин кымынöс таялсіны.

А Йöвдöыс сылы воссяліс вочасөн да сбөлөм вылас на и пуксис. Öнія ногөн кö мөвпыштны, гашкö, сйö и вöлөма му выв олысьыс: сетісны кö сэтшöмыслы овнысö, гашкö, эз и ковмы öні парматö кок йывсьыс уськöдны, дона няньыд вылö ылі муад вежлавны.

Нуöдан лунтыр мортсö, да он öд йöраос моз атшвайöд, кытчöкö и шöйччыны пуксьылан, битор на пестылан. Да и мортыс абу ньöти тöдтöм, абу сувтса синма, лунтыртö мед пиньтö мурчйöдлыны, асьтö на сёрниас кыскö. Но Йöвдöыс на видзчысис, ланьтöмасис водзаысьсö.

— Эн юась,— кевмыштіс Йöвдöыс.

— А мый нö, кокньыдджык чöвтö пыкны?

— Абу эськö да. Шусяс мыйкö, да менö жö и вузалан.

— Ог. Абу на öд юда, кыз мамö шулас.

— А код тöдас тэнсьыд огтö, милицияыдлысь. Аддзöмыд нин уджтö да.

— Ме öд ачым эг вöзйысь.

— А он жö тай и вөр пöрöд.

— Верма и петны, тадзтö кö быттьö.

— А ме пайысь. Менöсö нинöмла нин йирны-а. Пон тай,

аддзылан, кольём вося лысё йирлө-а, пиньсё ёсьтө. А тэ мый менсьым корсян, тойос кө он?

Модысь нуодигас вөлисти личалис кывйыс Йөвдөыслөн. Ноптөм, куш ачыс и вөлі сійө, весиг няньтор эз босьт зептас, бөр пуктис гөтырыслы пызан вылас, ог пö нин тэнö пайкөд, шуис, да виньгырт-нытö кузь туй чөжыд, төдөмысь, эз на вөв сылы муса. А Доронин биасьліс, чай на пузьөдліс да тшөтш и нурийөдіс сійөс. Оз на эськө вөлі босьт, да торшөдліс сэсся Доронин:

— Усян кок эбөссьыд, да кор ми тэкөд волам? Вылысын али мый кыска? Скөрмөдчан сэтөн!

Мөдөдчисны недыр мысти водзө, да Йөвдөыс нин виччысьтөг шыясис.

— Он вот кув,—няргыштис.

— Ачыл өд мыжаыс.

— Ачым, дерт, тэ ногөн кө.

— А код ногөн нө абу? Пыр на мөдарө олін да, йөзыс серти кө.

— Коркө эськө эг жө да. Йөзсө тай скөтөс моз пановтісны, да сійө-а.

— Колхоз котыртөмсө шуан?

— А мыйкө өд ог. Кодкө нө мян тані ягө пувла моз сэтчө уськөдчис?

— Колхозыс колө жө вөлі. Век өткөн он ов.

— Колө, дерт, вөлі! Стаиныдлы. Удты, колөкө!

— Эн дзерөдчы,— дөжньштис Доронин.

— А потшис Лениныдлысь туйсө да. Öдий и бырөдіс НЭП-тө, кутшөма йөзыс овмөдчылісны-а. Тэ өд нинөм он төд кольөмсө.

— НЭП йывсьыд эськө сёысь нин кывлөма да.

— Мый сійө кывлөмыд? Мед ачыл революция пырыс мунлін. Быттө тэ дор нин власьтыс, а тэчассьыд на няньтө мырддьöны, муртса тшыглы кулөмысь аслыд кольöны. А мый нө, локтан воас мырддьөм вылө жө көдзан? Вот и вежөртис Лениныд, мый оз позь тадзи крестьянинтө пыркөдны, да куліс сэтчө регыдөн. Ветымын нель арөснад эськө сылы позис на овны, да песіс нин, буракө, сьөлөмсө. А Стаиныд бара пондіс крестьянинтө топөдны, кос вылысь на пыдзравны, а орөдіс государствотө няньсьыд да яйсьыд, и воис юрас колхозыд: өтчукөрөн уджөдны ставсө да өтувьясө и көповтны.

— Индустриализациясө өд колө жө вөлі вөчны. Мыйөн нө эськө воуйтім немечыскөд? Зорйөн?

— А бур ногөн кө, колөкө, унджык на йөзыс вөчисны. И ме на,

колөкө, кодкөдкө котыртчи бур ногөныд. А сийө пыр на винтовкаөн йөзтө уджөдіс.

— Мися, ёна нин тэ и уджавлін да. Ме төдмөн.

— А мый нө колонияас вөча? Гөгйөс гыжъяла. Оз тай дыр и видзны со, бөр лэдзасны, — серөктыштис Йөвдө.

— А сэтчө жө бөр и веськөдчан да.

— А быть өд! Абу шөр туйыс да. Либө колхозө, либө сэтчө.

— Дугды! Вермин и өткөн на овны, сэтшөма кө нин көсийлін.

— А видлін мед, кутшөми өткөн олысьыслы. Юр вив тырыд вөлі налог сюясны, йөвтө ни яйтө он аддзыв ассьыд, да паракод пестө на тшөктасны вөчны, гашкө, сө сыв. Синсьыд би петтөдз нин мыркөдчан, да то на он мын. Абу өд енмөн ёрөм сідзтө асьтө жугөдны.

— Но и пырин мед колхозас.

— Ме сийөс эг вөтасьлы.

— Колониясө нө вөтасьлін? — вомалис Доронин.

— Сэни вердөны. Бурджыка на өні колхозад дорысь. И прөстуня вылын на узьтөдлөны. Тэ на сідзсө он узьлы, буракө.

— Мися жө, мусмөма.

— Гортад на эськө мусаджык да. Оз тай сетны лольштнытө. Муртса на локтан, а поставкаөн нин тыртөны. И уджыд абу ас окотасьыд.

— Чөв, удж оз сюр.

— А оз и сюр. Ветлі тай сельсөветө, мися, сямөд кута кульны да дьөгөдь вийөдны, и то оз лэдзны. Сельполы чери кыйны көсийлі медасьны, бара жө чувшьялөны. Мед эськө вот колхозө суйин юртө, и ставыс!

— Мыйла нин либө и локтан гортад?

— Кытчө нө муна? Коді кытөн менө виччысьё пукалан справканас?

— Колонияас мед и кольччин кутшөмкө удж вылө.

— Кольөдөны эськө вөлі да, — гарыштіс Йөвдө.

— Но вот! Пөт и паськөма эськө лоин. И паспорт на эськө сетісны.

— Ме ог төд, йөзтө видзны... Мөдысь юалас Енмыс, мый пө му вылас вөчлін, да адас на оз сибөд.

— Зэв тай вежавидзысь. А кызд тэныд и бурыс?

— Некидыс.

— Но өд мыйкө понда асьтө мучитан жө? — дөнзьөмөн нин юалис Доронин.

— А оз менө лэпты Сталиныдлы казакавнытө. Сэссия ачылдөдан, удтан али он.

— Эг нө ме тэныд шулы нин?

— Но и чөв олыштам,— лигышмунліс Йөвдө.— А то лолөй нин кутіс тырны.

Во мысти Доронин бара нуөдіс сійөс гортсыыс. Шпыннылісны нин сиктсаыс на вылын, орччөнтө восьлалісны да, бытгыө өти мөгөн и петөмаөсь.

Но тайө пөрийө Доронин Толича ёль дорөдз и ветліс. Зэрласис вежон кымын, а сэссия кынталіс вой-мөд, да тыр вывсьыс и йиэбөма вөлі Толича ёлыыс, чунь вомлөс кызаөн пужъялөма на йи вылас, қыгті пө и чорыдджыкыс. Шердын пасьта сө дөмаса валегинас Йөвдөыс лючки и вуджис, эз весигтө ратшмунлы некыті, а сійө пыр и тюлькысис сапөга кокнад, бөрынтьчынысө эз удит, ызі-базі нин петіс косас.

— Мун, котөрт гортад,— горөдіс мөдарсяньыс Йөвдөыс.

— Ог, биасьла. Истөгөй өд эз көтась. А тэ он лысьт мунны!

— Ог и мун, да луныс кольө. Кор нө тэнад косьмылас нөй шынельыд? А ме эськө өтнам вои, төда нин тайө туйтө. Да эн пов, эн, ог ылөдды.

Өтнас и муніс сэссия Йөвдөыс, а Доронин люги-леги котөртіс гортас.

Нөшта локтан воас коркө вундандор тшөктісны Доронинлы нуөдны Йөвдөсө. Пырис сы ордө, а вөйөм синъяса нин вөлі сійө, и коксө бытгыөкө кыскышталө. Мыйла нин эськө и вөрзөдны мортсө, а быть.

— Бара тай эськө мела да,— шуыштіс Йөвдөыс.— Ачым өд воа.

— А омөльтчөмыд нин да.

— Мед. Войма кө өд, би дорын на пукалышта.

— Но эн жө дыр... Кузь на өд туйыд.

— Ог. Час, вот тэкөд и пета.

Өтлаын и петісны ывлаас. Сэссия Доронин ю дінө кежис, вөрпунктө мед вуджавны, а Йөвдөыс водзө лашиктіс. Но Толича ёль дорөдз и воөма. Кувнысө нин, буракө, туй вывсьыс вөрас пырөма.

Почта вылө корисны Доронинөс, гортас волісны, тшөктісны пө зэв өдйө звөнитлыны райотделад. Котөртіс да звөнитіс, а сійөс видны кутісны, мыйла пө онөдз эн вайөд Йөвдөсө Вылыс Човьяс, кор вежон сайын нин вөлі тшөктөма, а висьтасис мыжапырысь, кызикөн артмиссө, да крапкисны, мед пө вөлі корсьөма кысь гажыд.

Корсьөмөн и сюрис Йөвдөыс, лөк дукуыс серти. Черөн да зырийөн мунісны сэссия Йөвдө гөтырыскөд, мед сэтчө и дзебны шойсө, Толича ёль дорас.

— Некодлы нин оз вöлі ков, а муыс тай босьтис на,— шуис Йöвдö гöтырыс гусö тыртігөн.

Лиa пожöм, сырса пу кызаöс, кераліс Доронин да сыысь и вöчис крестсö. Но дыр-ö нö сулалас сэтшöм крестыд зэр улад да лым улад? А öни со и гуыс абу шудтöм мортыдлөн.

МОРТ ДОН

Выльлунö асывнас, медводдза рейснас, Лапиков лэбзис карö. Дас час кежлö сійöс обкомö корисны, Батманов дінö.

Ачыс кө Батмановыс звöнитліс, позис юавны, ылöсас көть тöдмавны, мыйла корöсö, а звöнитлісны сылөн приёмнойсянныс, шуисны: сёрни ылö пö, и ставыс.

Дзуглясьнысö таысь Лапиковлы нинöмла на вöлі. Зуалыштны кө сійöс көсйöны ли вештыны райкомса секретарсьыс, эськö эз и ноксьыны ськөд. Тöдöмысь, бур кузя на корöны.

— Збыльысь, гашкö, первойөн көсйöны пуктыны да?— бара на шыясис сэтчö гöтырыс, кор нин Лапиков пасьтасьö вöлі, мед аэро-портас мунны.

— Эн скöрмöдчы!

— А мый нö эськö?! Он шогмы?!

— Сэн тыдовтчас.

— А кытчö, пиö, оз пуктыны, сэтөн и уджав!— мамыс тшöтш дольыштис да кыкнан кинас мөвкнитис, ыштöкö благöслöвитис.— Морт доньд быдлаысь шедас!

Лэбигчöжыс бокша тöлыс мустöма пыркöдіс «анушсö», унаöс вукöдіс. Лапиковöс дількйöдліс жö, мышкуыс и юрыс пöсявлісны, но кызкö тай кутчысис пиньсö мурчйöдлөмөн. Гашкö и, ёвксёдан лов дойыс тшöтш отсаліс, мыетшкö ылöдліс сійöс вукöдөмсьыс, мөвпыштис да, кор на кыпöдчисны, мый бара, колөкö, кыскаласны басьсö.

Карас нин, аэровокзалас, Лапиков пыраліс туалетö да видзöдліс ас ылас рөмпöштанö. Сэтшöм нюкырмөм чужöма вöлі, векнялөм букыд синма да векуштчөм вома, көть йöзыслы эн петкөдчыв. Но и мыссьöм бöрас на чужöмыс эз ловзыы, нярган коли, и петіс ывлаас да сувтис ёсь лым чирөн чуткасьысь тöv паныдыс. Дыр сулаліс восьса вомөн лолалігтырйи, кытчөдз эз пондыны чөсöдны бан-дзибьясыс.

Локтіс обкомас да пөрччысьём бөрас бара сувтіс рөмпөштан водзё, и вир паса нин вөлі чужөмыс, кельыдгөрдөн банйыштөма, и сингысыс сөдзөсь. Ачыс ас вылас нин муніс, видзчысысыс и ыргян, ковмас кө, и воча жергөдчылас, вывті коньбөрас оз на пуксы. Батьыс понда ёвксөдан лов дойыс быттьөкө лэдзис, юрас кайис да дорйысьны ыыйөдліс.

Но, дерт, родөмөн пырис Батманов дінас, дасбөн кывзыны сылысь ёсьтөдлөмсө, медтыкө сөмын инө-артө воис сёрниыс. И нимкодя чуймөдіс, мый эз вөв Батмановыслөн пызан вылас некутшөм папка, сөмын вевсьөн пуктөм выль газетгяс, лыбыштөм чукөра: муртса на, буракө, видзөдлөма.

— Но мый нин, Андрей Ивановичыс, висьталан? — киасисны да пуксигмозыс и шпыньмунліс Батманов.

— Да ме торгья... Ме сідзикөн, тиян корөм серти, — мыжапырысь нюмдыліс Лапиков. — Ті мый шуанныд.

— А вай ме тэнö кывза.

— Да ме ог төд, мый йылысь да. Эськө юалінныд кө ті.

— Но вот, сы мында проблема өні быдлаын кыштө. И ставөн отсөг виччысьөны: ми — Москвасянь, ті — миянсянь. А мый ми асьным вермам вөчны?

— Мый өд босьтны. Мыйкө и ас вынөн позьө.

— Сідзтө кө, конкретной проблема и босьтам. Кык миллион кубометр вөр лэдзө районыд, и кывзыныс керйөн кывтө. Тырөма гождөмнас юныд.

— А ми и сувтөдам вөпроссө, мед чинтыны мольөн кылөдчөмсө.

— А кыздикөн?

— Унджык пургьявны төвнас. Сетісны кө техникасө...

— Мися жө, кольөм во став пурсө петкөдінныд, ньөтиөс эз ковмы бөр разыны.

— Ичөт вөлі ытваяс да.

— А таво ыджыд лоө?! — дзерөдіс Батманов да копыртчыліс селектор дінас, тшөктіс чай вайны. — Позьө лөсьөдны пургьясянінсө, мед быд тулыс ойдлө. А позьө и нөшта мыйкө мөвпыштны. Шуам, көшельөн, буксируйтны. А то йи сувтөдзыс моль бөж вөтлам! — Чөв усьлі да довкиөдлыштіс юрнас. Буретш сэки пыртісны чайсө, и нурбыльтіс: — Ю, эн видзөд кань моз, кор көдзалас.

— Ме юи нин улын, буфетас.

— Төрас на. Горшыд на косьмас и. Чайтан, шмонитөмөн ме тэнсьыд юалі, мися, мый нин висьталан? Талунгятө быдөн долас, сө пөлөс лыдпас вайөдас и. А тэ меным аски кежлас мыйкө вөйыи!

— Но, медводз сиктгяссө миянлы колө кыпөдны. Унджык олан керка лыбөдны. И мед эськө быдлаө ва и шоныд локтіс. И чорыд

туй коло! — збоймыштіс Лапиков. — Туйыс өні мянөс медся ёна падмөдө.

— Туйыд во-мөд мысти тиянөдз воас нин. А водзөссө? Водзөссө мый кутанныд петкөдны?

— Мыйла мый? Этша нө нин сетам йөвсө да яйсө, картофельсө и? И содтыны кутам.

— Мый весьтө? Мыйта муыд и виддзыд раскө кайис?

— Ме али мый сыысь мыжа? Нинөмла вөлі посни сиктъяссө бырөдавны.

— Нинөмла вөлі! — кывйө сетчис Батманов. — Но кысь регдъя каднас вель му-видзсө босьтны? Мелиораторъяслысь вом паськөдөмөн виччысьны?

— А кытысь сэсса? На кыин өд ставыс. Найөс и колө топөдны, мед договорөн уджалөны, а оз бюджетысь апавны.

— Ог венззы. Но өд и налөн уджыс эськө мед эз нэм помөдзыс нюжав. Кымын гектар районад порөдөны вөрсө во чөжнас?

— Дас вит сюрс.

— А бөрсө көдзөны?

— Коймөд пайсө оз.

— Адзан, мыйта кушыс кольө. А ми кө видз-му улө босьтам матіджыксө? Оз нин ков порөдны!

— Сэн пон кок на чегас, — кывберитіс Лапиков.

— Весалан! А ми асьным, видзөда да, чегсьөмаөсь. Быттөкө пенсия вьлө нин лөсьөдчим, да мед эськө мыйкө эз ло. Мед нин меньм рыгтя, а тэныд, өд лун шөр на шондіыс. Мыйла он ылөджык ветлы гортсьыд?

— Коркө тай ветлі, шулі обкомыдлөн пленум вылын. Мися, мян Катан тьяс эмөсь, чери овмөс позьө лөсьөдны, сөмын колө помөд вөчны, а ті шуинныд, сьөкыд пө цементнас, и некытчө гижтөм и коли.

— Гижнытө быдтор позьө. Додь тыр нин сэтшөм тыртөм постановлениеыс. А цементыс и өні оз судзсы.

— Но вот!

— Тэ асланыд эн бергөд. Врачыс и учительыс пышйө районсьыд, овнысө некытөн, да сійөс он аддзы?

— Сейнысө өд колө жө йөзыслы. А черисө кө быдтыны, и яйыс этшаджык ковмас.

— Но и вөчөй помөдсө? Быть или мый бетонысь?

— А мыйысь нө?

— Этша тиян сэн изыйыс?! Гид судта быдлаын!

— Куш изнад ватө он на кут.

— Мыйла нө важ йөзыс кутлөмаөсь? Юав кодлыськө пөрысь-

лысь, кытён да кымын мельнича вёлёма. Дөзмөдчан сэтён выль корысь моз!— букшасьыштіс Батманов да бара копыртчыліс селектор дінас, тшөктіс машина корны. Чеччыны да петны и колис Лапиковлы, но дувмуніс сэтчө чушсө лэдзёмөн, и жаляддза нин чөвтліс синсө Батманов:— Мися, сэтчөс, нелямыныс на абу, институт и ВПШ помалёма, оз нин ков вайөдны кодөскө, а он өд вермы нуөдны районсө! Вот кызди ачыл чайтан?

— Ме ог и вөзйысь первояс. Ме верма и бөр леспромхозө вуджны. Сэн... планыд кө тырө и.

— Сійө и эм. Медтыкө сөмын тавосө овны. А партийной удж влад колө мөд во та кадө нин овны. И то на этша вылас! А мый тэ меным выльсө да артманасө чуйдін? Вай кывза!

— Ме өні абу дась. И сета, колөкө, шыөдчөмтө.

— Сета вот ме тэныд!

— А мый нө, вөтлөм виччысьла?

— Некод тэнө оз вөтлы, а юртө гыжйыштылы. Ме тай быд лун гыжъяла, лысі нин сө.

Ыштөкө лача на шедыштіс таысь Лапиковлы, эз на сэтшөма и усь сьолөмнас, мышкырасьтөг на петіс Батманов дінсьыс, курыдсө горшас элөдөмөн. Сэсся пыраліс финхозотделас да ньөбис секретар-машинисткаылысь бөр лэбзян билет рыт кежлас: водзджык рейс вылас эз нин вөв броньыс.

Дас өти час на сөмын и вөлі, кор Лапиков петіс ывлаас. Некытчө нин эськө эз кыскы сійөс ветлыны мөгөн, мустөм на босьтіс, мый бурла нин сылы дзайгысьнысө районуыс понда, мед выль первойыс и кысьясьсө, кодөс пуктасны, но кадсө таявны эз жө нимкодь вөв, да и висьтасьны ковмас аски рытпомас, кытчө нөшта воліс и довзөдіс Комилеспромө. Сэтөн сылөн и колис лун сьомөсыс: мыйкө көсийысны, мыйкө эз, а волөмасө лои. Аэропортас мунтөдзыс универмагө и удитіс кежавны, шампунь гөтырыс велөдіс да.

Бөрсө лэбигас эз нин пыркөд самолөтсө. Но лешмөма и руа на воис гортас Лапиков, да гөтырыс ни мамыс эз и лысьтны дзык пыр юавны, мыйла корлісны карас. Пуксисны ужнайтны, да дөзмис, тыдалө, мамыс сылысь геблясьомсө видзөдны, вөлісь юаліс вийсьяна:

— Мыйла нө корлісны?

— Видны, мыйла сэсся! Ми тай корлам жө йөзсө.

— Но мед, видөмыд абу на нөйтөм.

— Кодлы кызд.

— Матө эн пукты дай. Аслад на сьолөмыд... быд лунтө песны!

«Ланьтлы эськө тэ!»— көсийліс вочавидзны Лапиков, но ино воис мамыслөн шуөмыс, и ышловзис кокньөдчана да довкнитіс юрнас холодильникланьыс:

— Миян абу сән..?

— Эм! Кодкө өд оз видлась!— уськөдчис мамыс да перйис еджыд доз.— Сейсясджык и. Галяыд мый шуас-а?

— Мед юыштө,— шуис гөтырыс.

Батмановыслөн кедзөвтөмыс, мый оз сийө вермы нуөдны районсө, дерт, эз вун Лапиковлөн, ыштөкө дом йылын и кутис сийөс. Но и бураснысө та вылө сылы эз на косьыссы, ас кежас виччысис на, мый, гашкө, вежяс на кывйыс Батмановыслөн, да сы вылө на и сувтасны обкомас: вайөдөм первойыд өд, көть мед кык юра, өдйөтө оз жө кышөд районсө, сэтчө на во-мөдыс и мунас, мед ас туйө пунктисны йөзыс, а вөйшөдлөмнас өни он жө босьт.

Но виччысьөмыс Лапиковлөн эз збыльмы: райкомыслөн пленумөдз куйм лун водзджык лои төдана, мый облпрофсоветө вуджөдөны налысь первойсө, а сы пыдди вайөдөны обкомсьыс инструкторөс. «..... вот, сетас шыөдчөм и бөр мунас леспромхозө!»— маткыштөмөн и мөвпыштис Лапиков, сөсся ачыс жө и повзис таысь: бөрас өд казтыласны жө асныралөмсө, нэмсө и видзасны леспромхозас, вунөдасны на, быгттьөкө, эм ли абу көнкө.

И гөтырыс, висьтасис Лапиков да, өлөдис сийөс, мед оз на сән ырсьяв, такөдис весигтө, мый регьд, гашкө, асьсө Батмановсө обкомсьыс вежасны, да бара на сылы югыдыс вөссяс.

А мамыслы Лапиков кыв ни джын эз гарыштлы, медтыкө оз нин суйсьы лөвтны сөрнинас. Но казавтөг эз ов мамыс сылысь нускөмсө, да и кывлөма нин, вөлөмкө, кодкө вомысь ньөбасьнысө ветлігас, синкымув корсис и шыасис:

— Мыйкө тай больгөны, вежөны пө мыйкөтө...

— Но, вежөны.

— А кодөс нө пунктөны?

— Карысь вайөдөны.

— А мыйла оз тэнө? Мыйта нин тойтін да!

— Мыйла ог туй!

— Бара батыыд понда?

— А мый чайтан?!— пинь пырыс мурөстис Лапиков.

— И бара ме мыжа?— люскыштис мамыс.

— А мыжтөм нө? Нинөмла вөлі ыстөм саяс петны. Нөшта власовец саяс!

— Кодкө сайө өд ог пет, кымынөн зонгьясыс усины да.

— Но и петавтөгьыс мед олін. Ли кага лөсьөдін, сэтшөма кө нин...

— А эг на ме сы сайө син куньөмөн уськөдчы. Кымын во на өтлаын кер дорын уджалім, да вөлись на. Комиён нин вөлі куужө, вот!

— Сёйсь нин тайёс дэжнэвлін, тырмас.

— Сёйсь ли, кыкёйсь ли, а эз на лёк морт вёв. Быдтіс и велёдіс на тіянёс, чоя-вокаёс. Ме вылё кинас эз волы ни.

— Сійё буртё ми тёдам, а сэн мёдтор тёдёны! — чатырён пырквартіс Лапиков.

— А, колёкё, нинём абуысь коньёрёс... Быд праздник тай вёлі кодзыштас и бёрдё, кутшёмкё Мясной Бор казътылё. Кымынысь ме тэныд шулі, кор нин партшколад велёдчин, мися, тёдмав лючки, збылысь-ё батъыд мыжа, да кивыль эн керлы, сідзи и коли. А ёні ме вылё лёгалан.

— Эн юась мый оз ковсё дай! Олан кё, чёв ов!

— Йёйыд, вёрзи гортись, — ырёстіс мамыс. — Эз кё кув эськё батъыд...

— Ланьт, шызьёдан йёзсё!

— А сулалё на ёд керкаёй. Пачтё верма на ломтыны. Ватё вайны да.

Ичётдырсяныс ковмис Лапиковлы нбылавны синвасё и дульсё. Зонпосныд дасысь луннас сувйысьёлны, и венас кё вёлі кодёскё, водзёссё пыр и кылас: «А тэ эськё власовец!» И эз на мынлы вежёрсё пагёдан тайё ёдан висьёмсьыс. Мед, эз кё нин Батмановыс кыскав батъсё, а тёд вылас ёд кутіс и видзчысис на, тёдёмысь, син пёртёмён ыстысис, мый оз вермы сійё, Лапиков, нуёдны районсё. А шлюпкё сэн мамыс, да абу на вежа ва сълён синваыс, некод сійёс эз тойлы сэтшём саяс!

— Ачыд тёдан, — векыштчыліс Лапиков.

Аскинас мамыс и муніс бёр гортас, вёр посёлокё. Юалёмаёсь йёзыс, мый нё пё нин төв шёрнас вёрзин, эз овсьы пивыд дінын шоныд патераас, да вочавидзёма, дёзми пё нин кыккирудз сэн пукалёмсьыс.

Йёзыс и висьталісны тайёс Лапиковлы, қор воис кувсьём мамыс дінё нин. Вала сійё петёма и васё нин вайигён усьёма лымъяс, волёма на садяс да кыссьыштёма на, валегиясыс весиг бёрвылас кольёмаёсь, и эштёма. Аддзёмаёсь да, йи кын нин вёлёма.

Мамыслён лёк ногён кувсьёмыс йирыштліс Лапиковлысь сёлёмсё, и нелямын лунсё пасийгён кёсийліс нин мыжмёдчыны йёзыс водзын, но эз лысьт. Тільыштіс кодзёмысла вазьём синъяссё да кымынёдысь нин гарыштіс:

— Но вай юыштамёй, мый сэсья...

ЛОВ ПЫКӦС

Ӧти порсьсӧ Варсон Иван аслыныс сѣйны начкис, а мӧдсӧ вӧлі карӧ, мяскокомбинатӧ, кӧсйӧ нуны воддза мозыс, но кодкӧ ыззьӧдӧма гӧтырсӧ, мый базар вылын кӧ вузавны яйсӧ, унджык на доныс шедас, и гӧтырыс веніс сійӧс, ыстысис на сэтчӧ да, аслыд пӧ ӧд, мотоблок вылад, сьӧмыс лоӧ.

Начкис жӧ сӧсся Варсон Иван мӧд порсьсӧ, чишкаліс да мыськаліс, важ ной эшкынӧн тубравліс вой кежлас тушасӧ, медым оз кынмы вывтӧ да чирйыссьы кералігас, и аскинас водз кайсны гозья карӧ: совхозсьыс машина муніс комбикормла, да сійӧн и лӧсьӧдчисны.

Дерт, гӧтырыс и сувтӧс базар вылас вузасьнысӧ, а Варсон Иван сы мышку сайын паськыд тошка черӧн керавліс порсь яйсӧ. Порсьныс налӧн эз на куш нянь вылын быдмы, петшӧрсӧ и нявдасӧ тшӧтш тӧдліс, да веж петана кельыдгӧрдӧн и югьяліс ӧні яйыс, и госыс сӧмын кык чунь вомлӧс и вӧлі. Та вӧсна эз и ковмы дзӧрнясьны мыжапырысь, кодкӧ лоӧ оз и ньӧбыссьыс.

Бӧрыннас нин, кор бырны кутіс яйыс, кык ли куим пельӧ керавны и коліс, Варсон Иван веськӧдчыліс мышкырасьӧмсьыс да кузьджыка чӧвтліс синсӧ сылы паныда йӧзыс ыло. И ыштӧкӧ тувкысис видзӧдласнас топыд баньяса да вӧсни ныра аньлӧн чужӧмӧ, уськӧдіс тӧд вылас, кодӧ вермас лоны татшӧмыс, комилянӧ мунтӧмыс, и тшӧкмунліс яндзимысла горш пыдӧдзыс.

— Керав! Дувьялӧ сэн! — чушкыльтчыліс гӧтырыс.

— Шогӧдӧ менӧ, — нускыштӧс Варсон Иван.

— Мед оз шогӧд! Абу тэныд пӧкмелля!

— А ызгӧмсьыс ли, мый ли. Юрӧй нин жуvgӧ.

— Ок! — кигугыс ырыштчыліс гӧтырыс да эз нин вермы кутчысьнысӧ, йӧткыштӧс гырджанас: — Мун, мустӧм! — и босьтӧс черсӧ да ачыс пондӧс керасьны.

Мӧд пӧрйӧ кӧ, Варсон Иван эськӧ эз на водзӧстӧг кольччы, а ӧні сылы сайӧдчыны коліс кытчӧкӧ, и чӧв усьӧмӧн довзьӧдіс пыртлысян ӧдзӧсланьыс да петӧс павильӧн мӧдарас. Тшынасигмоз видліс такӧдны асьсӧ, весиг ышнӧвкерис сыыс: мыйсӧ том дырйиыд он вӧчлы да, но ыло нин кольӧмаыс визьяліс вежӧрас, тшӧктӧдіс лючки казътывны, кодӧ код вылын сӧк смекайтчис.

...Нелямын сизимӧд воын тайӧ лои, гожӧм помас. Военкоматӧ нин корлісны Варсон Иванӧс, тшӧктісны повестка виччысьны. И, збыльыс, вайысны сӧсся повесткасӧ. Но мӧдтор на вӧлі сэтчӧ

гижома армияо босьтөм пыддиыс: индөм лунө локны Калявож кылөдчан рейдө.

Дас кум арөссянь, война пансьөмсяньыс, Варсон Иван дырсө эз нин и овлы гортас. Дугдывтөг кытчөкө ыстылісны колхозсяньыс: то кер лэдзны, то моль бөж вөтлыны, то пароход пес вөчны. А мый керан, он өд аслад гажөн ов! Кымынкө ноп чукөртліс жө нин сылы мамыс, и бара ковмис.

Карта саяныс идыйс вөлі воыштөма нин кытисюрө, и мамыс вундіс ыджыд мездор тыр да косьтис паччөрас, сэсся эня-пия вартисны пөсийлас да изисны киөн бергөдлан изкиөн. Сизим иднянь, эз на вунөд Варсон Иван, пуктис мамыс сылы нопьяс, шуис на колльөдігас, мед волас гортас, тшыгьявны кө сэн кутас, Калявожас.

Пурьявтөм вөрыс, вөлөмкө, зэв на уна колбөма сәні. Важ Эжваас, запань вылысладорас, гашкө, верст кузя на тшем тыдаліс керыйс, а йи сувттөдзыс абу нин сэтшөм ылын, вот и шуөмаөсь, буракө, вайөдны отсөг вылө матигөгөр сиктьяссьыс став зонсө, кодьяслы таво армияс мунны, а медым оз куш уджөдөм ло, тшөтш и велөдыштны найөс служба кежлас.

Уджыд удж и эм, мудзан и дөнзыылан сыысь, но көть лөгыд оз пет, а видлы кузь лунтыр бөрад, кор гөгөр нин жаялөмыд, стройөнтө ветлөддыны да нөшта и котравнытө. Да и кынөмыд нюрсмунома капустаа шыдсьыд да треска бөжсьыд, вежөртө быдөн някыртлө. Шойчөг туйө нин и пуктан, лыйсьыны кө нуөдасны: инман ли он ли винтовкасьыд, вөдасны ли оз ли, а рытыс кокныдджыка колбө, лолыштнытө сюрлө.

Коді заломсө косявны веськаліс, налы эдзык сэтшөма суй косканыс: нетшыштін багырад топөдөм керсө и йөткин ва бөрыс. А Варсон Иван ыкшаасис йөй юрнас, ачыс вөзыйсис пур юрсө вөчысьяс пөвстө, медтыкө петкөддыны, мый тырмө нин сямьс. И некод эськө эз шулы, вешый пө сәсь, оз на пө тэнад артмы, да лунтыр жө и пидзөсчаньясьөмыд, көртавлан песөм кыз пу нбөрийөн вомөна керсө, шывинасө.

Ылөдчыштны мышкыра уджсьыс Варсон Иванлы вичмыліс, кор этша нин кольліс нбөрийыс да мастерыс ыстыліс сийөс вьль нөбла. Сәки сийө кайліс джуджыд кыркөтшас да бөрьяліс чукөрсьыс бурджыка песөм нбөрсө, а шогмытөмсө шыблаліс бокө. И, дерт, эз чөв ов, чиршөдіс полөмысла йөжгылясьысь немкаясөс.

Нбөртө песны сой вын на колө. Уль том кыз пуыд эськө нудз, да оз на тай сетчы пөславнытө, колө өд, мед кузяла бонзис да чегьясьтөг куснясис. А кысь сэтшөм выныс тшыг нисьө пөт нывьясьыслы? И быть вөлі пов налы, сідз нин мыждөмаясьыслы, кыськө

татчө вайөдөмыслы, медым оз содтөд изъявны юр выланис, со пö и уджавнытö на оз көсийны.

Аддзыгтөг эз ов Варсон Иван, кутшөм налы сьöкыд да курыд, но ньöти эз босьтлы лов вылас налысь шогсö, нымаон и чайтис да. Та вöсна эз и пырöдчыв накөд бур сёрниас, нимсö некодлысь эз тöд ни, веськодь вöли сылы, кодi сэн Марта, а кодi сэн Берта. Да и оперуполномоченнойыс, кодi нем уджтөг бавъялис Калявожас, чорыда öлөдiс воом зонъяссö, медым оз лысьтны матысасьны немка-ясыскөд, оз кө көсийны веськавны кытчöкө пемыд пельöсö.

Став немкаыс ыштöкө öткодь и вöли Варсон Иванлы, син пырыс и лэдзлiс налысь шупалөм руд чужөмъяссö. Сулалöны кыкөн-куимөн муö суйөм пу сюръяяс дiнын, кытчö розьяс писькөдöма ньөр помъяссö кутөм-зэлөдөм могысь, да тильсьöны ымöставлiг-тырйи, морт öти ньөрйөн песöны, и медъя, нинöмла на вылө жалад-дза видзöдны. А вот вöсни ныра немкаыс сибдiс быттвöкө синмас йики моз: кык синкым костсьыс и петö нырыс да резюв моз весь-кыда нюжмунö, вежыштны и дзерөдö, лайковтыштны вылыстьыс да кызмөдыштны помсö. Да и видзөдласыс нырыс бöрся жö вöтчöма, ёсь да кывзысьтөм, водзöс тэныд сидзана.

Кымынысь Варсон Иван эз лöсявлы син на син тайö вöсни ныра немкаыскөд, сымынысь ачыс водзджык и лэдзлiс синсö. Лёка песөм ньөр öтчөд сы дырйи вайис вöсни ныраыс да тювгыны и көсийлыс чукöрас, но Варсон Иван пановтiс горөдöмнас:

— Пуктылан кө эськө!— Сэся нетшыштiс ньөрсö да ырышт-чис кызладор помнас:— Ойкнита вот, да велалан сэки!

И эз öд йöжгыльтчы ни бергөдчы вöсни ныраыс, синсö эз лап-нитлы ни. Эськө повзис кө да пышйыны лосьöдчис, бöрсяньыс и позис жвучкыны да. А зэлыдысла чукура вомөн сулалан и коли, да Варсон Иванлөн эз нин водзöсö вөрзэы кыыс. Здук-мөд сийö пыкис на ловсö да мурөстiс личөдчана, та бöрын муртса бергөд-чыштiс да топөдiс кык пидзöс костас ньөрсö, ачыс пондiс лючкиö-дзыс песны. Сэки вöлись тайö немкаыс вешйис.

Кымынкö лун мысти та бöрын Варсон Иван мырдысьөн вöзйы-сис ветлыны гортас. Сизим ид няньыс, кодöс пуктылiс мамыс, казь-тылөмнас нин сöмын сийöс дэльбөдiсны, пөтлыгтöмысла дилькъялан кынöмыс вой пемыдöдзыс эз сетлы унмовсьынысö. Войколөн и көсийысис ветлыны, аскинас удж вылө нин бөр воодчыны. «Сё Ен!»— весиг няргана кайтiс, мед нин эскасны, дась вöли пернапас на чөвтны, да полiс, медым оз скөрмыны.

Катан пароходыс рытъя рөмыднас нин сувтлiс Калявожас. Но эз посёлок весьтас, а кывтыдөджык, кытөн пес чипасъяс сулалiсны: öти сайысь мед и пессö босьтны. А катнысö Варсон Иванлы кык

сувтан кост и колö, вой шöр гөгöрыс, арталіс сійö, гортас нин лö. Тöдöмысь, мамыс вундіс нин карта сайсьыс идсö, вартіс да изіс, и водзджык чеччас аскинас да пöжасяс, бара няньöн сійöс мөдöдас, и удитас на сійö кывтан пароход вылас. Дерт, сёрмыштас неуна удж вылас, да юасьöмнад оз на дезертирöн шуны. Да и косöдас на сійö сёрмыштöмсö, зільджыка уджалас.

Татшöм юрöн и муніс Варсон Иван рöмдан веркыднас виччесьны пароходсö. Пес чипасьяс дорас вотöдзыс на казяліс, мый кодкö сэн вуджрасьö нин, полöмысла ли ыркыдысла педзышталö. Матыстчис да ыкөстіс чуймöмысла, вöсни ныра немкаыс, вөлөмкö. Букуша синбöжаліс сійöс:

- Пышгьян кö эськö!
- Ог.
- А мый нö, ötнадтö и лэдзисны?
- Да.
- Кытчöкö?
- Районö, комендатураас.
- Мыйлакö?
- Мамöс корси, да сюрöма.
- И мый сэсся?
- Öтлаын мед овны, позьö кö.
- Вывті тай кöсьян!
- А мый ми лөксö вöчим?
- А войнаыс? Эз немечыд пан?
- Эг öд ми.
- А код тöдас тiанöс, вермис кö Гитлерыд! Öти на вирныд!

Немка кöсийыліс вомавны, но эз лысьт, буракö, да сьöмдыштіс дількмуномысла. Сэсся сыркъялөмөн шуис:

— Эгö ми тан война чöжыс тшыглысö уджалöй? Öни огöй ни? Сійöс он аддзы?

- Уджтö меным эн висьтав!
- Мый нö колö?
- Кымынөн бур йöзыс усисны! Миян батыö и! Коді öні найöс лөйөнсö бөр вайöдас?

— Потан тадзтö лөгсьыд, садьтö кö он кут тöдны. Мыйөн ме тэ водзын мыжа, ноко?

— Вешы, а то!.. — пырквöчис Варсон Иван. — Паськөдлан сэн вомтö!

Рöмыдыс сукмыны нин кутіс, мөдлапöвсьыс бадь пуясыс öтсора пемыд визьöбö пöрисны, быгтьöкö кыркötш жö сэтөн, кельыдлөзөн югнитлысь визув весьтас. Горда сэн көнкö герчкыштіс, бадь пытшкас, разавтөм на позтырсö йирсьыны, колөкö, чукөстіс ва

дорос турунас. А катан пароходислөн буткөмыс некөн на эз кыв, сөмын биыс востым моз кельыда лөстышталис вөртас выліас.

Дөзмис Варсон Иван өтнәсөн весь сулавнысө, да и ыркыдыс сибавны пондис, и чукөртис кок увсьыс лөпсө да чагсө да би чуткис суюмөд чыкылыөн. Водзпөрсө весиг долыд лөлі сылы ырналысь би-пурсьыс, төд вылас эз уськөдлы, кытчө саймовтчис немкаыс, но шонтысис водзөн и мышкөн, и гажтөм босьтис сідзикөн тапикасьнысө, ээлөдчыліс вывтырнас да кыліс на локтысь вынсө, и шыньмунліс аслас мөвпыштөмысь: личкылас кө эськө немкасө, некод оз и төдлы да.

— Э, көні тэ? Локтан кө, лок би дорас!—горөдіс сэтчө-татчө. Некысь нинөм эз кыв вочасө, и скөрысь нин содтіс:— Эн эськө дузъяв сән! Корсьны кө, өдйө на тэ сюрән меным!

Но бара шы эз кывлы, и уськөдчис корсьны. Вөрзөддыгтөм на джуджыд пес чипас сайын и сулалө, вөлөмкө, немкаыс. Бөрдөма, буракө, да кашкис на лов тырөн синсө тилигтырйи.

— Мыйысь он шыась?— мургыштіс Варсон Иван.

— Колө вөлі!

— Мун би дорас, абу жаль.

— Велькодь.

— Бур кывсө он гөгөрво?

— Сьөлөмыд потас тәнад бур кывйысь.

— А мый эськө тэ вечмасян? Ляска вот да...

— Мун сәтысь, пеж!— тойыштіс немка.

Тайө сөмын ыззьөдіс Варсон Иванөс. Сийө эз нин инө пукты нывылысь водзасьөмсө, уськөдіс кок йывсьыс да вожасис вылысас. Но ныв эз на сетчы сылы куштөднысө, мый вермөмысь кутчысяліс киясас, а сәсся, стрөка сюри да, варс-курччис шуйга кисө. Ымөстіс Варсон Иван дойсьыс да мездөдіс веськыд кисө, шамыртөмөн сөталіс нывлы өтар-мөдар банас.

Вөлісь немка лизгырмуніс, вөч мый колө. Но Варсон Иванлөн эз нин вөв выныс. Чеччис да лешмөмысла довъялөмөн муніс бөр бикур дорас, гач зөптас суюмөн кутіс пөжны уялысь доя шуйга кисө.

Немка, кылө, ләччыліс ва дорас, польскөдчис сәні. Но весигтө эз рикөстлы: мыйта на, вөлөмкө, сылөн ас чорыдыс. Шуштөм шымыртис таысь Варсон Иванөс, дзөрнясьны да кывзысьны пондис, тайкө зорьяласны гусьөн мышку сайсяныс. Кытчөдз эз матыстчы пароходыс да югзөд кыркөтшсө, эз и мынлы шуштөмсьыс.

Гортас Варсон Иван воис коркө вөй шөрнас. Мамыс сәсся эз нин и водлы, ломтіс пачсө да изны петіс пөсыйлас, мед пөжасьыштны сылы кывтігкежлас, и лөз югыднас на садьмөдіс сийөс:

— Чеччы, сёрман пароход вылад.

Чоссодіс шуйга кыыс, да бур унмыс эз и шедлы Варсон Иванлы, мустом и курыд вөлі чеччынысө, ыштөкө судитөма гортсыыс та өдйө бөр муннысө, и вешкыртчылөмөн лэдзис норсө:

— Ме ог төд да... Öти лунтө... оз на, гашкө...

— Но и кольччыв. Пывсян да мый да.

— Киой со и.

— Потласьөма тай. А мый нө эськө?

— Гирсмунис. Кер помө.

— Да өд пежасяс! — чилөстис мамыс. — Час, сөстөм рузум оз-ө сюр.

Гортад да мамыд динад, дерт, лөсьыд, и ки вылас ыстысьөмөн Варсон Иван мөдөд лунсө на эз лэччы Калявожас. Чайтис узны на öти вой. Но лун шөр бөрас и локтис сыла, верзьөма милиционер Калявожсьыс.

Буретш öшинь уласось вөліны эня-пия. Мамыс йиасис колхозас вундан машина бөрся да пажнайтны воліс мунны нин вөлі көсьө да муртса манитчис, сы вөсна мый луксө керны тшөктис пиыслы да велөдіс, кыздикөн колө тшөтшөдлынысө.

— Мела, буракө, — намыштис Варсон Иван, кор милиционерыс сувтөдіс вөвсө налөн завор дінө.

— О, господьой! — чегсьыліс мамыс. — Сэсья пуксьөдасны кө и?!

— Мед оз на. Эг на ме пышйы некытчө.

— А озтө эн шу öни кыкысь! А мый нө тэ, мортыс, мөгөн али лөкөн?

— Могтөгыс миян оз овлы, — вочавидзис милиционерыс. — Мед тэрмасьө пиыд. Миян кузь на туйыс.

— А мый нө, подөн? Тэ верзьөмаөн-а?!

— Оз на ор кокыс комын версттө.

— Ойя жө эськө да, лои тай олөмыд! А мыйкө но, тэ өд тшыг, колөкө. Няньыд норма жө. Лок пырав да, а?

— Но, гашкө. Горшөй косьмө жө-а.

Дзөнь ид нянь пуктис мамыс милиционерыслы да йөлөн пражитөм картупель латка тыр, и мөдыс родыштлыгөг өдйө и сөйис, бытбөкө уджаліс мыйкө налы да вердөмсө инө и пуктис. Кор сійө чеччис пызан сайсьыс, мамыс кевмысына нюркнитис:

— Сэсья эн жө өнасө вид писө менсьым. Гортад өд быдөнөс тай кыскө.

— Ме абу видысьыс. Меным өд вайөдны тшөктисны-а.

Петісны сиктсьыс, да милиционерыс эз на чиршөдлы Варсон Иванөс, яндысис на, тыдалө, вердөм бөрад. Сэсья вугыр босьтис сійөс пөт кынөм вылас, да бура кузя сунтшикасис юрнас. Кутыш-

тавны ковмыліс Варсон Иванлы, медтыкө оз турбыльтчы вөв выв-
сьыс, и вөвсө на вөтлыштавны туй пөлөнсьыс турунсө йирны дыр-
джыка сувтлөмысь.

Ыркыд улиса козья вөрөд мунігөн паляліс милиционерьыс, нюж-
масьыштис очсалігтырйи, и мод морт ыштөкө лои, лөкалан руа. Тшөктис
Варсон Иванлы водзвылө петны да ыджыда восьлавны, помала
«шире шаг» и горзис гөрөктылөмөн, а бөрінджык и вөвнас пондіс
зырөдавны сы вылө. Вөлыс мовкйөдліс юрнас да көртвомнас сәс-
ся инмис пеляс, вирөдз нирснитіс кучиксө.

Мыжаө асьсө пуктөмысла Варсон Иван эз на лысьт дуанит-
нысө, весиг эз сувтовкерлы, восьлалігмозыс и нюрскис нырнас да
косөдіс доршасьысь синвасө. Чайтіс, оз на вошты садьсө милицио-
нерьыс, такалас дырөкө мысти да дугдас сы вылын тешитчынысө.
Мед, волены кө ковмис сыла сиктас, верзьөмнас эз на сэтшөма
мудзтысь, да и пызан сайө на пуксьөдліс мамыс, и нинөмысь на
сэтшөма лөгавнысө да водзөссө босьтны. Нагана да, сійөн али мый
ыджыд йөз вылас?

Но такалөм пыдди милиционерьыс асьсө нин дзерөдіс горза-
лөмнас, да кинас воөмыс и коліс нин сылы, буракө:

— Он кө эськө өдйөджык! Ог өд дыр видзөд!

— Кысь ме өдйөсө, жаялі нин-а?!— вочааліс Варсон Иван.

— Пемдөмсө виччысян? Ок... ме тәнө!— матькыштис милицио-
нерьыс да судзөдчылөмөн зутшкис пель бекас.

Довкмуніс Варсон Иван, но эз на усь кок йывсьыс, и сәки мили-
ционерьыс кигугыс нин косьыштис сылы нырас, а сәсся чеччыштис
вөв вывсьыс да усьөмсө нин пондіс чужьявны сійөс.

— Висьтала өд,— ырөстіс Варсон Иван.

— Висьтав! Вөркутаө кө көсьян! Во дас кежлө!

— А тэныд абу жө сетөма законсө йөзсө нөйтны. И сөйин на
миянын.

— Он кө ланьт эськө!— кинас и кокнас ырыштчыліс милицио-
нерьыс, но эз нин ойкөд: няньнас дойдөмыс, тыдалө, мөрччис. Пуксис
бөр вөв вылас да сәсянь мурөстіс:— Чеччы! А то гижя «попытка
к бегству», да сійөс и төдлан.

Чеччис Варсон Иван да фуфайка соснас сувтөдіс нырсьыс
лювгысь вирсө. Нөйтөматө лои, да бурмис, гашкө, сьөлөмыс мили-
ционерьыслөн, сы водзвылө петіс вөвнас. Рөмдытөдзыс на воисны
Калявожас.

Удтысьны сэн милиционерьыс вылө Варсон Иван эз лысьт. Ачыс
на тіркьяліс-поліс, медым оз дезертирөн шуны да пуксьөдны. А
вөсни ныра немкаыс, буракө, абу жө сы вылө удтысьөма. Эськө
кыскавтөг эз на кольны да.

Кыкнанторыйыс тайо эз и вунлыны Варсон Иванлон, корко да корко кывлісны отсора лов пыкөсөн. Кымынысь эз видлы сийо торйодны вежорнас отисо модсьыс, асьсо нойтомсо вылоджык пуктыны, сідзи эз и вермыв, век сэтчо и вайодліс дзугылысь, мый морттуйыс аслас эз жо вөв. И кымын во мысти со бара аддзис вөсни ныра немкаос, да оидйо и нюкыртодіс лов пыкөсыс.

ЧАСОВНЯ

Армия бөрас Варо Васька вөрын уджаліс — дас вит во порөдчис да вит во чинтасис улыс складас. Сэтөн, вөрпунктас, и гөтрасис — ныла-пиаос лөсьөдіс да быдтіс. Оні пиыс сы пыдди вөрас уджалө, порөдчо жо, сомын оз нин собав сы моз коскөдзыс лымийн сьөкыд бензопилаон, а кабинаын пукало да веськөдло: топөдас пүтө кык көрт шамырөн, оредас му бердтіыс и пуктө бөрвылас чукөрө. А нылыс карын оло: муніс велөдчыны пединститутө да сэтөн и петіс верөс сайо летчик сайо.

Тырвийо нин лоо вөрас уджалан стажыс Варо Васькалон, ме-дым вит воон водздзык пенсия вылас петны. Но арлыдыс оз на судзсы: ветымын на сомын сылы локтө. Позис на вөрпунктсыыс вөрзытөг овны, ундзык сьом чөжны водзө кежлас, да нөрпавны кутіс, коссө оз вермы веськөдны. Бөрья помыс и өлөдісны сэсса сийос больничавын куйлігас, дугды пө, колөкө, кынмалөмсьыд, а кусыньтас өд дзикөдз, Бехтеревлон висьөм босьтас.

Чойыс медводз и шуис сылы та бөрын:

— Лок бөр горто дай. Оні сиктад, коді оз ю да оз дышөдчы, некод нин оз водзөсасьлы. И кынмалөмыд оз сэтшөма сюр.

— Локтан, да өд көнкө и овны ковмас.

— А мый нө, ого төрой өти посводзас? Ті, гозья, отарас, ми модарас. Кыкнанным выло өд мамөыд гижөдліс керкасө.

— Стракөвойсө өд тэ мынтін, кымын во нин!

— Мый нө коть? Пурсьыны пондам чоя-вока?

Тайо нылыыд сөрнийыс и вөрзөдіс Варо Васькаос бөр ас сиктас. Но чой гозьясө эз нин дзескөд ни пайкы, кер вайис да вьлө керка аслыс лэптис. Дерт, эз ыджыдөс. Ай-мамыслысь кө өд керкасө босьтны, то кык олан пөв сэн өти вевт улас, посводз на шөракостас и пөсийлыс мый пасьта, вөла-доддьөн бергөдчыны төран, а сылөн өти пөла, ортсыа-пыдіа, да веранда посводз пыддиыс, и векныдык стын нөшта йитвежөн пуктөма овмөссө кутны.

А керкаыд сиктад, олём вылө кё нин пуксин, унатор на ас бөрсяыс кыскө: пывсян и гараж, и гожся кухня на ковмис лөсьөдны Варө Васькалы. Лымсянь лымйөдз гожся кухняс өнi сийө и узылө, диван-крөватъ сувтөдiс да. Телевизорыс сэтөнi и. Рыт сёрнас вугравны пондас гөтырыс да очсыштас:

— Ой, пета сэсса.

— Пет, — нурбыльтас Варө Васька, абу кё думыс сибөдчывны гөтырыс дiнө. А эм кё, читкыртлас син пөвсө да каймөстас:— Гашкө, ме петала жö да?

— Ачылд төдан, — воча шпыньмунлас гөтырыс. Но овлө и, дузмунлас сийө да кывберитас:— Аски рытыс тэныд волас.— И петас сэсса узьнысө керкаас, а Варө Васька оз и лысыт вөтчывнысө, сы вöсна мый гөтырыс руа жö асланьыс да лөкөннад сийөс он и босыт.

Вөрпунктас уджалiгөн Варө Васька нималис, да ов сертиыс сийөс и төдiсны, Куликовөн, ним-вичнас ыдждөдлiсны, Василий Степановичөн. А локтiс бөр сиктас, и воддза нимыс, ичөтдырсяньыс вужъясьөмыс, бара өшйис. Мыйлакө мамыс серти сийөс нимтiсны, эськө эз корсьөмтор вөв да, сөмын мый война вылын батыс уси. Но өд и мукөд посниыслөн батыясныс усисны, но некодөс эз мамсяньыс нимтыны. Чойыс и то Степө Рая, куим арөсөн ыджыдджык да. А сийө Варө Васька лои Степө Васька пыдди. Гашкө, сы вöсна, мый уджөн ни вомнас мамыс некодлы абу сетчылөма война дырйиыс. А, гашкө, и сы вöсна тшөтш, мый өтнас сиктас Варөнас вөлөма. Он нин корсь өнi помсө, мыйла тадзисө артмис. Да и нинөмла. Ен сыкөдөн, бурөн на казытылөны сиктас мамсө, весигтө кодьюраыс: налөн өд кывныс и петө, дойдлөмыд кё коркө мыйөнкө.

Кор мамыс кулис, гортсө сылы Варө Васька вөрпунктас и вөчөдiс, лөзөн кышөдiс. Дасьсө нин сэсса и вайис машинаөн сиктас. Содтөд вина ящик да.

— Йирк на өд колө дай!— нюркнитiс сэки чойыс.

— Кутшөм йирк? Кытчө?

— Гуас. Быттьө он төд.

— Ог и төд. Миян тай сэн, механик кули да, гортсө лэдзим и тыртим.

— Тiян сэн, колөкө, кызди гуасьөны, а миян тан ас ногөн. Лэдзан гортсө гуас да йирк на вөчан вылысас. Нель чурка сувтөдан: кыкөс юрладорас да кыкөс кокладорас, вомөна кутөдыяс пуктан на вылө и пөвьяс сэсса кызджыкөс, вит-ө-квайтөс.

— Мыйла быттьө йиркыс?

— Мед оз личкы муыс горт вылас. И бөрыннас мед оз лямав рөчыс.

— Но и вѳчам, йирк кѳ колѳ. Чуркаыд да пѳвйыд сюрѳ на, огѳ на лунвылын олѳй.

— Сюрѳ, да оз на тай сюр. Он кѳ юасьлы кодлыськѳ.

— Мый нѳ, пестѳг оланныд? Пу ни палич?— векрыштчыліс Варѳ Васька.

— Пѳвсѳ шуа. Кык чунь вомлѳс кыза кѳть мед вѳлі жѳ. Шулі ѳд кѳзянны, кор пилорамаыс уджаліс, даса и быдѳн сетлі, да кивылы эз керлы, сѳмын дасасѳ сысьяліс.

— Оз на, мися, кув, а со... кык сутки сургис и эштис. Юрас, буракѳ, кучкѳма вирыс,— киргышталѳмѳн висьтасис чѳйыслѳн верѳсыс, былялѳм синма нин, коддзѳмысла.

— Тѳныд эськѳ кучкыны жѳ колѳ да! Балябѳжад!— скѳр вывсьыс дѳжныштис Варѳ Васька да ырыштчыліс на.— Гажъялан сѳн, эн на вѳрзъыв пызан сайсьыд.

— Тѳнад ѳд мамыд, ме вылѳ воан-а.

— А тѳныд нѳ абу тѳѳца, морт ногѳн кѳ? Абу тѳ меным зятъ, чѳй сѳрти кѳ?

— Но и кодйим тай гусѳ. Тѳрыг на. Тѳнѳ эгѳ виччысьѳй.

Чѳйыс кыскыштис Варѳ Васькаѳс сѳйѳдыс да ѳлѳдана чукыртліс чужѳмсѳ, медым оз нин шыась сѳссия сйѳ. Но коліс ѳд кыськѳ корсьны вит-ѳ-квайт пѳвсѳ, и сйѳ ымѳстис дойысь моз пинь пырыс да дѳжныштис:

— Разя вот порсь гид вывсьыныд вевтсѳ!

— Ланьт сѳрнинад,— такѳдіс чѳйыс.— Сюрѳ на кыськѳ.

— Сюрас тадзѳтѳ дѳтшвидзигад.

Петис Варѳ Васька ывлаѳ, ыштѳкѳ тѳдѳмѳн, кытѳн туплясьѳны пѳвъясьыс, бѳрйы сѳмын, и шѳйѳвоши, оз тѳд, кодарѳ и веськѳдчынысѳ. Дерт, вомас оз кучкыны, пыралас кѳ кодкѳ ордѳ да юалас, позьѳ нѳѳбны, а позьѳ и водзѳсавлыны вит-квайт пѳвтѳ, но пыралѳмыс да юалѳмыс ѳд мый дон на сувтѳ ас юрѳн олысь мортдылы, коньѳрѳ лѳѳ уськѳдчыны, синтѳ лазгѳдны да. Мѳдысь ачыд аслыд та бѳрын муштѳм лоан.

Шѳйѳвошѳмысла тапикасигѳн и пырис Варѳ Васькалы синмас важ часовняыс, кодѳ век на сулаліс туй чукыль нѳрысын, сѳмын вужынь-вежыньмунѳма нин-а. Война бѳрас, кор колхоз на вѳлі сиктас, колхозыс ѳна на вѳдитчис часовнянас склад туйѳ, а сѳссия совхоз лои да весиг няньсѳ дугдѳсны кодзны, и некытчѳ ковтѳм лои сйѳ. Вот и пасьѳймаѳсь нин сйѳс, кыскалѳмаѳсь кодлы мый ковмѳма; шылѳвкасѳ, вѳсни пѳвйысь кышѳдсѳ, и то нетшкалѳмаѳсь кыгчѳдз судзѳмаѳсь.

Эз и мѳвпыштлы Варѳ Васька, мый абу жѳ эськѳ лѳсьыд верстьѳ мортдылы йѳзыдылыс вѳчѳмтѳ вѳрзѳѳдны да, шавксьѳдіс часовня

дінас. Мөдтор сылы сэк юрас воис, эз-ө коль на сылы вылө гоз-мөд джодж плака. И нөшта на төданатор сійөс ызыбөдіс мамыслөн висьтавлөмысь, мый ыджыд айыс на тшөтш керсө лэдзлөма да лэптылөма тайө часовнясө, сідзкө и, сылы өні позбө мамыс понда водзөс бөр босьтыштны.

Абу на ставнас часовня джоджсө вөлі косявлөмабсь, и Варө Васька кокниа шедөдіс кык кузь плака, кодъясөс позис шөриавны: нель торйыс, пасьта сертиыс, буретш лөсяласны гуас йирк вылас. Нёнён скойөмөн, ньөти көрт тувтөг, топөдлөмабсь плакаяссө, да сійөн найө кокниасө шедісны.

— Кысь нө вайин?— юалис сэсся чойыс, петіс пөсйылас да, кыгөн Варө Васька плитчө нин вөлі.

— Часовнясь.

— Но и олас,— инасяна өвтышгіс кинас чойыс.— Сідз жө тай сісьмө.

Ни вөтөн, ни вемөсөн, кыгчөдз вөрпунктас на оліс, эз усьлы Варө Васькалы юрас, мый эз эськө морт ног вөч да, кор мамсө дзебис. И сиктас бөр овмөдчис да, син увтйыс на вешйыліс часовняыс, сы вөсна мый тырөма на вөлі горт гөгөрыс уджнас да төжднас. Вот кор эштөдіс, мый вөлі колөсө, а керйыс и брусыйс, и быдсяма пөвйыс (век өд тай содтөдөн лөсьөдлан) поводнөя на коли, сэк и пондіс часовняыс дзерөдны сійөс, быд пөрийө, кор оз видзөдлы сэтчань, муткырталыны сьбөлөмсө. Дыр нин сы ни садь узьліс, нинөм эз вөтасьлы, и бара пондіс быдсямасө вөтавыс. Медбөрын и мамсө вөтөн аддзыліс. Райын ли, көн ли, зэв тай шондіа кыддза раскын-а, зэв уна йөзыс ветлөдлөны, ас костаныс варовитөны, а мамыс өтнас жугыль пукалө из вылын.

— Мый нө, мамө өтнад пукалан?— юалис вөтнас Варө Васька, шөгөдіс мамыс вөсна да.

— Грекой ыджыд.

— Кутшөм грек?

— Ачыл төдан. Мыйла кийд лыбис часовнясьыс вөрзбөдны?

— Ме өд тэнлы вылө. Раяыд шуис, йирк на пө колө да.

— А өні менө енмыс чиршөдлө. Из вылын со пукөдө.

— Но вешта на ме тайө гректө. Эн бөрд.

— Вешты верман кө,— кывйө сетчис мамыс.

Вөт йивсьыс Варө Васька, дерт, некодлы эз висьтав, лунсө кызкө кольбөдіс нин, а рыгнас рөмыдөн босьтіс керка дорсьыс кык кузь пөв, ветымына¹ кызаөс, да нуис часовняас. Чайтіс, тадзикөн и мынас лов вылас өшиөм курыдсьыс. И збыльысь, пессьытөг и узис сэсся

¹ Ветымын миллиметр.

пуксьом войсö. А мөдөдчис асывнас удж вылө, гожом кежлас турун косьтан лэбув вöчны, чөвтліс синсö часовняыс вылө, и бара ёвкмуналіс сьолөмыс: ойзис ыштöкө пöлыня да жульбөм часовняыс, сө ен могысьон отсөг кевмис.

Шөйвошөма и уджаліс сійө луннас Варө Васька, тшупсьөм пыдди йирис керсö чернас, йөзсö весиг манитөдіс. Бур, мый некод эз шыасьлы та понда: колөкө, чайтисны, мый покмелляыс водитіс, да сійон эз и дивитны, сы вöсна мый аскөдныс тадзсö овліс жö. Быдтор өд водзөса олөмад.

Сідз-тадз и мөвпаліс Варө Васька, мый вöчны, мед эз веж синсö часовняыс. «Кисьтны да пескө ломтыны дай, некодлы жö тай оз ков!» — выйөдз асьсө вайөдліс, сөсся ачыс жö и ыркмуналі тавыс: юр яндзимсö и корсяс эськө, нэмсö ковмас лөк сёрнисö кыскавны, вөрсьыд пö абу нин сюрөма өшлөпанлы пескыд, часовнятө ломтөма. Йөрмыліс быттөкө кытчөкө да дырөн мездысис жö, ышлоалөмөн кокнөдчис, кор мөвпыштис, мый босьтчас вот да дзоньталас часовнясö, абу нин сэтшөм ыджыд сійө, и мед сөсся сулалө мича вылө, а то повзөдчө и эм öні.

Удж бөрас и петкөдіс Варө Васька гаражсьыс «Москвичсö», мед ветлыны шөр сиктö, совхозыслөн гаражö, өнджык домкратла.

— Мый нө, кытчө? — шай-паймуналіс гөтырыс, петіс керкасьыс машина шы вылас да.

— Бөрүн висьтала, öні некор.

— А мыйкө лои али мый?

— Нинөм эз ло. Бур кузя.

— А кор нө ужнайтан?

— Бөрти.

Öти пельөс часовняыслыс Варө Васька сійө рытнас и лэптис. Кодйысьны ковмис, мед домкратсö суйны, да сисьмөм подув керсö перйыны, сөсся из на корсьны да быгльөдлөмөн вайны, лыбөдөм пельөс улас пуктыны. Ратшкакыліс ставнас часовняыс домкратнас веськөдөмысь, чайтис, вылысас и киссяс, но мусяньыс ульсавтөм керьясыс ёнөсь на вөліны дай лапаөн зөв топыда пельөсьяссö тшуплөмаось, и некыт эз сетчы бокша.

Мөд пельөс бердө на көсийліс босьтчывны Варө Васька, да, гөтырыс сэтчө локтис, торкис уджсьыс, локтөмөн тшөтш лөвтны кутіс:

— Мый бара керсьө-а?! Мый керсьө?!

— Синмыд өд эм, аддзан.

— Мый бур вылө, кодлы?

— Аслым. А, колөкө, и йөзыслы на. Бөр вөча, да мед сулалө мича вылө.

— Сэсса и мынтысясны тэныд табысь?
— А мый нө тэ, тшыгылы олан? Көм ни пась? Яндысь!
— Но?! Ме яндыся, а тэ он? Кымынысь шулі, мися, меным парник колө өгурццы вөдитны, да сэтчө абу кийд?
— Теплицаыс тэныд тырмылас.
— Сэн корйө кайө өгурццыыс.
— Но вөча на ме тэныд парниктө.
— Вөчан коркө... тадзтө йөйталігад!
— Тэ понда өд,— нюмсермунліс Варө Васька аслас шмонитө-мысь.

— Мыйла ме понда?
— А мый нө, оз кызь вит во тыр верөс сайө петөмсяньыд?
— И мый сэсса?
— Лөсьода бөр сэк кежлө часовнясө, пыртөда медвөддза мортөн и окышта куимысь. А йөзыслы шуа, мися, кызь вит во олі тэкөд, да ог и каитчы.

— Мун сэтысь, лөк!— дөзмөмпырысь кайтіс гөтырыс, а сэсса лигышмуніс да тільыштис синсө.— Лок ужнайтам. Лешмөмыд нин со, нырыд өшйөма.

Быд рыт та бөрын Варө Васька ноксис часовня дорын. Казяліс эськө, помыс на оз тыдав уджыслы да видзтысьбөмыслы, но дугөдчынысө, сувтөдны асьсө, эз нин вермы. Мыйкө помөдз эштөдтөм кө кольлі, и то мыжаөн кыліс асьсө локтан рыгөдзыс. Весигтө вемөснас, вунөдчыліс да, тувъясис да лөсасис.

А йөзыс, дерт, коді кызди видзөдісны сылөн ноксьөм вылө: коді нюмрасьбөмөн, мед пө, колөкө, йөйсө песө, коді ас кежас вежалөмөн, оз-ө вичмы Васькалы мыйкө бөрыннас, коді и лөгалөмөн, мыйла шызьбөдө йөзсө, оз аслыс вылө тільсы. Чөйыс и то воліс сы вылө дузьявны, быд рыт пө часовня дорө и шавксьөдан, да ми тшөтш али мый уськөдчам?

— Некод тіянөс оз и кор!— вомаліс Варө Васька.

— Видзөднысө өд! Быттө тэ и мортыс тані, мирыслы олан, а ми сөмын асьнымөс төдам.

— А мый, чайтан, абу сідз?

— Быдөн өд тай уджалам, налог мынтам и. Кодкө и миянлысь на сөйө.

— Тэ өд кутан жө кодлыськө сөйны, пенсия вылад петан да.

— Кута эськө да, мыйкө өд уджавлөма жө нин дас арөссяньыс. Öні өд тай воөджык, а мый нө сиктад воліс? Ачыл тай, армия бөрад эн жө гортө кольчы, вөрпунктө уйкнитін.

— Сэсса тайөн и прав лоан?

— Лоа!— юрсö пыркнитлөмөн кайтис чойыс.— Меным на государствоыс, кула да, уджйöза кольö.

— А керка водзсыныд нйит гурансö он аддзй? Йöссö ог нин шу, асьныд гозья потшöсö кутчысьöмөн ветлөдланнйид, а мед кодкö локтис да посьйштит? Донъялан кө асьтö, гуг и бан донъяв.

— А тэ видлы овны юбись мужикыскöд. Посводзным лайкьялö, сисьмöма сюръяыс, да сийöс век аски вежö-а. Ме, гашкö, эг и лок тэ динö татшöм сёрнинас, эз кө йирöмөн менö йир. Тэ вöсна!

— Ме вöсна?— пузылыс Варö Васька.— Кытi ме сылыс туйсö вомöнали?

— А оз нö инмы сылы, дыш понлы моз беддйөн, кор тэ часовня дорын ноксян, а сылөн гортас уджыс абу?

— Вöтлы дай, мед муно кытчö гаж.

— Вöтлан кытчöжö, — бöрддзис чойыс.— Сидз тэныд и мунас да.

Водзпöрсö кодкö да, матi мунысьыс, кежавлис часовня дiнас видзöдлыны, мый нин сэн Варö Васька вöчö. А сэссия и кежавлынысö дугдiсны, инасисны ли мый ли, и сийö чайтис, мый энöвтчисны нин сыыс, некодлы нин абу мог сьöдз. Но öти рыгö Прошев, шöр сиктысь участкöвойыс, шурк воис аслас виж мотоцикл вылын, пöрччис юрсьыс шлемсö да чöвтiс коляскаас, а сы пыдди фуражкасö сэтысь босьтiс, зэлыда пуктiс юр вылас: со пö кодi ме сэтшöмыс.

— Но мый, Куликов?

— А мый нö эськö?— пытькыртiс Варö Васька.

— Бöр кыпöдан часовнясö?

— Ме ог тöд, вермыла ог. Юрвыв тыр уджыс да. Подув керьяссö со колö вежны, джоджавны, кышны выльысь, öдзöсавны...

— Крест на, шу, пуктыны!— кисö вывлань чургöдлөмөн крукыштiс Прошев.

— А, колöкö! Скөрма кө, фигурнойöс на пукта. Вöчöда карын да зарни туйö красита. Мед дзирдалö!

— А мый могысь? Мый тэныд часовнясьыс?

— Мед сулалö. Мича вылö. Сёысь öтиторсö лоö дольны.

— Куш мича понда эськö тэ эн на босьтчы да? Мыйкö кутан на юрад?

— Но часовня и осьта, — шешмунлис Варö Васька.— Мыйкөкерны и кута, пенсия вылö пета да. Чужöмасö пыртны, а кулöмасö сьылöдны.

— Сийö öд и эм, зэв эськö сералан да.

— А мый нö пуксьöдан?

— Ковмас кө, и пуксьöдасны. Чайтан, сидз тэныд и лэдзасны попавны танi?

— А ме, гашкö, музей осьта?!

— Кутшом музей? — синсö арыштліс Прошев.

— Сэтшом! — нимкодь лои Варö Васькалы виччысьтөг воом бур мөвпсысь. — Чукорта карточкасö став усьомысылысь и кулөмысылысь, кодi войнасö пыкис, ыдждöда карын и öшöдла рама пытшыкын. Мед волöны да видзöдлöны, кодi кодсянь рöдмöма. Быдласянь эськö сэк кутасны вольывлыны, поснисö на вайöдлыны. Видлы сэк тэ ме вылö каттысьснытö!

— Да ме ог и каттысь. Меным öд тшöктисны сельсöветсянь, ветлы пö да тöдмав лючки, мый сийö сэн мошкоритö.

— Музей и висьтав. Öнi аслым юрö воис, а збыльысь кö, тыртөг öд оз сулав часовняыс, коркö эштылас кö. Мед вежаин и лоö йöзысьлы!

— Йöзыд эськö тай сё пöлөс да. Кодлыкö и парскö на. Эськö эз удтысьны сельсöветас.

— Кодикö?

— Код тöдас, телефон пырыд. Нывбаба гөлөс пö тай вöли-а, секретарыс шуö.

— А мый нö, кызд удтысьöма?

— Нинöм пö тан миянлы часовнясыс, дугöдöй пö, колökö, Варö Васькасö.

— Сэтчö öд и повзöдлöны. Тöдмавны кö эськö, кодi! Сийö нывбаба саяс öд мужикыс на сулалö! Оз, чайтан?

— Вермас лоны, — вочавидзис Прошев. — Но вай отсала, мый колö, манитi жö-а.

— Ачым нин. Кер помсö, этайöс колö лөсальштны, да кыкөн ог сувтöй.

— Мый нö, сiдзикөн и муна?

— Но вай, дась коляскаа, эстысь, чукуль сайсысь, руд изсö. Менам перйöма нин, аддзан. Ковмас буретш.

И Прошев ветліс мотоциклнас да вайис изсö. Сэсся инасьöмөн и муніс.

Но кодкö, тыдалö, кыйöдöма на, виччысьöма, мый Прошевыс дугöдас Варö Васькаос уджалөмсысь, вöтлас часовня дінсысь, а мөдарөтö лои, и сотчис войнас часовняыс.

Ыпгьялан би югöрсысь нин садьмис Варö Васька, гожся кухняс вöли узьö да. Уськөдчис кусөдчыны, да кысь, кор кажакылөмөн нин гөгөр ырняліс часовняыс, син водзас пондiс варкавны. Локталөм йöз чукöрсысь сэк чойсö казяліс да зырöдліс сы вылö:

— Тэ звöнитлiн сельсöветас?

— Ме эг, сё господи! Мыйлакö?

— А кöнi мыйкөйд? Ветла вот да кокөдыс и кыска, шыбита биас!

— Сійӧ больничайн. Тӧрыт лэччис, да водтӧдӧмаӧсь. Бара нин сись рушкуыс... быдтортӧ юиґад! Кодкӧ ён олысьыс на ӧзтіс, коді аслыс кӧповтӧ.

Но сідзи эз и сюр помыс, коді ӧзтіс часовнясӧ. Сӧмын мамсӧ бара вӧталіс Варӧ Васька, да мамыс эз нин ӧтнас жугыль пукав шондіа кыддза раскас.

КАРСА

Петіс Густя пенсия вылӧ, и некытчӧ лои гортсьыс ветлынысӧ. Сійӧ ӧд он лыдды, ньӧбасыны кӧ петавлӧ да пи гозъясӧ видлывлӧ. А мед дырджык кежлӧ вошлыны, гожӧмсӧ кӧнкӧ колявны, абу нин, тыдалӧ, сылы шуӧма.

Дерт, висьӧдчӧ кӧ вӧлі ли каґа видзӧмысь оз мынлы, сэк и шогыс эз вӧв луныс кольтӧмсьыс. Но висян гаж вылас эз на лэдзчысь, дыш на и кывзыны мукӧдыслысь помала няргӧмсӧ, а пи гозъяыслӧн ӧти и быдтасыс да сійӧ нин гитараӧн триньӧдчӧ, дӧзмӧ нин почсьыс, медтыкӧ эськӧ пӧчыс оз нин и шыасьлы.

Тавыс Густя ёнасӧ оз и лӧґасьлы пӧчӧн шуысь вылас. Ачыс ӧд томиникнас эз жӧ сувтӧмӧн да юрсӧ докйӧдлӧмӧн кывзыйсьлы быд пӧрийӧ, эськӧ ёна чорыд да дзескыд вӧлі кадыс да. Мамсӧ на коркӧ штрапуйтісны сы понда нель трудодень вылӧ: куртны пыдди мырпом вотны пышійсны посниыс да, а чуйдысьнас Густяӧс шуисны. Вот и мыждісны мамсӧ, эн пӧ, колӧкӧ, вельмӧд нывтӧ.

Сідзсӧ кӧ, абу на и шогмытӧм пӧчӧн шуысьыс, велӧдчынысӧ тшӧктыны оз ков и сунисӧдз кӧтасыӧма воывлӧ стадион вывсьыс, пуксяс да верстыӧ моз ышлолалӧ, син гуранъяссӧ тільӧ. Сьӧлӧмыс быдӧн вӧрзыйлас тавыс Густялӧн, уськӧдчас сэтчӧ жаялддза, а мӧдыс и ӧддортас сійӧс кигугыс, тайкӧ оз лӧкысь.

Ачыс нин олӧм олысь пӧчӧн шуысьыс, матӧ нин оз сибӧд меліасьӧмтӧ да индасьӧмтӧ, да мый сэося вӧчан?

— А ме вылӧ на эськӧ и мунан,— кывбертіс ӧтчыд Густя водзӧссӧ.— Нюзмунӧма жӧ со нырыд. И синмыд руд.

— Мед. Мисьтӧм нӧ?— ышнясяна нюмъвтіс пӧчӧн шуысьыс.

Та вылӧ и лои бурасыны Густялы. А вот быд лунъя ноктӧгыс, кытчӧкӧ чепӧсийвтӧгыс и шуштӧм сылы овнысӧ, дількмуналӧ сьӧлӧмыс. Мед эськӧ кытчӧкӧ да мыйлакӧ кыскис на гортсьыд.

Но он од та вöсна вичкоо, шуам, ветльивны понды, асья да рыгъя сэн сулавны. Абу эськө и ылын вичкоыс вөрзаводлөн посёлосьяны, көнi Густя олө, да кутшөм синмөн на од сэтчө довган? Кулөма нисьö ловьяö уськөдчан, ыштöкө Ен сайын нин и долыдыс тэнад, нэмтö коньöралiн да?

Дойдавлытöг эз ов Густяос олөмыс. Война кусан воас, дас сизим арөсыс на эз тыр, мунны лои гортсьыс, нопъясьны да. Сэк од вöли оз юасьны, кодарö синмыд, шуасны и мун, а он кө и, нуодасны на бөрсяньыд мортөн. Тадзи и веськалис сийö карö, вөрзаводас, сөмын нуодысьтöг-а. Сэтөн нин сэсса и велөдчыштiс да пилорама дорас сувтiс и пенсиядзыс сулалiс. Оз и лысьт öнi шуны, мый сы мында во уджалiс да честьö эз и волы: морос кыкнанладорыс дзирдалö, бур туйö кө пасьтася. Сөмын тай важ забеднөыс, мый мунны ковмис гортсьыс, оз-оз дай ышловзбөдлө дойысь моз нюкыртлана.

И ашпөр олөмыс эз лючки пуксьы, сигöравтөм керкаөн и колiс. Код төдас, эз кө вөрзыны ковмы гортсьыс, колөкө, верос сайö пeталiс и öнi на гозйөн олiс. Мед, эз кө нин мукөд нылыс кодь синмө пырана вөв, кутшөмасөкө од казялана жö вöли, а сиктад оз на кысь мый шедлө вылад сетчыны, потшөс на төдöны та туйөд, и морт шөрö на, гашкө, веськалис. А карад видзчысьны колi сыысь, кодi тэ дiнө пондосö, сы вöсна мый ытва улысь тыдыштан веретя кодь на карсаыд. Вот и йöйталiс Густя ныв юрнас, эскөдчылис öти зонлы, льбм дзоридзалiгөн ывлаын сыкөд югыд войяссö колялис, и рушкау коли бöрыннас, сэсса нинөм.

Öтнаслы аслыс и лои быдтыны писö, ситеч занавес сайын олөмөн. Öнi на квартираяснад оз лышкыдасьны, тайöсö нин, öти вежөсасö, комын во лои Густялы виччысьны, а кодi да кытысь нö вичмөдiс сэки сылы бур оланiнсö? Кагаасин кө, и ов кызд кужан, сетöма тай крөвать «ныв позйысь». Бараксö таdzi налыс нимтылисны. Бур көть нин, кисьтiсны сэсса сийос син ёрөмысь.

Чорыд сьөлөмаөн öнi шулөны Густяос. Чойыс на и шулис, эз лэпты сылысь видөмсö да.

Вотчан мөгөн локтiс Густя горт сиктас, пөрчысис да мый да, и пызан корсьны кутiс чойыс мөс дорö лэччылан паськөмнас.

— Мун сэтысь, он кө вежсьы!— муртса эз тойышт сийос Густя.

— Аттö дивö, кор нö ме эштыла уджалiгас?— вежыштчылис чойыс.

— Мамö тай эштылис! А дуркыс на тэнö пановтöма. Этайö да!

— Мый этайöыс?

— Со!— чужйис Густя лабич улысь тыртөм дозсö.

— Лөсьыд тэныд, карад веськалин да.

— Мыйөн?

— Пес ни турун оз ков. А меным тан быдторсö медав.

— Мися, ачыл он и сысьявлы.
— А мый нө ме, вомтөм?²
— Ланьт, лёк... карта сюръя.
— А тэ абу жө нин яй сьёлөма, тадзтө кө! Корөг нөйтан нөш
нин тэнад сы пыдди!— вомаліс чойыс.

Көсийліс на эськө шуны Густя, мый нинөмысь сылы небыдась-
нысө, но рикөстіс сэтчө чойыс, и ачыс сійө тшөтш лигышмуніс,
лапъялан синъяса пуксис лабичас кыккирудз.

Чойыс сыысь томджык и верөс сайө петаліс, но кокни олөмсө эз
жө адззыв: моль бөж вөтлігөн кынмалөма вөлі верөсыс да мылльөн
тырөма, а сэсса и вирыс пежассьөма, караванкасьыс вайөдігөн и
эштөма.

Өтвылысь бөрдөмнас и такалісны сэки кык чой.

Бөртинас, сідзи нин пызан саяс пукалігөн, Густя элясьыштис
чойыслы, мый абу колөма эновтчыны кар сайысь сад йөр вылө
сетлөм муторсьыс, эськө сэтөн и ылөдчис гожөмсө, а бара со
дөзмөдчө.

— Ена нин и дөзмөдчан да, — нерыштана нюркнитіс чойыс. —
Некыгчө и водтөднытө. Дачатөгыс олан! Шулі нин, буракө.

— Да өд ме эськө сэн лукйыси. Бырөма жө нин мусьыс гажөй.

— И лукйысь, со тай йөрыс. Тайө мөскөн ачым ог жө вевьявлы-а.

— Ме өд быдторсө эськө сэтчө пукті. Дзоридзсө и. Эг сёян
понда сөмын.

— И пуктысь. Ставнас сета өшинь улөс. Карта сайө на, колөкө,
он кө төр. Меным өд мичаыс лөсялө жө...

— А картопельыд... чинө да?² — каймөстіс Густя.

— Сідзжө тай вузавла. Сэсса...

— Мый сэсса?²

— Мый чужийин өнтай.

— А ме өд и шуа на, он кө дугды.

— И шу. Меным, гашкө, шуысьыс нин и колө, — кывйө сетчис
чойыс.

Пызансө идралөм бөрын пуксисны телевизор видзөдны, и сэки
Густя мөвпыштис, мый веськыда на и вөчис, петкөдліс асьыс этшсө,
эновтчис карсайса муторсьыс да. Сылы и горт сиктас, чойыс дорын,
гожөмсө позьө колявны и төвнас на пывсьыны вольывлыны: лок-
тан да век нин шоньд керкаө пыран.

Кор кывсис удж выланьыс, мый сад йөра котыр заводсянныс
восьтөны, Густя тшөтш сетіс шыөдчөм, и вичмөдісны жө сылы
мутор, нөрыс вылысь на, лунгыр шондіаиньысь. Кызь кымын гы-
рысь пожом сэн сулаліс, и позис пөрөдны найөс да чинтавны керйө,
ичөтик керка вылад зэв на эськө и тырмис.

Но регыд мысти сибалісны Густя дінө, помала кутісны вольыв-

лыны уджаланинас. Абу эськө өти пилорама цехас, а вот тай сы динөджык кыскө быд наянсө. Видзөдан да, бара нин кодкө локтө, шыннялө руч моз, уна-ө сылөн бракыс.

Кодсюрөбыс оз на и яндысь, довкнитлас юрнас этшаник плака чукөр вылас да килькуломә юалас:

— Та мында и сөмын?

— А мый нө, унджык колө?

— А оз нө? Аслыд эськө и...

— Вешйы вай!

Сэтчө и виньдылас выль корысьыд.

Ньөти брактөгыс, дерт, оз и овлы. Торксяс, шуам, рөзводиыс кутшөмкө пилалөн, ниртчыны кутас баннас да доналас, паськөдас пилитан визьөбсө, и тшыкөма нин плакаыд, оз нин шогмы экспорт вылад. А сідзсө өд туйтөм абу на ас коланаинад, и доныс шыб-ласлөн.

Өдйө на и ньөбавлісны татшөм браксө, асьныс заводсаыс да нөшта карсаыс төдса пыр: кодлы мый вылө. Вот и паськаліс сэсса горшныс, мыйөн восьтісны сад йөра котыртө, быдөнлы өтпырйө да уна ковмис.

Но Густя кутіс этшсө. Кикурөдасө некор сйө эз уджавлы, мукөдыслысь на видзөднысө эз вермы, быттьокө асьсө сйөс няйтөн резісны. И муртса нин пенсияөдзыс коли, да төдөмөн брак кутас лэдзны, медтыкө кодлыкө бурөн лоны? Та вылө өд чегны колө асьтө.

А Густя понда и мукөд рамщикыс эз лысьтны вывтіасьнысө та туйөд, да өгнас вылө сы вылө и чукөрмис лөгыс быд наяныслөн. Мед нин ас вылас чувшьялісны, гусьөн на пурышталісны: то машинанад бергөдчөмаөсь сылөн мутор вылын да варкөдөмаөсь мый сюрлөма, то чертө и зыртө шыбитөмаөсь кытчөкө, то газет екмыльтө и тыртөм банкатө кольөмаөсь. Он өд лун и вой сәні сулав, а локтан да, кыд усьө.

Сыркьяліс да сыркьяліс Густя сьөлөмнас и энөвтчис мутор-сьыс, поньясян кыв весиг шуис скөр вывсьыс. Удж вывсьыс на ыззьыліс петны, да өлөдісны бур йөзыс, эн пө нин йөйтав бөрья помсө. Морт ногөн на сэсса и кольөдісны пенсия вылас, а то эськө и сэтысь на өшйис шогыс.

Инө-артө на, чайтіс сйө, воис олөмыс, ньылыд сылы муніс чойыс да. Аслыс лөсьыд и чойыслы на кокнөд лоө сысянь, көртасяс кө бөр горт сиктас. Куш өд ас гажөн оз кут овны, кытчө ковмас, сэтчө на и уськөдчылас чойыслы отсөг вылө.

Отсавны и уськөдчис өти асылө, нөбьяліс джодж дөраяссө да помьявны лэччөдіс ю дорө. Трактор туйыс кытшөвтис баддя лас-

тасо, а сійо весьтасалис важ пода туйодыс да петіс озынө, пыжъяс видзанінө. И эз төд озынсө. Пыжшойяс нин сөмын сэн куйлісны да быдьяма лөптыс. И пожөма вөрвылыс повзьөдчис биөн чискалөмсьыс, веж пуыс этша нин и кольөма.

Ышловзис Густя шуштөмсьыс. Куйод сора кузд дукөн кучкис сэки нырас, кезйөдліс весиг мустөмысла. Видзөдліс ю катыдыс, а матын и кукань йөр вөлөма. Сө ли, кыксө ли — он өд лыдды, гыисны куканьясыс дзескыд йөрас, болкисны сьөдөдз нин лойөм муас.

Бокынджык йөрсяныс көрт будка тыдалис, керйысь вөчөм сювъяс вылын, трубасьыс тшынтөр трундитіс. Эм кө кодкө сәні, черөбтыліс Густя, мыйла оз лэдзав куканьяссө йирсьынысө? Со нин көні шондіыс, да садьсө төдө оз?

Вирскөбталөмөн, быттөкө сөрмө нин, шавксьөдіс сійө будка дінас да сәтөн нин личөдчис кыскымөн нөбсьыс. Восьтіс сәсся гурйыв будка өдзөссө да воськовтіс пытшкас. Пач бокас, өтка нар вылас, кымыня мужичөй куйліс, юрыс да веськыд кыис бовмунөмаөсь, а джаджас тыртөм «бомба» сулаліс: кушөдз нин чурскөма да сідзи лызгырмунөма.

Лөкысьөн шошаөдыс лэптыштліс сійөс Густя да гатшөдіс нар вылас. И төдіс, көть и корзьөма нин чужөмыс: Ваньчо вөлөма. Удтысьөмсьыс да няргөмсьыс Иваннас сійөс эз и шулыны.

— Чеччы, вина шыр! — горөдіс Густя.

— А коді сэн?

— Морт.

— А коді мортыс?

— Чашкөдлы бугыльтө. Тшыгйөдны али мый медасин куканьяссө? Видзөдлы, көні нин шондіыс.

— Не твое дело! — нетшыштчыліс Ваньчо.

— А вот и менам. Пета да восьта заворсө, и олас, — кывбертіс Густя. И эз нин вермы сәсся сулавнысө уськөдчис ывлаө да йөткаліс завор потшъяссө. Гузьөбөн, муртса эз ас вылас, зырөдісны сэки дөңзьөм куканьясыс.

— Кыид мед оз луд! — назгыштіс, кылө, Ваньчо. Петөма нин, вөлөмкө, будкасыс да катласьө, водзөсө оз на кокыс ну-а.

— Тәнсьыд виччыся! Палялөмтө!

— Чайтан, эг төд, коді?

— Но и мый сәсся, төдін кө?

— А быд шлавөыс мед оз командуйт.

— Ме шлавө?

— А пышйин на колхозсьыс.

— Ме пышйи? — чилөстіс Густя. — Эз батыд менө мөдөд, преднас вөлі да? Эз на тай тәнө ысты.

Векуштычыліс таысь Ваньчо, но сэтшөма на коліс сылы каттысьны водзёссө, и шешмунліс кыв помыс сюрёмысла:

— А мед талявласны эстысь многолетнёйсö! Көйдыс вылө на да. Мый сэки висьталан?

— Мед и талялоны. Оз на менсьым юавны.

— А тэ восьтін заворсö!

— Ме эг пондыв сэтчö,— дзеродіс Густя.— Менам пожтысьны со лэччөма.— И лэптис джодж дөра нөбсö да шердйөдіс ю дінö.

Но кутіс пожтысьнысö да көйялыштис на лыбөдчывлөмөн, ыштөкө коссö веськөдны, мунö оз Ваньчовыс куаньяссö пановтны, и казяліс сэссия сылысь мырдөн сорөн лётіктөмсö да вөлісь мыніс майшасьёмсьыс.

Шпыннялөмөн и висьтасис бөртинас чойыслы, кызди велөдіс Ваньчосö. А сыланьö босьтөм пыдди чойыс мөдарö дөжныштис:

— Сюйсян сэтчö!

— Но?— весьөпөрліс Густя.— Уджсö нин урсалö, да видзөдны кута. Кутшөм нө олөм тадзтö лөö?

— Кутшөм эм. Оз нин пенсиятö мырддыны. Пөтас кынөмыд.

— Сьөлөмыд на öд потö.

— Мед оз пот дай. Сюйсьөмнад аслыд на шөгтö корсян. Кытчö нө öшлысин?

— Керка водзад нө мый, сёр вылас?

— А, пөдлинö,— нюркнитис чойыс, орөдөма лои сёрнисö да.

Вылысь на шыасьны, да тшетшыйсьны ськөд Густя эз нин ыштөдчы, эськө воліс нин мөвпыс шуны чойыслы да, мый тадзтö кө сійö абу жö ылын Ваньчосьыс и ставөн нин сиктаныс öткодзьөсь, лун-войсö и сөйöны.

Ачыс Ваньчо, буракö, некодлы абу висьтасьөма, повзьөма на пыктөм юрсö янөдны: код на пö вөлі, да öдйö тай пальөдісны. Эз и петав сэссия Густялысь нин юасьысьыс, кызди-мый вөлі, медтыкө мөд пөв сералыштны.

Ас кежас, төдөмысь, и лөкаліс Ваньчо. Паньдасисны тай сельпо лавка дорын, бара нин «бомба» ньөбөма, да бугжыльтчыліс сөмын Густя вылө, а кыв эз лэдзлы.

Толаліс-ö вочасөн лөкыс, али садь на вөлі да мортö пуксис сійö рыгас, но кымынкö лун мысти ачыс водзджык и шыасис Густя дінö. Эм öд тай комиыдлөн модаыс: аддзö нин, мый кодкө вөчö, да колö на юавны.

Лук градсö чойыслысь весаліс Густя, а Ваньчо кыськө чера локтис, и сувтис потшөс сайö весьтасас да юаліс:

— Мый нө вөчан?

— Весала тай со. Тырөма нявданас.

- Луктö эськö и вайöны öнi. Сёркни гырся на.
- Вайöмтö öд виччысьны колö.
- А весасьнытö оз ков?
- Мед. Коскöй оз на чег.
- Но, нетшкысь.

И мунис кö эськö сэссия Ваньчыс, тайöн и эштiс сёрниыс, а жöвъялис на сэтöн потшöс саяс, и шусис Густялөн дöзмöм вывсьыс:

- Талун тай веськыд?
- А мый нö, эм тэнад?
- Менам абу.
- Мый либö дэльöдчан?
- Сидз шуи но, господи.
- А менö, гашкö, дум босьтiс, вот!
- Думтö öд вöтлин дай.
- Кыдзикөн?
- Пыркнитчин пон моз.

— Дугды сэн, — лöвтыштiс Ваньчо. И бара на эз вешйи потшöс дiнсьыс. Колöкö, сьöмтор кöйис пычкыштны Густялысь, бöрсö мед оз и ков сетны, а могмöдчынысö эз на лысьт.

Видзчысьöмысла Густялөн торксис вöрасыс, вывтiаджык кикураснас пондiс нетшкыны нядасö и вöрзöдiс öти лук поз, вужнас лыбöдiс. Эз, дерт, ас вылас сöмын скöрмы таысь, шуны и сувтiс сэссия, мед мунас нин Ваньчыс. Сэки и казялис ю дорысь дöла биён пуркйысь тшынсö.

- Мый нö нин, кодi сэн?
- Карсаяс, код сэссия, — веськодя вочавидзис Ваньчо.
- Да öд вөрвылас, буракö, öзын бердас?
- Сэни.
- Сотöмаöсь нин да бара на... Ловъя пуад колö биасыны, ойя, да!

— Мый налы, карсаыдлы? Локтасны да, чериыд оз шед-а, вина-ыд чуксасьö дай. Вот и гаж.

- Да öд шуны позьö.
- Шуан мыйкö налы.
- Со мый вöчöны да? Врагъяс али мый, шуан!
- Сэссия и кывзасны!

— Мыйла но оз, матькыштан кö да перйылан чертö?! Вай лэччыв, а? — кевмыштiс Густя.

- Ме быть?
- А мый нö, абу нин татöн олысь? Пежалöны мед гөгөр?
- А суитчынытö... видлы на.
- Либö и нетшкы тоштö, мед оз ылöдчы.

— Но, лэччыла, колёкё,— вишкыштис Ваньчо.

Гашкё, гортас на довгас, чайтис Густя, да колльодис синбёжнас, кытчөдз эз кеж сійё ва дорланьыс.

Көть и лөнялыштис таысь, лочки уджыс эз жё пыр Густялы. Кадсё каттигмоз и нетшкышталіс нявдасё, муртса син улас уськөдлөмөн, кытөн лук позыйс, медтыкё бара оз вөрзёдсый, а төд вылас Ваньчоос пыр кутіс, кытөн нин эськё сійё, эз кё повзъы да кос гортас.

Би чирьяса сьод тшыныс ю дорысь отарё на пуркийс да ыштөкё удтысис, эз на пё од өвсыны карсаыд да сотасны нин вөрвывсьыс коляс веж пожөмсё.

Кад сертыс кё, воны нин сэсса коліс Ваньчоыслы ю дорас да дугөдны син ёран гажъялөмсё, но тшыныс весигтё эз чыныштлы, и Густя сьольыштис косөн да уськөдчис йёрсьыс, котөрөн сорөн веськөдчис кыр йылё, кысянь лэччөдіс пода туйыс.

Мотора кык пыж адззис озын бөжсьыс, кор петіс ю дінас, а йөзсё некодөс. Вөрвылас найё кылісны, сотчанинас, гөрөктылісны горш тырнаныс.

Витөн-ө-квайтөн, томулов на, сөмын видзөднысё кузь тушааөсь вөліны карсаыс. Нярьялө биыс гөгөрсьыныс пожөмсё, а налы тещ, бавьялөны нильбөдөм синмаөсь. И Ваньчо сэтөн жё, шешгялігтыр калбас няклялө, юкталөмабсь нин да.

Петкөдчөмөн тшөтш, тырём ловсьыс на сьөмдаліг, кывпөвсаліс Густя:

— Ок, мувыв мустөмьяс! Та вылө и ыстісны гортсьыныд? Кутшөм мутилы нө тадзсё оланныд? Онө кё өні жө кусөдөй ме дырйи!

Томуловыс шөйөвошлісны да пыдди на сэсса и пуктісны Густяөс, кусөдчыны пондісны, кучкавны мыйён судзөны пожөмьяссьыс бисё. Тыдалө, вөлыштөма на садьныс.

Отнас Ваньчо дувмунліс да мурөстіс вешкыртчылөмөн:

— Эн эськё горзы сэн!

— Горөда вот, да кокни кёма!— зырөдіс сы вылө Густя, чужьяна лэптыліс коксё да.— Тэ од абу нин морт, а мыльөс. Война дырйиыс тай вөлі гижасны кодөскө, изменник Родины пө. А мый нө тэ, абу сэтшөм?

— Эн эськё карзы!— черас кутчысис Ваньчо.

— А джагалан мед кытчөкө!— вөзйис на Густя да тэрмасьтөг катовтіс вөрвывсьыс озынө, сэтысянь сиктас.

Юкмөс дінас вөлі чойыс: воөма нин удж вывсьыс да көдзыд вала петөма. Бара висьтасис сылы Густя, и бара чойыс элясьыштис, мыйла пө нин джагалөмсё шуин.

— Быть өд шу, вирыд кө нин оз лэпты.
— А лоө кө мыйкө сыкөд?
— Сэсса ме мыжма?
— И тэныд инмас. Шуштөмыс босьтас, тунъялін быттёкө да. Тайос он гөгөрво?

Каитчана и ышлөвзис Густя.

А некымын лун мысти, пенсия пондабыс вөлі сійө карө мөдөдчө да, кывсис, мый Ваньчо пөдөма. Лэччөма стөрөжавны куканьяс дінас, ректөма «бомба» джын да юны ли мый ли вөрзёма ва дорас, и кык кер костө и кымынясьөма ляпкыдінас.

Сельпо лавка дорөдз, кытчө автобусыс воывлө, кольөдіс сэки чойыс Густяос и кыв эз гарыштлы, кор нө пө бөрсө, а аслыс сылы өдйөджык муномыс нин и коліс.

Вот и сибдіс карас некодарө нин туй визьтөг. И сыысь нөшта ёнкнитлө сьөлөмыс, мый аслыс и торкасис веськыда оломнас.

ВЕРӨСТӨМ

Галя Семикова эз чайтлы, ыштө нэмсө кутас лөдз да ном, да геб төдмавны. Чайтис, помалас университетсө да бөр асланыс сиктса школаө и вөйысыс биологиясө велөдны. Да и мамыс сідзи чуйдіс:

— Локтан да вежан менө. Оз нин ков йөзын овны.

— А тэ нө кытчө?

— Но, меным өд сэки ветымын вит нин тырө...

Төдөмысь, сідзикөн эськө и лои, эз кө Вера Ивановнаыс Ленинградсыс волы кафедранас веськөдлыны. Мыйон сійөс Галя кыс-кис водзпөрсө, код төдас. Дерт, кывзысис, эз пышъяв лабораторной уджсыд, мыскаліс на бөрыннас став пөлөс доздуксө, но өд эз өтнас вөв сэтшөмыс. И эз өтнасөн шыасылы медся водзөн коллоквиум дырйид, вывти нин сюсьөн асьсө петкөдлы. Шавъялан веж юрсинас кө нин-а? Отчюд тай микроскоп дінын вөлі Галя зунясьө, а Вера Ивановнаыс пуксис орччөн да шылькнитис сылысь юрсисө:

— Галочка, у вас такие волосы! Мне уже по ночам они снятся. И, представляете, лицо ваше вдруг моим становится. Как будто сама себя я вижу молодую, довоенную. А теперь вот парик этот приходится носить.

— А вам он идет, Вера Ивановна.

— Ну что вы говорите! Стала бы я его носить, если бы не

потеряла свои волосы. Это все от беды нашей, у старух-то. Я ведь ещё и блокадница.

Коймод курс бõрас Галя ветлис Вера Ивановнаыскõд экспедицияõ Печора йылõ. Торъя научной мог налõн эз и вõв: сідзи на кодї мый бõрся кыйõдїсны студентъясыс. Галялы мойяс бõрся тшõктїсны. И вот джуджыдїнсыс, кытõн вõлї мой котырыслõн пырмõсыс, кулõм налимъяс кутїсны кылавны. Но õд мойясыс оз чери бõрся вõтлысыны, а ваас емалїс на кыид, дырджык кõ видзны: сїдзкõ, оз на гаг сейõмысь кулав налимыс, мыйыськõ модторйысь на. А мыйысь нõ? Кымын чери эз видлав Галя, ни курчõм туй, ни висьõм туй эз аддзыв ортысянныс. Сэсся нин казялїс õтилысь кынõм увсыс, нёкчимсянныс матысь, розь чут, керис из вылын да видзõдлїс пытшкõсõ, и чуймис, мускыс эз вõв. Та бõрын мукõд кулõм налимыслысь на вожõдлїс кынõмсõ, да õти чери кõ вõлї муска. Сїдзкõ, кодкõ уджалõ на. А кодї пõ? И вой улас Галя мунїс кыйõдчынысõ да регыд и тõдмалїс татшõм чери кыйысьтõ: майбыр, ывла югыдыс енэжõдзыс лõзалїс. Весътасалõма, буракõ, ю чукыльсõ, мõдарладорса бадьсыс вурд петїс да мышсõ нюгльõдлõмõн котральштїс изья нывкõса ва дорõсõдыс, исасыштїс, колõкõ, эз-õ кодкõ мод волы сылõн кыйсянїнõ, и тюлькысыс джумтас. Муртса кежлõ и вошлїс, сьõд вуджõрõн уйыштлїс кыркõтшсыс буждõм сус пу улõ, бõрсõ вомас налимõн нин петїс. Сускыслõн пучер вылõ и лõсбõдчис да сылысõ ножйõдлõмõн нёнялїс налимыслысь муссõ, медся чõскыдсõ, сэсся ыштõкõ дзоньõн бõр и уськõдїс ваас.

Вера Ивановнаыс эз на ёна пыдди пукты Галялысь ас восьтõмсõ, падъялїс на мыйкõ дыра, кытчõдз эз турун пуктысыяс на дїнõ матõ сувтны. Рой тошка пõль, тошсõ дõрõм улас на сюялõма, пыр и эскõдїс, мый вурдыдлысь татшõм модатõ нэмсõ нин сийõ тõдõ, нинõм таысь и шензынысõ, пõt кынõм вылас õд вурдыслы чõскыдыс колõ жõ.

Асланыс вонъяс дїнõ бõрсõ локтїгõн Вера Ивановнаыс кутышталїс ки пõвнас Галяõс да каймõстїс:

— Ну что ж, Галочка, вам надо подумать об аспирантуре.

— Ой, ещё же два года.

— А вы думаете, это так долго? Я буду предлагать вас.

Тадзикõн Галя и веськалїс аспирантураас университетсõ помалõм бõрын. Водзджыксõ вõлї нин сылõн сёрниыс Вера Ивановнаыскõд, кутшõм тема босьтны диссертация вылас. Чайтїс, мойяс йывсыс и гижас, коми му пасьталаыс тай коркõ найõ вõвлõмаõсь, ю да ты нимъяс сертиыс нин поэьõ тõдмавны, кытчõ найõс бõр лэдзавнысõ, дерт, эз на кõ жугõдны сэтысь ли татысь вõр-васõ. А ковмис вынсьõдны темасõ, и дзик модлаõ кежõдїс Вера Ивановнаыс.

— Галочка, займитесь комарами. И вообще двукрылыми кровососущими. Они у вас совсем не изучены!— укөрбаён на шуис.

Горшас нерөдөн и локтис Галя аспирантъясыслөн оланінө, кытысь сылы торъя вежөстор сетисны, да дыр чышкалис доршасъыс синвасө пызан вылас гырджавыласьөмөн. Видлис такөдны асьсө, ыджыд айыслысь на гаравломсө төд вылас уськөдлис, мый номыйд кө бырө, и чериыд бырө, но сьолөм курыдсьыс эз и мынлы. Öгралан чужөмөн, мыссьөмыд тай этша на отсалө, лэччылис улыс судтаас, кафе-барө, сөйыштны да кайис да бара на шлюпкис вешкырасьөмөн. Артмө, пөръялис сийөс Вера Ивановнаыс. Төдис кө тайөс, эськө сьольыштис аспирантураыс вылө, эськө гортас нин вөлі, школаын велөдис. А мый öні висьталас, волас сиктас да? Ном олөм, шуас, төдмала, мед серам вылө лэптасны? Мамыс на, төдөмысь, и эльтыштас, та вылө, шуас, и ыштін?

Мый-мый, а лөдзтө да номтө да гебтө комиыдлы оз ков висьтавны, мый пө и сэтшөмыс, асьныс тэныд унджык висьталасны, торйөн нин сиктсаыд. Волас дженьыдик гөжөмыд, луныс и войис югыдөсь, гөгөр вежөдө-дзоридзалө, да он на тай зэв нимкодьяс тайө мустөмъясыс вөсна. И быд лявутыс төдө, кытөн найө чужөны. Оз на ков ва гуран корсьны, зэр ва улө пуктөм шомөсад на, видзөдан да, жуө ном гагйыс, чорыд юкмөс ваөн и лоө юрситө мыськавны. А комиыдлөн нөшта и серөсыс на сэтшөм, мый оз кө адззыны тэнад уджысь коланлунтө, аслыныс тшөтш өтлектө, пыдди тэнө оз на и пуктыны.

Эз и лысьт Галя висьтасьны мамыслы, а кысь нин кодлыкө сиктас, мыйөн сийө нохсө аспирантураас, ылөсас да кытшолөн и вочавидзлис, мый быдсяма гут-гагнас. Ветлис тундраө, көр видзысьяс дінө, да сәки вөлись дугдис соссьынысө. И эз нин кут асьсө мырдысьөн тшөктөдны кызкө-мыйкө эштөдны диссертациясө да дорйысьны, медтыкө сөмын мынтөдчыны да мөдторйө босьтчыны. Парскис на сылы бур ногөн, мыйта уджыс тыдовтчө сы водзын.

Амдермасынь неылын, Тарапат ты дорын, сулалисны көр видзысьясыс. А көръясыс ты гөгөрыс йирсялисны, мылькъяс костас, ляк баддьөсь ластаясас, кытөн туруныс быдмис. Но буретц да йирсьынысө налы эз и шедлы пөттөдзныс луннас ни войнас. Ёна нин ыркыд төв коліс саридзяньыс либө кунөра зэр, медым мездысьлісны найө лөдзсьыс да номсьыс да посни гут гырся гебсьыс. Кызвынсө мылькъяс вылас и пессисны, быттьөкө домалөмаөсь. А шондіа кө да нөшта лөнь сулаліс луныс, сәк öти чукөрөд, öта-мөд дінас ниртчөмөн, гыисны-бергалісны кутшөмкө мыльк вылын, атшвайөдлісны асьнысө. Кок йывсьыс усьөм көрыслөн вирулялісны нин син доръясыс, а ныр розьяссьыс ки тырөн сюраліс лөддзыс.

— Мыйла ті быд гожом татчө суваннид? — сьолөм дойысла нин юалис Галя бригадирыслысь.

— А кытчө нө сэсса, таті миян воргаыс да? Эстөн мусюр саяс од мод стада нин.

— Сэтчөдз од кымын верст на, ачыл тай шуан. Позьё и модлао сувтны. Быд гожом выльлао.

— Миян татчө велалөма. Тыыс чериа. И Амдермаыс тасянь матын войодлынытө. Чай-сакарыдла.

— Модторла на эськө да.

— Модторйыс од колө жө, — серөктис бригадирыс.

— Но ті жө асьныд тадзтө быдтаннид өвадсө.

— Ми быдтам кызикчө?

— А онөй нө? Чайтан, ылө кытчөкө кодкө лэбө, юас көрыдысь вирсө да? Со тай турун йылыс васыс тыдалө. Сэтчө и пуксьө да колькьялө. Либө ластваас, васөд нитшкаинас. Оти номйис ли лөддзыс вит сюрсөдз выльсө чужтө. Эг нө ме тэныд висьтавлы?

— Висьтавлін эськө да. А оз өмөй нө кувны сэн, ластваас? Тыас мед нин-а, пидөсас усясны да.

— Куласны тэныд! Йиа кыныс быгтё видзө на кольксө да. Куим во бөрын на гагйыс петө, мед сөмын шондөдлас.

— Но мед и бырөдоны өвадсө! Мый вылө, сідзтөкө, наукаыс?

— Бырөднытө абу сьокыд. Киськалін мыйонкө самолётсянь, да ставыс пагалө. Нинөм ловьяыс оз коль тундраад.

— Но и мед олө, кызди Енмыслөн шулөма.

— Енмыд эськө и модарө шулөма, — вомалис Галя. — Кык сюрса чукөрнад сылөн эз ветлы көрыд. Ношта нин гожөмнад.

— А мый нө ме, лэдзала стадасө? Кысь сэки арнас корсяла? Лөсьыд тэныд йөзтө велөдны.

— А эн сувт быд гожом татчө. Позьё эсийө ты дорас, көн тай юсясыс быдтысьоны.

— Сэті ме Илля лун бөрын йирөдла, гортө вөрзёом водзвылын.

— А оз нө позь вежлавны? А то, артмө, өвадсө нин и верданныд татысь.

— Позьё эськө да, — кывйө сетчис бригадирыс.

Тундраас ветлөмысь тырыс өкмис Галялөн ас материалаыс, эз нин ковмы мукөдыс моз вотчины научной литературасыс, да и кыв көртөдыс сылы сюрис, медым вөзйыны олөмө пөртөм могсьыс.

Эз и ножөдчы Галя, ас кадө дорйис кандидатскөй диссертациясө, кызыс квайт арөсыс на эз вөв. Регыд и квартира сылы сетисны, кык вежөсаөс, и доцентөн лоис. Квартирасө сылы чуктөдигөн Вера Ивановнаыс жө отсалис, веськыда шыясис местком вылас:

— Ну, товарищи, не всегда же она одна будет!

Колөкө, Галя эз нин өтнас вөв, эз кө Вера Ивановнаыс жө таөдз падмөд сийөс. Төдмасын рыт котыртисны университетыслөн актөвөй залас, аэропортыс том лётчикъяссө корисны. И Галяөс, дерт, кыс-кис жө сэтчө, эз мун библиотекаас зунысьнысө. Өти зон, мөд пилотөн тай висътасис-а Як-40 вылысь, рытывбыд ськөд танцуйтис, аски рытнас «Парма» кинотеатр динө корис, сизим час кежлө, и Галя довкнитис юрнас. А сэсся ылөдліс мортсө, кинотеатр динө эз ветлы дай водзөсө на, позвө шуны, дзебсясис лётчиксьыс.

— Галочка, я не видела вас вчера в библиотеке,— намыштис аскинас Вера Ивановнаыс.

— Ой, я вчера на танцы ходила.

— Может, вам стоит повременить?

Вот и виччысьліс Галя, ачыс аскөдыс и колис. А өні и надеяыс нин абу, мый петалас верөс саяс. Коркө эськө мөдөдчыліс «30±5» клубө, да косіс бөр яндзимысла: пуксяс да кыйявны сэн кутас, оз-ө кодкө видзөдлы сы ылө. И Вера Ивановнаыс бөр муніс Ленинградас, некод водзын и элясьыштнысө.

Абу весьшөрө шулөмаөсь, колө пө йөйөн на петны верөс саяд, кор руа на синмыд, а югдөм синнад пө ачыл нин асьтө повзөдлан. Эз өд өтнас көнкө сьөд вөр шөрын ов Галя, мед некод нин эз сибөдчыв сы динө, но тешкодь и увтыртана лоліс сылы ворсөдчана сёрнисьыс, ыштөкө ывсөдлөны сийөс, да кодзыдасьөмөн и өтдортчыліс.

Сідз нин эз инасьлы Галя, дпкыліс сьөлөмыс шудтөмысла, а мамыс на сэтчө содтыліс. Локтас сиктас видлыны мамсө, да пуксьывнысө оз эштыв сийө, пызантө корсьө да идралө, а водасны узыны, и вөрзяс кывйыс ропкыныгтө, ставыс нин, шуас, гозйөн олөны тэкөд тшөтшьясыс, быдтысьбөны, видзөдан да, а тэнө быгтбөкө вомдзалөмаөсь.

Но бөрбяыссьө волігас и мамыслөн сёрныс вежсис.

— А кага лөсьөд дай,— дольыштис сийө.— Карад сэн оз на сэтшөма дивитны. Тані өд, дерт, больгасны-а. А мед, дыр оз на больгыны.

— Кагатө өд лөсьөдны... гөгөр на колө мөвпыштлыны.

— А мый нө, он вермы быдгыныгтө? Этша на босьтан?

— Ськөд өд пукавны на ковмас. А кор ме эштыла? Менам докторскөйөс нин панөма. И быд лун лекция.

— Ме пукала. Менам эштөма уджыс.

— И оз тэныд и дивитны! Мукөдыслөн дуллыс везьялө вежгөмысла, а чөв овны кутас. Өдйө на пурьштас: томьясөс пө велөдө, а ачыс верөстөгыс нөбасьө.

— Но и дількъяв нэмтö өтнaсыд. Ок, кузь öд лоö войыд бöрын-наc!

Мамыскöд тайö сёрни бöрас Галя ыштис дырджык кежлö нин волены сиктас, Эжва кöджсыс тыяссö видзöдлыны. Кытчö нин эз ветлыв Коми му пасыталаыс, а чужан сикт гөгöрсö ышткö кытш-лалис на. Но шогавны нин со кутис мамыс сы вöсна, да шогалöмсö позьö нин кывзыны ропкöм дорсыд. Лаборантсö эз и босыт сьёрсыс, өтнам, шуис, бергöдча. И то на «УАЗ»-ыслөн бөр пуклöсыс тырис кöлуйнас: вонйыд сэн, узылан мешöкыд, резина пыжыд, паськöмыд, уджавнысö быдсяма коланторйыс — сакыд и микроскопыд.

— Овмöснад кö нин локтöмыд-а? — чуймис мамыс ректысигас.— Вөтлисны али мый карсыд?

— Вөтлисны,— сетчис шмонитöмас Галя.

— Но, мися, кокни удж сылөн-а. Кыдз нö та мындасö ас вылад кыскалан?

— Ставсö öд ог, мыйкö и гортö коля.

— А чегö на коскыд өтчыдысьöнтö.

— Гургöдасны. Оз öмöй нö пуктысьны сэн кöджас?

— Пуктысьöны. Пöдрадөн. Славиклөн звеноыс. Абу тай повзёма мортыд.

— А мыйысь сылы повнысö?

— Но, кык сюрс тонна турунсö öд колö на ытшкыны да куртны да прессуйтны. Час, ме сёрнитла сыкöд, волас кö тавой гортас. Сылөн куим кöльбсаа мотоциклыс.

— Да ме ачым верма ветлыны. Абу на тöдтöм Славикыд. И Любаыс, гөтырыс. Öтлаын на велöдчылим.

— А ветлы и эм. Ачыд лючкиджык висыталан, кытчö тэныд колö, кутшöм ты динö.

Пырис Галя школаас да даснан восö бура и велöдчис. Но торья эз лэптав та вöсна нырсö и кань моз эз чущьявлы, кодкö зоньяс письыс пондылис кö сы динö. Нывьясыс некод эз лөгасылыны топöдлöмсыд, сöмын чилöстлисны да тойлаcисны, а збыль вылас быдөн на нимкодясис таысь ас кежас. Бурджык нö, оз кö тэ вылö и видзöдлыны? И Галялөн öддзылис сьёлöмыс нимкодьяысла, кöть и тоткылис мынтöдчöм бöрас.

Но дасöд классас сыысь өтдортчыны нин кутисны, некод нин зоньяс письыс эз нюжйöдлы сылань кисö, и нывьясыс гусьөн шöпкöдчылисны. Мартса каникул дырйыс сöмын гөгөрвоис Галя, мыйён мыжмис. Лызьён исласьны сийö пегис чарөм вывтйыс и сёки аддзысис Славикыскöд: вöрысь мöдыс лэччис, нопя да чера.

— Кытчö нö ветлин? — сідзикөн на и юалис Галя.

— Асланым вөр керкаё. Лымсё весавны да ломтыны. Аски войколөн сэтчө ветлам.

— Кодъяскö?

— Но, дасөн кымын.

— Зонъяс куш?

— Нывъяс и.

— Кыкөн-кыкөн?

— А мый нө эськө?! Огö өд ми сэн...

— А кодкөд нө тэ?

— Быдтор тэныд төдны колö.

— А тэныд тай колö жö соссынытö.

— Но, Любакөд,— висътасис Славикыс.

— А ме кө ветла жö?

— Кодкөд?

— Тэкөд. Любаыд пыдди,— дзерөдiс Галя.

— Тэ водзö на велөдчысь. А ми... кодi гортö кольччысь.

— А тэныд армияö на ковмас ветлыны.

— Мый нө көть?

— А, колөкө дай, карö кыскас.

— Менö оз. Менам юр вежөрöй карад бергөдчö. Сысысь и видзчысь, мед он зурсь кодкөдкө. И кута, коми морт, йöзын овны, ёна колö!— гөрөктылис Славикыс.

Дерт, Галя эз на бёрд сэки та вöсна, весигтö вежыс эз петав сылөн кольччыны жö гортас, сöмын и мөвпыштiс дзугыльтчылөмөн, мый Люба пыддыис эськө сийö на и вермис лоны, и мед, тадзтö кө, вайö Славикыс Любасö, а сийö локтас университет бöрас гортас да видзөдлас, кызди кутас Славикыс гыррдзасö курчавны.

Төд вылас тайöс уськөдлiс Галя рыгнас мамыскөд кильчö вылас пукалiгөн. Ыркөдчыны найö петiсны сэтчö ужнайтөм бöрын да видзөдывлыны горулас, Эжва көдж туй вылас.

— Мый нө сэтшöма ышловзъылин?— юалис мамыс.

— Сидзи, унмöй нин личкö да,— вочавидзис Галя, а эськö ёвкмунис сёлöмыс курыдысла, мый аслыс на и лөö гыррдзасö курчавны.

— Мый нө, пырам да водам?

— Час, огö на.

— А со локтö, буракö, Славикыд.

— Көнi? Ме ог аддзы да.

— Курья саяс нө мый?! Мун, тшыкöма нин синмыд!

Галя ветлис Славикыс ордö да чай юны на пуксылыс. Челядыслы гөснеч вылö шоколадной кампет босьтлис, и кутшöма на

лөсяліс налы чөскыдторйыд, витөннад өти здукөн и куштисны кило джынъя кулөктө.

— Ньож, ньож!— өлөдіс эськө найос батъыс, да некод эз кывзисьны, а медся ичотыс, ар кыка зонка, и нерыштіс на водзөссө:

— Ньо,— пыскыльтіс.

— Миян татчө и кампетсө дугдісны вайны. Деньгаыд эм, да он ньоб,— элясис Славикыс.

— Нинөм он ньоб!— содтіс Любаыс.— Со тай пасьтөмөсь.

— Гожөмнад мый найос пасьтөдан?!— гарыштіс Галя.— Ёнөсь тай, майбыр, мед ог вомдзав-а.

— А ёнөсь!— сюртчис татчө Славикыс.— Рөдыс өд абу на вайөм!

Збыльысь веж петана мичаөсь и вөліны челядьыс, еджгов юр-сияөсь да гожъялөмысла банийөм чужөмаөсь, туплөс вир-яяөсь, некөдлөн ордлыыс эз тыдалышт, быттьөкө еджыд пызъысь и пөжалөмаөсь өти пачын да өти нянь шомөн.

Аскинас Славикыс гургөдіс Галяөс Шөр вад дорөдз. Мотоцикльысы багажникас сөвтисны чукийөн Галялысь көлуйсө, а ачыс сийө пукис Славикыслы мышкас да сывъяліс коскөдыс.

— Ог өд уськөд,— серөктіс Славикыс.

Родөмысла Галя личөдліс кияссө, но регыд бөр и кутчысис зө-лыдджыка. Эз полөмысла, а сідзи на сылы лөсьыдджык вөлі, весиг эз видзөдавлы, кытөнөсь нин. Та вөсна эз и төдлы, кызди воисны Шөр вад дорас. Сэтөн Славикыс отсаліс на сылы зэвтны вонсө да пөльтны резина пыжсө.

— Гажтөм кө лоө, бөрти рыгнас миян дінө волы дай,— шуис мунігас нин.— Чайнад век юкталам.

— Ме өд чайтө пуктыла жө. Со тай шактарыс.

— А гашкө, ме ачым на вола. Гыч кулөм босьтлі, да эг на жө көтөдлы-а. Тэнад пыжөн и вөйтла.

— Вөйтлы.

Казьтыліс Славикыс гычсө, да вадъяс петөм бөрын Галя на вөсна и ылөдчис, гашкө, мый дыра. Тюльсмунасны ватшетшак кор увсьыс да пыр и кытчөкө вошөны, ылөджык уйыштөмсө, визмунөмсө весиг он казявлы. А ваыс абу нин сэтшөм джуджыд ни гудыр, сулалөмысла сөмын и пемдоват, да руд нюйтыс пыдөссъыс бура на и тыдалө. Оз нин сэтшөм сюсь син ков, медым пыжсяньыд копыртчөмөн адззыны, чери кө сэн сулалө да бөрдъяснас вөрөдө. Но өд кытчөкө воштысьөны жө гычьясыс? Зөридз дорөсланысджык сетчис Галя да дугдіс сынштанвысө, төвруыс нин сөмын и йөткышталіс пыжсө, и кор тюльсмуніс ныр увсьыс ыджыдкодь гыч, кутчысис зэв өдий зөридзас да сідзикөн кутіс видзөдны. Весьтассъыс, ва

пыдӱссьыс, пуркмуналис нуйтыс да здук-мӱдӱн и сӱдзис. И сӱки вӱлись усис син улас гычыс: вывлань бӱжӱн сийӱ сулаліс ва пыдӱсас, юрсӱ нуйтас суйӱмӱн. Эз и вермы Галя виччысьнысӱ, кор лыбӱдчас гычыс, да тувкис сак воропнас, но код тӱдас, инмис эз, гудырӱ тай вӱчліс-а.

А вот номсӱ, вьль пӱлӱсӱс, тайӱ луннас Галя аддзис, Вад йывланьсьыс, вутшгяс костсьыс, неыджыд кулига сийӱ аддзис да пырис сӱтчӱ. Ляпкыдик дӱбалӱм ваас сӱтӱн сьӱд саксис ном-гайгыс. Муртса и гумовтыштгис сакнас, да дзӱнь ёкмьль колис сак пыдӱсас. Уськӱдӱс сӱсся ёкмьльсӱ шуйга ки пыдӱсас да разӱдыштгис, видзӱдаліс лупа пырыс и нинӱм на торьялӱмсӱ эз казаяв: медся паськыда олан «Аедес» рӱдӱс кыкис ном-гагсӱ, гашкӱ, муртса-муртса кузьджыкӱс вӱліны. Коліс номийӱ пӱрӱмсӱ нин видзӱдлыны. Коля эжӱр ӱткӱн моз быдмис кулигаас, да сы гӱгӱр медся тшема и гартчис гагыс: налы ӱд васьыс кыпӱдчыны турун жӱ колӱ. И Галя нетшыштгис идзнас коля эжӱрсӱ. Васӱд идз помас гӱгӱр нин ӱшаліс бӱрдьяссьӱм номгыс. ӱти ном сӱсся, мыйӱн косьмыштгис шондӱ водзас, паськӱдӱс бордсӱ да лӱбзис сылы ки вылас, пондӱс сатшкавны нырсӱ, но нырыс куснясис на, эз пыр. Сӱки Галя и видзӱдаліс вьльӱн чужӱм номсӱ да казаяліс, мый бара на аддзис вьль пӱлӱсӱс, кызь квайтӱдӱс.

Сӱрӱн нин рытнас, шондӱ лӱччандорыс, кусӱдны нин вӱлі кӱсйӱ Галя бипурсӱ да водны, кыліс Славикыслӱн мотоцикл шыыс.

— Ме тай шулі?— воӱмӱн тшӱтш горӱдӱс сийӱ да вӱлись кусӱдӱс мотоциклсӱ.— Вӱрӱ оз гычыс?

— Ме ог тӱд,— шӱйӱвошліс Галя, эз гӱгӱрво да, мый и лоӱ «вӱрӱыс».— Эм тай-а.

— Эмыд эськӱ, тӱда, эм да, вӱрӱ оз-а?!— шуис Славикыс, сӱсся нӱджьялыштгис вадланьыс синмӱн да кайтгис долыдпырысь:— Вӱрӱ!

Вӱйтгис сийӱ кулӱмсӱ да пыр и бӱр петіс косас! И ыштӱкӱ сылысь петӱмсӱ и виччысьӱмаӱс гычьясыс, то сӱн, то тан тгйгысьны пондӱсны кулӱмыслӱн сьӱмӱд табьясыс.

— Со пырӱмаӱс нин,— ызийӱдӱс Галя.

— Мед,— ӱвтыштгис кинас Славикыс да ветліс шактар лӱдз дінас, вайис сӱтысь кос лӱпсӱ бипур вылас.

— А пуктыла чайтӱ?— юаліс Галя.

— Пуктыв. Сӱмын эн ном сорыд-а.

— А вот ном сорнас и пукта.

— Мыйла?

— Косьта сьӱлӱмтӱ.

— Тӱдысь нӱ тӱ?

— Тӱдысь, дерт!

— Но, вай!— асланьыс кинас шеньштгис Славикыс.

Чайсö юигөн, мед кызкө водзöстны сёрнисö, Галя каймöстис:

— Сэссия пöдрадөн пö нин уджаланныд?

— А мый торъя пöдрадыд?

— А мый нö, лёкджык сідз-тадз дорсыд?

— Абу эськö да, шондi бöрсяыс на вöтлысян да. А джын пöt на сьöлöмылды.

— Мыйлакö?

— А вот, шуам, Пильö видз ме талун ытшки. А збыль вылас öд пöльöлысь видзсö. Сийö на ректылöма НЭП дырйиыс, куим во ош моз уджалöма. Сідзкö, öни менам быттöкö виддзыс. Но öд абу менам. И кутшöма нин тшыкöма! А ме эськö сэтись бадьсö вундi, вутшсö лямöдi, шактарсö чукöртi да сотi, и кык мында на турунсö пунктi.

— Öни öд позьö жö тэныд бурмöдны. И мынтыяс совхозыд.

— Позьö эськö, да юртö на тай гыжйыштан. Абу тэнад, да оз и лэпты сьöлöмыд. Öти гожöмөн и олан.

— А тэ кöртымөн босьт. Öни öд позьö тай.

— Дыр-ö кежлö? Колö меным вит во кежлад!— чиктыліс Славикыс.

— А мый нö, нэмыд кежлö?

— Нэм кежлö, дерт. И кодлыкö пийöлы на мед вуджис. Видз-муылды ловтö на мед пунктін Енлы моз. А тадзтö, медасьöмөн уджалігад, öтчюд юрбитан, а мöдысь и певтö петкöдлан.

— А тэ философ вöлöмыд.

— Лоан öд, юртö кö жугöдлыштан. А тэнад нö гөгöр бур?

— Менам абу,— вочавидзис Галя.

— А мыйкö номъясөн жö и ноксян да? Сэтшöм бура велöд-чылін-а.

— Номйыс öд медводз и висьталö, кытөн ловъя на ваыс. А ваыс кö кулö, и олöмыс эштас, оз ков атомнöй война.

— Коркö эськö сідзи, буракö, и лоö да. Вунöдлан та йылысь, да код юралы моз бара на гажа овлö-а. Кыськö ме кывлі, гашкö и, телевизор пыр, энъ номйыс пö сöмын курчасьö.

— Энъыс. Айыды нö мый сылы, юыштас кутшöмкö турунысь ли дзоридзысь рокöссö и пöt öтитортö вöчны. А энъыды колö выль олөм на сетны. Тöдан öд, дыр-ö гөтырыд новлөдлö тэ бöрын.

— Ме öд ог жö тай пышъяв,— серöктіс Славикыс.— Ме вылö усьö жö сьöкыдыс. Витö колö на быдтыны.

— Ковтөг оз ов.

— А тэ нö эськö мый он сет выль олөмсö?

— Верöстөгыс?

— Чөв, мед некод тэнö эз казавлы. Ачыл на, колöкө эн шедöд-
чыв. Аслад наукаыд вöсна.

— Гашкö. А öнi пöрысь нин дай,— шпыньмунлис Галя.

— Комын куим на. Бытгöо ог тöд.

— Этша нö нывбабаылды?

— А абу на пес пожöм, абу! Со на кутшöм топыд.

— Славик, дугды. Тэ гыч кыйны татчö локтiн, а эн....

— Гычыд ачыс шедö, а тэнö ме лунтыр на син водзын кути.
Йöймыгтöдз!— пыркнитлис Славикыс юрсö да сывйыштiс Галяöс,
топöдiс ас бердас.

— Славик, тойышта öд. Сэсся ме вылö жö и лөгасян..

— А тэ эн тойышт дай. Нинöм на он ло окалöмсыыд.

— Да, сы вылö тэ и бурасян?!

— А ог и бурась, веськыда кö.

— Кодкö тай вайöдiс тэнö. Ойя да!— лигышмунис Галя и
сетчис окавнысö.

Мөздорас босьтöмөн сэсся Славикыс пыртöдiс сийöс вонъяс...

Но вой кежлас Славикыс, дерт, эз кольчы сы дiнö, медым йöз
сёрниыс оз ло. Лэпталiс кулöмсö и журкнитiс мотоциклас, ыштöкö
гыч кыйны сöмын и волiс.

Аски рыгнас Галя ачыс нин ветлис турун пуктысьяс дiнас, дыр-
кодь сэн пукалис да шуис: «Полан и мунныгтö», и Славикыс сэсся
кольбöдiс сийöс, кызди и сёрнитчылисны.

Вежонысь дырдзык олiс Галя Шöр вад дорас да дзебсяна
шудсö и тöдлiс. Кор Славикыс бөр катöдiс сийöс сиктас, ыджыда
ышловзöмөн и мынтöдчис сыысь, ньöжйöник чеччис мотоцикл
пуклöс вывсьыс.

— Галя, ме öд ог вöтчы тэ бöрся,— шуис сэки Славикыс.

— А оз и ков. Тэнад аслад горт. Гöтырөн и челядьөн.

— А лоö кö кодкö?

— Мед лоö, быдта. Мыйкö понда öд меным колö жö овны му
вылас...

— А кодлысь висьталан?

— Блын на сэтчöдз. А полан кö, тэнö матö ог и казътыв,—
öвсьöдiс Галя.

МЫНТӨДЧӨМ

Некымын ветеранос, тшөтш и Ожеговос, комсомол обкомсянь вистисны Воркутао, медым аддзэсьлыны том йозыскөд. Вежон чөж найо ветлөдлісны шахтаысь да шахтао, волісны школаас и ПТУ-ас, весиг садьо, посниыс дінө. Бөръя рытнас, поездө пуксытөдзэс, найос нуөдлісны музейо, снимайтисны врубмашина дорын.

1948-өд восянь, кор пырис велөдчыны горной техникумас, Ожегов оліс Воркутаас, уджаліс шахтаын: кызь во му пытшкас да дас во веркөсас, кытчөдз эз чуктөд Сыктывкарысь кооперативной квартирасө.

Музейсө восьтөм бөрын Ожегов пыравлытөг эз ов сэтчө, но лючки видзөдлыны өшөдлөм документъяссө эз и эштыв, кодкө да век нетшкыліс сойөдыс: то пиыс, то нылыс, то пөльөн шуысьясыс нин. Налөн өд, ичөтъясыдлөн, мөдтор вылө на югъялө синныс, пыр и кыскылісны ыджыд залас, көні тундраса вөр-васө волі петкөдлөма.

Өні сөмын вичмис Ожеговлы тэрмасьтөг нин кытшовтны Воркутаыслөн кольөмыслы сйөм залсө, и вешйышталігмозыс сйө регыд и аддзис 1943-өд вося приказ: «За добычу сверхпланового угля в подарок осажденному Ленинграду выдать бригаде Кичигина две пачки махорки».

А өд Кичигинсө сйө төдліс. И сы дырйи Кичигиныс помаліс асьсө, воштис надеясө да, мый коркө мездмылас. Сайөдсьыс нин уськөдчис взрыв улас, мыйөн сөмын взрывайтчысьыс гужгыштіс динамомашинаныслөн воропөн.

Эз нин вөв кадыс дырсө манитчыны музейас, но Ожегов эз на вермы вешйыны тайо приказ дінсьыс, бөрынтьчыштіс муртса да би дорө моз и сувтіс, пондіс педзыштавны куньтыраситгырйи, ыштөкө удитны коліс сылы тані и висьтасыны аслыс.

Эксплуатационной отделениеын велөдчис Ожегов техникумас. Медводдза курс бөрас и кольөдісны найос практика вылө. Шуисны, мый кутасны уджавны навалоотбойщикъясөн и сьөм на сыыс босьтасыны.

И вот нуөдісны найос шахтаас. Зонаас пырны коліс будка пыр, кытөн сулаліс салдат да босьталіс студенческой билетъяссө. Ёсь синмөн салдатыс видзөдліс быдөн вылө, сэсья билетас карточкаыс вылө и вөлісь довкнитліс юрнас, мед прөйдитас.

Вежсьөм бөрас зон чукөрсө нуөдлісны ламповойо, сэтысянь главной ствол дінас. Улө-вылө ветліс сэті клетъыс: отияс, сьөд чужомаось, кыпөдчалісны смена помас, мөдъяс, сьөдасьтөмөсь на, лэччалісны удж вылас. Сэки и юклісны зонъясөс, кодөс кутшөм бригадо.

Сувтөдөм из кодь морт, морөсыс, гашкө, кык пасьта мукөдыслөн дорыс, локтис аслас бригадыскөд да ыкөстис чуймөмысла:

— Кытчө нин тайөясөс? Коді татшөмъясыс?

— Техникумысь. Практика вылө. Мед видзөдлөны да уджалыштөны, — висьталіс юклысьыс. — Босьтлы нель-ө-витөс! А, Кичигин?

— Мый мен наысь?

— Тэныд эськө нинөм да, налы-а.

— А лоө мыйкө, да бара мен дас во?

— Дерт, тэсянь кыв кутөмөн. А мый лоас, син улад кө босьтан?

И аслыд... гаж бырөмсьыд! Кымын во өд нин гортсьыд.

— Но мед витыс, — кывйө сетчис Кичигиныс.

Тадзикөн и веськаліс Ожегов сы дінө. Клетяс пуксьытөдз да Кичигиныс сеталіс зонъяслы сөй ёкмьылөн, таковскөйөсь пө, уджавны кө локтінныд, миянлы пө вөр на ковмас сьорысь нуны.

Кор вөрзис клетьыс да дзумгысис пемыдас, Ожеговлөн ырк-мунлі сьөлөмыс, ымөстис повзёмысла, но грымакылөмысла некод, буракө, эз кывлы. Төдөмысь, и мукөд зонъясыс повзёлысны медводдзавысьтө, видзчысьбөмөн, ваө моз тувччалөмөн, и петісны тай шахтнөй дворас сы бөрын на.

Дзонь верст, гашкө, мунісны сэсса штрекөдыс, кытчөдз эз воны тыра вагонеткаяс дінө, кодъясөс вөлі сөвтөма коз пуысь рудстойкаөн да пөвъясөн. Сэтчө сөмын и сувтлісны. Кичигиныс да бригадаса мукөд уджалысьыс босьталісны пельпом выланыс коді мыйта вермис рудстойкасө да пөвъяссө. Кузякодь бара на мунісны, да карта өдзөс пасьта писькөдөминөд лэччисны лаваас.

Сідз нин сунтола подыис лаваыслөн вөлөма юж туй кодь шылыыд мукөдлатіыс, и Ожегов эз и төдлы вильскөбтис да усигас мынтөдіс киняувсьыс сөй ёкмьылсө. Кытчө пө сийө быгыльтчис, кыгысь корсян муртса югзялан сьөд пемыдсьыс? Перйис каскасьыс лампочкасө да киас босьтөмөн пондіс видзөдавны.

— Мый нө көйялан? — юаліс кодкө.

— Уськөді сөй ёкмьылсө.

— Сета сьылі тшуптад, он кө аддзы. Но, падла!

— Мый ни лёктө песан детина вылас? — кысянькө улысянь пыр шыасис Кичигиныс. — Садьтө төд.

— Менсьым пыркөдісны нин садьсө.

— Сэсса мөдлысь көсьян, мыжтөмыслысь? Дугды? А тэ... мый нимыд?

— Вася, — вочавидзис Ожегов.

— Корсь, уськөдін кө.

Ӧдйӧ и сюри сӕсса сӕй ёкмыльыс. Сибдалӧмаӧсь сэтчӧ порода торъясыс, да абу ылӧдз и быгыльтчӧма.

Дзик пырсӧ уджыс зонъяслы эз на и вичмы. Рештакъяссӧ, кӧрт воргаяссӧ, найӧ тшӧтш отсалісны вештавны матӧджык из шом пласт дінас, кытӧ врубмашинаыс кутас кайны, да тайӧс ӧд он на лыдды. Та бӧрын найӧ сӧмын на видзӧдісны, кызди врубмашинаыс вундіс адасӧн пласт увсӧ, резіс рештакъяс вылас из шом буссӧ да торпыригсӧ, ас бӧрсьыс на лёддзӧн коліс и.

Но вундӧмсьыс пластыс эз на киссьы, и писькӧдалісны сэтчӧ шпуръяс да сюялісны мыйкӧ сисьяс кодьӧс, тупкалісны кольӧм розьяссӧ вайӧм сӕйнас да ставныс чукӧртчисны горсийӧн вӧчӧм сайӧдӧ, кысянь и сыркнитісны сӕсса.

Вӧлісь пансис сьӧкыд уджыс. Ачыс Кичигиныс кымынкӧ морткӧд пондіс пыклысьны, а мукӧдыс, тшӧтш и зонъяс, босьтісны кианыс зыръяс. Вот сӕки и петаліс Ожегов эбӧссьыс да вежӧртіс, мый сэтшӧмыс навалоотбойщикыс. Эз ӧд ӧти тонна ковмы сӧвтны из шомсӧ рештакъяс вылас да мед эськӧ и ӧдйӧ на.

Куимысь смена чӧжыс бергӧдісны татшӧм уджсӧ. Зонъясыс, дерт, эз лысытлыны ропкынысӧ, а бригадасаыс кодсюрӧ ёрчӧм сорӧн нин кырссисны Кичигинсӧ. Но сійӧ бытгьӧкӧ эз кывлы, зіліс-пыкаліс лава вевтсӧ гыпкысьӧмысь, и сувтӧдіс бӧръя сюръясӧ да вӧлісь ӧлӧдіс медся нин вомасӧ:

— Ланьт, скӧрмӧдін!

— А тэ, кӧлӧкӧ, Ёсьӧйдлы жугӧдчы! Мед бара шуас, лӧсьыд-джык пӧ лои овны, гажаджык да.

— Сылы сизимдас нин тырӧ, дыр оз нин кыскы.

— Код тӧдас сылысь, кор на пезьдас.

— Но и уджав, кӧсьян кӧ ловйӧн на гортад волыны. Кӧть морт сӕянсӧ тӧдлан. А ныас вылад тэ ӧдйӧ на кыстӧ нюжӧдан.

— А-а, онджык сісьмы тан кын муас.

— Этша нин сыысь долыдыд.

Дзик пырсӧ Ожегов эз и гӧгӧрво, кодӧс Ёсьӧнас нимтісны. Бӧрсӧ нин штрекӧдыс довзьӧдгӧн, кор лэдзышптіс мудзыс да дугдіс гӧгӧрыс топӧдны юрсӧ, сылы воис вежӧрас, кодӧс лёкӧдісны. Сідзкӧ, врагъяс и эмӧсь тайӧяс, да оз и позь найӧс лэдзылыны вӧля вылас. Но мыйла нӧ эськӧ асьныс уджалӧны, видзысьтӧг ни мырдысьӧнтӧг? Мудералӧны, мед ловйӧн на кольны? А, сідзтӧкӧ, мыйла Кичигиныс сы дор на сувтіс, кор сійӧ уськӧдіс сӕй ёкмыльсӧ? И мыйла пыдӧджык йӧткавліс зонъяссӧ горсийӧн вӧчӧм сайӧдас, кор взры-вайтлісны из шом пластсӧ?

Шахтасьыс петӧм бӧрын пывсьынысӧ зонъясӧс сэтчӧ жӧ вьтісны, кӧні и пукалысьясыс пывсисны. Шемӧсысла вомсӧ

паськөдөмөн на ветлөдліс сэтөн водзпөрсө Ожегов: сы мында пөлөс татуировка усьліс син улас. Көйялігмөзыс и воис сійө мөд помланыыс, кытөн душъясыс вөліны.

— Лок, төран!— кыліс сэк Кичигинлысь гөлөссө. Вөлөмкө, шөракокт душ улас сійө майтөгасьө и мыссьө.— Тэ өд, буракө, Васяыс?

— Ме,— шуис Ожегов да лэптыліс пельпомсө.

— Лок, эн пов. Менам тэ кодьыд көнкө эм жө. Кутшөм вося?

— Комын куимөдся.

— Но вот!

Мыссигмозыс Кичигиныс пондіс мургыштавны кутшөмкө сьыланкыв, пыр гораджыка и коставлытөг нин, и нуөдөм сертиыс Ожегов төдіс сьыланкывсө, сы вөсна мый мамыс тайөс жө медся ёна нюркйөдлывліс:

«Джуджыд керөсын, гажа нөрысын...»

Тшөкмулөмөн дугдіс сэсся Кичигин мургынысө, ыштөкө во-мас ли нырас ваыс веськаліс. Чөв усьліс да кевмысяна шыасис синмас Ожеговлы видзөдөмөн:

— Кывзы, Вася. Вай меным маркаа конверт да тетрадь лист, косявтөгыс. Сьысь өд он гольмы.

— Ог, да... миянлы шуисны...

— Коді шуис?

— Майор тай кутшөмкө.

— А-а, Зубарев, режим кузя начальныкыс миян. Но оз ков, сідзкө. Мед врагөн коля. Эг эськө некодлы лөксө вөчлы да.

Шахтасяныс да оланінөдзыс көрт туй станция дінтіыс коліс Ожеговлы муннысө. Барак кодь керкаын вөлі вокзалыс, сөмын шмака пома шпиль чурвидзис сигөрсяныыс. Пошта куд нөшта өшаліс йөзыслы ветлан өдзөс дорас, и кодкө буретш чөвтис сэтчө письмөсө.

Тайө пошта кудйыс и пондіс сэсся синмас пырны Ожеговлы. Мый ылнаө нин восьлаліс, а быттьөкө век на аддзис. И Кичигиныс син водзас усьліс: коньөртчөмөн тай и петіс пывсянсьыс.

Но аскинас Ожегов эз на лысьт босьтны конвертсө, кытчө тетрадь листсө нин куснялөмөн пуктыліс. Бөр перйис пинджак зепсьыс да коліс тумбочкаас. Оз эськө, гашкө, лукйыны (төрыт тай эз лукйыны), да юаласны кө зонаас пыригөн, мый пө, ноко, зептад?

Ни шахтаас лэчигөн, ни лаваас веськыдасө Кичигиныс эз дузьяв некод вылө. И Ожегов вылө эз горөдлы, а вермис эськө и тойыштны ли мый ли скөр йывсьыс.

Смена помланыс эськө и тойыштіс лөкысь, да аслыс на Ожеговлы бур вылө:

— Кытчө зурьөдан? Он аддзы, өшалө? Едритвойөн!

Ыджыд жуглӧс гыпкысис сэк породаыс лава вевтсыыс, и варкӧдіс эськӧ Ожеговӧс, эз кӧ удит Кичигиныс пановтны сійӧс.

— Доймин эн?

— Эг сэтшӧма, — няргыштіс Ожегов.

— Но, ловйӧн на мамыд аддзылас. Тэ ӧд шахтаын, а абу ывлаын!
Юртӧ чатӧртлы да вӧлись дувзӧд!

И локтан луннас Ожегов босьтіс нин конверттӧ да висьталіс Кичигиныслы, кор пуксисны клетяс да дзик орчӧн лӧсялісны.

— Пывсян бӧрын сетан, — шуис Кичигиныс. — Эн вунӧд.

— Ог.

— А ме сэсса бӧр тэныд. И чӧвтан пошта кудъяс.

Нӧшта локтан луннас, пывсян бӧрас жӧ, Кичигиныс бӧр и сетіс конвертсӧ адрессӧ нин гижӧмӧн да клеитӧмӧн. Ожегов ышлов-муніс падмылӧмысла, да таысь и аслас Кичигиныслӧн дзугыльтчыліс чужӧмыс.

— Да тэ эн пов, Вася. Абу ме кутшӧмкӧ шпион. Ме тракторист и вӧлі МТС-ын. Но, шуи, мися, огӧ ми уджалӧй натуроплата доныс, сӧмын пайкам колхозъяссӧ, вот и став мыжкыс менам. Полан кӧ, видзӧдлы адрес вылас. «Коми АССР-са прокурорлы» сэтчӧ гижӧма. Ме кӧсья, мед видлалісны менсыым делӧсӧ.

Зонасыыс петӧм бӧрын Ожегов перйыліс письмӧсӧ да видзӧдліс адрес вылас. Збыльысь и висьталӧма Кичигиныс, коды ыстӧсӧ. Тӧдӧмысь, и ас йывсыыс сійӧ ылӧдлытӧг висьталіс.

Кӧрт туй вокзал ӧдзӧсдорса пошта кудъяс и лэдзис Ожегов письмӧсӧ. И ӧнтая дорсыыс на ӧнджыка падмыліс, быдӧн йӧжгыль-мунліс, мый ӧні и сы дінӧ вермасны каттысыны.

Код тӧдас, воліс эз письмӧбыс прокурорыслы. Колӧкӧ, Воркута-сыыс водзӧ эз и ветлы. Кымынкӧ лун мысти и шуис тай Кичигиныс главнӧй ствол дінас, клетьсӧ виччысигӧн:

— Нинӧм, меным, Вася оз югъы. Содтасны срокӧс, сійӧс и тӧдла. Удиті татчӧ, а эськӧ пукалі изоляторын. Но, эн дивит!

— Ог.

— А коркӧ ӧд чеган жӧ мортыд, он кӧ кусыньтчы. Но, эн дивит.

— Да ог, — кайтіс Ожегов. Сӧмын эз на пукты инӧ, мыйла кыкысь ӧгиторсӧ шуис Кичигиныс.

А, вӧлӧмкӧ, мӧвгыштӧма нин сійӧ, кыздикӧн мынтӧдчыны мыж-тӧгыс пукалӧмсыыс. Тӧдӧмӧн и усыкӧдчис лаваас взрыв улас, кор врубмашина бӧрас взрывайтісны из шом пластсӧ.

— Волы, волы, — гусьӧник чукӧстіс Ожегов сӧркни чужӧма пӧльӧс, ветеранӧс жӧ, коді лӧсяліс матӧ. Со вот лыдды приказсӧ.

— А мый тан гөгөрвотөмыс? — лыддис да гарыштіс мөдыс. —
 Чайтан, этша вөлі сэк налы кык пачка махоркаыс?
 — А ме төдлі Кичигинсө, — висьтасис Ожегов.
 — Пукавлін жө? — букөстис пөльыс.
 — Ме эг. Ме техникумын велөдчигөн практика вылын вөлі
 сьлөн бригадаын. Сэссия сійө виис асьсө.
 — Но и мый? Колөкө, картіөн асьсө ворссис?!
 — Эз. Сійө ветымын көкъямысөд серти пукаліс.
 — Тэ төдан? Видзөдлін делөас?
 — А эз вөв пон сөйысь! — дөзмис Ожегов.
 — Но и шогав быдөн понда! — вомаліс сійөс пөльыс. — Кы-
 мынөн тан эз чергөдчыны, да ставсө кө өні сьылөдны, помыс оз
 воы. Бөрө али мый кыскыны йөзсө?
 Ожегов эз и сяммы вочавидзнысө, сөмын лөгпырысь мурчнитіс
 пиньнас.

ВИР ТШЫКӨДЫСЬ

Ольга пөчө вөлі карта улас мөссө вөйтөдө, кодкө пырысь лои
 керкаас зымөдан кока. «Эсійө Револьтыс кө бара и?» — черөб-
 тыліс Ольга да личөдіс кыкнан шамырсө. Мөскыс бергөдліс юрсө
 да дівөстис, мый нө пө дугдін.

— Да энлы, час, выльысь на лэччыла.

А локтысьыс Револьтыс и вөлөма. Петіс посводзас да горөдіс
 увкйөдлана:

— Ольга тьөтка! Али абу гортад?

— Тани. Мөс дорын.

— А-а! Но виччысьла.

«Виччысьлан, дерт, тэ!» — вомгорулас дольыштіс Ольга. Важ
 камод уліас, көлуй пытшкас, югыд доз вөлі сьлөн видзны пуктөма
 пиыс ли зятыс вөлігкежлө, да сы понда и лоис повнысө. Кайис
 өдйөджык керкаас, медым оз на удит Револьтыс луйкысьнысө.

Яндысьысь морт моз мөдыс өдзөс дорас на и пуксьөма вөлі,
 паччөрас катөдан сод помас, шуйга коксьыс резина сапөгсө пуртөн
 вожөдөма, и төбөмыс тыдалө; вомыс жермунөма, быттьөкө оз нин
 кут улыс черлыыс; паськөмыс корзьөма быдлаын нин туплясьө-
 мысла. Урөсөс кыгчөкө из улө нин колө суйны, а лысьтө на йөз
 ордө пырны. И вөтлыныгө кывйыд оз вөрзвы, асьтө на понъялас.

— Мый нө ветлөдлан?

- Сідзи.
 — Сідзыйд эськө тэнад оз овлы да. Өти могыд.
 — Но, — нускыштіс Револьтыс. — Вэськөдан кө юрөс и.
 — Со, колөкө, мөс вөра йөлөн.
 — Эн серав.
 — А кытысь меным курыдыс? Талоннад пондылісны вузавны, да сэк вөлі шедлө на, а өні он сибавлы лавка дінас, кор лэптгыласны.
 — Кодкө лунө на кыкөс ньөбин. Быттө эг аддзыв.
 — Но, сы вылө өд ме пес вайөді.
 — Мый нө көть? Кыкнансө и юкталін? Эн ылөдчы.
 — А-а... бур вылө бурөн! — мыкталыштіс Ольга да шлочкис кияснас.
 — Вожаліс нин кывійыд. Ачылд Ен төдан-а. Ки чышкөд на сэтчө өшөдөмыд.
 — Еннад тэ менө эн зурөд. Асьтө төд. Сизимдас вит арөсаыс-лысь менсьым дзайган, локтөмыд да!
 — А мый нө тэ, абу олысь? Мөс на видзан да. Өтнад нин тан кывтыдпомас.
 — Верма на дай видза. Мөскыс меным и гажыс.
 — Эн и коньорась сэн! — чеччис Револьтыс да лабич вылас пуксис, вожмаліс көкьяссө.
 — Мый нө тэ, кулакавны менө локтін?
 — Кулакавны и колө эськө да. Ставсө выльысь.
 — Мед оз нөйтчы батьылдөн вирыс!
 — Оз нө өні куравны сьомсө?
 — Коді куралө, сылы кочкылө на коскас. Курав жө дай, вежыд кө петө.
 — Абу ме сэтшөм.
 — Кутшөм?
 — Горш пон.
 — Мый нө эськө көвтчан?
 — Ог өд гөсударствоыслысь.
 — А гөсударствоыслы өд абу жө тэ помысь өтлекыс. Куш на Револьт нимыд тэнад! — дэльөдіс Ольга.
 — А ме аддза нин!
 — Мый аддзан?
 — Кытчө олөмсө бергөдөны. Колхозыд көн нин миян абу. Регыд и совхозыд оз ло.
 — Кытчө нө лоө?
 — Чашгыясны арендаөн, — векыштчыліс Револьтыс.
 — Арендаылд өд, коми ногөн кө, көртым на. Лунтө уджөдас и вөйтө на пальөдлас, көсьян кө, мед аслыд тшөтш мыйкө воис.

- Оз кө во, оз на ыштыны.
- Ышты жө дай, код тэнө күтө? Абу на квайтымын.
- А сідз на позис овны.
- Позис: өти лун дучкан, мөд лун веськөдчан.
- А тадзтө абу жө советскөй ногөн.
- Мыйла абу? Кодлы сыысь лёкыс, вөрзяс кө уджыс?
- Мыйла өтилы бур, а мөдлы дур.
- Кодлы мөдлысө?— өканигис Ольга.
- Эг нө ме пузьөдчы тан мөс картаас? Кымын во нин! А босьгисны арендаө, и — мун сэтысь!
- А тэныд эськө мед жаладдза видзисны? Тырмас, торкасин нин йөзысла. Коркө на вөлі потөма пөртйид йизьөмысла.
- Мыйыс оз овлы да.
- Чөв, Сталин дырий кө, тэнө таысь өдийө на шердйөдисны кытчөкө. Эн и волы гортад.
- А мый нө, гажыд быри Сталинсьыс?
- Мун, эн сөткөд! Велалөмыд нин гугөдны, мый оз шуны.
- А вот кытчө ме өні?
- Менсьым юасян?!
- А тэ сэтшөм сюсьыс да!— вешйис Револьтыс пызан дорас, наяна өшөдчис гырлдза вылас.
- Джагөдчы! Грекөвойтчан сэтөн!
- Пасибө чуйдөмсьыд.
- А мый нө, ме тэныд уджтө корся?
- Тэ мыйкөтө корсьы... Уджыд меным сюрө на.
- Абусө ог корсь.
- Ок, өд Ольган-больган!
- А мый нө, тэ менам и гөсьтыс?
- Вөча жө мыйкө водзөстө.
- Ланьт, сө водзөс нин тэ сайын,— вомалис Ольга.
- А он аддзы коксө? Вожөдны лои сапөгөс. Ой, висьө оз!
- Мый нө, керыштін али мый?
- Соті. Дзоля пач ломтөгөн.
- Кыдзикө?
- Вугыртлі, да өгырыс чеччыштөма сапөг костө.
- Вугыртлөмыд и эм, збыль кө быттө.
- Но, дерт, гажа вөлі. А юав больничасьыс, он кө эскы. Кысь меным еджыд бингыс либө?
- Код төдас тэнсьыд.
- Но развла, колөкө?— ыззис Револьтыс.
- Колантор!

— Но кисьт стокан джын. Муна сәсса гортө, да ог-ө унмовсь-лы.

— Мунан, дерт, тә мөдысь кортөг.

— Муна. А полан кө, унджык кисьт дай. Кольө на, коды видзан.

— Он нин тәысь мынлы, — чушмунліс Ольга да перйис камодсьыс югьд дозсө, нуис кывтас да сәні, пельбсас, кисьтіс стоканө джынсьыс на унджык. Ва на эськө көйыліс содтыны, да эз нин пежав асьсө. Вайис стокансө пызан вылас, муртса эз солькнит скөралөмысла. — Юан да, мед вөлі мунөма сәсса. Ме гөбөчө пырта коляссө.

— Ачыд төдан, — шешмунліс Револьтыс.

Гөбөчсьыс Ольга дырджык эз и пет, кывзсыгтыр сулаліс сод вылас. Но Револьтыслөн, тыдалө, эз на мунсьы, и быгь лои петнысө, бара серниө сыкөд сюйсьыны:

— Көн нө гортыд... гортө мунысьлөн?

— Энлы, юрө жөвгис да.

— Кытчө но колө? Сітанад?

— Разальштө мед.

— Разөда вот, укват босьта да, тадзтө кө!

— Укватыд өд кык пома на.

— А менам мөскөй дивзө. Эг и лысьты кушөдз.

— Ләчы да лысьты дай, — дөжныштис Револьтыс.

— Коля тәнө керка шөрө!

— Либө ачыд и кисьт мөдысь. Кытчө пыртін гөбөчад?

— А тә нө морт абу, а? Морт абу?

— Эн карлась. Ачыд абу жө бөжтөм. Нывтө кырсалін на война бөрас. Питө ог шу-а.

— Сета вот нырад! — ырыштчыліс Ольга. — Эз нө усь менам юр кутысьыс.

— Кодлөн эз и усь да. Эз на тай быдөн кок вожсө паськөдлыны тә моз, — чиктыліс Револьтыс.

— Ок, пеж! Тадзикөн и корсян аслыд гажтө?

— А эн нө кырсава нывтө?

— Кырсалі кө, ачим на быдті! — кучкис Ольга пызанас. — Некодлысь на грөш эг корлы. Тә вот кодөс быдтін-а? Коді гуад сюяс, чергөдчан да?

— Сюясны, индомө муна да.

— А пет керкасьыс! Синмөн ме ог аддзы тәнө, вир тшыкөдысьсө!

— Эн тәрмась. Пырав гөбөчад, да вөлись.

— Со тэныд!

— Песовта сойтö, дырджык кө сэн...! — чеччис Револьтыс.
— Пондыв! Тэныд öд законыс эм жö!
— Лэдза увлань юрөн, да чегö сьылі дзирыйд! Тöдлан сэки законтö! Колöкö, ачьд усин?

Ковмис на Ольгалы пыравны гөбöчас да петкöдны стöкан джын. Мыгчис Револьтыслы да киргыштис дилькъялöмысла:

— Чайтан, ог и висьтав некодлы?
— Висьтав, — гулькнитис да ыкөстис Револьтыс. — Мый бось-тан бурсö-а?

— Мый нö вöчан? Виан?
— Мед тшын йыв он кай керкайдкөд öтлаын! На, пукты стöкантö. Ме сэсся гортö мунысь.

Сьомдалигтыр сулалис на Ольга, кытчöдз эз ывлаö пет Револьтыс. Сэсся лигышмунис да ырöстис пернапассö чөвтигмозыс:

— О господи, кодöскö тай видзан му вылас!

ЮРЫД УСЬÖ

Тавой бара картаын узис Нати Коля, пилипызь чукөр вылын. Зэв на чöскыда и узис, небыда да шоныда, и некод эз тоткы пель водзас. А мöсьяслөн пöтöса упкöмыс да дом чепъяснас голь-öдчöмыс ньöти эз дöзмöдны сийöс.

Вобись дырджык нин скöтникалö Коля, куйöд зыртö. Абу эськö муса удж верстьö мортыдлы, да чөвтисны сийöс трактор вывсьыс юöмысла. Нимтöмыс сöмын и коли, кодi том дырйиыс на сылы öшйис, кор трактористö велöдчис да «Нати» тракторөн гортас локтис.

Лөкөдöма, гашкö, лöб йöзсö, а найö вина гагсö Колялы суйисны: ваяс кодлыкö мыйкö тракторнас, и пызан сайö мырдөн пуксьöдöны, вöсни стöкан тыр кисьтöны, сэсся бара. Но кутчысьлис на кызкö аскинас веськөдчöмысь, лавкаö ни көвтчыны эз петавлы, да чеччыштис, тыдалö, бөръя каличыс, тачкыны кутис горшас.

Водзджыксö гөтырыс корсьывлис сийöс, гортас кыскывлис да морт ногөн на водгöдлис, пöрччөдöмөн и быдөн, а сэсся дугдис. Забеднö босьтлис таысь Коляс, көсьылис весиг повзьöдны гөтырсö, дойдана гарыштис, мый оз жö ло сылы бурыс, усяс кө кытчөкө код юрөн да кынтас ки-коксö, но гөтырыс сöмын векыштчылис татшöм повзьöдöм вылад.

— А мый нө эськө? — шойвоши Коля, да дыр эз бергөдчы кывйыс юавнысö.

— Мынөма сэки тэысь!

— Кыдзыкө?

— Индомö вьста! — швачкис-шуис гөтырыс, жаялдза ни падъялөм эз тыдовтчыв некоднан синмас.

Та бөрүн Нати Коля эз нин сэтшөма веськодясь: юөмсьыс, дерт, эз эновтчы, но садьсö воштыгөдз на тимбылтчыліс кытчөкө сайодö, медтыкө сөмын ывлао оз петкөдны.

А гөтырыс ыршасис-ыршасис шыөдчөм гижны, медым мырдөн нуодасны Коляос бурдөдчыны юөмсьыс, и бөрьяпом гижөма, буракө. Сідзи тай ачыс висьтасис-а, гижичи пö өд, рөд помалысьöй.

— Кутшөм рөд помалысь, кодлысь? — дузгөдчыліс Коля, быгтыкө эз на вежөрт, кытчө синіс гөтырыс.

— Ассьыд и менсьым! — вомаліс гөтырыс. — Видзөдлы ичөт пиыд вылө, кутшөми. Зырым и дуль отлаын, былалөм синма. Морт нө лоө коркө сыысь?

— Мед эн сибөдлы дай! — сюри на Колялы воча кывйыд.

— Тойла ныр-вомтө пежлысь! — ырыштчыліс гөтырыс скөвөрөда кутанөн. Сэсся дыр ньыласис виньдөмысь моз. Медбөрүн рикөстіс-кокньөдчис: — Босьті да кывзыси вир йөйыд!

— Кодлысь кывзысин?

— Мамыдыльсь. Эз на өмөй пö мөрччы трактор вывсьыс чөвтөмысь? Гашкө пö, сійөн нин и юө, ачыд пö кодзыдасян да? А вот тай пөсьөдчылі, босьті буртө!

Вөлыштіс на эськө Колялөн дорйысян лөкыс көнкө лов вылас, да эз нин юрөдзыс волы, эз нин чуйды мыйкө водзөс шуны гөтырыслы. Бөртиджык рыгнас телевизор пыр кино петкөдлісны, да Коля тшөтш лючки видзөдіс, сөмын эз шыасьлы-а, кино бөрсяыс эз вөтчы ни. Нюкрөдліс нин сылысь сьөлөмсö, да сідз, пуксөн да восьса синмөн, и шогаліс. Ичөт пиыс вожасьліс сэки пидзөс вылас, да таысь нөшта нин дзугыль лолі Колялы.

И төрыгөдз, дзонь вит лун, сэсся кутчысис, вөйт эз видлы. Тыртчыны ышөдлісны и дась ньөбөмсьыс нин вөзйылісны, а эз сетчы, ас йөз водзад да лысьтіс и кужис на пыксьыны, веніс телепитсö. Нелуна дзескыдджык выль шапка улас юрсиыс и киняувьясыс кодзыда ньылөдлісны сэки асьсö вермөмысь.

Быль шапкасö, рудов кролик куысь, гөтырыс вөлі сельповыс ньөбөма да водзвыв тувйө өшөдөма, мед локтас Коля картасьыс, кутас пөрччысьны и казясас.

Коля, дерт, казясіс. Видліс юрас да юаліс чуймыштөмөн:

— Меным али мый?

— Гӱснеч пӱлӱкӱлӱ!— вашмунлӱ гӱтырыс.— Дыр-ӱ сӱмын олас-а?

— Ог ӱд вошты,— нюмыртчылис Коля. И дзик пыр жӱ ыштӱс юавны:— А шыӱдчӱмыд... кодӱс тай сетӱмыд... милицияӱ али кытчӱ? Збыль кӱ быттӱӱ?

— Збыль, дерт. Синмӱн эг кут аддзыны да.

— А ӱнӱ аддзан?

— Вежсыы, да ужнайтны колӱ,— ылӱстана вочавидзис гӱтырыс.

— Но а,— эз на инась тайӱн Коля,— локтасны кӱ мела, сӱки кызд? Быть на меным бурдӱдчынысӱ ветлыны?

— Нӱӱти абу быть, ачӱд кӱ дугдан.

— Милициятӱ тӱ он тӱд. Сӱтчӱ мед сӱмын гижӱма вӱлӱ, а сӱсся этша соссян.

— Ог и соссыы,— кайтӱс гӱтырыс.— Юсис, мися, садьсӱ эз тӱд, а ӱнӱ, мися, повзис да ачыс дугдчис.

— Эг эськӱ повзыы да,— дӱзмылис Коля.

— Но сӱдзикӱн и шуа.

— Кыдзикӱн?

— Мед на, мися, гортын овлас, ачыс на садьсялис да,— висьталӱс гӱтырыс.

— А-а,— бурасис Коля.

А тӱрыт, рыгьявылыс, зыртчӱ вӱлӱ буретш Коля, мӱс нӱӱбысьяс картаас локтисны, орчча сиктысь гозья. Верӱсыс слесаралис сӱн, совхозлӱн мастерскойясын, да унаысь мездылис Коляӱс запчастьнад, дерт, эз весьшӱрӱ-а.

Эз сӱмын мӱсьяс, тшӱтш и медводдза тырӱн куканьяс вӱлӱны картаас. Кутшӱмӱскӱ тыра куканьсыыс и колӱ вӱлӱ бӱрйӱны нӱӱбысьяслы. А кутшӱмӱс пӱ? Шӱйӱвошисны гозья: то ӱти-лаын сулыштасны, то мӱдлаӱ уськӱдчыласны.

И Коля сӱки чуйдӱс:

— Со этайӱс босьтӱй, сьӱда-еджыдасӱ. Тыртны кутас йӱвнад.

— Ёна тӱ тӱдан!— эскытӱма чиктылис слесар, быттӱӱкӱ усис нин Коля мортсыыс, куйӱд зыртысяд воис да.

— Тӱ серти эськӱ тӱдаджык на да,— вочаалис Коля.— Видзӱдлы, со мый кызайс нин йӱв сӱнъясыс. И божув нин тӱдчӱ. Дай абу писка, мукӱдыс серти кӱ, со уна-ӱ мьлӱбсыс ныр улас.

Тайӱ тыра куканьсӱ и босьтӱсны сӱсся гозья. Коля отсалӱс петкӱдны сӱйӱс картасыыс да веситӱдны, а сӱсся катӱдны машина кузовӱ.

Слесарлӱн гӱтырыс сьӱдоват сумка кыскалис сьӱрсьыс, кысьыс некытчӱ эз лӱдзлы. И вот, машинаас пуксытӱдз, перйис сумкасыыс

«экстра» доз да мыччис Колялы, бõрыннас ас пõжалõм кык рача нянь на мыччис дай.

— Оз ков,— бõрынтьлис на эськõ Коля дозсõ, но нывбаба õвтасис нин сыьсь кияснас. Та бõрын Коля õвсис жõ, мõвпыштис да, мед и асьсõ, слесарсõ, водзõс пайкыштõма лõб.

Козьналõм «экстра» дозсõ Коля шõриалис Куварканкõд.

Кыськõ Печора кывтыдысь вõли Куварканыс, катер вылын мотористõн ветльвлõма да юсьõма тõвся нинõм вõчигас. И вõтчõма сәсса гõтырыс бõрся, Коляяс сиктысь нывбаба бõрся.

Коркõ рака аддзõма мõдласа мортгид да куварканõн шуõма. А шулы сиктад тешкодъджык кыв, нәмнад сәсса он мын сыьсь, асьтõ жõ сийõн и нимтасны да.

Дерт, бур туйõ кõ олис да уджалис Куварканыс, колõкõ, быд пõрийõ эз на и нимтыны, а видласьтõм луныс во гõгõрнас сылõн этша жõ чукõрмылис.

Водзджык Коля дорысь сийõ скõтникавнысõ кутис да õни ыджыдджыкõ и пуксис: Коля сõмын куйõд зыртіс, а Куваркан и транспортёрсõ на уджõдис, кодї воргаясõдыс кытшлалис; дзоньтавнысõ вәсиг геждõа сибõдліс Коляõс, лолі кõ мыйкõ транспортёрыскõд.

Но тõрыг кык «кужысьыдылы» õти дозийд некыгчõ эз и мõрчыв, дзльõдис сõмын. Куваркан сәсса норасис, горзвõдлõ пõ, копыртчывны ог лысьт, и колыс Коляõс зыртчыны, а ачыс õдийпырысь ләччис сиктõ. Уджысьõма-õ кодлыськõ, гортсьыс-õ гõтырыслысь пычкõма сõмõсõ, а бõрсõ дозийõн локтіс, пõсялõма да кыпыд.

Лысьтысьысыяс эз нин вõвны, кор помалісны найõ дозсõ, и Куваркан сәсса довгис гортас, ог пõ вермы йõзад узыны, а Коля нёровтчис пилипызь чукõр вылõ, медся мусаыс õни вичмис сылы: и код, и шоныдїнын, и некод оз видчы.

Садьмис Коля, да юрыс сәтшõма на жувгис, эз вәсигтõ кыв, мый Куваркан, вõлõмкõ, локтõма нин да вõрзвõдõма транспортёрсõ. Видзõдліс Коля кок улас да вõлись казяліс транспортёрыслысь нетшкысяна вешйõмсõ.

— А шапкай нõ менам кõни? — пыркнитчис Коля позялõмсьыс да изõймитõмсьыс (эз нин сәтшõм шоныд вõв картаыс).

— Ме ог тõд,— лашиктис сы динõ Куваркан.— Тõрыг тай юрад на, буракõ, вõлі-а.

— А кыгчõ нõ эськõ лои? Босьтін кõ, бордтõ и чега Куварканлысь.

— Асьтõ тойышта да куйõд сорыс петан ывлаас. Колõ меным тәнад шапкаыд.

— А кыгчõ нõ эськõ лоис?

— Быгыльтчис юрсьыд. Эн нõ войнас пессьы?

— Кытчö быгыльтчис? — сутшиктöдлiс Коляöс повзёмысла.
— Воргаас татчö, — довкнитiс юрнас Куваркан гужгысь транс-
портёр вылö.

— Либö тэ жö и мыжа! — выльысь ыззис Коля. — Нинöмла
вöли локтöмөн тшöтш вөрзöдны. Лудö кыд рублиьниктö йöткышт-
ны, аддзöмыд кокни уджтö да.

— А менам сийö и уджыс! — ярскöба вочавидзис Куваркан да
бöр лашиктiс Коля дiнысь. Но ылысмис да бергöдчылис на, чирöма
горöдiс: — Дзонь доз юкталi тöрыт аслыс, да ме вылö жö сэссия и
воö!

Колялөн эз нин воссыи кыв-ворыс. Босьтiс зыр да петiс ывлаö
и аддзис шапкасö кöдзыд вылас руалысь уль куйöд чукöрысь. Но
слöймис на öлöдны асьсö шапкаысла нюжöдчылöмысь: кöть и мысь-
калан, а он нин лысьт öнi сийöс новлыны, серам вылö лэптасны, да не
сы дон сувтас.

Веськөдълун шымыртiс Коляöс, нинöм эз ков и нинöм эз ло
жаль. Шешмунлис сийö таысь да довгис гортас.

— Вайин? — наяна юалис гöтырыс.

— Мый вай?

— Асьтö, пыктöм синмöс?

— Но ветла, бурдöдча! — кöсийысис Коля.

— А көн нö эськö шапкаыд? Петыр лун воис?

Ковмис Колялы висьтасьны. Гöтырыс удж вылö тэрмасис да
сэссия ёнасö эз нин тоткы.

Коля юис чай стöкан да нюжöдчис долыда порогувса лабич
вылö. Пондылис нин вугыртны, и машина журкнитöм сэки кылис.
Матö, сельсöвет дорö, сувтiс, кылö, машинаыс.

— Со, эн кö куж овнытö, — шуис гöтырыс. — Танi нин милици-
яыд. Мед шердйöдасны кытчö колö да розьöдыштасны сiтан бектö.
Ог дорыы.

— Эн эськö жеръяв, — вомалис Коля да дышника чеччис
лабич вылысь, эскытöма на видзöдлiс öшиньö. Но милициялөн лöз
визя виж машинаыс збыльысь сулалис сельсöвет дорын. И забеднö
босьтiс Коляöс сыысь, мый татшöм кокниа печласьö кывнас гöты-
рыс. — А во куйм кö ковмас ветлыны? — зумыша юалис сэссия
гöтырыслысь.

— Мынlöма! Отсöгыс тэысь тан абу жö. Миянöс на джыбö-
дан.

— Мынlöма кö, и мынlöма. Тадзтö и век кежлö на мынан.

— Он на кыстö нюжöд, — чиктылис гöтырыс — Сэни врачьяс
жö.

— Ог и нюзд, а... — мыктальштис Коля падъялөмысла, шуны али не, — а тэ кодъид меным мөд на кодкө сюрө.

— Колантор тэ кодлыкө, юысьыд!

— Ме өд бурдөдча, уджтө аддза жө. А быд баба абу на мужика.

— Кыдз кужан, а ташомыд тэ меным он жө ков! — бөрддзис гөтырыс.

— Бөрд, — гарыштис Коля, но асьыс муткыртлис жө сьөлөмсө. — А мый нө, жаль на ме тэныд?

Гөтырыс чөв усьли, а сөсся эськө и көсйис мыйкө вочавидзны, да пырысь керкаас кодкө лои. Сельсөветысь секретарыс пырис, шуис Колялы:

— Корөны тэнө.

— Коді?

— Райотделысь Тебеньков. Нарошнө локтөма,

— Нуөдны нин?

— Ме ог төд. А бур ногөн кө, ЛТП¹-ө нин и туйыс тэныд.

Эз нин өтчыдысь повзьөдлыны, тшөтш и сельсөветсяньыс, да Колялы эз нин вөв гусятөрйөн, мый сэтшөмыс ЛТП-ыс.

— А тадзтө кө, индін жө тэ меным сэтчө туйсө, — шуис сийө сельсөветса секретарлы.

— Но, вомад тэныд коркө кисьтавлі?

— А мый нө, эн юктавлы? Коркө пожъясьөмыд вөлі ва дорын, а ме тракторөн кая, тыртөм доддя. Гургөді сөсся горт дорөдзыд, да сыйыс на чукөстін пыравны.

— А ме абу жө мөд пөлөс, — дорйыштөм пыдди пыр и кайтис сельсөветса секретар, — сэтчө нин олөмыс кыскө да: жель оз бергөдны, он кө юктав ли доз вылө сет. Но мукөдыс тай кутчысьоны кызкө, оз тэ моз быд лун...

— Быдөн абу на өткодь, — дорйыштис Коляс гөтырыс.

— Да ме ог и омөльт сийөс ньөти. Дас сизим арөссянь, буракө, трактор вылын, да мыйкө муніс жө нин сы вывті, уджыс и сьөкыдыс. А өні мед бурдөдчө. Юан висьөмсьыс мездысьө. Сідз өд, Коля?

— Сідзи кө-а, — сюртчис Коля.

— Но лок петалам. Виччысьө Тебеньковыс. Да эн пов, абу на тюрма ЛТП-ыд.

— Ог и пов. Час, гачөс көть вежа.

— И мед вөлі кывзвисьөма! — горөдіс гөтырыс пач сайө, кытчө Коля муніс вежны гачсө.

Сельсөветын лейтенант Тебеньков виччысис нин сийөс торъя

¹ ЛТП — лечебно-трудовай профилаторий, роч ногөн.

вежӧсын, но сылы вылӧ улӧссӧ сувтӧдӧма вӧлі абу паныдӧн, а мый-лакӧ пызан помас. Бокшаӧн и лои сӧсся Колялӧн пуксьӧмыс.

Тебеньков эз тӧрмась панны сӧрнисӧ, синбӧжавліс Коляӧс да ниртіс бан боксӧ мыджсьӧм ки пыдӧсас, мурзана кызӧктавліс, быгтӧкӧ лолыс сибдыліс. Тыдалӧ, ачыс на сійӧ мыйыскӧ майшасис.

— Вот мый, Турӧбов!— виччысьтӧг шпыньмуніс сӧсся.

— Кывза,— нюмсермунлі жӧ Коля.

— Пуксян да мунан мекӧд али кольччылан на гортад? Сӧн сӧсся тыдавны кутас. Гашкӧ, ачид на дугдан?

— Дугдысьӧма нин менам.

— Верстьӧ морт, астьӧ кутны он вермы. Чайтан, курортӧ сӧні веськалан?

— Мед, уджсьыд ме ог пов, уколсьыд ни.

— Гортсьыд на ӧд гажыд бырӧ. Вӧтасьны кутан.

— Мед, кызкӧ ӧд.

— А кольччылан на кӧ?— бара сэтчӧ синышгтіс Тебеньков.— ЛТП-ыд оз пышійы. А видзӧдан да, и киӧ на астьӧ босьтан.

— Дерт, эськӧ да. Ме ог тӧд, гашкӧ и...— падъяліс Коля.

— Вай тадзи: ме тӧнӧ ог на нуӧд, а тӧ меным ӧти бур вӧчан жӧ водзӧс.

— Кутшӧм бур?

— Со тані постановление райисполкомлӧн. «Об отстреле бродячих собак». А тьян тан тырмӧ жӧ сэтшӧмыс. Унджык на мукӧдлаас дорысь,— тӧдчӧдіс Тебеньков.

— Миянлы ӧд карсаыс на содтӧны. Воласны вотчыны ли, мый ли да сӧсся тӧдӧмӧн ӧновталӧны. Быдсяма пӧлӧс понійыс тан шӧйтӧ. Пурӧмысь и пов.

— Но вот, лыйлыны колӧ став шӧйтансӧ.

— Ме али мый?— чуймис Коля.

— А мый нӧ тӧ, он вермы? Коми морт, ӧн некор кутлы киад пищальсӧ?

— Мыйла ӧг?! Батӧлӧн на двадцатӧй калиберыс ловъя. Кыс-кавлӧма жӧ асьсым пай.

— Двадцатӧйыд ичӧтджык,— шуис Тебеньков.— Ме тӧныд шестнадцатӧйӧс сетла. И боеприпас соответственнӧ. Но а бӧрын-нас и мынтысьӧма на лоӧ уджсьыд.

— Удж тайӧ кутшӧмкӧ!— шешмунлі Коля.— Яналан сӧмын нӧмыд кежлӧ.

— Зӧв ӧд яналысь! Юны да туплясьны кӧ, абу яндзим, а пон лыйны кӧ... Тайӧс колӧ жӧ кодлыкӧ вӧчны!— чӧв усьлі да кесйӧдлана чӧвгтіс Тебеньков.

— Мыйла ме буретш?

— А мый нө, юрыд усьө?
 — Усьө, дерт, — вочавидзис Коля. — Век на медбөрҗя мортөн
 вөвлі пон виальсыыд. Коми сиктад наперво.
 — А мый нө тэ, передөвик öні?
 — Абу. Но абу и... позьö гөгөрвоны.
 — А мыйла тэ менö он көсйи гөгөрвоны? Пачö ме сюя тайö
 постановлениесö?
 — Аддзыяс на кодкö.
 — Коді? Кытысь?
 — Райцентрсыыд жö кутшöмкö шлавö. Дай бурджык на бокö-
 вöйыд. Воліс и муніс. А меным овны на тани ковмас.
 — Но и вөрзим, тадзтö кө.
 — Вөрзим, ог тай и пыксыы.
 — А, гашкö, кольчылан да? А, Николай Васильевич? — кев-
 мысына ыдждöдліс Тебеньков.
 — Ог, товариш лейтенант, — небыда жö нюркнитіс Коля.
 Кыдзкö весиг жаль на лои сылы Тебеньковыс. Öтигыс и мöдыс
 ньöжмыда сэсыя сувтісны пызан сайысь.

КУИМ ЙÖЙ

Мойд

Важөн ли öні, код төдас көні, олісны-вылісны гозья. Видз-му
 уджалісны.

Öтчыд верöсыс и шуис гөтырыслы:

— Талун кос тшака шыд пу. Гажöй бырис.

— Пуа, — көсйысис гөтырыс.

Локтіс рытнас верöсыс удж вылысь, вежсис да мыссис, сөйны
 пуксис. Ыджыд тасыті тыр гөтыр шыдтö вайис.

Удж бöрад кынöмыд сюмавтöг оз ов. Ыджыд паньөн и па-
 ньыштіс верöсыс. И чуймис сэтчö, оз гөгөрво, мый вомас веськаліс.

— Юмов тай нö? Эн öмöй тшак пу?

— Тшак, — вочавидзис гөтырыс.

— Абу тшак да. Кос паренча пуöмыд. Көн нö юрыд вöлі? —
 скöрмис верöсыс. — Татшöм гөтырыдкөд ме абу олысь. Сідзи и төд!

— А кыгчö нö мунан? — повзис гөтырыс, синвасö чышкыштіс. —
 Мöдысь öд ог нин йöйтав.

— Меным и өтчыдыс тырмымөн,— шуис верёсыс. Чорыд сьёлёма жё сійё вёлі.

— Сэсса он нин и волы?— бёрдигсор юалис гётырыс.

— А сэн тыдавны кутас,— вочавидзис верёсыс.— Тэысь йёйёс кё аддзыла, бёр гортё коса, а оз кё сэтшөмыс паныдасы, эн виччысь.

Гётыр бёрдан коли, а верёс туйё петіс: кытчё синмыс видзёдө да кытчё кокыс нуодө.

Муніс да муніс, тёдтөм сиктё воис. Видзёдө: керка тшупёны, ноксёны сэн мыйкё кык мужик. Черьясыс муынёсь, а асьныс кортасымаоьс гезйөн керйё да кыскёны. Отиыс — отар помсянныс асланьыс, мёдыс — мёдар помсянныс, бара жё асланьыс. Ружтёны-пошкёны, матькёны-сөткёны. Ньылёмныс войталё, быттё пыдзырттөм колуйысь. А керйыд, дерт, оз вөрзёны.

— Мый нин, шондібаньясыс, вөчанныд?— матыстчис да юалис туйвыв мортыд.

— Нюжөдам тай,— вочавидзисны кык тшупсысьыд.

— Мыйла но сійёс, керсё, нюжөданныд эськё?

— Быть өд нюжөд,— бара вочавидзёны.— Дженьыдджыка чинтысьсёма, да оз судз.

— Сэсса нюжалё дай?

— Оз на эськё да, коркё өд нюжалас.

— Но-но,— гарыштіс миян туйвыв мортыд да шпынниялгытыр вешіис.

Воліс нин сылы юрас мөвп бергөдчыны гортас, да водзё на шуис ветлыны, эз на бурасы өти пөлөс йёй вылад.

Муніс да муніс, горшыс косьмыны кутіс. И буретш юкмөс дінө воис. Но он на тай вёлөм ю, кысь косьян.

Юкмөс гөгөрыс ыджыд би ломзё, а би гөгөрыс тьөтө ветлөдлө да содтөд на лөдсалө.

— Мый нө нин, тьөткаыс, вөчан? Он-ө нин пу мыйкё сәні юкмөсас?

— Ог,— вочавидзис тьөтөыд.— Песласьны тай косья да ва шонта.

— Гортад нө мый он, пачад?

— Пачад нө уна-ө ва шонтан, а тані өтпырйё мыйда позьё!

— Чөв,— нурбыльтіс туйвыв морт.

— Тэтөг төдөны!— дузгысис тьөтө.— Велөдысь петөма, мун сесь!

Быд йёйыскөд, дерт, он кут вензёныны. Да көть и кутан, помө он волы. Асьтө на венасыны.

Водзö мөдөдчис туйвыв мортыд, бара на гортас, гөтыр дінас, эз бергөдчы, эськө кутшөмакө жалыыс петіс нин да.

Муніс да муніс, вой суис. Узьны вөзйысис өти мужик ордө. Өдйө и унмовсис сэсса.

Асывнас, водз на, зымакылөмысь садьмис. Оз, оз да сэсса став керкаыс йиркмуно. Видзөдө: көзяиныс тайө зымөдчө, гачас некызд оз веськав.

Паччөрсяньыс мөдар стенөдзыс көв нюжөдөма, сэтчө гачсө өшөдөма. Ачыс каяс пөлатяс да чеччыштө, кыкнан кокнас өттшөтш гачас веськөдчө.

— Сідз кө гачасин и, пуксьөмөн? — эз нин вермы кутчысьны да шыасис мян туйвыв мортыд.

— Сідзтө зэв ёна манитчан, — вочавидзис көзяиныс. — Өти коктө сюян, сэсса мөдсө... Асылыс и кольө. А меным эськө мед өдйөджык. Лок тшөтш велөдчы, өшөд орччөн гачтө да.

— Ог, ме кызкө важ мозыс нин, — шуис узьысьыд да петіс. Эз нин сэсса кытчөкө, а веськыда гортланьыс туйсө босьтіс. Бурмис сбөлөмыс, мый видзөма на коркө сійөс Енмыс, абу на сэтшөм сямтөм гөтырөс индөма.

— Но? — локтөмөн тшөтш и юаліс гөтырыс. А нимкодзьыс аслыс, бөр на верөсыс локтіс да.

— Эн дивит, — вочавидзис верөсыс. — Быдсяма йөйыс на вөлөма. А тэкөд позьө на овны.

И сөйны сэсса гозья пуксисны. А гөтырыс буретш кос тшака шыд, вөлөмкө, пуөма да чөскыда и панялісны сэсса гаж бырөм вывсьыд.

КОНӨ СЕМӨ

Кулөма пө Конө Семө. Пуксьөма пө чер зудьявны и кулөма. А ме дыр олысьөн на сійөс чайтлі, аддзылі тулыс помас да, кор волі чужан сиктө мамөс видлыны. Пыдын на тай вөлөм мортыдлөн дзоньвидзалуныс, абу чужөм вылас.

Сиктнаным колбөдөмаөсь морттө бөрья туяс: коді вермөма, сійө и волөма горт гөгөрыс кытшовтны. Сэсса өтитөг гу дорөдзыс ветлөмаөсь. Туруна шор сайөдз. Сэтчө мян гуасьоны, пожөма ягас.

Конө Семө эз вөв меным чож ни вежай. Нинөмла бытгө и

шогсьынысö. А висьталісны кулөмсö, да вöтын моз кытчöкö усьны пондылі. И öні на, думышта да, быгтö өтнам съод вөр шөрö веськавла — сэтшөм шуштөм лолö. Öти ног и мездысьла дзугыльмөмсьыс: син водзö сійөс уськөдла, бөр ловьяөн вöчла. И оз сэтшөм съокыда менам тайö артмы. Төдөмысь, сы вöсна, мый эз вöv сійө меным сөмын төдсаөн. Со — видзөдö воча дзимбыр рөма ёсь синъяснас, пыр шөныдджыка и шоныдджыка, и кор нюмунö, сэк төдчымөн паськавлö муртса тшупöда нырыс, ыджыда лыбавлö шердын пасьта морöсыс, кодлөн вылысладорыс пожөм кырсь рөмөдз нин гожьялөма век восьсөн видзөмысла. Мыйкө көсийö шуны, но шутөдзыс лөсөдыштö лэбья-пеля ас вурөм «юревтөдсö», кодос позьö новлыны төв и гожөм, а сэсся — козьянсьыс черсö, коді дзирдыштлö мичаа босьтөм баньяйнас...

Конö Семö вöлі меным олөм-ягас лөсас кольысьөн! Кык кывийөн тайос он петкөдлы. Гашкө, и унанас на он вермы.

* * *

Ар квайтнад вежөрүд гырысь синма кулөм кодь на: оз на быдтор сэтчö öшйы. Но мыйкө и öшйö нин, сэсся нэм чөжыд төд вьлад усьлявлö.

Ар квайт на и вöлі, буракö, меным. Тшөтшьяяскөд кайи карта-сайса вөрö кольбөн шыбласьны. Кос пожөм колльыд, кор инмас кытчөкö, оз на мөрчыгтөг ов. Төдан эськө тайос, но, чукөстасны кө, котөртан нин.

Шыбласим-шыбласим, коді кодлы инмас, сэсся и инмис меным... балябөжö. Максö Толя, вөлөмкө, кытшөвтөма пуяс сайтыс да мышсянь лыйыштөма. Доймис эськө, но ме эг бөрддзы, мед не янөдны ачымös. Босьті ки тыр коль да аслыс, Максö Толяыслы, мый вермөмысь швыркниті, эг бура и видзөдлы. Мөд ки тырла копыртчи, а сійö, кыла, ымөстіс. Пеляс инмөма. Сулалö да ниртö.

— Ме öд эг нарошнö,— шуи ме.

— Эн тай!— бара ымөстіс сійö.

— А ме эг тэ моз гусьөн,— чөв усьлі да сямми жö вöчавидз-ныгтö.— Ещö и бөрдан.

Максö Толя тільыштіс ки мышнас ас синьяссö да пондіс кыскавны нырнас, шы сэсся эз сетлы. А гашкө и яндзимысла: öд ставөн сы гөгөр чукөртчим. Мыйкө кө тай лоö, пыр и орö ворсөмыд. Недыр кежлö весиг чөвлім.

И сэк юр весьтсьыным кылім кутшөмкө чипсөм. Пыр и чатөртчим: коді нин сәні? Öти пожөмысь, эгö зэв и вылысь, казялім горс.

- Поз!
- Кодлөнкө поз!
- Пияна!

Өдйө тай вуні миян шыбласьомыд. Некод на эз удит веськыда чуйдны, а быдөнлөн нин югзисны синъясыс — шышкавны позсө. Сэтчө жө и лэбачыс петкөдчис, гөрд юра сизь, пуысь пуө лэбавны кутіс, горзыны нора. Өні кө, шуам, эськө миян пыр и жальным петіс: сизьлысь поз он жө вөрзөд, абу кө йөй. А сэки коньөр лэбачыдлөн горзөмыс миянлы, йөйясыдлы, дэльөдөм кодьөн лои: тан пө поэйөй, тан пө поэйөй.

— Коді кайлас?

— Ме!— медводз ырскөбті-шыаси, быгтьө полі пановтөмысь, кор кылі кодлыськө татшөм юалөмсө. Көть и лөк вөчны, бөрө асьтө сэк он на вөлі кольччөд.

Куті кавшасьны, но некытчө эг и воы, сөмын дөрөмөс косялі. Увланяс пожөмыслөн увьясыс поснийсь да косөсь: көсьян на кутчысьны, а чегөны нин, дзик пучер бердтгыс. Скөрмөмпырысь эновтчи, но эг позсө тадз кольөмысь: оз кө, мися, некод вермы кайлыны, черла гортө котөртла, да пөрөдам пожөмсө.

Сідзи и ковмис вөчны. Вайи ме чертө. Думысь эськө батыөлысь лөсаян черсө корси, но эз сюр, буракө, ачыс кыгчөкө сьорсьыс босьтөма, ковмис мөдөс котөртөдны, ныжджыкөс, кодөн весиг пес поткөдлаам вөлі.

Ачым вайи чертө да ачым жө медводз и пөрөдны заводиті пожөмтө. Кымынысь сөтышта, сымынысь и выльлаө веськала, а эськө бура нин думысь вита, быгтьө лыйны көсья.

Сэк, менам керасигөн, и матыстчөма Коно Семөйөд, некод абу и казявлөма. Кызөктөм вылас бергөдчим. Абу быгтьө и скөр, а веськыд кинас козьянсьыс чер воропсө чорыда малаө.

Водзті, аддзам кө вөлі сылысь кыськө локтөмсө, пыр и юалам: «Семө дядьө, кыгчө нин ветлін?», и дөзмытөг вөлі вочавидзас, сэтчөтө пө, а өні чөв усим.

— Но-о!— кутшөмкө дзуртан гөлөсөн шыасис сйө, повзим ми быдсөн.— Сэссия нө он нин тан көсийө овны? Мөд муө лөсьөдчанныд?

— Тани,— збоймөдчи да вочавидзи ме чуймөмпырысь, а черөс сайөдышти.

— Мыйла нө либө пусө ковтөгыс пөрөданныд? Горсья тай нин эськө да.

Бөрья кывьясыс быгтьө чинтыштісны мыжнымөс.

— Поз сэні. Сизь поз!— гөгөрвотөгьд вузалис миянөс Максьө Толя, а гашкө, и көсийс водзөс менсьым косөдны пельсө дойдлөмысь.

— Ме эськө, вөрзөдланныд кө! — эз нин өлөдөм, а скөрмөм төдчис Конө Семөлөн тайо шуомас. — Сизыыс миян и вөр видзысыыс, а найо... Ноко, өні жө мед вөлі усийысыома татысь!

Ми, дерт, мөдысь тшөктөм эгө виччысыой, ризөдİM гортлань, коньясылг да усыласьлг, ымөставлг да бөрдггтыр.

Сэсянь ме пондг төдны, мый эм менам чужанін и колө мен сийөс видзны. Ме и өні ог вермы мөвпыштлыны ачымөс көнкө мөд муын олысьөн, а сэки кысь нин!

* * *

Школао ме пыри 1940-өд воын, көкъямыс арөсөн. Сизимсянь-ыд сэк вөлі оз на босьтны.

Өтчыд, школаысь локтгөн, паныдасы Конө Семөкөд: миян дортг ю дорө лэччө, пельпом вылас гымга. Пельысь пуын жуисны юренькайяс, да на вылө видзөдөмөн ылалг, эг водзвыв казаяв Конө Семөтө, эськө, дерт, удитг кытчөкө кежны ли сайөдчыны. Чоталөм вөв моз пондг посниа тувчавны сылань: мися, нюжөдас кө кисө кутны менө, ог шедөдчы, уйкнита потшөс пөлөнөдыс.

Войдөрлуннас ми, зонпосни, лэччылгм урокьяс бөрын ю дорө да босьтлгм сымысь пыжсө. Миянлысь эськө көсийлгм, но эгө аддзөй: тыдалө, батьө ачыс кытчөкө ветлөма. Ковмис Конө Семөлысь. Босьтныгт босьтлгм, а бөрсө лэптөмыс да кымынтьөмыс миян и эз ло, муртса берегас кыскыштөмөн и колим. Пондгм сөйөн жвуньөдчыны да вунөдгм, а сэсса и гортө кайим.

Рытьявылыс чорыда зэрмис, өшиньө вөлі быттьөкө анькытшөн коялөны. Аскинас, садьми да, зэрө на жө вөлі, оз нин сэтшөм гырысь тусьөн-а.

— Конө Семөлысь пыжсө кодкө гатшөн и кольөма. Татшөм уджсыыс эськө!.. Он өд төд вот кодг! — скөралгс, кылө, пызан сайын нин пукалысь батьө.

— Челядь, код сэсса? — шыасис пачводз дорсянь мамө. — А, гашкө, бабаяс. Вуджалөмаөсь тай пув вотны.

— Пыж джынйыс нин ва вөлі. Пасибө аддзг да лэптг, кымынтьөдг. Эськө потөм вор коли Конө Семөлы.

— Потгс на мыйыськө! — вомалгс мамө. — Выль пыж на, буркө, да.

— Васыыс нө пипуыс оз паськав? Сьөктасыыс да? Вомасян сэтгөні! — мөрччана кывкөрталгс батьө.

Ме виччысыыштг, кор мөд сөрни панасны, да вөлись петг пыдгысь.

Чайті, мый тадзи и мына, нө оз на тай, вөлөм, ставыс чайтөм сертигд артмы.

... Эг на орчаасьой, а Конө Семөйд сувтис нин.

— Генагей!

— Мый, Семө дядь? — юалі веськодпырысь, но синмөс эг лэптыв.

— Ті пыжсө менсьым босьтлінныд?

— Кор? — шыаси сідзи, быттьө нинөм на ог и төд.

— Войдөрлун. Ваас и кольөмныдөсь. Батгыд сэсса лэптөма.

— Ми эгө.

— Тиянөс сэсь аддзылөмаось да. Тшапөдьяс дорсьыс.

— Коді?

— Пожъясьысьяс.

Збыльысь өд, катыдас пожъясьөны вөлі кодъяскө. Этша нин быттьө өні соссян, а вот бара на сэтчө кыкис:

— Ми тай эг босьтлөй-а,— вочавидзи, пельпомъясөс лэптылі и.— Ми сөмын сөйөн жвуньөдчим.

— Мед эськө, колөкө, босьтлінныд кө да,— эз на өвсьы Конө Семөйд.— Ваас вөлі оз ков кольны-а. Водзө вылө шуа, мед төдны кутан.

— Эг ми босьтлөй да,— дөзмыны на весиг лысьті.

— Но либө,— ышловзис Конө Семө да мунны вөрзис. Сөмын кык оськов и вөчис.— А школаад нө кутшөма нин велөдчан?

— Бура. Талун на отлично пуктисны арифметикаысь.

— А нянь көрыш да нянь тупөсь уна-ө лоө?

Татчө ме и шөйөвоши. Мый нө, өтигыс — көрыш, мөдыс — тупөсь?! Но мыйкө өд колө шуны.

— Кык лоө,— вочавидзи.

— Мый кык? Көрыш али тупөсь?

— Кык нянь.

— Мудер вөлөмыд, лешак! — долыдпырысь гарыштіс Конө Семө юрсө пөлынтьліг.— Вай велөдчы, велөдчы, сетчө кө. Миян пидди тшөтш. Сөмын соссьыныгө эн велөдчы-а.

Абу на, вөлөм, эскөма меным. Көнкө, думсьыс, виччысис, кор ме ачым висьтася. И нинөм эськө, төдөмысь, эз и вөч, висьталі кө веськыда пыж босьтлөмсө, гашкө, янөдіс сөмын, но кутшөмкө йөй ру тойліс менө сэки помөдз соссьыны.

— Да эгө ми, Семө дядь, тәнсьыд пыжтө босьтлөй. Миян асланым сэн вөлі, ковмис кө,— со кызд пөръялі.

— Ог сэсса тэ вылө шу, ог,— лөньөдіс менө Конө Семө да мөдөдчис ю дорлань.

И век жө веськалі ме сылы. Эг, эг киас. Китө сөйө и код юрнас,

ме помнитомон, некод выло эз лэптывлы, а челядь вылад, дерт нин, эз. Мөд ног сийо мено кыйис, лым усьом бөрүн нин.

Ми исласим Вичко кырсянь. Сэсса ас карон кутим ворсны. Дадьяснымос колим кыр помас, кыгтi вoляяс ветлисны. Турун дoд-дьяс буретш вoлo лoктoны, медводзас Коно Семo: лэбья-пеля шапкаа, да тoдан жo сийoс. Видзoда да, менсьым дадытo сийo лэптiс турун додь вылас, нуыштiс сэнi да бoр лэдзис, туй бокас, лымъяс, дзумгис, но эз дзикoдз сайoдoм вылo: корсьны кута да, мед сюрo. Ме сэсса гортo мунтoдз эг и лэчыв дадыoйла.

Аскинас, вoчaсaсaм да, юалi Коно Семoыдыльс:

— Семo дядыo, мыйла нo менсьым дадысo дзебин?

— Ме? Дадь?— чуймoдчис нарoшнo.— Сюра-тошка мужик дады oг жo кут дзеблавны?

— Быттo эг аддзыв.

— Кор?

— Турун вайигад.

— Чoв, чoв!

— Аддзылi oд, аддзылi.

— Мун, нэм эг соссьыв да дады дзеблoмысь oг жo кут? Тадзтo oд менo морт туйс некод oз пукты. Ме бара, Генaгeй, мыжма кo, веськыда и висьтала.

— Веськыда тай!— эг на ме лэдзчысь, мый водзo лoo, эг на тoд да.— Соссян-а!

— А тэ тай нo соссьылiн жo пыж бoсьтлoмтo. Лючки нин бур йoзыс висьталiсны, да эщo на соссин. Эз и яндзим лoлы сы бoрын?

— Яндзим,— муртса кывмoн, но сьoлoмсянь шуи ме.

— Сiдзкo тай, oлам на тэa-мeа. Некод на oз лысьт шуны, мый кок туй дзебысьяс ми тэкoд. Тэныд co яндзим лoлoма, и меным лoлi. А мoдысь тадзи oгo мыйкoкерoй дай! Да oд?

— Да,— вoчaвидзи ме, и сэтшoм кокни меным лoи, быттo кыскан лыao веськавлi да бoр петi.

* * *

Вoйна вылo Коно Семo да бaтьo oти лунo мунiсны, весиг oти тарантaсын пристaньoдз лэччисны. Ме, дерт, тшoтш гурги. Мaмo эськo кoльoдo вoлi, нинoм пo тэн бoрдoмсo кывзыны, да ме эг кывзысь. Бaтьo сэсса ме дoр жo сувтiс дай: мед пo ветлaс.

Эна и лoгoдчылi ме сэки пepвoйсo Коно Семo вылo: мися, пo-лысь и вoлoма, aчыс oш кыйoмoн кoркo ми oрдын oшыйсьялiс-a. Мый нo, бaтьo oтaрo шуo, a сийo — мoдaрo, быттo oлoдo бaтьooс збoялoмсьяс.

— Оз дыр чепсась, коть и Гитлер!— вөрзим, да водзöstic бaтьö война йыльысь сёрнисö.— Верст кызьтö öд, гашкö, пыралас.

— Мед оз пыдöджык-а,— пызан сайсянь моз лабутнöя вочааліс Конö Семö.— Мый вылö кö надеяөн öд уськöдчис?

— Сувтöдам нö! Сы могысь и мунам да.

— Сы могысь эськö да.

— Пурсян понийдылы паличыд кыськö сюрö на,— серöктыштіс бaтьö.— Ойкöдам и бөр. Шёрспас кежлö, гашкö, гортынöсь нин лоам.

— Код тöдас,— шуис Конö Семö да вөрöдыштіс пельпомъ-яссö, быттö сöмын на садъмöма.— Вермылам мед-а.

— А мый нö, огö вермöй?

— Сійöс тай и шуа. Мыйла сэсся либö муннысь, не кö вермөм вылö?

— Зулöдам сідзи, мед ловныс пыркалас!— содтіс татчö бaтьö.— Часлы, вот волам матöджык, ныр на ныр лöсявлам!..

— Зулöднөгтö öд... Налөн, гашкö, мыйта быдсяма мыйкöыс... Кысь на ещö и матыстчан?— кöдзöдіс бaтьöс Конö Семö.

— А миян нö абу? Ме öд ог тай и шу, мый куш киөн. Война кö, и война! Кевмысьны, гашкö, ог на кутö быд Гитлер водзын. Песовтам сьылідирсö, да сідз жö олас.

— Бурөн, дерт, оз вешйы, суйсис да. Быть ковмас тодмышкавны. Сöмын мый оз кокни ло-а. Ме тай сідз чайта-а...

— Тэ мыйкö... Эг на волöй, кытчö колö, а пуксьöмыд да падъялан нин,— дözмис бaтьö. Меным таысь быдсөн любö лои.

— Ог падъяв, а думайта,— лөгасис и Конö Семö.— Падъяла кö вöлі, ме эг и вөрзъыв гортысь! Вот!

Бaтьö, видзöдны, кöсийліс на мыйкö шуны, но сійöс пановтіс мамыс:

— Ланьтöй нин тайён! Кыдз миянлы тан овнысь, сійöс велöдöй. Куш баба юрнад öд...

— Уджавны! Мый сэсся, кутшöм велöдөм колö?— вочавидзис бaтьö.— Му-видзтö öд он эновт. Воам да бөр кокньöдам. А пестö öд аддзан ассьыным. Чуля шорсö вуджан, да сэнi и эм шуйгавылас, виль керасас.

— Аддза,— кайтыштіс мамö.— Кыдзкö öд олам. Бригадирас тай пунктисны да...

— Кодлыкö öд пуксьыны,— такöдыштіс Конö Семö.— Вичко дорсьыд рудзöгтö кöйдыс вылö кольöдöй, конюшня сайсьыд идтö — тожö. Игö тыла йöрад клеверыд мед на овлас, во на сöмын кöдзöмыс-лы. Сэсь кöйдыс вылö жö позьö арнас вартöдны. Кытчö мöдысь куйöдныд оз кут волыны, сэтчö и клевер сэсся кöдзны, мед вынся-

лыштас муыс рудзөг либө ид водзвылад. А турунтө пуктыны петанныд, да энö гырыса зорöдасьöй, мед зэр оз таяв йылавтöдзыс. Этшаönöсь öд лоанныд. Бурджык аскинас, оз кө торксыы поводдя-ыс, содтöд пиньяс сатшкыны. Но вот и... велöдöма лон,— гöрд-далис тадзи.— Сэссия öд ме абу жö Ен, мед водзвыв ставсö чуйдны.

— Пасибö, Семен, пасибö, — аттöбалис мамö.

Та бöрын ме бөр бурöдчыштi Конö Семö дiнад. Меным весиг яндзим лыштiс сы водзын батыö вöсна: сийö со кутшöм бура, а батыö сöмын öтитор и висьталис стöча мамöлы — песным көнi.

Пристаньын ме содтöд на бураси Конö Семö дiнад. Мыччысис пароходыс, да бöрдавны кутiсны. Менам тшöтш синваöй петис, пондi синьясöс тильны да нырөн кыскавны.

— Генагей, он жö бöрд?! — шыасис, кыла, Конö Семöйд да тапнитiс пельпомö.— Абу öд нин вольса гача. Кöзиян колян гор-тад. Ноко, вай дугды жö, пиö.

— Кöзиян на кутшöмкö öкмыс арöсаыс, — дорйыштiс дум-сыыс менö мамö.— Вöв доддявны на, буракö, оз куж-а.

— Велалас! — эз лэдзчысь Конö Семö.— Ми тай нö велавлим.

— Тэ öд баты дорын быдмин. А талөн батыыс... Гашкö, сэссия öгö нин и аддзылöй.

— Но эн на сэн водзвыв... — öлöдiс батыö, но мамö эз кывзысь, бара сыркмунис-бöрддзис.

Кинотö ме таöдз эг нин öтиöс видöдлы да аддзывлi, кыдзи усялöны йöзыс война вылад. Но медым менам баты усяс, ме и мöвпыштны эг вермы сэки: мися, ветлас и локтас, морöсас орденөн. Мöд пöлөс чайтöм юрö эз волы. Та вöсна жö дзик нин ковтöмөн кажитчис меным и мамөлөн сыркъялөмөн бöрдöмыс; батыö моз жö ме бергöдчыштi.

Конö Семö гöтыр тарантасö пуксытöдз на зэв ёна бöрдiс да öнi сöмын икöстлывлiс верöсыслы сойбордьяс кутчысьöмөн.

— Генагей! — чукöстiс менö Конö Семö.— Черпу мыйысь вöчлöны?

— Кыддзысь, — öдийö и вочавидзи, тöда нин вöли да.

— А мегыр?

— Льöм пуысь, — бара жö öдийö сюри меным воча кывйид.— Ачыд коркö вöли кусыньтан вирич дорад.

— Кутшöм на пö көзиян?! — ошкыштiс менö та бöрын Конö Семö мамö водзын.— Со тай, оз нин ков велöдöм. Тэ, Генагей, сöмын эн пов, а сэссия... — кинас öвтыштöмөн эскöдiс, мый ставыс лючки лöö.

— Ог, — көсийыси ме.— А тэ, Семö дядьö? Полан? Полан война вылад муннытö?

— Час, ветла да сэк висьтала.

Полө и эм, мися, — радпырысь вежөрті, но мыйлакө эг нин воддза моз лөгөдчы. Гашкө, и сы вöсна, мый видзөдлі батьö вылө да казялі: нормөма жö, сингьяссö читкырътыштöма, лапйөдлө, быттö шонді паныд сулалө.

Ыльсмö и ыльсмö тайö луныс. Но вочасөн вунөдөм пыдди быд казътыштлігөн мыйкө выльтор төд вылө усьö. Весиг седелка сюмыс лэптыштны батьөлөн чеччылөмыс коркө син водзө сувтліс. Медбөрьяысь өд ме сійөс, кодлысь вичсö новла, аддзылі сәки.

И век жö, косөдлыны кө тайö лунсö да менö öнیا вежөраөн кольны, ме эськө эг нин батьö збоялөм вылад инась, ме эськө Конö Семöлань нин сьөлөмнам сетчи. Дерт, ме öнi абу нин öкмыс арöса и төда нин, мый дон сувтiс миянлы войнаас вермөмыс, но и таысь на содтөд велалі «видзөдлыны, ог-ö розя пыжö пуксьы». Конö Семöсянь же менам тайö. Сы моз жö мустөмта öнi ырсьялысьястö да бöрыннас мөвпыштлысьястö.

А збойлуныд Конö Семöыдлөн абу этшаджык вөлөма кодкө серти. Тырымөн кык «Славасö» да «Красная звездасö» татчö казътыштны. А өд ещö медальяс на вайис фронт вывсьыс, тшөтш и медошкана салдатскöй медальсö — «За отвагу». Жаляддза татшөмторьястö, төдөмысь, оз сетны. И ранитчылөма куимысь. Шуйга коксьыс ранаыс сідз эз и бурдлы. Öтчыд тай кенясьыштлөмөн аддзылі, а сәсся век на вөлі ор петö. Бөрья волігөн на öтлаын пывсим, да син улö усьлі тайö бурдлытөм война пасыс, кор вежис вывсьыс пластыр торсö.

Веськыда кө нин сёрнитны, кутшөмакө и ме мыжа, мый эз бурдлы Конö Семöыдлөн тайö ранаыс. Рузум көртөда и вөлөм, а ме вöсна ковмис мортыды ваö пырны, да не юö, сөстөминö, а тыкөлаö, нойтас. Пөжассьөма сәсся дөйыс, пыктыліс весиг кокыс.

Курта ме вөлі машинаөн, и тыкөла саяс колö вөлі меным вуджны. Бура видзөдлытөгьд пырсьөма неуна бокөджык вуджаланінсьыс. Тран — сувтiс машинаöй, вөлөй кыккоқйив чеччыштліс да зэв ыджыда гөрөктiс повзьөмысла, пессьыны күтiс: вöйö өд нойтас. Казялөмабсь пуктысьысьяс, локтiсны котөрөн. Но отсалөм пыдди видны менö уськөдчисны: мыйла ме сэтчö пыри да, көні синмөй вөлі да...

А вөлөй нетшкысьö и нетшкысьö, коньөр. Ачым машина вылас на жö: век на чайта мынны.

Сэк Конö Семöыд и воис.

— Дөмөд вылас сюра лешакыд кайөма, — быттö эз меным, а аслыс шуис. — Некор өд öнiя йөзылды думыштлыныгтö. — Сәсся

эв өдйө пөрччысис улыс гачөдзыс да уйыштөмөн пырис вөв дорө, лэдзалис сийөс.

Өдйө эз-ө пет вөлыд мынөм бөрад! Бара видз тырнас гөрөктис, сөмын эз нин сэтшөм лөкысь, пыркнитчис да сувтис.

— Ноко, видзөдлөй, доймөма абу кыткө,— горөдис тыкөла сайын сулалысьяслы Коно Семө.— Майөгось таті, да кынөмсө вермис розбодны.

— Нинөм абу лоөма,— вочавидзисны.

Та бөрын ме сайкалышти, чеччышти машина бөрө куран пиньяс вылас пуксыйлөмөн, пидзөсөдз төкөтбө эг вөй нуйтас, а ваис лядвөйөдз лои. Петі берегас, сувті. Ог төд, мый вөчны: колө өд на и машинасө перйыны. А кызди?

— Но, эн сулалөй, эн!— бара шыасис Коно Семөйд.— Татчө машинасө он коль. Пырөй да кыскөй, а ме тасянь йөткыны кута.

Унанад, да кокниа и петіс бөртө куртан машинаыд. Кодкө вуджөдис верзбөмөн вөлөс: дом повөдөдыс кыскөмөн, оз на и пыр вөлі повзбыйлөм бөрад ваад мөдысьтө. Завөдиті доддясны, кыв некодлы ог шу, мед өдйөджык муналасны. А йөзыд тай сэтшөмөсь вөлөм: налы эськө медтыкө песьштны на кывсө. Оз вөрзбыны, педзөны ме гөгөр. Гөгөрвои, мый Коно Семөлысь шыасбөмсө виччысьоны, мед сөсся содтөд чирсыштны менө сы видөм бөрын.

— Мый нө сэтчө дувмунинныд?— пасьтасис да асьнысө жө и чуткыштіс Коно Семөйд.— Эг өд шөй лэптөй.

Йөзыд ньөжйөник разөдчалісны. Менам доддясис, да бөр кайи машина пуклөс вылө, дзык вуджаланинөдыс нин вөскөді вөлөс. Сэт вөлөм чорыд пыдөсыс. Вөлөй эз нин чөпөсйы, юны на весиг нөжөдчыліс.

— А тэ, Генегей, юрад сөсся ов!— дөжныштіс веретя вывсыня нин Коно Семө.— Кылан?

Ме бергөдчылі да радпырысь докниті юрөн.

Кыз шуласны, помавны нин эськө колө таті, но ещө на өти лөсялана висьталантор эм: эг вунөд көсйылөмсө да юавлі на ме Коно Семөйдлысь, повзбыліс эз война вылас.

— А война вылад, Генегей, йөйыс сөмын эз пов,— помнита, вочавидзис.— Олөмыд быдөнлы жаль.

— А кызди нө?..

— Мый?

— Но вот, шуам, танкьяс улө граната чукөрөн кымынөн водөмаөсь! Найө нө йөйөсь вөліны?— дэльөдчөмөн юалі.

— Мыйла йөйөсь?!

— А кызди нө сөсся?.. Налы нө эз вөв жаль олөмныс?

— А танкьяссө нө эз ков сувтөдны? Лэдзны коліс тыла-

ным? — скөрмис Конё Семёйд. — Абу полём йылысь сёрниыс, а колём йылысь. Ковмис кө, и ме пыри танк улад. Синмөс, гашкө, куни жө-а. Кольччылі тай!

— Кытчө?

— Дон ю дорө, кор бөрынтчим Сталинградланыд. Коді вер-мис ловйөн, ставныс нин вуджисны, а ми дас өтиён кольччылім водзасьны, мед мян модар берегас удитасны кодйысьны. Командир полканым кутчысьлөмөн прöщайтчис ставнымкөд. Абу нин чайтлөма ловйөн аддзывны.

— Кыдзи нө сэсся?

— Кыдзи да кызди! А сідзи жө. Пемдытөдзыс кутчысим. А пемдіс да, вуджим дай. Шойыс зэв уна вөлі кывтө кыськө выв-сянь. Дундөмаось. Керйө моз кутчысян өти кинад, а моднас сынан. Майшасьоны вөлі ёртгяс вуджөмсьыс, да ме велөді тадзсө. Юрид, Генегей, быдлаө колө. Вот!

* * *

Мамө тшөктіс меным өшинь улысь потшөс дзоньтавны: он пө өмөй аддзы — пöлынтчөма эсті, мыйла пө быдлаө кесйөдөм колө, он ачылд уськөдчы?

Ар дас нель сэки меным вөлі нин, прамөй көзьяинөн нин ачымөс лыдди: чер ли пурт, капкан ли пищаль — мый эз ковмыв, ставсө нин юасьтөг босьтлі, батьөлысь көм-пасьсө новлі и. Сөмын вот вунөд-чыла на вөлі, гортгөгөрсә удж корсьөм пыдди, мыйөн рыт воас, гуляйтны мунны кыйөдча.

Эз кө мамө тшөкты, гашкө, эг и матыстчыв потшөс дінад, пөрөмсө сылысь виччыси, а шуөма мамыдлөн лои, да эг нин лысьт сэсся аскиасьнытө, чер босьті да петі. Вөлөмкө, сисьмөма да чегөма дор майөгыс: видзөднысө дзонь, а тышкышті дай — вөрзис му бердті-ыс.

Сайник дорысь аддзи колян тулысын на вайлөм потш, чинті сійөс майөг кузя, понді ёсьтыны. Гөгөр лөсьштала, карандашөс моз ёсьта.

— Тэ тай абу коми морт вөлөмыд, — кылі. Бергөдчи: Конё Семө, вом пельөсыс калькмунома, быттө зывөкыс ме вёлө петө.

— Мыйла? — шөйөвошлі здук-мөд, черөй муртса кыысь эз усь. — А, Семө дядьө? Мыйла абу коми?

— Абу тай-а, — серам мода вөчліс, мед ёнджыка менө дэльөд-ны, вешйыштгіс весиг, мунөмөн повзьөдіс.

— Висьтав но, Семө дядьө!

— Куим пельёсөн комиыд майӧгтӧ ёсьтылӧ, дона пи. Видзӧдлы вот важсӧ, батъыдлысь вӧчлӧмсӧ. Вежны тай, буракӧ, кӧсьян.

Збыльысь куим пельёса и вӧлӧм. Но мыйла ме эг ло коми, эг на гӧгӧрво: абу ӧмой ӧткодъ, кӧть кызди ёсьтан.

— Тадзсӧ ӧд пырас жӧ,— дорйыштчи да индӧ ас майӧг вылӧ.

— Мый эськӧ оз пыр да? Дыр-ӧ сулалас-а?! Арнас и вежыньт-час потшӧсьд.

— Мыйла?

— Бара мыйла?! Кӧнкӧ, нывъяс вылӧ нин видзӧдлывлан, а век на... Куим пельёсаыс ӧд сийӧ, сутшкан да, сэтчӧ ни татчӧ — сисьмыгӧдзыс оз вӧрзъыв. Али йӧйӧн чайтан коми дядьӧсӧ? Коми дядьӧйд, Генагей, вӧчас кӧ, вӧчӧма лӧ. Кык пӧвста уджтӧ сийӧ эз уджавлы.

— Кутшӧм кык пӧвста?

— Сэтшӧм жӧ! Мед мӧдысь эз ковмыв ки пуктывны. Морт ним кӧ новлан, нинӧмла нйитӧсь бӧж дорӧн овны. Гӧгӧрвоин?

— Гӧгӧрвои.

— Но вот и ёсьты куим пельёсӧн. А ме мӧдӧдчи,— и мунис.

Том морттӧ, менӧ, буракӧ, жалитьштис сэки Конӧ Семӧйд, эз сэтшӧма тешитчы: абу вӧлі некодлы висьтавлӧма ни, мый ме каран-дашӧс моз майӧг ёсьтылі. А вот Петыр Ӧньӧс коркӧ и эз нин жалит, верстӧ морттӧ, став йӧз дырйис янӧдис.

Сельпоын тайӧ лои. Сельпоыд сэки вӧлі, да и ӧні на, рыгтяснас аслыспӧлӧс клубӧ пӧрлӧ: локтасны ньӧбасънытӧ да мыйсӧ оз сёр-нитны, мукӧдсӧ корсьны гортсяньыс воласны, дӧзмасны виччысь-нысӧ да.

Кор ме пыри сельпоас, Петыр Ӧньӧ буретш вӧлі еджыд вина доз ньӧбӧ, а Конӧ Семӧ пуксьӧма порог вылас да тшынасьӧ: ӧдзӧсыс гурийв восьса, некод оз вид.

— Тэныд эськӧ, Ӧньӧ, оз ков винасӧ сетны да,— шуис Конӧ Семӧйд.— Тэныд и ырӧшыс тырмымӧн. Лиза, эн сет, эн,— шыа-сис вузасъысь дӧнас.

— Ог ӧд прӧста, доньсь,— чуймис вузасъысь.

А Петыр Ӧньӧлӧн быттьӧкӧ кывйыс косьмис: кӧсийӧ мыйкӧ шуны и оз вермы, ӧтарӧ бергӧдчылас, мӧдарӧ. Педзис-педзис да сесся тай коркӧ кывъяссис жӧ:

— Мый нӧ ме, ог куж али мый винасӧ юны?

— Абу ӧд кужӧм сайын!

— Мый сайын нӧ?

— Абу тэ вина юысь. Винасӧ мужикъяс юлӧны.

— А кодӧ нӧ ме? Баба? Колӧкӧ, пӧрчыла гачӧс, петалам эстчӧ да?

— Мый тэ мен гач пытшкөссыйд висьталан? — содтөд паркис Конө Семө да бергөдчис ывлалань, быттьө эштис нин сёрниис. — Зэрмас, ме чайта, аски, кымөр визьөбыс со төдчө нин рытыввылас. Тöлыс сэсянь и.

— Тэныд позьө юны, а меным и оз? — «желлясис» Петыр Öнбө, петис өчередьсыс. Вина дозйыс сулалан и коли стойка вылас. — Скөрмөдін өд, Семө!

— Скөрмы! Бедь пö тай скөрмылөма жö зор вылө. Мый сэсса кольөма-а?!

Петыр Öнбө лигышмунис, ляпкальштис весиг, но казялис йöзыс-лысь шпынняялөмсö да бара ыззис:

— Аслыд нинөм вылө нбөннытö, да сэсса...

— Меным? Менам гортын на сулалө, ковмас кө.

— А мый сэсса... Мый воансö ме вылө?

— Вöчөмыд тай... куранъяс... Дон на ещö корөмыд дай.

— Мый но, сідз сетны коли? Асьныс артмисны куранъясыс?

— ...abu-ö! — ёрччыштис Конө Семө, ме кывлымөн медводдзасысь на. — Кураныс нö сэтшөм овлө, чорпа пиня? Та бöрын ме тэнö... Мун, ещö йöз дорö лысьтан петны!

— Тэ быдтор бура вöчан! — нерыштөмөн вомалис Петыр Öнбө, но эз нин сэтшөм ярскöба.

— А менам чорпа пиня кураныд эз на овлы. И доддьыд тэлөн моз эз киссьыв. И зорöдыд эз на тшыклы.

— Но мед, тэ кө мастер... Ми кызкө сідз нин...

— Абу кызкө! — пузис Конө Семө, пороз моз юрнас весиг мовкнитис: тайкө люкалас. Сы могысь быттьөкө и чеччис. — Велалөмыд кык чунбөн уджавны. Юр пöвнад да. А менам сёлөм оз лэпты сэтшөм мортсö. Важөн кө өд, татшөм уджсьыд тэнö бур йöзыс керка помас эз сибöдны, понсö усьöдісны. Чайтан, öнi и позьö, колхозөн олам да? Доддявны эськө вот киссьөм доддяд да пöвсыштны чорпа пиня кураннад!

— Волы кинад!

— Сы вылө сөмын и надеяйд, яндзимыд абу-а. Пет, ог вермы синмөн видзöдны!

— Он кө, эн видзөд дай, — воча кывъялис Петыр Öнбө, но сэсса сутшиктылис и петис, довзьöдіс гортланьыс.

Конө Семө öзтис выль чигарка, пуксис порог вылас вожалаөн да заводитис азыма кыскавны, быттьө лунгыр абу тшынасьлөма. Пöлялис ныр пырыс, мурöстлявлөмөн, быттьө тшыныскөд тшöтш чукөрмылөм скöрыс петис.

Бура вöчны колөмыс миян пöляслөн вөлөма аслыспөлс висьөм

кодь. Кытчөдз сьолөмныс оз бурмы, сэтчөдз абу и эновтчылөмаось, мый көть оз вөчны. Татшөм бур висьөмнас и висис Конө Семө.

Отчюд ми ськөд выль коса меным төчитим. Мудзтөдз нин ме бергөдл, а сийө век на оз дугды: видзөдлас коса вылад вомөн ног и кузяла, видльшталас дорсө певнас да бара топөдас төчила бердад.

— Тырмас нин, Семө дядьө,— шуи сэсся.

— Тырмассө пызан сайын шулөны.

— Лэчюд нин да.

— Генагей, колөкө... Судза өд коса воропнас мышкөдзид.

Төда эськө, мый оз кучкы, но дудны ог лысьт: яндзим и абу лөсьыд. Кыкнан киөн нин бергөдла, өшөдчывлөмөн.

— Ноко, мыччыв турун сi,— лэптис, кылө, косатө.

Мыйла бара, мися, корө — копыртчылi да нетшьшгi кок ульсь,мыччи. Пуктис турун сiтө коса дор вылас да пөльыштис морөс тырнас. Ори турун сьид!

Нинөм эг куж шуны шемөсмылөмөйла. Сийө нинөм жө эз шу, сөмын чургөдiс меным коса воропсө, мед босьтi, да кыкис прөстмөм кинас табак көшельсө. Пуклөс вылас сэсся куритчис.

— Кыськө ецө бур коса на веськавлөма,— аслыс моз гарьштис.— Кутшөм вөсна нин босьтi, да эз и пөрлы дорыс.

— Батьө на ньөблөма, войнаөдз.

— Мися жө. Но, мун, гулайт. Али полан на нывьясьсыс? Кодөскө кутлiн эн на көть?

— Ме эг,— зэв збыльысь вочавидзи.

— Збойман, пөраыс воас да. Велөдчөмтө сөмын эн эновт-а.

— Ог.

— Эштан на гөтрасьнытө, кор мортъямман. Но, мун, эн сулав.

Кутшөм кыпид лөлөн ме сэки шавксөдi! Быттьө батькөд сөр-нитi. Збыльысь өд, бать кодь Конө Семөид меным и вөли: видас и чырыштлас, а кыз-мый вөчны — велөдас. Гашкө, и сийөн тшөтш ме коддьөмсө пыдди пуктылис, мый аслас пиыс эз коль: карын, лесрабфакын, велөдчылис, сэсянь и мунөма фронт вылө да усьөма Ленинград дорын.

А коса йывсьыд кө помавны, со мый колө содтыны. Петi аски-нас ытшкыны да пажынөдз эг и зудьявлы: быттьө ачыс ветлө, сувтсөн туруныс кольө, бөрвылад вөлись пөрө. Вот кызди менам мудзлөмыд бергөдчис!

Но кыз татшөм мортсө он лэпты?! Бура вөчны колөмыс, миян пөльяслөн югид висьөмыс сысянь и меным вуджис. Сөмын вот дышөй менам, буракө, месь водзджык чужлөма. Али ми воклы, велөдчөмаясьды, мый асьным вөчам, ставыс нин бурөн кажитчө? Вермас и сiдз лоны.

Пукалім ми ордын. Батё усян луно мамё бара лосьодіс пызан да чуқостіс тшотш и Конё Семё гозьяос.

Сейыштёма и юыштёма нин лои, сёрнитёма и. Овлё тай: чов усьлан, кодлыськё водзё шыасьём виччысян.

Мамё друг ырөстіс-бөрддзис, сәсса тільыштіс ки мышнас синть-яссө да шуис:

— Миян өд сійө партийной вөлі, да быть, көнкө, медводзё пет. Да өд, Семен? Мунөмөн тшотш тай со и уси.

— Усьнытө эськө война вылад... кодлы көні шуёма да, — гарыштіс Конё Семё. — Но вөлі жө сэтшөм законьис... Абу эськө закон да... Но, коммунисты, вперёд!

— А вперёд кө нө, код тэнө тойліс сэтчө гижсьынысө? — во-маліс гөтырыс.

— Ме өд Сталинград дорын нин, — вочавидзис Конё Семё, быттё омөльтыштіс асьсө партияс сёрөнджык пырөмысь.

— А мый нө сән, эз война вөв?! Аддзылі өд кино вывсьыд: муыс гудыртчө.

— Гудыртчө көть оз! — воча кывъяліс Конё Семё. — Шуёма сулавны — и сулав! А усьнытө өд өткодь — коммунист али беспартийной.

— Йөйыд тай кыськө эм! — эз өвсьы гөтырыс. — Öткодь кө нө, мыйла либө гижсин? Мырдөн өд эз жө гижөдны, ачыд кө эн окотит?

— Ачым и окотиті.

— Мун! Сәсса нинөм ог шу. Ме тан кевма, мед эськө, мися, оз жө усь, а сійө, вөлөм, ачыс юрсө сүйө.

— Лөсьыд өні тэныд тшөкөлдывайтнытө, — дөзмис Конё Семё. — А сэк вөлі... кодарө на ещө катовтчас...

— Мый катовтчас?

— Став олөмы! Мед сөмын вермыліс Гитлерыд, юавліс эз тәнсьыд, кызд водзё көсьян овны! Эськө велөдіс дорын узьлыны, а то и тшын йыв лэдзис.

— Но мед тэ ног, мед, — дольыштіс гөтырыс.

— Дерт, ме ног! — эз на инась Конё Семё. — Мөд олөм кутшөмөскө ме эг жө көсийы. Советской власьтыс на меным буретш! Сійөн и гижси партияс. А кодлыкө өд сәсса колі жө... Но, кутөд пыддиыс. Потшөс тай потшны заводитан да майөг жө первой сутшкалан.

— Сідзи, Семен, сідзи, — гөррдзалис мамө. — Ме өд ог жө сы понда бөрд, мый партийной миян вөлі. Уси, да сійөн.

Унаысь нин усылі дум вылө тайө сёрниыс и, төдөмысь, усылас на. Мукөд мортыс, колө и оз ков, мыйён стрөка сюрө, пыр и дольыштас, мый сы мында во нин партияын, а Конө Семөлысь ме сэссия эг кывлы, медым висьтасис көнкө партияө аслас пырөм йывсьыс, кысь нин эськө ошйысьнысө да: Сталинград дорын пө пыри. Эз, коммунисталөмсьыс сійө эз виччысь мукөд мозыс торъя лэптөм ни пыдди пуктөм, мыйёнкө отсыштөм ни кокнөдөм. Коммунисталөмыс сылы вөлі сэтшөм жө лөсялана да колана, кызди и козьянас век лэчюд черыс. Чертөгыс ме сійөс ог и помнит, праздник луньясө кыздзи. Но, пывсьыны ещө вөлі чертөг петалас, сэссия — некытчө.

Абу кокни збыльысь коммуниставнытө, көть кытөн он ов да уджав, но сиктад война бөрад, өні думайта да, нөшта на сьөкыд вөлі. Ог төд, верми-ө ме эськө Конө Семө моз йөз водзас куччысьны, косөдлыны кө быттьө сійө кадсө да менө сы местаө сувтөдлыны.

Видз вылысь локтгөн ми вөтлім шобді му шөрсыс чаньясө: коді йирсьө вөлі, коді — быгласьө, пөгыштөма нин, буракө, да. Вөр дортгыс пырөмаось: отилаті потшөсыс сэт ляпкалөма. Буракө, сувтліс кутшөмкө чань зыртчыны да и чегис вылысьыс важ майөг ньөрьяссө. Ковмис бөр дзоньтавны. Дыр-ө нө, кор черыс Конө Семөлөн сьорас!

А миян водзвылын сэк бабаяс кайисны: коді турун нөбья, коді корось вундөма. Дерт, адззылісны шобді му шөрсыйд чаньястө. Но некодлы, тыдалө, абу волөма юрас — вөтлыны сесь найөс.

Вичко кырийн на и вөтөдİM ми бабаястө: пуксьөмаось, шойччөны.

— Тадзтө эськө важөн эг овлөй да, көть и колхозад, — лабутноя шуис Конө Семө, быттьө абу нин сэтшөм и скөр. — Али огө нин нянь сесь виччысьөй, йирөдам вежнас?

— А мый нө, волас али мый сесь мыйкө миянлы? — медводз збоймөдчис да шыасис Якө Павла. — Сідз жө арнас нуасны.

— Ньөти нин, сідзкө, оз и волы?

— А уна-ө нө волө трудодень вылад? Укөрайтан ещө сэтөн, сувтөмыд да! Мун вай, кытчө мөдін.

Конө Семө пөлынтыс юрсө, быттьө кывзысьны кутіс; дой венөм бөрын моз ыджыда ышловзис. Төдөмысь, кывйыс чепсасис шуны мыйкө сэтшөмөс, а вежөрыс өлөдіс, тшөктіс мөвпыштлыны.

Бабаяс чеччалісны, но эз на тэрмасьны лэптавны нөбьяссө: ты-

дало, и налы коліс мыйёнкө бурөдны сёлөмнысө. Вичысисны Конө Семөлысь шыасьёмсө.

— Зэв эськө өні ыкшаось, да тан на өд арыс миянөс суас. И другөн государствоыд оз на кокньөд поставкасьыд.

— А кор?— бара медводз кывъясис Якө Павла.— Висьтав вот тані веськыда. Тэ өд коммунист.

— Кор?!— ыдъясьыштис Конө Семө.— Кор кок йылө бөр зумыда сувтам. Чайтан, этша войнаыд жугөдіс?

— Сизим во нин война помасьөмыдлы,— вомалис Якө Павла.— Позис нин көть неуна кокньөдыштны. Сиктасө шуа. Карө тай кайлан, да быттьөкө мөд олөм нин олөны, а ми век на быттьө война пыкам! Мыйёнкө мыжмим али мый?

— Некод тэнө оз мыжав. А кокньөдыштнытө, гашкө, и позис нин. Мед важ надеяыс колхоз вылас эз быр.

— Коммунистыс нө лысьтан жө тадзсө думайтны?— пыр и юалис Якө Павла.

— А мый нө, ки лэптивны сөмын ми?

— Мыйкө тай мукодыс...

— Мукодтө тэ меным эн висьтав. Ме ачым ачымөс корөсяв-ла.

Та мында и вөлі став сёрниыс, а бабаяс видзөдмөн вежсисны чужөм выланыс: кодкө абу нин чарла синма, кодкө нюмсермунөма, кодкө вомсө восьтөма, быттьө мойд кывзө.

Торъя ышөдөм, буракө, некодлы оз и ков, көть кутшөма он усь сёлөмнад. Колө сөмын аддзыны мортөс, кодкөд, кызд шуласны, он на пропадит.

Татшөм мортнас, ме думысь, и петкөдчис сэки бабаяслы Конө Семө.

* * *

Дыр нин эг варовитлы Конө Семөкөд.

Велөдчитөн төлысь-мөдтө быд гожөм на гортын колялі, тшөтш видз вылө лэчывлі, а уджавнытө понді да эг нин сэсса тадзтө прөстмывлы: отпускад өд петан да, окота на и ылөджык кытчөкө ветлыны. Войколөн сөмын и воывлі гортө мамөс видлігмоз.

Дерт, нөти аддзысьлывтөм Конө Семөбыдкөд эз жө вөв. Но мый сійө киасьөмыд куш да чолөм-здоровоыд. Эськө пукалыштны кө, а бара жө некор: локтөмөн тшөтш мамтө өтнасөн он коль; сылы өд, виччысьөма да, колө жө юасьыштны-висьтасьыштны.

Уна бур вежсьөм лои сиктаным менам мунөмсянь, и быд волігөн пыр ёнджыка долыдаси; көть и карсаён нин ачымөс лыдди, а сёлөм

вужйөн сиктысь на ловлы коланасё кыски. Да, төдөмысь, ог и лолы ме збыльысь карсанад: быттьо абу ачым аслам ме карад.

Но тайо, кыз шуласны, водзкыв на вөлі, а висьтавнысё ме со мый косьылі.

Гортө жө вөлі локта. Пристаньысь кайигөн аддзыси Конө Семөкөд: сельпоё ветлөма, гач зепсьыс сулея юр тыдалыштө.

— Мися, Генагей жө, буракө!— орччасьтөдз на и чургөдіс кисө.

— Ме, Семө дядьө. Сельпоё тай ветлөмыд?

— Ветлі, скөрми да.

— Мыйыськө?

— Вөлөма на тай беддя сюръяйд! Мися, гашкө, быри нин-а.

— Коді нө сэтшөмыс?

— Абу татысь. Нянь силосуйтөдны локтөма.

— Нянь?— чуйми ме.

— А мый нө, öзимыс тэныд абу нянь? Шептасьө нин вөлі сюёс Важ туй бокын, да ытшкыны тшөктөма. Но, туруныс кө борьяс эз вөв да скөтсө нинөмөн вөлі вердны, ещө на. Шуи да, тэнө пө оз юавны! Скөрман он эськө сэсья татчө? Перий козьянысь черөс да, мися, ме вот ог жө тэнсьыд юав, тышка баялөжд, и — ставыс. Ленин, мися, и то юасьліс йөзсысь, кызди да мый, а тэн и лишной лои, мый ми шам? Советской власьтыс, мися, сы вылө и эм, мед юасьөмөн ставсө вөчны. Миян пө решитөма нин вөлі. А миян, мися, решиттөм на вөлі. Гашкө, тэ тадз жө нинөмө йөзсө пуктан, а?— сотыштис сөмын синьяснас, быттьо ме вылө сэсья став скөрсө вуджөдіс.— Чинторйыд лои да, көнкө?..

— Ог, Семө дядьө. Абу менам татшөм модайд.

— Эн эськө ыкша быдмы да. Эн коньбөрөн ни. Коньбөрад, Генагей, мед вөлі абу жө лысьтөма пуксьыны — коть код водзын! Кывла кө, мөдысь ог и здоровайтчы. Буретшөн ло!

— Сылань эськө быттьо сына да,— вочавидзи коркө асьяньыс жө кывлөм кывъясөн.

— Лешак, тэ тай менсьым велөдчөмыд сёрнитнысө!— кызкө друг небзис да серөктис Конө Семө.— Кывзы, волы бөрти пывсьыны. Вөтла на өд коркөя мозыд.

— Вола, Семө дядьө,— косьыси.

И вөтліс өд көджас, кор кутим пывсьыны.

Пельөс нин, кыла, чишкалө, а ещө на ыджыд көш тыр койыштис гор вылас. Сэсья тай мөдіс корөсясьны — швучкө сөмын, мурзө да. А яйыс быттьо сотчөмөн сотчө, быттьо öгыралөмаөсь пытшкөссө. Лампочка йирк улас öйө, да сысянь содтөд нин тадзсө кажитчө.

Видлі жö эськö корöсясны, да пыр и бöр лажыньтчи джоджас, сөся бауөн моз локті öдзöс дорöдзыс, петі.

Коркö и сійö мыччысис — доналöм көрт кодь, жаялöма, пöрдчöмөн и пуксис лабичас.

— Мужик морт! Ещö гöтыр лöсьöдöмьд! — шпыньмуніс. — Тэныд ваннаад сöмын и польскöдчыштны. Мун, восьті ме дымöвöлөксö.

Пыри да эг и койышт ньöти — сэтшöм на жар вöлі. Корöсяся и думайта: мися, ён жö сьöлөм колö, мед биад пивсьыны.

И со... чер зудьялігөн и ланьтöма мортыд. Арлыдыс-ö тöдчис али эз пыдди пуктыв висьыштöмсö — öні он нин юав.

* * *

Вöлі пö и эз ло — тадзи шулöны кулөм йывсьыд.

Но медым тадзи жö Конö Семö йылысь шуны, ме ог вермы. Меным сійö век лоас. Сы вылысь ме велöдчи овны и водзö кута. Кутшöмакö ме и ачым — Конö Семö!

МЫЖА НАСТА

Эжва дорса сиктын, карсянь катыдын, олö-вылö тайö аныис. Сылы ветымын сайö нин, пöчөн шуысьяс нин эмöсь. Но сідзсö öтнас нэм помсö колялö: нылыс да пиыс ылынöсь, сöмын гожöмнас котырнаныс петкөдчывлöны.

Керкаыс тöвъяна-гожъяна, шöрас посводз. Войнаөдз на лэптылöмаөсь, но вевтыс выль, жöлөбтöм: көрт тувйыд, майбыр, öні тырмö. Бур дөзьорнад зумыда на керкаыс сулалö. И öшинь рамаясыс мича еджыдöсь, пелькөдöны воймöм стенъяссö.

Овны зільысьсөн на висьталö керкаыс сійöс видзысьсö. Да олысь на и эм Настаыс. Мед, неуна мышкыртчöмөн кө нин ветлö: войнасö и мыйсö нин абу тöдлöма да вуджöма. А сідзсö тэрыб вöраса на, топыда на тувччалö, ньöти доршасьтөг, и кияснас кокниа шенасьö-отсасьö, быттьö öддзöмвывьсьыс дась ыджыд вöлөк бөрö кольны. Муртса, гашкö, вежсьыштöма и томдырся гөлөсыс: абу на мукöдыслөн моз сэтшöма чирöма, зэв на гылыда артмö серамыс, оз сьöмдав.

Чужöмас вот ёнджыка пасьясьöма кадыс. Бандзиб увтыс быттьö быгöртыштöмаөсь кучиксö, и вомкөтшыс вöйыштöма. Рыгъя бывла

моз рөмдыштөмәөсь и синъясыс, но оз дай чуткасны на морттө: дзебсясьо на көнкө ёсьлуныс.

Лэдзчысьөм аныд и паськөмнас асьсө вузалө. Дерт, он вөччы, кор картаө каян. Сэк Наста, төвнас кө быттө, колоша руд валегиа, визя трекоөн эжөм пася да лэдзалөм пеля шапкаа. А йөзө кө петө ли сельпоө мөдөдчөма, сэк кокас выль сьод валегии гоз, вылас сөй рөма драпысь дона пальто, а юрсө пелька төбөма еджыда-гөрда шоныд чышъянөн. Сэк Настаөс, портфель кө быттө сетан, позьө и учительницаөн чайтны.

Но кытчө көть оз мун, водзвылас век котөртө весьт судта пон, Жульө нима. Сийөс Наста өрт пыдди видзө, весиг паччөрас, тазыйн шоныд ва катөдас да, мыськавлө бусьсыс. Понъяссө радейтөмыс сылы верөссияныс вуджліс, а гашкө, и батьяныс на: батыс кыйсьыс жө вөлі.

Верөсыс Насталөн усьлі көнкө Ленинград дорын. Тшыгөма овсис, ныла-пияөс на коліс вердны-быдтыны дай. Но Катшө нима понсө, кодөс верөсыс лөсьөдіс, эз некодлы сет ни вузав, кувтөдзис видзис: өд найө кыкөн, ачыс да Катшөыс, медся өна шогсисны кыйны-вийны радейтысь Олюксан пондаыс.

Уровийө оло өні Наста, сөмын рыгтяснас жутыльмывлө: некодкөд варовитыштны. А варовлунысла сылы оз ков петавны водзөсасыны, кывийс бергалө, быдөн діно лысьтө и сяммө шыасыны, шмонитны и ыззьөдны.

Сикткодъыс пыдди Настаөс пуктө. Да нинөмысь сийөс и омөльтнысө. Тані чужис-быдмис, верөс сайө петіс, ныла-пияөс мортө вайөдіс, кер дорын и гор помын пөсьсө кысьтліс, картаын со дасөд во нин ноксьө, куканясөс дөзьөритө. Томөн дөваөн коли, но эз сетчы өткымын ань моз юөмө, көть война бөрас и велаліс жө курьидтө видлывны. Кок шонтысьсөс эз жө лөсьөдлы.

Эмөсь аныяс, кодъяс некутшөм шогысь оз усьны сьөлөмнаныс, зэв нин здук-мөд кежлө сыркмунасны. Найө быттө водзвыв нин, нылалганыс на, артыштөмаөсь, мый быдтор вермас лоны кузь оломад. Настаөс сэтчань жө, кыз шуасны, кыскылома. Видзөднысө и кыв вылас быттө абу нин сэтшөм сетчытөм, а збыль вылас чорыд, некутшөм лич аслыс оз убөлит и водзөстө вевсьөн косөдас.

Орчча керкаас Клавдия оло, тшөтшья Настакөд. Верөсыс сьлөн усьлі жө, куйм челядьөн коли. Войнасө зумыда вуджис, а бөрас и нормис. Турун доддьыд кө вөлі пөрас, и бөрддзас. Черыд винөв пуө сибдас, бурпөт жө бөрдас.

Дерт, абу быд морт өткодъ: өтилөн пыдын синвайд, мөдлөн и дзык ортсын. Водзджыксө Наста жалитліс Клавдиясө, а сэсыс

дѡзмыны кутіс, эз нин донъявлы сылысь бѡрдѡмсѡ, весиг ѡлѡдліс на, «дугды, колѡкѡ» шульвліс.

Коркѡ лэдзѡма вѡлі Клавдияыс кутшѡмкѡ мужикѡс. Ён да вердаса мужикыдлы ѡтка баба дїнад, дерт, эз узьсыы войяснад. Но ѡд Клавдияыслы позис зэлыдджыкѡн лоны, водзѡ йылысь мѡвпшштлыны. Абу, тыдалѡ, тырмѡма чорыдлуныс. И куим челядь дїнас нѣльѡд лои, ныв кагаѡс вайис. Абутѡм вывсыыд нѡшта дзескыд лои: сѣйѡм кузя и паськѡм кузя.

Сэки бѡр Насталѡн жалыыс петіс Клавдия дїнас, эз лэпты лолыс дивитны да дэлыѡдны сїйѡс: мый сэсся, лоѡма нин да. Кор удитліс да кыдз-мый вермис отсавліс Клавдияыслы: тѡ пескѡн, тѡ турунѡн, а тѡ и сїдз, пывсыыны ставнысѡ чукѡстльывліс. Ѳні Валяыс, Клавдиялѡн бѡръя нылыс, ыджыд нин, Эжва карын уджалѡ малярѡн, и кор волас гортас, оз вунѡд пыравны Наста дїнѡ висьтасьшштны.

Ѳти заготовитель коркѡ сирасьліс жѡ Наста дїнѡ. Крѡватяыс сылы Наста вольпасьсѡ лѡсьѡдїс, челядьсѡ пѡлатьѡ водтѡдїс, а ачыс гѡбѡч вылас ланьтѡдчис. Унмовсьны нин пондыліс, кылѡ, дзуртыштіс приступ пѡйыыс...

— Мый нѡ? — быттѡ эз на вежѡрт могсѡ, тѡждысяна юалїс Наста.

— Сїдз... мыйкѡ тай гажтѡм босьтіс, — вочавидзис заготовительыд, а пѡсялѡм ки пыдѡснас нудїс нывбабалѡн куш сой кузя.

— Вай огѡ нин, дона піѡ, — думсьыс дойдыштіс Наста. — Менам тѡдлѡма нин тайѡ гажтѡ. Со кыкѡнѡсь пѡлатын.

— Водз на пѡрысьтан асьтѡ, — эз на ѡвсыы, бара кывберитис заготовительыд.

— Вод, водан кѡ, — дѡжныштіс сэки Наста да лыбѡдчис-пуксис, сэсся стѡчмѡдїс: — Кытчѡ тѣныд вольсалѡма. А оз кѡ узьсыы, метѡг аддзан ывласѡ.

Мурѡстыштіс, кылѡ, заготовительыд да бѡр лэчис. Мѡд рытнас эз нин лок Наста ордѡ узьны.

Шуѡны, мелуныд да малыштѡмыд пѡ нывбабаыдлы каньлы моз жѡ инѡ. Код тѡдас, кодї тадзсѡ да кор шулѡма-лѡсьѡдлѡма. Но верѡстѡг кольѡм аныдлы, комын арѡс гѡгѡрыд, сьѡлѡмтѡ важ кѡлуйѡс моз дзѣбны-саймовтны, тѡдѡмысь, абу жѡ кокни. Гаравлѡны тай: сьѡлѡмыд кѡть пѡ и пельтѡм, а медся на кылысь.

И Настаѡс шуштѡм босьтльывліс, торїѡн нин ыджыд празник луньясѡ, кор аддзас вѡлі ѡшинь пырыс кутшѡмкѡ гозьяѡс: верѡсыыс водзвылас, чѡла довьялѡ-мунѡ, а гѡтырыс бѡрсянныс, воськов вит ыланаын, вѡтчыштѡ, шондї водзын кань моз синьяссѡ читкыртѡма да вѡсни гѡлѡснас сыланкыв ливкїѡдлѡ: «Чиганка гадала, за ручку брала».

Сэссия Наста вöлі видзöдлас гозъя саялöм бöрын стенас, Öльöксаныслөн карын ыдждöдöм карточка вылö, и быттö личальштас лолыс, оз нин шогыс сыркмун-бöрддзы, котъ эскö сёлöмыс здук-мöд сайын на дилькмунліс. И бөр вынсялас вежöрас война помасян лунö на волöм мöвпыс: некод сылы оз ков, Öльöксаныслы инаөн кувтöдзыс коляс.

Быд морт кутшöмакö асруа. А весьшöрö кö дойдасны, сэк мукöд мортсö сьöкыд нин лöб кутнытö. Ен сыкöд, ас пондаыс Наста сяммö жö сулавны, оз ков велöдны ни чуйдöдны.

Во дас нин талы, абу кö унджык. Май лун буретш вöлі: шоныд, котъ öтпöлөсөн ветлөдды, вералö гөгöр сынöдыс.

Клавдия кильчö помын, эжа вылас, бабаяс чукөрөн сулалісны да ливкйöдлісны-сьылісны. Таöдз Наста ордын сола трескаыс черинянь да ыджыд чайник тыр гөрд сур бырöдісны. Петсьö тай сэссия вьлаад, тойлö шыавнытö.

Кыськö сэссия сэтчö агроном гозъя воисны. Гөтыр кузяыс тадзсö шуисны, гөтырыс агрономаліс, а верöсыс (этша жö война пондаыд велöдчылöма) кытчö ыстасны уджавліс.

Водзсö сиктаныс некупишö агрономсö эз тöдлыны, сөмын МТС-ыс корсюрö волысьöс, а совхозалісны колхозтö, и ковмис, буракö, сэтшöм мортыс.

Прамöй крестьяна моз, мөскөн и овмөсөн, локтісны агроном гозьяыс, овмөдчöм вылö. Керка ньöбисны, усадьба корисны. И мед, кыз шуасны, некод на вылö лөк эз кут. Мөдарö, радлісны на: сідзкö, нöшта на бурланьö олöмыс вежсьö, тайöяс кö нин татчö вуж лэдзöны.

Матыстчисны сэки агроном гозьяыд, и верöсыс сувтовкерис, сэссия педзыштгіс да тшөтш сьывны горöдіс. Мужик гөлөсыд пыр и тöдчис. «Аттö, дивö» буретш сьылісны, көн кыза колö помсö босытны:

Аттö, дивö, дивö,
Аттö, ыджыд дивö,—
Эз шед сылы мудер руч.

— Тэджык, тэджык Михайлöыс!— содтöд ыззьöдіс сійöс Наста.

— Бара ылааліс!— быттö эскö верöсыслы, а збыльысьсö ставыслы кывмөн горöдіс агрономыд.— Мунам, колөкö!

— Да, энлы тэ,— дорйысьыштгіс верöсыс да бара сьывны сюртчис. Паськөдіс кияссö, быттö кодöскö сывъявны лөсьöдчö, да нимкодя помаліс:

— Аддэома мича нывъясөс!— нерыштіс агрономьд.— Оз нин пөтлы...

Парскис тайо аньясыдлы, но кывлытөм улө сетчисны, а Наста кывъясис:

— Сөям ми сійөс тарыт, лы ни ку ог кольөй. Велөдчөмаөн висьтасян, а йөй бабасьыс ыло абу и тувчылөмьд. Мый ме,— мый тэ.

— А тэ эськө ассьыд мужиктө сьылөд!— пиньө пырис агрономьд.

— Менам мужикыс кыз му улын.

— Ме вөсна коть көні.

— А тадзтө кө,— Наста весиг нюмтөвтис аслас мөвпыштөмысь,— босьта да мырддыла тавой Михайлөтө. Вунөдлі жө нин, кутшөм мужик көрыс-а. Мун, мун, эн сулав, абу тэ чина мыйөнкө ме водзын, мед тэныд сөмын гозйөн узьлыны. Лок, Михайлө, сур и черинянь — быдгор на миянлы сюрас. А со и эм менам керкаыс.

Дерт, эз виччысь агрономьд татшөмтортө, здук-мөд кежлө шөйөвошліс, сэсся пузис вочасөн, дась чашйыны Настаөс. Но ачыс Наста сылань водзжык воськовсө вөчис: пондыв пө сөмын.

А Михайлө оз төд, серөктыны али скөрмыны, зумыш лолө чужөмыс и нюм петалыс.

Бабаяс виччысьөны, мый водзө лоө, но оз жө мусапырысь видзөдны агроном вылад.

Наста сөк босьтис Михайлөтө сойбордйөдыс да кыскыштіс асланьыс. Мөдыс быттьө оз и пыксый.

Ырөстис-бөрддзис агрономьд, эз лысьт та мында баба водзад збойө пуксьыны, сыркьялігтыр, юрас кутчысьөмөн, вөрзис-котөртис гортланьыс, дзикөдз саявтөдзыс бергөдчыліс на да горөдіс:

— Ловья юрөн мед вөлі абу петкөдчөма, Мишө!

— А ме ог и лэдз!— содтөд на чуткис Наста.

Вөлись Михайлөыд шай-паймуні, повзис, тыдалө, весиг, лөт-лэдзис кияссө, быттьө суд водзө сувтіс.

— Век өд вежөгтө,— гарыштіс висьтасьысь морт моз.

— А довгы и эм,— дөжныштіс Наста.— Абу нин ми гозья костө пырысьяс. Сьылөмсьыс сөмын миянөс дзугиньыд.

— Эг өд ме,— бара на сэтчө кывъясис Михайлөыд.

— Но, мун нин, мун!— дөзмөмпырысь шуис Наста да йөткыштіс пельпомөдыс.

А аскинас Настаөс управляющөй динө корисны. Нарошнө морт воліс картаас, идрасянінас.

Кодсюрөөс, скёт дорын уджалысьяссё, чорыда видлывлісны, торйён нин праздникъяс борад. Юыштасны, сэссия и вунлө төждныс, мода вылас сөмын картаад кайласны, муртса сёодчыштны да ещö лысьтысьны, коді доярка.

Насталөн эз на вөвлы, мед веськодясис юрас вөыштөм понда. И төрытнас, мыйён кадыс воис, вежсис да өдйөджык куканьяс дінас.

Сідзкө, оз на лёка уджалөмысь видны корны. Гашкө, мөд удж вылө көсйөны индыны? Тан нин олас, посни куканьяс дорас. Найөс өд, мамъяссьыс торйөдан да, зэв на кужөмөн колө вердны-быдтыны. А сійө велаліс нин, со кутшөм мичаөсь, сөстөм гөнаөсь да лөсталан ныраөсь быдтасъясис.

Дум босьтліс Настаөс уджалан паськөмнас и лэччыны конто-раас, но бөрыннас мөвпыштіс, мый абу лөсьыд, да кежаліс гортас, бур туйө пасьтасис.

И тешкодя артмис: корөмаөсь видны. Вөлөмкө, агрономыд төрыгъя борад шыөдчөм сетөма, мед удж вывсьыс мездасны. Бөр пө мунам, ас кывнас содтөд ставсө висьталөма, тан пө олөм миян, гозъялөн, оз жө ло-а.

— Вай жө, Михайловна, эн лөгась дзикөдз да извинитчы мортыс водзын, — кывкөрталіс управляющөйыс. — Тэ өд мыжаыс. Мыйла нө тадзсө шмонитны?

— Ме мыйөнкө мыжа лои? — өттшөтш чуймис и дузгысис Наста. — Мед ачыс водзджык эз шыблась кывнас, дояинсө менсьым эз парсьышт.

— А мый сійө шуис?

— Ассьыс юав, — гөрддзыштіс Наста да петіс управляющөй дінысь.

Біджыд вежөсас тшөтайтчысьяс да больгыштны сэтчө лөктөмъяс виччысисны нин сылысь петөмсө, пыр и сувтөдісны сы вылө синъяссө.

— Мый нө? — морт куим өттшөтш юалісны.

— Мыжмыссьөма тай төрыт, — серөктөм сорөн вочавидзис Наста. — Олі-олі да Мыжа Наста лои. Но мед, овся! — и номсө дзебтөг петіс ывлаө. Сэні, кильчө помас, виччысис сійөс Жульөыс, аддзис нимкодънад да морөсөдзыс чеччыштліс.

Тайөн төрыгъяыс и помасис. Эз нин сэссия Настаөс та кузя корлыны. Гашкө, управляющөйыс выльысь сёрнитіс агрономыскөд, өти сайын асьсө сійөс мыждіс да өлөдіс мунөмсьыс — код төдас. Некытчө тай гозъя сэссия эз вөрзыны-а, өні на тайө сиктасөсь, и абу нин сэтшөм кальөг вома агрономыс.

А Насталы қөвъясис ним дінас аслас содтөдыс, сэксянь — Мыжа Наста. Отиторйөн бур: оз лөгась ни дөзмы тадзсө сы діно шыасьөмсьыс, да оз и дэльөдны.

Но быттё водзё на шулёмаось Насталы «мыжмывны», та бёрын унаысь на веськавліс дивитём улё и пинялём улё.

Отчюд сійос карё ыстылісны совхозсяньыс, скёт дорын уджалысь-яслён совещание вылө. Республика пасьтаысь вөлі сэтчө йёзсө чукөртөмаось. Унаоё наградитісны грамотаясөн, дона козингясөн козыналісны. Насталы, кызд шуасны, вичмис жё грамота и козин — пызан вылө сувтөдан зэв мича часі.

Сэки, совещание дырйиыс, Наста төдмасис Сыктыв вожса өти анькөд, дояркакөд. Верөсыс сьлөн усьлёма жё, Наста моз ныла-пиаён жё кольлёма.

Сыктыв вожса аньыд висьталіс Насталы, мый усьөмгьясылы найө памятник сувтөдөмаось. Медводз пө сьөм чукөртім, сэсся пө карысь скульпторөс медалім. Гранит-изйё пө сэсся сійө став усьөмсө и пасьяліс. Öні пө ми, бабаяс, волам памятник дінас да быттё пө верөсьяснымкөд аддзысьлам.

Насталы эз сэтшөма завидь ло, кутшөма доймис сьөлөмыс и дөзмис ас вылас и ас сиктса вылас, мый өнөдз эз гөгөрвоны тадз жё вөчны. Шуис: воас гортас и висьтасяс, сельсөветө ветлас и.

И эз кеж аслас шуөмсьыс. Гижисны сельсөветсяньыс карё, Худфондө, и сьөм заводитісны чукөртны. Но карсяньыс воча кыв воис, унаён пө нин татшөм могнас миян дінө шыөдчисны, да абу пө өні гранитыс, ковмас пө тьянлы нөрөвиталыны во-мөд-коймөд.

Тадзи неуна көдзальштісны войтырыс. Но Насталөн эз өвсьыс-сьы, кутшөмакө асьсө паньсьөн нин лыддис да.

Пиыс Насталөн стройтехникум помавліс, вөвлі коркө сэтшөмыс карын.

Сы дінө и шыасис Наста гождөмнас, локтісны котырнас отпускө да:

— Мый нө сэтшөм гранитыс? Абу өмөй из?

— Из, — вочавидзис пиыс. — Мольөдан да, мича лоө. А мый нө?

— Сідз, — эз водзёась Наста.

Дум вылас сьлы уси зэв ыджыд лөзоват из вичко дор нөрысысь. Вылысыс сөмын изйыслөн тыдалө, кык ветки пыж пасьта. Коркө, войнаөдзис на, нөрыссьыс из чукөртгөн видлісны сійос перйыны мужикулов, тшөтш и Насталөн Öльөксаныс, да эз вермыны. Кык керйөн и быдөн өчапавлісны, сэсся ставныс вөлі кутчыясны-өшөдчасны сьөкта вылө, да муртса сөмын изйыс вөрзьяліс. Сідз сэсся и эновтісны.

Öні изйыс быттё петыштөма, пидзөс вылнаөдз кымын тыдалө: арся кынмалігьясас, буракө, йөткө муыс. И кузьмөс видзөднысө. Перйыны да сувтөдны кө эськө сійос, некутшөм ылысь вайөм гра-

нит оз ковмы, ачыс нин скульпторыд аддзас, кыз да мый сыкөд вöчны. И зарниа букваясөн сэсса став усьёмсö сэтчö гижны, ветымын нель мортöс.

Тайö мөвпсыс Насталы нимкодь быдөн лои, лов вир шеді, мый из палакыд тась на сюрас. Колö сөмын кутшөмкө трактористöс, кодлөн пурта тракторыс, кесйөдлыны, матын кө лөсялас.

Недыр мысти сэсса татшөм стрөкаыс и тшукис. Наста вöли вадорысь кайö вичко дор нöрысöдыс, пожъясьны лэччыліс да. Видзөдö: пурта трактор уличас, выль на. Сэтчань и веськөдчис, эз гортланьыс-а. Трактористыс, Толя нима, мыйкө ноксис, мотор боксö восьтöма да.

— Выль трактор тай Анатолейлөн? — шыясис нисьö юалис Наस्ता, быттö мода вылас.

— Выль, — ошйысьыштіс мөдыс.

— Пурта и, — небыда кайтыштіс Наस्ता. — Абу небось важ «Беларусьыд». Ноко, ён-ö?

— Вай, — серөктіс Анатолейыд, — путкыльтам пывсянтö карта сайсьыд.

— Ачым на ме сйöс путкыльта, — серамö жö бергөдіс Наस्ता. — Тэ мен из перйы. Ыджыд изсö вичко дор нöрыссьыс..

— Мый тэн сыысь?

— Бөрас висьтала. Сё пасибö на дай.

— Памятник вылад али мый нин? — гөгөрвоис Анатолейыд. — Мисьтөм.

— Мыйла нö мисьтөм? — эз сетчы Наस्ता. — Карын тай нö öти музей дінын татшөм изйысь жö морт юр сувтөдöмабсь. Шыльöдан-мольöдан öд.

— Некор меным öні. Траншея колö кодйыны. Силосуйтны көсйöны эстысь зöрсö.

— Дыр-ö нö кежавлынысö? А аслад öд батыд уси жö, сідз кө нин шуны.

— Код төдас, мый ыджда сйö изйыс, — видліс на пыксьыны Анатолейыд.

— А век эн повзъы, — лөгасяна дивитыштіс Наस्ता да ныр пырыс гоз-мөдысь кывмөн лольштіс. — Батыд тай эз полысь вöвлы.

— Но, видам либö, — быть ковмис сетчыны мортыдлы.

Кöлуй тыра тазсö Наस्ता эз и ну гортас, потшöс сайö сөмын лэдзис, мед улча шöрас не жö кольны. Сэк кості Анатолейлөн заводитчöма нин тракторыд.

«Шедас оз бара?» — öні ачыс нин Наस्ता повзис, сэсса ыдъя-сигтыр и вөтчис трактор бөрся.

Анатолей медводз весалис из гөгөрсө, кодйыштіс өтилаті и вөлись став трактор выннас пыксис изъяс. Муралө сөмын моторыс!

Видзөдө Наста из вылас, синсө оз вештыв, а изйыс быгтыө верст пыдтаө вужъясьөма, некыт оз вөрзъы. И быгтыө кадъя вичко дор нөрысас ачыс тракторыс вөйө и вөйө зэвтчөмысла.

— Кодйышт на, Анатолей, кодйышт гөгөрсө!— горөдіс Наста.— Век на со паськалө да, джынвйөдзыс на оз тыдав. Тадзтө, дерт, оз шед.

— Йөйтөдлан жө эськө тэ менө да,— лөньөдыштіс моторсө да дольыштіс Анатолей, но век жө кывзысис: пондіс вештавны мусө из гөгөрсъыс, кык весът судтаөн босътны да босътны.

Вочасөн воссъыны кутіс изйыд, гөгрөсмыны пыдөсланъыс, бур потшөс джуджда нин тыдалө.

— Оні бара дзик шедас,— эскана шуис Наста.— Эн лөкысь, но өдөб вылысь моз видлы.

Анатолей бара лөньөдыштіс моторсө, быгтыө шөйчөдыштіс сйөс, сәся витіс пуртсө из пыдөсланъыс да вынысь вөрзбөдіс тракторсө. И петіс изйыд нәмөвөйся позсъыс: кузь вирич кодъ йөрйша, сөмын сувтөд кодаркө пом вылас.

Наста кытшовтіс изсө, нөбан мөскөс моз тапкөдыштіс кытсюрө, сибдөм сөйсө гылөдышталіс.

— Но, ме муні,— горөдіс Анатолей.

— Тэрыб өд кылө!— вочакывъяліс Наста.

— А мый нө?

— Татчө өд оз сувтөдөй. Эстчөджык колө, мед вадорсянь тшөтш тыдалас. Вай вешты нин өти сайысь.

Ковмис на Анатолейлы вештыны изтө. Час кымын нөшта манитчис: эз на кокниа сетчы сы ыджа палакыд.

— Вот и сө пасибө,— аттьөалис Наста.— Тась кызкө сувтөдам нин мөдысь. Гашкө, и подув на ковмас вөчны. А тэ вай тырт бөр мунтөдзид из гусө.

— Да виччысьөны менө!— кевмысис нисьө скөрмис Анатолей.— Од колө на пөвъявны траншеясө.

— Эштыласны,— вомалис Наста.— А тшыкөдім нөрыссө, да тазд ог кольөй. Вай эн сулав, эн! Ачым на коркө ытшкынытө велөдлі, косатө лэчтыны и.

— Но, тырта,— некытчө лои Анатолейлы воштысьнысө.

Наста эз на инась тайө көсйысьөм вылад, бур уджөдысь моз ветліс да сулаліс-видзөдіс, кызди Анатолей тыртіс из гусө; вөлисти морттө лэдзис.

А рыгнас, картасьыс гортас локтігөн, Настаөс паныдаліс управляющөйыс: адзөдлан думөн и лөсьөдчөма, зумыш чужөма, весис синнас луп-лап оз вөчышт.

— Бара нин, тыдало, мыжмыссьома, — ачыс водзджык шыасис Наста. — Мися, пасибо висьталасны бур йозыс-а. Тайос ко тоді, посла на ме тракторто нуодлі, вайтом на жо пескөй-а.

— Сералан вот, — шойовошлі управляющойыд, сэсся кызкө чорзвөдіс жо гөлөссө. — А косодам ко удждонсьыд? Тодан, уна-о часыс бульдозерыслон сулалө? А плотникъяссө сулодин да?

— Косод, ена тай.

— Мөдыс на сийо изийд шеді. Быть тэныд талун ковмис?!

— Зато местаын оні, — лабутнөя гарыштіс Наста. — Кран, гашкө, сомын нин и ковмылас. Сувтөднысө.

— Век тэ прав, — водзө чиршөдлөм пыдди сетчис управляющойыд. Вескыда ко шуны, сийос эз жо и лэпты сьолөмыс увтыртны Настасө.

Но сэк матыс керкасыс петіс ляс ныра Саньө, ар нелямына нывбаба, ымзыны кутіс пөдөм гөлөснас. Он гөгөрво, бөрдө али пинясьо:

— Мыжа Настөос эськө тэнө... Тэ вөсна сэсся... Али синваыс менам любө?

— Мый, сө господи? — чуймис Наста.

— Мун, миян ошинь улысь!

— Лок да бурон висьтав, а эн пон моз... ылісянь...

— Ойкөда, локта да, — лёк скөрөн пуис Саньө. — Мед дукуд тан эз вөв! — Сэсся босьтіс кильчө помсьыс, ва гуранысь, корось да вылын юрөн бөр пырис керкаас.

— Эг нинөм гөгөрво, — мунны жо вөрзис да нурбыльтіс Наста.

— Лөксө песө, — дөжныштіс управляющой, — юөма бара мужикыс да.

— Ме өд сийос эг юктав.

— Тыртчөмаось куим друг. Ме найос траншеясө пөвъявны ыстылі, а тэ тракторсө манитөмыд. Кодийтөмсө өд он пөвъяв.

— Быть сэсся юны колі, эз позь сідз виччысьыштны? — ярскөба пуис Наста. — Уджыд бара век сюрас, көть и мужик мортлы. Со кильчө содийс и вужинь-вежинь, юр яндзим. Ме ко Саньө местаас, эг йөз выло усьлась, а шошаөдыс да гож водзө татшөм мужиктө.

— Но, мед нин, мый сэсся, — помалөм могысь дольыштіс управляющой. — Он өд уськөдчы да вомсө тупкы. А менсьым видөмсө эн жо сьолөм кудьяд пукты дай. Вод да узь чөскыда.

— Майбыр, узьсьо на, — серам петалис Насталон, бөр воис ас выяс.

Аскинас Клавдия, орчча керкасаыс, висьталіс Насталы, мый ляс ныра Саньөйд ена на пинясьома сельпо дорын, Мыжа Наста пө из

перйоддө, а миян мужикъяс уджтөг пукалоны. Но Наста сомын шпыньмунлис: мый колө вөлі, сылөн вөчөма.

...Өні, вадорсянь кө видзөдлыны сикт вылас, пыр и шыбитчас синмад: быттьө лөз би кыв петө веж нөрыссыс, сомын мый оз вөрпöлынясь. Локтан да аддан: өтторъя из палак пом ногыс сувтөдөмаось бетона подув вылө, юрйивсыйс звезда лөсалөматыдөдөма, а увланьджык кык знамя отар-мөдарсяньыс вөчөма, кузя өшөдөма налысь тугъяссө; тугъяс костас, шыльөдөм-мольөдөм веркөсас, зарниа буквайсөн ов-ним-вичсө гижөма ветымын нель мортлысь.

Татшөм памятник артмис Настаөн перйөдөм изйысь. Мича и кузь нэма. Лөз изйыд өд топыд да ён, зэр ни көдзыд сылы оз мөрччы.

Гожөм заводитчигас, кор кулөмаясөс казътылан лун сувтө, став сиктыс өні медводз волө татчө. И мед, некодөс кө абу дзөбөма тайө нөрысас, а чөв ланьтөм быд аньлы тани шоныд овлө, мый и сылысь код төдас кытчө усьөм верөссө абу вунөдөмаось.

Сиктад мортыдлы вежавидзөмөнджык на колө овнытө карад серти. Быдөн тэнө тани төдө и аддзө. Весиг, ачыл кө вунөдін, мый нин төрыт лунтырнас вөчин ли кодлы мый шуин, висьталасны, сомын юав.

Видзчысьтөм мортыд этша сиктад, и то ёнджыкасө пинясьөм кузя. Важ модаыс тайө век на кыссьө. Сийө жө ляс ныра Саньөыс, кызди со вувзъысылис Наста вылө. А арнас ачыс вайис Насталы носки кыан, кык гоз, быттьө эз и ыршасълы коркө ойкөдны.

Наста эз жө казътышт коркөясө, босьтис кыансө, «пукав на» содтөд шуис. Кутшөмакө сийө тшөтш шогалис Саньөыскөд: омөлик верөс дінад и шань гөтырыд лөкман.

Ичөт дырийыс уськөдлөмаось Саньөсө, вөрзёма коньөрлөн ныр гөчыс, и со мисьтөм быттьө өні, эськө сідзсө и зэв сөстөм чужөма да, дзык та вөсна, водзвыв төдөмөн, ковмис сылы петны некытчө ёна путьмытөм зон сайө.

Оз, Наста оз лөгав ньөти Саньө вылас, сэк эз лөгөдчыв ни.

Вот кодөс Наста мустөмтө — кывтыд помысь пөрысь Лотөос. Гижөмөн кө, Всеволод эськө сылөн нимыс, но нэмсө нин сийө Лотө, и нинөмысь сийөс ыдждөдлынысө.

Кузь киа Лотөыс, кысь мый шедө пышйөдө гортас. Коркө вөлі почта вылысь посни көрт тув тыра банка зепталөма, пөсылка вевтъяссө кутшөмөн тувъявлөны. И өнөдз соссьө, эг пө ме, кор сы мунөм бөрын абу лөма банкаыс.

И асьсө Настаөс өтчыл сийө муртса эз юр усьтөдзыс янөд.

Начкисны арөса кукань (кынөмсө люкасигас розвьөдөмаось) ылыс

видз вылын уджалысьяслы яй вылө. Лотө воліс начкысьнысö. А Насталы управляющойыс тшöктіс идравлыны яйсö вöла локтöдз, солаыштны, мед оз тшык: оз öд öтпырйö ставсö пуны.

Юрсö да кокъяссö сиктас иналісны: студень вылө ньöбысьыд век эм.

А лун-мöд коли, и сувтöдіс Настаöс сельповысь локтігөн öти нывбаба, коді кукань юрсö ньöбис.

— Мыйкö... этійö... кывсö тай нö эгö и аддзöй, кöсйим жаритны да, — шуис нывбабайд. — Али кывтöм и вöлі куканьыс, выль рöд кутшöмкö?

— Чöv?! — сöмын и артмис Насталөн.

— А сё збыль!

Сэссия нывбабайд мөдöдчис, а Наста сулалан и коли, шемöсö уси: синмыс куньтыра, вомыс калькалöма, сумкаа шуйга кыис кусыня, морöсас инмö, быгтьö тадзи и вугыртöма.

Увтыштис, кылö, Жульöыс. Пырк-пырк аслас тöдлытöг Насталөн вöчсис, кыз тай лёк вöтысь пальöдчылöны. Вöлөмкö, Жульöыс тэрмөдлö нин, мый пö сэтчö дувмунін, со пö öд гортыд.

— Чöv на тэ гортнад, — элясьыштис Наста. — Кывтыд помö на ми тэкöд ветлам. Лотö ордö.

Эз и ковмыв керкаас пыравны, звöз вывсьыс аддзис Наста Лотöсö: пуксьöма да важ коса выльысь пуалö, мед кыскö ытшкыштны йöз водалöм бöрас ли садьмытöдзныс на. Эм жö сылөн татшöм модаыс.

— Но, некор вольвтöм морт кыскö? — юаліс нисьö гарыштис Лотö.

— Сулö тай могойд, — вочавидзис Наста. — Сэссия чöскыд вöлі кукань кывйыд?

— Кутшöм кукань кыв?

— Кодöс вундöмыд аслыд вылө. Али эн тэ начкысь?

— Вай эн сөр, — бугжыльмуніс Лотö.

— Сöтышта вот этайö додь потшнас, — и быгтьö тшöктöмö пöрис аслас сідз шуöмыс. Наста босьтіс турун додь зэвтлан потш, коді уси син улас. — Юрад и косьышта, он кö висьтась. Ме öд абу почта вывсаыд.

— Но, ме, — повзис да шöйöвоши Лотöыд, косаыс весиг кысьыс уси. — Ийтавсис.

— Эз на тэнад йöйтавсьы, — вомаліс Наста. — И мед вöлі йöзыслы висьтасьöма. — Сэссия инасьыштöм сьöлөмөн вөрзис гортас. Воліс на эськö дум усьöдлыны Жульöсö Лотö вылас, но кутчысис, эз нин тешитчы.

Вежон мысти кымын, сельповысь локтігөн жö, Наста бара па-

ныдасис коркөинас сійө нывбабаыскөд, коді кукань юрсө ньөбис. Юалис сылысь, мыйкө кывсьыліс эз. И висьталіс нывбабаыд: гор-тас волөма Лотөыс, пукалөма-пукалөма лабич помас, да бергөдчөма жө сэсса кывйыс.

— Вот тэныд и выль рөд!— кайтыштис Наста да гылыда серөктис.— А төкөтө кө, бара Мыжа Наста мыжмис.

Но быттө тунъявсьөма тадзи аслыс, милиционер Мелешев та бөрын Настаөс пыравны корис. Мелешевыслөн сельсөветын торъя комната, өдзөссө сэтысь, кор ачыс абу пытшкас, көрт иганөн зэвтөма да колькъя томанөн томналөма. Татшөминад, көтө и пукавны, он на любөпырысь юртө суй.

И со колө. Он шу, дыш пө ли ог эшты. Юавнысө, мыйла нин друг Мелешевыслы ковмис, весиг эз гөгөрво Наста.

Эз на эськө ош гуө пыр, видліс такөдны тадзи асьсө, да нөйтчөмөн нөйтчис сьөлөмыс, кор восьтіс «Участковый уполномоченный» гижөда өдзөссө.

— Пуксьы,— муртса и лэптыліс юрсө да шуыштис Мелешев, бара сэсса гижны зунясис, быттө тырөма нин уджнас.

— А-а мый нө?— полөмөн юалис Наста.

— Пуксьы, тэныд шуөма.

— Но, пукся. А-а мый быттө менам сэтшөмсө вөчсьөма?

— Мыйкө вөчөмыд нин.

Видз вылө петтөдз сиктас ыджыд собрание вөлі. Сөрнитисны сэні, коді служащөйяс пиысь тшөтш вермас отсасьыштны. Сэки Насталөн и шусис:

— Мелешевө! Эштөма жө сылөн уджыс. Гөгйыс оз на вөрззы ни.

Ачыс Мелешевыс сэні жө вөлі, эз лысыт уна йөз дырйиыд дөзмыны.

— Позьө,— косіника кывъясис.

Код төдас, гашкө, өні думсьыс и зілис петкөдлыны Насталы, эштө оз видз вылас тшөтш петавны: гыжъялө сөмын перө помнас пунктөм бумагасө, личкөмысла вылыс листыс сямөд моз гартыштгчө, кутыштны лоө шуйга кинас.

Вочасөн кыскө Насталы бөр збойлуныс воис, доровтчыліс өтарө-мөдарө улөс вылас, сэсса мыджис гырджанас пызан помө, син бөжнас видзөдіс Мелешевлань, быттө карті юклөм сысянь виччысьө.

— Пукөдны али мый менө чукөстін? Крапка мөдарсянныс өдзөстө, дырджык кө он висьтав.

Мелешев кызөктис, лыбөдіс юрсө, ножмасьыштис, кутшөма зэлыд мундирыс лэдзис, да вөлись воча юалис:

— Мыйла морт вылас кинад воан? Код тэныд сэтшөм вöлясö сөтис?

— Мед оз кузькиась!— вежөртіс Наста, мый Лотöйд тайö норасьöма.— И эг ме сылы кучкы, ырыштчылі сöмын. Мый нö, соссьö да!

— Абу миян сэтшөм законыс, мед ас судөн. А парализуйтіс кö мортсö?

— А эз кö висьтась, мый сійö кукань кывсö вундіс? Сэк мед менö парализуйтіс?

Мелешев ышловзис кöрлөм чужöмөн, тыдалö, гөгөрвоис, мый тадзтö некутшөм помö сійö оз во Настайдкөд.

— Но, ладнö, ог нин кырымöд, а эськö...— сэсся шамраліс гижөм листсö.

— Век öд повзёдлö,— пöшти чиктыліс Наста.

— Ог повзёдлы, а öлöда. Верман мунны.

Бөръя кык кывсö Мелешев юрнас довкнитöмөн шуис, быттö весасьны тшöктіс. Наста вöлі чеччыны нин кöсйö,но паркис сылы тадзтö ыстöмыд:

— Ог бара ме öні татысь некыгчö вөрзья.

Мелешев чуймис, мышкыртчöмөн вöлі пукалö, а öдйö мöй эз велькöдчы:

— Та... тэ... А мый тэ?!

— А нинöм! Вот асьтö мыжала. Мися, понлы моз «шыть» шуис, юрнас довкнитіс да.

Мелешев бөр мышкыртчис, пызан дорышöдзгыс морöснас лэччысис. Сэсся эз и лэпгыв юрсö, гарыштіс:

— Позьö мунны. Али бара не сідз шусис?

Наста муртса эз пыльсун, кутчысис кызкө посводзöдзгыс, а сэнi эз нин вермы.

Быдөн ас ногыс ыргян, кыгкö и вывтіджык босьтö, но öд ловья мортыд пöсьвывисьыд и вунöдлан на, мый да кысянь кыгчöдз позьö.

Шуам, эз ков Насталы ырыштчывны Лотö вылас, коліс йöз водзö сійöс кыскыны-петкөдны да сэн висьтасьöдны. А эз кö сэн Лотöыс висьтась? Шöриөн сэк лёк славасö юкны? Öти йöз мед öти вылас чайтісны, мөд йöз — мөд вылас?

Таысь медсясö Наста и поліс. Мый-мый, а гусясьнытö сылы мыйкö пежос сөйөм кодь жö вöлі, мөвпыштöмсьыс кезйöдлö. Тшыг пöранас, кор ныла-пияс кок йылö сувтöдіс, некысь нинөм эз зептавлы, а öні оз нин пет вежыс.

Тырыс нин быттö лои висьталöма тайö ань йивсьыс. Но нöшта öтитор сулалö на казтыштны.

Дерт, и татшöмтор эськö позис на водзджык гарыштны. Бөръя

воясас карсянь кутісны ёна воливлыны. Локтасны машинаён да тыысь тыё видз вывт҃ыд жур҃ьял҃оны, чери кѡвт҃оны. Мед нин, шуам, чериыс, да быдмысь турунсѡ таял҃оны. Гѡгѡрвоисны потшны вадорас лѣчѡдан уличасѡ, томана шлагбаум сувтѡдісны. Кат҃ыд помас сѡмын туй коли, но сѣтї он лыб машинанад: видзѡднысѡ быт҃т҃ѡ кос, а збыль вылас няйт҃ыс нѣддзас муртса кенясьлѡ.

Наста вѡлі кукань видзѡ йѡр помас. Видзѡдѡ, карса машина лѣчѡ, морт дас, гашкѡ, кузовас; юѡмаѡсь нин, кодї мый кужѡ, сїйѡс и сьылѡ. Юалісны Насталысь, воасны оз татї вадорас.

— Воан, со кос да, — вочавидзис Наста.

И сибдісны нѣддзас. Рытывбыд сѣсся перй҃ысисны бѡрвыв.

Карсаяс пѡвстас зят҃ыс вѡлѡма татчѡс ѡти тѡтѡлѡн. И бара Наста мыжа лои. Горт дінас волѡмѡн тѡтѡыд пиняліс Настаѡс: тѡдан пѡ, а индан сѣтчѡ пырны. Но Наста нинѡмѡ эз пукты сылысь пинялѡмсѡ, сѡмын шуис:

— Лок сѣсся тїян дїнѡ ветлам, да асьтѡ водзѡс пиняла.

Тшѡкмунї тѡтѡыд, дзѡр҃ьявны кутіс, быт҃т҃ѡ узис-узис да дзик тѡдтѡминын паляліс. Сѣсся кыв эз сетлы, тапсѡдіс тѣрыба.

Кор тѡдан мортыд асьыд веськыдлунтѡ, сѣк онджык и падмы некод водзын. А содтыны кѡ татчѡ олан збѡйлунтѡ, сѣк кык зумыд лоан мортыд.

И быт҃҃ь сулалѡ казьтыштны, кыдзи Наста эз кывзысь совхозса главнѡй зоотехниклысь, веніс сїйѡс.

Идрасьѡ вѡлі Наста картаас. Кылѡ, код҃ьяскѡ пырисны. Видзѡдліс: отдѣленїеса управл҃яющѡй да совхозысь главнѡй зоотехник.

Киасисны, сѣрнит҃исны кыдзи век. Сѣсся главнѡй зоотехник и шуис:

— Аски асьыв эн тѣрмась йѡрад лѣдзавны. Машина локтас. Кукань дас карѡ лѣчѡдам.

— Татшѡм поснїяссѡ? — эз эскыссы Насталы. — Уна-ѡ на таянлѡн яй? Мыйкѡ, абу кѡ тї тыр сюсьѡсь-а?

— Вай ог кутѡй жалитны да йѡйѡс корсьны.

— А меным и жалѡсь. Быдмыштнысѡ конбѡр҃ьяслы онѡ сетѡй.

— Водз на эськѡ таянѡс да, — сѣтчѡ жѡ сїныштїс управл҃яющѡйыс.

— А план, значит, по боку? — наяна рочыштїс главнѡй зоотехникыс.

— План вылад тѣ эн ыстысь! — вомаліс сїйѡс Наста. — Онѡ бур йѡзыс моз вевтыртны зїльѡй, а ѡдїѡджык мынтѡдчыны сыысь. Тадзтѡ ѡд позьѡ и январын на вося плантѡ тыртны, став скѡттѡ сдайт҃н дай. Али тшыг҃ьял҃оны кѡнкѡ войтырыс?

— Вай огѡ кутѡй венз҃ыны, а вѡчам, мый колѡ.

— Мися, карын норасьоны, — эз өвсыы Наста. — Гожомын пö быд магазинын тырыс яй, а во помас шыд вылö некысь ньöбны. Медальтöгыс олан!

— Мый, кутшöм медаль? — эз гөгөрво зоотехникыд.

— Сэтшöм жö! Он бур вылö, а медаль вылö уджалан. Со пö öд ме! Ог ме радейт татшöмьястö!

Нинöм эз сяммы шуны татчö зоотехникыд, весиг скөр чужöм эз вермыв вöчлыны: оз дай тiрмунлö öтар бандзибыс, быттьö ном курч-чöмысь мынтöдчö. И сiдз петны картасыс эз лысьт, полис уськöд-ны асьсö Наста водзын. Уна здук коли ас выяс бөр кутшöмакö вотöдз, ышловзöмөн тшöтш сэсся нöшкыштiс думсьыс:

— Смотри! — и тöдчöдiс на кикарнас орчча сюрьяö, веськöд-чис öдзöслань.

— Мед, мый сэсся?! — мунны жö вөрзис да дольыштiс управляющöйыс.

— Абу мед, — аслыс моз кайтыштiс Наста.

Водз мукöд асывъясын серти локтiс сiйö аскинас картаö, зэв öдйö идрасис да вердiс-юкталiс куканьяссö, сэсся лэдзис ставнысö ывлаö, нуöдiс медылыс йöрас.

А главнöй зоотехникыс, вөлöмкö, узьöма сиктас, бара ачыс карта дiнад локтiс, сöмын эз нин тöрыгыя моз подöн, а грузöвик кабинаыс чеччис. Аддзис: карта öдзöсыд гурйив осьса, ловья лов сэн абу. Котөрөн — корсьны куканьястö. Лолыс тырöма — Наста водзö сувтiс.

— Тэ мый керсян, а? Али вежны позьтöмөн асьтö чайтан?

— Менам чиныд оз нин усь, кöть и чöвтасны менö татысь, — лабутнöя вочавидзис Наста. — А вот тэнö мед чöвтласны, мый сэк кутан вöтасьны.

— Ноко, öнi жö бөр чукöрт!

— Ачыл кутав да моздорад новлы.

— Каитчыны öд кутан. Абу нин ылын пенсияödзид, — кыв-кöрталiс зоотехникыс.

— Эн, колöкö, повзöдлы, — муртса вомсö осьтышглöмөн сöдзöдiс Наста. — Муна почта вылö да райкомсö и обкомсö шызьöда. Мед корласны да суйыштасны неуна кык пель костад вöйт-мöд вежөр кöть.

Тöрыт шöйöвошлi жö главнöй зоотехникыд, но эз на татшöма: войбыгыя зэрысь ютшалöм турун юр моз ляпкалi-лигышмунi, улыс льöбйыс öшалö, пинь ансö весиг оз сайöд, вомкötгыясыс вöйöмаöсь, быттьö вежон нин куш ва ылын олöма.

Наста шпыньмунiс аслас вермöмысь да тэрмасьтöг выльысь чшыгьянасис, ичмонь моз баябöжас гöрддзалис; сэсся мунiс кузь

вор дінö, восьтис сэтчö локтысь труба помысь крансö. Ва сяльгöм шы улас дыр на ас кежас нимкодясис. Чайтис, матыстчылас на сы динö зоотехникыс ли горöдас мыйкö сясянь, кытчö сулавнысö коли, но шы эз кывлы. Видзöдлис бөрвыв: ылын нин довгö зоотехникыд, копыра юра.

Бытгьö кык пыжа ва шöрын тангысьлісны, веныс тайö водзö эз петав. Наста, дерт, эз жö котöрт сэсся почта вылад, а зоотехникыслы, тыдалö, сэк йиджыштис жö.

Аръявылыс, кор собрание сиктас лои, зоотехникыс ошкыштис на докладас Настаöс: сылөн пö и привесьясид ыджыдöсь и ачыс пö принципиальной.

Вот и ставыс, буракö. Дерт, позис на мыйсюрö Наста йылысь висьтавны, но öд быд тувчöм, кыз шуасны, он вермы казътывны.

...Эжва дорса сиктын, карсянь катыдын, олö-вылö тайö уджач да аслыс дон тöдысь аныс. Позьö Мыжа Настаөн юавны, волöм кö сэтчö кодлөнкö лоö да адзöдлыны сійöс окота босьтас. Вись-таласны йöзыс и керкасö индасны. И узьныгö позьö сы ордö вöйысьны. Көть дасөн пыран, оз повзьи мукöд нывбабаыс моз.

Нимыс кызди сиктыслөн? Абу быть урчитны. Асьныд адзан-ныд, сэтчö-ö веськалінныд. Ас перйöм лөз изийысь памятник сулалö кольöм война ылын усьöмъяслы, пристаньсьыс пода туйыс сы динтi и катöдö.

НЫВ СИНВА

Агния лэптыліс юр весьтас шуйга кисö, видзöдлис часi вылö. Вöлі куим час, дас минуттöм. Водзтi кö, бурпöт нин узис, а тавой эз на куньлы синсö, пыр бергаліс.

— Пытш али мый сейö? Мый он узь? — шыясис паччöрсянь мамыс.

— Сідзи, — вочавидзис Агния.

— Мöскыд öд бөр на бурдас. Мый сэтшöма сы вöсна шогсян? Узь.

Агния уджалö колхозын дояркаөн. Сылөн группаса öти мöс чегöма навөлöкын йирсигас веськыд водз кок гыжсö, чотö зэв ёна, оз вермы ветлöдлынысö, лоö сулöдны картаын, рыт и асыв ваявны борйысь турун. Сійö мөссö и казътыштис мамыс. Но öни Агния думайтис дзик мөдтор йылысь. Рытнас, скöтнöй дворысь лэччигөн,

сійо вочаасис Косьта Васькакод, кодос эз аддзыв нин код тодас корсянь.

Васька вөлі дженьыд соска, быгалом, сера дөрөма, пыр новлөмысла лөсталысь сьод гача, зыртчөм гөленя сапөгтяса; ветлөма, буракө, сельпо: гач зепгас тыдаліс бутылка юр.

— Здорово, Агния!— чургөдіс кисө Васька.

— Здорово.

— Кыдз нин олан?

— Зэв бура,— Агния мыйлако нюммунис. Гашкө, сы вөсна, мый юалигас Васька нюмъөвтис жө.

— Талун клубад петалан?

— Ог тод.

— Мыйкө он тод?! Петав. Ме петала жө. Йөктыштам. Но?

— Но,— чөла косьысис Агния.

Клубө сійо вольвліс зэв геждө, сөмын сэк, кор кино ваясны либө собрание кутшөмкө лоө. А сідзи эз. Да мыйла и локтас? Сы кодъыс сэн некод абу. Ставыс сыысь томось, зонъяс көть нывъяс. Налөн асланыс сёрни, йөктөны либө ворсөны ас костаныс жө. Вөліны кө эськө тшөтшгьяясыс, сэк ещө на. Зонъяс армия бөрын пырисны уджавны: коді лесопунктө, коді райпромкомбинатө, коді карө муніс да милицияө пырис. Отнас Косьта Васька кольліс: ичөт дырйиыс пельыс виялөма да эз босьтны армияө. Да и сійо, паспорт судзөдіс да, пышйис. Нывъяс, кодъяс эз мунны водзө велөдчыны, пышгьялісны жө. Сэки колхозсыд унаөн мунавлісны. Агния ветліс жө фанерной заводө, но регыд бөр локтис: гажыс гортсьыс зэв ёна бырис. Быд вой вөлі гортсө вөталө. Локтис да пырис дояркаө. И өнөдз со уджалө. Дерт, өні ёна бурджык уджавнытө, он өткодяв воддзаыдкөд. Унаөн бөр локтавын кутісны колхозө, дзонь семьясөн. Выхьяс ясли стрөитны ковмис, сэтшөм уна челядыс друг лои. Агниялы шуткаөн моз унаысь нин шулісны: «Тэ нө мый он тшөтш лөсьөд? Мый виччысян?» Агния лэдзыштлас нюм, көть эськө аслыс и мөрчылыс сьөлөмөдзыс, да вочавидзас: «Мужиктөгыс?» Шмонитысьяс эз шөйөвошлыны да пыр жө содтылісны: «Коралөны тай вөлі, мед петін. Али тэн особөй кутшөмкө колө? Сэтшөмыд, дитя, миян абу». «Некод мен оз ков!»— крапкывліс сэки дөзмөм Агния.

Во-мөд сайын сійос збыльысь коравліс орчча лесопунктысь өти мужик. Но Агния эз мун сы сайө. Коралысьыс некутшөма эз во сьөлөм вылас: ыджыд арлыда нин вөлі, дай чужөмыс кутшөмкө плавкөс, быттьө пөв вылө нырсө ляскөма. Төлысь кымын мамыс бөрас кодзыда сёрнитіс, пөрысь нылөн кольөмөн повзьөдліс, сөсса, буракө, дышөдіс жө пыр өтисө дольны, а, гашкө, и нылыс жаль лои, да дугдіс. Бара зня-ныла кутісны овны шыч ни рач. Воас Агния

скотной дворысь, ужнайтас, пукалыштас радио дорын, и водас. Водзджыксё мамыс ещю на вöли шулывлас: «Петав коть ывлаас. Он öмой аддзы, рыгыс кутшöм мича? Мый пöжсьысь чипан моз пукалан?» — а öнi и сийöс оз шулы.

Ачыс Агния думсьыс энöвтчис нин аслас öтка олöм вылас. Тадзи сылы чайтсис бурджык мустöм сайö петöм дорысь. Но сьöлöмыс эз на öвсьы, ёнтывлis ордöм дой моз, корис кодöскö радейтны, сетны сылы уна воясöн чукöрмöм меллунсö.

И со воис Косьта Васька. И вöрзис Агниялöн сьöлöмыс, кызд вöрзывлö муртса инмöдчöмысь джуджыд кырийн куйлысь из. Татшöм кокни лои сы вöсна, мый Васька коркö кажитчылис Агниялы. Сьöдоват юрсиа, джуджыд плешка, гырысь, лöзоват синъяса, топыд вом дора, сийö торъялис мукöд зонъясысь, кыскылис видзöд-лассö нывъяслысь. Дерт, сэксянь Васька ёна вежсьöма: синъясыс абу нин сэтшöм сöдзöсь, паръясыс кызöмаöсь, калькалыштöмаöсь, — но и öнi на, кызд тай шуласны, вежтö петкöдлö. Агния сылы, буракö, кажитчылис жö. Гортсьыс мунтöдз, видз вылын уджалгөн, Васька вöли каяс льöм пу вылö да медмича розъяссö век сылы шыблалö. Сэксянь, дерт, и Агния вежсис. Рыгнас, клубö петтöдз, сийö матыстчылис стенин öшалысь рөмпöштан дорö да видзöдлис ас вылас. Бандзибыс коркö лежнөг цвөт рöма вöли, а öнi рудöдöма, быттö бус сэтчö йиджтысьöма, син гуранъясас зэв уна посни чукур, ныр кучиксыс кильысьсö. Агния весиг думыштлис, петны али не клубö, но сьöлöмыс вöйысис сэтчö. Петтöдзыс пудраалыштis чужöмсö, пасьталis во-мöд сайын нин вурöдлöм, но пöшти новальгöм лöз дзоридза платтьöсö. Тайö платтьöыс медлöсьыда пукалис сы вылын, мичаа тöдчöдис гöгрöс пельпомъяссö, зэлыд морöссö.

Кор Агния пырис клубö, Васька сэн нин вöли. Сийö пукалис гудöкасьысь бокын, аддзис да локтis Агния дорö.

— Йök...тыштам, — Васькаöс сутшиктöдис кывсö шуигкості. — Йökтыштам, — мöдысь шуис сийö.

Гудöкасьысь ворсис буретш «Выйду ль я на реченьку», кодöс радейтis Агния. Сийö пуктis Васькалы пельпом вылас кисö, Васька öдийö сывйыштis сийöс, и кутisны бергавны.

Васькасянь öвтis вина дукөн, сэтчö жö сийö ёна топöдис Агнияöс морöс бердас, но Агния эз пыксьы, терпитis, сöмын лэдзыштis юрсö, мед эз веськав сылы Васькалөн чöскыдтöм лолыс.

Сёрöдз йöктisны клубын. Васька регыд и мудзис, дөрöмыс лои брöд ва, но Агния эз пукöд сийöс, кыскылис сойбордийöдыс, ачыс новлöдлис, зилis косöдны öти рыгөн аслас воддза гажтöм олöмсьыс. Сэсся Васька кольöдис Агнияöс кильчö помöдзыс. Сэни сулалisны буре дыр. Кызвынсö сёрнитis Васька. Сийö висьтавлis бокын

олөм йывсыс. Көн сөмын абу уджавлөма: көрт туй вылад и, экспедицияд и, шахтаад и, гашкө, кызылаын кымын! Некрытчө дыр кезлө абу ошыйлөма — көні уджыс сьөкыд, көні этша воө, кытыс вөтлөмаось ичөтика юыштөмысла. («Ичөтикасө» шуигөн Васька вежынтьліс вомсө, коса нюмьөвтис). Овлөма кутшөмкө нывбабакөд, но абу гижсьылөма. (Тайос висьталөм бөрын Васька видзөдліс Агния вылө, виччысьыштис, оз-ө мыйкө шу сийө. Но Агния чөв оліс: сылы коліс ачыс Васькаыс, а эз сылөн воддза олөмыс). «Гашкө, гортө кольча», — помаліс Васька ассьыс висьтсө. Югыд надея дзирдыштис сәки Агния вежөрын да петкөдчыліс тшөтш чужөм вылас: нюмсер воліс сьөдоват синьясас, вөрзвылісны бандзибьясыс, паськавліс вом визьыс. Васька казяліс тайос, кутис Агнияос пельпомьясөдыс, кыскыштис ас дорас. Агния эз водзсась, сөмын пөлынтьтис юрсө. Васька бергөдчыштис паныдөн, копыртчис да топөдчис вом дорнас сы вом дорө. Сьөлөмыс Агниялөн сөмын ыркмуни...

Вой шөр гөгөр Агния пырис гортас. А өні куим час нин. И век на унмыс оз лок. Мөвпалө и мөвпалө. Со пукалоны найө Васькакөд Ен ув пельөсын. Агния кузь соска лым еджыд платтбөа, Васька — мича сьөд пинжака. Керка тыр йөз, горзөны «горько». Агния яндысьө, но быть лоө окасыны... А со Агния лэччө скөтнөй дворысь. Орччөн стрөйтөны выль карта. Сэні тшупсьө Васька. «Он на пажнайтөй?» — юалө Агния. «Лөсьөд, регыд локта», — вочавидзө Васька да бара заводитө тшупсьыны. Черыс дзирдыштлө шонді водзас... А со мунөны сикт кузя. Буретш праздник. Агниялөн моздорас еджыд тубрас. Сэні чөскыда узьө ичөтик... пи ли ныв ли. «Вай ме нуышта», — корө Васька. Агния небыда сетө сылы тубрассө. Йөзыс аддзөны тайос да вежалөны налы...

Мөвпалө Агния да нюмдывлө. Тешкодь, дерт, водзвывтө арталөмыд. Но вермас өд тадзи лоны. Сөмын мед Васька кольччас гортас да кутас... радейтны сийөс!

Асьявылыс сөмын унмовсьыліс Агния. Гашкө, эськө и дырджык узис, да чуксаліс мамыс: скөтнөй дворө колө кайны.

Сьөкыда коли луныс. Дзөнь воөн кажитчис сийө Агниялы. Шондіыс бытбьөкө крукасьөма кытчөкө енэжас да некыдз оз вермы лэччынысө, көть, судзан кө, тойышт мыйөнкө. Одва рыгыс воис.

Локтис Агния скөтнөй дворысь, зэв өдийө вежсис, сөйыштис и — клубө. Васька эз на вөв сэні. Но регыд пырис.

— Мый нин талун вөчин? — пуксис орччөн да юаліс Агниялысь.

— Менам өд өти удж. Лунтыр мөсьяс дорын. А тэ?

— Узи, — серөктис Васька.

Воис гудокасысь. Сувтісны йоктыны. Васька талун новлөдліс конкниа, лайкйөдлөмөн. Агниялы кажитчыліс весиг, бытгө сійө пукалө пыжын, а пыжыс мунө гыа ва вывті. Сэтшөм вөлі лөсьыд.

Йоктісны помся, коставлытөг, кытчөдз гудокасысь эз мудз да топөд гудөксө. Сэки вөлись казялісны, кутшөм ёна пөсялөмабсь. Петісны ыркөдчыны, лэчисны ю дорө. Юас лөня гыбалісны чериас. Ва весьтын, дзик берег йылас, муртса кывмөн кышөдчисны кызьяс. Асыввыв енэжын чусмис рытъя кыа кодзув. Мөдлапөлын норасыштис тевтя. Шань, унмовсьөдана вөлі рытыс. Васька чөв оліс. Агния чайтис, мый сійө думайтө өні гортас кольччөм йылысь, да эз жө шыась. Дыр сулалісны тадзи. Сэсся Агнияөс йирмөг босьтис.

— Мунам, — чөла шуис сійө.

— Эны на, — вочавидзис Васька.

— Мый нө сэтшөма думайтан?

— Сідз.

Агния йөжгыльтчыштис, кутіс виччысьны, но эз нин вермы терпитнысө да веськыда юаліс:

— Кольччан?

Васькаөс тайө юалөмыс чуймөдіс. Сійө эз сяммы дзик пыр вочавидзны, буракө, думайтөма мөдтор йылысь:

— Ме... Ме ог на төд.

— Эз өмөй быр гажыд гортсьыд?

— А мый бырас? Быдлаын өд йөз олоны.

— Мамсьыд эз быр ни?

— Ме өд абу нин ичөт. Мый мен мамсьыс?

— Тэныд, гашкө, и нинөм. А сылы өд өтнаслы тані сьөкыд.

— Ме ог төд. Эз на тай шулы-а.

— Воөмөн тшөтш өд оз шу. Яндысьө. Мам — мам и эм. Он кольччы? — эз лэдзчысь Агния.

— Кыдз тэныд висытавны? — Васька куньліс сингыассө. — Мый тан бурис? Но вот, уна-ө ті босьтланныд?

— Сизимдас өти шайт на колян төлысыс воис. А арнас и нянь дай турун на воас, мукөд посниторсө ог нин шу. Öні бара поэьө овны колхозад. Көркөя сертиыд?!

— Көркөя сертиыд, гашкө. А водзө?

— Водзө ещө бурджыка кутам. Дерт, кутам! Кольччы, а? — Агния коран сингыасөн видзөдліс Васька вылө. — Кольччан өд? Но, шу мыйкө, Вась.

Васькалы некытчө лои воштысьнысө.

— Кольчча, — шуис сійө бытгө мырдөн сорөн.

Но Агния радысла эз пукты тайөс пыдди, паськыда нюммуніс да топөдчис Васька бердө. Васька сывъяліс сійөс, окыштис, пуктіс

пельпом вылас юрсö, видзыштис. Сэсся ньöжйöник кутис йöткыны Агнияöс бөрвыв. Агния чайтис, мый Васька дурö, да эз пыксый, пыр бöрынътчис кызьяс улöдз. Сэни Васька сконтёвтис сийöс, кутыштöмөн уськöдис му вылö, ачыс уськöдчис. Агния гөгөрвоис, мый Васька көсийö, тойыштис сийöс вывсьыс да звирк чеччис.

— Тэ меным он эскы?— сувтис да ыджыд лов тырöн юалис Васька.

— Эска, но...

— Мый?

— Эн дур,— небыдика шуис Агния да лöсьöдчис мунны, но Васька бара топöдис сийöс, зилис уськöдны. Агния пескыльтчис, лёкысь йöткыштис Васькаöс:— Мун!

Виж югыдöн öзйисны сэки Васькалөн сингысяс, парьясыс тиралисны.

— Тэнад вöтлытöг муна!— горöдис сийö.— Колхозö кольöдö, аддзöма йöйöс! Тэ вöсна али мый кольчча? Тэ кодыд меным быд чаг улысь сюрö. Колантор!

Тайöс Агния эз нин вермы терпитны. Мед не бöрддзыны забеднöйсла, мурч курччис пиньсö да сувтис Васькалы воча. Да, сийö абу нин том. Да, сийö абу мича. Уджыс да кадыс уна босьтисны, мый вайлис сылы томлуныс. Но таысь сийö абу мыжа и смекайтчыны ас вылас оз лэдз. Сийö абу кутшöмкö коньбөр и көсийö, мед пунктисны сийöс пыдди, сэсся көть кодi. А оз кө!.. И Агния, ылö öвтышлöмөн, жвучнитис Васькалы зывöкмöм чужöмас. Сэсся чепöсийс да котöртис кыр паныд. Кыр йылас воис да вöлисти сувтис, веськöдис тырöм ловсö да видзöдлис горулас. Васька сулалис сэн на, ниртис ки пыдöснас банбоксö. Агниялы кокныдджык лои сьölöм вылас, но эз нин вермы кутны синвасö.

АСКИ ЛОÖ МИЧА

1

Клуб дорын, эжа вылас, мачасисны. Нывьяс чилöстлисны ывла тырнас, кор кодкö зоньяс пивысь чеччышлöмөн да вынөн кучкылис мачас. А здук мысти ставөн гизисны-сералисны нин.

Сэтшöм вöли сэни гажа, Раяöс кыкис и кыкис тшöтш сувтны кытшас. Но дилькмунли сьölöмыс, и бара педзан кольли сийö.

Ассьыс пай Рая тани мачаслыс жö. И шудапырысь жö чилöстлис, кор Юрий сылань гындыштлис мачсö. Вежджык сылань. Лöсялис-ны нин сэки найö.

А сэсся Юрийöс босьтисны армияö, и туйсö Раялы татчö, вор-санинас, быгтьö потшисны. Клубö волявлис сöмын кино видзöдны да бöрас кутшöмкö пельöсын сьылыштны, ныв шогсö пальöдышт-ны.

...Вы — солдаты, мы — ваши солдатки,
Вы служите, мы вас подождём...

Медся нин тайö кывъясыс ышöдлисны Раяöс морöс тырнас ливкнитны, быдөн пемдылас вöли син водзас кузя ножöдöмсьыс.

Но öни Раяöс нинöм нин эз дзескöд, бöр ачыс ас вылас ыджыд лои. И не кö забеднöйс, эськö важөн нин тшöтш мачасис.

Клубысь петис Öгрö Петя, очсьшгис, синъяссö кылöдлöмөн, да катласигтыр, быгтьö код, лэччис кильчö помас. Сийö öтнас кольч-чылис билиардасьны.

Тулыснас на воис Петяыс армияысь, но катласян модаыс абу и вежсьыштöма. Да и пельклуныс абу зэв содöма, сийөн оз и сувтлы некор мачасьнытö. А эбöсыс, гашкö, куйм мында: пилорама дорын уджалö да öтнас керьястö быгльöдлö.

Коркö öтнас вöли и пилитчöма, тьöс аслыс лэдзöма удж бöрас нин. Кöсийлöмаöсь отсьштны, да абу и сибöдöма: гортаныд пö нин ужнайтöй.

Востерöсь йöзыд лöсьöдлынытö. Но кöть и тазви быгтьö ыстис, мый сэн лёкыс? Мукöдыс юктальштöм понда и отсасьöны да.

Веськыда кö шуны, водзсö Рая эз жö ас сертиыс сийöс пуктыв. Но тарыг Петяыс дзык мöд ног сылы югдис, быгтьö ва сайö йöрмöмлы пыж ли пур. Йöрмöм мортыд тай этша нин бöрийсян.

— Петя, кольбöд, — ньöти яндысьышттöг и шуис Рая, сöмын ыркмунли жö бöрас неуна.

— Мы-ый? — чуймис зон.

— Кольбöд, мися.

— Дугды, йöйöс аддзöмыд.

— Збыль.

— А Юриkyд? Воас армиясьыс да?

— Сылөн метöг нин эм.

— Ыкшаась! — век на эз эскы Петя.

— Ньöти ог, — скөрмыштöмөн нин кайтыштис Рая да вöрзис мунöм вылö.

— Но либö, — нимкодпырысь дольыштис Петя.

...Өгрө Петя сайо Раялөн муномыс шызьөдіс став сиктсө. Өд некод тайос эз виччысь. Кодсюрө, вомаджыктыяс, весиг синмас нывлы шуасисны, мый нө пө тэ керсян.

Кывсьөма да, воліс Рая діно уджаланінас, фермаас, и Юрийлөн мамыс, коді тодтог эз ов пиыслысь да нывлысь таөдз лөсялөмсө. И веськыда юаліс:

— Рая, ме тай нө тэнө монь туйо нин пуктылі, а тэ... Мый нө сэтчө друг лои, мый?

— Юрөбідлысь юав,— лөга вочавидзис Рая, а сэссия, мед не бөрдзыны сы дырйи, котөрөн петіс ывлаө да дзебсис тракторөн вайөм турун додь сайо.

Эз кокниа сетчы Раялы и аслас мамыс, эз и благөслөвит, сідз кө нин шуны.

— Кыдз кужан!— дөжныштіс бөрьяпомыс.

2

Корья пуяс моз нывтысясид өдийөджык сөвмөны. Зонтысясид ньөжмыдджыка, быгттьө лыска пуяс. Бөрас эськө сэссия вөтөдасны жө да, пановтасны и.

И кызди корья пуяс сьөкыдыпырысь сибөдөны лыска пуястө керастысад, сідзи жө и нывтысясид өтдортчыштөны зонтысяссыд.

Но оз тай ков корсьөм, унаысь адзэывлан: кыз пу да коз пу дзик орчөн быдмөны, быгттьө өти вужйысь. Сідзкө, лөсялөмаөсь на.

Ас кадө, школаас велөдчигөн на, Рая мыйкө жө чукөртліс да нимкодысьліс киноартистыяса откырыткаяснад. Сэтшөм мичаөсь сэн ставныс, ёнось да повтөмөсь, он, буракө, өткодяв накод сиктса зонтыястө.

Но, вөлөмкө, и сиктса зонтысясид абу нин сэтшөм шогмытөмөсь.

Өтчыд уколавны мыйыськө больничаясь локтісны, классас и кутісны. Коді көсий — мышкас, коді көсий — сояс. И быдөн чукрасьөны, бөрас сөмын нюм вөчласны, медым помөдз не янавны.

Зонтыяс мышканыс уколөдалісны, озджык пө сәті доймы. А нывтыяслы сояныс ковмис, эськө йөз видзөдтөминын кө, мышканыс жө позис да.

Юра Меньшиков сойсө жө лөсьөдіс. Сувтіс да шпыннәлө, оз весиг мөдарө бергөдчы. И уколсө вөчигас пыр видзөдіс, нюмыс эз бырлы ни, быгттьө өтнаслөн сылөн ньөти оз доймы.

Таөдз Рая дузьяліс буретш Юрий вылас, эз на удит вунөдны ни көдзавны. Век мыйкө лөкөс сылы Юрийыс вөчө, бөрвылас пукалө да: то гырдызаас тувкыштас, то пеляс пөльыштас, то мыйкө ещө. А

төрүт юрсисö Раялысь чернилаалöма; серавны кутісны перемена дырйиыс, да вöлись казяліс.

Рая эськö зупшнитіс жö сэсся Юрийыслы балябöжас книгаон да. Мед оз дур сідзи.

Пуксис бөр Юрийыс аслас парта сайö, и Раялөн төдлытөг бергөдчысис сылань. Дузъялöмыс быттьö эз и вöвлы. Нюмъөвтсис на Раялөн.

А Юрийлы быттьö тайö и коліс.

— Со, колөкө!— шуис сійö да кыськö парта йөртөдсьыс перйис бритва тор, сэсся вирөдз визьнитіс сійөн шуйга ки пыдөссö.

— Йöй кө-а?— өлөдіс нисьö чуймис Рая.

— Энлы, адзылан на.

Рая эз кут видзөдны, бөр веськыда пуксис, но дэльөдөм бөрад сылөн эз нин дыр пукавсьы, бара бергөдчис. Шуйга кыис Юрийлөн шамыра нин куйліс парта вылас, ачыс öнтая моз шпыннияліс.

— Мый, ноко?

— Со но,— веськодпырысь гарыштіс Юрий да восьтіс шамырсо. Ки пыдөсас лөсьыда төдчисны куйм гөрд буква: «РАЯ».

— Мун,— шемөс усьлі, а сэсся быттьö лөгасьыштіс Рая, а ачыс ставнас пöсьмунлі.

Тасянь и пансис налөн лөсялөмыс. Школа помалөм бөрас кык-нанныс кольчисны гортаныс. Да и эз сөмын найö, унаон кольчисны.

Öні оз нин сиктгьясьыд карад том йöзыд сэтшöма уськөдчыны. Сэсся и бать-мамныслөн коркөя кодь ыстөмыс эз ло: татчö пö бара эн жö кольчöй, он кө көсйöй сьөдас овны. Öні поэьö овны сиктад, мортгуйыд кө эм.

Рая куканьяс дорö пырис, мамсö вежис, а Юрий мехколоннаö пырис, коді сиктас выль ыджыд карта лэптіс. Монтажник лои Юрийыс.

Армияс босьттөдз на Юрий ачыс шуліс Раялы, вай пö гөтра-сям, но мамыс Раяос сэк өлөдіс, эштанньд на пö, воас пö армиясьыс, да сэки.

Военкоматөдзис Рая кольөдіс Юрийос, эз нин гусьөн ов некодись, тшөтш и Юрий мамысь.

— Смотри!— шмонитөмөн, но мөрчана казьтыштіс сэки Юрий.

— Но,— нимкодя да эскөдана көсйысис Рая. Письмөасьтөг эз овны сэсся, эз öти выль карточкаон вежсьыны и.

Гожөмсö нин Рая тэрмөдліс, мед өдийөджык ар воас да лэдзасны Юрийсö, но мөдар путкыль виччысяна шудыс мөдөдчис.

Эськö сэтшөм жö письмө Юрийсяныс воис, воинскöй штампа, да кывьясыс мөд пөлөсөсь. «Эн сэсся гиж меным»,— помалöма.

Рая повзис, кымынкö лун öтнас шогсö шогалис, а сэсся, паныда-
сисны да, юалис жö Юрий мамлысь:

— Лэдзöны али мый нин Юрийтö?

— Оз. Арнас сйöс босътлісны да. Арöдз жö и видзасны. Абу
öд сылы торъя закон. А мый нö?

— Сідз,— соссис Рая.— Регыд пö тай нин локта да. Письмö
жö ыстöма да.

— Регыд и локтас. Арыд öд абу нин мусюр сайын. Лок зарава-
ысь ырöшön юктöда. Зэв чöскыд.

— Ог нин, пасибö.

Мый коли та бöрын Раялы мөвпыштны? Сöмын öтитор: мöд
ныв ылö Юрийыс ыштöма, тöдмасьöма нин сэні кодкөдкө, дыр-ö
нö зонъясыдлы.

Уси тöд ылас Раялы и Юрийлөн öтчид гижлём, мый муртса эз
тöдмась öти нывкөд. Сідзкө, сэки нин ылөдлөма.

Шогалис-шогалис Рая, а сэсся скөрмис и воштіс юрсö. Эськө
öмöй Öгрö Петя саяс петіс?!

Но со во нин ськөд олö.

Вөрзыліс жö эськө Раялөн сьөлөмыс, кор кывсис Юрийлөн
армиясыс воöмыс (да нöшта öтнасön, гöгыртөг, воöмыс), но он öд
уськөдчы, бара юртö вошты.

А Юрий сэсся эз жö дыр ов гортас, ва корсян экспедицияö,
висьталöны вöлі, инасьöма. Эм сэтшöм экспедицияыс, скважинаяс
сиктьясын писькөдö.

Кöні-мый öні Юрий ветлö, мед ветлö. А Рая аслыс донсö тöдö
жö, кöть и абу сьөлөмыс зэв местаын.

3

Рая локтіс сёрөн. Водзджыксö эз вевъяв, биыс куслі да. А
битöгыд öні фермаад китöм-коктöм кодь моргыд.

Энькаыс да верöсыс ужнайтны пуксьöмаöсь. Кыв эз шулыны,
удзöдам пö ли мый ли. Видзöдлісны сöмын, быгтьö эз-ö кодкө
боковöй пыр. Дöзмöмаöсь, тыдалö, виччысьбөмсьыс.

Рая öдйö мыссис да вежсис, тшöтш пуксис. Кынöмыс ёна сю-
маліс, но эз лысьт тэрыба панясьны: видзчысис вомалöмысь. Сідз
нин лосьбöдма: медводз энькаыс паньыштас, сэсся верöсыс, и вöлисс
Раялы позьбö.

— Совхоз пыкөд, сёйнытö он эштыв, миянös тшöтш тшыгйö-
дан,— шмонитны зильыштіс Петя, но дойдана артмис, аслас нюмыс
пыр и кусі.

— Мед эн и виччысьёй менё.

— Энё пö од виччысьёй?!— шыасис Öгрö, энъкаыс.— Сё пызан али мый кутам быд рыт лöсьöдны? Некод тэнö эз суй сэтчö постояннöяс...

— Эг нö ме водз пырав?— паныдаліс Рая.

— Петны нин позис.

— Петас?!— нерыштис Петя.— Партияö на пырö да. Кор нö, пöлино, сэсса соборуйтнысö тэнö кутасны?

— Аски,— висътавсис на Раялөн, эз нин эськö кöсйы да.

— Но, инö.

— А мый нö?— парскис Раялы тадзсö донйыштöмыс, быттö лёк туй вылö сйö сувтö.

— Век на тай абу пötöмыд да... активисталöмсыд,— юмыртлөм вомөн кöртыштис Петя.

— И мый сэсса?

— Нинöм, панясь.

Партияас пырöм кузя шыöдчöмад Рая висътасьлытöг и сетіс, бöрас нин вöлі энъкаыслы да верöсыслы кывсьöма. Гашкö, таыс нöшта нин налы абу любö? Дерт, бур ногөн кö, коліс висътасьны, но поліс водзвыв косöдöмысь.

Энъкаыс и верöсыс дзык öткодь этшаöсь, найö быттö мöдöдчöмаöсь и муноны, и мед, колöкö, коды абу дыш, пановтö. Но оз жö и ылöдчыны мукöд мозыс, йöз пондаыд оз манитчыны ни, сідз кö нин шуны.

Зоотехник Социалина Михайловна, ачыс выльөн на жö бöрийөм секретарь, чуйдіс Раялы партияас пырны. И медводдза рекомендациясö сетіс. Мöд кыксö сэсса эз жö ковмы корсьны-каньгыны. Куимнан рекомендацияыс зэв бурöсь, торйөн нин Африкан Ивановичлөн, коді вывтіджык нин ошкöма.

— Оз вот овсьы ныръясьтöгыс,— панясьыштисны мыйкö дыра чöла, да шуыштис Öгрö.— Котöра олөм сылы колö. А тадзтö öд кага ни баля оз жö лолы тйян.

— Коммунизмыс век лоö!— тыра вомнас нöшта нин мисьтöма серöктіс Петя.— Быттö пöжар вылö, сэтчö тэрмасьö.

— А тэ эськö и пöжар дырйиыс он уськöдчы тшötш кусöдчыны,— водзöс дöжныштис Рая.— Öзйыліс тай кывтыдад керкаыд. Öзгін чигаркатö гөлөвня помысь да бөр довгін.

— А тэ кусöдчин да кутшөмөс пальтотö вайин?— дорйыштис писö Öгрö.— Öд выльöс ковмис ньöбны.

— Ньöби кö, ачым нажөвита.

— А ми öти дозйö öні вотчам, вот!

Рая татчө эз нин кывъясь, кыз вермис, лөнбөдчис. Унаысь нин овлі, мый зыкөдз татшөм печласьёмысь вайөдліс.

Помалісны шыд тасыті. Энькаыс нуис сійёс кывтас да вайис мөд тасытын сола трескаөн пөжөм картупель. Рая ичөтсыныыс радейтліс тайё коми сёянсө. Но өні сылы эз пыр: көдзавны нин удитөма.

— Вайё пуктыламө плитка вылас?— корөмпырысь и шуис сійё.

— Кылалас, век эн пискаась,— вомаліс Öгрө.— Эг на көзөдысь кыськө вай.

— Пөсьнас өмөй абу чөскыдджык? И дыр-ө нө плитка вылас? А, Петя?

Верөсыс кыв эз сетлы, сөмын синнас луп-лапвөчис. Öгрөлы тайё содтөд кывыв лои, эз нин ков майшасыны сыысь, кодарө на пыис босьтас. Со тай, эз гөтыр-чодзув дорыс сувт.

— Чөскыдсө сельпо столөвөйысь мун да кор,— быттё бөрдзыны, ыростіс Öгрө.— А плиткаыд тэнсыд зептө на гутөдө.

— Гольмам!— эз нин вермы кутчысыны да ярскөба шуис Рая, пуктіс паньсө.

— Но, мытсаліс?!— лёкысь нурбыльтіс энькаыс.

Рая чеччис пызан сайыс да пырис пидіө, скөрийвсьыс чорыдджыка пөдлаліс өдзөссө. Мудзөм морт моз уськөдчис диван вылө. Сьбөлөмыс зутшйөдлөмөн дпкис морөспаняс. Мед лөнбөдчыны, бөр ас вийё пуксыны, судзөдчыліс да босьтис камод вылысь книга. Но букваысыс син водзас өти сьөд визьё пөрины. Лэдзис книгасө пидзөс вылас, ланьтөдчис куньса сингысөн. Тадзи кокныдджык лои.

Пыдйө пырис Петя, сувтіс гөтырыслы воча, ыджыда лольштіс:

— Тадзтө ме ог тө-өд...

— Ме ог жө төд,— муртса кывмөн, но ясыда вочавидзис Рая.

— Лоө оз мян олөмыд...

— Оз и ло!

— И Юрөтө на тэ думайтан... Мыйла либө свадьба вылад бөрдін?

— Бөрді кө, важсьыс на сэк бөрді, а өні выльсьыс ковмас. Ог ме вермы сөмын тиян кок туйё тувчавны, менам мөд нин вольсасөй.

Өдзөсыс пидйө воссис гурйив, бырсмуні-пырис Öгрө. Галя из рөма сингысыс сылөн югылісны кутшөмкө виж югыдөн. Таөдз сійё, тыдалө, кывзысьөма өдзөс саяс.

— Бара нин выль книга кутшөмкө?!— пондөдчис сійё.— Мый сельпоө оз вайлыны, ставсө — гортө.

— Эг тай вот тэнсыд юав,— эз жө коньөрө уськөдчы Рая.

— Дерт, он, он тани олөм йылысь думайт да. Думайтин кө өд, мыйкө и төдчис нин. Ноко? — шашаритчыліс сэсса Раялы кынө-мас.

— Мун сэтысь! — өвтыштіс сылы Рая сояс, эз нин сэтшөм ёнаысь.

— Ой-ой-ой! — равөстис Öгрө. — Петя?! Петя?! Мамтө өд нин со нөйтө. Видзөдан тайөс дай?

— Чегә борд вечиктө катшалысь! — мамыслөн кодь виж синъясөн жө арыштіс Петя да кватитіс Раяөс сойбордйөдыс, сувтөдіс диван вивсыыс.

Рая усылі сьөлөмнас, чайтіс, татчө и пурасны сійөс эня-пия, но сэсса кызкө бөр збоймөдчис да пескыльтчөмөн мынтөдчис верө-сылөн кутөмысь, тювкнитіс-петіс пыдісыыс, павкнитіс вылас посводз өдзөсдорса тувйысь гоҗся пальтосө.

— Бөр на өд локтан, — жермунлі Öгрө.

— Со! — вөзйис Рая и котөрөн ывлаө.

4

Паськыда да джуджыда лөзаліс тыртөм енэҗыс, сөмын ытыввылыс биа-гөрдөн рөмаліс.

Клуб дорын ызакылісны мачасысьяс, сэсса бытгьө ойбыртөма нин сиктыс. И бытгьө вой улө лым петөма, небыда пуксис туй ылаө тополь гөн.

Сьөлөм лөньөдана вөлі ытыыс. И аскисө зэв мичаөс висьталіс, шондіаөс.

А Раялөн морөс пытшкас муткыльтіс-пуис, и юрас быдсяма мөвпыс вошлі да бөр петкөдчылісны, кызди тай вабергачө веськалөм керьяс. Асланыс керка весьтас вөлісь сайкалыштіс. Сэтчань жө вот сылөн локсис. А кытчө сэсса, он кө мамыд дінө тайө шогнад медводз?

Пырис йөрас, каис кильчө содсө, өдзөс вугьяс нин кутчысис, и сэк Раяөс кутшөмкө дзерөдан йирмөг босьтіс. Сулыштіс сідзи, оз дугды. Гөгөрвоис лэччывны юкмөс дорө да юыштны йиа васө. Одыө и кокньөдіс, сөмын бытгьө жаявмөн мудзөмабн асьсө кыліс.

Ньөҗйөник, посводз стенас инмөдчалігыр, пырис керкаас, приступ вылас и пуксис, эз лысыт водзө мунны. Мамыс эз тыдав, гөбөчас кыліс.

Кык өшинь костсянь, гөрдөн мавтөм рама пытшсянь, Рая ылаө видзөдіс Рая, лыбышгөм бандзибьяса да читкырмуньшгөм руд синъяса, вот-вот серөктас. Кутшөм на шуда, шог төдтөм рамапытшса Раяыс!

Петіс гөбөчүсү мамыс, шердынын пызь петкөдіс:

— Но, мися, коді жө нин пырис? Мый нө сэтчө йөршитчин, эн өд төдтөминө юртө суй?

— Гашкө, ог дыр пукав да, — эз на лысьт висьтасыны Рая.

— Да көть личөдчыв, варовитышт мамыдкөд. Он тай зэв во-
лывлы.

— Некор. Ачыл өд менө куканьяс дінас ышөдін.

— Жальөйла, — нюм сорөн кайтыштіс мамыс. — Мися, мед нин оз йөз киө веськавны. Сідзи тай и шуи, кор пенсия вылад петі. А мыйкө... дзонь пув ведра на кольөм восьяыс эм, ну, вая да.

— Оз ков.

— Петяыл эськө зэв радейтө юмов пув ватө да.

— Оз, мися, ков, — нормис Рая, эз нин вермы кутчысыны.

— Он-ө бөрд нин? — казаятөг эз ов мамыс. — А мый нө, энькаылдкөд он лөсяв? Абу жө эськө сылөн югыд морттуйыс да, зэв на лөг кутысь. Төда өд. Да и Петяыс сэтшөм жө пыді сьөлөма. Коркө тай жытник вылас челядь вөлі кайөмаөсь, да сой кыза паличөн налы шыбитіс. Мися, веськаліс кө нө кодлыкө?..

— Висьтавлін нин, — дөжньштіс Рая. — Сөсы өтиторсө...

— А висьтавлі кө, эн и никсы өні. Төдөмөн Петя саяс мунін и меным сэтшөм сватгясө лөсьөдін. Вот тэныд, кывзисьтөмлы. А мый, сө господи, лои, мый? Рая? Мамыл өд юяся!

— Ме бөр гортө локта.

— Бөр гортө локтан?! — шай-паймунлі мамыс. — Тайө кывъ-
ястө бара мөдысь эн шу. Эн лысьт тайө мөгнад пырны ни.

— Да ог ме вермы сэн овны, мама, — сыркмуні Рая.

— Верман көть он, а вөчлы тэ меным йөз сөрнитө! Юрсиөдыд бөр и нуөда.

— Мортыс нө он сорасылы? Мыйысь тэ полан? Öні өд абу нин важ олөм.

— Выль көть важ. Ачым ыджыда бөрддза, а ог ме тэнө гортө сибөд. Ышы-пашө! Мужик дорысь пышйө! Ме эськө, пөрччысьлан кө!..

— Да ог, мися, ме сэн вермы. Пемыд гуын ме сэн быттө!

— Ачыл сийөс корсин. Эг ме тэнө сэтчө тойлы.

— Батьө кө эськө ловья вөлі...

— Тадзи жө шуис. Эн некор сы вылө ыстысь, он кө төд. Батьылды понйыс донаджык вөлі ме дорысь. Кутөдлас и окалас вөлі понйөс, а менө, война вывсьыс тай воис да, өтчыл морөс бердас топөдіс жө. Эг тай пышйы тэ моз. Сизимөс чужті да быдті. Тэ медічөтыс, да сөсся мед тэ дор сувті? Ог бара-й!

— Быттө некор менө эн и радейтлы.

— Нинөмысь öнi меным тэнö радейтнысö! — ордiс мамыс. — Пет, мед син водзын эн вöв.

Шытöг, гырысь синваöн бöрддзис Рая, кинас отсыштöмөн чеччис приступ вылысь да петiс. Посводзас сувтлiс на, оз-ö мамыс бöр чукöст, но мамыс, кöть и ояя да ояя жö, кылö, лыддöдлiс, эз весиг калькнитлы керка öдзöссö.

5

Рая кежис туй шöрсыйс да доровтчис потшöс бердö. Позис кö, войбыд эськö тадзи сулалiс, абу тай кöдзыд. Но абу на öд вой шöр бöр, ветлысь-мунысьыд лоö на, аддзасны да, быдöнлы висьтась сэк, мый тан жуйялö.

Веськöдчис да мөдöдчис нöжйöник потшöс пöлөн. Кытчö — ачыс эз тöд. Зурасис потшöс вомөн вуджавны пуктöм пöвийö. Видзöдлiс гөгöрыс. Йöрысь аддзис Ритаöс, лук градсö ёг турунысь весалö.

Öтлаын ськөд Рая велöдчылiс, кутшöмакö пöдруга на Ритаыс, кöть и оз нин коркöя моз волюсьны.

— Град весалан? — пырис йöрас да шуис Рая. Мыйкö öд шу, локтан морт дiнад да.

— А-а, эг и кывлы локтöмтö, — вочавидзис Рита. — Ме ог тöд, кысь та мында ёгыс, коймöдысь нин нетшка. Гашкö, мөгөн да?

— Сiдз, мамöясысь вöли локта...

— Час, помала. Пыралам, пукыштам, он кö тэрмась.

— Ог.

— Гашкö, водiс жö нин...

— Кодi?

— Кöзяин-господиныс, код сэсся. Бара тай сысьялöма да.

Риталөн верöсыс абу татчöс. Мехколоннакöд волiс, кор выль картасö лэптiсны, сэсся бöрсö эз и мун, кольччис дась позъяд. Эськö кывсьö вöли, юышталö пö, паськöмыс — мый вылас сöмын, мичлуныс котасьöм ракалөн мында жö, да кызкö тай босьтöдöма асьсö Риталы.

Абу на и водöма вöли Риталөн верöсыс, кор пырисны керкаас.

— Кыськö тай эм, — Раялы моз, гусьöндзи шуыштiс Рита, а сэсся лöвтана модаөн верöсыслы пондiс дöжнасьны: — Йöзыслөн телевизорыд и, пеласян машинаыд и — мыйыс нин сöмын абу, а миян некор нинöм оз и лолы.

— Со тэныд телевизорыс, — вочакывъялiс верöсыс да дiпöдыштiс аслыс морöсас.

— Сійӧ и эм. Быд рыт керка тыр гаж. Кӧть эн и водлы.
— А пеласян машинаыс ачӧд. Мед эн бабаӧн чуж дай.
Рита ньӧти эз лӧгась таысь, а, гашкӧ, Рая водзын эз кӧсйи
петкӧдлыны, небыдика, кевмысьӧмӧн шыасис:
— Вод сӧсся, ог пиняв.
— Час, сьыльшта на да,— кайтыштіс верӧсыс и збыльысь
сӧсся сьывны горӧдіс:

Рита, Рита, Рита-та,
Месӧ тӧнӧ радейта.
Корьясӧкӧ нӧйтлывла,
Коркӧ ӧд и кутлывла.
Он кӧ ӧні жӧ бурась,
Кысь нӧ ме кодъыс сюрас.

— Но, вод сӧсся, а? — бӧрддзӧм водзвылын моз ышловзис Рита.
— Но, вода, зэв кӧ тай.
Тыдалӧ, Раяысь на яндысьыштіс, синбӧжаліс сійӧс да чеччис жӧ
сӧсся Риталӧн верӧсыс, пырис пыдіас.
— Лок водзлань, пуксьы,— корис Рита.— Ӧнтай пыдӧссӧ
чашкаӧ кондыштілі тачкан горшлысь, да юам ми тӧкӧд шӧриӧн.
— Оз бара ков,— пыксис Рая.
— А збыль, гашкӧ, могӧн да?
— Сідз.
— Мед эськӧ вот нылӧдзыс воан, да он и петавлы сӧсся,—
гарыштіс Рита да пуксис Раялы воча, джодж шӧрас улӧс вылӧ.—
Гозья олӧмсӧ кӧть он тӧдлы. А мый татшӧм олӧмсьыд?
— Нинӧм и эм,— чайтіс, збыльысь Ритаыс сӧрнитӧ, да сюрт-
чис Рая.
— Тян кӧть Петяыд оз ю, мый босьтлас, ставсӧ гортад вайӧ.
— Вайӧ...
— А мый сӧсся тэн колӧ? — чуймис Рита.
— Дыр ковмас висьтавыны,— шуис Рая да чеччис.
— Мыйлакӧ эськӧ тэ волін на да? Висьтав но, оз ӧд пет не-
кытчӧ.
— Узьны, мися, он-ӧ лӧдз?
— Узь, тӧран. А-а?..
— Овсис на менам сӧні.
— Вай эн йӧйтав,— скӧрмис сӧсся быдӧн Рита.— Мыйыс
гозья костад оз овлы да. Войдӧрлун на юрӧ сартас пескӧн кучкис.
Талун бара со код. Палялас да пондыны кутас...
— Либӧ эн и терпит.

- Лоо өд. Заводитөма, да быть ов.
- Мыйла нө быть? — чорыда жө шусис Раялөн.
- А мый нө, өткөн кольччыны? Омөлик көть пө, да аслам! Со кызд на сёрнитөны мужик йывсьыд.
- Ачыл жө тай элясян, мый пө татшөм олөмссьыс.
- Мый эськө ог шулы да, — серамө бергөдис Рита. — Эг на дзыкөдз йоймы, мед... Мун, велөдан сэни...
- Но, ачыл төдан, а ме ачым жө, — төдчөдис Рая.
- Йойтав. Кодөс сөмын тадзтө дойдан-а? Асьтө на медводз.
- Ньоти ме ог дойдөм понда, мыйкө гөгөрвоан кө...
- Ог бара ме тэнө гөгөрво, — дольыштис Рита.
- Но и олас.
- Да узь, колөкө. Ог тай вөтлы.
- Метөг нин тиян дзескыд, — көртыштитис Рая да петис ывлаө.

6

Бөр локны мустөминас да монявны — татшөм мөвпсө Рая матө эз сибөд. Узяннн лотөмыс эз жө падмөд: вадорө лэччас да сэни войсө колялас, асьявылыс сэсянь картаас и каяс, некод оз төдлы.

Мөдтор Раялысь сьөлөмсө нетшкис: сэтшөм лөка али мый нин вөчис, мунис верөс днсьыс да? Мыйла ни мамыс, ни Рита пыдди эз пуктыны сылысь мунөмсө?

Вунлэ Раялөн өд скөрийывсьыд, мый аски партийной собрание лоө, шыөдчөмсө сылысь кутасны сэн видлавын. Уси тайө төд вылас, и лигышмунлэ став тушанас. Öд он висьтась, да ылөдлөма лоө, а висьтасян да, гашкө, асьсө жө сийөс медводз и мыжаласны, кокниасян пө, шуасны.

Быттө артыштөмөн и локсьөма, Африкан Ивановичлөн керкаыс тыдовтчис, югыд биа. Ачыс Африкан Ивановичыс тыдалис өшинь пырыс и: газет лыддьө пызан помас. «Ноко, мый сийө висьталас, кодарө шуас?» — телепит лои Раялы пыравны сы динө.

Африкан Ивановичыс коркө велөдлэс на Раяөс, историяысь да физкультураысь. «Носки розбөн» сэки сийөс син саяс нимтисны. Видзөдлас вөли стройө сувтөм челядь вылад да горөдас: «Пятки вместе, носки врозь!» А челядьыд оз зэв гөгөрвоны.

Öни Африкан Ивановичыс оз нин велөд, петис мыйлакө школасыс. Метеопост — öни сийө танэ, кыкысь лун, асывнас да рыгнас, телеграмма карө кучкө. «Метьöөн» öни сийөс син саяс шулывлөны. Көвьясьө жө вот мукөдыслы содтөд нимыс.

Дерт, Африкан Ивановичыс лэчыд кывъя жö ачыс, быд не-
лючкиысь морттö кык пöв гогналас. Гашкö, таысь сылы водзöс
мынтöны?

— А-а, Раиса Васильевна!— öдзöс шы кылöм бöрын лэптис
юрсö да чолöмалис Африкан Иванович.— Лок, шойччы. Волнуйт-
чан? Ясное дело!

— Ме ог тöд, кызди ме аски кута...— полис пуксьынысö да
джодж шöрсяныыс и панис Рая сёрнисö.

— Вай эн смешит. Нинöмысь тэн повнысö. Уставтö тöдан,
текущöй политика... в курсе, одним словом. Уджалан бура, при-
весъясыд медся на ыджыдöсь, по совхозу кö босьтны. Морально
устойчивöй!

— Муні ме талун.

— Кытчö мунін? Кытысь мунін?

— Кытөн овлі öнөдз.

— То есть, мужик дорсьыд?— шемöсö усълі Африкан Ивано-
вич.— Но, тайö нин, понимайтан... не то, ме эськö шуи. Не то,
Раиса Васильевна.

— Сійөн и пыри, мися, мый ті шуаннид,— висьталіс Рая.

— Ог одобряйт! Тем более татшöм ответственной кадö тэнад
олöмын.

— А ог кö ме сэсса вермы сэн овнысö? Налы медтыкö вöв
моз он и шыаслы. Налы куш киён öгыр босьтöм кодь кодлыкö
буртö вöчöмыд.

— Допустим. Но тэ сёрнитлін накөд, видлін переубедитны?

— Этша нин найöс венан. Öткөннад ещö.

— И один в поле воин,— паныдаліс Африкан Иванович.—
А пышйынытö медся кокни. Оз, тадз оз позь.

— Ме ог тöд сэсса, позьö ли оз,— кайтыштіс Рая.— А бөр
сэтчö мунысь ме ог ло.

— Сідзкö, нинöмла аски и собрание вылас тэн локны. Отложи-
там тэ йылысь вöпрссö. Ме ог кöсйы, медым ме вылö тшöтш
пятно водіс, сэтшöм-татшöмöс пö рекомедуйтö.

— Сэтшöм-татшöм нин сэсса ме лои?

— А мый тэ думайтан? Семейтö кисьтан? Кисьтан. А мый
программаад по этому поводу шуöма? Быд ногыс, всемерно укреп-
лять семью!

— Кутшöм семья öд ёнмöдны, а кутшöмöс и кисьтны, гашкö,
бурджык. Быд семья абу на öткодь.

— Согласен,— нюркнитіс Африкан Иванович, быттö Рая дор
нин сувтіс.— Мырдөн ми некодöс огö тшöктö овны. Абу на сэтшöм

законьс. А коммунист и семья вöсна должен тышкасьны. Вот тадзи ми понимайтам тайö вопроссö!

Он, буракö, сэсья вензъы. Рая весиг кыв ни джын эз слöймы водзö шуны, кыкнан кыяс тшöтш лётмунины, сöмын лолыс некутшöма на эз инась. А Африкан Иванович шпынняялис нин ас кежас. Сийö, тыдалö, чайтис, мый мörччис жö тырвыйö тайö асруа ичмоньыслы.

7

Эз на Раялөн лэччыссьы вадорад, көни войсö көсийылис колльыны. Збыльысь öмöй нö нин сийö сэтшöм-татшöм? Тайö мөвпыс и вайöдис сийöс Социалина Михайловна динö.

Том на жö ачыс, комын арöсыс на абу, Социалина Михайловнаыс öйö и пырöдчис сиктса олöмас, быдлаö сылы мог лои, бытгö эз сöмын зоотехникөн сийöс татчö вуджöдны. Нывъяслы да ичмоньяслы нöшта сьölöм выланьыс воис сийö ас бөрсяыс видзöдöмөн: он, буракö, сийöс лезь юрсинад адззыв, тшайподнад да, и халатыс врачлөн моз век сöстөм.

И верöс водзас асьсö уськөдтöмыс тшöтш ружөн лои сиктса аньяслы, ыстысянтор налы мывкыдас сыйис. Эськө бригадир-механик жö верöсыс, абу шыблас морт, сідз кө нин шуны, да Социалина Михайловна нэмыс кежлö доддялöма сийöс аскöдыс орччөн. Видзöдан да, мыйсö оз вöч верöсыс уджсьыс öтдор: ватö пыртö, джодждöратö пыркөдö, кагайдла садъяд котöртö, пожъясьнытö вадорад тшöтш лэччылö, сельпоад сулалö, — ставсö он и лыддьöдлы.

Медводз, дерт, фермаын асьыс киподтуйсö петкөдлис Социалина Михайловнаыс. Сьödз нинөм вöли оз сулав локны сёрмөмөн, а то и юыштöмөн (эм öд и баба-юышталысьыд), а öни мед кодкö тадзтö вöчлас. Ачыс Социалина Михайловна идрасяс, вьль морт сюртöдз, а оз сэсья удж дисциплина торкалысьтö сибöд. Мукöдыс вомнас пондылысны босьтны, пинясьöмөн, да кывйыд сьлөн эз вежсьыв.

И абу нин сэтшöм чорыд сьölöма Социалина Михайловнаыс, нинөм абусьыд морттö оз дойд ни öмöльт. Öтчыд Рая вылын кутисны серавны, мый век на абу кынöма, кор нин верöс саяс петис-а. Сэки Социалина Михайловна зэв лöсьыда сийöс дорйыштис:

— Онö кө эськө дугдöй тайö йöй сёрнисьыд, асьнытö вузала, больничнöй листьястö чукöрта да.

Та бөрын сэсья эз нин Рая вылö зыртласьны. А Раяс кыскöмөн кыскыны кутис Социалина Михайловна динас, бытгö велöдчысьсö радейтана учительница динö.

Дерт, удж кузьясджык Рая сыкөд сёрниас пырліс, а аслас олөм йылысь эз гарась.

И со сідзи могмис, мый он нин сэссия нинөм дзеб.

Социалина Михайловна абу на вөлі водөма, мыськөм тасьті-пань ки чышкөдөн пызан дорас косөдіс, кор Рая пырис. Чөвтліс синсө пырысь выло да зырөдіс веськыда, быгтьө эз көсий лэдзны водзө порог дорсьыс:

— Кымынысь өлөді, энө комбикормсө унаөн сетөй, измө сійө сөпөлөскаас да и йөв сөнсө куканьыслысь госсөддө да векнөдө. Шулы коть эн! А висьмас скөтыд, да ме дорө!.. Ок, эськө жө да!

— Социалина Михайловна, эз некод менам висьмы,— лөньөдіс сійөс Рая.— Ме дзик мөдтор кузя. Кыдзи парторг дінө.

— А мыйла, сідзкө, бөрдөмыд?

— Ог ме, буракө, аски собрание вылад лок.

— Но?!— эз сэтшөма чуймы, кутшөма дөзмис бара Социалина Михайловна.— Вот мый, Раюк, дона ныв... Кор тэ верөс саяд вөлі петан... петан нисьө он вөлі, ме сэк эг лысьт тэныд нинөм шуны, коть и гиляліс жө кывйөй. Ме өд баба рөд жө, вома и, синма и, пеля и. А өні шуа: тайө абу ворсөм, абу кыз гажөн олөм партияд пырөмыд!

— Да оз нин меным, буракө, позь... Муні ме...

— Верөс дінсьыд?

— Да. Сьөлөмөй менам сэн потны кутіс. Сэссия вот веритөй коть энөй.

— А ме верита. Да лок, пуксьы. Ме өд төда найөс, эня-пияөс. Коркө вотчыны вөлі мунөны. Йөй юрнад ме тшөттш вөзйыси, мися, ог на төд тась вөрсө да. Нинөмла пө быдөнлы төднысө, Петьяыс шуис. Да өд эн и радейтлы тэ, буракө, сійөс?

— Эг,— веськыда вочавидзис Рая.

— А мыйла нө эськө петін сы сайө? Эн лөгасы, ог ме дивит ни вид, а юала.

— Скөрийылысь. Мися, меным өд сюрө жө мужикыд.

— Но вот,— ышловзис Социалина Михайловна.— Колөма жө меным өлөдны тэнө, кор ачыл падьялан вөлі. А Юраыдкөд нө мый тіян лои? Эн яндысь, ог некодлы сукляв.

— Гижис да, армиясянбыс на.

— Мый гижис?

— Эн пө сэссия гиж меным. А во джын на служитнысө кольлі. Ме и думышти...

— Гашкө, абу на и гөтыра? Өткөн тай армиясьыс воліс-а.

— Веськодь!— ордіс Рая.— Аскисө меным мый вөчны-а?

— Локны собрание вылас. Али сэтшөм нин сьөлөмтөмөн ми-
янös чайтан?

— Африкан Иванович тай, пыралі да, пятно мен кутшөмөскө
казьтыштис.

— Ог на ми сылысь кывзысьбөй, — ышпөдіс Социалина Михай-
ловна. — Мортыс абу гач ли ковта, мед химчисткаö сійös сетлыны.
Вай эн на вийсьы сэтшөма. Мун да вод, да узь пөттөдзыд. Ой,
энлы, кытчö на өд и мунан? Мамыд дорын вөлін нин?

— Вөлі.

— Мый нө шуө? Дерт, бөр ыстө?

— Оз нин лёкысь, — соссис Рая.

— Но и бур. А ме аски ськөд сёрнитла жö.

8

Рая мунөм бөрын мамыс дыр на бөрдис. Öд кывнас көть и
лөкаліс, важ оласногсьыс на петіс, а сьөлөмыс ёнтытөг эз ов ас
быдтас пондаыд. Абу өд висьысь пинь вуж сійö, ас быдтасыд, мед
дзикөдз нетшыштөдны.

И öні на мамыс бөрдышталіс, нянь көтны пызан дорас сувтіс
да.

Но со кодкө пырысь лои. Öттшөтш повзис и дузгысис пөрысь
ань: мый и шуны, бара кө Раяыс?

А пырысьыс вөлөм Юрий, рудөдз бусөссьөм камашиа да гач
кокьяса, быттьö абу нин коксö лэптыштлөма туй вылас, восьса
юрйыла да пуджөм сосьяса лөз дөрөма, пельсяньыс пельөдз тошка.

— Здорово! — пырөмөн тшөтш гораа шуис Юрий. — Али эн
төд, Öдюк тьөтка?

— Эг төд тэнö, Юрөös?! — кедзовтыштгөмөн дольыштис Öдюк. —
Кысь нө нин усин?

— Уси кө өд, дойми.

— Но, кор либө воин? Тэнсьыд өд, ыкшальсь, и юавныгө на он
куж.

— Талун. Гажтөм тай босьтіс, да час, мися, петала сиктас. Сэс-
ся татчö пырсис...

— Яндысьтөм синлы тай пырсьö на. Оз эськө ков тэнö керка
помö сибөдны да.

— Эг на ме Раятö сэтшөма ылөдлы, — дорйысьыштис Юрий. —
Нылөн на ме пайысь кольлі...

— Эз нө сійö тэ вылө надейтчы? — юрнас гогйөдлөмөн, мед
мөрччыласджык, юалис Öдя. — И ме тшөтш сэтчö, пөрысь выжы-

выд. Сё мортлы, гашкө, карточканад ошйысылі. Со, мися, зятьпуой...
Танк дорын тай сулалан, куим визя погона... Ыстасян сэн! Он кө
нө любит нывсө, мыйла сідзсө уджалан?

— Гашкө, и любита да. Ачыс на сійо...

— Укватала вот!— пузылыс Öдюк.— Мед сёлаті юрыд потлө!—
сэсса лөнбөдчис да юаліс:— Öтнад али гоэйон... воин быгтьбө?

— Öтнам.

— Мый он вайөдлы гөтыртө коркө? Видзөдлам көть, кутшөм-
джык. Гашкө, мойдвывса кодь?

— Абутомсө ог вайөд.

— Но?! А мый нө эськө он гөтрась. Али менам ёрөмысь
полан? Абу еретнича, эн пов.

— Дьш нин өні,— шуыштіс Юрий.— А Раяыд нө кыдзи нин
олө?

— Зэв бура!— ылөдліс Öдюк.— Талун на пыраліс, помала
вашгьялө. Мися, вөлома на енмыд, бур мужик сайө веськаліс. Тэ
сайө кө, код төдас на-а...

— А мый нө эськө йөзыс висьталөны? Свадьба дырйиыс пө
на бөрдөма Раяыд?

— Кодзыштіс да. Мукөдыс тай коддзасны и бөрдөны. Ме
ачым сэтшөм.

— А оз Раяыд любит сійөс!

— Кодөс нө? Тэнө?

— А ме эськө... вайи на Раятө,— польштөм сорөн гарыштіс
Юрий.

— Тэ нө йөй али прөсуж?— весьөпөрлі Öдюк.

— Йөйнас вөлі нин. Öні прөсуж. Ветла вот и корла Раятө
петавны.

— Збыль тай тэ абу тыр сюсь?! Али этша нылыс, мужика баба
ковмис?

— Коді өд колө,— төдчөдіс Юрий.

— Ок, өні и укватала!— арыштіс Öдюк.

— А ме, гашкө, Рая пондаыд и локті. Но, укватав, сэтшөма кө
кыйд лудө. Ог пышйы, лөсьода на мышкөс.

Öдюклөн кисьыс кумлиыс муртса эз усь, мөд кинас удитіс кут-
ны да пуктіс пызан вылас, ачыс ставнас лигьшмунлі, эновтіс сэсса
нянь көтөмсө да кольмылөм морт моз сьөкыда пуксис пызан дорас,
здук-мөд мысти вөлись шыасис:

— Юрий, дона пи, сө ен могьсьөн... эн нин менө бөрдөд. Мед
нин коньөр, петөма да, олө, кысь нин эськө бураыс да. Но мый нө
нин өні вөчан, мый?

— Мед мунас Петьбө дінсьыс,— эз өвсьы Юрий.

— Ой, оз, оз, оз!— воча кыв видзис Öдюк.— Спирт доз ньöблi зырасьны... Вая да ю усьтöдзвiд, а эн жö бара тайö думтö йöзö петкöд.

— Веськодь мен винайд.

— Но луныс воас, сэтшöма кö нин Раясö... О, господи, мый он кöсйи, сийö и шусяс. А тэдзык жö эськö колан да.,— пидзöсас кучкальштöмөн бöрддзис Öдюк.— А öнi он лысьт!.. Гортад мед вöлi мунöма!

— Но, ладнö, — кывъясис Юрий.— А тэнö ме, Öдюк тьötка, коркö тьöщайн шула на. Вот аддзылан!

Кор Юрий петiс, Öдюк видзöдлiс öшинь пырыс, кодарö сийö сетчас. Кык зептас кияссö суйöмөн да копыра юрөн, паськыда тувчалiгтыр, Юрий веськöдчис кытчанькö вадорлань.

9

Мича рыгтя вадорыд гожöмнад. Вой улö пемдыштöм енэж кодь паськыда шуныгысь Эжваыс, а мöдлапöвса лыа дорöсыс быгттьö чувшьштöм кыа. И чери кыйысьяслөн öтка-öтка бипурьясыс тшöтш сэтшöма лöсялöны: найö быгттьö кодзувьяс пöртмасöны.

Войыс югыд на, да ылöдз тыдалö. Кымын юр чöвттöм на кольбöма мукöд видз вылас, позьö весиг лыддьыны. Тыысь тьö жыдачьяс лэбалöны, турунаöсджык корсьöны, и налысь лэбöмсö казялан.

А тöлыс мöдлапöвсянь жö пöльтышталö, рыгтив-лун тöv, и быд-сяма чöскыд кöрсö вайö: еджыд бобöнянь көр и воысь льöм кор, выльöн сиралöм пыж көр и тшын көр. Ытшкан трактор öти видз бöжын сулалö, и сьлөн кöрыс тшöтш кылыштö.

Вичко дор кыр йивсянь Рая бурпöt видзöдiс мöдлапöлас да морöс тырнас лолалiс чöскыд сынöдсö. Öти здук кежлö вунöд-чылiс шогсьыс. А вадорас век на эз лэччыссьы.

Медбöрын шуис выльысь пыравны мамыс дiнö: гашкö, оз нин мöдысьтö вöтлы, петас жö жалыс.

Тайö думнас и вöрзис Рая и муртса эз горöд чуймöмысла: кыськö Юрий друг сэтчö усьбöма, негырыся сылань осьльышталö, быгттьö вольк вывтi.

— Мися, кодi жö?!— ачыс чуймöма жö, виччысьтöмысла повзьыштöмөн шуис Юрий да сувтiс, эз дзык матöдз лок.— Колö жö таdzi паныдасьны?! Эн на мун но!

— Нинöм менам татчö эз вош,— кöдзыда вочавидзис Рая да сетчыштiс бокöджык, быгттьö пышйыны лöсьöдчö.

— А ме, гашкө, бөр гортө локта. Дышөдiс нин йөзас овны.

— Ме вöсна.

— А ме, гашкө, буретш тэ вöсна?!— кайтыштiс Юрий.

Раялы эськө вот öнi и вөрзьины да вылын юрөн восьлавны, мед коть тадзи нöшта водзöс дойдыштны асьсö Юрийсö, но мыйкө кутiс на: вешйыштö и вешйыштö педзыштöмөн, а ыджыдджыка оз тувчыссы. И кывйыс быттö быри. Тайö содтöд ызийдiс Юрийöс, ньöти кытшлöдлытöг нин водзö сийö сёрнитiс:

— Мырддя ме тэнö... Абу тэ сълөн. Менам тэ!

— Менам пö öд,— шогпырысь, но мыйлакö серöктыссис Раялөн, эз эськө на ков да.

— Менам!— дзик зонка моз сувтiс Юрий аслас кыв вылö.

— Ачыл мыжаыс.

— А кодi кодöс водзджык скöрмöдiс?

— Ме тэнö мыйөнкö скöрмöдi?

— А кодöс мотоциклас гурийöдлiсны?

— О, господи!— пöчö моз шай-паймунi Рая.

Вадорысь, куканьяс дiнысь, кайö вöли Рая пажнайтны, и мехколннаысь прорабыс сийöс вöтöдiс. Купайтчыны лэччылöма мотоциклас. Гургöда пö, шуис. Но, Рая и пуксис, кутчысьыштiс сылы коскас. Гургис горт дiнöдзыс. И на тэныд— кодкö сулялöма таысь сийöс!

— А мый нö эськө, абу збыль?— дзугсьöм гөлөсөн нин юалiс Юрий.

— Збыль, збыль!— нерыштiс Рая да чышкыштiс чепöсийöм синвасö.— Эскыны колö быд сөрöмыслы!

— Письмö воис да. Ог тöд, кодянь-а. Со на, колökö. Лыдды, абу жаль.

Чöвтлiс сöмын Рая синсö письмö вылас и тöдiс Риталысь гижанногсö, ярскöба шуис:

— Ну бөр аслыс пежлы, мед нимкодясьö!

— Кодлы?

— Риталөн тай гижöма! Аслыс кö лёка овсьö, мед эськө и мöдлы бур оз ло.

— Нуа на öд, ог али мый?!— чорыда кайтiс Юрий.— А менö прöстит... и бөр тэа-меа лоам, но?

— Ог тöд,— вочавидзис Рая. Сэсья тэрыба вөрзис, кыйкнитлыны весиг эз лысьт, вöтчö оз Юрийыс. Ыльысмис да вöлись видзöдлiс бөрвылас: сэн на, вичко дор кыр йылын, сулалiс Юрий, но сылань чужöмөн.

И Раялөн быттö руалiс став талунья шогыс.

КЫДЗИ ЙӖЗЫС

— Тэ, Гришка?

— Ме.

Гольсмуні ыджыд иган, дзуртыштіс воссигас кильчӧ ӧдзӧс.

— Войбыд ветлан. Оз мӧй унмыд лок?

— Лекция кывзі. Сэсса гуляйті.

— Мый нӧ, кутшӧм лекция?

— Ракетаяс йылысь. Регыд тӧлысь вылӧ лэбзясны.

— Но-о? — очсыштіс мамыс. — Мыйкӧ жӧ дурласны.

— Дурӧм тайӧ тэныд! — вомаліс Гришка.

— Но мед, абу кӧ. Эн сулав. Пыр да вод.

Мамыс коли игнасны, а Гришка пырис керкаӧ. Лабичӧ, быттьӧ абу нин сюрӧма местаыс, кӧмнас и паськӧмнас нюжӧдчӧма батыс, мустӧма шкоргӧ пӧдӧм нырнас. Пызан вылын — идравтӧм нянь да джынъялӧм йӧв кринча. Тыдалӧ, батыс ветлӧма кытчӧкӧ, воӧма сӧрӧн нин, да сӧйгас и босьтӧма вугырыс.

Гришка пуктіс кагод вылӧ гудӧксӧ да восьлаліс чуланӧ. Ӗдӧй пӧрчысис да водіс, кунис синъяссӧ. Но унмыс ылі кытшлаліс. Сы пыди вежӧрас вӧзйысис Тоня, кодкӧд лунтыр вӧлі ӧтлаын.

Аддзысисны найӧ тешкодя. Асывнас Гришка, садмыс да, бурпӧт гудӧкасис. Сэсса лэччис вадорӧ. Мӧдӧдчис ыджыд бужӧдлань, кысянь быд гожӧм сунласьялыліс. Муніс сӧн пӧлӧн, посни кыддза верӧтя кузя. Сӧнас кыліс сӧрни, юр кыскалысь челядӧлӧн горзӧм. «Купайтча да вӧлись кежала», — думыштіс Гришка. Но сӧнсян друг горӧдісны:

— Мый нӧ гусьӧн ветлан?

— Ме али мый? — сувтіс Гришка.

— Дерт, тэ, — бара кыліс ныв гӧлӧс.

— Ог жӧ гусьӧн. — Гришка видзӧдліс, но некодӧс эз аддзы: сайӧдіс раскыс.

— Он тай. Быттьӧ шыш.

Ӗтилаын кыдзясыс быдмисны гежӧдджыка. Гришка косаліс да, кок чунь йылас сувтӧмӧн, кыйкнитліс... Дзик сӧн бокас, рас дорас, сулаліс Тоня да лэчталіс косасӧ. (Сӧныс вӧлі вутшкӧсь, ваа, да ытшкисны кӧн.) Ъркнитлысь тӧлыс посниа гыӧдіс сылысь еджыд ковтасӧ, вӧрӧдіс кӧсынка увсьыс прӧстмӧм юрси прать.

— Мися жӧ, коді, — писькӧдчис сӧнӧ Гришка. — Здорово!

— Здорово, он кӧ спорӧ во, — мыгчис кисӧ да шпыньмуні Тоня. — Абу и вежсьӧмыд.

— Зато тэ ӧна вежсьӧмыд. Ълысянь кӧ, он и тӧд.

- Ньоти бара эг вежсьы.
- Абу тай.
- Кыті? — вöчліс Тоня дözмөм чужөм. Дерт, нарoшнö.
- Быдлаті.
- Эн сөр.
- Ог и сөр.

Та вылö Тоня эз вочавидз, сöмын топöдліс вом дорсö да лэдзис ныр пырыс — хм! Сэссия помаліс лэчтасьöмсö. Сэк кості Гришка син бöжнас лэччис ныв кузя.

Армияс мунігөн, пароход виччысигөн, Гришка мырддис Тонялысь носöвиксö. Нетшыштіс кисьыс дай. Эз, дерт, казьтылөм вылö. Казьтылөм вылад тадзтö оз вöчлыны. А сідз, дуригмоз. Сэссия эз и сет. Шуліс жö эськö Тоня кымыныськö «вай, колöкö», да Гришка быттöкö эз и кывлы. А носöвикыс прöстöй и вöлі. Вышивайттöм ни нинöм. Эз и ковмыв сэссия сійö Гришкалы. Кодлы сэтшöмтö петкöдлан, ошійысян, со пö меным öти ныв сетіс? Серам вылö сöмын лэптасны. А ёртъясыс ошійысьлісны, налы збыльысь вöлі мыйöн. Найö и письмöяссö муса нывъясыслысь лыддывлісны, дерт, эз ставнас. А Гришкалы некод эз гиж. Коді гижас, ачyd кö он гиж? Мед не омöлтны асьсö ёртъяс водзас, öтчyd Гришка мөвпшыштліс жö гижны ас сиктас кутшöмкö нывлы. Бөрйис-бөрйис да Тоняөдз воис. И повзис, энөвтчис. Öти-кö, чайтіс, мый Тоня оз вочавидз сылы, а мөд-кö, эз тöд, мый гижнысö, торйөн нин, кydзи заводитнысö. Вöлі кö мыйкö на костын, сэк, гашкö, кокныдджык вöлі Гришкалы шыödчынысö. Но нинöм эз вöv. Гришка весиг мустöм-тыштіс на Тоняөс мукöд нывъяс серти. Ёсь ныр-вома, вундан синъяса, вöсни ки-кока, пельпомъясыс, инмөдчан да, чурвидзöны, быттö бедь помъяс, и вывті нин ёсь кыла. Кыв шуны он лысьт. Кодлы татшöм ныльід любö? Мөд нывыльысь кö, гашкö, Гришка эз и мырдды носöвиксö. А татшöмыдлысь мый?

Но öні Гришка эз эскы аслас синъясыслы. Прöста öд эз шу Тонялы, мый ёна вежсьöма. Ныр-вомыс Тонялөн ловзьöма-банийöма, руд синъясыс оз нин вундыны, а быттö чусмыштöмаөсь, меліджыкөсь лоöмаөсь, пельпомъясыс (ковтаыс Тонялөн сöстөм) гöгрөсмöмаөсь, зэлыда ветлö сояс йöзвыис, и содтöд, мый Гришка оз помнит, — кык рöчторйөн быд лольштігөн кыпавлö морöсыс. Вежсьöма, ёна вежсьöма Тоня. Сöмын вот важ сёрнитан сямыс, буракö, кольöма. «Здорово, он кö спорö во», — со кydз шуис киа-сигас. Но мед.

— Босьт косасö да ытшкы тшötш. Нинöм лывкъявны, кор йöзыс уджалöны. — Тоня чургöдіс Гришкалы коса воропсö.

— Н-но,— сѡмын и кужис вочавидзны Гришка. Сѣсся чѡв олыштис да содтис:— А ачыл нѡ мыйѡн кутан ытшкыны?

— Ме видзѡдышта.

Мый татчѡ шуан? Нинѡм он. Гришка сѡмын кыскыштис нырнас. Сѣн бокѡ покос помнас матыстчис Люба, Тонялѡн пѡдругаыс.

— Воѡмѡн тшѡтш мортсѡ эн уджѡд. Лѣдз, мед шойчыштас,— шыасис сийѡ Тоня динѡ.— Сылы и армияас, кѡнкѡ, шедлѡ. Оз на сѣн прѡста видзны.

— Нинѡм на оз ло,— вундис лѣчыд кывнас Тоня.— Кулѡ кѡ, нѡсилка вѡчам да катѡдам.

— Сьѡкыд ѡд ме. Вит пуд лоа,— нюммуни Гришка.

— Вѡв корлам,— эз шѡйѡвош Тоня.

— Оз сетны.

— Сетасны. Эн тшѡкѡлдывайт. Кѡсийысин кѡ, ытшкы.

— Слушаюсь!— зѣвтчылис став тушанас Гришка да колснитис кык сапѡг бѡрнас. Сѣсся копыртчис да заводитис ытшкыны.

— Тати нѡ кодлы колин?— горѡдис друг бѡрсянныс Тоня.

— Кыти?— видзѡдлис бѡрвылас Гришка.

— Со тай ойзѡны,— индис Тоня кымынкѡ эжѡр сѡ вылѡ, кодъяс кольѡмаѡсь кык покос костѡ.— Гѡтырылды колин? Воас, да ытшкѡдан?

— Кутшѡм гѡтырлы? Кысь воас?

— Кодѡс служитигад лѡсьѡдин.

— Ме?

— А мый нѡ? Эн али мый?

— Ме бара эг. Миян сѣни и сиктыс матын эз вѡв.

— Висьтав кодлыкѡ.

— Збыль но. Оз ѡд верит.

Гришкалѡн ѡни сѣтшѡм вѡли чужѡмыс, быгтьѡ сийѡс нинѡм абуысь мыжалѡны. Тоня, дерт, казялис тайѡс. Носѡвик мырддьѡмсѡ сийѡ пыдди пуктылис, и ѡни любѡ лои. Но он жѡ восьты асьтѡ, абу кѡ йѡй. Вѣськодпырысь шуис:

— Ме вѡсна кѡть мед гѡтрасин сѣтчѡ да эн и волы. Меным нѡ мый? Меным ѡд тѣ абу уджйѡза.

— Он тай верит да,— шуис Гришка. Сийѡ сидз эз и гѡгѡрво, кызд Тоня кыйис сылысь кывсѡ.

Сѣн помын куймысь кучкисны кѡртѡ, корисны пажнайтны.

— Мунамѡй,— шыасис Люба.— Удзѡдасны.

— Гришка, ытшкышт кольѡминтѡ, да тшѡтш ветлам,— тшѡктис Тоня.— Вердыштам отсасьѡмсьыд.

— Менам оз на сюмав кынѡмѡй,— шуис Гришка да ытшкыштис ортѡм эжѡр сяссѡ.

— Оз, дерт. Кулан тшыгылы, да дзебан удж миянлы вочан. Лок. Гажа жö овлö гожöмнад видз вылад. Торйöн нин пажун дырйи, кор ставныс öтлаын сөйöны. Кутшöм сөрни оз сöмын лыблы, кодöс кызд оз серавны. Мед сöмын крукасьнысö вöли кытчö, а сэсся гар-тасны.

Тоня корис пусьысьылысь содтöд пань, босьтис яя шьд тыра тасьтисö да пуксис эжа вылö Гришкакöд орччөн. А йöзыд öд абу синтöмөсь. Пыр и казялисны.

— Гришка тай гозйöдчöма нин, мамыс, буракö, оз на и тöд-а,— шуис öти.

— Сэсся, гашкö, гижсинныд нин, Тоня?— шуис мöд.

— Гижсясны öнiя том йöз! Öнi öд сьöлөмсянныс радейтöны, оз кабала серги,— суйсис сөрниö коймöд.

Гришка яндысьöмпырысь нюмъялис. А Тоняös татшöм сөрни-над он йөршит. Сийö аддзас на петан туйтö.

— Эг на эськö гижсьöй да, кöсья жö нуöдлыны. Эновтас, да сэсся алимент ни нинöм,— зэв збыльысь, ньöти нюмтöг, воча-видзис Тоня.

Пажнайтысьяс прысьмунисны-серöктисны. Сэсся бара мöдисны юасьны ныла-зонмалысь, но Тоня зэв лöсьыда вевттис наысь асьсö и Гришкаös. Сийö лабутнöя вочавидзалис, некутшöм дöзмöм эз петкöдлы. А кор йöзыд аддзöны, мый сераланторйыд оз дузьяв, сэк эновтöны сийös. Сэтшöмөсь нин йöзыд. Эновтисны и Гришкаös да Тоняös: мöдтор йылысь мöдисны сөрнитны.

Пажун помын вöли нейджыд концерт. Том йöз асьныс гажöд-чисны и йöзсö тшöтш гажöдыштисны. Тоня да Люба сьылисны «Пукала кöть ветлöдла». Сэсся Тоня öтнас сьылис частушкаяс, йöзлысь серамсö петкöдлис. Öти частушка со кутшöм вöли:

Виччыси ме муса зонмös,
Шогси матö куим во.
Воис гортас, аддзис менö,
Скöрысь шуис: «Здорово!»

Тайö частушка вылас медся ёна сералисны. Абу на, тыдалö, кывлöмаөсь. Вильöн на, буракö, Тоня лöсьöдöма. Удитöма тай кодакöкості. Гришка вылö унаөн сэки синсö чöвтлісны. «Кывлин пö?»— быгтьö кöсйисны шуны. Гришка гыжйыштис балябöжсö да тадзи вузалис асьсö и Тоняös. Öд коді аддзылис, пыр и донъялис: «Со код йылысь вöлөм! Со кодös Тоняыд виччысьöма!»

Концерт бöрын Гришка мунис Тонякöд сөнö. Озкодь эськö вöли

окотит (збыльысь йӧзыс вермасны чайтны, мый найӧ сёрнитчӧ-маӧсь нин ӧтлаасьны), но Тоня кыскыштӧс сойӧдыс:

— Сейин дай пышгьян? Уджав сейӧм доныс да вӧлись.

Гришка эз вермы паньд кыв шуны. Кодкӧ быттӧ тшӧктӧс сылы кывзысьны Тонялысь. Тешкодъ весиг кажитчис тайӧ. Но мунӧс да заводитӧс ытшкыны. Аслыс Тоня кыскӧ мӧд коса вайис. Ветлис Гришка бӧрся, повзӧдлис сийӧс диалӧмӧн да рытӧдзыс уна и пӧсь лэдзис сылысь.

Армияс мунтӧдз Гришка ытшкылис нин, но коставлӧм бӧрад вьлысьтӧ чорыда мӧрчис. Воис гортас да нӧжӧдчылис чулан джоджас, мед веськӧдыштны коссӧ: гӧрбушнад ӧд копырӧн лӧӧ уджавнытӧ. Час джын куйлис, эз кӧ дырджык.

Чеччис, сейыштӧс, босьтӧс Тонялысь мырддылӧм носӧвиксӧ, вольсалис гудӧксӧ да петис клубӧ. Сэни буретш лекция заводитчис. Ракетаяс йылысь. Лекцияыс эз зэв дыр мун. Но юасыны кутӧсны лекторыслысь, да кык сы дыра на кыссис. Эз кӧ клубса заведующӧйыс ӧлӧдышт, гашкӧ, асылӧдзыс эз помась. Сэсся петӧсны ыркӧдчыны. Нывъяс пыр жӧ топӧдисны Гришкаӧс. Найӧ эз на вунӧдны, кыз сийӧ ворслывлӧс. А ворсӧс Гришка лӧсьыда, ливкӧдлӧмӧн, эз мукӧд моз нетшкы гудӧксӧ. Кадриль нывъяс тшӧктӧсны. Кадриль кӧ, и кадриль. Заводитӧс Гришка да ӧкмыснан партиясӧ коставлытӧг кысьтӧс. Сӧмын на лольштӧс личыдджыка да чышкис плеш вывсьыс пӧсьсӧ, а нывъяс бара нин корисны. Бара осьтӧс гудӧксӧ.

Йӧктысьсыдылы лӧсьыд. Мудзин кӧ, дугдӧн дай. А гудӧкасьысыдылы? Гришкалӧн дӧрӧмыс сибдӧс мышкас, лӧгтӧм лыа-бусыс пырис пинь костас, кутӧс зӧлитны синмыс, лӧччысь нӧылӧмыс веськалис да.

— Всӧ. Тырмас, комиӧн кӧ, — топӧдис гудӧксӧ Гришка да чеччис.

Нывъяс кытшалӧсны сийӧс, кутӧсны корны, збойджыкъяс весиг бӧр пуксьӧдны зӧлисны. Но Гришка некодӧс эз кывзы. И сӧк сы дорӧ пыськӧдчис Тоня. Сувтӧс воча, видзӧдлис мелӧ-мелӧ да эскана шуис:

— Ворсьшт ещӧ, Гриш. А?

Сэсся нинӧм эз шу. Но и тайӧ лои тырмымӧн. Эз быттӧ ачыс, а кодкӧ мӧд пуксьӧдис бӧр Гришкаӧс да паськӧдис сылысь гудӧксӧ.

Дыр на сэсся ворсӧс Гришка. Кык кыа — рытгья да асья — ӧтлаасьтӧдз. Сэки вӧлись разӧдчисны.

— Гриш, тэ ӧд мянлань мунысь? — клуб йӧрысь улича вьлӧ петӧн мудера нумӧвӧтис Тоня.

— Ы-ы, да! — нӧжӧдчыштӧс воча кывнас Гришка.

Ниңөм и сёрнитны, сылы окота вөлі колльөдны Тоняөс. Но полис. Өд некодос на эз колльөдлы, сөмын дөзмөдчигмоз вөтлысь-львліс коркө ныввяс бөрся, дурліс ас коддьөмъяскөд.

Гришка кузя чөв оліс. Эз төд, кысянь мый заводитны. Сэсся дум вылас уси мырддьылөм носөвикыс. Чайтис сы отсөгөн мездьсыны немөялөмсьыс.

— Помнитан? — перийс зепсьыс да петкөдліс Тонялы.

— А-а, — нюзөдыштис Тоня да дзебис чепөсйылөм нюмсө.

— Колө кө, сета.

— Оз ков. Мед нин тэ ордын олө.

— Но, — бөр сыйис носөвиксө Гришка.

И бөр чөв лои колльөдчысьяс костын. Көть мед Тоня мыйкө юалис. А Тоня эз пан некутшөм сёрни, ни эз юась. Тонялөн, кызд шуасны, ставыс вөлі местаын: Гришка восьлаліс ськөд орччөн, армияс некутшөм нывкөд абу төдмасьлөма. Мыйысь сэсся сылы маитчынысө? Сійө видзөдіс асыввылын ярмысь кыа вылө да любуйтчис ворсысь рөмьяснас. Гришкалы жө ковмис жуглыны юрсө. Өд сійө зон, сылы колө гажөдны орччөн мунысьсө. А сійө чөв олө, кыв ни джын оз шу. Абу и лөсьыд кызкө.

Воисны Тоняяс өшинь улө. Сэки вөлісь Гришка вомсө восьтис.

— Пыран нин? — юалис Тонялысь.

— А мый сэсся? Регыд чеччыны ковмас.

— Пукальштам на.

— Но. Сөмын регыдик.

Тонялөн гөлөсыс өні дзик мөд ног кыліс, эз өнтай видз вылас моз. Небыда, пыдысь петөмөн. Гришка казяліс тайөс, мөвпыштис: «Збыль вылас эськө татшөм и эм, буракө, да».

Пуксисны кильчө пос вылө. Гришкалы сэтшөм окота лои инмөдчыны Тоня дінө! Сійө полігтыр, ньөжйөник лэптис кисө да кутыштис Тоняөс пельпомөдыс. Сьөлөмыс веськыда чеччыны кутис. Виччысис, мый Тоня вештас кисө да шуас мыйкө сэтшөмөс. А Тоня пукаліс, эз вөр. Гришкалы весиг эз эскыссьы. Вочасөн полөмыс кусі. Гришкалы кокньыдджык лои, кузя лольштис. Ок, эськө оз на кө Тоня чеччы, пукуштас на кө! А Тоня босьтис дай чеччис.

— Но, мун сэсся.

— Гашкө, олыштам на да? А, Тонь? — зэв неокотапырысь чеччис Гришка.

— Тырмас. Аски бара рытыс воас. — Тоня думыштчис: — Қывзы, Гриш? Босьт коса да лэччы тшөтш. Али шойччыштан на? Өтнадлы өд гажтөм жө лоө. Луннад некод оз коль сиктад.

— Сідз эськө да.

— Лэччан?

— Ыгы!— көсйысис Гришка. Өні сійө вермис не татшөмтор көсйысыны, корис кө быттьө Тоня.

Шонді югөр кучкө пыр улөджык, регыд чулан джоджө инмас. А Гришка эз на унмовсылы. Эз лок унмыс, дай — ставыс. Поздысис вежөрас Тоня и эз думайт сэтысь петавны көть мыйкө дыра кежлө. То өти ног син водзас сувтлас, то мөд ног.

Мамыс заводитіс ноксыныны пачводз дорас. Чеччис, кылө, батыс, юалис мамыслысь:

— Узьө?

— Узьтөг оз ов. Асъявылыс пырис. А мый нө?

— Гыч кульмө. Төрыг нарошнө Кузь вад дорө кежалі да видзөдлі. Көсья вөлі тшөтш нуөдлыны сійөс. Көть пыжсө кысыны отсалас.

— Чуксала, сідзкө?

— Чуксав.

Кыліс небыд кок шы, ньөжйөник воссис чулан өдзөс, мыччысис мамыслөн юрыс.

— Гришка! Гришка!

— Мы-ый?— быттьө пальөдісны да нинөм на оз төд, шыясис Гришка.

— Батыд Кузь вад дорө көсйө нуөдлыны. Вай чеччы, дона пи.

— Мыйла Кузь вад дорас?

— Гыч пө кульмө.

— Но и мед.

— Кысь нө мед! Шедыштны вермас. Чеччы вай, чеччы!

Гришка дышпырысь чеччис. Зэв эз вөв лөсьыд пөръявны Тоняөс, но мый вөчан? Батыдлысь кө он кывзысь, абу жө мича. Час, талун ветлас нин Кузь вад дорас. А сэсся батыс мед колөкө өтнас ветлөдлө.

Недыр мысти ая-пия катісны нин ю кузя. Гришка сыніс, а батыс бөжаліс. Юыс ямөма, пөтшваөдзыс воөма, муртса төдчымөн визувтө. Пипу пыдөса пыж кокниа тьовмунө быд сыныштөмысь. Мыйта нин кайисны, а Гришка некутшөм мудзөм на оз кыв.

Друг батыс веськөдіс пыжсө береглань. Гришка эз гөгөрво, мыйла: өд Кузь вадыйс ылын на вөлі.

— Эг на, батыө, воөй да?

— Төда,— коса вочавидзис батыс.

— Мыйла нө эськө татчө сувтан?

— Сын, сійө төд.

Гришка зөлөдчис. Коли здук-мөд, и пыжыс гирснитіс нырнас берегдорса лыасө. Батыс зэв өдйө петіс пыжсыс, кайыштіс бере-

гёдыс да кыкнан кинас кутчысис чурвидзысь трос помё. Кыс-кыштис, нёшта кыскыштис, но трос помыс эз вёрзвы.

— Заступтё йёйыд эг босьт,— броткыштис сійё.— Гришка, ноко, волы.

— А мыйла, батё, перьян? Мый сыысь? Мед куйлө.

— Волы, короны кө. Эштан на юасьнытё.

Гришка локтис, тшөтш кутчысис. Но кызди вёлі чурвидзё трос помыс, сідзи и коли.

— Сөтана!— ёрчыштис батёыс да скөрысь чужийс трос помас.

Гришка өдва кутис серамсё, тшөкмунлі весиг. Батёыс букыша видзөдліс сы вылө.

— Эновт, батё, кайны колө. Сёрмам тадзтө.

— Эновтны, дерт, лоө. Мөдысь заступён вола да перья. Гашкө, ковмас кытчөкө горт гөгөрө. Бур на со сутугаыс, нёти абу сёмма.

«Со мыйла перйө!— мөвпыштис Гришка.— Быттё абу нин гортын татшөмыс. Быдлаын тай тыр. Посводзын и сарайын».

Ая-пия пукисны пыжө да катисны водзё. Лун шөр гөгөр воисны Кузь вад весьтө. Веськыда видз вомёныс кыскисны сэтчө пыжсө.

Кузь вад вёлі видзьясянь пыдын, вөр бокын. Берег дорыс сёлөн тырөма зөридзён да лапкорйөн. Сөмын шорыс сёдалө. Сэт джуджыдджык.

Отилаті Кузь вад векняммылө. Сэтчө и вомёныс вөйтис гыч кулөмсө батёыс. Бурскыны эз кут. Вөйтис да бөр петис берегө. Пукис, варыш моз видзөдліс табьяс вылас. Гришка тшөтш чөвтис синсө. Оти таб со вөрзис, гытор вөчыштис. Мөд таб вөрзис, коймөд, нельөд... Пөшти став табйыс вөрны кутис.

— Гычыд кор кульмө, вад кузялаыс чукөрөн ветлө,— шуис батёыс. Вом дорас сёлөн дзевсясис нюм.

Гришка бергөдчис мөдарө, мед не аддзыны тайөс. Эз йөзлөн кодь, кутшөмкө аслыспөлөс вёлі нюмыс. Көдзыд, кос.

— Видзөдлыны буди,— шыясис батёыс.— Лок тшөтш. Перьявнысө отсалан. Отө дзоньнас кулөмсө лэптылөй. Вочасөн видлавны да бөр лэдзавны кутам.

Гришка тшөтш пырис пыжө. Батёыс йөткыштчис пельиснас, сэся сыншьштис гоз-мөдысь. Пыж исковтис мөдар берегань, пырыштис зөридзас. Батёыс лэптис пельис йывнас кулөммысь сюрөс помсө, босьтис сійөс киас да заводитис каттыны. Саран вылө клөнөдчигтыр водисны медводдза изьяс да табьяс. Мыччысис медводдза гыч, пипу корйысь ёна на паськыдджык. Сы бөрся мөд, коймөд, нельөд... Помыс эз кут тыдавны. Быттё зарниалөмаөсь кулөмсө. Куимөн-нелён отилаас гыдьясьсөмаөсь.

Перьясыгтыр вуджисны вад вомоныс, и пыж пыдос бердіс черион. Гришкалон ни батыслон кок лапаясыс эз тыдавны.

Батыс веськодчыліс, нюжмасьыштіс да бор йоткыштіс модар береглянь. Судзодіс куломльыс сюрос помсо, выльысь заводитіс катгыны. Токотыштө гежддыка, но бара на зэв уна пыромагычыс.

— Ого ко сэсса, баты, вейтй-а? — шуис Гришка.

— Мый? — бугжыльтчис батыс.

— Ого, мися, сэсса вейтй. Мый ми кутам сы мында черинас вочны? Тайо нин вывти.

— Оти йой корысь «вывти» жо шуалома, нянь волон сетоны да. А сэсса петома волокко дай нюждома кыссө. Воч, мый тшөктоны!

Рытывылыс гыч дугдиг шедны. Но пыжыс и сидз нин вөлі тыр. Сьоктаысла вейис, да ки вомлос и коли запасыс. Вөрзян ко енджыка, и путкыльтчис. «Кызд бара кутам кыскыны юодзис?» — думайтис Гришка. Батыс бытты казяліс сылысь думсө. Петисны берего да шуис:

— Кыскысьома они миянлы тайос. — Гыжйыштіс пель сайсө да содтис: — Мешөктө йейид эг босыт. Ковмас порчысьылыны. Вай порчысь, Гришка.

— Мыйла?

— Выйла! — лёкысь нерыштіс батыс. — Век лоо велодны.

Гришка збыльысь эз төд. Но регыд аддзис, мый сысянь коліс. Батыс порчис гачсө (а вөлі сийө оти гача), снасть праттон корталіс гач кок помьяссө. Артмис тешкодь вожа мешок. Сөвтны кутис сэтчө черисө.

— Модысь тшөктөм виччысян? Эн, колөкө, скормод! — горөдіс Гришкалы.

Гришка порчис гачсө, коли трусик кежысь. Пыр жо казялісны тайос гогорыс лэбальыс лөдзяс. То лядвейсө курчасны, то кок поксө. Көть бор гачась.

Сейоны и батысө. А сылы бытты веськодь, кивыль оз керлы. Чери сомын дум вылас. Сөвтө и сөвтө. Мыйон тырис гачыс, лэптис мыш вылас да дзобзөдіс ю дорө.

Гришкалон эз на лөдсыс, а батыс бор нин воис. Югнитис синьяснас:

— Унмовсин али мый? Колөкө, өдийоджык вөр!

«Некытчө оз пышйы тэнад черийд. Мый горзан?» — көсийс шуны Гришка, но эз лысыт. Тыртис гачсө да нуис ю дорө.

Бура дыр ковмис новлысьны ая-пиалы. Эштіс, да кыскысны пыжсө, бор сөвтисны сэтчө черисө.

Батыс сэсса пожьяліс гачсө, пыдзыртис да пасьталіс. Сы вылө видзөдомон, и Гришка тшөтш.

Шонді эз нин тыдав, кор мөдөдчисны гортаныс. Рыгтя кыа ыпгыяліс сы пыдди. Вөр йылыс ырняліс огыр моз, а уліыс лөзаліс быгтгө йөвва пиын.

Кывтісны ая-пия сёрнитөг.

Гришка мөвпаліс Тоня йылысь. Көнкө, Тоня виччысис сійөс талун, а сійө эз и волы, весиг нырсө эз петкөдлы. Тоня, көнкө, скөралө сы вылө. Но мед. Мый сэсса вөчан?! Аски босьтас коса да лэччас видз вылө, висьталас Тонялы, мыйла эз лок талун. Сэсса өти лун оз коль. Көркө өд уджавны жө ковмас заводитны. А мый дыр шойччөмсьыс? Абу өд пөрысь морт, мед горт овны. Дерт, сюрлас мудзыд. Страдна — страдна и эм. Зато гажа видз вылад. Став йөзыс өні сәні. Мыйла нө сылы горшасьны батысь моз, а не вөчны, кызди йөзыс?

— Сьөд вадйө сэсса ветлам,— шыясис друг батысь.— Кылан?

— Кыла,— нурбыльтіс Гришка.

— Он али мый көсйы? Мый сэтшөм шога?

— Ме вөлі видз вылө көсья аскиянь...

— Колхозлы жугөдчыны? Эштан на. Он на медбөрья лун ов. Сьөд вадйө ветлам. Сәні тайө кадас жө кульмывлө.

«А ог кө ветлы?»— көсйис шуны Гришка, но эз шу. Төдіс: батысь оз веж кывсө, нуөдас аскөдыс. А пырны зыкө эз вөв лөсьыд: сылысь на өд няньсө сөйө.

Сиктө ая-пия воисны вой шөр бөрын. Асыввылыс мича гөрд нин вөлі.

Гришкалөн зэв ёна локтіс унмыс, көть места вылас водас. Сійө лөгпырысь видзөдіс пыжын куйлысь мыжтөм черияс вылө: колө на катлыны найөс гортас.

Батысь өшліс косьтыны кулөмсө, сэсса вайис кыськө пөвьяс да вевтгис пыжсө. «Оз өні көсйы катлыны», — думыштіс Гришка. Сылы быдсөн любө лои.

Кайисны гортас, пуксисны сөйны.

— Мыйкө нө шедьштіс эз?— юалис мамыс, коді пыр на очсалис пызан помын, ая-пиялысь сөйөмсө видзөдіс.

— Шедьштіс ичөтика,— вочавидзис батысь. Вочавидзис сэтшөм гөлөсөн, быгтгө збыльысь этша шедіс.

— Кайлөм выланыд көть,— нускыштіс мамыс. И друг:— А пыжтө өд вевттинныд жө?

— Вевттытөг эг кольө,— шуис батысь.

Мамыс лөнис, бара кугіс очсавны.

Шуны кө, бать-мамыслөн оласногыс эз вөв Гришкалы вельторйөн. Но өні сійө видзөдіс на вылө эз нин сідзи, кызди армияс

мунтөдзис, кор оліс найо юрөн на да ставсө налысь пыдди пуктыліс. Оні сійо ас вежорнас нин оліс. Та вөсна зывөклун чужысылөн батысь и мамыс дінө. Та вөсна и чеччис пөттөдз сөйтөг.

— Эн вод!— горөдіс тыра вомнас батысь.

— Мыйла? Али катлыны кутам черитө?

— Катлыны огө кутой. Нинөмла. Мунны колө йөз садьмытөдзис.

— Кытчө?— чуймис Гришка.— Сьөд вадъяд али мый?

— Сэтчө аскомысь.

— Кытчө нө сэсса?

— Лесопунктө.

— А сэтчө мыйла?

— Дас пунт выйла!— скөрысь крапкис батысь.— Армияө нин ветлін, а челядълөн мында на вежөрыд.

— Вузыштны. Черитортө вузыштны, босьтысь кө лоө,— висьталіс мамыс.— Деньгаторйыд өд колө нянь-сов вылад.

Гришка кыв эз шу сэсса. Пуксис лабичө, зумыштчис. Узьом ни олөм эз кут артмынысылөн. Быгттьө тшыгылы кулас, оз кө кут тадз овны. Нянь-совтө нинөм вылө лоө ньөбны. Олөны тай йөзис. Уджалөны да гажөдчөны. Пажун чөжыс төрыт гигзисны.

Батысь чеччис пызан сайысь, локтіс юан дөз дорө, бутькис дзонь ыджыд көш тыр. Сэсса кайліс пөлатяс да лэчөдіс безмен.— Но, мөдім,— шуис Гришкалы.— Эштан на пукавнытө.

— Дыш меным,— вочавидзис Гришка.

— А сөйнытө абу дыш? Мөдысь тайө кывтө эн шу!— юernas пыркнитіс батысь.

— Оңдреян, эн повзөды!— шыасис мамыс.— А тэ, дона пи, кывзысь батыдылысь. Батыыд өд бурсө жө тэныд көсйө. Чеччы да тшөтш ветлы лесопунктас.

— Но, вай эн жуийав. Мунө, буракө, кадыс,— батысь кутчысис өдзөс вугйө.

Гришка ыджыда лолыштіс да чеччис.

Лесопункт сулаліс сиктсаянь верст дас вит кывтыдын. Ая-пия воисны сэтчө вылі шондйөн нин. Ямөм ю визувтіс муртса-муртса, пыр лои кывтны сой вынөн.

Батысь сувтөдіс пыжсө лесопунктсаянь неуна вылөджык, пуяс вьсьтө. Петісны берөгө да шуис Гришкалы:

— Овлы тані.

Ачыс кайис посөлокас.

Гришка водіс лыа вылө шойччыны да эз и төды, кызз унмовсис. Кык вой узьтөмыс мөрччис сылы.

Садьмис пельпомөдыс вөрөдөмысь.

— Узны али мый локтін? — дзик пель водзас кыліс батыс-
ыслөн гөлөсыс. — Чеччы, колөкө, а то быгылыта ваас.

Гришка чеччис, тільыштис синъяссө. Пыж дорын сулалісны ба-
баяс да лукйысисны чернас.

— Босьтөй-босьтөй, рочаканьяс, — меліа шуаліс батыс. —
Свежөй черитө өд он зэв адзэывлөй.

— Сійө өд и эм, — шуис өти баба. — А доньсы-ө нө килосө
вузалан?

— Купшөм дон! Мый сетанныд, сійө и олас. Волөм вылө көть.

— Тэ стөчджыка висьтав. Ми өд вермам и ньөти не сетны.

— Два рубляөн тай вөлі шуа-а.

— Донөн жө да.

— Дон кутшөмкө та мындаыд. А сэсся өд асьныд төданныд.
Оз кө ков, эн ньөбөй дай. Ог өд тай мырдөн вөзйы.

— Но мед, мый сэсся вөчан? Лоө ньөбыштны. А ті, бабаяс?

— Ньөбыштам жө, — шыасисны муқөдыс.

Донъясысь нывбаба бөрйис аслыс кымынкө гыч, пуктіс лөсьөдөм
безмен вылө. Батыс вештыштис көвсө, безмен беддыс катла-
сьыштис да сувтіс.

— Вит пунт. Четыре рубля, — шуис батыс.

Нывбаба мынтысис да вешйис.

Өти бөрся мөдөс лэдзалис батыс ньөбасысьсысөс зептас день-
га сюялігтыр. А пыж дорө посёлоксянь локталісны выль йөз. Ста-
выслы өд колө свежөй чериыд.

Гришка пукаліс бокын, мышкөн. Сійө эз вермы видзөдны батыс-
ыслысь нарошнө меліасьөмсө.

— Э-э?! — друг горөдіс батыс.

Гришка бергөдчис гөлөс вылас. Батыс сулаліс кияссө паськөдөмөн;
вомыс то воссьылас, то тупкыяс, а некутшөм кыв оз пет.

— Мый нө лои? — юаліс сы дорын сулалысь нывбаба.

— Де-сеть... десеть копеек абу сетөма. Со эсійө... Со саялі...
Ой, муна! Гришка, ноко, вөтөдлы.

— Ме бара ог! — өвтыштис кинас Гришка.

— О-он? — паськөдліс синъяссө батыс.

— Ог.

Батыс векуштчис эралысь пон моз, вот-вот вузэыяс Гришка
вылө. Гөгөрыс сулалысь нывбабаяс вешыштисны, мед не веськав-
ны матө. Тайө көдзөдіс батысө. Сійө, тыдалө, повзис, мый пышгяс-
ны ещө ньөбасысьсысыс, да эз вөрзэы местасыс. Но здук-мөд
сырмис на ортсө лэдзтөм скөрысла.

— Эн дивитөй, — воис ас выяс да шыасис нывбабаяс дінө. —
Мыйыс оз овлы оломөд. Ньөбасыөй, ньөбасыөй.

Унаһн бергөдчисны батыс дінын. Кык да куим килоһн бось-
талісны. Рыгтявылыс пыжыс тыртөммис. Кымынкө гыч сөмын
пыдөсас коли. Небзьөмысла да лямалөмысла найөс некод нин эз
һьөб.

Кор йөзыс мунісны, батыс матыстчис Гришка діно да сөдзөдіс
пінһ пырыс:

— Тэ нө мый? А?

— Нинөм.

— Косьышта кө өд этайө пельынас, места вылад и чермунан,
сөтана пызь! Десеть копеекыс тэһыд абу деньга?

Гришка чеччис пукаланінсьыс, но эз вешйы, коли сулавны места-
ас. «Босьгас кө пельысө, уськөдча да мырддя»,— думыштис. Ба-
тыс эз вөрзы, сулалыштис да лигышмуніс.

Гришка личмуніс жө. Буретш сәки уси сылы син улас мыйкө
югыдтор, код тыдаліс батыс сайын, вузасян местаын.

— Со, буракө, тэһад десеть копеекыд.

— Көһи?— тіралан гөлөсөн юаліс батыс.

— Со. Мышку саяд. Бурджыка видзөдлы.

— Тан тай и вөлөма,— аддзис батыс да өдйөджык ләптис,
быттьө поліс панийомысь.— Пыр пыжас. Кайһы колө.

Лесопунктсаяһ неуна кайыштөм бөрын батыс сувтөдіс пыжсө
берегө. Сэсса перйис зепсьыс деньгасө да лыддис кык пөв.
Ошйысына видзөдліс Гришка вылө:

— Аддзыліһ? А тэ колхозлы казачитһы лөсьөдчан. Колхоз-
сьыд гожөмбыдһнас та мындаыс оз воһы. Эһ и думайт өһи сы йы-
лысь. Мөдысьджык, аралһыс, колөкө, петав-а. Усадьба дон көтө
уджышт. Гөгөрвоин?

— Гөгөрвои,— вочавидзис Гришка мыһтөдчан гөлөсөн.

— Вот и бур!— радпырысь шуис батыс. Сйө эз казаяв Гриш-
каһысь неһогса воча кывсө.

Тыртөг ая-һиа катісны өдйө. Воисһы гортаныс водз на.

Гришка эз кут сөһны, юис кринча йөв да пырис чуһанас. Водөмөн
тшөтш сыркмуһи-унмовсис.

Садьмөдіс сйөс мамыс, корис ужһайтһы. Гришкаһөн һьөти на
эз веськав уһмыс, но повзис, мый узьсяс тадзтө сыһөн, оз и аддзыв
тарыт Тоняөс, да чеччис. Мыссис көдзыд ваөһ, вежсис, пуксис пы-
зан сайө, батысһы воча. Юр весьгас дөзмөдчана тічкис часі. Ча-
төртчыліс, видзөдліс. Дасөд вылө муртса петыштөма. Армияс ве-
лаліс да быд рыт вөлі кывзө радио. А гортас воис да эз на кывзыв.
«Гашкө, бөрья юөрьяс буретш висьталөһы?»

Синьяһнас корсис репродуктор, но некысь эз аддзы. Юаліс:

— Мияһ нө абу радиовыс? Йөзыслөн тай нө кылө? Эһ али мый
лөсьөдөй?

— Мый сыыс? Сытөг зэв бура овсө. Рөскод сөмын, — вочавидзис мамыс.

— Ыджыд и рөскод!?

— А миянлы ыджыд! — клэнгис-пуктис паньсө батыс. — Ог на ми тэ моз лышкыдасьой. Öнтаятö öд эг на вунод.

— Мый нө öнтайсö? — чошкөдис пельяссö мамыс.

— Öти баба мынтысис. Лыдди, да десеть копеек оз тырмы.

— Дзонь десеть? — шай-паймунли мамыс.

— Аслам эськө уськөдсьöма вöлом. Бöрыннас сюри. Но öд ме эг чайт, мый уськөди. Мися, гашкө, эз сет. Тшөктi талы вöтчывны, да эз öд вöтчы. «Ог», — шуис.

— Со öд, быдтан-быдтан да, — лөвтыштис мамыс.

— А збыль кö быттьö эз сет? Сидзи и коли?! — нырнас чушкыштис батыс.

— Кыдз бара тэ кöсьян овны-а? — шог чужом вöчлис мамыс, быттьö Гришка пропадитан выйын нин.

— Кыдзи йöзыс, — вочавидзис Гришка. Сийö эз артышт, кутшöма дойдас батысö да мамсö.

— Мый, мый шуин? — пыркмунли быдсөн мамыс, быттьö ва войт веськалi ковта улас.

— Мый кывлинныд.

— Ми, сидзкö, огö йöзыс моз олой? Да? — сувтис батыс. Синнас веськыда сөйис Гришкаос. — Кодьяс нө ми тэ ногон? Вöрьяс? Гусясьом вылын олам? Да?

Гришка чöv олис.

— А тадз кö, пет менам керкаысь. Мед дукуд эз вöv тани! Ов, кон гажыд. Пет!

— Петасны, эн тэрмөдлы! — вочавидзис Гришка да чеччис пызан сайысь. Пыралис чуланас, босьтис шынельсö да нопсö, кодон волис. Нинөм думайттöгыд кöсийс босьтны тшöтш гудөксö, но мамыс горөдiс:

— Гудок вылас эн на нажөвитлы.

Гришка мунис пороглань, йөткыштис кокнас öдзөссö.

— Кевмысьны кутан, да ог сибод ме тэнö, пежос! — чургөдлис кулаксö батыс.

— Эн пов, ог кут кевмысьны! — сувтовкерлис Гришка. — Кыдзкö, гашкө, ола на, тэнсьыд кок туйтö талялысь ог ло. — И петис.

Сэтшөм öдий армис ставыс керкаас, мый Гришка эз удит весиг думыштны: а кытчö жö öни мунас сийö?

Клуб дорын кылис гудок шы. Сэн, конкө, и Тоня. Час, адзöдлас сийос, висьталас лөомтор йивсьыс, да, гашкө, öтвылысь мыйкө думыштасны. Сөмын öд абу лөсьыд тадзтö клуб дорад локны. Мый нө

пö нопъя, юасьны кутасны. Гришка муныштгис горт дорсянныс, нопсö да шынельсö пуктис потшöс сайö турун пиö.

Тоня вöли клуб дорын, йöктис Любакöд. Гришка виччысис, кор видзöдлас сийö, и мыйöн Тоня видзöдлсис, чуньнас корис ас динас. Но Тоня эз лок, водзö йöктис. Содтöд на: нуöдис Любаöс йöктани-нысь бокö да бергöдлсис сэни.

Гришка сулалсис да терпитис. Кор йöктöмыс помасис, матыстчис Тоня динö. Люба, мед не лоны лишнöйöн, вешйис бокö.

— Бур рыт!— дöзмöмсö дзэбис да небыда шуис Гришка.

— Ме ачим аддза, мый рыт,— вочавидзис Тоня.

— Скöралан? Чайтан, ылöдлсис? Но, ытшкынытö эг лэччы да?

— Кута скöравны, эг аддзыв. Тэтöг бытгöвö оз нин уджавсьы.

Колантор лоöмыд. Мун!

— Энлы, энлы. Тэ нинöм он тöд.

— Ог тöд! Деньга пö тай батыдкöд кулянныд. Талун на пыж тыр чери лесопунктын вузалöмныд. Кокни нажötка корсянныд.

— Кодсис корсьö, а кодсис и оз.

— О-о! Зэв тай сöстöм кылан! Чери сьöмөсь на нырыд. Мыс-сьы да вöлись тадзтö сёрнит.

— А, гашкö, ме мысис нин? Ме, кöсьян кö тöдны, туй вылын нин. Аски ог нин тан ло.

— Көн нö лоан?— эскытöма серöктис Тоня.

Гришка скöрмис, быри кöсийöмыс висьтавны Тонялы гортас лоöмтор йивсьыс.

— Көнкö лоа нин,— вочавидзис сийö. Сэссия вайöдлсис кöсича дорас кисö да рочыштгис:— Разрешите идти?— Бергöдчис да мунис.

Тоня первойсö чайтис, мый Гришка прöстö повзöдлö сийöс. Но сулыштгис да думыштгис: «А збыль кö муны кöсийö? Зэв нин мыйкö жугыль». И мөдöдчис Гришка бöрся.

А Гришка шавксöдсис кузь кокъяснас, эз видзöдлы бөрвылас. Жуглсис юрсö, кодарö жö веськөдчыны. Сидз и тадз артыштлсис. Вочасөн стöчмөдсис: мунас лесопунктö, уджыштас сэни, чöжыштас туй вылас, а сэссия — Воркутаö. Мөвпалигас эз и тöдлы, кызди воис потшöс динö, кытчö дзэблсис шынельсö да нопсö. Öшöдчылсис потшöс вомөн, судзöдсис турун пивысь дзэблöмторьяссö. Пасьталсис шынельсö да кутис нопъясьны, но кодкö кыскыштгис бöрсянныс нопсö. Бергöдчис. Динас сулалсис Тоня.

— Збыль али мый мунан?— юалсис сийö.

— Он öмöй аддзы?— вочавидзис Гришка.

— А кытчö?

— Кытчökö. Тэныд сийöс нинöмла тöдны.

— А мыйла мунан?

- Мыйлакө. Нинөмла жө тэныд төднысө.
- А ме кө көсья төдны? — Тоня кутчысис Гришкалы шы-
нель соскас.
- Көсьян көть он! Мынтөд китө.
- А вот ог.
- Тойыштөм виччысян?
- Видлы!
- Гришка педзыштис места вылас, көсийылис нин вештыны дінсьыс
Тоняос, но эз лэпты сьөлөмыс.
- Бурөн кора. Мынтөдчы.
- Ме бурөн жө кора. Висьтав, кытчө мунан и мыйла? А,
Гриш? Лок пуксям эсийө кер вылас да сэни. Но?
- Гришка эз вермы венны Тонялысь меліа корөмсө. Пуксис да
висьталіс гортас лоөмтор йывсьыс. Тоня чөла кывзис сійөс, эз тор-
кав юасьөмъясөн, сөмын корсюрө шуышталіс: «Со өд!» Но мыйөн
Гришка помаліс висьтавнысө да, ыджыда ышловзьөм бөрын, содтіс:
«Муна сэсса ме, асылөдзыс колө воөдчыны лесопунктө», Тоня
веськыда крапкис:
- Некытчө он мун! Эн и думайт та йылысь.
- Серавны кутасны. Гортсьыс пө вөтлөмабсь.
- Некод оз кут. Төдам өд батытө.
- Мед. Муна, — чеччис Гришка.
- Он. Ог лэдз! — сувтіс паныд да кыкнан сояс кутчысис
Тоня.
- Кутшөм тэ менө кутысь?!
- Сэтшөм жө! — вочавидзис ныв да топөдчис зон морөс бердө.
Чөв усины кыкнанныс.

ВИСАР

Висар сынис сувтсөн. Небыдика ырситлөмөн веткиыс тювис
водзө. Ямөм юыс муртса-муртса паныдаліс сійөс.

Верст куим нин катіс Висар, а некутшөм мудзөм на эз кыв,
сөмын шоналіс. Яя чужөмыс баграліс кизьөреник тош пырыс.

Мөдөдчис Висар сямөд кульны. Ю катыдас, өти көджын, быд-
мисны зэв мича кыз гуяс — веськыдось, улыс увтөмось, парчтөмось.
Дерт, эськө абу матын сійө көджыс, верст вит лоө, но некысь сэсса
матигөрссьыс бур сямөдыс оз сюр. Кольөм во Висар сэтысь кульліс

нин, кызь гөррдзым вайліс. Сизим пестер да өкмыс чуман петалис. Чумангьяссө сиктас иналис, а пестергьяссө карө катліс базар вылө. Öти здукөн и босьталисны. А ньөбтөг оз овны! Висарлөн пестергьясыд лөсьыдөсь, кокниөсь, йөрышаөсь. Тшак ни пув — көть мый пукты, нинөм оз жугав ни нырсьы. Сэсся и волысьясыс тшөтш сямөдысь, мед пельпомтө оз зырт, абу мукодлөн моз сира пратгысь. Дерт, ньөбасны.

Таво Висар бара көсийө кыны пестергьяссө да кайлыны вузасьны. Медтыкө эз на дугды сямөдыс кульсьынысө-а: пемьдвез корьясь нин со берегдорса кызьясыс. Эз эшты водзсө, тшупсис өтилы вит шайтөн лун.

Вось дыр нин Висар пенсия вылын. Пенсияыс ичөтик. Ачыс таысь мыжаыс. Шульваліс: «Совхозыдлы көть век жугодчы!» И эз жугодчыв.

Но и мед, ичөт кө пенсияыс. Висар ньөти оз маитчы. Воськыда кө шуны, сы вылө надеясө эз и кутлы. Ас вылас нэм помсө арталіс — и эз ылав. Олө — бергөдчө уровйө, гөтырыс эз на төдлы водзөсасьом.

Сялякылө-потө ветки водзын ваыс. Пыж нырын чурвидзө пищаль ствол. Көть кытчө Висар оз мун, век босьтө сьорсьыс пищальсө. Гөтырыскөд та кузя эз нин өтчыд вензьывны, но важ модасө ассьыс эз веж. Непөштө көч люкалөмысь, ошкысь өні Висар оз повзьи: пищальсьыс кындзи, чер на эм дай кузь пурт, кодсө долліс важ капкан пружинаысь.

Тыдовтчис пөлынтьчөм коз. Кымынкө вужйөн сийө кутчысис на бужөдө, мукодыс бовьялісны ва весьтын.

Висар катіс козсянь неуна вылөджык да сувтіс. Вежон кык сайын сийө воліс нин татчө. Медасьліс нитш босьтны орчча керкасабылы. Нитштө босьтны кужөмөн жө колө: оз на быд нитш шогмы дай оз на быдөнлөн и ношаыд артмы. А Висар быдтор сяммө, та вөсна сийөс быдлаө и чукөстөны.

Сэки, нитш босьтигас, коз понөль улысь аддзис сёрся дозмөр поз. Дозмөрыс парьялөма сись валежник да сэтчө и поздысьөма. Вылысас вотөдз на Висар казяліс сийөс, видзөдыштис да вешийис. Дозмөр пукалан и коли.

Өні Висарлы окота лои видлыны сийөс. Петіс пыжсьыс да пырис вөрө. Позийис регыд и сюри. Дозмөр век на пөжис; дерт, медбөрья лунгьяс нин.

Висар локтіс коркөясыс водзөджык. Дозмөр повзис да лыбөдчыштис, лөсьөдчис лэбыштны. Морөсыс сылөн вөлі куш, ёся төдчис көяыс.

— Эн пов, эн, — вомгорулас шуис Висар да бõрыньтчыштіс. Дозмõр бõр пуксис, быттõ гõгõрвоис.

— Пõж õдйõджык да быдты пиянтõ, а ме арнас октысьла, — небыда содтіс Висар, сәсся петіс пыж дорас.

Катіс водзõ. Õти чукыльõ вотõдз кыліс ракаяслысь кравзõмсõ. Горзісны вом тырнаныс, тшõкъялõмõн, но эз лёкысь. Висар гõгõрвоис, мый найõ мыйкõ юкõны. Õдйõджык заводитіс сынны. Воис чукуляс да аддзис: дас кымын рака келалісны пызанысь неуна паськыджык ваын, кодõс торйõдіс юсьыс векни лыа визьõб. «Мый бара кокалõны?» — думыштіс Висар да пыжсõ веськõдіс береглань.

Ракаяс качõдчисны да пуксялісны матысса пуясõ. Локтіс Висар торъялõм ва дорõ да чуймис: сьõд жуис сән арыс.

Мича лунъясад арыд кайõ ляпкыдінъясõ. А ваыд тулыс помад зэв õдйõ усьõ. Он кõ удит петнытõ, и йõрман. Сідз жõ, кõнкõ, и тайõ ар чукõрыс йõрмис.

— На, петõй! — шуис Висар да кодйыштіс сапõг нырнас лыа визьõбсõ. — Мõдысь, ветелясигõн, гашкõ, тыртланныд пасибõ пыдди.

Торъявлõм ва ыльõбõн уськõдчис юõ, нуис аскõдыс жуысь арõс. Ракаяс казялісны тайõс да кутісны гоннявны, а сәсся пõшти õттшõтш лёкысь кравõстісны.

Висар пырис пыжас, йõткыштчис пелыснас да мõдõдчис водзõ. Кыкысь нин манитчис да тәрмасис.

Но нõшта на лои сувтлыны мортылды. Катыштіс мыйтакõ да аддзис сйõ льõм пусõ, кыгысь быд во вотлывліс чунь пом кодьгырысь чõскыд льõм. Таво льõм пуыс тыра жõ дзоридзалõма, но пõрõма вылысас орчõн сулалысь пипу да кусыньтõма сйõс чеган выйõдз. Висар петаліс да кераліс пипусõ, а бõр веськалõм льõм пулы шуис:

— Ловъя на колин. Бара на вола, сідзкõ, аръявылыс.

Вõр дорад да ва дорад Висар век удитліс йõзсьыс водзджык и та вõсна ставсõ водзвыв артавліс аслыс.

Катіс кõджõдз, кõні быдмисны мича кызд пуяс, да пыр жõ кутчысис уджõ. Шондї лэччытõдз сәсся эз ланьтлы, сõмын пажнайтны регыдик кежлõ пуксьыліс. Кутіс сõвтны сюмõд гõрдзвымъяссõ пыжас да кызь куимõс арталіс — кольõм вося серти унджык.

Кывтнытõ, кõtь и тыра пыжõн, абу нин сәтшõм сьõкыд. Сәсся Висар эз и тәрмась, сыніс сõмын пелыс помъяснас.

Лõнис вой улõ вõр-ваыс. Весиг герчканъяс эз шыасьлыны, а найõ медсёрõдз олõны став вõр дор лэбачсьыс.

Висарõс вугрõдліс. Асъя водз чеччõмыс да лунтыръя мудзыс

топӧдны кутісны сійӧс ӧтвылысь. Мырдӧн сорӧн калькӧдыштліс сингьяссӧ, мед видзӧдлыны, оз-ӧ косӧ сын.

Друг водзвылас ызакывны кутіс. Висар ыркмуңлі повзьюмысла, ыджыд здук эз сайкав. Сэссия видзӧдліс. Неыджыда чеччалігтыр юысь петіс йӧра. Йӧраясыд тшӧкыда пыравлӧны ваад: ыркыдджык сэнні и лӧдз-номыйд оз сэтшӧма дӧзмӧдны. И тайӧ со пыралӧма.

Юлӧн ӧтар берегыс вӧлі ляпкыд, вутшкӧсь да ляк баддя. Сэтчань и зліс йӧраыд, вӧв моз гораа корсейӧдлігтыр.

Висар пуктіс пельиссӧ, судзӧдчыліс пыж нырас, перйис сямӧд гӧрддзымьяс улысь пищальсӧ да патронташсӧ. Коліс ӧтка пуляа патрон. Сэтшӧмыс кык и вӧлі патронташ веськыдладорас. Видліс дор патронсӧ — эз шед позсьыс: дыр вӧрзьюдльгӧмысла ли мый ли быгтӧ сибдӧма сэтчӧ. Видліс мӧд патронсӧ — эз жӧ шед. А йӧра бергӧ нин кутіс воны. Висар сэтшӧма скӧрмис — курччис дор патронсӧ да нетшыштіс пиньнас; патронташсӧ эз мичаа пукты, а шыбитіс скӧрийвсьыс, и пыжас пыдди сійӧ веськалі ваӧ. Эз дзик пыр вӧй, позис на кватитны, но ӧні Висар эз эшты. Зэв ӧдйӧ зарадитіс пищальсӧ да лыйис. Йӧра весиг эз сувтовкерлы, петіс бергӧ, варкӧдіс-пырис ляк баддӧ... И, кылӧ, уси. Шоныд-шоныд лоліс Висарлӧн морӧсас, быгтӧ кынмигӧн спирт юис.

Сэссия, здук эз коль, йирмӧг босьтіс. «А йӧзася кӧ? — вирдӧштіс юрас. — Ӑні ӧд зэв тешкодӧсь йӧзыд. Вӧр-ваыд нин тшӧтш быгтӧ налӧн, нинӧм он лысьт вӧрзьюдны». Но колӧмыс веніс полӧмсӧ, и йирмӧгыс быри.

Пуляыс инмис йӧралы каджъяс. Пӧсьвывсьыд сійӧ муніс на мыйтакӧ, а сэссия и уси. Но эз кув, сӧмын бӧр кокъяс йылас эз вермы сувтны.

Висар локтіс йӧра усянінӧ черӧн. Кор кутіс матыстчыны, мед сӧтыштны чернас, йӧра вынӧн чапыштгіс веськыд водз кокнас. Эз судз, а эськӧ бур водзӧс мынтіс. Висар видліс мӧдарсянь матыстчыны, но сюсь пемӧс казяліс сылысь кӧсиймсӧ да бергӧдчис водз кокъясыс отсӧгӧн сэтчань юрӧн жӧ.

Висар шӧйӧвоши: пищальсӧ сэссия нинӧмӧн зарадитны, а черысь тӧлкыс эз жӧ ло. Сулаліс да курччаліс ки улас веськалӧм бадь вож. И друг быгтӧ кодкӧ чуйдіс сылы, уси тӧд вылас сямӧд кулян пуртыс. Пыр и мӧвпыштгіс, мый вӧчны. Котӧртліс пыж дорас да разис ӧти гӧрддзым, босьтіс кӧвсӧ, сэссия перйис чернас орчча верӧтявывса раскысь кузь зіб да зэлыда кӧрталіс помас пуртсӧ. Артимис аслыспӧлӧс шы.

Медводдза кык бытшкӧмсӧ йӧра паныдаліс ӧн плешнас, а коймӧдсӧ эз слӧймы, и пуртыс варс пырис голяас.

Висар разис зіб помысь кӧвсӧ да мездіс пуртсӧ, локтіс йӧра дінӧ,

мед заводитны кульны. Виччысьтöгьд сьлөн тувчысис кык вутш костö, и сапöг тырыс гумовтис сьöд нуйт.

— Сöтана!— ёрччыштис Висар.— Эз вермы эстчöджык, косинас, усьны!— И мый вынсьыс чужийс йöралы кынöмас, быттö сийö мыжа вöли татчö кулöмсьыс.

КЫК ВУГРАСЬЫС

Теплоход вылысь, Сажиньысь кындзи, чеччис нöшта öти вуграсьысь — ляпкыдник, яйсялöм дядьö.

Субöтаö кө, дерт, унаөн локтисны татчö карсаыд, а талун серöда, и сöмын кыкөнöсь.

Сажин отпускалаö, эштö öни ас окотасьыс быдлаö. Дядьö, көнкö, отпускын жö, а, гашкö, и пенсия вылын нин: дзор нин тай со пель гөгöрас юрсиыс-а; вылджыксö оз тыдав, шляпаа да.

Вуграсьнысö Сажин мөдöдчылис ёртыскöд, кодкöд дзик та могьысь и öттшöтш петисны отпускас, но ёртсö медбөрья здукас гöтырыс нуöдис ю дорö пожьясьны: öтнамлы пö сьöкыд лöв ва көлуйсö кыскыны. Ёртыс эськö дузмунлис жö, но кывзысис гöтырыслысь.

Тадзи и веськалис Сажин татчö ньöти тöдтöм морткöд. Но öд тöдмасьнытö век поэбö: кыла йöз сёрнитгöг оз овны. А мортыс, гашкö, зев прамöй, бур вылö сöмын вермас тöдмасьöмыс лоны.

Пристаньянь, кыгчö чеччисны Сажин да дядьö, неуна катыдын визувтö важ Эжва. Ыджыд ва дырйиыс кылöдчысьяс тупкисны сылысь вомсö ён бонаөн да йөртисны вывьяньыс зев уна вөр, мед сэссия гожöмнас вочасөн лэдзыштавны да пурьявны. Öни важ Эжваас тырыс на керйыс, мукöдлаас визулыс сэтшöма топöдöма найöс, мый сувтсөн сулалöны. Непöштö морт, трактор эськö залом вылас лыбас.

Лёк ногөн топалöмысла керьясыс көнсюрö коставлöны да аслыспөлс öшиньяс артмөдöны. Сэтшöм öшиньясöдыс и поэбö вуграсьны. А чериыс тані сулалö, лөнъ да. Воддза ветлгас на Сажин ёдiс лэптис, поснисö кө не нин артавны. А öд и кельчияс да ёкышгьяс на тшöтш шедисны.

Вит вугыра донкаясөн кыйсьö Сажин. Мед матыстны черисö на дiнö, розя мешöкьясын рок лэдзалö. Нель мешöк сьлөн татшöмыс, донка лыд мындаыс жö.

Дерт, оз на куш рокыд чериöд: и вугырьясыд мед вöлины лэ-

чюдось, и нидзувьясыд самалом бӱрас мед эз кувны, а личыда веглясисны, и мед некыт эз гартчы сюрӱс-жилкаыд. Но Сажинӱс оз ков велӱдны, оз медводдзаысь мун вуграсьнысӱ.

Заломӱдз позис воны кыркӱтшӱ кайлытӱг, векныыдик лыа дорӱсӱд. Сӱтӱ и мӱдӱдчисны кык вуграсьысь.

— Эн тӱрмась, эн! — дӱзмӱмпырысь шуис дядьӱ, кор Сажин орчаасис ськӱд, мед шыбитчыны кыв-мӱдӱн.

— Ог и тӱрмась да.

— Он тай!

Сажин кольччыштӱс, мед нинӱм абусьыс зыкӱ не воны.

Бона вывьянь, кодӱ кутӱ заломсӱ, лӱсьыдджык вуграсьнысӱ: посывтӱ моз позис сь кузя ветлӱдлыны, эз ков повны кытчӱкӱ коньясьӱмысь. Но тани, важ Эжва вом дорас, эз вӱв сӱтшӱм джуджыд, лыаалӱма да, и посни чери сӱмын сӱйис. Тӱдысь вуграсьысьяс та вӱсна некор эз сувтлыны татчӱ. Дядьӱ, тыдалӱ, абу жӱ нин медводдзаысь локтӱма; эз кеж бона вылас, а пырис веськыда залом шӱрас да чӱвтӱс кисьыс саксӱ ӱти паськыдкодь «ӱшинь» дорӱ.

Неылын лӱзалӱс мӱд «ӱшинь». Сьлань и веськӱдчис Сажин.

— Ме сӱтчӱ вӱйта жӱ! — скӱрысь шуис дядьӱ. — Абу ӱд ӱти подольник менам!

Сажин эз кут вензыны, кайис залом кузя вылӱджык да сӱтысь корсис «ӱшиньяссӱ». Вӱйтасис да пуксис кер пом вылӱ, медым веськӱдны музд кокъяссӱ.

Тӱлыс лунвывьянь ыркнитывлӱс. Енӱжын эз тыдав ни ӱти кымӱр лестук. Вылӱтӱ лӱбалӱсны чыкышьяс, дзирдыштлӱсны шондӱ югӱрьяс улын. Мича сибӱдчис рытыс.

Сажин пукалыштӱс да чеччис видлавны донкаяссӱ. Некутшӱм вугырын эз вӱв нидзулыс, ставсӱ йӱрпьяс джыбӱдӱмаӱс, а асьныс сӱмын куимӱн и пысасьмаӱс. Не кӱ сӱйӱ, мый юкватӱ чӱскӱдӱны, Сажин эськӱ лясӱдлӱс найӱс, мисьтӱмьясӱс. Выльысь самалӱс донкаяссӱ, сӱмын нидзув торьясӱн нин, да вӱйталӱс дыр видывтӱм вылӱ.

Шондӱыс бура вылын на донвидзис, а гырысь чериыд шондӱ лӱччандор сӱмын заводитӱ босьтны. Сажин петӱс берегӱ — кадьыс ӱдӱдджык коляс.

— Эй! — кылӱ, горӱдӱс заломьянь дядьӱ.

— Мый? — воча шыасис Сажин.

— Ноко, вӱсньыдик бадь нӱӱр меным перйӱ. ӱдӱӱ!

Сажинлӱн зепгас складник вӱлӱ. Берег дорас эз этша баддьяс быдмы. ӱти здукӱн кӱтъ дас нӱӱр вунды. Но Сажинлы парскис сьӱлӱмас дядьӱлӱн татшӱм кесйӱдӱмыс: быттьӱ эз вермы сӱйӱ небыдджыка корны.

— Эн кыв али мый? — бара горөдіс дядьö. — Эй, тэ!

Сажин тэрмасьтөг перйис бадь ньöрсö да нуис. Дядьö весиг эз аттьöав, кватитіс ньöрсö да көрталіс йывладор помас ичөтик көлөкөльчик, сэссия сэтчө жö гартыштіс подольниклысь ваись педан сюрөссö. Юөртана вугыр думсьыс вöчис: кор шедö чериыс, нетшкысигас кутас вөрöдны ньөр йывсö да тадзикөн мөдас тиньöдны көлөкөльчиксö.

Дядьöлы нинөм на жö абу шедöма. Сажин видзөдліс сылөн сутуга садөкө, кодос вöлі лэдзöма кык кер костö, да кага ки пидөс пасьта лпапиос сөмын сэсь аддзис.

Көнкө татөн, дядьö вуграсянінын, эм йир. Сэтөн и гожйö гырысь чериыс, сөйнысö сөмын петавлө. Вермас лоны, тыртас тавой дядьöос.

Но Сажин эз завидьты водзвыв: öд петалас кө быттьö чериыс, и сылөн донкаяс дорөдз волас.

— Эй!

Сажин видзөдліс дядьöлань син бөжнас, а юрсö эз вөрзвөдлы, лэдзчысис пельтöм улö.

— Мый он шыась? — ыджыдалан гөлөсөн шуис дядьö.

— А мый?

— Пес чукөрт да биась эстчö берегас.

— Мый на öні бисьыс?

— Рок колö меным пуны. Этша гортын пусьöма. Но, мыйкөкер! Öдйö!

— Колö кө, и биась! — чорыда вочавидзис Сажин.

— Тэ... Тэ көні уджалан? — пыркмунлі да повзвөдана шуис дядьö.

— Көнкө уджала нин.

Сажин плөтникаліс «Комистройын». Сійö ньöти эз повзвы и вермис висьтавны веськыда, но эз көсийы уськөдны асьсö дядьö водзын.

— Абу на, тыдалö, веськавлөмыд морт шөрö, — шуис дядьö.

— Дугды вай! — вочавидзис Сажин да муніс аслас вуграсянінö. Сэні пөрччысис трусик кежөдзыс да водіс керьяс вылө гожьяльштны. Шондйыс лөсьыда на пөжис, көть и эз нин вөв сэтшöм вылын вөртассяньыс.

Куйлыштіс Сажин, ныровмунлі весиг, сэссия чеччис да пасьтасис, выльысь, дзонь нидзувьясөн нин, самаліс донкаяссö. Эскыссис, мый гырысь чери быть коркө петалас: оз кө тайö здукас, гашкө, недыры мысти.

Сажинлөн мөвпыс збыльмис. Кутіс видлавны донкаяссö, и мөд донкасö лэптігөн кодкө сьöкыда мовкнитіс.

— Мыйкө шеді эз на? — кыліс матын дядьөлөн нускан гөлөсыс.

Сажинлы неокота вөлі лэптыны сы дырйи черисө, но полис мынөмысь да нбөжйөнник водзө каттис донкалысь жилка-сюрөссө. Ва веркөсын плавкмунлі ыджыд весьтысь на паськыдджык ёді да бөр вөйтчис.

— Шедөма да! — элясян гөлөсөн горөдіс дядьө, быттө сійөс пөрьялісны.

Сажин матыстіс черіөс судзан вийөдз да сакыштис, сэсса личы-да ышловзис.

Дядьө швырк бергөдчис да тэрыба ваткыльтис аслас вугра-сянінө.

Сажин перйис нопсыс садөк, вуджөдіс сэтчө ёдісө да лэдзис ваө; та бөрын выльысь самалис «шуда» донкасө. Но эз на удит вөйтны сійөс, кызди бара кыліс дядьөлысь гөлөссө:

— Тан тай шедө вөлөм. Ме татчө жө вөйта!

Өти киас дядьө кутіс табъян, кытчө вөлі гартөма подольник, а мөдас — нидзув доз да рок тыра неыджыд розя мешөк.

— Татчө эськө он да! — дойдана вочавидзис Сажин.

— А-а... — дядьөлөн эз артмы водзө нинөм, тыдалө, некор на эз вөвлы, мед сылы паньд мыйкө шулісны. — А-а... а мыйла огыс? — медбөрын сюрины жө сылы колана кывъясыс.

— Сідзи.

— А-а... А тэ төдан, коді ме? Төдан, көні ме уджала? — скөрысь шуис дядьө да быдөн ловзьыштис чужөм вылас, көнкө, чайтис, мый өні сылөн шуөмыс мөрччас нин.

— А ме вөсна, көть мед көні! — орөдіс Сажин.

Дядьө көсийліс на вомавны сійөс, но тшөкмуні: льөбьясыс вөрөны, а вомсыс некутшөм шы оз пет. Бужгылясис-бужгылясис дай муніс. Сэсса эз нин матыстчыв ни эз горөдлы.

Бур кыйдөсөн мөдөдчис аскинас Сажин: куим ёді да вит сын вөлі нопьяс и юква вылө — посни чери. А дядьөлы код төдас мыйкө нөшта шеді эз, рытъя ичөтик ляпаписыс кындзи. Теплоход вылас пыригөн тай зэв букыш вөлі-а.

Сажин казяліс тайөс да радлыштис ас кежас.

ЛӖЖ СЛАВА

Ме ог тӖд, кутшӖм йӖзыс миян сиктын!

Век кодӖскӖ да кодӖскӖ дӖжналоны. МеӖдз нин со воисны. ЛӗдзӖмаӖсь сӗрни, быттьӖкӖ ме Ася ЗабоеваӖс радейта. СкӖрман он эськӖ сӗсся татчӖ? ВӖли кӖ мыйкӖ миян костын, эщӖ на, а нинӖм Ӗд сӗтшӖмыс эз вӖв, нинӖм!

Но дорйи ме Ӗтчӗд сийӖс клубын. СемӖ КольӖ мисьтӖм час-тушкаяс кутис сывны. А мукӖд зонъясыс вом паськӖдӖмаӖсь да гӖрдлоны. Нывъяс чӖв олоны: зӗв Ӗд кокни киа сийӖ. Сӗки Асъяд и шыасис. Локтис СемӖ КольӖ динӖ да гораа, мед ставыс кывласны, шуис: «Абу яндзим?» «Кодысь, тӗысь али мый?» — вомсӖ вежынтьлӖмӖн вочавидзис КольӖ. «А кӖть и меысь! Зӗв кӖ окота быдсямасӖ сывны, пет да ывлаас сыв». «Ачӗд пет! ЛоктӖмӖн тшӖтш эн указывайт!» — горӖдис СемӖ КольӖ.

МиянӖ Ася кымынкӖ лун сайын на воис. Сыктывкарын сийӖ сельхозтехникум помалома да миян колхозӖ зоотехникӖн ыстӖмаӖсь. МӖд морт кӖ сы местаын вӖли, гашкӖ, бӖр мунис аслас пельӖсӖ да пуксис. А сийӖ эз повзъы, эщӖ матӖджык, дзик дӗнас сувтис да шуис: «А вот указывайта! Пет клубсыс!» «Мед аслыд оз ковмы петнысӖ-а», — пинь пырыс лӗдзис СемӖ КольӖ. «МенымтӖ эськӖ оз, а вот тӗныд ковмас!» — Ася кватитис зонлысь юр вывсыс кепкасӖ, шыбитис посводзӖ. Звирк сувтис сӗки СемӖ КольӖ, вом дорыс кӖчлӖн моз тӗралис. А Ася сулалис, быттьӖ нинӖм эз и ло, сӖмын щӖка лыыс чурвидзис скӖрысла. СемӖ КольӖ ыджыда ырыштчис, вот-вот кучкас.

Ме сыысь абу омӖльджык, ӗнджык на: куимысь вермасьлим да куимнаныяс ляскыли. Но меным дыш вӖли суитчынысӖ.

А вот кор сийӖ ырыштчис Ася вылад, эг нин вермы пукавны. Чеччи да, КольӖ, мися, кучкан кӖ, асьтӖ увлань юрӖн и лӗдза ӧшинь пырыс. КольӖ шай-паймунӖ, тыдалӖ, эз виччысь, мый тадзи лоас, лӖгпырысь видзӖдлис ме вылӖ, сӗсся Ася вылӖ да петис посводзӖ.

Клубын сӗтшӖм чӖв лои, быттьӖ кули кодкӖ. Ася торкис чӖвсӖ. Кутис мунны ме дортӖ нывъяслань да шуис: «Ӧти зон тай вӖлома жӖ тӗян сиктын!» Зонъяс, кодъяс сӗн пукалисны, юрнысӖ лӗдзалисны, быттьӖ школаын урокнысӖ абу велӖдӖмаӖсь, а налысь юасыӖны.

Меным эз жӖ зӗв лӖсьыд ло, кӖть и ошкыштісны: эг Ӗд ачым водзмӖстчы, рӖмидзтысь мӖс моз жӖ дуввидзи медбӖръя зду-кӖдзыс.

Но унасӖ нинӖм тан висьтавныс. ОлыштӖм на мыйкӖ дыра клубын дай разӖдчим. Ме пыр жӖ мунӖ гортӖ, Ася — Матрен

тётка ордө, квартираас. Колльөдi кö ли мый ли, а досвиданньö сöмын и шуи. Кысь босьтöмаось, мый ме радейта сийöс, ачым ог гөгөрво!

Но ещё öтчыд сы дор сувтлi. Правлениеын нин тайö лои. Мыйлакö тай ме пыри сэтчö-а. А сэн буретш мöс видзöм йылысь сёрнитiсны. Ася корис Иван Егоровичлысь, миян председателысь, мед лэдзис йирöдны кöть öти вадорса видз, а то пö гожöмбыд вöрын видзам, йöв пö прамойысь эз на и содлы.

Воддза воас ме ачым пастукавлi, тöда, кутшöм вöрад видзöмбыд, лөдз да ном позъяд. Но важ модаыс миян зэлыд вужъя на, кокниа он нетшышт: кытчöдз турун пуктöм оз помавны, ни öти мöс видз вылö оз петав.

«Ме ог тöд. Мый правление шуас!»— вочавидзис зоотехниклы Иван Егорович.

Асялөн бандзибыс гөрдöдiс быдсөн, быттö ныжманөн зырыштiсны, — сэтшöма эз кажитчы сылы татшöм воча кывйыд, но ыджыда лольштiс да чöв олис. Сэки шыясис Начит. Начитнас ми Васьö Кирёос шуам. Сылөн пöшти быд кыв бöрын «значит», но «з»-ыс оз артмы, пыскыль кывъя да. «Важөн тай, начит, вöрын видзлим мосьяссö, да овлим. А öнi, начит, и оз позь?» — лэдзис кулак пырыс тошсö да шуис сийö Асялы. «Мый тi важтö висьталаннныд?» — вомалис сийöс Ася. — Важөн сартаса биён овлöмаось, а öнi посводзаныд тшöтш электричество öййö!» «Но и мый? Бур видз, начит, кутам та вöсна йирöдны?» — эз сетчы Начит. — Вöрас эм жö туруны!» «Вөр туруныд öмöй турун?» — ме тшöтш шыаси. — Гожöм джыныйс коли нин, а мосьясыд век на тöвся гöнаось». Ася казялис, мый абу ставыс сылы паныд, петiс правление джодж шөрö: «Тадз кö ми кутам видзны скöттö, некор уна йöлыд оз лолы, — шуис сийö. — Куш юр лыд вылад кö, нинöм и видзны. Да и меным танi нинöм вöчны. А кöсьяныд кö, мед уна йöв вöли, аски жö лэдзöй вадорö!»

И мед чорыдджыка мөрччисны кывъясыс, Ася некымынысь тотшнитiс ки мышнас Иван Егорович пызанö.

Иван Егоровичлөн чуймöмысла вомыс весиг калькунли. Менам серамöй петiс. Ася тожö чиктылис.

«Но кыз?» — воис ас вьяс да юалис Иван Егорович правлениеса членъяслысь. Некод нинöм оз шу, ланьтöдчöмаось узьмöдчысь чипанъяс моз. — Лэчöдöй либö аски Кузь дав вылас», — шуис Иван Егорович Асялы. «Важөн мед тадзи!» — бурасис Ася.

Та мында и вöли став сёрниыс. Öтчыд ме и шыасьли. А мый сэсса, шыаси да, радейтöм вöсна али мый? Ньöти эг. Ёна жö зьскö заведнö да, прöстатö шуöмсьыд. Тöдмала кö, кодi первой шуис, ог

жө нин гөн ньылыдыс малышт — ныв көть зон. Вот! Мед оз лосьодлыны нинөм абусьыс.

Дзоридз өктыны отсалі, да сійө али мый нин чайтөны? Ме өд эг ачым вөйиыс Асяыслы. Тшөктіс да. Мөдлапөлын тайө лои. Сэтчө мөсьяссө вуджөдісны. А ме перевозщичайта. Моторной пыж менам. Бидонъясла да йөзысла сэтчө вуджи. Челядь висьталісны, кино пө вайөмаось, да тэрмасы. Сөвтім бидонъяссө, йөткыштчыны нин вөлі көсьям, да Ася друг «ой» горөдіс. Мый нин, мися, лои? Дзоридзьясыс пө со кутшөм мичаось, виччысьлы пө, Мишка. Кута, мися, виччысьны! Тэрмасын кө, шуө, тшөтш өкты. Но и өкті, петі пыжысь да. Нывьяс сэн жө вөліны, аддзылісны, мыйкө кө ми сэтшөмсө вөчим. Нинөм эгө. Öкті, мыйта удиті, и сеті сылы. Сэсса вуджим.

А лөж слава ветлө. Коді оз паныдасы, сійө и шпыньмунлө.

А сідзсө өд Асяыс мичаник. Съөдоват синма, дона гоб вылыс кодь дзик рөмыс, зэв небыда видзөдө. Синкымыс — быттө каля борд шевкмунома, сөмын мый абу еджыд-а. Дырджык кө скөрмөдасны, нарошно кута сійөс радейтны. А мый нө?!

ЧӨСКЫД ВОТӨС — СЬӨЛАОЗ

Ыркнитліс шонид рыгыв төв, и ваыс сэк вераліс, катлөдіс вугыр табсө. А сідзсө некод эз дэбөд, быттө абу нин кольөма Эжваас чериыс. Позис эськө вешйыны кытчөкө, джумт корсьны, но Панюковлөн эз нин вөрзьяссьы татысь. Сэсса өд сійө эз и чери понда пуксы, а сідз, өткөн олыштны.

Неуна кывтыдын сулаліс дебаркадер. Сэтчө сувтліс катысь теплоход, чеччөдіс вотчысьясөс; өти морт сөмын чемоданаыс петіс, кутшөмкө нывбаба.

Шойччан керкаө туйыс нуөдіс вадор пөлөн, буретш Панюков мышку сайті. Чемодана нывбабаыд воис сы весьтө да сувтіс, кылө.

— Көн нө тані шойччан керкаыс? Тэ, бур мортыс, он висьтав?— юаліс сэсса.

— Эстөн, муныштан да,— вочавидзис Панюков, довкнитіс юрнас содтөд.

— Сэн вөр да?!— эз бурасы нывбаба.— Кытчөкө тай веськалан.

— Да, со и эм, пуяс саяс. Муртса кыр паныд кайыштны. Туйыс сэтчө нуодө и.

— Код төдас?!

— Польсыс абу!— янодыштис Панюков.— Эн на өмөй не-
кытчө петавлы?

— Эштылі ме коркө лывкъявны!— ярскөба шуис нывбаба да
пуктис чемодансө.

Панюков өнi бурджыка видзөдліс сы вылө. Сёрни сертиыс кө,
сиктысь быттыө аныыс, а паськөмнас дзик карса кодь: кокныыдик
гөрдөв вурун ковтаа да көрөм лөзов юбкаа, и кокас абу югыд рези-
на сапөгъяс (радейтөны сиктад), а ляпкыдик бөра да гөгрөстөм
ныра туфлияс, сөй рөмаөсь. Сөмын чужөмыс сиктсалөн моз мугов-
мөма да вомкөтшъясыс вөйыштөмаөсь, черлыяссө ортсөдыштөны.

— Төрөйт колі локны. Эськө баянөн паныд волісны, — видзөдліс
да шуис Панюков.

— Ме ачым баян. Война чөжыс вомөн гудөкаси, — вомаліс
нывбаба, дерт, эз лөкысь-а.— Лок инды, а?

— Кок улад нө мый туйыс?!— дөжныштис Панюков.— Али
сэтшөм нин эскытөм?

— Код төдас, кодi пө тэ?

— Тэ кодь жө шөйчысь. Төрөйт на жө вои.

— Шөйчысь тэ кутшөмкө потш кыза соинад. Яндзим колө
төдны.

— А тэ нө мыр бертны татчө локтін?

— Ысгисны, да өд быть!— кайтыштис нывбаба.— Гортө пу-
төвкасө вайисны. Сөмын пө мед пропадитлас!

— Но и бур,— гарыштис Панюков.— Сідзкө, пыдди на
пуктөны.

— Нинөмысь менө омөльтнысө,— төдчөдіс нывбаба.— Удж-
сьыд эг бөрынытчывылы, колхозын көть совхозын. Ныла-пиаөс на
быдтi да велөдi дай. Дөвалун помысь.

— Верөсыд нө... усьлі?

— Кытчөкө өд сэсса эз ло. Эз этшаөс армеечсө войнаыд сөй. Тэ
тай вот со ловйөн воөмыд-а. Али эн шогмыв?

— Быдтор колө тэн төдны,— вочавидзис Панюков да ко-
пыртліс юрсө.— Со! Гачөс ог нин пөрччыв-а.

— Мый кузя воргал!— чуймис нывбаба, аддзис Панюков юр
пыдөсысь важ рана туйсө да.— Тайө нө пуляысь жө?

— Осколокөн. Да тырмас сэсса видавнытө.

— Час, юрситө лөсьөдышта. Тырыс жө тай нин дзорыс.

— Эмтөм абу,— дольыштис Панюков да лөсьөдчис валань
чужөмөн. Тадзсө быттыө висьталөма лои, мый нинөм сэсса сөрнитны.

Нывбаба, кылө, босьтис чемодансö, дзуртыштис вугнас, но вörзбём пидди бөр жмут лэдзис туй вылас.

— Видзны колö шондисьыс ранатö,— шыясис бара.— Налы менсьым чышгьянсö, сідз кöть павкнитлы.

— Аслам на сюрас,— вочавидзис Панюков да кыскыліс гач зепсьыс носöвиксö. Лым сыломсянь да выль лымйöдз сійö куш юра ветліс, сöмын пöжан шондись носöвикнас мездьсыліс: жувгыны кутас юрыс, да быть.— Тадзтö он волы, падьялігад...

— Со öд, вöтлө нин,— дöзмөм улö лэдзчысис нывбаба.— Кыдз бара тэкöд гөтырид олö?!

— Овсьöма нин сылөн,— шусис Панюковлөн.

— Лөк верөсыдкөд... öдйö тай и быран бабайд.

— Дугды! Он төд, а сэн...

— Либö мед сідзи и висьталін, висьмис пö да кулі,— дорйыштис асьсö нывбаба.— Пуксьöмыд да нöдкывьясян, быттö ме тэ дінö меліасьны сувті. Ен мед видзас татшөм грексьыд, сизим во нин ыджыд мам да.

— Аслам менам гоз-мөд пöльөн шуысьыс,— муртса эз горөдсьы Панюковлөн.— И тапсьöд сэсса!

— Ог бара ме öні тэысь кольчы,— дэльöдана, весиг нюм сорөн на, вочааліс нывбаба.— Асьсö баянөн вайөдöмаөсь, а менö öтнамөс ыстö.

— Ме сэсса мыжми, эн төрыт лок да?

— А мед важөн нин чеччин да нуөдін менö, прамöй мортөн кө висьтасян.

— Но, со, со!— чеччис да петкөдліс Панюков.— Вевтыс весиг тыдыштö эсійö кызда-пожöма костöдыс.

— Вөр-пу йывсьыс эн инды!— эльтыштис нывбаба.— Абу сійö рака поз.

— Но и сулав, тадзтö кө!— чорыда нин шуис Панюков да пуксис вуграсьны, чөвтис выльысь ылөджык. Кодкө пыр и тиг-тиг вöчис самсö, но эз, тыдалö, öшйы кыскыштігас.

— Кодкө тэныд шедас, йöйыс кө оз,— чиктыліс нывбаба да пуксис орччөн эжа вылас.

Панюков букыштчыліс, но кызкө кутчысис водзөс мөрччана шуöмысь, ышловзис гоз-мөдысь ныр пырыс да сöмын öлөдана кай-тыштис:

— И мед вöлі абу сёрнитөдöма менö.

— Дзик бара веськодь,— эз шöйөвош нывбаба.— Кыв сэсса ог шулы. Коркө öд кынöмыд чеччөдас.

Вежсьöм ли лөнбөм водзын рытыв төвруыс пондис ыджыда коставлыны. Ваыс дыр рөмпöштан кодь шыльыд лөзвидзис.

Еджыд вылыса табыыс Панюковлөн сэк йиö кынмөм дзоридз вылө муніс: самсö видлысь эз лолы.

Кор орччөн кодкө видзöдысьыд эм, нöшта нин сьöкыд ас выяд кольны, көть и эн быть кыйöм понда вуграсьнытö пуксьы. И Панюков вочасөн дзöрнясьны жö кутіс.

— Кысь нö эськö ачыд? — стрöка аддзысь моз юалис нывбаба. — Чужöм вылад тай катыдса кодь-а, войтыштан ныра.

— Кывтывдсаясьыд, мися, мичаөсь, — чуткис жö Панюков.

— Ёна на эськö том дырйи ті вокыслысь вежтö петкөдлім да. Кольöма тай кадыс-а. Совхозын жö уджалан?

— Көнкө уджала нин.

— Вай, колökö, эн ыкшаась, — дözмөмпырысь кайтыштіс нывбаба.

— Но, сплавын. Мед нин сьöлөмыд бурмас.

— Сплавас нö... пышйылін али кызди?

— Мыйла пышйылі? — збыльысь пондіс скөрмыны Панюков. — Гортö райкомсянь волісны, көсьян кө тöдны. Юр доййö муртса кенясьыштöма вöлі, а колö пö, дай муні. Комын во регыд лö.

— Но, медъя, — гарыштіс нывбаба. — А кыздз, шуан, нимыд?

— Нинöм ме ог шу.

— Висьтав, юалöны кө.

— Но, Ёгор, Ёгор.

— Зэв морт ним, мый сэсья?! Меліалөмөн кө, и Ёгорей на. А менсьым и он юав?

Панюков шöйöвошлі. Мый сылы тайö ыръян аньыскöд тöдмасьöмсьыс, сөмын дözмөдчыны кутас шöйчигчöжыс. А сійö со кызд бергöдіс и шпыннялö на ещö, бурысь юалөм виччысьö.

— Марпа жö-а, мый сійöс юалан?! — косіника серökтіс Панюков, мед мөрчылас.

— А вот и абу, — соссьысь ныв моз нюркнитіс нывбаба, сэсья аслас пыді гөлөснас нин содтіс: — Нина. Он кө быттö вунöд.

— Ме ог тöд, — нурбыльтіс Панюков. — Гашкө, ог.

Чöv пуксис та бöрын. Ниналөн быттö став майшасьöмыс быри, нетшыштіс кымынкö ситурун да пондіс мыйкö кыны. Кызіник, вöсни потасъяса чуньясьыс вöрисны гудöкасьысьлөн моз. Панюковлы нимкодь лои: и чöv пуксьöмсьыс, и сыысь, мый гöтырыслөн кодь жö тэрыб чуня тайö аньыс.

— Коркө эськö тэ бурлакавлін жö да, — друг шуис Нина.

— А, дерт.

— Вот и нуöd шöйччан керка дорödзыс. А дышыд кө петö, мича нылөн менö думышт дай.

— Но, лок, инё,— эштывтём важ коми дядьё моз на вочавидзис Панюков, но ньоти нюжмасьтөг нин чеччис да босьтис Ниналысь чемодансё.

* * *

Кымынкё лун найё сэсся эз лёсявлыны матё. Асъя вердём борас Панюков пыр жё лэччыліс вадорё, эз весиг сувтыштлы шойччан керка кильчё вылас, мед шыбитчыны кыв-мөдөн тшынасьысь-яскөд.

Панюков полис Нинаысь, полис зонка моз, коды окота пыравны йёз йөрö. Збыльысь кутшөмкө гажтём босьтліс сійөс вадорас, гыррдза вылас лажыньтчөмөн и кутіс шатинсё, а таб вылас эз и видзөдсьы. Колём чужлі татшөм здукъясас, мед эськө бара кыськө усяс сы дінö Нинаыс: өд сідзсö зэв веськыд сёрниа аныс и сөстөминик, ас бөрсяыс видзөдысь. Но код төдас, мыйөн помасяс кык откайдлөн орччөн пукаломьд. Вермас лоны, қоравяс Панюковлөн Нинасö, а тайö нин дзик нинөмла. Эськө томджыкөсь кö вöліны...

Дерт, мужик мортыдылы абуджык кивыв горт гөгөртö бергөдөмыд, но куш та понда оз сулав кодөскö вайөдны. Да и эм Панюковлөн идрасьысьыс: чойыс воливлө. Сідзкө, Нинатөгыс нин овсяс, а Ниналы — сытөг.

Тадзи жö такөдіс асьсө Панюков и талун, весиг лыбөдчыліс гыррдза вывсьыс да мыйкө дыра видзөдіс таб вылас. А сэсся бара кутіс сійөс гажтём босьтны, и бара мортыд лажыньтчис. Сэки и кыліс локтысьсөс. Видзөдліс — Нина, нюмъялө, сөмын быгтбөкө неуна жугыла.

Панюковлы нимкодъ лои, көть воча нюмъёвтас, но думсьыс зумышмөдчис.

— Ёгорей, гөна пель, эн скöрав,— шыасис Нина, мед шмонитөмө локтөмсö пуктыны.— Меным өд отнамлы гажтём жö.

— Со тай лыа вылас кымынөнөсь,— коса вочавидзис Панюков.— Быгъ колö ме дінö.

— Сэні том йөз. Пöрччыся да тшөтш али мый кута мачасьны? Пöрысьысыс картіасьöны-а.

— Но и пуксин мед тшөтш.

— Ог ме вермы ывлатөгыс. Керкаад пасьвидзөмыд меным турмаын пукалом кодъ жö. Удж оз сетны-а.

— Кутшөм удж?

— Көть кутшөм,— шуис Нина.— Көсийлі тай калидорсö ва ветьökөн чышкыштны, да «мун» шуисны. Тэ, гашкө, ыстан жö?

— Ог, пукав, — ньѳжмыда кайтыштис Панюков, быттѳ дзик на веськодъ сылы тайѳ тешкодъ да вадорса би моз кыскысь аньыс.

Нина пуксис матѳджык эжа вылас, лѳньѳдчис мѳвпалан чужѳмѳн, но регьд и ышловзис:

— Мый и вѳчны? Кѳтъ сьывны горѳд Сюзь Матвей моз. Али оз жѳ позь?

— Сьыв, — гарыштис Панюков.

— Но, талун тай мѳдджык нин Ёгорейыс, — серам сорѳн дольыштис Нина. — Арся лежнѳг кодъ, абу нин сѳтшѳм чуткасьысь. Гажтѳм жѳ, буракѳ, ѳтнадлы?

— А мыйкѳ тай... дышѳдис вуграсьнысѳ, — ылѳсас висьталис Панюков.

— Гортад на, ме чайта, гажтѳмьд босьтлѳ дай? Ёнджыка на. Менѳ тай босьтлѳ-а. Ме сѳки каньѳс вида. Лабичѳ пуксьѳмѳн вида. Мися, ветлан кѳнкѳ, горт он тѳд, волан да сѳмын сѳйны дзайган, кургѳм ог кывлы-а.

— Мый нѳ сійѳс, каньсѳ, видан?

— Кодѳс на сѳссия? — серѳктис Нина. — Мужик видан абу-а.

— Сидзкѳ тай, видзчысьны колѳ тѳысь, а то, мися, кѳтъ коралан да, — мудера дѳжньштис Панюков.

— Он на бара ворссьы мекѳд, — эз шѳйѳвош Нина. — Ме ѳд ѳтчьид вида, а мѳдысь и кык син костад окышта.

— Хым! — сѳмын и артмис Панюковлѳн, сѳссия нинѳм эз сяммы татчѳ шуны. Нюмсѳ дзебѳм могысь курчыштис улыс вом дорсѳ.

— Винатѳ, буракѳ, он жѳ бѳрынт, — казялис да шуис Нина. — Юысьлѳн кодъ модаьд, льѳбтѳ курччалан.

— Ньѳти абу жѳ видлыгѳм, — гарыштис Панюков. — А юысьнад эг вѳвлы, да ог нин ло.

— Либѳ и дугды татшѳм модасьыд.

— Да ѳд... велалѳма. Век тѳв йылын сплавад, варчѳны вом дорьясьыд.

— Вазелинав ли выяв, сидзкѳ. Эз ѳмѳй гѳтырыд ѳлѳдлы? — сьѳлѳмсянныс юалис Нина.

— Шулывлис жѳ эськѳ да, — висьтасис Панюков, а морѳс пыгшкас быдѳн пѳсьмунли: дзик вот шоньянѳй гѳтырыс кодъ тайѳ аньыс, сѳмын мый кывийыс бертчѳджык.

Век на лажынтчѳмѳн куйлѳмысла поэялис гыррдзаыс и коскыс пондис доймьштны, но Панюковѳс сѳтшѳм дыш босьтис, кутшѳм овлѳ бипур дѳнын куйлѳгѳн: лѳсьыд, он кѳтъ и вѳрзьыв. Виччысис, мед эськѳ Нина бара на мыйкѳ юалис ли висьталис. Но Нина мыйлакѳ чѳв уси. Видзѳдлис сы вылѳ — читкыра синма, вомыс

калькмуныштöма, быттö гожйöдчыны пуксьöма да вугыртöма. Сöмын кыис, веськыдыс, вöрыштö, эжа выв турунсö нöбжйöник някралö. Тыдалö, мөвпалö Нинаыс. Мый йылысь бара? Час, коркö öд ачыс шыасяс.

Панюков бергöдчыштис, мыджсис мөд гырдыдза вылас, а юрсö эз лысыт сэтчань пöлынштны, Ниналань чужöмөн колис. Зонмалöмся-ныыс тадзсö эз нин вежавидзлы, весиг гöтыр водзас.

Но кыв сетöм пыдди Нина сывны босытчис. Водзджыксö быттö гудöкалыштис, а сэссия нориника да ясыда, нöти на чиртöм гөлөсөн лывкйöдлис:

Еджыд чышгян, кытчö пышгян,
Ме вылö он видзöдлы?
Ме вылö он видзöдлы,
Свöлөмөс он личöдлы.

Сэссия таысь на вöсньыдджыка, быттö ныв нимсянь, вочавидзис-сбылис:

Русыд юрöй, медся бурöй,
Ог пов тэкöд сүöмысь.
Ог пов тэкöд сүöмысь,
Пола лөкөс шуöмысь.

— Водзö,— виччысьыштис да корис Панюков. Сылы уси тöд вылас, кызди коркö кылöдчылысны гöтырпуыскöд пыжын, и сйö тадз жö пуклос вылас лажыньтчöмөн кывзис гöтырпуыслысь сбылөмсö. И öни Панюковлы чайтсис, быттö пыжынöсь жö найö Нинаыскöд, визув Эжа шöрынöсь.

— Тырмас,— серöктыштис Нина.— Позьö нин гөгöрвоны.

— Мый гөгöрвоны?

— Мый мунны сэссия мен колö.

— Дэльöдчан жö эськö тэ да,— дöжныштис Панюков.

— Вугрась, сйöс тöд,— вочавидзис Нина да чеччис, быттö мунöм вылö нин.

— Мыйла либö волин, тöдан нин менö да?— збыльысь лөгасис Панюков.

— Кужи кö, и висьталі,— такöдана шуис Нина. Аслыс сылы эз на жö мунсы.— Мыштö вот паччöрын шонтан, а свöлөмтö морт дорын.

— Либö эн на и мун. А, Нина?

— Чöv, Ёгорей, абу нин ми тэкöд ас окотаөн олысьяс. Ещö тэ партееч на, буракö, дай.

— Но и мый? Кын сюръяо пөри? А менам, гашкө, вирөй муткырто? — ыззис Панюков.

— Йөзсыс мый шуасны, аслад жө челядьыд... Сійөс медводз думыштлы.

— Некод нинөм оз шу. А шуас кө, сэтшөмыс жө, коді ассъыс дойсө сөмын кылө. Петан он эськө ме сайө. Збыль юала?

— Мун, эн йөйтав, — нора өлөдіс Нина, сэсса пыркнитыштис юрнас, быттө кутшөмкө унзиль веськөдіс, и вөрзис.

Панюков, дерт, вежөрттөг эз ов, мый позьө на лача видзны, ыштгыліс весиг чеччыны да вөтөдны Нинасө, өні жө колана воча кывсө сылысь перйыны, но повзис, мед оз руа мортө сійөс Нинаыс пукты.

* * *

Тувсов ытваыс, гашкө, весът кыза пуктөма шактарсө туй саяс, вөр пөлөныс. Ковмас кө сам вылад нидзулыд, сэтысь и позьө корсны, шактар увсыс. Со тай кымынлаті нин лукйөмаөсь.

Быттө кутшөмкө васалөн жальыс петөма да шуөма гажөдыштны Панюковөс, талун сылысь пыр на сөйис: то кельчи, то ляпа кызд пу корйысь муртса ыджыдджык, то ёкыш кыскө волас.

Эз ков Панюковлы чериыс, да эз и тэрмась сөйигас кыскыштнысө, но горша босьтгад тай өшйысьыд век кодкө лоө. Кымынкө кельчи Панюков первойсө бөр лэдзис, сэсса ёкыш шеді, доймис вугырсө перйигас, ковмис кольны сійөс муас, мед нин сэн куйлө, а оз ваас. А өти чери дінад и мукөд ковмисны. Тадзи ыджыд ки тыр нин өкмис, и век на босьтис. Сідзкө, позьө вайны да жаритны кухняс сетлыны, кызди став вуграсьысысыс вөчөны. Сөйысьыд сюрө ас черитө, Нина на и...

Сөмын нидзулыс Панюковлөн быри, эськө гыж кузя торъяс и самавліс да. Чеччис, локтис вөр дорө, копыртчис лукйыштны шактарсө и аддзис коз улысь сөлаозъяин, пызан пасьта кымын. Пемыдгөрд тусьясыс синтө вежөны, буретша нин кисьмөмаөсь.

Ньөти тусь Панюков эз нетшышт, колис Ниналы вылө, волас кө бара сы дінө.

Но талун Нина эз петкөдчыв. И аскинас Панюков сійөс весьшөрө виччысис, и аскомысьнас, и нөшта на кымынкө лун.

Черисө, кодөс вугравліс, Панюков сэк пысавліс жө ньөр йылө, а сэсса эз и катөд шойччан керкаөдзыс, сетіс кутшөмкө зонкалы. Мөдыс өдйө и котөртөдіс кытчөкө.

Шойччан керкаыд абу сьөд вөр шөр, аддзысьлан кодкөд колө

лунтырнад. Эз ӱтчыдысь усьлы Панюковлы син улас и Нина (то сѣянінас, то кино вылын), но шыасьлытӱмӱн и кольлі: ӱд абу нин зон, мед вӱтлысьны, да и висьталӱма сьлӱн Нинаыслы, мый вӱлі колӱ. ӱні мед ачыс Нинаыс сьлань воськовсӱ вӱчӱ, а оз кӱ...

Тайӱ «оз кӱ»-ыс и уськӱдліс Панюковӱс шогӱ, весиг татшӱм мӱвпӱн эз вермы асьсӱ такӱдны, мый олӱс ӱнӱдз Нинатӱгыс и водзӱ олас. Оз тай, вӱлӱм, вӱрзӱм сьӱлӱмыд кокниа инась.

...Кык лун коли, аскомысьнас шойчысьяс бӱр муналӱны. Панюков пукаліс вадорын да мӱвпалӱс, мый шуны Нинаыслы бӱрзя пом, оз кӱ сӱсся волы. Зӱв мӱрччана кывъяс усьлісны тӱд вылас, но ачыс жӱ сӱсся и повзъыліс наысь, да и сьӱлӱмыс эз лӱпты найӱс шунысӱ.

А сьӱлаозъясыс, видзӱдліс да, гылалан выйынӱс нин, дзоридз коръясыс увлань кусыняс. Ыджыд тӱвру оз и ков, мед ӱти тусьӱдз муӱ лӱдзны. Либӱ зӱр кӱ петалас и. Бур, мый лӱнь талун поводдя-ыс.

Панюков чегис сӱк ловпу вож да сайӱдыштӱс вотӱсаинсӱ, мед лӱбач оз кокак ни морт оз аддзы. Сылы век на эскыссис, мый Нина быть волас.

И Нина локтӱс. Кыв эз сетлы, пуксис орчӱн. Зумыша видзӱдліс Панюков вылӱ, быттӱс сійӱс жӱ и мьжалӱ мыйыськӱ.

— Мися, гашкӱ, он нин волы, — шуис Панюков.

— Ийыдлӱн тай локсис, — элясьыштӱс Нина.

— Ийӱтӱдла али мый ме тӱнӱ?

— Он эськӱ, колӱкӱ, да. Гашкӱ, мися, ӱвсин нин.

— ӱвсян, кор... ӱзтыв сирӱд мыр, мый кольӱ?

— Метӱг на ӱд эмӱсь... Мыйлакӱ тай сӱк шыаси.

— Мед эн шыась дай, — кайтыштӱс Панюков. — А эмӱсьтӱ меным эн висьтав. Лямпӱ гоз, и то сӱтшӱм пуясысь вӱчӱны, мед эськӱ лӱсялісны бӱрас ӱта-мӱдыслы. А ме аддза нин.

— Мый аддзан?

— Мый петас на тӱа-меаысь лямпӱ гозйыд. Бур лямпӱ гоз на.

— Часлы, — нимкодья падъялыштӱс Нина.

Панюковлы телепит лои бара юавны, петас оз эськӱ Нинаыс сы сайӱ, но сӱсся вежӱртӱс, мый бурджык вочасӱн татчӱдз вӱӱдчыны, мед нин Нинаыс оз ӱтарӱ-мӱдарӱась.

— Сьӱлаоз эстӱн коз улас, — гарыштӱс Панюков. — Ловпу вож-нас сайӱдыштӱма. Чӱсмась.

— Ноко, — шуис Нина да чеччис, муніс индӱминӱ. — Збыль тай. А кутшӱм юмов, вомад и сьлӱ. Мый нӱ ачыд эн вот?

— Мися, гашкӱ, волан да, — висьталӱс Панюков.

— Кыськө тай эм!— серөктіс Нина.— А тадзтө вот га-
жаджык жө овнытө.

— Кыдзи?

— Тадзсө нө, өткөн дорсыд. Өткөннад өд мортыд бытгтө боль-
ничаын куйлан: кодкө жалитыштас, кодкө видлыны волас. А
сёлөмыд абу местаын.

— Сідз.

— Дерт, мед эськө мортыд морт шөрө жө веськалан. Воліс тай
менө коравны өти мужик, во нель сайын нин... Мися, тэ сайө бара
ме нинөм вылө ог пет. Мися, керкаыд видзөдлыны оз шогмы, а
кутшөм тэ олөм олысь? Тэ, мися, менө тшөтш нинөмө воштан.

— Менам эськө олан керка на да,— дольыштіс Панюков.—
Мед оз ло ошйысьөма-а. Кывзы?

— Мый?

— Катлам мекөд аскомысь миянөдз.

— Мый ме тиянө вунөді?

— Видзөдлан менсьым керкасө.

— Кывтысь ме татысь, Ёгорей, кывтысь.

— Сідзкө, либө ме тэкөд кывтла! Но?

— Вай огө нин. Тэ катысь, ме кывтысь, мед сідзи и кольө, а
бурөн ме тэнö унаысь казгыштла.

— Веськодь!

— Бара лөгасис,— видліс бурөдны Нина.— Абу өд нин ми
тэкөд ныла-зонма.

— А тадзтө кө, и мун татысь. Эн менө гудрав,— думсьыс
повзөдны көсийс Панюков.

— Муна,— кызкө лабутнөя вочавидзис Нина и збыльысь
мөдөдчис.

Катысь теплоходыс водзджык татчө сувтлө, час куим на колө
сы бөрын кывтысьсө виччысьны. Та вөсна торйөн и кольөдөны
шойччыны волысьясөс, кык пөрийө.

Панюков лэччис чемоданнас дебаркадер пос вылас, ваас синсө
лэдзис да пондіс дзөрнясьны-видзөдавны бадькормыкъяс бөрся,
бытгтө нэмнас на найөс эз адззыв.

Кодкө, кылө, лэччис жө пос вылас, тотшсьөдіс-локтіс сы дінөдз,
йөткыштіс гыррдзанас, бытгтө оз нин төр муннысө. Лөк синмөн
бергөдчис Панюков, дась вины видзөдласнас, кывтө эськө оз нин
убөлит шуны да, и сэк жө лигышмуні: дінас сулаліс Нина, киас
занас нетшкөм сьөлаоз гөрддзым, чукөрөн тгьдөдөма чунь пом гыр-
ся тусьяссө.

— Мый эськө локтін?— скөра нисьө шога юаліс Панюков.

— Водзөстө вайи,— вочавидзис Нина ньөти шмониттөг.

— Колө мен ёна!
 — А видлы! Аслам менам тайёс корсьёма да өктёма.
 — Но, видла,— сетчис Панюков да босьтис кымынкө тусь. Чөскыда-чөскыда сылыштисны найё кыв кусыняс, горш сотчанінө лөсялөм вом тыр көдзыд ва моз ыркөдісны-личөдісны морөс пытшсө. Ышловзъысис быдөн Панюковлөн.
 — Ёгорей жө эськө тэ да,— быттё сьылыштис Нина.— Ловья дырйи вунтөмтор! Мыйла нө эн тодмышкав менө сэки? Кык шог од вөчин!
 — Вот тэ меным вөчин!
 — А тэ меным эн?
 — А либө и... өтлаасям!— коставліс да гөрддзыштіс Панюков.— Вай шу өні, катны али кывтны меным?
 — Кывтлам,— шуис Нина.
 Сэссия кыкнанныс, пельпом на пельпом, доровтчисны пос перилө вылас, мед таджикөн чөв олыштны.

КЫК ЁДІ

Ми локтім бөрья теплоходнас нин. Уджалигад кысь водзджыксө. Атгё — көть бөрья вылас вевьялім.

Катіганым на, мыйён бурджыка тыдовтчис запаньыс, дзикөдз усим сьөлөмнаным: быдлаын тыдалісны вуграсьысыяс.

Дерт, миянлы позис и не сувтны татчө, вылөджык катны, но воддза волігас шедыштис весиг гортө вылө, да бара на татчө думнымөс күтім.

Кыркөтша таті, джуджыд и абу сэтшөм визув. Ёді сулаланін кодь буретш. Век од чайтан, мый коркө и тэн мойвиас оз сөмын ляпаөн. Сэссия и велөг рокыд оз ков уна, войбыд тырмө нейджыд мешөкыд вочасөн петьштөмнад. Видласигад шамралыштан на сійөс, рок тырнас, мед унджык зөр тусь лэдзөм бөрас кылалас. А чериыд визув паныд сөйө, өктысигад коркө и вугырьяс дінад воас...

Мед эськө сөмын чери ветланінас веськавны! Но йөйнад колө медводз асьтө лыддыны, а оз йөзсө: өтчид-мөдысь волөм бөрад найө төдоны жө нин, кытөн медбура босьтө. Сэтшөминьясас и уськөдчөны, мыйён теплоходсьыс петасны. Пенсионерьяс, и то ваткыльтөны-котөртөны бона кузяыд, мед сөмын удитны. Кутшөм эськө сьөкыд ногыясныс, да вунөдлөны тай.

Ми ёрткөд кыкөн нин и чеччим вуграсьысьыс. Петісны сідзсө, дерт, унджыкөн — карысь татчө, посёлокас, локтысьяс. Найö өдйö кайисны кыркөтшас.

Ньöжйөнник мөдөдчим ёрткөд запань кузяыс кывтыд, пурьясян машинаясланьыс. Найö эз нин уджавны, некод некөн багыра эз жö сулав — сідзкө, аски асылөдзыс лоö лөнъ.

Восьлалігмоз кыйкъялім отарө-мөдарө, кытчө эськө инасьны, но мыйён сувтовкерлім, пыр и кывліс горөдөм: «Сэтчө менам вөйтөма».

Некод сэтшөма оз дөзмөд вуграсьысьтө, кызди выльөн локтысь. Төдтөгьд сійö асьыс подольниксө вермас вевсьөн вөйтны. Да и кодлы любө, кор дзык тэ дінө сувтасны. Та вөсна ми и эгө вензөйö, эгө шыасьлөй воча, а вөрзылім водзө.

Тадзи, некытчө вөйтасьтөг, и воим ми пурьясян машинаяс дорөдзыс. Стөчджыка кө шуны, сэтчөдз, көн вөр кывтан «коридорыс» вожалө.

Кык машина костыс бура паськыд, кыкнан улыс бонасяньыс позьö вөйтасьны визув бөрыс. Да и лоö кө кывтысь кер, оз нин вesityкват татчө, а кejas кодараскө.

Но мянөс чуймөдіс, мый некод тан эз ветлөдды ни видлась, тшөтш и вожаланінас, плитка вылас, некутшөм көлуй дзу эз тыдав.

Воддза волігас тані морт нель бергалісны, отилы весиг вөлі ёді шедөма, а тарыт — некод...

Іджыда эскытөг, мый збыльысь мянлы вичмис бурин, вуджим векныдык поскөд плитка вылас. Сульштім, оз-ө кодкө бара горөд, сэтчө пö менам вөйтөма нин. Но вуграсьысьяс, көть кодсюрө и кылан выйын нокисны (абу өд оти бона запаняд), шы эз сетлыны.

Сэссия ме кыйкнитлі, оз-ө кысянькө сюрөс лэччы ваас ли жылка. Некысь эг аддзы. Сөмын трос пом вөрис отилаын визув сорыс. А кужөмөн кө, кык подольник, вит вугыратө, позьö вөйтны тайö плиткасяньыс.

Ёртөй, видзөда, кутчысьөма нин ноп воылас, дась пөрччыны. Виччысьö, мый ме шуа.

— Татчө и сувтам,— шуи ме. Öдйö мынтөдчи нопйысь, да кутчыси трос помө, мед вештыны сійöс мешайтчөмсьыс ли дзыкөдз лэптыны плитка вылас.

Пыр и казялі, мыйкө бытгьө кутыштө. Лыбөді трос помтө вылөджык да аддзи: электропровод сэтчө көрталөма, важкөс, бонзбөм вылысаөс.

Коді нин, мися, да мый тадзсө вөйтөма? Окота лои ставнас лэптывны. Кыски-кыски, и кирпич воис.

— Но?!— сөмын и шусис менам.

— Мый?— юаліс ёртөй. Сійö удитөма нин перйыны нопсьыс,

мый колө. Рок нин сөвтис паньон полиэтиленөвөй мешөкысь мөдө — ас кыом, кепысь ыджда кымын, розя мешөкө.

— Кирпич тай со кодкө вөйтөма, — дөжншыгт ме дөзмөмпырысь. — Подольникыс абу-а.

— Местасө видзө, — гарышгтис ёртөй. — Мед некод оз сувт татчө, быгтбө сылөн вөйтөма нин.

— Мый сәсся, бөр лэдза? — юалі ме кирпичсө бовйөдлігмоз. — Али асьным вөйтасям?

— Ме ог төд да, — падмис ёртөй. — Гашкө, пурьясьсыясяслөн кодлөнкө. Локтас ачыс вой кежлас. Дыр-ө нө посёлокяныд.

— Ёна тай! — скөрмылі ме. — Мед оз мудерав дай. Абу өд ньөбөма сылөн тайө местасө!

Но ёртлөн мөвпалана шуөмыс вочасөн веніс менсьым скөрмылөмөс. Ме бөр брут лэдзи кирпичсө.

Оні эськө нопьясьны да выль места корсьны вөрзыны, а ме дувмуні-сувті чотасьом вөв моз. Эз тэрмась чукөртчынысө и ёртөй.

Оз весьшөрө шуны, черивид пө джуджыдінын олө. А таті бура джуджыд. Кирпичтө ләптігад ме гөгөрвои нин. Та вөсна содтөд эз и мунсьы.

Кыліс өдзөсөн швачкөбтөм. Матысджык пурьясян машинасьыс петөма кодкө. Киас багыр. Миянлань мөдөдчис довьялігтыр, тайкө бузгыяс.

Час, мый висьталас?

Эз на во плитка дорөдз, сувтис. Шуйга ки мышнас (веськыднас багырсө кутіс) дыр да сьөлөмяныыс тілис синьяссө, сәсся ставнас чужөмсө. Вөчис кымынкө вөськов, көйыліс нин мыйкө шуны миянлы, но сэтчө и сутшик на морттө босьтіс: пыркмунлас да лөкыс чатөрмунлас.

Дырөн воис жө ас вьяс, вөлісь видзөдліс миян вылө неуна вөсьса, век на луп-лапмуналысь синьясөн.

Серпасавны кө быгтбө, мыйся морт вөлі тайө, ёна зільны оз и ковмы. Вылысас — ниртчөм, быгалөм бушлат, сәсся важиник, быздыны пондөм пидзөсьяса трико гач да колоша руд валегияс; юр вылас — шляпмунөм, туй выв бус рөма дорөса милицейскөй фуражка. Чужөмыс — еджыда уялысь кыз льөбьяс, лясмунөм ныр да кык джуджыдкодь гуран, көн вөссьывлөны синьяс; и гөгөр — өти пель вужсяныыс мөдөдзыс — гыж кузя сувтса гөна тош.

Ми виччысим сылысь водэджык шыасьөм...

— А коді тані стөрөжыс? — друг повзбөдана юаліс сійө, мед некутшөм ыдьясьөм та кузя миян эз нин ло.

— Ми мыйөн төдам, — дэльөдөмөн жө и вочавидзсис менам. — Воддза воліганым тай некодөс эг аддзылөй-а.

— А вайдөрлунсянь ме! Тырин Мишка! Мед кутанныд төдны.
— Но, зэв бур,— гарышти воча. ‘
— Войнас ме тани ыджыдыс! Лэдза кө, вуграсянын, а ог кө, и онө.

— Ми өд нинөм огө вөрөдөй,— шыясис ёртөй.
— А татчө, плитка вылас, коді тиянөс вайөдіс? — нөшта ыззис Тыриныд.— Тасянь менам аслам вөйтөма. И кыкнан вожалан бонаяныс.

— Кирпичьяс жө?
Сэтшөм виччысытөма лои менам тайө вомаalmöс, Тыринөс быгтьө кезйөдліс. Но сэссия бугжыльмуні да зырөдіс ме вылө, багырсө шыөс моз веськөдіс:

— Лэдза рушкүтө! Видласьыс петөма!
— Ме өд эг төд,— удиті шуны.— Трос пом, а сэссия кабель кутшөмкө... Эськө жилка ли сюрөс кө вөлі...

— Меным и кабельыс олас,— буракө, инасыштіс, Тыринлөн гөлөсыс эз нин сэтшөм чорыда кыв.— Менам вой кежлас лөсьөдөма. Сөмын көртав. Көть сө вугыра подольник. Вот вөйтасыны кута. Весасыөма мед вөлі. А то!..— и сатшкис багырсө плитка шөрө.

— Час, куритчам да,— вочавидзи ме, мед петкөдлыны, мый нөйти эг повзбөй.

— Либө и куритөд,— пузьөм пыдди друг корис Тырин.
Сеті сигарет. Сийө пыр жө чегис фильтрөс да шыбитис кигугыс ылө ваас. Тувчыштіс мелань била, ышловзис ыджыда, мед тшынөн нин сэссия тыяссө тыртыны. Öдеколон дук, мырд курыд да мустөм шома, паркнитіс сэки нырө. Ог төд, кутшөм лөлі сэк менам чужөмөй, а ачым ставнас быгтьө вежыньмунлі. Бергөдчыштөмөн и өзтөді.

Тшынарас Тырин чурснитлөмөн, вомкөтшьясыс төпкан кодьөс лолывлісны. Тшөкмунтөдз дыра видзліс пытшкас кыскыштөм тшынсө, думсьыс, буракө, кольмөдчывны көсьыліс, пөкмеллясө кокньөдыштны. Но сигаретыс бырны нин кутіс, а кылавлыс син колькьясыс бөр петкөдчылісны кыськө кымөс увсьыс — гудыр ва рөмаөсь, виж чутьясаөсь.

Ёртлөн ноппыс кык кузьмөс зепта. Öтиас сийө свинечыс вөчөм сьөктаяс пуктывлө, а мөдас... Мөдас ми пуктывлам доз, кодөс ньөблам юква дінө. Вывтіасыны эськө, шуам, огө вывтіасыөй «курыднад», но йөз серам улас огө жө лөсьөдчөй: адзасны куш няньөн юква панялөмтө да пыр и нимтасыны жмитуньясөн.

Вот дозтө ёртлөн ноп зепсьыс и казялөма Тыриныд. Мися, мыйкө сэтчань кутіс дзоргыны. Но меным дум эз лок водзвыв вөйыны сылы. А ачыс сийө веськыда корны, буракө, эз жө лысьт. Та вөсна неуна ылыстчыліс.

— Меным эськө чериыд оз ков да, — кайтыштіс сійө. — Мый меным черисыыс? Меным и пунысө нинөмөн. Да и самыс абу, корсыны на колө. Вөйтасьөй, абу жаль. Юрөс вот жугөдө. Тіян абу нинөм?

— Эм, — ышловзбөм сорөн гарышті ме. — Но ми сійөс бөрти кезлө... Кор юква пуны берегас петам...

— А-а, — көть и нурбыльтіс, но эз на усь шогад Тыриныд. — Да, ті вөйтасьөй, ме вылө эн видзөдөй. Кузяла вөйтасьөй. Тані ёді сулалө. Төрыт на өти карса кыкөс лэптіс. Ляпасө ог нин лыдды. Со тані джуджтаыс, — босьтіс багырсө да дзумгыліс ваас. Багырыс вошлі, здук-мөд мысти сөмын бөрсө быйкмуні. Сэки и кутіс. — Аддзылнныд? Морт өти ёдітөгыд он на тась мунөй. Тырин Мишкаыд, сійө оз на шыблась кывнад. Вай заклад вартам, поллитраысь! — нюжөдіс мелань кисө. — Отлаын и юам. Ме абу горш.

— Да, ми эскам, — вочавидзи.

— Но либө татчө сибөдөмсыыс... грам сө... А? Збыль, юрөй потө. Сэсса ме муна.

Татшөм каньгөмыд эськө, колөкө, миянлы эз мөрччы, да мед нин мунас, юрөн довкнитөмөн тшөкті ёртлы перйивны дозсө да кыстыштыны.

Бытгө горшад сатшысь лекарство, кодөс колө өдйө да лольштгөг юны, Тырин сөмын гулькнитіс водкатө. А өд эз нин этша вөв — пластмассөвөй кружкаын джынсыыс унджык.

Ёртөй бөр дзевис дозсө. Пон моз, юрөн доровлөмөн, видзөдіс Тырин, кытгө пуктісны. Вөрзыны көсйөм чужөмас сылөн эз на тыдав.

— Вайө мыйкө ещө курччальштыны. Сөйтөм на өд и.

Перйи ноппысь калбас гөгыль, чеги джынсө да сеті. Сэсса нянь зэв кыз шөрөмөн вунді да сеті.

— А асьныд? — вом тырнас няклясиг юаліс Тырин.

— Мый асьным? — эг гөгөрво. — Ми сөйөмаөсь.

— Он омөй видлөй? Көть ичөтикаөн. Мед шедасджык.

Дерт, мудераліс на Тыриныд: чайтіс, видлам кө тшөтш, и сылы на бара, гашкө, вичмөдыштам өти сайысь. Но ме шуи:

— Ми бөрти.

— Тіян делө, — бытгө сылы сэтшөм нин веськодь, лывкнитөмөн кывкөргаліс Тырин. Сэсса сулыштіс на да нбөжйөник, куимысь тувчөмөн, бергөдчис мунөм вылө. — Но, энө дивитөй. Водышгла.

Бона кузя бөр мөдөдчис матыс пурьясян машиналаньыс, багырсө беддьөс моз кыкис зіб помөдыс.

Эновтчим сы вылө видзөдөмысь и пыр жө кылім матькыштөм.

Мый нин, мися, лои? Бергөдчим — пласькысьома Тыриныйд. Бур, мый абу ваас.

Вөлөмкө, крукасьома багырыс бона нарвиас и тутөдөма асьсө. Чеччис да мынтөдис. Сэссия эз нин зиб помөдыс босьт. Усьлытөг воис узыланінөдзис. Пырис, кылө, пурьясян машина пытшкас.

Ми заводитим вөйтасьны. Морт өти подольникөн плиткасяньыс чөвтім, сэссия вожалысь бонаяссияньыс некымынөн.

Войыс мича сибөдчис: пасьтала лөз енэжа, муртса ыркөдысь лун төла. Сөмын кыркөтшладорын, вөр-пу весьтас, гөрдалысь рыгья кыасө дойдалисны сьод кымөр кывьяс, туналисны кунөр. Тайө миянлы содтөд сьөлөм сетис: лөкмөм водзвылад чериыд, овлө, босьтөджык на.

Мөдтор неуна падмөдис. Самасиганым на ёна дөзмөдчисны поснясыс. Оз-оз дай кылан, кызди тигёны воддза вугырьяссө, джыбөдөны нидзувсө. Ковмылис лэптивны да вылысь самавны.

Но дырөн-сорөн лои жө вөйтасьома. Локтим бөр плитка вылө, нинөм вөчигмоз пуксим тшынасьны.

Быд төв ме дугдыла тайө уджсьыс, лун витөн и кывны кута, мый некутшөма нин оз ков, а тулыс воас, да бара... Збыль өд, пуксян кытчөкө кокьястө шойчөдыштны да мый эськө вөчан, он кө тшынась?! А сідзсө быттө мөгөн пуксин. Да и сьөлөмыд нөйтчө, шедас-ө мыйкө, лөньөдны корө. Вот и такөдыштан тшөтш сійөс.

Тшынассис, да шумим видзөдлыны, мыйкө өшійис эз. Разим и сакьяснимөс.

Коркө мен войбыдөн дзик нинөм эз шед. Асывнас нин, карө кывтысь теплоход вотөдз, муні чукөртны подольникьясөс, сакөс эг и босьт: быри надеяй. И рөкыд вылө буретш шедөма мичаник ляпа, ёділань нин матыс. Бөр лэдзан — мынны вермас, сакөй — ылын. Сідз нин, мися, кызкө лэпта. Вайөді ньөжійоник да небыдика кыскыштөмөн лэпти бона вылө. Ляпайд — чеччавны, ме — кутны. А бонаыс эз топыд вөв, костөсь. Өти сэтшөм костө уськөдчис ляпайд, мынөма нин вугырьсыс. Удиті ки пыдөсьясөн топөдны бөжөдыс. Но кыла, кызди бөжыс вочасөн мынө...

Абу на Енмыс сійөс меным шулөма. Муніс. А ме көть бөрддза, сэтшөм забеднө. Сэжсянь век босьта саксө.

Медводз, дерт, видлім плиткасянь лэдзөм подольникьяссө. Ни ёртлы, ни меным — нинөм. А самсө жугөдөмаөсь, өти вугырын кө дзөнь нидзув... Ковмис вежлавны.

Менам вугырьясөй гырысьсөсь, ставыс сизимөд номер. Ичөтджык чериыд оз и өшійы. А ёртлөн, төда, унджык пөлөсөсь. Ми сыкөд сідз: сійө юква вылө кыйө, а ме гортө вылө. Асывнас юксям сэссия.

Мукөд подольникъяссыс меным эз жө мойви. А ёртöй, кылö, скöраліс:

— Ок, эськö вот!

— Мый нö? — юалі, көть эськö вежөрті, мыйысь скöралö.

— Йөршъяс. Нель со öтпырйö.

Ёрлөн мода шыблавны йөршъяссö, быттьö оз на тöд, мый найö и вöчöны юквасö. Но, дерт, абу зэв любö, кор колö мынтöдны вугырсыд тайö нильöг чодзувъяссö.

— Эн шыблав.

Кызд сöмын оз нимгывны йөршъястö! Öтчид вуграсям жö вöлі, а матын кыкөн видласьöны. Кыла, öтиыс шуис:

— Бара эсийö чомбеыс!

Видзöдлі сылань — йөршöс бовйöдлö.

— Эн шыблав.

Здук эз коль, и мöдыс шыасис:

— А менам касавубу!

Видзöдлі мöдыслань — гашкö, весьт кузя йөрш шедöма. Пöттöдз сэк сералі.

Öнi на бара петіс серамöй, дум вылö уси да. А ёртöй, кыла, небыдика гарыштіс:

— Эн пессы.

Кодкөд нин, мися, тадзсö меліасьö? Юалі:

— Мый?

— Ляпа ичöтик. Мөд на со локтö дай.

Вуграсьнытö мунаң да, он кө пулы юкватö, быттьö абу жö лöсьыд. И бур, кор шедыштö. Но мед эськö и гортад тшöтш вайыштан. А гортö вылö мияң эз на нинөм тыдав.

Дерт, шогас эгö на жö уськөдчöй. Войыс, кызд шуасны, мияң на вöлі. А ёдыд войнасджык босьтö, час кыкъясын.

Пукальштім, тшынасьыштім да бара чеччим видласьны. Воддза мозыс жö ме тыртöг локті плитка вылö. Ёртöй сак пыдöсас содтöд вайыштіс юква вылö: кык ёкыш да ляпа, йөрш на кымынкö дай.

— Мыйкö кынөм сямавны кутіс, — пуксис орччөн да шуис.

— Пусям, петалам да.

— Вай.

Кайим кыркөтшас. Ме чукөрті лөпгяс да биаси, мөтыр сатшки, пукаланін лөсьöді. Ёртöй бөр лэччыліс ва дорас чери керны да картофель весавны.

Юква лои öшөдöма. Виччысям, кор пусяс. И сэк бара локтіс Тырин. Сувтіс да очсыштіс паськыда, мися, вом каличыс көть мед оз чеччышт. А кыв эз сет, быттьö сылы тани быть вöлі колö лонысö.

— Ёдіаліс эз на? — пуксис би дорё да вёлись шыасис.

— Эз, — дышпырысь и вочавидзи.

— Войнас! — эскөдіс кинас мөвкнитөмөн.

Локтөма да, он вөтлы морттө. Быть ковмис юква водзвылад бара мыччыны Тыриныдлы. Но коть мед аттьо ли мый ли вись-таліс. Гулькнитіс и — абу. Паньё сэсся кутчысис. И збыль, буракө, лунтыр на абу сөйлөма, вом тырнас мутшкис няньтө. Коляс калбассө весалі да вундавлі, сылы вылө жө быттё: өтчыдысь юква паньыштас, мөдысь калбас чөлан босьтас.

Пөтіс ли эз ли, код төдас, а сэсся друг пөрөдчис мыш вылас, ножмасьыштис сідзи и ланьтөдчис, синъяссө весиг кунис.

Чайтім, унмовсис. Мый нө, юрас вөыштис, кынөмсө тыртыштөма жө лои. А, вөлөм, олә.

— Ок, эськө пывсьыны кө өні! — тьякөдчыштис кыз льөбьяс-нас да шуис. — Ёна эськө и пывси.

— Он өмөй ветльавлы? — юалис ёртөй.

— Сэтчө өд деньга на колө. Билет вылө да, корөсь вылө да.

— Сы мындаыд сюрас на, — эз лэдзчысь ёртөй.

— Деньганас менам мөдлаө мунсьө, — серөктис нисьө нур-быльтіс Тырин да вөлись вөсьтіс синъяссө. — Час, арнас бурпөт пывса, гортө кайла да, мамө дінө.

— Көн нө мамыд олә? — юавсис менам.

— Тасянь оз тыдав, — мудера вочавидзис Тырин.

Аслыс ыджыд дон сетысь морт кодь сійө өні куйліс. Меным быдөн парскис. Ёртлы, буракө, тшөтш. Стөч сідзи и чуткис кывнас Тыринлы, кызд ме вөлі көсья нин:

— Тайө эськө тэныд абу жө удж да, стөрөжалөмыд!

— Чайтан, эг уджавлы бур уджъяс вылас? — паныдаліс Тырин, весиг лыбөдчыліс гыррдзанас мыджсьөмөн. — Милиционер-нас и, клубзавнас и, мыйөн нин сөмын эг вөвлы. Ме быдтор кужа.

— Мый быдторсө? — кызкө эз эскыссьы менам.

— Гудөкасьны, шуам. Нота серти. Тракториставны. Черөн вөдитчыны.

— Мый сэсся либө стөрөжалан? Абу на өд пөрысь.

— Тан оз жө мускөс зырт, — кывкөрталіс Тырин да ножөд-чыліс чөскыда. Но, тыдалө, мөрчөма на миян шуасьөмным, морт туйө сійөс пуктыгөмным. Скөрысь кызөктис да водзө кывъясис: — Эз кө менө тшыкөдны, ме өні, гашкө, лейтенант нин бротъялі. А то и капитан! А мый, сержантсө сідз сетлісны-а, кор армияысь вои да милицияас уджавнысө корисны. Позис сэсся вылө велөдчыны, юридическөй институт на помавны.

— Код нө тэно тшыкөдіс?

— Бабаяс! Мый нө, самөкур пуоны, а ме милиционер. Пыран кодөскө өлөдны, статьяон повзёдлан, а тэныд стакан тыр ваясны, лук турунла на кильчө помас котөртласны. Он эськө дзик пыр ю, дузьялан, ыстысян, мый служба вылын, мый оз позь. А бабаясыдлы мый?! Видлы пө, кутшөма артмөма. Мужик морт пө тэ гөгөрвоанджык. Сэссия и чорыдавнысө ас мортыд падъялан: өти висьталө керка тшупигкежлө пуөмөн, мөд квайт вежон кутшөмкө кулөмлы лөсьөдө, коймөд зятъсө виччысьө картупельла...

— Эз ков сетчыны!— шуис ёртөй.

— Сетчөм бөрад!— дольыштис Тырин.— А сэссия и чөсми, тачкыны кутис горшө. Терпита-терпита и ветла кодкө ордө «шобсыны». Он өд пырөмөн тшөтш шу, пөкмелитчыны пө локти. Вот и вои помөдз... И наганөс вошги...

— Кыдз нө нин нагантө?— чуйми ме.— Перйылин али мый кобурасыс? Ырыштчылин кодкө вылө?

— Эг, ог тай помнит-а,— лабутнөя вочавидзис Тырин.— Гришө Иван понлы, буракө, код юрнад шыбитсьөма. Увтөмсыйс ли мый ли. А кыз сэссия Гриша Иван град вылас наганыс воис?

Кыкнаннымлөн ёрткөд серөктысис. Тырин ньөти эз дөзмы таясь: мөдтор, тыдалө, эз и виччысь татшөм висьталөм вылас.

— Сюри жө сэссия? Наганыд?— юалі ме серам сорөн на.

— Гриша Иван гөтырыслы вөлі сюрөма. Град весалигас. Йөй бабайд сэссия меным вайөм пыдди сельсөветө нуөма. А сэсянь райотделө звөнитлөмаөсь. Аскинас и приказ воис. Комион кө шуны, ушымгайтчас пө мед!.. Но, вай, тшынасьыштамөй. Сэссия, кывзаннды кө, водзө висьтала.

— Кывзам,— шуис ёртөй.

Сеті Тыринлы сигарет. Öнтая моз жө чегис филтьрсө да шыбитис ылө кигугыс. Öзтис ньөртөрийөн бипурысь, кыскыштитс азыма гоз-мөдысь да чиктыліс, быттө оз сы вылын ков серавнысө, а кодкө вылын.

— Сэссия ме трактористө муні велөдчыны. Эг совхозсянь, а лесопунктсьянь. Зеленечсө төданныд? Сикт эм сэтшөм.

— Төдам,— вочавидзи ме.— Ме ачым сэтчаньысь.

— Мөдлапөлас, Эжва саяс, опыгнөй леспромхоз сәні. И школа, трактористө велөдан. Помалі ме сийөс, диплом сетісны. Куш стипендия вылад ёнатө он ю. Быть велөдчы. Локти бөр лесопунктад, уджавны кути. И бара... Деньгаыд өд өні вөрад воө, он кө дышөдчы. А бригадаыд комплекснөй. Пөкмелля ли абу, а пет удж вылад. Тэ вөсна оз кутны мукөдыс сулавны. Вот и сеті выль во бөрас тракторөс...

— Нарошно?!— шемөсмыліс ёртöй.

— Мыйла нарошно?!— скөрмис Тырин.— Чайтан, юыштала да, сәсса ме враг нин?

— А кыз нө сәсса?!— эз өвсыы ёртöй.

— Сідз жө!— кайтыштіс Тырин.— Тэ видлы заводитны немьын градуса вой бөрад.

— Эн ю,— вомаліс ёртöй.

— Ме өд ог вина шу. Көдзыдсө шуа. Кувакылө тракторыд, бытгө жынннө кучкан, а тэн колө заводитны. Медводз биасян картер улас, шонтан. А пескыд кын, чискө. А бригадирыд тәрмөдлө. Дизтопливотө сәсса он и жалит би вылад... Койышті ведраысь да пөсь ва вөчны муні, а, кыла, горзөны нин. Видзөдлі — ыптялө тракторöй... Бара — прөщай!..

— Судө весиг эз сетны?!— юалі ме.

— Кысь на ещө и сетан?!— пыр и вештіс Тырин ас вывсыыс мыжсө.— Ме нө шоныд гаражө локті? Эз быть вөв меным биасьнысө?

Ми ёрткөд лэптыштілім пельпомьяснймөс, нинөм эг сяммөй шуны татчө. А Тыринөс, буракө, гильөдіс нин висьтасыны окотаыс:

— Сәсса ме Льөмьяю муні. Шойччан керка!

— Путёвка али мый сетісны трактор сотөмсыыд?!— пыр и юавсис менам тадзи.

— Мыйла путёвка? Уджавны муні. Газетысь лыдди, кочегарьяс пө колөны. Льөмьяюад, сэн лөсыыд! Пач ломтыны менө индісны. Башняс, мед ваыс оз кынмы. Сутки ломтан, кыкөс прөст. И сизимдас көкьямыс шайт воө. Куимысь лун вердөны. Сөйөмсыыс сөмын дас көкьямысөс кольөдөны. Мыйөн лөк?

— Мый нө либө петін?

— Гожөмнас нө коді сэтшөм пачсө ломтө?!— йөй вылө моз видзөдліс Тырин да вомаліс менө.

— Мөд удж кутшөмөскө корин.

— Официантөн?! Велөдан сэн. Куритөд вай бурджык.

Мыччи сигарет. Тырин эськө нюжөдіс кисө, но водөмнад эз судз. Мися, лыбөдчылас. Эз өд. Ковмис аслым чеччывны.

— Видзөдлам кө-а,— шуис ёртöй да довкнитіс юрнас запаньлань.— Көть самьяссө вежам. А, гашкө, буретш сөйө?

— Ветлам и эм,— вочавидзи да сувті.

— Час, помала нин,— шыасис сэтчө Тырин.— Гожөмнад ме техучастокын уджавла, көсьянный кө төдны.

— Мый нө сэн вөчлан?!— юавсис менам, эськө позис өдйөджык мунны-а.

— Со тай!— пуксис да шуис Тырин, кинас индіс мөдлапә-
лас.— Аддзанныд обстановочной пассо?

Войыс бура югыд вөлі, ылысь тыдаліс.

— Но, аддзам.

— Ми сувтөдлім.

Бурджыка видзөдлі да казялі, мый сюръяыс неуна пөлөс. Орчөн
коз пу сулалө, да сы серти нөшта нин төдчө.

— Пөлөсөн жө и сувтөдөмыдөсь,— гарышті.

— Аванс бөрын!— серөктіс Тырин.— Та вөсна жө и ковмис
техучастоксыыс...— и мед ми стөча гөгөрвоим, печиктіс голаяс.—
Стөрөжө сәсся татчө пыри.

— А клубас нө, сідзкө, кор уджавлін?— юалис ертөй.— Шуан
тай, нота серти пө кужа ворсны.

— Сійө өд ме армияөдз на. Баянистө велөдчыны сәк ыстыліс-
ны. Но, локтө ветламой подольникьяс дінад. Кыйсьөм кузяыд ме
зэв шуда. Вот аддзыланныд!

Ми нинөм эг шуөй. Шу көть эн, вөтчас жө-а. Вөрзим би до-
рысь, и Тырин миян бөрся.

Подольникасигад медся шуда здукыс овлө, кор кутан ләптыны
и кылан сьөкыда тукнитөм: тук-тук. Кутшөмкө пытшкөс төвру,
шоныйд да кокни, мунас сәк морөс пырыд.

Тадзи жө и лои, кор ме күті каттыны плиткасянь лэдзөм по-
дольниклысь сюрөссө. Лөсьөді сакөс ки улө да лич сетлытөг, но
өти нбөжмыд өдөн водзө катти. Со нин свинеч сьөктаөй да рок
тыра мешөкөй мыгчысисны, медводдза вугырыс... И кыліс больс-
мунөм водзынджык.

— Ёді. Пом вугырад,— шуис Тырин.

Ме и ачым аддзи, кызди сійө еджыда павкмуни ва веркөсас.
Сьблөмой инасьштіс: ёдыд кө лолыштас ортсы сынөднас, оз нин
сәтшөма пессы.

Коли кымынкө здук, и сакын нин сійө муткылясис. Күті мын-
төдны вугырсыыс да ыркмуни повзьөмойла: муртса улыс вом дор
йылас өшйыштөма. Но мед, воис тай-а.

— Кыкыд бура лоө,— кайтыштіс Тырин.

— Дугды,— вочавидзи сылы. Эз нин сәтшөм ыджыд ёді вөв,
мед кык кило сетны.

— Килоөн-джыниөныйд лоө-а,— чинтыштіс Тырин.

Ме эг кут вензьяны. Одийджык самалі тайө шуда подольниксө
да бөр вөйті. Сәсся перйи нопйысь садөк, лэдзи сійөс плитка бок-
сянь ваө да вуджөді сәтчө ёдіөс.

Сакөс лои көтөдлөма! А кодөс оз ышөд татшөмторйыд. Бона
кузя тэрыба мөдөдчи видлавыны мукөд подольниксө. Тырин эз нин
вөтчы, кольччис плитка вылө, сәсянь видзөдіс, ог-ө мыйкө ләптөй.

Ёртөй, ме аддзывмөн, кык ляпа сакыштіс, өтисө мичакодьюс. Чайті, мый и меным содтөд мойвиас, но чайтөмөн и коли. Менам бонаой, буракө, бокөджык лоёма чери ветланінсьыс.

Видласиг-самасигад сэтшөм өдийө муно кадыс! Видзөдлі часи вылө, да бипур дорысь вөрзёмсянь матө кык час вешйөма.

Енэжас кыскө воёмөсь еджоват кымөръяс. Асыывывладор-сяньыс найө гөрдөдөмаөсь, быттьө доналөм көртысьбөсь. Сідзкө, шонді нин петө.

Тырин куйліс плитка вылын, гатш водөма, киясыс юр уласось. Мыйкө шуалис. Вөлөм, сылө. Матөджык вои да стөчмөді.

Асья кыа водз лэбалө...

Көть и чирыштөм гөлөсөн, а буретша-лөсьыда нуөдіс. Тыдалө, ворслывлөма коркө тайө сыланкывсө.

Сьыліс сьөлөмсяньыс, шога-шога нюркнитавлөмөн. Мыйыскө сэтшөма гаж бырөм восьтөдіс. Мыйысь? Код төдас. Гашкө, морт нога оломсьыс.

Помөдз сьыліс, сэсся ланьтөдчис, кунис синъяссө. Сөстөма нюм-сермунлі: буракө, долыдджык лои аслыс татшөма сьылөмсьыс.

— Ноко, кыйдөсьд? — шуи ёртлы.

— Садөкад, — вочавидзис сійө.

Лыбөдышти васьыс садөкөс: куим ляпа да ёді сэн вөрисны. Сэсся тай кызди ставныс өттшөтш ызмуніны. Бөр өдийөджык лэдзи.

— Мый сэн?.. — ызмунөмтө кыліс да повзёмпырысь горөдіс Тырин, сувтіс. — Али чериясьд? Тырин Мишкайд оз на сөр. Шуи шедас, и шедіс. Лэпты мөдсө!

— Кутшөм мөдөс? — эг гөгөрво.

— Талысь пөвсө, — эскөдана долыштіс Тырин да индыліс кинас садөклань. — Ёдйөд оз өтнас ветлы.

— Лэпта, — нерышти ме. — Пысалин кө быттьө, ваас пыралін да.

— Да, эм нин сэн, эм! — ыззис Тырин. — Он верит?

— Көні эмьыс?

— Тайө жө подольникад. Вайлы сактө, дыш кө аслыд.

— Сулав, — шуи Тыринлы. Но аслам эз нин виччысьы. Да и костыс бөръя видлөмсяньыс төдчымөн лои.

И збыль, понді каттыны подольник сюрөссө и кылі, кызди тук-тук вөчис шедөм черыыс. Ёнтая моз жө нбөжмыда водзө катти, лөсьөді ки улө сакөс. Ог и видзөд ныр улө, а водзө, оз-ө бара павкмун.

— Сақышт!— мурөстік Тырин.

Вөлөмкө, медводдза вугырас. Ёді. Оз и пессьы, муртса бөжнас пиксьыштало, кеждөчө. Буракө, дыр нин шедөмыслы, мудзны уди-тома. Татшөм черитө гумовтны оз ков пельклун.

— Пөлыс!— кайтышгис Тырин, кор ләпти ёдитө.— Морт өтиөн тиянлы. Сэсса оз жө шед-а.

— Мыйён төдан?— юалис ёртөй.

— Видзөдлы шондї вылас, көнї нин.

Эг и казявлөй, петөма шондїыд, лыбөдчөма весиг коркө кост вөр-пусьыс.

...Чечьыштлыны кө водзө тайө вочасөн висьталөмсьыс, эз и шед сэсса миянлы ньөти ёді, кымынкө ляпаөн сөмын. Но, кызд шуасны, аттвө и та вылө.

— У-ой!— очсьыштгис Тырин.— Могмөдөма лои тиянөс. Бур ногөн кө эськө, и менө колө да.

— Ми жө тэнө юкталім,— паныдаліс ёртөй.— Вердім и.

— Луныс өд кузь на. Тэ локтан гортад да сёян, а ме?

Ог төд, миян пыдди кө мөд йөз вөліны, мый татчө шуисны. Көть и эг кылөй асьнымөс Тырин водзын водзөсаөн, но индыны сылы, со пө туйыс, эгө жө ыштөй. Коляс сёяннымөс — нянь, выйтор, сахар, тшөтш и картофель да чай — ставсө гартыштим газетьясөн да сетім.

— Миян эськө тан фиалка вузалөны да,— дөжньыштгис Тырин.— Абу и дона.

— Мыйся фиалка?— юала ме.

— Одеколон. Сизимын воссө лавкаыс.

Тырин виччысис, мый ми вочавидзам. Видзөдлывліс гусьөник өтарө-мөдарө, ог-ө пыралөй ёрткөд зепьясаным.

— Миян билетьяс вылө сөмын сьөмным,— шуи ме.

— Ылөдлы кодөскө!— дузмуні Тырин. Сэсса пинь пырыс чилс сьөльыштгис, мед мөрччасджык шуөмыс.

Гач зептын менам вөлі посни, а морөс зептын шайта. Сеті поснисө Тыринлы, ёртөй содтышгис.

— Но, вот!— бурасис Тырин.— Öнї ме ола. Овнытө быдөнлы колө! Сїдз өд?

— Татшөм олөмыд тэнад!— зіли думысь дойдыштны.— Талун пөт, аски тшыг.

— Ме тшыг? Ме быд лун пөт и код! Рыгнас бара кутшөмкө вуграсьысьөс татчө лэдза. Вот тадз, дона пиө.

— Тунаядец жө эськө тэ да, көть и удж вылын лыддыссян!— бытшки ме.

— Правильно! — серамö бергöдiс Тырин. Тыдалö, абу нин öтчы-дысь сылы тадзтö шулöмаöсь. — Менам сэтшöм мода, сёйышта да вода. Но, водзлань! — и довгис бона кузя пурьясян машиналань.

Быттöкö мынтöмторйöн лякöсси, сэтшöм эз ло лöсьыд сёлöм вылын. Ёртöй, видзöдлi да, дзугыль чужöма жö сулалiс.

ВЕТЛIСНЫ ПУВ ВОТНЫ

Сы воигкежлö гöтырыс пызан нин вöли лöсьöдöма, сöмын пук-сы да сёй, но Турышев велалöм вылысь шуис:

— Вай вердышт мыйöнкö.

Сэсса пуксис, ныр улöдзыс матыстiс руалысь шыд тыра тасьгiсö да азыма заводитiс панясьны. Гöтырыс эз понды сёрнитöдны сйöс, весиг эз юав, чöскыд абу шыдыс. Субöтаад полö юасьнысö: верöсыс эзв тшыг локтö и быдтор вермас вочавидзны.

Мыйкö дыра мысти Турышев пöтыштiс и лигышмунiс-личальштiс. Чужöм вылас тшöтш вежсьыштiс: топальштiсны да чукырмунiны син лапьясыс, лэччыштiсны бандзибьясыс. Тöдчымöн пöрысьджык быттö лои.

— Аски миян пув вотны мунöны, — кивворассис да висьталiс Турышев.

— Мыйöн? Теплоходöн? — веськодя юалiс гöтырыс.

— Оз. Автобус корöмаöсь местком пыр.

— Вай ветлам тшöтш.

— Мудзтысьнысö? Гашкö, нинöм оз и сюр-а. Вузалöны тай.

— Ньöбöм пувйыд! Джынийыс нырсьöма.

— Ветлам либö, тöрам кö кытчöкö.

— Тöрам кö! Абу öмöй тэ ыджыдыс?

— Ме эськö да, — шуис Турышев, но ньöти эз асьсö лэптöм могысь.

— Мый нö сэсса? — дузмунлi гöтырыс. — Кытчö пуксям, сэтöн и пукалам.

Аски асывнас, лöз югыд на муртса тöдчис ывлаас, гöтырыс садьмöдiс нин чöскыда узьысь Турышевöс, весиг синсö тильыштны эз сет. Гозья тэрыба сёйыштiсны, пасьтасисны шоньдджыка, босьтiсны дозьяс да лун кежлас вомö сюантор и петiсны гортсьыс.

Тöрыт рытсяньыс на тöлыс пугрöдлiс вежсьöм водзын. Асьявылыс, буракö, инасьöма, рытыв-войсянь öни кöдзыда ыркнитлывлiс,

посни зэрөн пызыйштліс. Керкаясысь төкөт्यों выліті вевсьөн кыв-
тісны кымөряс. Пызан пасьта восьсаин некөн эз тыдав енежас.
Шонді мыччысьлём татшём арся лунад нинём и виччысьны.

Турышев сиктын быдмис, водз чеччөмсö и лёк поводдясьö тöдліс.
Но абу öд ставыс муса, мед выльысь видлыны.

Гөтырыс йöжгылясис мунігмозыс да яндысьтöма гораа кыс-
кыштліс нырнас. Тавысь Турышев быдөн дөзмис сы вылö, но чөв
оліс: мед эз нуöдчы дай, кынмö кө öні.

Мыйтакö мунём мысти Турышевöс ыджыда горзвöдіс: гырыся
курчавлём нянь торьясыс бөр вомас петісны. Сувтлёмөн ковмис
сьöльыштны.

— Восöдö али мый? — юаліс гөтырыс.

— Оз.

— А мый нö эськö либö?

— Нинём! — скöрысь вочавидзис Турышев. Дерт, вичмыліс
сылы ноксьöмыд удж вылас, но кызвыннас оліс-выліс шыльыда, и
öні некыз эз вермы висьтавны аслас жö мөвпыштём-юалём вылö:
а мыйла тайö ставыс сылы колö? Позис эськö сьöлөмсö кутшö-
макö бурöдөм могысь видыштны гөтырсö вотчынысьö нуöдөмсьыс,
но гөтырыс со сідз нин зумыш, оз жö, тыдалö, думсьыс асьсö ошкы.

Тэрмасьтөг, мырдөн ыстөмаяс моз и восьлалісны водзö. Авто-
бусыс вөрзыны нин вöлі лөсьöдчö, кор найö воисны урчитöминас.
Тырыс чукöрмөма вотчысьыд: коді гөтырсö вайöдөма, коді верөссö.
Кымынөнкö весиг сулалісны пуклөсьяс костас. Но Турышев гозь-
ялы вичмөдісны водзсьыс öти пуклөс: олөма йöзтö да нöшта юра-
лысьтö гөтырыскöд абу жö мича сулөднытö.

Автобус вөрзис, бергөдчөмөн кежис карысь петкөдан улича вылö.
Лыбисны сёрнияс, коді кутшөм доз босьтөма да вермас оз тыртны.

— Степан Иванович, онö вöлі көсийöй-а...

Тайö шыясис бөрлания сулалысь Лобанов, производственной
отделөн веськөдлысь.

— Мыйкö тай тшөтш веж петіс, — небыда вочавидзис Туры-
шев.

Войдөрлун на костын кыптыліс зык сяма.

— Ньöти жö нин ми асьным огö мөвпалöй, — виччысьтөг
шуис Лобанов. — Вöчам сөмын сідзи, кызди индöны. Дерт, тадзтö
көкньыдджык уджавнытö, но öд...

— Тиянлы эськö мед ставсö мөдарö? — дойдана вомаліс Туры-
шев.

— Мыйла мөдарö? Проектируйтесьясыс öд абу йöйяс. Но дзик
быдтор найö оз жö вермыны артыштны. А ми асьным огö жö дай,
на вылö лэдзчысьöмөн олам.

— Коді миыс?

— Ставным!— ичот моз ньоти кытшлавтөг вочавидзис Лобанов.

— Интереснө!— кузякодь чөв олөм бөрын мөрччана рочыштис Турышев, сэсса, мед не петкөдлыны вывти дөзмөмсө, пондис видзөдны ывлаө.

Татшөм воча кыв вылад Лобанов, дерт, эз жө бурась; дзик пыр эз вешйы Турышев динысь: сулалыштис, кызөктис нарошнө да вөлисти.

Өнi, небыд пуклөс вылын лывкъялигөн, Турышев зилис гөгөрвоны да стөча донъявны Лобановлысь талунъя шыасьөмсө: өд вермис сийө и не кывгьясьлыны, а вот шыасис, и эз, кажитчө, сералөм могьсь. Збыль кө веськыд сьөлөма мортыс?

— Степан Иванович, а ме рөжинь босьти,— торкис Турышевөс мөвпалөмсыйс экономист Касева.

Кодөс-кодөс, а сийөс Турышев важөн нин донъявлис, кызди омөлик уджалысьөс, но век на видзис управлениеас: полис содтөд ноксьөмысь да майшасьөмысь. Эськө ачыс кө Касеваыс бурөн мунис, сэк мынөма вөли сыысь, а сийө эз мун, эз весиг гаравлы та йылысь, а асьыс сямтөмлунсө вевтгылис пызан саяс зунысьөмөн да быд пөрийө, колө и оз ков, юралысьсө ошкөмөн.

И со шыасис аслас век өткодь лиска гөлөснас, и колі кодкө ног вочавидзны сылы.

— Кушшөм рөжинь? Мый сэтшөмыс?

— Эн на өмөй адззылөй? Со!— радпырысь шуис Касева да перйылис наберушкасьыс пызь лөдан кодьөс, сөмын пиня пидөсаөс.— Зэв өд өдийө тайөн содө, пувьяинад кө веськалан. Верма и тянлы тшөтш вотяштны.

— А меным и он?— пановтис Турышевөс да гарыштис Лобанов.

— Тэ эськө ачылд вот!— ярскөба вочавидзис сылы Касева.— Бедь кузяөсь тай со чуньясыд.

— Хым!— ныр пырыс серөктис Лобанов, эз петкөдлы дөзмөм, коть эськө и гөгөрвоис, мыйла тадзсө сылы Касеваыс вочавидзис.

Дас воысь дырдзык Лобанов уджаліс Воркутаын, кытчө вөзйысьліс институт помалөм бөрас. Кольөм во чорыда висьмис, пөдны пондыліс, и бурдөдысь врачыс веськыда кывкөрталіс, мый помөдз воас, оз кө веж оланінсө. Тадзи и воис бөр овнысө карө, көні коркө чужліс да быдмыліс. Кокниа артмис и квартира кузяыс— вежсисны өтикөд: эм өд и Воркутаад мунысьыд.

Карө овмөдчөм бөрын Лобанов мыйтакө шойччыштис, а сэсса

удж корсьём могысь ветліс горкомё. Сэні и чуйдісны сылы «мунны Турышев дорё».

Медводдза луннас жё и могмөдчис сы дінё Касева, отитор аслас вёлі абу артмёма да. Лобанов отсаліс сылы. Та бёрын Касева помала кутіс вольны, луннас куимысьөдз. Муқөдсьыс поліс и яндысис нин, а Лобанов вылө, выль морт вылө, өшійөмөн өшійис. Да өд могыс кө сылөн вёлі кутшөмкө сэтшөм-татшөм, юр жуғөдлана, а то өд кокнисьыс-кокни.

Дзикөдз дөнзис сыысь Лобанов и крапкөбтіс нель лун сайын:

— Юртө тшөтш, Социалина Михайловна, колө уджөдыштны, юртө. Ті жө инженер.

— Менам юрыс сідз нин висьё, кула регыд, — вочавидзис Касева, ышловзис и петіс.

Лобанов сэки скөрмис быдөн ас вылас: збыльысь, буракө, мортис висьё, а сійө со кызд дойдіс коньөрөс. Мөвпыштліс нин пыр жө мунны да корны прөститны, но эз удит: пырис сы дорө планөвик Другова.

— Василий Петрович, меным эськө колө вёлі тіянлысь отитор юавны да, — пырөмөн тшөтш шуис сійө. — Эштаннөд кө быттьө?

— Пөжалуйста.

— Мунны нин, буракө, лөсьөдчылөмыдөсь, да сійөн шуа.

— Социалина Михайловна дорө тай көсий ветлыны. Висьөдчө вөлөм мортис, а ме сылы...

— Өти йөйөс бара аддзөма! — гылыда серөктіс Другова. — Сэсся пыдди пуктіннөд дай?

— А оз өмөй вёлі ков? — чуймис Лобанов. — Ме ачым висьмылі да...

— Касеваыд миян серти кык нэм на олас, оз кө куимөс. Некыт сылөн оз вись, төдам нин.

— А мыйла нө эськө висьгасьө?

— Мед асьө дорйыны. А кызди сэсся мөд ногыс, кор некытчө морттуйыс абу.

— Абу өмөй сійө инженер?

— Вывтіджык вит класснад.

— А кызд нө эськө инженерас воис?

— Пуктисны, дай воис.

— Коді? Степан Иванович?

— Сыөдз на.

Та бёрын Лобанов эз мун Касеваыдлысь прөщатө корны. Но мед збыльысь лөньөдны сьөлөмсө, куш өти мортсянь кывлөмтор вылө не на пыксьыны, рыгнас, удж вывсьыс мунігас, нөшта на

кодсюрёлысь ылысянь панёмөн юасьыштіс Касева йылысь и гөгөрвоис, мый Другова абу сөрөма сылы.

Аскинас Касева эз нин пырав Лобанов дорө, эз могмөдчыв и бөрья лунъясас.

Небыда жургис автобус, өдйө да лывкыда гөгыльтчис выльөн на бетоналём шоссе кузя. Кар век ылысмис и ылысмис. Водзвылас и бөрвылас сідз жө жургисны автобусъяс да грузёвикъяс. И быдын — тырыс вотчысь.

Шоссе шуйгаладорыс пöрысь вөрөссис нин. Ройөн тырём козъяс да улыс вожтөм геждик пожөмъяс сулалісны зумышөсь. Вескыдладорас вöрыс вöлі томджык и кызд сора. Тыдовтчылісны сэні и запес чипасъяс — Эжва дор сиктъясын олысьяслөн.

— Козъя вöрын таво пувйыд, нитшкаинын, — гораа, мед ставыс кывласны, шуис Лобанов.

— Тэ мыйөнкө төдан, — пыр и вомаліс сійөс Касева. — Гортсыд эн на петавлы-а.

— Сусед висьталіс. Тöрыт рытнас пестер дай наберушка вöлі вайө.

— А кысь нө вотöма? Энө юалöй, Василий Петрович? — пыр и шыасисны вотчыны мунысьяс.

— Кылөг ёль сайысь.

— А эм сэтчө туйыс?

— Эм пö.

— Гашкө, сэтчө и кежам да?

— Кежамöй.

— Колис кө нин! — мисьтöма чиктыліс Касева.

— Мый колис кө нин? — юаліс сылысь Лобанов.

— Пувйыс.

— Найө нельөн и вөлөмаөсь. Ставсө эз на вотны.

— А мунамöй, сэтчө и мунамö! — ышөдіс ставсө Другова.

— Степан Иванович, мунам Кылөг ёль саяс? — юаліс Касева Турьшевалысь.

— Ме ог төд да, — вочавидзис Турьшев. Сійө көсийліс на мыйкө содтыны, но эз удит — Касева пановтіс:

— Нуөдöны, кытчө оз ков! Степан Иванович со оз и окотит сэтчө-а.

— Мыйла ог? — дөзмөмпырысь шуис Турьшев. — Меным өд өткодь, медтыкө аддзылам кыскө пувсө-а.

— Сідз эськө да, — кайтыштіс Касева.

Шоссе вылысь машинаяс вочасөн кутісны чинны — кежалісны шуйгавыв вөр кыскалан важ туйясөд. Кежис автобусыс и миян

вотчыны мунысьяслөн. Шофёрыс кольём ар вайёдлёма нин кодъясёскё Кылөг ёль дорас и тёдис туйсё.

Заводитіс зыркөдны, мукөдлаас чорыдакодъ. Но некод эз эляс Турышев гётырысь кындзи. Сійё тай шуис:

— О, господи! Кулан татчө!

— Час, воам, — гётырсё бурөдөм могысь дольыштис Турышев, көть эськө ачыс нин мырдөн сорөн кутчысис, мед не сувтөдлыны автобуссё да петны. Важонкодъ нин сійё эз веськавлы татшөм туй вылас, вунөдліс, кутшөм овлө зыркөдөмыс.

— Ньөжйөджык мун! — ыджыдө пуксян гөлөсөн горөдіс шофёры Касева.

— Меным өд мый? — вочавидзис шофёр. — Асьныд тай тэр-масынныд.

— Тэрмасым! — ньөти ковтөг нерыштис сійөс Касева. — Кор воам, сэки и ладнө. Да өд, Степан Иванович?

Турышев эз вочакывъяв сійөс, а ас кежас мөвпыштис: «Мый сійөсь?»

Кылөг ёль дорын туйыс помасис. Ёль вомөныс вөлі сөмын кык потшка пос, а саяс, нитш вылас, төдчыштис ордым кодъ.

Шофёрыс гортлань нырөн бергөдіс автобуссё да вөлісь восьтіс өдзөсьяссё, кусөдіс моторсё. Нюжмасигтыр петалсны вотчысьяс ортсё, көдзыд вылас пөшти быдөн очсыштисны.

— Кор нө бөрсө? — юалис шофёр.

— Куимын тай шулім-а, — вочавидзис Другова, коді юралис месткомын и босьтіс ас вылас тайё отласа вотчөм котыртөмсө. — Ме ог төд сэсся.

— Куимын!

— Ог өд пемдөдчыны кутй.

— Куимын кө, и куимын, — кывкөрталис шофёр. — Но, ветлөй да тырыс вотй.

— А ті өмөй онө мунй? — юалис сылысь Лобанов. — Тан пукалөм дорысь... Некод өд машинатө оз вөрзөд.

— А ме ружьеон ёль пөлөныс ветла. Гашкө, кыськө и сьөла лыя. Ведра эськө босьті жө да. Мый паныдасяс, вотышта довъялігмоз.

— И тадзи абу лёк.

Вотчысьяс вуджисны ёль вомөн да төдчыштысь ордым кузя пырисны вөрас. Ыдждылысь төлыс быд пөрий пыркнитліс на вылө коз лапьясө чукөрмөм лысвасө. Содтөд вөйтасьыштис на и энэжсянныс.

Лобанов восьтис медводзын. Мыйлакө некод эз пет нуөдыс пыдидыс, и сылы ковмис, көть эськө нэмнас на жө эз вола татчө.

Плащ пöлаяснас кöвтис му вевдор лысвасö, кодöн лышкыда козьяна-
сисны ёль нюкöсас быдмысь як бадь да тöзь турун.

Вывтасмыны пондiс, сэссия гулыд дзиб заводитчис. Джуджыдöсь
да пашкырöсь сулалiсны тани козьясыс. Нитш увсысь пасьтала
чурвидзисны понöльöн на косьмöм да пöрöм пуяс. Медсясö на
гöгöр и вежöдiс пув корйис. Но, öтка гырысь розьясысь кындзи,
некөн эз тыдав пувйис: вотöмаöсь нин.

— Кытчöкö тай воим!— наяна шуис Касева.

— Водзö на öд позьö ветлыны,— дорйисигмоз вочавидзис
Лобанов. Öнi сийö дась нин вöли видны асьсö сысысь, мый татчö
йöзсö чуйдöдiс.— Вöрыс öд эз на помась.

Мöдöдчисны водзö. Рöкыд вылö, дзибйис регыд и помасис, пожöм
егыр сэссия воис. Сэн эськö пувйис көнсюрö петкöдчылис жö, но
сэтшöм песни, понпир гырся, нинöмла и вотнысö. Касеваысь кындзи,
некод эз копытчыв, сийö тай курыштит кымыныськö рöжиньнас.

— М-да,— намöдчыштит Турышев, но вотчысыяс кылисны да
сувталiсны, пондiсны виччысыны, мый водзö шуас, а сийö чöv олис.

— Сетчыламоё нö кодарöкö,— корöмөн шуис Лобанов, асьсö
мыжаён лыддиг.— Кыськö öд аддзам на жö пувтö.

— Ветлöдлöмыс öд!— скöралiс Касева.— Степан Иванович
со, буракö, мудзис нин-а,— содтит Турышевлянь нбылыд.

— Но либö бöр гортö мунамоё, автобусыд абу на зэв ылын
тасянь.

— Мунам öнисянь гортö!

— Та вылö али мый волим?

— Нинöмла и вöрзынысö вöли!

— Но и ветламоё водзö,— кывъялис ызгысь вотчысыясöс Ло-
банов.— Эсылань сетчам дай.— И мöдöдчис, сы бöрся и мукö-
дыс.

Турышевлөн дышыс петiс и надеяыс быри, мый аддзыласны
коркö пувсö, и косiс эськö, да повзис: кывсяс тыртöг локтöмыс да
став кар пасьтаыс серам выв лэптасны, сiдз нин Маегов, горкомысь
мöд секретарыс, сылөн кынöм ылын серавльвлö, век аскöдыс кытчöкö
корö-нуöдö: вöрö ли, вадорö ли. «Мед, мый лоаныс лоö, ветла нин
талун, а мöдысь эськö сэссия тадзтö ог жö йöйтав да»,— мövпалис
сийö, тапсьöдiс йöз бөрвылас.

Лун шöр бöрын нин вотчысыяс аддзисны пувъяин — весь-
калисны йөнöдö, да сэтысь. А кымынлаö таöдз эз волины, кодарö
сöмын эз сетчывны.

Ки тыра розья быдмис йөнöдас пувйис, пасьтала сярвидзис. А
нитшкасьсöм валежникьясыс бытгö ырнялисны.

Морт эз шензьышт. Та дыра корсьöм бöрад, сьölöм мудзтöдз

виччысьём борад, татшом мойвиомтö быдөн нин лöсялана пыдди пуктис.

Чöла заводитисны вотчыны.

— Ой-ой!— лöняс кылис Друговалөн горөдöмыс, öттшöтш теш-кодя и шуштöма.

— Мый нин лои?— юалис матын вотчысь Лобанов.

— Волö, волö, Василий Петрович! Видзöдлö со — руалö на. Тайö бара дзик ошлөн.

— Ош тай мыйкөкерöма,— локтём мысти видзöдлис да шуис Лобанов.— Джын пувйыс бөр дзонь петöма.

— Гашкө, тани на көнкө ачыс, оз тыдав-а.

— Вермас лоны.

— Ой, тадзтö кö, ме...— повзбöмысла-ö мый-ö Другова сбöмдыли.— Тадзтö кö, ме тиянысь ог торйöдчы. Тi энö öтнамöс менö энөвтöй.

— Ог, ог,— серöктöмөн, но збыльысь кöсийысис Лобанов.

Ошлысь кольöмторсö видзöдлыны волісны ставыс. Сулалыштисны да бөр разöдчисны: унанад быдөн асьсö збойджыкөн кылö, тшöтш и нывбабайд.

Турьшев гозья вужлябөръяс и корсялісны: сэтысь пувсö эз ков ыджыд копырөн вотны. Ки вöрасныс кыкнанныслөн вöли нбöжмыдик, и сэтшöма жö и содис вотöсыс дозьясаныс.

Касева помала налань сибöдчис. Ылысмыліс кö, сöмын здук кезлö, и то тыдалана выйö. Турьшев öзыйліс нин эськö шуны мыйкө сылы синмö пырöмсыс, но эз сяммы нинöм.

— Степан Иванович,— нюркнитис Касева да матыстчис Турьшев динö. Чукиён гөрдвидзис пувйыс рöжиняс.— Вай, колökö, тиян дозийö кисьта.

— Оз ков,— вочавидзис Турьшев, но эз сэтшöм пыксяна.— Асладö кисьт.

— Асьсым ме эштыла на тыртнытö,— шуис Касева да кисьтис рöжиньсыс пувсö Турьшевлы дозьяс.— Сэсся, вота да, тияны сета, Екатерина Дмитриевна.

— Абу кö жаль,— кужöмөн тöдчöдис Турьшевлөн гөтырыс.

— Жаль мыйкө пувйыд! Хы-хы!— серөктыштис Касева, сэсся ылыстчис, мужик морт моз гырыся шавксьöдигтыр, мед öдийджык вöчны кöсийысьёмсö.

Рöжиньнад сылы и кок увсыс позис шарскöдны-вотны öдийö — петöма тай, майбыр, пувйыс — но нöшта на вотöсаин думсыс корсис, синмыс бөрся вöтчис. Зэв ыджыд кодзувкоткарö зурасис. Сы гөгөр, быттö вынсьöдөм му вылын, чунь пом кодь туса

артмөма пувыйс. Посьмунли быдөн Касева любөйсла, ышловзис сувтовкерлөмөн и... аддзис кодзувкоткар мөдарсыыс Лобановс да Друговаос — дзик орччөн, пельпом на пельпом өктысьоны.

— Со кытчө гозйөдчөмаось!— быттө чуймөмөн шуис Касева.

— Гозйөдчылим эськө, да торкин тай,— вочавидзис Лобанов серам пыр.

— Он өд чайт, мый суасны,— содтис Другова.

— Ме вөсна!— веськодпырысь дольыштис Касева.— Асьныд өд төданныд, мый вөчаннид.

Ни Лобанов, ни Другова эз казавны Касевалөн бөрья кывъясысыс некутшөм чуткөм, а эськө вөлі кө мыйысь налы повнысө да видзчысисны кө, дерт жө, казалисны: эз шмонитөм, а ыджыдджыктор петкөдчис кывъяссө шуанногас.

Некутшөм вотос сэтшөма оз сод, кызди пув. Кык час гөгөр тыралисны нин вотчысыяслөн дозьясыс, весиг Турышев гозьялөн: налы Касева отсалис тыртнысө.

То өти, то мөд гарыштлісны нин вөрзөдчөм йылысь, но кодсюрөлы жаль на вөлі кольны пувсө да чөв олісны. Тшөтш и Лобанов эз шыасьлы: чөсмасис бурпөт, мед бөрас гортсаыслысь эз нин ковмы пайкны.

— Мунамөй кө сэсса-а?— чукөстчис Турышев.

— Мунам.

— Мый кольө, мед кольө.

— Ош вотас.

Тадзи вочавидзалиг, локталисны вотчысыяс Турышев динө. Код вылө он видзөдлы, быдөн нюмсермунөма.

— Тшынасям, да вөлись кө нин вөрзям-а?— шуис Лобанов.— Али мунигмоз?

— Тэ, колөкө, тшынась, ми мунам-а,— дойдыштис сийөс Касева.

— А кытчө эськө и мунанныд, Социалина Михайловна?— воча парскыштис асьсө Лобанов.— Кодарын тасянь автобусыд, ті, наперво, он төдөй-а.

— Төдысь лоөма!— эз сетчы Касева.— Степан Иванович нуөдас. Да өд, Степан Иванович?

Мый-мый, но тайос Турышев некыз эз виччысь. Непөштө нуөдны, но и ылөсас висьтавны, кодарын өні автобусыс, сийө эз вермы. А йөзид, велалөм вылысь, сысянь и пондिसны туй визь индөм виччысьны: веськыда синмас видзөдисны. Яндзимысла Турышевөс дзугыльтөдіс, но курччис вөсныдикка вом дорсө, мед доймасджык, да тадзи кутчысис бөр ас вьяс вотөдз.

Унаторйысь лоӧ яндысьлыны мортылды, но сійӧ кӧ гач новлӧ да содтӧд коми, некод сылысь пыдди оз пукты вӧрад ылалӧмтӧ. Мукӧд йӧз, гашкӧ, и пуктасны жаялддза, а комиыд оз. Тшӧтш и татшӧм нога янӧдӧм кыліс Турышев сьӧлӧмнас. Гӧтырыс ӧтсӧг вӧлӧ петіс:

— Кутшӧмкӧ сійӧ нуӧдысь, асьсӧ ӧдва новлӧдлӧ-а. Мед кодкӧ томджык нуӧдас.

Вотчысьяс бергӧдчисны Лобановлань.

— Василий Петрович, ті новлӧдлінныд, тиянлы и петкӧдны ковмас, — шуис Другова.

— А ме ачым ӧг тӧд, кодарын автобусыс, — шпыньмуні Лобанов.

— А мый нӧ эськӧ либӧ!? — эз гӧгӧрво да пузис Касева.

Лобанов перйис папирос, ӧзтіс, неньыштӧмӧн дышиника кыс-кыштіс табак тшынсӧ, кузякодъ видзис вом пытшкас да вӧлись лӧдзис.

— Тані али мый узьтӧдны кӧсьян? — сырмытӧдзыс скӧрмис Касева.

— А мый?! Биасям и узям.

Мукӧд мужичӧйыс тшӧтш тшынасьны пондісны. Некод эз кӧсйы босьтны ас вылас сьӧкта: коді поліс сорассьӧмысь да мӧдлаӧ петкӧдӧмысь, а коді и збыльысь эз тӧд, кодарлань медводдза воськовсӧ вӧчны.

— Нуӧдӧй кодкӧ но!

— Пемдам!

— Энӧ, колӧкӧ, тешитчӧй! — шуасисны нывбабаяс.

Тешитчӧмсӧ гарыштӧмыс вӧрзьӧдіс Лобановӧс. Вӧрас пыригӧн и быд кежигӧн сійӧ мӧвпыштліс, кызди бӧр петны, и ӧні, кӧть и эз зэв стӧча, кутшӧмакӧ век жӧ кутіс вежӧрас автобусысылысь сулаланінсӧ да сэтчӧ вайӧдан весьтаса визьсӧ.

Лобанов бӧрся вӧрзисны и мукӧдыс.

Вӧрад ветлӧдлігӧн, вотӧстӧ корсигӧн, он артыштлы, уна-ӧ нин ставсӧ шавксӧдін-мурталін, и сӧмын бӧрсӧ локтігад, кор содтӧд тыра доз кыскан, тырвйӧ казялан, кутшӧма ылысмылӧмыд.

Турышев жаяліс, быд увторйӧ конъясьліс; ӧтчыл тӧкӧтъӧ эз тут, да удитіс кутчысьны дінас лӧсялӧм пуӧ. Сэтчӧ жӧ синтӧм гут кодъ лои: зӧлитісны коставлытӧг синъясыс — нбылӧмӧн тырны пондісны.

— Ӧгӧ шойччыштӧй? — кевмысяна горӧдіс сійӧ.

— Позьӧ и шойччыштны, — вочавидзис Лобанов да аслас сувтӧмнас и мукӧдсӧ тшӧтш сувтӧдіс.

Турышев пуксис да, пошкиг, шойччӧдыштгіс сьӧлӧмсӧ. Садъӧ

воём мортлөн моз письтис сылөн Лобанов вылө лөглун, отарө сөмын и вежөртис — водзөс косөдны талунъя помасьлыгөм коньөралөм-сьыс, а мыжа-ө вөлі мыйөнкө Лобановыс, сийөс эз вежөрт.

— Кытчө бара ми мунам-а? — ышловзбөмөн дөжньштис Турышев.

— Кыдзи кытчө? — шемөсө уси Касева. — Огө өмөй автобус дөрө?

— А огө, буракө.

— Степан Иванович, ме өд эг медасьлы, — матыстчис да шуис Лобанов. — Ме верма и тиян бөрся вөтчны.

— Нинөмла вөлі, сідзкө, и суйсьыны нуөдыяс. Тиянтөг кодкө аддзысис.

— А мый нө эськө эн нуөдөй?

— Босьтчи кө, и нуөді. И вайөді нин өнөдз, — ошйысьыштис Турышев, мед бөр лэптыштны асьсө йөз син водзас.

— Ланьтөдчинныд өнтай да.

— Ме ог тиян моз ырсьяв да бөрас думайт.

Лобанов эз виччысь татшөм мудера коньөвтөмсө: өд бур вылө панліс вөйдөрлунья сөрнисө.

— Ачыс оз жө зэв юрсө мудзтөдлы, Степан Иванович, көть йөзсө и төдө, — сюри стрөкайд да водзөс нөшыштис Касева.

Сьөкыда вөрзьявліс Лобановлөн сьөлөмыс скөрмөмланыд, а өні вөрзис:

— Но и довгөй кытчө гажныд, сөмын воланныд онө коркө автобус дорад-а.

— Тэ волан он-а! — чеччис да вочавидзис Турышев. Вотчысьяс шөйөвошины: эз төдны, кодныс дор сувтны, кодныслы эскыны.

— Коді мунысь — мунамө! — вөрзигмозыс чукөстис Лобанов.

Өти, мөд, коймөд — пыр унджыкөн восьмалісны сы бөрся. Код-сюрө, полысьджыкъяс, мыжапырысь видзөдлывлісны сэк Турышевлянь: дерт пө, эськө тиянлысь, Степан Иванович, колі кывзысьны, да талань пө нин ветлам.

— А ми нө сөсся кодарө? — аддзиг, мый найө — гозья да Касева — сөмын кутісны кольны, юаліс гөтырыс Турышевлясь.

— Кодарө! — нерыштис сийөс верөсыс. — Кодарөкө өд мун дай!

— Муна! — водзөссө нерыштис гөтырыс. — Кытчө нө ме өтнамсө муна? Нуөдан кө, нуөд, а он кө... Сувтөма да мурчйөдлө сэн пиньнас. Ас вылад лөкав!

— А вывті жө эськө ышнясьө Лобановыс, — мед кызкө ышөдыштны усьөм сьөлөма Турышевөс, шуис Касева. — Быттьө өтнас нин сийө сюсьыс, а ми ставным йөйөсь. Да өд, Степан Иванович?

— Ланьт, пель сьодмөдін нин!— горөдіс сы вылө Турышев и любөпырысь вежөртіс, мый медбөрын лысьтіс да сяммис жө уськөдны лов вывсьыс тайө кык кока сибдан турунсө.

Касева кужөмөн ырөстіс. Асланьыс сійө эз нин вөв сэтшөм йөй, мед не гөгөрвоны, мый сійөс виччысьө.

— Бөрддзөдіс со мортсө!— шуис Турышев гөтыр.

— А мый нө?!— пыркмунлөмөн вочавидзис верөсыс да шыөн лолыштіс ныр пырыс.— Колөкө, локтөй-а!

Лобанов бөрся вөтчысьяс удитісны саявны, но шарөдчөмыс кыліс на. Шы вылас и веськөдчис Турышев.

— Сэтчань жө со ачыд и мунап,— эльтыштіс сійөс бөрвылас тапсьөдысь гөтырыс.

— Но и мый сэсья?

— Мыйкө тай дурмылін.

— Тэтөг төдөны.

Касева татчө эз нин шыасьлы, ассьыс шөгсө өні сійө шөгаліс.

«Збыль өд кутшөмкө лөк ру босьтіс,— усьөмысь видзчысигъ-ясө коставлөмөн мөвпаліс Турышев.— Мыйысь эськө и лөгась-нысө вөлі Лобанов вылас? Сыысь, мый сійө төдө, кытчө колө мун-ны? Сідзкө, думайтөмөн вөрас ветлөдлөма, абу ме моз кодкө вылө лэдзчысьөмөн. Сьөлөмсяньыс, тыдалө, и вөйдөрлунъя сёрнисө панліс. Веськыда кө шуны, дасьсө нин велалім кыйөдны, и ме тшөтш. Мыйкө кө тшөктасны асланым юрөн вөчны, огө и сяммөй, сьөдас кындзи. Пөжалуй, бур вылө на и менам вотчынытө мунсьөма, а то веляммылі нин кань моз кокниа овны. Асланым Рыжик моз. Сійөс тай он кө...»

Гыммуні — лыйөм кыліс эз сэтшөм ылын и орөдіс Турышев-лысь мөвпалөмсө.

Кылөг ёль дорын, кытчө недыр мысти петісны Турышев гозья да Касева, сулалісны нин вотчысьяс — кытшалөмаөсь автобуссьыс шофёрсө.

— Мися, гашкө, кытчөкө ылалінныд нин, нарошнө лыйи тиянлы вылө,— висьтасис сійө.

— Пунытө, буракө, нинөм эн лый-а,— шуис Лобанов.— Эт тай кывлөй-а.

— Сэтөр эстысь аддзи да сы дөрө манитчи, водзөсө сэсья эг и ветлы,— вочавидзис шофёр.— Но, мунамөй.

Ёль мөдарын, туй пом кушины, виччысис вотчысьясөс осься өдзөсьяса автобус. Сійө содтөд дойдіс Турышевлысь сідз нин вий-сьысь сьөлөмсө.

— Василий Петрович!

— Мый? — коса вочакывъяліс Лобанов.
 Вотчысьяс кодсюрё тшөтш сувтлісны, но казялісны, мый найё
 тані ковтёмось, да бөр вөрзялісны шпынняялігтыр.
 — Прөстит, верман кө.
 — Видла.
 — А вайдөрлунъя сёрни кузяыд аски выльысь..
 — Помавлім нин да, — чуткыштіс Лобанов, но эз лөгпырысь.
 — Ме од морт на, — кайтыштіс Турышев и кыліс, кызди кок-
 ньыдджык лои сёлөм вылас.
 Чорыда зыркөдігтыр, автобус бөр тэрмасис вөр туй ньылыд.
 Оні вотчысьясы и тыра дозъяснысө тшөтш ковмис видзны. Но
 некод эз букшась, Касеваысь кындзи.

ТӨЛЫСЬ КАРЫН

1

Позис самолетөн лэбзыны, эськө часөн и воис гортас, но Тур-
 ков эз тэрмась, петіс теплоходөн. Матё сутки лоё туйын, ас кежас,
 эштылас отар и мөдар мөвпыштлыны.

Шулывлёны, мортыд пё ачыс аслыс шогсө корсьө. Оз быдлаё
 татшөм шуёмыс лөсяв, но мукөдлаас зэв на и инё. Кокни ру-ё
 сійөс босьтліс, али мутиыс тойліс, Турков эз и төд, кодарё шуны, а
 шогсө аслыс корсис.

Дерт, некод оз удты, нинөм на оз кывсьы гортас, а вот тай...
 быгтьё нерөд сёлөм вылас. Гашкө, нэмсө ковмас пөжны.

Сэтшөм нин сійө мортыс: вежавидзёмөн олысь, бур гөран вөв
 моз век бөрөздаөд ветлысь. Од сиктын чужис да быдмис, и оні
 сиктын олө, содтөд — школаын велөдө.

Но вот йөйталіс карад, эськө ас саяс, кызд шуасны, вөлі да.

Ыштөма-керөма, этша нин оні такөдчан. Да абу и мича комын
 арөс бөрад кодкө да мыйкө вылө ыстысьсөмыд, пывсян бөрын няйтөс
 пасьталөм кодь жө.

Но од эз өти здукөн ышты, эз виччысьтөг косьё пыр кодкөдкө?!

Сідзкө либө эз и йөйтав, а?..

Ыркмуналі Турков тайө мөвпсыс, йөжгыльтчыліс бьдөн, быгтьё
 йирмөгысь...

Сиктын велодысьясос кадысь кадö корлывлöны тöлысь кезлö карö. Мед олöмсысь эз кольны, кызди асьныс, корöмаясыс, бур ногөн шмонитлöны.

Гожом пуксигас, велöдчан во помын, тайö овлö. Ывлаö сэк кыскö, ва дорö, а бара на лöб мудзтысьны. Сэтшöм нин налөн уджыс.

Овмöдалöны вот кытчöсюрö, торъя йöз ордö, кодлөн аслас керка. Та могысь газет пыр весиг юөр сетлöны.

Тадзи Турков и веськалис тайö важиник, муö вöйыштöм керкаас, öткөн олысь пöчö ордö. Пöчöыс пыр и висьтасис, мый некытчö нин тась оз вөрзбы, тани нэмсö олис да тасянь нин мед и петкöдасны бөръя туяс, сесся и, ловъя на да, муын гудйысьны окотышта, öтгор-мöдтор вöдитны, а эськö важөн нин вуджис нылыс динö ыджыд керкаö, кöни ваён ни пескөн оз ков ноксыны.

Керка джынъяс сöмын пöчöыс олис. Нылыс верöс сайö петöма да мöд джынсö вузалöма, и кык кильчöа öни керкаыс сулалö.

Мöд олысьыс асьыс кильчöсö лөк ногөн и вöчыштöма, пöвторыясысь, бытгö неуна джуджыдджык пон чом, сöмын мый öдзöса. Турков быдөн зывöктыштис мöд олысьсö. Мый нö, карсö тшöтш янöдö аслас дышлун понда. Бур кöть нин, мый пыдын керкаыс сулалö йöз ветланінсысь, шор бокин, да оз сэтшöма син улад усь.

Сиктын кодь на тани, шор бокас, гөгөр потшöс да пес чипас, да машина төрмöна чукыля-мукуля туй. И керкасыс кызвыныс важöсь, бур дöзбөртöмöсь. Тыдалö, олысьясыс вичысьöны, кор косявны кутасны: сэки дась квартира быть сетасны.

Но öд кор на косяласны, а мыйла лэдзчысьöмнас овны? Пöчöлысь керка джын ньöбысьсö кöть босьтны? Көнкö, карö петас да, вöччöма, ме пö и эм, а кильчöыс сыркъялөмөн бөрдö коньөрöйлөн.

Кызди верман видзöдны, асьтö кö мужик туйö пуктан? Али быдлаö торъя индöм да велöдöм колö? Турковöс тай нö некод эз велöд, батыгö быдмис тайö война пондаыд да, а чера да пурта уджтö ставсö на морт ногөн вöчас, весиг пач тэчны кужö. Да мый оз и куж, лыддьöдлыны кö: колö кö, гудöкалас, йöктöдас и сылöдас, колö кö, телевизортö лöсвöдас, антеннатö сувтöдас, ковмас кö, корасыны на ветлас, сесся дружкаалас.

Таво тулыс на, май дырйи, корасис да дружкаалис. Физкультураысь велöдысь налөн школаысь гөтрасис, совхозысь веттехникöс вайис. Ныла-зонмалөн, кыз шуасны, пузьöма нин төвбыднад шыдыс, сöмын пуксы да панясы, но сэк тбöщапуйс паныд сувтöма: физрук зятгыд пö оз ков меным, лун-лун исласьысыд.

Турков динö коньөр жöникыс шыödчис, кызкö отсавны корис.

Быть отсав бур «делаад». Сэсся Турков и мөдтор на артыштис: гөтрасяс кё, татчө вужъясяс налөн физкультурникыс, мөд во оз нин ков выльёс виччысыны.

Май рыгыясө буретш и лөсялі корасьёмыс. Кык уджавтөм лун водзын, позьё на удитны пусьыны и ньобасыны, мыйкө артмас кё.

— Олан дай вылан, Аполинария Ивановна!— гажаа шуис Турков, пырис керкаас да.

— Кувтөдзыд век олан, — пыр и паныдаліс Аполинарияыд. — Зэв эськө тэ локтін, Виталей Михайлович, да төда өд, мыйла. Вай эн и пан тэ тайё сёрнитө.

— Кутшөм сёрни? — чуймөдчыліс Турков. — Ме дзик мөд могөн.

— А-а, но и пуксьыв, лок водзлань, — небзис аныд.

— Некор, — ыстысис Турков. — Ме эсийө мича сера кепысь-ыдла, кодос тай карад, выставка вылад, нулісны. Дерт, вузалан кё быттё.

— Сийө өд ныв кепысь.

— Нывлы и колө. Козин пыдди.

— Кутшөм нывлы?

— Ме мыйон төда. Ассьыс юав, коркөя зятьпуыдылысь. Полө нин тэысь, да менө со ыстис-а. Шведка ли финка, ог нин помнит, кодос висьталіс. Төвнас на төдмасьлөмаось, кор тай лыжинад панласыны ветліс да чемпионнад лоис. Оні, гажыс бырөма да, бара сэтчө мунө, туристөн. А куш кинад — ачыл төдан, абу и лөсьыд. Дай, буракө, гөтрасыны на думыс. Сэні өд, Аполинария Ивановна, спортгө зэв вылө пуктөны, оз миян моз нинөм туйө. Сэні весис памятник сувтөдөны, чемпионөн кё лоан.

— Энлы эськө тэ памятникнад! Тані менам нывкөд ветліс, а сэсся сэтчө мунас да гөтрасяс? Сэсь вайөдас?

— А мый нө? Оні выль закон. Кодкөд көсьян. Көть төлысь вылысь вайөд.

— Но? — падъявтөг нин кайтыштис Аполинария Ивановна. — Оз на сы ног ло!

— А кызди нө?! Ачыл он сет сы сайө нывтө да,

— Гашкө и, сета на. Мед олөны, мый сэсся.

Тадзи Турков и корасис, а май мөд лунө дружкааліс. Тшөтш и гудөкасысь пыдди вөлі.

Унатор кужомнас Турков оз лэптысь. Мөд ног асьсө, кызди мужик мортос, оз и вежөрт. Та вөсна збыльысь жө и скөравлө сэтшөмыс вылө, кодлөн киподтуйыс абу ли веськодяссь дышысла.

Таво тулыснас на жө муртса эз косьё воны шуриныскөд. Шури-

ныс кулём лөсьөдөма, карө ветлігас дасьёс спортмагазиньыс ньөбөма. Турков эськө оз пыдди пукты кулёмнад кыйсьөмтө (вөйтін да виччыс), сылы медтыкө вугырөн, визув вылын, кылөдан самөн, а кор на ытваяс усяс да еджыд чериыс босьтны кутас, и муніс шури-ныскөд. Окота жө нин вөлі ва вылас петавны, бырис төвбыднад гажыс.

Кутісны вөйтны кулёмсө и пөгибө воисны: то изйыс, то табыйс синмассьө. Час кык ноксисны, эз кө дырджык на. Медбөрын сэтшөма дзугсис кулөмыс, төлкыс воши.

— А, с-сөтана!— эз ёрчывлы, а сэк эз нин вермы Турков кутчысьны да өтпырйөн и лэдзис став лөгсө кулём вылас и шурин вылас, өти сайын и кулём ёкмыльсө бруткис ваө.

Шуриныс мыкталіс-мыкталіс, сэсся коркө петіс жө кывйыс:

— С-сета вот б-банад!— и ырыштчис кучкыны.

— Дугды, ачыд кө он көйы бөрсыйс вөтчыны.

— А мед вөліс с-су-дзөдөма, вот!

— Ямас, да сюрас. Оз на нинөм капроныд ло. А татшөм изтө да табтө сідз и тадз пасьйыны колө. Али эн на гөгрөво?

Шуриныс чөв оліс, сэсся ышловзис да гортланьыс сыныштіс.

А Турковлөн быдөн сьөлөмыс бурмис.

И вот карас, аддзис татшөм кильчөтө да, луддзис жө кийс чер босьтны да пасьйыны. Но абу өд аслас ли кодлөнкө төдсалөн, абу сиктас. Кыдзи на суйсьөмыд бергөдчас? Ещө милицияө кыскас-ны. Но шыасьлыны шыасьлас!

Аскинас сэсся и шыасис. Петіс, мед лекция вылө мунны, а мөд дзирьяөдыс нывбаба петіс, киөдыс ар вита зонкаөс нуөдіс, ас кодыс жө кызіникөс, тупльөсөс.

Пиыс и ачыс пелька пасьтасьөмабсь, некөн чуқыр ни бус чир, ачыс весиг синкымгьяссө сьөдөдыштөма да син пельбсьяссө нюжө-дыштөма, а юрсиыс вөрзөддытөм, мичөдтөм еджгов рөма, шылыы-да сыналөма да баялөбжас гөгрөса ёкмыльтөма.

Он кө төд, кыс петісны, нимкодь и видзөддыны эня-пия вылө. Ас бөрсыйс, майбыр, тырмылөма идөрыс.

Но Турковөс, ыззьөма да, этша нин падмөдан. Бурджык эськө верөссө янөдны, сылөн өд, төдөмысь, уджыс — татшөм кильчөыс, но мед и гөгырыс тшөтш төдлас, гашкө, мөрччасджык гозьялы. Сульштіс, кор эня-пия орчаасясны, да дивитана гарыштіс:

— Мый нө татшөм кильчөөн оланныд?

Нывбаба повзьыштліс, писө весиг асланьыс кыскыштліс, быгтьө машинаысь, сэсся асвьясис бөр да ярскөба вочавидзис:

— Код миянлы бурсө вөчас?

Сідзкө, верөстөм. Бур ногөн кө, Турковлы колө прөща сылысь корны, а бара на шыасис, мичаа мөдыс пасьтасьөма да:

— Медавны позис. Асьныд тай со кутшөмөсь.

— Ас зепсыныд эськө лыддьөй, — вомалис нывбаба да вөрзьөдчис, писө пельпомөдыс небыдика йөткыштис, мед оз сулав. Турков водзвылын сэсся эня-пия пыр и тотшсьөдісны-мунисны, детскөй сад воис, да сэтчө кежтөдз.

На бөрся восьлалігас нин Турковлы кучкис юрас, мый нывбабаылөн, буракө, кильчөтөгыс на шогыс да төждыс тырмө, а сийө со кызди сыкөд сөрнитис. И аслыс яндзим лои.

3

Турков помалис карын пединститут. Эз эськө сийөс сэтчө ёна кыскы, да он өд тай бөрйысь, кор өти институт и эм (сэк өти на вөлі). А ыло мунны эз лысыт, кывзысис мамыслысь.

Өткөн найөс, чоя-вокаөс, мамыс быдтис. Батьныс усылі. Чоя-вока сийөс важ карточка серти и төдөны, кутшөм вөломә.

Мамыс некытчө эз петаवлы сиктсьыс бурджык оланін корсьны, нэмсө колхозын да сэсся совхозын уджаліс. Да кытчө на и вөрзян кык челядьнад, коді да көні тэнө виччысьб?

Дзескыда олісны, абутөм вылысь. Но чоя-вокаөс мамыс эз көдзөдлы велөдчөмсьыс. Кор чойыс помалис карын медучилище да лесопунктын, кытчө фельдшеравны сийөс ыстісны, өдйөджык петіс верөс сайө, мамыс пинявны сийөс ветліс, мыйла эз мыйкө дыра уджышт, сьөмтор аслыс чөжышт да врачөдз эз велөдчы.

Та вөсна Виталийөс, писө, эз и лэдз, лестехникумө мөдөдчыліс да, тэ пө сэсся гөтрасян жө. Дас класс сийөс орчча сиктын помөдіс.

И Турков сэсся пырис пединститутө. Ылөтө, мөд карө мунан да мамыслы пыр ковмас сьөмөн отсавны, а кор гортад автобусөн воан, век нин поэьо мыйкө сэсь вайыштны, аслыд пусьыны.

Помалис институтсө, да Турковөс армияө на босьтлісны. Зенитнөй частьын служитіс. Кивыв на, поэьо шуны, служитөмыс лои сылы, математикыдлы: унатор выльөс төдмаліс и важсө эз вунөд.

Лейтенантөн петіс гортас. Чайтис, вөзйыяс уджавнысө асланыскөд орчча сиктса шөр школаө, кодөс помавліс. Мамыс дінын и овны кутас, гортсяныс велөдны.

Но арын, кын муөн нин, лэдзисны армиясьыс, да сийө школаас эз вескав. Дас кык час сөмын вермисны вичмөдны сылы вежоннас, и то өти учительницалөн декретысь локтөдз.

Дерт, ачыс кутшөмакө йөйтәліс та боксянь. Позис сылы водз-
выв гижлыны, мед виччысисны сійөс.

Ковмис мөд школа корсьны, кытчө коліс математик. Пуксис
автобусө да шуркнитліс карө, пыраліс министерствоө. Сәні пыр и
вөзйисны уджтө: Эжва катыдса ыджыд сиктө, шөр школаө жө.

Ылын эьско лоө мамыссянь, а мамыс коньөр, со, висьөдчалө нин,
оз нин коркөя моз ватө тырысөн ведраад пырт, но мый сәсса вөчан:
кытчө колө, сәтчө и лоө мунны. Сәсса и ас удж вылө да ас нянь
вылө нин кад петны.

Ветлас да велөдас өти төвтө, а тулыснас тыдовтчас: кольччыны-ө
сәтчө, Эжва йылас, али бөр гортланьыс ныръясьны. Татшөм мөвпөн
и ләбзис карсянь самолөтөн. А аскинас велөдіс нин.

Кызди тай йи мунөм бөрын телепит овлө петавны осьса ва
вылө, визъялыштны пыжөн, сідзи жө и велөдомас босьтчөмыс лон
Турковлөн. Кокниа, кыпыда, вашъялігтыр на (эз өд нин практика
вылын вөв, мед мыйыськө повны), сетәліс урокъяссө. Та вөсна
весиг тәрыбджыка артмывліс: висьталөмыс сылөн эштыліс, а звөно-
көдзыс кадыс уна на кольлі. И шемөс асьсө босьтліс, а сәсса и
дөзмом, юасьны пондываліс да, мый кодкө абу бура и гөгөрвоөма
выль уроксө.

Дыр-ө вөлі лөгасьны челядь вылас, сямтөмө найөс пуктыны, мед
сөмын асьсө не омөльтны? Но Турков эз сетчы тайө кокни руыс-
лы, видліс асьсө медводз мыждыны и казяліс, мый тәдзтө сылөн оз
и артмы велөдомыс. Колө мөд ног, өд математикатө гөгөрвоөмыд
керка ләптөм кодь жө, көні кер вылө кер пуктөны да тшупөны,
нитшкалөны на, а татчөс челядьыслөн, вөлөмкө, костабь төдөмлуны-
ясыс.

Косавлөмөн, важсяньыс посьысьбөмөн пондіс велөдны Турков.
И эз нин сәсса сяркөд-висьтавлы, а сёрнитіс лабутнөя, мойдыштан
гөлөссөн, быгтыө ачыс на бура оз төд, мый водзө лоө: сөмын вашмун-
лывліс воддза мозыс. И челядьыс эз нин сьөдас сылысь кывзыны,
а вөтчисны сы бөрся вежөрнаныс.

Дерт, велөдчөмыд абу кынөм сюмалөм ли горш косьмөм, көсьйөм-
колөмтө велөдчөм дінад сьөкыдджык чужтыны, но сы вылө и
велөдысьыс, мед өзйөдны челядьсө да эскөдны найөс, мый ачыд
тшөтш бурөс налы көсьян, а он сөмын, локтөмыд да, кесйөдды.

Челядьыд сәтшөмөсь, сьөкыдсьыд оз повны, оз весиг няргыны,
төдөны кө, мый он на вылө скөрав да некодөс он эновт, и збыльыс
кө нуөдан, а он ылөдды.

Өти кывйөн кө, Турков вочасөн лөсяліс татчөс челядьыскөд,
матыстіс найөс ас дінас. И тешкодь вөвлі сылы, кор кодкө

учительяс пиысь элясьліс, мый сэтшөм-тө классын сылөн предметыс мырдөнджык мунö.

Ни алгебра, ни геометрия, весиг тригонометрия Турковлөн мырдөн эз мунны. Сылы эз ков кевмысьны ни скöравны. Сійö радейтис коркөя ас кодъыс жö сиктса челядьсö, и челядьыс сылы «уджалісны».

4

Эжва катыдас велөднысö мунігөн, сьöрсьыс босьтан көлуы чукөртігөн, мамыс Турковлы польштөмпырысь шуис:

— Сэссия гөтрасян кө сэтчө и?

— Ме ог төд,— серам сорөн вочавидзис Турков.

— А абу на өмөй кодкө дум вылад?

— Абу дерт.

— Мун,— небыдика кайтыштіс мамыс.

— Муна тай со.

Тадзи шмонитөмө и пöри тайö сёрниыс.

Институтас велөдчигөн, гожся каникулъяс дырйи, Турков уджаліс видз вылын, лун эз кольлы, а рыгъяснас ва дорын ёнджыка вошласис, сэсянь кывзывліс, кызди мукөд ныв-зонмыс шыалöны. Öти-кө, сійс эз на и кыскы нывъяссьнысö, а мөд-кө, шедтөм чериыс на сійс ывсөдліс: век өд тай көсьян унаөс да ыджыдөс кыйны.

Вот төвнас, институтас, корсюрө чөсөдліс сьөлөмсö, кодкө дорö сибөдчыны окота босьтліс, шуам, Валя Гужева дінö, но кызди сибөдчан, кор зептад сөмын нянь вылө, а сійö оз сы моз ачыс пусьы, кафеын сөйö.

И армияс вежыс петавліс, кор кодлыкө кутшөмкө нывсянь письмө воліс и нимкодъ мортыс ветлөдліс, а сылы, Турковлы, сөмын чойыс да мамыс гижлісны.

Татшөмөн и воис Турков Эжва катыдса сиктас: öтарсяньыс кө, институт помалöма, армияö ветлөма, ачыс ас вылас ыджыд, а мөдарсяньыс кө, вöйиник зонка на, нывкөд сёрни панлывтөм.

Вылөн воём мортыдлы сиктад оз на ков уналы висътасьны, коді тэ сэтшөмыс, öдйö кывсян и төдса лоан. Сөмын понъяс сиктад дырджык тэно төдтөмө пунктöны, быдыслы колö исыштлыны ли эрыштлыны.

Мөдысь на и локтіс Турков ужнайтны сельпо столөвöйö, а сөян мыгчалысь нывъяс шпынниялісны нин сылы кузьмөс öшинь сайсяныс. Сэссия пусьысьыс, олөма нин ань, петкөдчыліс да синбөжаліс Турковс, а нывъяссылы, кылö, шуис:

— Эз адзэыв тіян кодътö!

Но шуис эз лёкысь, а мудера, Турковлы тшӧтш арталӧмӧн, и дзык мӧдарӧ коліс вежӧртны сылысь шуӧмсӧ. Та вӧсна нывъясыс эз и лӧгасыны сы вылӧ, а, кылӧ, воча пыльсмунліны.

Квартиранас Турков сувтіс пӧрысь гозъя ордӧ, пыдіас. Пӧчӧыс век на уджаліс, идрасис сельсӧветын, кывлӧма выль велӧдысьыдлысь воӧмтӧ, да ачыс и аддзӧдліс Турковӧс, корис локны овны, а то пӧ ми сідз жӧ ломтам пыдісӧ, мед картупельным гӧбӧчын оз кынмы.

Пӧльӧыс эзджык сэтшӧм сёрниа вӧв, и пӧчӧыс сы дон тшӧтш сёрнитӧдіс Турковӧс, мыйсӧ сӧмын эз юась, медсясӧ, дерт, водзӧ олӧм кузя, коркӧ оз-ӧ кӧсийы гӧтрасьны да абу-ӧ на кодкӧ дум вылас.

Пӧрысь аньясыд быдторйысьджык майшасӧны, налы мед ставыс инӧ-артӧ воис. Со ӧд тай аслас мамыс тадзи жӧ юаліс Турковлысь.

А тайӧ пӧчӧыслӧн аслас жӧ шог: вӧлӧмкӧ, сельпо столӧвӧяс сёян мыгчалысьыс, еджыд юрсиаыс, сьлӧн ыджыд мамӧн шуысь; кулинарӧ карын велӧдчӧма, диплома, верӧс сайӧ петан кад, и медтӧ эськӧ...

Но, мӧдарӧ кӧ, эз нин сэтшом йӧй да наян вӧв пӧчӧыс, мед веськыда вӧзйыны Турковлы асьыс ыджыд мамӧн шуысьсӧ, сійӧ и мукӧд нывсӧ сиктсьыс ошкис, быдӧнлы морттуй сетіс. Ӑти нылӧс сӧмын быгтӧӧ омӧльтыштіс, мукӧдсьыс торйӧн казътыштіс да зэв аслыс ногӧн:

— Ещӧ Лиза эм, пӧдлинӧ.

— А мый нӧ сійӧ? — юаліс Турков.

— Вожа пу жӧ, кызд миян кӧзяиныс шулас. Быгтӧӧ петавліс нин-а...

— Сэсся?

— Бӧр тай локтіс. Пими кӧма. Совхозын ӧні уджалӧ, канторас. Машинканад печатайтчӧ. Директорысь скӧрджык.

— Эз, кӧнкӧ, артмы олӧмыс, да сійӧн.

— Артмас ырсьялігад! — дӧжныштіс пӧчӧ. — Ӑти рытӧн ӧд оз петавлыны.

— Кызди ӧти рытӧн?

— Сідзи жӧ. Опытла тай воласны кыськӧ. Ме сэк мӧсьяс дорын на олі, электричествонад лысьтысьны кутім. Ӑти вой тані и узисны. А аскинас и картаын сёрнитӧны нин, Лиза пӧ верӧс сайӧ петӧ, кӧлуйӧн и быдӧн лэбзьӧ, вожа юрсиа ӧтик вӧлі, да ськӧд. И збыль, видзӧдам да.

Варов пӧчӧыд тадзи став нылыскӧд водззвѳв тӧдмӧдіс Турковӧс: оз нин ӧні сорассьы, гӧтрасян дум кӧ босьтас.

А вот тай... Лизаӧ на и тшукис, быгтӧӧ муніс, муніс да дзиръяа потшӧсӧ зурасис.

Субөта рыт вөлі. Турков пывсис, ёна и корөсясис пөльөкөд, кодлы висьом кодь нин пывсян колөмыс лоома: курыдөн на и петкөдіс, коялөмөн курыдсө вөтліс.

Локтісны пывсянсьыс, да пөльө лабичө нүжөдчис, кулан выйын кодь бура дыр куйліс, муртса лолалөмыс төдчис.

Асьсө Турковөс довьөдліс жө мудзысла да кольмыштөмысла.

— Век өд тадзи. Коркө пывсянас и кулө,— шуасис пөльө вылө пөчө. Сэссия ачыс петіс пывсьыны.

А пызан вылас самөвар дзужгис, гөгөр быд пөлөс сөяныс, көть кодарсянь пуксьы. Но Турков яндысис на өтнас пуксьыны. Ковмис виччысьны, кор пөльө сайкалас.

Та вөсна и сөрмис Турков клубө кино вылө. Сульштіс фөйеас, кык зон вөлі бильярдасьөны, да на дінын, сэссия пырис лыддьысян вежөсө, коді осьса и биа вөлі. Пызан выв тырыс сэн газет да журнал разі-пели куйліс. Син улас уси «Наука и жизнь», дзик выль номер. Восьтіс помланьыс, кытөн быдсяма юр жугөдланторсө сетөны. Аддзис сьөкыдкодь задача, пуксис и ылаліс, быттө та могысь и локтіс клубас.

А эськө төдіс, мый кино бөрас танцы на лоө, да сы вылө надеяөн на и локтіс.

Ылаліс задача дінад да эз и кывлы кино помасьөмсө, скамьясөн гримөдчөмсө. Эз весиг кывлы музыка юрөбтөмсө, стен сайын радиолальсь шыалөмсө. Кывліс эськө, колөкө, да пель пырыс лэдзис.

Задачаыс чайтөм сертиыс сьөкыдджык на вөлөма и дэльөдіс быттө сійөс артмытөмнас. Скөрмыліс быдөн ас вылас. Сідз и тадз видліс, сэссия аддзис жө, кызд шуасны, петан туйсө. А бөрыннас и нимкодь на лои: вөлөмкө, академик Колмогоров аслас аспирантъясыс-лы тайө задачасө сетлөма.

Нимкодясис на ас кежас Турков да эз и видзөдлы, кодкө пырысь лои да.

— Мый нө? — чуймыштөм ныв гөлөс сэк кыліс.

— А мый? — повзискодь Турков.

— Быттөкө тай вөтасянныд. Куньса синмаось, а нюмныд петө.

— А-а, ме сідз, — здук кежлө и ловзьыліс Турков, сэссия быттө шөйөвоши сыысь, мый збыльысь ныв сы водзын.

— Оз өмөй коркө дышөдлы? — бара гөгөрвотөма юаліс ныв.

— Мыйысь?

— Но, вексө думайтөмсьыс.

— Мый өд думайтан, — збоя нин вочавидзис Турков.

— Сідз эськө да,— пыр и сюртчис ныв.— А ті танцуйтан-
ныд?

— Омөлика.

— Мед, абу од вальс. А?

Турковлы эз ло лосьыд ныв водзын, бертовтчөмөн и чеччис да
копыра юрөн петіс фойеас. Ныв сы бөрся.

Сэні вөлись син на син найо и паныдасисны. Ныв шпынния-
лыштіс, вом пельөсыс кыпавліс муртса, а лөзов синъясыс ян-
дысьыштана лапмунлісны. Гөгрөсіник, топыд бандзибъяса чужома
да ёсиник веськыд ныра сійо вөлі. Нырыс бытгьо эз и лөсяв, чангы-
ляджык бытгьо коліс, а вот видзөдсис, аслыспөлөсөн нылөс вөчис,
мичаон на. Сэсса и пальто юрйылыс, пушыд кынь куысь, бытгьо
кыпөдыштіс да шоныда петкөдліс чужөмсө, ворсіс ас кыом
кельдыгөрд шапкаыскөд.

А кокас нывлөн пимияс вөліны, еджыд камысысь, кокчөр вывсө
лөза-гөрдөн серөдөма.

— А ті Лиза?— эз эськө, гашкө, ков, виччысьлыны на позис, но
юавсис Турковлөн.

— Да,— ыркмунлі ныв, бытгьо лёктор вөчигөн йөзасис, а сэсса
пөлыня вөрзвөдыштіс юрсө да воча дөжныштіс:— Пыр од и сук-
ляласны.

— Эз,— асьсө и пөчөөс думсьыс дорйыштіс Турков.

— Абу тай,— скөраліс нин Лиза.— Повзин нин со.

— Эг, мыйла повзи?— кайтыштіс Турков да нюмдыліс, бытгьо
веськодь сылы сыысь, мый төдө нин ныв йылысь.

— Но, петавлі, йөй на вөлі да,— помалөм пыдди Лиза ачыс
водзөстіс сёрнисө.— Кагаон кө локті, эськө жалитісны, а кагатөм
да, ставсьыс ме мыжа. А сылөн ко гөтыр нин вөлөма?

— Эз ков тэрмасьны,— гарыштіс Турков и аслыс сэсса шуштөм
лои татшөм бөра өлөдөмсьыс.

Лиза векыштчыліс, дась нин вөлі водзөс мыйкө виньдөданаөс
жө шуны, но вермөдчис, эз сетчы лёкөдчөмас, а, гашкө, и вежавидзис
на кутшөмакө ли поліс нин воштыны Турковөс, коді со шеданакодь
нин вөлі.

Турков эз казавлы, кор лыддьысян вежөсас на пукаліс, кымы-
нысь сэтчө нывьяс кыйкнитлісны, но некод эз лысыт сы дінө шыасы-
лыны, төдісны, мый сійо сэні, да виччысисны, кор ачыс залас локтас
да кодөс нин сэсса танцуйтнысө корас. Лизалы ылөсас татшөм
виччысьөмыд этшаник лача нин вайис. Мед сійо тан медся на
синмө усяна, но код төдас на, сы вылө-ө ыштас тайо вель учитель-
ыс, локтас кө бытгьо танцуйтнысө, да и кывсис нин сылы, көнкө,
коді сэтшөмыс тані Лиза нимаыс. Сідзкө, нинөм и виччысьны,

аслыс сылы колö збойөн лоны, мый лоан ло сэсса. И кывзыяс кö сылысь учительыс, то быгтö ськөд, Лизакөд, и локтис танцуйтнысö, и мед сэсса, колөкө, мукөд нылыс жержялöны.

И со тай вөрзылысны нин да джөмдिसны быгтö татчö, фойеас, эз воны залөдзыс.

Дерт, латшкөсник видзөднысö тайö Турковыс, пудпасөсь чужöма да öшйыштöм улыс лббъя, но кыс öнi сылы, Лизалы, мичаыс? А, мөдарö кö, татшöм зонъясыс, Турков кодъыс, ньöти абу ыкшаөсь и содтöд уджачөсь на да олан сямаөсь. Татшöм зон саяд кö петан, нинöмөн на ёнасö он ворссы. Татшöм зон вылад ачyd на ыджыдыс лоан. Дерт, тэнад кö быгтö сийö лöө. А мый эськө?!

— Гашкө, и эг тэрмась, прамөйджык зон кö вöли, — чöv усьли да висьтасис нисьö элясис Лиза. — А код тан миян прамөйыс? Ставныс кутшөмөськө...

Зал өдзөсыс восьса вöли, и танцуйтысь параясыс сэт тыдовтчылсны. Пыр унджыкөн кутисны өдзөс весьтөдыс бергөдчыны, тыдалö, көсийсны кыйкнитлыны фойеас, быдөн ас синнас аддзывны, мый збыльысь тай Лиза да вель учительыс орчөн нин сулалöны.

А Турковлөн эз на пырсы. Төд вылас сылы уси, кызди армияас найөс, вельөн воомаясөс, дивитисны: кыномьясныгтö пö колö зэлөдны, а то пö нобасянынд быгтö. Сэсса тай кызд котөртөдисны жаявтөдзыс, өдийö налөн тасмаясныс личалсны.

Дерт, Лизалөн шуасьомакодъ лои, абу нин сэтшөм укшальөсь татчөс ныв-зонмыс, со өд тай тыдовтчылöны, но кутшөмакө и веськыд вöли шуасьомыс: збыльысь со мукөдыслөн оз танцуйтөм артмы, а лыа вывтi катласьөмөн кодъ мунөм да нöшта быгтö сьөкыд нопйөн.

— Мед, кодi кутшөм, ачыс асьсö пö тай быдөн төдö, — лөньөдана шуис Турков.

— Мед бара-й, — пыр и инасис Лиза. — А ми нö огö пыралөй? Али, гашкө, яндысян мейсь?

— Ог, мыйла? — чуймылис Турков. Вөвлөмторсö Лизалөн аслас төдчөдөмыс чуймөдана и вöли.

Бөрыннас нин Турков вежөртis Лизалысь татшөм мудералөмсö: нинөм не дзебны, дэльөдны на аслас вөвлөмторнас да тадзи ас дiнас сийөс, Турковөс, матыстны. А сэсса, мөвпыштлыны кö, мөд петан туй Лизалөн эз и вöv. Та вöсна Турков эз и лөгась Лиза вьлө, кор вежөртis. Да и сёр нин вöли лөгасьнысö.

А сәки пырисны сэсса залö, пөрчысисны матi пельсöс (ачыс Лиза водзөсö эз нуөд), тшөтш сувтисны танцуйтны.

Эськө танго и вöли музыкаыс, ньөжмыдик, а Лизалөн и ньөжмыдасö зэв кокниа, лайкъялана артмис. Новлөдлөм пыдди Турковлы

аслыс ковмис сы бөрся вөтлысьны, и нюдз коска Лиза мукөд здукас быттьö вошлі ки увсьыс.

Сэсса Лиза чушгьявны кутіс, нетшкысьны, быттьö ру сійöс босьтіс. Мыйкө лои ськөд, а мый, Турков эз сяммы вежөртны. Вөтлысигад сійö эз и казьявлы, кызди Лиза вылө букуштчавны пондалісны кодсюрö нывъясыс.

— Тырмас, — виччысис нин тайö музыка помсö да коса шуис Лиза, вөрзис пельöслань, кытчö пөрччысьлісны.

— А мый нö? — шензигтыр вөтчис сы бөрся Турков.

— Синтö колі паськөдлыны, — ярскöба вочавидзис Лиза да кутіс пасьтасыны.

— Висьтав но, — эз лысьт лөгасыны Турков.

— Лөгалöны тай, быттьö ме мырдди тэнö кодлыськө. Ёна колö! — ыкшаа пыльсмуналі Лиза. — Ме тай сэсса мунысь-а.

— А ме? — шөйөвоши Турков.

— Ачылд төдан. Гашкө, кымынөн виччысисны? А кутшөмкө Лиза сэсса, нывсьыс петöма, ичмоняс абу волöма, босьтіс да... Кольчы, кольчы!

Бара на Турков эз лысьт ни эз сяммы скөрмыны.

— Мыйла кольчча? Ог! — кайтыштіс Турков да тшөтш зэв өдйö пасьтасис.

Петісны ывлаө. Коръя лым сэнi палаяліс, ворсөдчис би югөръяс улын. Кымөртчөм енэжсьыс төлысь на кыйкнитавліс. Татшөм рыгад дыр поэбö ветлөддыны.

— Но и куг либö, — тшөктана шуис Лиза.

Веськөдчисны мыйлакө кыр йыв, клуб саяс, кытөн мөд нөрыс кыпаліс, вадорсянь кö лыддыны. Вöла туй сэтчö катөдіс нөбөдөм потшөс пөлөн. Нөрыс йылас ляпкыдик сьөд визьөбөн коз понöла вөр тыдаліс.

Клубсö вөчөмаось бокö, сикт мышкас моз нин, и кыр йывланьыс сэсса вöлі пемыд. Содтөд йөзасьөмысь на поліс али сідз пемыдсö корсис, но Лиза ачыс татчö кежөдіс. А Турков, дерт, эз жö пыксьы.

Вöла туйыс южмыгөм дай выль лымнас тырыштöма нин вöлі, сьөкыда сэтi вольавсис. Öта-мөдыслы отсасьөмөн, юр на юр топөдчылөмөн и собисны. Эз сёрнитны.

Воисны нөрыс йылас, пырыштісны на туйөдыс вöрас, и вöлись Лиза сувтіс, бергөдчис Турковлань чужөмөн да ышловзис.

— Мый нö? — виччысьыштіс да юаліс Турков. Ийö нога артмис юалөмыс.

— Нинөм! — дузмунлі Лиза да пөръясьсөм морт моз өшөдіс юрсö. Сэсса, кылö, збыльысь бөрддзис, сөмын эз шыөн, а ышло-лалігтырйи, быттьö лолыс эз кут шедны.

Вөлись ассьыс йөйлунсө Турков гөгөрвоис: мый нө юасьö, быгтьö вочыны ли кутшөмкө мөд сэтшөм мөгөн сийөс татчө вайөдिसны. И жаль нөшта лои сылы Лизаыс: вот босьтас да овны кутас сыкөд, мед сэсса код мый шуө. Мед, абу кө нин ныв Лизаыс.

Быд зон, төдөмысь, мөвпавлө, медтө эськө гөтырпуыс некодкөд на эз ветлав, непөштө петавлыны кодкө сайө. Мустөм босьтас сэтшөмыд динө, код динө тэөдз кодкө пондывліс нин. Вугыр шатин, шуам, и то мустөм босьтны киад, көть и кольөма кодкө дзик ва дорас да зэв на и бурөс, косөс да кузьөс. Бурджык на аслыд выльөс перйыны, мед сийө уль да сьөкыдджык на, но век нин аслад перйөм.

Но том дырйийд, зонмавтөдзид, чорыд сьөлөма на и овлан, ньөти на жальтө он төд, торйөн нин нывъяс динад. Лөгалан на вылө сыысь, мый найө тэкөд тшөтшгьяөсь, а тэнө быгтьө оз и казявны, гырысьджык зонъяс динө сюртчөны, дзебсасьөмөн колльөдчөны.

А сідзсө эськө сьөлөм шоныдыс, жальлуныс зонъясыдлөн абу и пыдын, бөрыннас, кор кадыс воас, парсыштөмысь мукөдыслөн и письтө. Буретш татшөм парсыштөмнас и лои Турковлы Лизалөн бөрддзөмыс. Кыкнан кинас Турков кыскыштис сийөс асланыс, топөдіс морөс бердас, пырөдчис ныр-вомнас кынь ку юрйив костас да окыштис бандзиб улас, шоныдинас.

— Вот либө, — шуис сэсса.

6

Выль во асылө Турков да Лиза гөзийөн нин водісны. Öтлаалісны сэки кыкнан пукалөмсө: Выль во пасйөмсө и налысь гөтрасьөмсө.

Вокыс Лизалөн тадзисө тэрмөдліс: нинөм пө нюжөдны, этшаджык сёрни. Ас вылас сэсса кызвын ноксьөмсө да рөскодсө и босьтис. Весиг ас керкаас (торйөн нин мамсьыс оліс) пукалөмсө лосьөдіс.

А мамыс Лизалөн падьяліс на. Сылы век на эз эскыссьы, мый тайө пөрийө нылыс збыльысь нин верөс сайө петө. Мый нө, бара со тэрыба артмө, көть эськө, шуам, и гижасьөмөн. Шмониталісны сэсса пукалігас мамыс вылын. Дерт, ас рөдыс, мукөдыс эз лысьтны.

— «Горько» со, Ивановна, эн пукты румкатө, — шуліс кодкө.

— «Горько» эськө да, — вочавидзліс Ивановна да полігтырйи на матыстліс вом дорас румкасө.

Веськыда кө шуны, тэрмасьнысө коліс и эм. Öдйө өд сиктад кывсьө, коді кодкөд колльөдчөма. А сэсса коді да кыззи та вылө видзөдлас. Кутшөм варов со вөлі Турковкөд пөчөыс, код ордын

оліс, а пыр и вежсис, весиг ыстыны кутіс: тӱрӱканӱн пӱ тырны пондїм, кынтысьны кӱсьям, гашкӱ, пӱ мӱдлаӱ петан.

И Лиза инас эз ӱшйы, быд рыт руа кутіс лоны. Эз вӱв лӱсьыд юасьны дай сїдз позис гӱгӱрвоны, мый сылы, тӱдӱмысь, дойда-наджык на дӱжнасисны.

Коліс кӱдзӱдчыны либӱ ӱтлаасьны. А кытчӱ нин кӱдзӱдчан, кор ыштӱма? Медводдза окыштӱмнас сӱки клуб саяс, нӱрыс йылас, Турков бытгӱ иналіс асьсӱ Лизалы. Сїдзкӱ, нинӱм и бӱрнясьны. Да и сӱлӱм вылас нин пуксис сылы Лизаыс, шоныда эскӱдїс, мый инаӱн жӱ сылы лӱ: со ӱд тай ачыс, позгӱ шуны, Лизаыс сйӱс корсис.

Гӱтрасьны и коліс налы. И мед сӱсся кодї кыдзи донъялас тайӱс. Быдӱн ӱд тай ас сертиыс донъясьӱны. А гозгӱтӱ оз нин сӱтшӱма дӱжнавны, дышӱдас да дугдасны, он кӱ выльтор мыйкӱ сет, мед йӱ кывнысӱ песны. А мый вермас сӱсся лоны на кыстын сӱтшӱм-татшӱм выльторйыс?

Но уна йӱзсӱ свадьба вылас корны полісны жӱ. Нинӱм он тӱд, кодкӱ коддзас да шуас нӱшта мыйкӱ. Кызвыныс ас чукӱр и вӱлі Лизаладорсянь. А Турковладорсянь сӱмын кык велӱдысь школа-сьыс, сӱсся некӱд. Турков эськӱ юӱртліс жӱ мамыслы и чой гозгӱ-яыслы, но эз волыны: мамыс вочавидзис, куйла пӱ, висьӱдча, асьным пӱ мӱд пукалӱм вӱчлам, воланныд каникул дырйиыд да, а чой гозгӱ-яыс эштгӱтӱм улӱ ыстысисны.

Гашкӱ, и бур, мӱдарсянь кӱ, мый найӱ эз волыны. ӱд воліс кӱ, шуам, мамыс, дерт, кодкӱ висгӱталіс сылы, мый моньпубыс абу нин дзик ныв. А кодлы тайӱ любӱ, кутшӱм энкӱкалы?

Нинӱм сӱтшӱм-татшӱмторсӱ мамыс Турковлӱн эз тӱд и сӱлӱмся-нныс нимкодясис, помала вашгӱяліс, кор воисны сы дїнӱ пиыс да моньыс.

Быд мам ӱд кӱсйӱ, мед пиыслы бур гӱтыр веськаліс. А Лиза бурӱн и петкӱдчис: пачводз дорад ноксьӱ, пызантӱ кужӱ лӱсьӱдны, ачыс со аслыс шапкасӱ и ковтасӱ кыӱма, и гӱгӱр видзӱдсьӱ, бӱрсянь и водзсянь.

7

Эз на пӱрьяссы Турков, гӱтрасис Лизакӱд да. ӱттор-мӱдтор кӱ пыдди оз пукты, то нинӱм вылӱ и элясьнысӱ. Бытгӱ сйӱс и виччысьӱмаӱс эня-ныла, бытгӱ гажыс нин бырӱма керкааньс мужик мортсыс, кыкнанныс, торйӱн нин тгӱщаыс, став ноксӱ ас выланьс босгӱтисны, кесйӱдлыгӱ сйӱс видзисны. Корсюрӱ Тур-

ковлы каньлы моз и овсис, сөмын ассыс уджсö и тöдiс да удждон вайöмсö, кийсь киö сетöмсö.

И бöрынджык, кор öти кага лои, пи, сэсья мöд, ныв, нокыс на понда Турковлы ёнасö эз жö вичмы, пывсянысь тай катöдлывлiс найöс да горшокла чепöсийвлiс, öдийö кö ковмылiс.

Кöзяин туйö пыр и пуктiс тьöщайс Турковöс, вежавидзис сы водзын и нывсö, Лизаöс, сэтчö велöдiс. Коркö Лиза дждж дöраяс тшöктiс сылы пыркöдны, а мамыс пыр и вомалiс: ачyd пö таковскöй.

Но эз на тадзсö важ оласногас кутчысь тьöщайс. Зэв на вежөрөн олiс сийö, водзö видзöдöмөн. Мед эз кö быдлаö зятъсö чукöстлы, быд посниторсö вöчны, но эз жö и вунöдчыв гарыштны, мый эськö сысянь колö.

Гöтрасис Турков да, дерт, тьöща дiнас петiс овны. А керкаыс важ нин вöлi, öтарö-мöдарö пöлыня, кильчö весъттыыс водзö паська-лёмсьыс скобаясөн кутышталöма, сараяс и мудöг вылас лым пырзё, öшинь пöдлöскаясыс сiсьбось.

Верöсыс усьöма, да дöва вылысь жö тьöщайс олöма-быдтысьöма. Пиыс сэсья готрасьöма да выль керка аслыс лэптöма, а эня-ныла татчö, вajas, кольöмаöсь.

Став надеяыс öнi Турков вылö и вöлi. Мый сийö шуас, вайис кö нин Лизасö?

— Сюзя ягын пö эськö эм на да,— тадзи тьöщайс панiс колана и полана сёрнисö, кор зятъыс да нылыс бөр воисны сваття дiнсьыс.

— Мый эм? — эз на гөгөрво да юалiс Турков.

— Бур вöрыс. Керка тырыд пö сюрас на. Али абу нин тани олысьяс?

— Мыйла абу? Тани.

— А либö и, Виталеюшко, эн лөгась-а...

— Öг, мыйла?

— Öлексейлөн, шуриныдлөн, «Дружбаыс» эм.

— А билетыд лоö жö,— содтiс Лиза.— Пескөн на и позьö гижны.

— Мыйла пескөн? — чуймис Турков, сэсья казялiс эня-ныла-лысь видзöдлассö, да аслыс жö и яндзим лои, мый татшöмтор эз гөгөрво.

— Пальтоыд на со нэмöвöйсяыс, эн лышкыдась,— аслас киö босьтiс сёрнисö Лиза.

— Öк, дона öд керкаыд сувтас, ставсö кö ньöбны да медавны,— нюркнитiс тьöщайс.

— Тулыс кежлас керйыс мед тани нин вöлi,— тöдчöдлiс Лиза.— ДТ-өн кö, куйм-нельысьсөн и воас. А эсийö градсö öгö пуктöй.

— Джодж плакаясыд со, — кок увсö индiс тьöщайс.
— Али ас керкатöгыс нин олам, патераö петам? — ёся шпынь-
мунли Лиза, быттьö Турков паныд вöли.

— Эн эськö тэ сiдзсö сёрнит, — чирыштiс мамыс. — Мед шуас,
но веськыда.

— Веськыда и шуа да, — шуис Турков.

— Мый шуан? — бара на дэльöдыштiс Лиза.

— Мый колö выль керкаыс.

Эз на эськö Турков гоҗся ывласö тась аддзыв, но шуриныслөн
ошкöмыс, Эжвасö татi сэтшöм чериаон висьталöмыс, водзвыв нин
ёнтiс сы сьёлöмын, ышпöдiс татчö и овмöдчыны. И выль керка
йылысь сёрниыс, кодöс тьöщайс панiс, ньöти эз парскы сылы.
Дöзмöдыштiс сöмын гöтырыслөн дэльöдчöмыс, но сылөн, тыдалö,
сэтшöм нин модаыс.

Керка керсö пöрöдны сэсса шуриныскöд и ветльывлисны. Би-
летсö ачыс Турков судзöдiс, мынтысис кызди бур вöрысь, а эз кыз
пескысь, мед некод мöдысь эз лысьт нинöм шуны.

— Йöй — скөрмылис быдөн сэки Лиза.

— Мед йöй кö, — вочавидзис сылы Турков.

Кык во мысти на сöмын выль керкаыс эштiс, петны сэтчö по-
зис. А удждысьбöмсö вештöмыс и мöд кык во на кыссис.

Оз на керкаыд кокниа лыб да артмы. Тшупсыны, лэптысьны,
кöсякасьны, пач тэчны — кытчö да кор сöмын эз ковмыв чукöст-
лыны содтöд йöзöс. А чукöстан да, мед эськö и мынтысьбöма вöли
бур ногон, вердöма да юкталöма.

А мый аслыс Турковлы вичмис, сы йылысь и сёрни абу. Стень-
яссö, шуам, ставсö нин ачыс лöсалис да стружитiс, посводз джоджсö
вольсалис, кильчöсö вöчис, пач подувсö. Кыдзкö тай велалис, юасьбöмөн
да видзöдлöмөн, и артмыны кутiс, а водзджыксö черыс на пышь-
явлис, сап пырлис шыльыда босьтöм пыдди.

Чача кодь öни керкаыс сулалö, вылын öшиньяса, джуджыд киль-
чöа, шифер вевта, абу мисьтöмджык кодлөнкö дорысь, юрсö оз янöд.

Öни асьсö нин Турковöс корлывлöны тöдысь-кужысь туйö, кор
кодкö керка жö лэптö. И öтвесьт Турков уджалö мукöд кужысь-
ыскöд. А рыгнас, удж бöрас, пуксясны да, курыдтортö сылы мед-
водз на кысьтöны. Дерг, колöкö, и школаас велöдöмсö сылысь тшöтш
артыштöны, та понда тшöтш вылöджык пуктöны.

Аслыс керка лэптöмнад да öта-мöдлы отсасьбöмнад велалис Тур-
ков и юыштны, оз-оз дай сiдз öни ковмывлö. Но довъялöмөн сийöс
некод на эз аддзыв. И йöз ордын некор на эз узылы.

Ас туйö, быттьö эз и воы тайö сиктас кыськö, пуктöны öни сикт

кодяс Турковос, депутатö на бөрйöны. Вот школаас, удж вылас, кодсюрöкöд оз лöсъявны, медясö завуч Аглаида Борисовнакöд.

Лöсъявтöмыс тайö чужис на костын нинöм абуысь. Турков босьтчис нуöдны математика рыт, ачыс и гижис да öшöдiс татшöм юöртöм: «Видзöдлöй! Февраль (уравнение) луно, (уравнение) часын лö математика рыт. Корам волыны 8—10 классъясса велöдчысьясöс».

Уравнениеясыс, колö шуны, эз нин сэтшöм кокниöсь вöвны, колiс жугöдлыштны юртö. Аглаида Борисовналөн, тыдалö, абу артмöмаöсь, эськö ачыс математик жö да (аддзылöмаöсь, артасьö пö вöлi) сöмын посни классъясын нин велöдiс, а юавнытö кодлыськö абу лöсьыд, и петöма да нетшыштöма юöртöмсö: нинöмла пö челядьсö повзöдлыны, некод пö оз лок тадзтö.

Турков сэк эз вöв школаас, сельсöветö сийöс чукöстлiсны печать пуктыны. Сельсöветса председательыс велöдчыны муналiс да сылы, кызди вежысьлы, печатьсö кольлiс. Депутат нин сэк Турков вöлi.

Локтiс школаас, да юöртöмыс сылөн бөр нин местаас öшалiс. Директорыс бөр тшöктöма öшöдны.

Рытыс сэсса зэв на кыпыда и муналiс.

А Аглаида Борисовна та бöрын пыр дойдышталiс Турковос, сiдзи сылы урокъяссö лöсьöдалiс, мед сэтчö ни татчö эз мынлы.

Дерт, дыр татшöм лöсъявтöмыс эз вермы кыссьыны, ыпнитлiс и куси эськö лöдсавтöм бипур моз, да бара на, кызди шуасны, олöмыс найöс зурöдлiс.

Аглаида Борисовна бура ыджыд овмöс видзис: мöска-куканы, кык порсь, ыжъяс да чипанъяс. Верöсыс совхозлөн гаражөн веськöдлö, тракторыд ли машинаыд колана здукад век дась. И комбикормыд вичмыштö. Картопельыс асланыс, турунтö пуктыны видз сетöны. Öтарсянь кö, мый и не овны? А, мöдарсянь кö, вывтi жö нин быттö, абу нин абутöмысь мездясьöм (сиктад тай бытть на лö велöдысьясыдлы тшöтш и крестьянствуйтны), а озырмöдчöм. Порсьяссö, шуам, эз асьныс и начкывны, а сдайтлiсны райцентрö, мясопунктö.

Ыджыд овмöсыдлы ыджыд и дözбөр колiс. Тöдöмысь, та вöсна Аглаида Борисовналөн и эз тырмыв ас бöрсяыс дözбöрыс: пасьтасьлiс кызсюрö, лютi-лёт мукоддырйиыс, и выльөн пыртан программастö эз эштыв тырвыйö вежортны, полiс нин выль нога задачаясьыд. Сийөн жö, тöдöмысь, и энөвтчис гырысь классьясас велöдмсьыс, нельöдысь да витöдысь урокъяссö аслыс босьтiс.

— Аглаида Борисовна, абу жö тадзи лöсьыд,— шуис öтчыд Турков.

Модыс весьөпөрлі, эз виччысь татшөмтортө, но тырмылөма на зумыдлуныс, өдйө и бөр воис асвьяс, вирдыштіс ниа коль рөма синъяснас да нимкодя шуис:

— Ассыд гөтыртө аддзы! Көнкө, нылөн и висьтасьліс коньбөр-ойлы? И-ки-ки!

Асык вылө тувчөм кодь артмис Турковлөн шыасьбөмыс, чорыдджыка на аслыс инмис, сьөлөмас дойыс сатшис. И он, буракө, ойөст ни пуззы-скөрмы.

Төдөмөн Лизатө вайис да эз и дойдавлы сэсса асьсө та йылысь мөвпыштлөмөн, а со тай вот казьтыштісны. Бур мый кутчысис — и школаас сэки, и бөртинас гортас. Кыв ни джын жө Лизаыслы. Быгттьө нылышптөма и лои дойсө.

Но мыйкө кодзөдана (зывөктаннас эз позь шуны) век жө чужи та бөрын Турковлөн гөтыр дінас. И код төдас, кутшөма на эськө тайө кодзыдыс поткөдіс найөс, гозьяөс, эз кө Лиза кужөмөн ов, лөкөдіс кө асьсө мыйөнкө. А верөс сайө петөм бөрас сійө гажөд-чис гортса оломнас, мамыскөд вежмөн век мыйкө вөчис, инас эз өшйив. И удж вылас варов лоөма, йөзыскөд лөсялысь.

Овлөны тай нывьяс, ырсьялысьсөсь, ыкшаөсь и дэльөдчысьсөсь, оз и эскыссьы, мый бур гөтыр да мам наысь коркө петас, а лооны мамнас, да пьяна чипан кодьбөсь: «кот-кот-кот», гудйыштөны-парйыштөны, ловнысө пуктөны.

И Лиза өні сэтшөм. Керкаас, кыз шуасны, пырны позьө, гөгөр дзим-дзурк. Челядыс и верөсыс век идбөраөсь, на вылысын — мый сямөн нбөбөма, мый асласөн кыөма да вурөма. Дерт, мамыс тшөтш отсасьө.

Но лэдзчысьбөм ичмоньыд, сьөдас да ылөсас олысьыд, век нин тыдалө, сөмын ас вылас видзөдлы: кыткө чуқырөсь, кыткө личыд, лөтъялө, юрисыс пышъялө. Лизалөн и ас бөрсяыс идөрыс тырмө. И век на быгттьө ныв кодь, кокни вөраса, нюдз коска, сөмын морө-саджык лои да увланыс муртса содтөд гөгрөсмыштіс. Дерт, бара жө, уджыс сылөн абу нин сэтшөм пөрысьтөдысь, көть эськө нокыс и мудзыс лунтырнад сылы сюрлө жө.

Эз, эз пөрьяссьы Турков, гөтрасис Лизакөд да. Лысьтас шуны, мый шуда на. Быд зыкө волөм оз кут артавны, дай дзык нинөмла. Но шуасис коркө Лизаыс, школаыслы аслас сьөм вылө карысь унатор нбөбис да. Но и мед, шуасис кө. Быд гөтыр, төдөмысь, сэтшөм.

Өти кывйөн кө, Лиза кодь гөтырыдкөд позьө на овны. И збылысь шудаөн на и колян.

Сөмын вот оз төд Турков, радейтө оз гөтырсө.

Асывсяньыс сійо лунас пöдтис. Син водзад вераліс сынöдыс, весиг йöз гöгöрыс, унджыкөн кö öтчукöрын сулалісны, шуам, автобус виччысьысыяс. И тополь гөн усис нбöжйöник, кыпöдлöм бус моз, вомад тшöтш лолыштгид веськавліс, дөрöм юрйив улад эськö мед нин да.

Зэр ывлаыс виччысис.

Татшöм лунад эськö видз вылын уджавны. Эжва дорын. Кöмтöг, öтпöлöсөн. Пöсялін да котöртлін, буз-баз пыралін небыд ваас, сывъ-ясьыштін, бөр петін, ыркальштін... сэся бара чöвтны.

Некымын гожöм нин, кор эз кордыны карас. Турков чöвтис совхозын, кык кöчöс öтшöтш кыйис. Öти-кö, эз весь ов, отсасис сиктса войтырыслы, а, мöд-кö, турун локтис уджалöмсьыс, эз ков көнкö Вөрью йылын аслыс гөрбушөн гудйысьны. Керка бöрас сійо мöс жö лöсöдiс, да туруныд коліс. Но таво, дерт, бара на ковмас Вөрью йылад кайлыны, кысь школаын велöдысьяслы видзсö сетöны. Совхозыд сылысь карад ветлöмтö оз виччысь.

Да, сикт кодъыс öнi мöдлапöлынöсь, öтпöлöсөн турун пуктöны, а сылы лöö карын пöжсьыны, кузь лунтыр лекция да доклад кывзыны. Дерт, колö жö тайö, мед олöмсьыс он коль, мед пыр ыльöс мыйкö вермин пыртны аслад уджö, мед некодарсянь эз элясьны бöрас, лёка пö и велöдöны челядсьö сэтшöмтö школаын. Но мед кöть нин зэршталіс, кымрасис корсюрö, а то лун-лун пöжö, ониш босьтлö лекция вылас.

Но бара на эз зэрмы сійо луннас. Тöv ныр тай петаліс да гым пöдöма муркнитліс, а кунöрыс эз и волы, ылі муніс.

Мудз, юрсяньыс кокöдзыс рудзалöма, шома сьöлöма, локтис рытнас Турков оланінас, пöчö дінö. Локтігас кафеö ужнайтны пыраліс, кос вина доз босьтліс, мед збодермыштны, онишсö вöтлыны, а мöдарö артмис, нöшта рушмöдiс винаыс, кöть кытчöкö эжа вылö, гож сайö, нуюдчылас.

Локтис да аддзис: керка мöд джынъяс олысьыслы, кагаа нывбабаыслы, пес вайöмаöсь машина тыр, потшöс бердас, моски вылас, и ректöмаöсь чуркаяссö; нывбабаыс буретш пыртлысис, йöрас кыскаліс, мед сэся сэнi нин, буракö, вочасөн поткöдлыны да тэчны.

— Честь труду! — шыасис Турков да номъөвтис, бытгö водза мыжсьыс тшöтш вештысис.

— Пасибö, — вочавидзис нывбаба да яндысяна пыркöдiс морссьыс кырсь ёгсö. Важиник руд ковтаа да пидзосöдзыс пуджöм вöсни зэлыд гача öнi сійо вöлі, юрас — быгалöм чышгьян, кокас — ляпкыд бöра босоножкаяс. И бара на мичаөн видзöдсис.

— Тайо од тиянлы войбыд тырмас. Сэссия поткөдлыны на ков-
мас и.

— Мед, мый сэссия.

— Колөкө, ме отсала, нинөм жө вөчны-а,— гарыштіс Турков.

— Ачым нин кызкө,— коса паныдаліс нывбаба.

— Ог од дон вылө. Сідз. Меным уджыс колө, а то рушма
татчө карад.

— Этшаджык юй дай.

Сэссия нывбаба босьтіс моздорас сьөкыд кызд пу чурка да пыртіс
йөрас, уськөдіс сэтчө, выльла локтіс.

— Но либө эн дивитөй,— бара на шмонитана шуис Турков,
эськө вежөртіс жө нин да, мый ыстөны сійөс.

Нывбаба нинөм эз вочавидз, весиг эз и бергөдчыв сылань. Мунны
коли Турковлы, вешійыны өдйөджык. Өдйө сэссия и вөрзис, гырысы
шавксьөдіс ас оланінас, быгтө сапөга кока друг лои.

Пөчө эз вөв гортас, буракө, нылыс дінө мунөма, эськө кутшөма
өні позис ськөд сёрнитыштны-а. Унмыс вошис, да варовлун Тур-
ковөс босьтіс. Довъялыштіс вежөсөдыс, мургис вомгорулас:

Вөрын быдмис, быдмис зэв мича пожөм
Өткодь сьлөн дін и йыв...

Тайо сьыланкывсө Турков эз и төдлы водзті, а тьөцаыс да
гөтырыс быд пөйрө сьылісны, и сылы сэссия тшөтш сирасис.

Но дыр-ө нө верман өтнад жөдзны да мургыны, абу од кузь зіб
йылын гольган, төв индалысь, Турков вежис, «чеччалан» дөрөма-
гачасис (тьөцаыс тадзи нимтіс сылысь спортивной костюмсө, кодөс
гортас кышавліс) да бөр петіс ывлаө. Сулалыштіс кильчө дорас,
кывзысьыштіс, сэссия йөрөдыс, өмидз кустьяс пыр, писькөдчис керка
мөдарладорас.

Нывбаба пыртлысис на. Уна чурка на потшөс саяс тыдаліс.
Дзирья весьтыс на сөмын прөстмыштөма.

— Бара ме,— мыжапырысь и шмонитана шуис Турков.—
Быгтө поэь кө?.. Али сэтшөма нин поланныд месьс?

— Ог,— дөжньштіс нывбаба.— Но ме ас вылө надеяөн нин
ола. Да и абу менам поллитра вылас.

— А мен оз и ков. Ме нө эг шулы? Ме бурөн!

— Бурөн көть лөкөн. Паркө мун да сәні кодкөдкө төдмась, зэв
кө колө, а эн ме дінө... Менам тэтөг шогыс тырмө.

— А ме ог и төдмасьөм понда,— дөзмөмөн эскөдіс Тур-
ков.— Ме адззи да... мися, нинөм жө вөчны-а...

— Но, абу кө либө дыш,— бурасис нывбаба.

Ваись лэптөм кер, унджыкыс пипу да кыз, луннас на, буракö, и чинталöмаось. Из сьöкта мукöд чуркаыс вöли, ньöти на косьмытöм. «Ме сийöс пырта, ме»,— öлөдлiс Турков нывбабаос ыджыд чурка босьтöмысь. Сэсья некутшöм сёрни на костын эз и пансьыв бөрья помöдзыс.

Пыртлiсны йöрас став чуркасö, да Турков чер корис, мед поткöдлыны сэсья заводитны. Нывбаба ыстысис, сёр пö нин, да эз вай черсö, аттöбалiс Турковос, пырны гортас лосьöдчис.

А кадыс сёр нин и вöли. Ныла-зонмаяс паркысь нин локталiсны.

— Мыссьöй,— шуис нывбаба да пыралiс керкаас, ведраын ва петкöдiс да ки чышкöд. Турков мыссис эжа вылас, чышкысигас юалiс:

— Сэсья нö зня-пия тi и оланныд? Менам сэк шусис-а кильчö йывсьыд.

— Мед,— кайтыштiс нывбаба, сэсья нора содтiс:— А быть öд ов.

— Да-а,— вежавидзана нюжöдiс Турков. Эз вöv лосьыд юавны, кытчö верöсыс лои.

— Эня-пия тай колим,— ышловзис нывбаба,— эськö куимөн жö вöлим да. Вöйи батыс. Тундраын, тыö. Геофизик вöли. А ме базаас, медпунктас уджалi. Ме тась, Сыктывкарсьыс, медучилище помавлi. Шуштöм сэн лои овнысö, век мыйкö думайтсьö, войыд оз узьсьы. Мунны шуи. Миянлы деньга чукöртiсны. Аслам на мый-такö вöлыштiс. Вот тайö керка джынсö сэсья и ньöби. Шуöны, кисьтны пö регыд татi кутасны. Сэк, гашкö, квартира сетасны.

— Быть,— содтöд тöдчöдiс Турков.— Но, а тöвйынытö, тайö тöвсö кöть, пескыд воис, позьö шуны. Ме поткöдла. Лэбув на вöча. И кильчötö выльöс, мед асьнытö эз янöд. Гашкö, мый дыра на ковмас овны.

— Код тöдас.

— Ме эстысь адзвылi: керка кисьтöны. Кильчö вылад и лэбув вылад — быдтор вылö на сесь сюрас. Ачыс кöзьяиныс вöли гаралö, ме сувтлi да. Кöть пö мед босьтiсны, кодлы мый колö, а то пö сiдз жö сотасны, нуасны да.

— Ме ог тöд,— падмыштiс нывбаба.

— Мый он тöдöй? Вöча ог, мый косья?

— Колöкö, эськö вöчанныд да. Быттö уджöдöма лö. А бур ногөн кö...

— Вай дугдöй,— сиктса ног кыпыда вомалiс Турков.— Но, бура узьны.

— И тiянлы,— лöня вочавидзис нывбаба.

Бура и узьсис сэсса Турковлы, чөскыда да пөтөса. Нинөм эз вөтась ни нинөм эз төдлы. А эськө асья войнас кунөр воліс, ёна и шливгис-зэрис, гымаліс да чардаліс.

9

Вит рыт и тырмис Турковлы сы вылө, мый көсийсьліс вөчны. Сөмын кильчөбіс краситтөм коли. Но сійөс ачыс нин Галина зэв бура вермис вөчны. Сідзи и шуис, дасьтө пө красита нин.

Медалөм морт моз, быгтё водзвыв нин мыйтакө босьтлөма, зія да этша сёрниөн и уджаліс Турков. Нимсьыс кындзи (Галина, вөлөмкө) этша мый и төдмаліс. Дерт, пиыскөд (Женя, вөлөмкө) төдмасис жө.

Пиыскөд ёнджыкасө Турков и сёрнитіс. Да мөдыс сэсса сы диньджык жө и бергаліс. А мед оз мешайтчы вывті (то отитор босьтас, то мөдтор, зонкаясыдлы, налы медтө эськө камөдчыны жө), Турков сійөс задачаясөн ывсөдліс. Водзджыксө кокниджыкъясөс сеталіс, понлөн кымын кок да мый да, а сэсса пыр сьөкыдджыкъясөс, шуам, куим гулю дінө кө нөшта кыкөн пуксясны, а сэсса оти бөр лэбзяс, то кымынөн кольоны. И зонка вунөдчыліс да кальк-мунөс вомөн зія мөвпаліс и ньөтчыд эз торксьыв. Турков весиг аслам пиыскөд сійөс өткодяліс и аслыс жө сэсса лөсьыдтөм лои: пиыс сылөн та арлыднас эз на татшөм тэрыб вежөра вөв. И вежыс петаліс Турковлөн татшөм пи вылас.

Витөд рыгас Галина пукалөм вөчис, еджыд вина доз весиг вөлі ньөбөма Турковлы вылө, ачыс зэв этшаник и видліс. Торъя яндысьтөг Турков сэсса и пукаліс, а воддза рыгтясас керкаас эз пыравлы, эськө Галина чукөстлас жө да, көть пө чай юыштөй.

Но дырджык Турковлөн сэки пукавсис, вой шөр бөрөдз, и Галиналы шуны ковмис. Дерт, эз веськыда шу, мунөй пө сэсса, а ылісянь панөмөн сэтчө сёрнисө вайөдіс.

Мөвпыштлыны кө (а бөрыннас Турков мөвпыштліс гөгөрбок), Галиналы эз на и кокни вөв тадзсө вөчны. И Турков эз лөгась сы вылө, нимкодь на лои сылы сыысь, кутшөм ыджыд вежөра тайө том нывбабаыс.

А Галиналы сэки збыльысь сьөкыд и вөлі сьөлөм вылас. Но вот, пукалө сы ордын мужичөй, юыштөма, сы вылө синсө чөвтлывлө, осьса сойяс вылас. Ыстыны абу лөсьыд, ачыс оз тэрмась, а кадыс оз сулав, вой шөр матысмө.

Төдан эськө: абу сэтшөм-татшөм мортыс, этшсьыс, буракө, некор оз петав, кужө асьсө кутны, и мед на либө и пукалө. И сылы, Гали-

налы, гажаджык, кыпыдджык, кӱтӱ нин сыысь, мый бара на со сы дӱнын мужичӱй. Сӱдзкӱ бытгӱӱ, абу на сӱйӱ вунӱдӱм нывбаба кодъ, сӱдзкӱ бытгӱӱ, колана туйӱ на сӱйӱс пуктӱны. Но и полӱм йиджтысьӱ, шӱйӱвоштӱдӱ вочасӱн Галинаӱс. Думайтӱ, мыйла и сибӱдӱс отсавнысӱ, кӱдзкӱ-мыйкӱ аслыс нин колӱс. Ӳд ас вылас надеяӱн нин и шулӱс водзӱ овны. Оз али мый вермы? Вермас на бара, вермӱдчас кӱ. Дерт, сӱӱкӱд лоӱ. Ыджыд-ӱ нӱ сылӱн удждон, а отсӱгыс пиыслы батыс понда этшаник локтӱ, сы вӱсна мый код юрӱн батыс вӱйи. Велӱдны ковмас писӱ, кӱмӱдны-пасыгӱдны, мед эськӱ эз жӱ асыӱ коньӱрӱн чайт йӱз водзас. А кывзысыны-ӱ на кутас сылысь пиыс, быдмыштас да, оз-ӱ мӱд пӱлӱс гаж кут корсыны? Сӱйӱ ӱд мужик рӱд жӱ, ас коддӱм дӱнас и кутас сӱйӱс мӱдысь кыскыны, а кодкӱд на тӱдмасыс да кытчӱ на велӱдасын? А гортад век он видз зон челядӱтӱ, медтӱ эськӱ гортас тшӱтш мужичӱйыс сылы вылӱ вӱлӱ, кодкӱ баты туйӱ. Со тай кыдзи та дӱнӱ, Турков дӱнас, велалӱс. Ӳнтай, водтӱдзыс, вуграсыны нин вӱлӱ Турковсӱ нуӱдӱ. Но ӱд куш пиыс понда, мед кодкӱ сылы баты туйӱ вӱлӱ, он жӱ кодӱскӱ лӱсьӱд. А аслыс сылы некод нин оз ков. Колӱ кӱтӱ оз! Абу нин сӱйӱ гаж корсысь. Да кодӱс на и аддзан? Тӱв чужьялысьыд сӱдз мустӱм, а бурыслӱн быдӱнлӱн аслас семья. Со тай талӱн, Турковылӱс. Да и ачыс сӱйӱ, тӱдӱмысь, оз ыштгы, мед збыльысь, сӱлӱмсянысь... Но и мед мунас сӱсся, мый сӱсся сӱн пукалӱ?

Тайӱ мӱвпясыс и дойдалӱсны Галинаӱс, инас эз ӱшӱӱдны. И колӱс кыдзкӱ сӱрнитӱдны Турковсӱ, мед ыстытӱгыс гӱгӱрвоис, мый мунны сӱсся сылы колӱ.

— Виталий Михайлович, — бытгӱӱ шмонитӱм могысь и шыасис сӱсся Галина, — гортаныд тӱянӱс, буракӱ, некор оз и видлыны, да ӱд? Мукӱд мужиксӱ, видзӱдан да, век пилитӱны-а.

— Быд ногыс овлӱ, — вочавидзис Турков.

— А мыйысь видан, тадз жӱ кӱ гортаныд оланныд?

— Кор кыдзи.

— Мыйла? Али гӱтыр водзад озджык тадзи кыпавсы? Тшӱктӱм жӱ виччысынын?

— Гортад ӱд... бытгӱӱ тай онджык аддзы уджтӱ. Аддзан эськӱ, да он на усыкӱдчы вӱчнытӱ. Гортад ӱд ставыс бытгӱ аслыд инмӱ, да тайӱ бытгыс на падмӱдлӱ.

— Вот сӱдзи и эм, буракӱ, — серӱктыштӱс Галина.

Турков гӱгӱрвоис, мый кыйисны сылысь кывсӱ, видлӱс дорйысьны, шуис:

— Гортад ӱд... гӱтырыд буриндзи старшина жӱ да... Кесӱӱдлӱмас нин и велалӱма.

— А вот миян сӱн, — эз на ӱвсы та вылӱ Галина, — экспеди-

ция базаас... Өти мужичой вөлі. Гортас нинөм оз вөч, а кодкө ордын и зэв кеслач. Мыйла кодкө ордын? Өти баба ордын, столөвөйын сийө бабаыс уджаліс. И вот гөтырсө вөлі пондас кулитны. Мужичойыс сийө. Овны пө оз сет, помала пө пилитө. А мөдсө, столөвөяс уджалысьсө, ошкө. Шойчча пө ме сы дінын. Дерт, мися, шойччан. Сэн, мися, гөсть тэ, а көть и вөчан мыйкө сылы, то ыджыд бур быгтьө вөчан. И кыкнанныдлы, мися, нимкодь. А гөтырыд нө, мися, мыйысь кутас ёнасө нимкодясьны, кор сийө и могыс тэнад, мыйкө вөчан кө бурөс семьяыдлы. Он пө тэ гөгөрво нинөм, вочавидзис меным. Бур сөлөма пө сийө, столөвөйсаыс. Сэсса и вуджис сы дінө, овмөдчис, кыз шуасны. А төлысь мысти бөр гөтыр дінас локтіс. Йөйтавсис пө. Тадзи и висьтасис. А ме сэсса сэки шуи жө сылы: эз на, мися, йөйтавсьы тэнад, а абу на тыр сюсь и вөлөмыд. Вьль бабаыд, мися, сэтчөдз вьль да бур, кытчөдз тэ сөмын вольывысь сы дінө, а босьтылы, мися, сийөс ас сылы вылад...

— Гөгөрвои,— нюм сорөн кайтыштіс Турков да чеччис.— Пасибо, а то дыр нин пукалі.

— Тянлы пасибөыс,— водзөс шуис Галина да нюммунліс жө.

10

Чой гозьяыс Турковлөн петісны лесопунктсьыс, сиктө локтісны. Верөсыс бригадир-механикөн уджаліс совхозын, а чойыс бара фельдшераліс. Мамыс накөд и оліс.

Турков ветліс карсянь видлыны найөс. Вой сэні узис. Мамыс эськө да и чой гозьяыс кольөдөны на вөлі, аски пө асья автобуснас мунан, воан на лекция вылад, но эз кольчы мөд вой кежлас.

Турковөс кыскис нин карас, көть эськө ачыс на эз төд, мыйла сылы колө тайө Галинаыс. Пельсайса думьяс сьлөн эз вөвны, да эз и вермыны лоны. Абу на сийө нөк куртысь, сідзкө нин шуны. А мед збыльысь Галинаыскөд мыйкө панны, водзө вьлө надеяөн, бара жө эз кыпав сы вьлө. Абу жө нин кыз гажөн олысь, сідз кө шуны. Аслас нин горт да виччысьысьяс эмөсь.

Тадз, шөрөвыйө сетчөмөн, и воис бөр карас. Чайтіс весиг, мый аддзылас бара Галинасө да пыр и инасяс, мый таысь вывті сэсса сылы нинөм оз и ков.

Рыгьявылыс нин воис. Кыйкнитліс потшөс сайсянь: кильчөсө Галина краситөма нин, но өдзөсас томан өшаліс.

Пөчө гортас вөлі, висьталіс Турковлы, мый мөдарсаыс регыд на пожьясьны лэччис пыыскөд. Тадзи, мөдарсаён, и нимтіс пөчө Га-

линасö, тыдалö, жаль на вöли керка джынйыс, кöть и визуалис бур доньыс.

Öлöдны и такöдны видлис асьö Турков, мед некытчö нин не мунны, öвсыны сэсса, но эз овсы керкаас и ставыс. Воштысьöм морт моз пуксьылис да чеччылис. Но югыда мөвпавсис, и таыс тешкодь босьталис: öд некор на таdzi ськöд эз вöвлы. Сидзкö либö, эз на и тöдлы сийö збыльысь муслунсö? Тайö мөвпсыс друг сэтшöм шуштöм лои, и Турков öдйöджык петис ывлаö, веськöдчис ю дорö.

Пристаньсянь катыдö, куръя вом дорö, кытчö кучкö на ю визулыс, быд гожöм вöчlöны пур, вылысö пöвйöн на вольсалöны, мед он вильсьяв. Сэсянь, пур вывсянныс, и пожъясьлöны аняс. Сэтыс Турков и аддзис Галинаöс. Пиыс, Женяыс, сэн жö вöли, ньöрторийөн ваас кучкалис, резсис.

Эз дзик пыр, сулыштис на кыр йылас да вöлись Турков лэччис на динö. Женялы пыр и нимкодь лои сылөн друг локтöмысь, а мамыс пöсьмунли, бытгтьö яра ломтысьысь пач восьтылис.

— Лэччыли жö вадорас, кая нин вöли, да друг тиянöс аддзи, — висьталис Турков. Быгть öд мыйкö висьтав.

— А-а, — шуыштис Галина да ёнджыка лажыньтчис, дзебыштис юбка бöж дорнас вылöдз тыдавлысь топыд кокъяссö.

— Вай ме, колöкö, пызрала, — корис Турков.

— На, — нюммунис Галина да мыччис кыкнан кинас сьöкыд ёкмыль, пожъялöм эшкын кышöд.

Лои уджыд, да Турковы сэсса родöм ни полöм эз сибав. Быгтьö гöтырыскöд и лэччис пожъясьны.

Гоз-мöд поснитор нин и коли Галиналы пожъявны, а сылы пызравны, но сэк дзик ва динас лэччис бөрөн няйтöсь «Москвич», сувтис пурсыс муртса вылöджык. Кык мужичöй, öтиыс ар нелямына, мöдыс ёна томджык, петисны сэтысь, восьтисны багажниксö, босьтисны ведраяс да кутисны мыськавны машинанысö, вылас и улас сылы коявны.

Галина чукырмунли, но нинöм эз лысьт шуны налы, шога видзöдлис Турков вылö.

— Тани оз позь машинаяссö мыськавны, — шыясис Турков öлöдан гөлöсөн на.

— Но-о? — нерыштис ыджыдджык арлыдааыс.

— А мед вöли мунома, — ыпнитис Турков да петис пур вылысь.

— Волы, — повзьöдис сийöс томджыкыс, а сэсса и динöдзыс локтис, ырыштчис тыртöм ведранас. — Ланьтöда, оз кö чöv овсы.

Турков вежöртис, мый косьтöг öни сийö оз мын, оз кö вешйы да чöv ов. Да и кыкөнöсь найö. Сидзкö, аслыс колö пановтны налысь воомсö. И нинöмысь на повны: кер пом, мый сьöктаöс, мачыштлö,

измылоны сэк сойясыс, а тайос, лезь юрсиа вежомсө, вермас на жө. Сувтис боконджык, мед оз чужйы, кыгчө оз ков (карсаыд пө чужйоны), да кутчысис өти кинас ведра вугъяс, а моднас воысьыслы голяас, тайкө джагөдас. Ён да кузь чуньясыс Турковлөн муртса голя гөгөрыс эз судзны. Татшөма скөрмөмнас асьсө эз на жө төдлы.

Тшөкмунли, а сәссия кымынкө здукөн и лизгырмуні воысьыс, кок йылас эз кут сулавны. Турков мынтөдчис сыысь и сэк жө аддзис: ыджыдджык арлыдаыс, рушмыны нин кутөм, тасма вылас өшйөм кынөма, зырөдө сы вылө чукля ыджыд көрт ключөн.

Мый лоан ло, но Турков оз пышйы. Некод водзын на сийө коньорас эз пуксьыв. А модыс ырыштчис ключнас, вот-вот юрас сылы косьыштас.

Ыджыд из уси Турковлы син улас, но некор нин сылы копыртчывнысө. Видзчысьны колө. И кучкан мозыс лөсьөдіс восьса шуйга кисө ключ улас, слөймис ньөжмөдны да вештыны юрсьыс. Шуйга сояс жө сәссия и инмис ключыс, пельпомсьыс неуна улөджык.

Мед инмис кө да дубавліс шуйга сойыс, но веськыдыс Турковлөн, кыз шуасны, аслас на вөлі, и веськыд кинас, чорыд кабырнас, сетьштис пель вуж дінас кучкысьыслы. Сийө сәссия өдийө жө и лизгырмуні да лэдзчысис берегдорса каржа вылас.

Код төдас, мыйон на эськө тайө косьыс помасис, эз кө йөз чукөрмыны да пинявны кутны Турков вылө воысьясө. Сэтчө жө кодкө горөдіс, гижам пө машина номерныгө да юөртам кыгчө колө, мед он тані, пожъясянінас, мыськалөй няйт машинаныгө. Бугжылясигтыр, но чөла пукисны найө машинааныс да журөбтісны-каийсны карас.

Турков полис на, мый найө сувтасны кыгчөкө да кутасны виччысьны вадорысь сылысь кайөмсө, мед бара пондывны, водзөс косөдны. И бөртинас, пожъялөм көлуй тырөн восьлалігөн, сийө кыйкнитавліс өтарө-мөдарө, оз-ө кыськө найөс водзвыв аддзы. Но некысь нин эз аддзыв.

Галина, дерт, повзъывтөг эз жө ов. Оз на вөлі и сет Турковлы катөдны көлуйсө, ачым пө нин ме кызкө, а тэ пө гусьон кыткө мун. Но Турков эз кывзысь сылысь.

Йөрын, көлуй өшлигөн, Галина варовмис, шпыннияліс. Төдөмысь, сылы нимкодъ жө лои мыйыськө. Гашкө и, сыысь, мый со вот кутшөм тайө Турковыс, уджач да повтөм, абу сувтса синма ни нывбаба вылад.

Медбөръяөн эшкын кышөд өшөдісны. Öтвылысь бара на сийөс пыдзралісны (таз пыдөсад бөр көтасьыштөма), сәссия паськөдісны. Турков өтарладорас лөсяліс, Галина — мөдарас. И мөд помсө көв вылас зөвтігөн найө зурасисны, син на син сувтисны.

— Эн дур,— водзвыв шыасис Галина, но эз вешйы ни бёрынтьчы.

— Ог и дур,— эскөдана вочавидзис Турков да кутіс сійёс гырджзаясөдыс.

— Лэдз,— шуис Галина, но ачыс эз нетшыштчы, сөмын юрсө копырөн бергөдіс.

— Лэдза,— шуис Турков да лэдзис.

Сэссия кыкнанныс ыджыда ышловзисны.

11

...И со Турков, карын төлысь олом бөрүн, локтө гортас. Катө Эжва кузя теплоходөн. Матө сутки лоө туйын, эштылас отар и мөдар мөвпыштлыны.

Дерт, некод оз удты сійёс, нинөм оз кывсьы гортас. Да нинөм сэтшөмыс Галинаыскөд эз и вөв. А вот тай... быттьө нерөд сьолөм вылас. И, гашкө, нэмсө ковмас пөжны сійёс.

МЕДСЯ СЬӨКЫД ВИТӨД ВО

Римма Шучалина тайө здукас мустөмтіс верөссө. Мустөмтіс ас кежас, лөгавтөг.

Нинөм абусьыс, позьө шуны, зыкө воисны, быдсяма дойдана кывъяссө ота-мөдныслы шуалісны. Зумыд оласа эськө Кириллыс, оз жеръявлы ни кинас шенасьлы, а талун, буракө, петіс этшсьыс, мунігас сэтшөма крапкис өдзөснас — дзоньнас ыджыд керкаыс йиркмуналі. Код төдас, гашкө, вольгөм вылө нин муніс.

Шемөс өні пукалө Римма кухняс, гыж йывнас пызансө визьйөдлө. Дыш и босьтчыны мыйөкө, да нинөм оз и өшйы кияс.

Мыйла эськө налы вөлі зыксьынысө? И талун, и водзджыксө? Өд ачыс Римма тшөтш воча ыштіс, а эз ньөти радейттөг пет Шучалин саяс. Эз-ө асьсөджык Римма төд, сөмын ас сертиыс верөссө донъяв? Дерт, такөдлывліс Римма асьсө, йөйөн на нимтыліс: өд абу морттуйтөм ни видзөдлыны шогмыгөм верөсыс, оз өддорт ни кедзовт сійёс, удждонсө тырыс жө вайлө, мый нөшта колө, думыштлыны кө?

Лөтчик Кириллыс, ыджыд самолөт вылын лэбалө, командирөн.

А төдмасиганыс ичөтик АН-2 вылын на вөлі. Он шу, мый эз быдмы мортыс.

Он и лысг кодлыкө висьтавыны, мый татшөм верөсөс омөльтан. Оз некод эскы либө серам вылө лэптасны, а то и пиняласны на: яндзимтө пө он төд, век на тэн мыйкө оз тырмы.

Збыльысь, мый оз и тырмы? Эз на өтлаын отпускавыны да, сийө? Но өд абу таысь Шучалиныс мыжа. То сийө бара велөдчө, мед выль самолёт вылө пуксыны, то гожөмбыд лэбалө, оз мынлы — гожөмнад ветлысь-мунысьыд век кык мында, то мамыс Риммалөн висьмө, да ачыс Римма оз эшты курортасынысө.

Эз на Римма и ветлыв лунвылас: мый сэсь верөсыс вайльваліс рейсьяс бөрас, сы серти на и төдө: то дзоридзьяс, кор Сыктывқарын лымъя на, то свежөй помидор, кодысь гажыс нин бырөма, то импортной купальник, кутшөмөс Сочийысь сөмын поэь нөбны.

Сочи пондаыс, поэь шуны, медводдза зыкыс гозъя костын и лои.

Сыктывқар-Адлер— татшөм рейсөн лэбаліс сэки Шучалиныс, мөд пилотөн на. А Римма эз на помөдз вежөрт ли велав, мый сийө лётчик гөтыр, мый сылы колө думайтны верөсылөн быд лэб-зылөм вөсна. Самолөтыд вермас сөрмыны, поводдя виччысьны — да мыйыс оз вермы лоны, сідз кө нин шуны...

Лэбзис Шучалин Адлерө и абу, и абу... А водз тулыс вөлі, Сыктывқарын нөбөдіс, нальпак лым гартчис, муас усьбөмөн тшөтш и йизьбө. Оти кывйөн кө, Сыктывқар тупкыса вөлі.

Эз лок верөсыс рыгнас, кыдзи көсийысьліс, да вой улас нин Римма звөнитліс аэропортө. А сэн, буракө, дөзмөмаөсь нин быдсяма юасьбөм вылас вочавидзавны ли кодкө сідз шмонитысь трубкасө босьтис — воча кывйыс татшөм вөлі:

— Шучалин? А мый сылы тэрмасынысө? Сийө өні Сочийын, море дорын, кутшөмкө нывкөд ветлөдлө.

Дилькмуні Риммалөн сьбөлөмыс, коть эськө и эз пыдди пукты тайө сөрөмсө.

А аскинас Шучалин бара на эз во. Римма сэсья эз жө звөнитлы аэропортас, быттьө поліс, мый юасыны кө кутас, аслас сэки доныс усьбө.

Аскомысьнас сөмын воис Шучалин, сөрөн нин. Римма водны нин вөлі лөсьөдчө, дөрөм мыгнас и локтис сылы восьтыны: төдіс звөнитөм сертигыс. Пырөмөн тшөтш Шучалин сывьяліс сийөс, лэптышгліс. Римма мынтөдчис, та могысь кучкыштіс верөсылы киясас, сэсья бөрддзис...

— Кывзы, Рим... вай өні жө сөрнитчам,— шуис Шучалин.

— Вєськодъ,— дѡжныштїс Рїмма.— Юѡртнытѡ весїг дыш, кѡнї да мый. Кык кывтѡ...

— А ме ог и кѡсйы тѡнѡ юѡртѡмас велѡдны. Ѳд тѡ мѡдысь йѡймыны верман, ог кѡ ме вермы мыйлакѡ юѡртны. Вай тадзи: мекѡд нїнѡм эз ло, ме локта. И некѡн некѡд менам абу.

Гозья сѡки ѡдйѡ на бурасїсны. Лїчалї Рїммалѡн сьѡлѡмыс, и дзїк шмонїтѡм могысь сѡмын чуткыштїс верѡссѡ сочїса нывьясѡн. Рїммалы эз на и ков, медтѡ Кїриллыс збыльысь дорйысїс. Рїммалы сѡки сйѡ сѡтшѡм на муса вѡлї.

...Льѡмьюын найѡ тѡдмасїсны. Мїча шоньд луньясѡ сѡтчѡ, паськыд лыа вылас, Сыктывкарсьыд унаѡн волѡны гождьявннѡтѡ, торйѡн нїн том йѡзыд.

Ас котырѡн, студенткаяс, локтїсны Рїмма да нѡшта куїм ныв. Чечїсны теплоходсьыс да эз мукѡд мозыс ѡдйѡджык уськѡдчыны лыа вылас, а кайїсны вылѡджык, кѡн некѡд на эз тыдав. Налы колї лѡньджыкїн, мед позїс и лыддысьсьыштны гождьялїгмозыс. Дерт, босьтїсны жѡ мач да бадмїнтон.

Госѡкзамен, медбѡрьясѡ, коли налы сдайтны, сѡсся муналасны кодї кытчѡ. Рїммаѡс карѡ кѡсйѡны кольѡдны, выльѡн восьтан шкѡлаѡ, кытчѡ пѡ колѡ ѡн математїк. Рїммалы таысь кык нїмкодъ: карын и гортас лѡѡ, мамыс-батыс дїнын.

Аддзїсны сѡк лыа вывсьыс таявтѡмїн, пѡрччысїсны сѡтчѡ, пыралїсны Эждаас, уялыштїсны да ызѡдчыштїсны гаж бырѡм вылысь, сѡсся петїсны да сувтїсны мачасьны.

Эз и казьявлыны, кык зон насянь неылѡ коркѡ коста лѡсьѡдчѡмаѡсь, пѡрччысьны нїн удїтѡмаась, мышьяснысѡ пѡжѡны.

И мачыс нывьяслѡн, быттьѡ кодкѡ тойлѡ сйѡс, вежджык зоньясланьыс и тюрѡ, усяс муас да. И буретш Рїммалы ковмылѡ медясѡ котѡртлыны сыла. А зоньясыс, быттьѡ оз и вѡрзьывны, а пыр и сїнбѡжаласны нылѡс, торйѡн нїн еджыд юраыс.

Мачысла котѡртігмоз Рїммалѡн видзѡдлывсьѡ жѡ сы вылѡ, еджыд юра вылас. Ставнас сйѡ кутшѡмкѡ еджыд да тупальѡс, быттьѡ пызьысь и вѡчѡма, сѡмын сїнъясыс коз лыс рѡмаась, пемыдвезѡсь. Колѡ жѡ тадзи лоны! Рїммалы пыр на чайтсьыліс, мый еджговьясыслѡн век лѡзѡсь сїнъясыс, а талѡн со мѡд пѡлѡсѡсь, ньѡти нїн лѡсвятѡмѡсь.

А мыйла эськѡ и лѡсвятѡмѡсь? Чужѡмыд кѡ кельыд да сїнмыд лѡз нїсьѡ руд, сѡки аслад нїнѡм нїн быттьѡ оз и ло, а ѡнї кѡть он сорассьы йѡз чукѡрас. Мед бара-й татшѡм рѡмаась тайѡ зонмыслѡн сїнъясыс, абу тай сатшкысянаѡсь, небыдѡсь на.

Мѡвпалѡмысла Рїммалѡн эзджык нїмьссьы, и мачыс бара, кымынѡдысь нїн, тїрѡдїс лыа вывтїыс зоньяслан.

— Тi сэсся шойчыштöй, — лэптiс мачсö да шуис еджыд юра-
быс. — А ми ворсыштам.

— Но-ö?! — мода вылас на дузгысьліс Римма. — Вай, колöкö!

— Вая! — нюмёвтiс зон.

— Эн, колöкö, сөр.

— А ме ог и сөр.

— Вай мачсö! — скöрмис Римма.

— На, инö, — дöжныштiс зон да чöвтöмön сетiс мачсö. — Ачыс
мичаник, а ёмаысь скöрджык.

Римма шöйöвошлі, вочаавтöг и колис зонмысльсь дэльöдöмсö,
но бөръя здукас, нывъяслань бергöдчигас нин, шпыньмунліс. Дерт,
эз еджыд юрыслы, а аслыс медсясö.

Мисьтöмö ни мичаö Римма асьсö эз пуктыв, сiдз, шөрвыяс, асьсö
лыддис. Бандзибьясыс сылөн вывтiджык ортсьöсь, быгтöө не-
рöдалöмаöсь да пыктыштöмаöсь. Таысь сійö весиг мамыс вылö
гуся бебеда кутліс: мамыслөн дзик жö татшöмöсь бандзибьясыс.
А юрсыс Риммалөн сёдоват да сук. И кымöсыс джуджыд, и
синьясыс ыджыдöсь, рудöсь, кузь син лыскаöсь.

А кокъясыс кутшöма содтöд Риммаöс лэптöны: абу пу тув кодъ
ёсьмана вöснялысьöсь ни абу вывтi пöкъяöсь. Буретшöсь.

Но мыйлакö öнöдз на некод сы вылö синсö эз сувтöды. А тайö
еджыд юра зонмыс со шуис, и нöти эз тешитчöм могысь. Вот
мыйла Риммалөн шпыньмунсис.

Муртса удитiс сэки Римма вайны мачсö да качöдны, паныд
сулалысьыс бөр сылань кучкис, и мачыс пель боктiыс бөр чишнитiс
зонъяслань.

— Ачыд и ветлы, мед эн сэтшöма кучкы, — элясьыштiс Римма.
Сійöс друг полöм босьтiс еджыд юра зонмыскöд син на син паны-
дасьöмысь. Но зонмыс ачыс вайис мачсö, сувтiс тшöтш кытшö.
Бура ворсiс зонмыс. Гашкö, час джын мачасисны. Сэсся нывъяс
öти бөрся мöд дугдалiсны, лыддысьны пуксялісны. Кыкөн коли-
ны — Римма да зон.

— А ме эськö тэнö тöдышта нин, — шуис зон. — Пединсти-
тугын тэ велöдчан. Концерт коркö миян клубын сетiнныд.

— Кутшöм клубын? — юалiс Римма.

— Аэропорт дорас нö мый?

— А тэ лётчик?

— Омöлик, — дöжныштiс зон. — А мыйла эськö эн кольччы
сэки йöктынысö?

— Мамö вöлі висьö, — висьталiс Римма.

Мыйкö дыра ещö мачасисны. Сэсся Римма дугдiс жö.

— Аттö, мый нö ме сэсса кута вöчны? — быттö элясьыштис зон.

— Гожъяв, вод да, — шуис Римма.

— Ог вермы ме сідзсö куйлыны.

— Сідзкö, вала ветлы. Эстөн ключ эм. Ме бидон сета.

— Ветла, — нимкодъысла пыр и кöсьысис зон.

Збыльысь, вöлөм, сійö кутшöмкö инас öшйытöм, век сылы мыйкö колö вöчны. Ветліс да вайис ключ васö, сэсса мыччис да ваö пырис, Эжва шöрöдзыс варччыліс. Петіс васыс да керъяс кутіс быгльöдлыны, кодъяс косьмöмаоьс лыа дорöсас. Мукöд керсö джынвийö нин кыскöма лыаыс, а кызкö тай шедöдас.

Риммалы уси тöд вылас телевизор пыр аддзылөм фильм, ошъяс йылысь. Ошъясыс сэн тешкöдбөсь жö, век налы колö мыйкö вöчны: то из быгыльтасны, то кутшöмкö пу кусынытласны.

Римма вежöртіс, мый еджыд юра зонмыс тайö нбöти оз бурö пуксьöм понда зіль, а этшыс нин сылөн татшöм, кыз эськö мамыс Риммалөн шуис.

Неылын, кывтыдасджык, друг кутісны лөвтны да горзыны. Нывъяс, тшöтш и Римма, эновтісны книгаяссö да котöртісны Эжва пöлөныс: ва туй петкöдлан гöрд зіб помас кодкö кутчысьöма, саявлö да бөр здук кежлö мыччысьлö, горöдны ыджыдджыка весиг оз вермы, буракö, оз нин тырмы лолыс.

Зонъяс, сизимөн кымын, варччисны нин сылань, но куимыс вывті öдйöысла регыд и мудзисны да бөр бергöдчисны, а мукöдсö визулыс улö кылöдіс вöйысьсыс.

— Ойя да ойя!

— Юрсö воштас!

Мед эськö эз пыр код юрнас.

Тадзи шуасисны вöйысь весьтö содысь йöз чукöрас. А мездыны уськöдчысь некод нин эз ло: öд колö не сöмын варччывны шöрöдзыс, но и петкöдны вöйысьсö, а тырмас-ö эбöсыд, да оз-ö асътö вöйысьыс кыскы.

И еджыд юра зон сэк джөм сувтіс Риммаяс дінö, юалис:

— Вöйö али мый кодкö?

— Со нö мый? — öтпырйö унаөн горöдісны да индісны.

И еджыд юра зон, банйыштны нин гөгöрбок удитöма, тэрмасьтөг пырис ваас, кытчöдз подйис, да вöлись нин кутіс варччыны буретша, быттö ас окотасыс, эз мудзтысь.

Гожся Эжваыд оз муткыльт, да синмыдлы оз и тöдчы зев визулыс, а петыштан шöрланьыс да пыр и кылан, кыззи тэнö вынөн кылöдö, он дыр водзась.

И бөрыннас нин, кор еджыд юра зон воис вöйысь динö, Римма гөгөрвоис, мыйла сийö эз весьтас варччы, а выліянь пырис.

Здук кежлö Риммалы дольд лолі, а сэсса полöм босьтіс зонмыс понда: мед эськö вöйысьыс эз жö кыскы сийöс асьсö, мед эськö слöймöдчас жö кызкö.

Еджыд юра зон казятвöг, бöрсянныс, лöсьöдчис вöйысь бердö да шуйга кинас кутіс вöйысьсö шуйга сойöдыс жö, киняувсянныс босьтöмөн; сэсса кылöдчигсорөн, веськыд кинас сывъясьöмөн, пондіс петкöдны береглань.

Отсöг вылö паныд сэки уськöдчисны воддза пыралысьясыс и выльöн матыстчöм зонъяс, морт дасөн нин öні. Еджыд юра зон, орччаасисны да, сетіс сэсса налы вöйысьсö, а ачыс варччыштіс подъянінöдз да петіс виджадөн вывлань, йöз чукöрсьыс катыдö.

Кор Риммаяс бөр локтісны асланыс гожъяланинö, еджыд юра зон, быттьö абу и мудзöма, вермасис нин ёртыскöд.

— А ме юышти тиянысь ватö,— аддзис Риммаöс да шуис еджыд юра зон.

— Мед, ачыд öд вайлін.

— Ворсыштам бадминтоннад? А?

И Римма сетчана ышловзис, эськö уна на лыддяныс кольлі да...А август помланын найö ветлісны гижасьны, и Маеговаысь Римма лои Шучалинаөн. Мамыс Риммалөн эськö пыксьыны пондыліс, дöжнасис: «Лётчик саяд мунан да... Гылалöны найö коньöрьяс».

— Водзвыив кö повны и,— паныдаліс Римма.

А батыс Риммалөн некутшöма эз падъяв, кöть эськö и зэв асныра вöлі. Первойсянныс сылы Кирилл сьöлөм вылас воис.

Вадорын, пыжъяс видзанинын, тöдмöдіс Римма батысö Шучалинкöд. Найö, ныла-зонма, локтісны паркö. Ветлöдлыштісны, да уси Риммалы тöд вылас, мый батыс тарыт пыж дорас ноксьö, мыйкö моторыскöд лööма.

И нинöм вöчигмоз ныла-зонма лэчисны пыжъяс видзанинас. Батыс, жаявтöдзыс нин мудзöма, нбылöдöмысла лэзьмөм юрсиа, пукаліс пыж бöрас да тшынасис. Аддзис Риммаöс Шучалинкöд да дузгысьліс быдөн на вылö, ёнджыкасö, дерт, ныв вылас. Век тай мортыд дöзман, кор оз артмы мыйкö, а видзöдысьяс на сулалöны дінад. Сэсса вежöртіс жö, буракö, мый абу лöсьыд водзвыивтö дузьявны, да небзыштіс, жаялддза дольыштіс:

— Оз уджав, ме ог тöд, мый лööма.

— А искраыс эм?— юаліс Шучалин.

— Эм,— видзöдліс олöма морт зонлөн фуражка вылö да вöлись эскана шуис.

— Вай ме видла.

— Видлы. Гашкө, тэнсьыд и кывзсыяс.

Выль «Москва» на моторыс вөлі. А ошөдан моторъясыд, найö зэв жö асныраоьс, оз этша ковмыв нетшкысьныгтö. И Шучалинлөн нинөм жö эз артмы: эрыштліс моторыс да бөр кусі. Мөдысь видліс, коймөдысь — бара сідзи.

— Дугдам, — шпыньмунлі Риммалөн батыс. Сылы, тыдалö, долыдджык лои, мый лётчик со, видзөднысö, зонмыс, а сы мында жö моторсьыд гөгөрвоö.

— Энлы, энлы, — шуис Шучалин да выльысь вынөн кыс-кыштіс заводитан көвсö. Воддза мозыс муртса шыасьліс моторыс. — Мыйкө да...

— Мый?

— Öти цилиндрыс оз уджав. Серөн сэтчö искраыс воö. Магнетосö колö видзөдлыны. Личалöма, буракö, контактыс.

— Выль моторыслөн? — чуймыліс Риммалөн батыс.

— Гашкө, зурасьлін да. Кутшөмкө керйö?

— Зурасьлі öд и эм. Но, лешак. Ноко, разьлам.

Разьлісны мотор вывсö, көні магнетоыс, да сідзи и вөлöма: паськалöма контакт костыс, дас көпейкаа сэті личыда ветлö.

Бөр лөсьөдісны моторсö, заводитісны, и лючки пондіс уджавны.

— Но, вот, — гарыштіс Шучалин.

— Прамөй морт тай вөлөмыд, — нимкодя шуис Риммалөн батыс. — Мися, кодкөд бара ветлö?

— Кирилл, мунам, эн кывзы талысь сөрөмсö, — яндысьөмпырысь кайтыштіс Римма, мед öлөдыштны батысö.

— Кутшөм али сөрөм? — ньöти жö лөгасьтөг вочакывъяліс батыс. — Ми бара, кык мужик, лөсялам на. Зятьөн ог на шу-а? Коркө öд шуа, кор поэны кутас. Сідз öд?

— Сідз кө нин-а, — серөктыштіс Шучалин.

Нывбабаясыд, көть мый эн шу, водзөджык видзөдöны гозья оломад, а мужичөйыд оз бөрнясь, öтчыдысьөн морттö доньялас. Со тай прамөй мортөн и шуис Риммалөн батыс Шучалинөс, эськө уна-ö на сійөс тöдö да. Быгтbö благөслөвитіс нин нывсö мунны сы сайö.

Квартира Шучалинлөн, весиг торья вежөсыс на, эз вöv, та вöсна Риммаяс ордö водзджыксö овмөдчылісны. И кор нин Римма мамөн лои, нылөс вайис, аэропортсянныс сетісны налы кык вежөса квартира выльөн лэптөм панельной керкаысь.

Шкөласыс уджсö Римма эз энөвтлы, мамыс быдтыснысö отсасис. Мукөд войсö мамыс на ордын и узьліс. Но век горт овны сійö эз жö вермы, сэтчö жö ачыс висьөдчис, и Риммалы вичмыліс узьтөм войыс и котралөмыс.

Шучалинсянь отсөгыс этшаник вөлі: то сійө лэбалө, гортас узьны сөмын волас, то көнкө «пукалө» лёк поводдяйсла.

Кодсюрө летчик гөтыръясыс элясьлывлісны, весиг лөсьөдлісны сёрнитігмозыс: петук пө абу часі, а лётчик пө абу верөс. Риммалы парскывліс тадзсө шуасьөмыс, янөдны на видывліс, но унджыкысьсө асьсө сійөс венлісны.

А мөдарө кө, шуасьысьясыс медся жө и ышнясьлісны, мый найө лётчик гөтыръяс, мый верөсьясныс уна босьтөны, мый быдтор вермөны ньөбны. Мустөмтіс Римма татшөмъяссө: выльысь-выль паськөмаось, вылын ныраось, а сёрниө воан, да чипанлөн мында вежөрыс, туша-рожанас муртса и босьтыштөны.

Но на понда эськө тай овсьө на Риммалы, абу өд быть волюсьны ли меліасьны быд аддзысьліг, көть и өти керкаын олоны да өтилаын верөсьясныс уджалөны.

Мөдтор Риммаөс шөгөдө — верөсыс. Сійө казяліс, мый Шучалиныс дыдгысь вөләма.

Мыйысь-мыйысь, а дыдгөмсьыс Римма гортас асьсө медся кутіс. Öддзөм вывсьыд мукөд нывбабаыс дасысь өтиторсө верөсыслы дольыштас. Мамсө на Римма өлөдывліс, кор вөлі батсьө мыйыськө видны кутас. А өні мөдарө лои налөн, том гозъялөн: верөсыс дыдгысь.

Локтіс өгчыд верөсыс да пырөмөн тшөтш заводитіс: и ёгыд петкөдтөм, и джодж дөраыд коридорсьыд пыркөдтөм, и нянь көрышыд холодильник вылад, и кагаыд няйт пидзөса — и мыйсө на сөмын эз аддзы виданасө. А Римма муртса на жө удитіс локны, нинөм на эз вевъяв вөчны. И вомаліс сэсса верөссө ёся:

— Шучалин, тани өд абу самолётыд. Сэни тэныд ставсө дасьтөны, ачыд некытчө китө он пуктыв, сөмын локтан да пуксян небыдджыка. А өні өд тэ гортад пырин, эн самолётад. Али чайтан, мый ме лунтыр на весь олі?

— А мый тэнад уджысь? Сө шайттө вайлан да, — некор на эз ышнясьлы уна босьтөмнас, и со медводдзаысь петіс верөсылөн.

— Төдан мый? — пузытөг эз ов татчө Римма. — Мун кытчө гажыд, ог вөтчы ни норась портад, весиг алимент ог перйы. Босьт, мый синмыдлы колө, и мун. А коньөрө ме тэ водзын ог на уськөдчы.

— Менам на тайө квартираыс да.

— Но и кольччы. А ми Иринакөд пасьтасям да мунам. И нинөм оз ков: ни холодильникыд, ни телевизорыд, ни ачыд! Кыдзи морт тэ вөлі меным колан, а мортас тэ абу на вөләмыд, сөмын лётчикөдз.

И муніс эськө сэк Римма нылыскөд, да Шучалин кевмысяна шуис:

— Мыйкө... йоймин кө-а? Но, шусис менам.

— Тадзтө тэнад бара на шусяс.

— Оз. Кыв сета.

Дырөн да сьёкыда та бёрын гозъя бурасисны. Римма эськө эз кужлы лөгтө пöжны, да мыйкө сьблөмас коли на, кутшөмкө аспөлөс гудыр, коді некыдз эз сөдз.

И позис сійөс, ичмоньбөс, гөгөрвоны. Ичөтсыяньыс, велөдчыны пырөмсаяньыс, сійө аслыс некутшөм лич эз сетлы, пыр зілис лоны водзын, сюсьөн да шаньөн, мед ас вылас надеяөн оломсө овны, а не кодкө борд улын, и мед йөзыслы тшөтш сысянь бурис лои. Та понда и учительницаас туйдөдчис. Та понда жө и верөсыслөн увтыртана донъяломьыс гуся дойөн ёнтыштавліс.

Шусис Шучалиныслөн? А мед эз шусы! Сідзкө, желльөсь на сьлөн морттуйыс.

Позьё өд зэв бурөн удж вылад да войтыр водзад лоны. Тыдалана буртө вөчны ли тыдалана буратө овны быдөнджык зильө да кужө, а мед эськө мортыд век кылан сьбөма да вежавидзысь.

Мөдөд пилотөн на Шучалин лэбаліс ыджыд самолет вылас. Адлерө вөлі лэбзылөмаөсь, и сэки мыйкө лоөма, кутшөмкө нелючки.

Шучалин дінө локтіс командирыс. Ыджыд вежөсас найө пуксисны, эз гораа первойтө сёрнитны. Римма кухняс ноксис, кывышталіс, но эз бура гөгөрво, мый лоөма.

— Тэ жө ачыд шулін, ставсө пө ас вылө босьта,— дорйөсяна ыдждөдіс гөлөссө Шучалин.

— Шулі,— кайтыштіс командирыс.— Но, аддзан, кызди бергөдісны. А тэ чөв олін, быгтьө ньөти мыжтөм.

— Мед либө эн и көсйысь.

— Но ме жө эг чайт, мый тадзи мыйкөкерасны. Мися, видөмөн и кольө.

— Оні этша нин мыйкө вежан,— дольыштіс Шучалин.— Али тэ көсьян, мед ме муні да висьтаси? Но, вай!

— Нинөм ме ог көсйы,— вомаліс командирыс.— Мый лоөма, лоөма нин. Менө мөдтор скөрмөдө.

— Мый мөдторйыс?

— Мыйла тэ сэк эн шыасьлы?

— Ачыд нө эн өлөдлы, мед ме чөв олі?

— А сөвесьтыд?

— Но, сөвесьтөдз кө нин воим,— нурбыльтіс Шучалин да, кылө, чеччис.

Сэк чеччис, кылө, и командирьс. Вежөссьыс петігөн сійө кыйк-
нитліс кухняö да копыртчыліс Риммалы, сэсся өдйөджык пасьта-
сис да муніс.

— Мый нө эн кольөд көть? — нарошнө юалис Римма верө-
сыслысь, коді кухняяс жө локтіс.

— Ладнө, век эн велөд, — дөжньштіс Шучалин.

— А мый көть лоиссө, Кирилл?

— Нинөмла быдөнлы төдны.

— А мый сэсся либө татчө локтін? Мед ме тэнө жалитышті?
Ог бара-й, — скөрысь жө кайтыштіс Римма.

— Веськодь! — шуис Шучалин да петіс кухнясьыс.

Некымын лун мысти Шучалин локтіс нимкодь: сійөс индө-
маөсь командирөн. Но Риммалы сылөн нимкодьлуныс эз вудж.

— Мый сэсся ме сволоч нин лои тэ ногөн? — юалис верөсыс,
казяліс Риммалысь зумышасьөмсө да.

— Эн, ог тай и шу, — ышловзис Римма. — А позис кызкө
мортсө вожмавтөг.

— Но и торйөдчам, сэтшөм кө нин ме тэныд мустөм, — тадзи
кежөдіс Шучалин сёрнисө. Думсьыс эськө сійө повзьөдны да лань-
төдны көсийс гөтырсө.

— Мустөм, — ясыда вочавидзис Римма.

Шучалин быттө виньдыліс, сэсся педзыштіс да муніс горт-
сьыс.

Римма эз весьөпөр, эз повзьышт весиг. Сійө сөмын чайтіс, мый
верөсыс оз лок тавой гортас узьнысө, кыгчөкө төдсаясө пырас, либө
зэв кодөн локтас.

А Шучалин недыр и ветліс, дзик садь локтіс. Тыдалө, ветлөд-
лөма да мөвпалөма.

— Чорыд жө тэ морт! — пуксис да шуис.

— И веськыд! — содтіс Римма.

— Но мед тэ гөгөр бур, а ме кызкө-мыйкө шөрвьяс нин...

— Шөрвьядтө, дерт, кокньыдджык.

— А мый сэсся, ваө пыра?

— Овлы на, гашкө, мортъяммыштан.

Шучалин ышловзис да эз нин дорйысь.

Лөнъ, этша сёрниа, вензьывтөм рыгтьяс сэсся мөдөдчисны. Римма
торья эз зумышась, но и эз варовмыв. А верөсыс сбөдас моз жө оліс.

Татшөм оломыс лөк ворсөмөдз бөрас найөс вайөдіс: нылыс пыр
кутісны сёрнитны. Колө Риммалы висьтавны мыйкө верөсыслы, оз
шыась Кирилл дінө, а нылыслы тшөктас.

— Ириша, — шуас, — висьтав папыдлы, мед босьтас талун
тэнө садиксьыд. Менам педсөвет.

И Кирилл сідз жö водзöссö:

— Ирина, висьтав мамыдлы, мед ачыс босьтас тэнö. Ме нёльын лэбзя.

Вежорнас и сьёлöмнас Римма кыліс, мый вермис эськö прöститны Кириллыслы. Öтувъя олөм пондаыс, нылыс понда, воддза муслуныс понда. Абу быть, сідз кö нин шуны, мед тэнад верöсыд юкмöс ва кодъ югыд вöлі. Мед, колöкö, и сорасис, лёкөн асьсö петкöдліс командирьскöд лоөмторас. Но мед кöть нин веськыда висьтасис, мый лои, а Шучалин оз висьтась. И таысь нöшта нин сьöкыд Риммалы. Дерт, сьöкыд, кор верöссö гортас мыжалісны сөвесът абутöмөн, а сылы быгттьö пöсь ни кöдзыд.

Римма оліс мыйкö сэтшöмöс виччысьöмөн, а мый сэтшöмсö виччысьö, и ачыс эз тöд. И вочасөн öткалун сійöс шымыртліс, быгттьö йи палак вылын кылалö, а йöзыс кыркöтшын и некыдзи на дінö петны. Весиг школаас öткалуныс эз эновтлы. И сöмын нылыскöд ноксигөн вунöдчывліс, бөр асвьяс вольывліс.

Вояяснас, кор унымс некыдз эз лок, а орчча вежөсас чөскыда нин узис Шучалин, Риммалы шуштöмсьыс шуштöм овліс. И лөгис сэтшöма петліс верöс вылас: öд аддзытöг да тöдтöг оз ов сійö, кутшöма Римма вийсьö, а вот тай узьсьö сылы. Сідзкö, сійö ачыс на чорыд сьёлöма, асьсö на медся тöдö, оз лыддьысь нинöмөн, весиг коркöя радейтчöмнас. А, гашкö, эз и радейтлы?

Бөръя мөвпсьыс асьсö Риммаöс быгттьö кезйöдліс. Эз кö нö радейтлы, мыйла некор эз дözмыв Кириллыс, кымынысь Римма паркö ли кытчöкö сёрмыліс да?

И жаль сэсся лöлі Риммалы верöсыс. Висьмис ли доймис кö, шуам, Шучалиныс, эськö Римма кутшöма ветліс сы бөрся, лун и вой эськö сы дінын пукаліс. И сэк жö Риммалөн колөм чужліс, мед эськö збыльысь висьмыліс Шучалиныс, мед эськö тшöтш кутшöмкö дой кыліс.

Узьтөм воясыс, пессяна олөмыс мынтöдісны Риммалысь бөръя кутöдсö. Локтіс Шучалин удж вывсьыс да джодж шөрö улöс вылö пөрччысис. Быгттьö таöдз некор эз пөрччысьлы. Быгттьö медводдзайсь Риммалы татшöмторйыс син улас уси. Но доналөм сьёлöмыслы доналөм кöрт вылö көш ва туйö тайö лои.

Шучалин эз дзик пыр вочакывъяв гöтырыслысь видчöмсö, и таысь Римма содтöд ыззис. Сылы колі вөрзбöдны кызкö верöссö, петкöдны сійöс, кызд шуасны, гож водзö.

Кывзис, кывзис Шучалин дай крапкис öдзöснас. Гашкö, век кежлö. И сэки Римма друг быгттьö тыртöммис, ловтөм коли, сöмын мыгöрыс.

Муніс Кирилл да эз лок рыгнас ни войнас. Римма мырдөн сорөн ныровмунöдліс асьсö, мед аскинас школаас кöть кольмөм

юрён не локны. Водз и садьмис сэсся, пеласьыштіс кадсё вйём
могысь, тасьті-пань на выльысь мыськис.

Коркё и будильник триньобтіс. Садьмөдіс нывсё, мысьсөдіс-
пасьтөдіс, вердыштіс, садйё нуөдіс. Гортсьыс петігас Римма сув-
товкерліс, думыштіс да сюйис өдзөс водзас кок чышкан дөра улө
ключ: локтас кө Кириллыс быттьөкө, а то оз ло сылөн ключыс.

Нывсё садъяс кольөдігөн лөсялісны орчён муныштны сусед-
каыскөд, коді на бөрся керкасьыс петіс. Кывлөма, буракө, суседка-
ыс төрытъя зыксёмсө.

— Мый нө төрыт?.. Абу эськө лөсьыд да, — юаліс суседкаыс.

Төдлытөг Риммалөн ортсө кутіс вөзйысьны шогыс, бөрдьшт-
ны окота босьтіс оломаджык аньыдлы. Сэсся өд эз тай мөдыс
мудера и юав.

Но пондіс Римма висьтасьны, и ачыс казяліс, мый оз эскана
артмы висьтасьомыс, ылөсас сөмын, кысь нинөм он гөгөрво. Нинөм
абуысь быттьө найө Кириллыскөд и зыксёны. Шуны сөмын коли,
мый оз лөсявны.

— Абу жө өд юысь? Эг тай казявлы-а, — гарыштіс суседкаыс
Кириллөс.

— Абу эськө да.

— Оз, буракө, гуляйт ни?

— Оз.

— А, гашкө, аслыд мустөммис?

— Ме ог төд, — повзис Римма.

— Вот и бур, — эскана нюмъевтіс суседкаыс. — Сира гагъяс
на ми, бабаясыд. Отыскөд нин кызкө... А кымын во нин эськө ті
оланныд?

— Витөд во.

— Но вот, нинөмла на и весьөпөрнысө. Чайтанныд, тіян сөмын?
Быд гозьялөн витөд воыд медся сьөкыд. Газетысь на ме кыськө
лыддылі: витөд во вылас пө медуна юксьысьыс.

— Мыйлакө?

— А код төдө! Гашкө, витөд во вылас вөлись гозьяыс өта-
мөднысө аддзөны, кутшөмөсь збыль вылас.

— Сөрөм эськө тайө!

— Абу бара-й. Ми Витякөд пурсьөмөдз жө волім витөд воас. А
төвйим и бара любов-сөвет.

Лунтыр Римма каитчис сэсся, мыйла висьтасис суседкаыслы.
Өні гөгөр кывсяс, син водзас көть йөзыслы эн петкөдчы. Торйөн
нин ас керкаса водзас.

Сөрөн нин, сизим час гөгөрын, босьтіс Римма садйысь нывсө да
локтіс гортас. Кольлөм ключыс сэн на куйліс, быттьө төдчөдіс,

сэсса пö, ичмонь, ас надеяөн лöсьöдчы овны. Но Риммалы быттö эз на эскыссы, кыйкнитлис пырöмөн тшöтш вежöсьясас. Та бöрын вöлись Риммалөн шусис аслыс, мый оз кө лок Шучалиныс и мед оз лок, сытöг олас, а сідзкö, нинöм сы йылысь и думайтны, колö водны водзджык да көть öти вой пöттöдз узыны.

Но узяс öмöй, кор сбöлöмыд ассьыс жö тöдö да быд шуöм оз на пыдди пукты. Римма тэрыба чеччис да локтис телефон дорö, тэрыба жö корсис аэропортлысь колана номерсö.

— А-а... Шучалинлөн талун эм рейсыс?

— Телевизортö включит,— ыштöдана воча кыв кылис трубка-ссыс.

Римма шай-паймунли, бара шмонитöмөн чайтис татшöм чуйдöмсö, локтис телевизор дорас да сідз на сульштис. Код тöдас, кымын минут на коли, кор включитис, да югзис телевизорыс.

И збыльысь дикторыс кыпыда лыддис мыйкö Шучалинлөн экипаж йылысь, сöмын помалö нин вöли. Муртса помсö Римма ясыда и кылис:

— ...Біджыд кужанлун да повтöмлун петкöдлісны тайөн Кирилл Шучалин да сылөн ёртъясыс. Миянлы неважөн бара на звöнитлісны аэропортсынь да юөртисны, мый СССР-са граждaнскöй авиация кузя министр ыстис чолöмалана телеграмма, көні пöся аттöбалö кораблö командирöс да экипажсö. Ассяньным ми сбöлöмсынь жö чолöмалам повтöм авиаторьясöс.

Римма лигышмунли, быттö вильыд потш вывтi джуджыд шор вуджис, да вöлись вежöртис нöшга звöнитлыны аэропортас.

Риммакөд сёрнитысьыс мыйтакö падъялис на, сэсса висьталіс жö. Вöлөмкö, самолётыслөн абу вöсьсöма шассиыс. А сэні матö сё морт. Но Шучалин абу шöйöвошöма, лöсьыда пуксьöдöма самолётсö кынöм вылас пуксяніныскөд орччөн, лымъяинас. Некод абу доймöма.

— А кор нö? — юалис Римма. — Талун?

— Мыйла талун?! — дöзмискодь аэропортсаыс. — Тöрыт! Эз öмöй ачыс висьтав? Али кодi тi сылы лоанныд?

Римма öдйöджык пуктис трубкасö. Колö жö тадзи лоны? Кыв ни джын тöрыт Кириллыс эз висьтав, локтис да. А, гашкö, эськö и висьталіс бöрас. Ошйысьны сійö эз куж, да помланьыс, тыдалö, видзис татшöм вьльторсö. Пöрччысис мудзпырысь джодж шöрö улöс вылö, а сэки нин Риммалөн вомыс вөссис. Ок, эськö жö да...

Медводдзаясь тайö вит онас Римма помöдз вежöртис, мый татшöмторйыс вермис лоны и водзджык, сэтшöм нин Кириллөн уджыс, и налөн, гозъялөн, олöмыс, сідзкö, инмö оз сöмын налы да ецö нылыслы, а инмö уна-уна йöзлы, и мед эськö эз пет насынь

лѣкыс йӱзыслы. Бур, мый зыксъытӱдзыс на Кирилл пуксӱдӱма самолѣтсӱ. Да, сідз кӱ нин шуны, абу сӱмын Шучалин йылысь сӱр-ниыс. Ӑні пример сійӱ сӱмын. Дзик быд гозья кост олӱм инмӱ войтырыслы, некодлӱн олӱм пудийс абу торья.

Римма эз на тӱд, артмас-ӱ Кириллкӱд налӱн олӱмыс, локтас-ӱ сійӱ бӱр сы динӱ, а локтас кӱ, кысянь пондыны выльысь панны олан гажсӱ. Медся сьбкыд витӱд воис ӱд эз на помась...

Но Римма ӱні некор нин оз вунӱдлы, мый и сысянь тшӱтш инмӱ кодлыкӱ, и кутас видзчысьӱмӱн овны.

Сійӱ мӱвпаліс да ӱти сайын и кывзысис, оз-ӱ кывны тӱдса кок шыяс увсянь кайысьлӱн.

НЫВ ДА ЗОН

Посӱлок помасис. Медбӱрья лампочка дзирдыштис мунысьяс-лы кузь столб йывсянь. Гӱгӱр лои дзурс пемыд. Муртса тӱдчисны туйлӱн лӱзоват визыс да сы ӱтар-мӱдарын сулалысь гырысь пу-яслӱн сьбд мыгӱрьясыс.

— Ме кольчча. Аски асывнас локта,— сувтис да шуис Лида.

— Кор йӱзыслӱн эштас?— эз и сувтовкерлы, мунигмозыс юаліс Альберт.

Тайӱ кывьясыс бытгӱбӱ тойыштисны нылӱс места вывсьыс. Сійӱ чепӱсйис да кок шы сертиыс суӱдіс ылысмыны удитӱм зонмӱс.

Луннас бурӱвӱйӱ воліс трактор. Вайис дизельяслы ломтас. Трактористыс висьталіс, мый рытнас посӱлокын лоӱ концерт. Лида буретш помаліс сменасӱ да аски рытӱдз волі прӱст, думыштис ветлы-ны концерт вылас. Лӱсьӱдчис тракторлӱн бӱр мунигкежлӱ. Бурӱвӱй-сянь главнӱй туй вылӱ петігӱн няйтӱд уйысь тракторӱс вӱтӱдіс тыра вома Альберт, абу, буракӱ, удитӱма сӱйнысӱ. Лида быдсӱн скӱрмис, кӱтӱ бӱр косас. Вежон кык сайын сійӱ веськавліс нин Альберткӱд кино видзӱдны. Зон пуксис орчӱн да кино чӱжык топӱдчис ныв бердӱ, бытгӱбӱ оз вермы веськыдасӱ пукавны. Талун Альберт, дерт, бара пуксяс орчӱн. А мынтӱдчыны сыысь он вер-мы: билетьяссӱ вузалӱны местасӱ индытӱг, пуксялӱны коді кытчӱ удитас.

— Концерт вылӱ?— пелька чеччыштис трактор доддӱбӱ да юаліс Альберт. Кӱтасьӱм лыа рӱма синьясыс сылӱн видзӱдлісны муде-ра: тӱда пӱ ӱд.

— Но и мый сэсса, концерт вылө кө?— ярскөба вочавидзис Лида, сувтис мышкөн да лэптис юр вылас плацц капюшонсö.

— Нинөм. Ме концерт вылө жö,— паськыда нюммунис Альберт, но гөлөсас төдчис шойөвошөм.

А концерт видзөдны некоднанныслы сідзи и эз удайтчы. Воөмөн тшөтш налы висьталісны, мый звөнитлөма бурөвөй мастерныс да корөма, мед аски асывнас кыкнанныс вөліны места вылынөсь. Лоома пö авария.

И со найö бөр муноны. Альберт шавксөдö водзвылас, кизьөр найтыс сөмын пычакылö кок улас. Лида тэрыба шлюпкө сы бөрся, паськыда шенасьö кияснас, мед оз усь, вильдас кө.

А пемыдыс өтарө сукмө. Посёлокысь петигөн пуясыс төдчыштöны на вөлі, а öнi артмис өтторъя сьод стена. Воши и трассалөн лөзоват визьыс.

Лида полö. Но оз сэтшөма пемыдсьыс, кутшөма Альбертысь, суюс кыйөдчö, оз-ö друг сувт сийö.

Өтчюд Лида чышкис барак коридор. Воис комната весьтö, көнi олöны зоньяс, и кыліс Альбертлысь гөлөссö. Сийö сёрнитис: «Окавнытö?! Окавнытö бара зэв кокни. Колльöдi ме коркө öтиöс. А сөмын на төдмасим. Воим горт дорас, да көсья ме окыштны, а сийö некыдз оз сетчы. Ак, мяся, тэнö öд верма на жö! Топöдi дiнö мый вермөмысь да куймысь окышти, а сэсса көть сёсысь вөлі окышти!»

Вак-вак серöктісны зоньяс. Зывөк лои Лидалы, вешйис öдйөджык öдзөс дорсьыс.

А лун вит сайын татшөмтор лои: бурөвөйсянь оланінас локтигөн нывлы паныдасис Альберт. Матын некод эз тыдав.

— Кутла кө?— читкыртліс синсö да шуис зон.

— Видлы!— қоса сөдзөдіс Лида.

— Ог, чайтан?

— Вешйы, вешйы!— шуис скөрысь ныв, вештіс зонлысь кисö да тювкнитіс водзö.

— Но, сідзкө, мөдысь!— горөдіс бөрсяньыс Альберт. Та вöсна и Лида полö сьысь. Төд вылас усины тшөтш мамыслөн кывъясыс. «Кытчөкө тай мунан,— комсомольскöй путёвка серти Ухтокомбинатö Лидалөн мунигөн дөжнасис сийö.— Быдсяма йөзыс сэн олöны... Буртö налысь эн виччысь!» Сэк Лида эз пукты пыдди мамыслысь öлөдөмсö, а öнi коньбөрөс шөгөдіс, көть бөрддзас.

Альберт друг сувтис. Öдйö вывсьыс Лида төкөтьö эз зурась сьö. Пөвзёмысла ырситіс бокö да горөдіс:

— Висьтала öд!

— Мый, мый висьталан?— чуймис Альберт.

— Кутан кө... Комсомолец ещö ачюд.

— Колантор!— гөгөрвоис да шуис зон.

— Мыйла нө эськө сувтін?

— Газопровод көнкө тані. Дас сизимөд бурөвөйсянь локтө. Миянсянь неыліті мунө. Он али мый төд?

— Но и мый сэсся?— век на поліс Лида.

— Трасса вылад эсті пидзөс вылөдз няйтис. Собны кө кутам, аски лун шөр кад кежлө сөмын воам. Газопровод кузяыс позьө весьтасавны.

— Кыдз нө сэт мунан?

— Сідз жө!— вочавидзис Альберт.— Сулавлы тані. Ме горөда.— И ылысмис.

Лидаөс бара полөм босьтіс. Öні пемыдсьыс тшөтш. Сійө йөжгыльтчис, чошкөдіс пельяссө. Кыліс шарөдчөм, кодкө ноксис посни кызд пуяс пөвстын, кодъяс быдмисны трасса боқын. Шы сертиыс Лида тайөс гөгөрвоис. Ыркмуні сьөлөмыс, вот-вот ойөстас. Но сэк кыліс кызөктөм.

— Альберт, тэ?— збоймөдчис да юалис Лида.

— Ме. Лок. Аддзи газопроводсө.

Лида кежис гөлөслань и воис зон дорө. Альберт сетіс сылы кималасөн кык кузь кызд пу бедь, кодъясөс, тыдалө, сөмын на перйөма.

— Мый меным наысь?— эз гөгөрво ныв.

— На вылө кутан мыджсьыны, мед он усь мунигад труба вывсьыс.

— А ачид?— чөв олыштис да юалис Лида.

— Менам эм жө,— вочавидзис зон.— Лок. Со трубаыс. Сувт сы вылө. Сувтін?

— Да,— лыбөдчис труба вылө да шуис Лида. Кыкнан киас сылөн бедь, быттьө лызьөн исковтны лөсьөдчө.

— Но, осьлав ме бөрся. Коктө эн вылө лэптав, труба бердтіыс нуөд, а то бокө тувччан да усьны верман. Водзөсө нюрыс кадъя.

— Ог, ог,— көйысис Лида.

И со найө муноны нин газопровод кузя. Трубаясыс сой кызтаөсь кымын, «п» буква кодь мытшөдьяс вылын куйлөны, мусяньыс матын. Тайө трубаясөдыс локтө сюрөм газыс магистральнөй газопроводө.

Видзчысьөмөн осьлалө Лида. Сойясыс мудзисны нин. Сутш-кас бедьсө да зэв сьөкыд бөрсө кыскыны, дзурсмунөмөн петө кадсьыс.

Мыйтакө муныштөм бөрын ныв век жө пөръяссис. Шуйга кисө беддыс, сутшкис да, зэв пыдө пырис. Нетшыштис өтчид — эз

шед, нетшыштгис мѳдысь мый вынсьыс — беддыс эськѳ и шеді, да ачыс труба вывсьыс уси, пидзѳсѳдзыс вѳйи, кыкнан сапѳг тырыс гумовтис кизьѳр нѳйтсѳ.

Альберт кыліс Лидалысь усигас горѳдѳмсѳ да косіс, отсаліс сылы петны кадсьыс, пуксьѳдіс труба вылѳ да пѳрччѳдіс сапѳгьяссѳ, пѳркѳдѳмѳн рудзѳдіс васѳ. Сэсся ассьыс сапѳгьяссѳ пѳрччис.

— На, менсьым нямѳдав!— мыччис нямѳдьяссѳ Лидалы.

— А тэ?

— Менам носки на эм.

— А зыртас кѳ коктѳ?

— Мед. Кыдзкѳ ѳд воа. Ѳдйѳ, ѳдйѳ кѳмась! Вай ме чѳрѳсьястѳ пѳдзырта. Кѳнѳсь?

— Эг на пѳрччы,— шуис Лида.

— А мый нѳ виччысян?— дѳзмискодъ Альберт.— Кор кокыд изѳймитас?

Лида пѳрччис чѳрѳсьяссѳ, сетіс Альбертлы. Зон пѳдзыртис найѳс, бѳр сетіс:

— На, пуктыв плащ зептад. Аски мыськалан. Кѳмасин нин? Но, вай чеччы. Тадзтѳ ог волѳй.

Ныв да зон мѳдѳдчисны трубаяс кузя водзѳ. Лида нѳшта нин видзчысьмѳн ѳні муніс, чушйѳдлігтыр вешталіс кокьяссѳ, вынѳн, но небыда кыскыліс кадьяс сибдылѳм бедьяссѳ. Но Енмыс, буракѳ, шулѳма на сылы усълыны мѳдысь. Лои тайѳ джын туяс кымын. Ныв кыдзкѳ вильсмуні и дїзьмуні-уси став тушанас вутшгьяс костын сулалысь кѳдзыд ваѳ.

Альберт кыліс усѳмсѳ, зэв ѳдйѳ бергѳдчис, вожалаѳн пуксис труба вылѳ да сэтысянъ кыскис ызѳдчысь Лидаѳс.

— Доймин?— юаліс зон.

— Эг эськѳ да. Кѳтаси-а,— ышловзис ныв.

Альберт ѳзтис истѳг. Неуна югыдджык лои. Газопроводсянъ воськов нѳль сайын сулаліс чегѳм йыла сїсь кыдз пу. Сыкѳд орчѳн моз быдмисны чукѳрын некымын коз, улыс вожгьясыс налѳн вѳліны лыстѳмѳсь, тыдалѳ, косьмѳмаѳсь.

— Лок ме бѳрся,— шуис зон да выль истѳг тув ѳзтис.— Этатчѳ, вутш вылас тувчы, сэсся этатчѳ.

Вутшкысь вутшкѳ Альберт вайѳдіс Лидаѳс коз пуяс дорѳ. Сэсся перйис кыдз пуысь сѳмѳд, чеглаліс коз пуяслысь косьмѳм вожгьяссѳ да вѳчис бипур. Сїйѳ мичаа югзьѳдіс матігѳгѳрсѳ. Кытѳнсьюрѳ тыдовтчисны кос понѳльяс, быдмынысѳ, буракѳ, босьтчылѳмаѳсь, а сэсся, абу лѳсялѳма ли мый ли нюр мусиныс, кулѳмаѳсь. Паныдасьлѳны ѳд тай татшѳм пуясыд васѳд нюр вылад. Альберт нетшкис

матын сулалысь став кос понольсö (шедалісны найö кокниа) да вайис бипурйö. Мича, ыджыд би лои.

— Пөрччы вылыс паськөмтö!

— Мый? — повзис Лида.

— Пөрччы, мися! Менсьым пасьталан. На! — пөрччис да шыбитіс Лидалы кок улас плащсö. — На! — пөрччис да шыбитіс пинжаксö. Дөрöм кежысь сөмын коли. — Мый нö виччысян, он пөрччысь? Да ог видзöд! Мышкөн нин со сулала. Прөстудитчыны али мый көсьян? Эн, колökö, нюжмась. Ачым öд пөрччöда!

Бөртя кывтясыс вöлись мөрччисны Лидалы. Полөмпырысь, зон вылысь синсö лэдзытöг, сійö пөрччис вылыс паськөмсö.

— Сувт матөджык би дорас да сулалышт, мед косьмыштас улыс паськөмыд, — тшöктіс Альберт.

Лида виччысьыштіс, чайтіс, мый зон бергөдчылас да видзөдлас, но сійö сулаліс вөрзьявтöг, и ныв матыстчис дзик би дінö.

— Косьмыштіс? — мыйкö дыра мысти бара шыасис Альберт.

— Да, — вочавидзис ныв.

— Пасьтась, сідзкö.

Лида пасьталіс Альбертлысь ыджыд пинжаксö, коді пидзöсöдзис пöшти лои, сэссия кышаліс плащсö. Көнкö кө эськö тадзсö мөдлаын пасьтасис, ёна и сераліс, а öні сылы вöлі не серамөдз.

— Пасьтаси, — шуис ныв.

— Вот и бур! — видзөдліс сы вылö Альберт. Сэссия босьтіс муысь Лидалысь юбкасö да ковтасö, песовтөмөн пыдзраліс, öшөдіс косьтыны.

Арся войыд сап пемыд пуксьылö, синмад көть чуткасны, он аддзы нинөм, а сэссия вой шөр гөгöрыс вешъясны кытчökö кызджык кымөръяс, вöснясыс сөмын кольöны, и югыдджык сэки лоö.

Сэзьмыштіс и тайö войыс, төлысьлөн вижоват гöгылыс төдчыштіс енэжас, быттöкö гьöра öшинь пыр. А трачкөдчысь бипур шызьөдіс буракодь матігөгөр шөр вывсö, гөрдөдіс Альбертлысь шаньмөм, мөвпалан чужөмсö.

— Аттьö, Альберт, — шуис Лида.

— Нинөмысь, — вочавидзис Альберт, весигтö яндысяна. —

Сөмын тэ эн пов меысь.

— А ме ог нин и пов. Тэ öд сідзсö шань, да öд?

— Ме ог төд. Но мекөд эськö он пропадит.

— Эгö тай со и пропадитöй, — мудера кежөдіс Лида.

— Ставнас олөмас ме шуа, — асланьыс на синыштіс Альберт. — Висьтала, колökö?

— Мый?

— Велөдчыны менө ыстөны. Ветла кө, бурмастерөн лоа. Мукөд инженерыс оз вермы, а ме лоа.

— Он вот вермы ошйысьтөгыс, — өлөдіс Лида.

— Ог ло?! — шутөвтис на Альберт. — Да менө өні вайөд любөй бурөвөйө да юав, оз-ө на пө ков вежны долотосө, и ме висьтала. А инженерыд тэнад мөмъявны кутас, мыйөн пө ме төда, мый сэн вөчсьө скважина пьдяс. Вот кутшөм төв эськө өні пөльтө?

— Ме мыйөн төда, дзик лөнь да? — шуис Лида.

— Тэныд лөнь, а меным абу. — Альберт дулляліс веськыд водз чуньсө да лэптыліс вылө: — Рытыв-вой төв.

Та бөрын Альберт, ыззис да, мыйсө на эз висьтав Лидалы: кызди компастөг вөрысь петны, ылалан кө, кызди чибльөгын ва пузьбодны, кызди коктө веськөдны, музгыртан кө, кызди пинь висьөмысь мездысьны: бедьтор ли ув пө босьт да курчальшт всяян пиньнад, и дугдас.

Позьө вөлі шмонитьштны Альберт вылын, көть нин казьтыштны сылы, мый уна сьөкыдтор на овлө олөмас и он найөс татшөм кокниа вен, но Лида өні төдіс нин, кытчө бара вайөдас Альберт став тайө сөрнисө.

— Со косось нин, — шуис Лида, видліс юбкасө да ковтасө да.

— Но пасьтав, — бергөдчис Альберт. А кывйыс, тыдалө, лудис на, и гөрдзвыштис-шуис бөрья пом: — А збыльысь эськө он мекөд прөпадит!

Лида быттьөкө эз кывлы. Ёна колө сылы кывзысьны да верөс сайө уськөдчыны, сэсся нэмсө чиган моз овны, өтилаысь да мөдлаө кыскасьны, трактор доддын концерт вылад ветлыны! Сылы стаж колө, бур характеристика, мед веськалас нин институтө, а пөвсө асылс, кор ковмас, Альберттөг на аддзас.

Недыр мысти ныла-зонма мөдөдчисны водзө. Югдыны заводигөн воисны ёль дорө. Мөдарас тыдаліс налөн бурөвөйыс.

Альберт чечыштис газопровод вылысь, лэччис ёльлань. Лида вөтчис сы бөрся.

Өтилаын ёль вомөныс куйліс пөрөм сус пу. Усигас ли йи мунигөн увьясыс сус пуыслөн чегласьөмаось. Вуджны кө сы кузя, то кутчысьны некытчө нин.

— Бедьястө йөйясыд колим, — көритыштис асьсө зон. — Эськө кутшөм лөсьыда вуджим-а. Но мед, сідз видлам.

Альберт сувтис сус пу вылө да ньөжйөник, бок ног тувчалөмөн, вуджис мөдарас.

— Вудж! — шуис сэсянь. — Эн пов, эн. Он усь. Ме моз жө тувччав. Эн тэрмась.

Лида заводитіс вуджны. Воис шөрөдзыс, здук-мөд сулалыштіс сәні, лолыштіс и... водзө мунөм пыдди кутіс катласыны.

— Водзө котөрт!— горөдіс зон.

Ныв шевкнитіс кияссө да, өтарө-мөдарө доршасиг, котөртіс сус пу кузя, уськөдчис зонмөн нюжөдөм сывйө.

— Ой!— любөпырысь ышловзис Лида.

— Вот и кутчысьлім!— долыда кайтіс Альберт. Öти кинас сйө кутіс на нылөс сойөдыс.

Лида песовтчыштөмөн мынтөдіс сойсө, котөртіс бурөвөйланы, эз весиг кежав вежсыны: öні некод нин оз лысьт шуны, мый сйө эз тэрмась авария вылас.

А Альберт ёль дорө на и коли сулалан, шөйөвошөм чужөма.

ÖШИНЬ ВОДЗЫН БУРӨВÖЙ

Бурөвөй мастерлөн öшиньыс век видзөдө бурөвөй вылас. Тайөс Казаринов техникумас велөдчигөн на төдмаліс. Практика вылө ыстылісны, да сәки.

Воис коланаинас, а кытчө пырны, оз төд. Нель ичөтик керка эськө и сулалөны, а көні пө бурөвөй мастерыслөн вежөсыс? Бур, мый ывлаө петальсь морт лөсялі сы шөрө да индіс-висьталіс, а эськө ковмис öти-мөдлаө тотшкөдчывны. А сылы, неважөнся сикт-са зонкаыды, та вылө буретш и эз на тырмы збойлуныс.

Пырис Казаринов индөм вежөсас, сувтіс өдзөс дорас, важиник чемодансө кутыштіс тшөтш пидзөснас: эз лысьт джоджас лэдз-нысө, көть эськө кыкнан кыис нин мудзөма вөлі.

Верст кык нюр вомөн, керйысь вөчөм туйөд, сылы ковмис локны подөн. Шофөрыс тэрмасис мөд бурөвөй вылө да чеччөдіс зонмөс татчө кезанінас.

Пырөмөн тшөтш эськө шуис Казаринов «здравствуйте», но эз сэтшөм гораа, и öшиньөд видзөдысь мужичөй, сюн сөйөн льякөссьөм плаща да еджмөм гөленя кирзөвөй сапөгъяса, буракө, эз кыв либө эз лыдды коланаөн видзөдлыны пырысь вылө.

Казаринов збоймөдчис да лэдзис чемодансө джоджө, неуна вөрзьяштіс, мед веськөдны кок мудзсө. Сәки мисьтөма дзуртыштіс кок улас веськалөм джодж пөвйыс. Но и та бөрын на сйөс быттьө эз кывны ни казьявны.

Уна здук удитіс кольны, көсийыліс нин Казаринов бара шуны

«здравствуйте», да кыліс мужичёйлысь кызёктём. Сійё бергёдчис зонлань, джоджсяньыс вылө кайис синъяснас да быгтё дёзмыштіс, мый пырысьыс оз судз юрнас йиркё.

— Виччысьлы, — убёлитіс шуны дзик өти кыв и петіс. Недыр мысти сійё тыдаліс нин өшинь пыр: котёртіс бурөвёйлань.

Казаринов пуксис чемодан вылас да пондіс виччысьны. Забеднёбсла, мый та дон сійёс и пуктісны, дількмуналіс сёлөмыс. Не кө экспедиция контораас водзвыв висьталөмыс, бөр эськө муніс татъсь. А висьталісны сылы сәні со мый: «Леушин дорын олыштан. Мортыс сійё чорыд, но веськыд. И велөдө бура. Он кут кайтчыны, мый сы дінө веськавлін. Егор Степанович, ним-вичнас кө».

Матө куим час ковмис сәки виччысьны Казариновлы. Выльөн на нёббөм часі вылас (везжон сайын мамыс нарошнө вөлі сы могъсь кызь шайт ыстөма) кымыныськө видзөдліс жө. Ныровмуналас да бара син водзас вайөдлас, көнөсь нин стрелкаясыс.

Леушинлысь пырөмсө эз и кывлы. Ләптіс юрсө, а сійё пызан дорас суалө, быгтё абу и петавлөма, бара өшинёдыс видзөдө.

— Здравствуйте, Егор Степанович, — сувтіс да шуис Казаринов. Бөрас сөмын вежёртіс, мый эз нин, гашкө, ков тадзи шыасьны.

— А-а, садьмин? — бергёдчис да юаліс нисьө янөдіс Леушин. — Öнi сейны кутан корны?

— Ог, — сёлөмсяньыс вочавидзис Казаринов.

— Эн өмөй уджавны лок?

— Практика вылө. Со...

— Төда, звөнитлісны, — пановтіс Леушин, медым зон оз кыс-кыв весьшөрө документъяссө. — Вот мый, другө, уджавны ковмас. Авторучкайд мед шойччыштас, көсьян кө бурмастерөн доны. Көсьян он?

— Көсья, — висьтасис Казаринов.

— Но, вот, — кайтыштіс Леушин. — А миян сідз: коді оз сөй, сійё оз уджав. Тривксёдлы, ноко.

— Кытчө? — эз гөгөрво Казаринов.

— Кытөн вердөны, сэтчө!

— Менам оз на сюмав кынөмөй.

— Ме мый шуи? — скөрысь вомаліс Леушин. — Ме тэныд абу ныв, мед соссьыны. Öдйө! Менам сән висьталөма.

Шыд, гуляш, компот — куимтор эськө и пуктісны котлопунктас Казаринов водзө, но зонлөн синмыс сувтіс. Шыдсө вайисны ыджыд тасьтін, быгтё сиктын уналы панялөм вылө, гуляшсө — дзонь чукөр, техникумса столөвөяс кө, нель порция та мындасьыд вөчисны; сөмын компотыс вөлі быдлаын өтыджда стөканын.

Бур, мый Казариновлөн сьумалис кынöмыс. И то на сьöкыд лои, гусьöник личöдыштис тасмасö. А кольыштны эз позь. Пусьсысьыс веськыда шуис:

— Мыльöстö мяян оз кольны.

«Кыдзи та мындасö сөйöны?» — шензис сэки зон. Но аскинас и гөгөрвоис, мый позьö, вöлöм, весиг кокнипырысь на.

Леушин дорö öнтай пыригас ни котлопунктö петигас Казариновлы эз волы юрас видзöдлыны бурджыка, кутшöм öдзöсыс тайö вежöсыслөн. Локтис сөянинсьыс и сорассис, бара көть кодлыськö юав.

Нель öдзöс баракас: кыкыс помьясас, а кыкыс шöрас. Коді пö коланаыс кык шöрсасьыс?

Казаринов ветлис барак водзö да нуöдис синнас веськыд визь бурöвöйсянь, кутшöм öшиньö сийö тшукас. И аддзис лöсялана öшинь сайсьыс Леушинöс. Сидзкö, кык шөр öдзöсьыс веськыдладорсаяс. Пырис и стöч веськалис.

— Блавлін али мый? — дойдыштис Леушин. Мöд морт кө, гашкö, серамö татшöмторгö бергöдис-а. — А коді тэныд чуйдис öшинь сертиыс тöдмавы?

— Ачым, — мыжапырысь вочавидзис Казаринов. — Тыдалö жö тасянь бурöвöйыд.

— Правильнö! — ошкыштис Леушин, вом пельöсас сьлөн здук кезлö ном весиг петкöдчылис. — И мед кутан тöдны: бурмастерыдлөн öшиньыс век видзöдö бурöвöй вылас. Көть көн. Эн вунöд!

— Ог, Егор Степанович.

— А öнi шойччы. Со пельöсас раскладушка эм. Сувтöд сийöс. А со эстөн, джаджъяс, узьлан мешöк. Аски асывсяньыс удж вылö. Ме мунi.

Леушин петис. Казаринов лöсьöдис аслыс узьланін, чемодансö суйис раскладушка улас. Пöрччысис да водис.

Но öнтай кө вугрöдлис, öнi унмыс эз лок. Сöмын кынöмыслы век на сьöкыд вöли ёна сөйöмсьыс. Водöмнас быгтьö кокньöдыштис муртса.

Сиктас, кытысь Казаринов, көкъямыс вося школа, совхозлөн ыджыд отделение. Унаöн, школа помалысьясыс, мунöны водзö велöдчыны совхозсяньыс. И практика выланыс волöны гортас, весиг уджавнысö гортас локтöны. А гортад — век нин гортад: йöзыс тöдса и мамыд орччөн.

Воис тайö Казариновлы юрас, и жугыльмöдис морттö. Пырис кө эськö ёртъясыс моз видз-му овмöс техникумö, öнi, гашкö, гортас жö вöли... Рыгнас эськö клубö ветлис... А танi — вөр шöрын, ни öти тöдса. Колö жö горнойö сетны шыöдчöмсö!

Дерт, эськө лөсьыд, лоас кө бурөвөй мастерөн. На сиктысь некод на абу сэтшөмыс. Но код төдас на... И со нин кутшөм гажтөм. Абу весиг гажтөм, а шуштөм. Мый нө, быгтьё некодлы оз ков ёнасө...

Ужнайтны Казаринов эз нин чеччыв. Чемоданнас кыскысян мудзыс да тани содтөд вийсьөмыс, тшөтш вывтi сөйөмыс косөдiсны ассыныс пай — унмө вочасөн личкисны. Садьмис — асыв нин, Леушин таргө аслас пызан дорын электробритваён...

Вот и заводитчис Казариновлөн практикаыс. Уна лун сийө сөй ляти вөчны отсасис.

Вөлөмкө, и сөй лятитө вөчны зөв на кужөмөн колө: сукджык артмас — турбобурыдлысь өдсө чинтас, долотоыдлы из-мусө йирны оз сэтшөма отсав; кизьөрджык артмас — писькөдөм скважинасө оз кут мавтны, буждөмсьыс видзны. Да и оз сөмын сюн сөй да ва ков ляти вылад, унатор на сэтчө колө пуктыны, зөв стөч порцияён.

Казаринов эз норасьлы, мый сьөкыд, эз элясьлы ньөтчыд, мый колө эськө и мукөд уджсө видлыны. А Леушин мудера чөв оліс, эз жө юась нинөм, весиг «но кыз» эз шулы.

Өти асылө сөсся Леушин и гарыштiс:

— Талун вылө каян.

Бурөвөй вышка шөрвыйын кымын эм джуджыд потан. Сэни сулалө морт да коколюка кодьөн кыскалө-лөсьөдалө сувтөдөм трубаяслысь вылыс помьяссө аслыспөлөс томан костө. Томналөм-топөдөм бөрас трубасө лэптышглөны, и улыс помыс сэки ачыс бовмунө-локтө буритчысьяс динө. Позьө йитны-содтыны.

Потанын уджалысь морт шусьө «вылыссаён». Мудзыд сылы оз жө этша сюр, а көдзыдыд и медся уна: төв йылын өд смена чөжыс. Но буритчигад кө эштылө тшынасьны, то лэптысигад (шуам, долотсө колө вежны) юрсө гыжйыштны некор овлө.

Потан динө и катөдiс Леушин Казариновөс. Вышкаыс дзоньнас быгтьё сырмис: эз өд өти дизель мурав, и буритчисны буретш. А содыясыс сэтшөм поснийсь да сэтшөм виджадөн джудждаммөны, вильсмунөмысь ли коньясьөмысь и пов. Кымыныськө ыркунлис жө Казариновлөн сьөлөмыс, кыкнан кинас сэтшөм здукьясас кутчысьліс поспөлөнса пөв дорьшас. Но Леушин сөмын кыйкнитлывліс бөрвылас, локтө оз көть, а мед кызкө ышөдыштны зонмөс, «эн пов» ли мый ли шуны, — кыв ни джын. Потан динын вөлисыс кывсө сетіс.

— Юр вежөрыд эз на бергөдчы? — юалис.

— Эз, — вочавидзис Казаринов.

— А муас лыстан видзөдлыны?

— Лысьта.

— Сідзкө и, сувт татчө да видзөд. Сюся видзөд. А тэ петкөд-лы, кызди-мый,— шыасис сэсся Леушин потанын сулалысь дорө.— И лэдзлы бөрти ас местаад.

— Ладнө,— шуис «вылысса».

Леушин бөр тэрыба лэччис.

Вит кымын лун Казариновлы пыр мойвиис: буритчисны, эз ков сэтшөм өдйө сетавны трубаяссө. Чайтис, бура нин велалис «вылыс-салөн» уджас, весиг труба помъяссө ньöти повтөг асланьыс көрт крукнас пөрөдліс. А сэсся друг пондісны лэптысьны, и муртса эз шөйөвош. Мынгөдас томансьыс öти лэптөм труба, йөткыштас сувтөдланінас, а трубаыс бөр асланьыс катовтчө: мудзсьөма да озджык сой выныс тырмы. Мөдысь ковмас йөткыштны. И увсяньыс тэрмөдлөны, мөд труба нин налөн лөсьөдөма лэптыны. Матын сменнөй «вылыссаыс» сулаліс, дась быд здук сійөс вежны, да тайө зонлы сьөлөм сетыштис.

И кутчысис сәки Казаринов, мездыны коран синмөн эз видзөдлы, өйөстөмөн моз эз ышловзъыв ни. Аскинас бара на лэптысисны (оз өд öти сө труба ков перйыны куим верст кузя скважинасьыд), и бара зон дыркодь сулаліс «вылысса» пыдди. И увсяньыс эз нин горөдлыны, нюжмасыннөд пө сәні.

Воис и сійө луныс, кор Леушин вайөдіс Казариновөс буритчысьяс дорө. Дерт, эз сувтөд зонмөс лебөдка дінө, кодөн лэдзөны колоннасө, сетөны колана мында сьөкта долото вылас, тшөктис видзөдыштны да отсасьны заводитны.

Казаринов лөсьөдчис воськов куимөн бөкөджык да сэсян видзөдіс буритчысьяслөн удж бөрся. Мыйкө дыра найө эз шыасьлыны сы дінө, да и коланлуныс, буракө, эз вөв, а сэсся пондісны: тайөс пө мыччы, әсійөс вешты.

Вочасөн Казаринов збоймөдчис да матөджык лөсьөдчис, кортөг-чукөсттөг нин пондіс өнджыка отсасьны: то вьльөн йитан бов-мунөм труба кутыштны отсалас, то квадрат матыстны.

Квадратнас шусьө нель пельөса труба. Му пытшкас йөткан сөй лятиыс медводз сы пыр мунө. Сы серти жө и видзөдөны, кызди долотоыс пыдын из-мусө йирө.

Колоннаыслөн медвылыс труба помас йитөны квадратсө, и кор ковмас вьль труба содтыны, сәк сійөс, квадратсө, разьлөны да бөкө сувтөдлөны.

Тайө квадратыс и «пөръяліс» Казариновөс. Вөлөмкө, кольөма на пытшкас мыйтакө сөй лятиыс, и буретш юр вылас бузгысис-киссис, кор уськөдчис отсавны рабочөйлы лэптөм квадратсө бөкө лэдзны да сувтөдны.

— Вот и крещенной лоин! — гылыда сероктис Леушин. Сийо они ачыс сулалис лебедка динас.

Кодзыд сий лятигыс веськалис Казариновлы и юрийыв улас да некымын визьон мустома ньожийо лэччисмыш кузягыс, сибдодис яй динас паськомсо. Одийоджык эськө они мыссыны да вежсыны, а Леушинлөн, зон видзодлис да, нюм сер нин абу чужомас, весиг тождысыштотм сы кузя. Кыдзи мунан? И оз нином шу сэсса, сероктис и — ставыс.

Казаринов эз вөрзбы некытчо, вөрөдыштисмышнас, мед тадзи косгысыштгны улыс дөрөмас. Косджык со бытгто и лои, оз нин кодзыдыс кыв. А сэсса од абу тов ывлаас, коть и ыркыд. Оз кут жуйвидзны, и оз кынмы.

Но зонлы парскис. Дерт, Леушин абу сылы баты ни мам, торъя мелун виччысыны сысян нином, да оз и ков, сидзкө нин шуны, сомын вывти жө нин сийо чорыд сьолөма. Кын сьолөма, сиктса ног кө.

Дзевис Казаринов забедносө (быгы од дзев) да бара пондис отсасыны, бытгто нином эз и вөвлы. Рыгнас сомын мыссис да вежсис.

Практика помөдзгыс сэсса зон уджалис буритчысыс динын, войся сменао тшотш ветывлис.

Леушин эз сыкод зэв сёрнит, торъя эз велөд ни, коть олісныузылісны оти вежасын. Эз сувтөдлы и лебедка динө. А дзайгысыны Казаринов эз жө куж да эз и косьы.

Окотагыс сидз окотаон и кугис кольны. Чайтис нин, мый бурильщикавны видлытөг и мунас.

Но вөлөма на и Леушинлөн морт сьолөм. Локтис сийо отчид бурөвой вылас да кызкө небыда, весиг неуна жаляддза бытгто, видзодлис Казариновлань. Зон казялис тайо видзодлассө, посьмунли быдон, а сэсса повзыштис, оз-ө бурмастерыс косьы видны сийос мыйысыкө.

— Ноко, волы, — корис Леушин зонмос лебедка динө. — Сувт мекөд орччон. Кутчысы тшотш рычагас, а коктө тормоз вылас пукты. Кылан мыйкө?

— А мый колө кывнысө? — эз сяммы сайодны чуймомсо да веськыда юалис Казаринов. Нином сэтшөмсө сийо эз кыв, мый сомын кыгы тральштис.

Ийө вылө моз видзодлис сэки Леушин, но зонлөн ылөдчыны кужтомыс кутыштис сийос дөзмөмсыс.

— А они?

— Личыдджык лолі.

— Мыйла? — коса юалис Леушин.

Казаринов кывліс сылысь кокнас тормоз лэдзыштёмсö. Сідзкö, долотоыс воліс скважина пыдöсöдзыс, подыйліс. Мыйла вöлі либö тросыслы личавлынысö?

— Подыйліс, — вочавидзис зон.

— Правильнö! — гөрэдзыштіс Леушин. — А öні квадрат вылас тшöгш видзöд. Мый аддзан?

— Пырö ньöжйöник. Муртса-муртса.

— А öні?

Казаринов бара кывліс кокнас, кызди Леушин лэдзыштліс тормозсö.

— Быттьö сувтліс.

— Вот таысь и колö повны. Кор öшгыяс колоннаыд став сьöктанас долото вылад, сэк долотоыд ачыс вермас пасьмунны ли изсьыны. Сідзкö, мед кыйд рычагсö тайöс кутö, кокыд тормоз вылас, а синмыд... Кытчö видзöдö синмыд?

— Квадрат вылас.

— Правильнö. И талун кежлö тырмылас.

Некымынысь на тадз сибöдліс Леушин зонмöс лебёдка дінö, но ачыс быд пöрйö сэн жö сулаліс, эз весиг мынтöдчыв дзикöдз рычагсьыс и коксö эз босьтлы тормоз вывсьыс. Быттьö эськö оз кут ни личкы, а быд здук дась. Сідз Казариновлы эз и сетлы öтнаслы сулыштны.

Мунан лунас медводдзаысь шуис зонмöс нимнас. Кор Казаринов босьтіс кияс чемодансö, мед петны сёй вайысь машина дінö, Леушин сувтіс сылы воча да кывъясис:

— Тöдан, Сашка, мый-мый, а öти буртор ме тэныд век жö вöчи. Няргыны эг велöд. Сідз öд? А водзö тэ ачид нин верман овны, абу вежöртöм. Но, бур туй!

— Аттьö, Егор Степанович, — вочавидзис Казаринов. Сылы збыльысь лой долыдджык сьöлөм вылас, и эз нин сэтшöм чорыдөн кажитчы тайö бурмастерыс.

— И тöдан, Сашка, — гажтöминö кольысь морт моз ышловзис Леушин, — эн кö лөгась ме вьлö...

— Эг.

— Лок техникум бöрад ме дінö. Коркö сэсся ачым вöтла. Мастерөн!

— Локта, — кöсйысис Казаринов.

И кыкнанныслөн сэк петаліс жугыль сора нюм. Ачыс этша сёрниа да йöз лов сайö пырöдчытöм, быд вьль мортöс Леушин сибöдліс зэв сьöкыда. Но сьöлөм дейөн жö и торйöдчыліс, мортыс кö шогманаөн сы син водзö сувтліс.

А Казариновлы чуткис: вöлөмкö, Леушыныс пыдди нин со сійöс

пуктö и бур понда сöмын чорыдасьöма, да он тай водзвывтö тöд, эз весиг куж гөгөрвоны.

Дипломсö дорйыгтöдз на, кор техникум помалысьясос чукöстлiсны директор кабинетö, Казаринов вöйысис экспедицияö, Леушин дорö. Геология Управлениеысь морт, кодi сэн жö, кабинетас, пукалис, сöмын ошкис таысь да шуис, виччысям пö.

Тадзи Казаринов бара веськалi Леушин дiнö. Рабочöйöн уджалiс, сэсся бурильщиклы отсасьысьöн, бöрыннас, во кымын, бурильщикöн.

Леушин эз нин коркöя мозыс кöдзыдась зонкöд, но и лич эз сетлы некутшöмöс.

Öтчыд Казаринов ветлiс экспедициялöн посёлокö, сiдз, пальöдчыштны. Аддзысис тöдсакöд. Ухтаысь сiйö воöма, доз вайöма. Посёлокас курыднад эз вузасьны. Юисны дозтö шöриöн. А рыгнас Казариновлы смена вылö. Подöн нин эськö и локтiс бурöвöйöдзыс, мед кодыс петас, но Леушиныдлöн сюсь на вöлöма синмыс.

— Нöйта öд, Сашка, ог юав некодлысь!— кутiс зонмöс морöсöдыс да шуис. А мöд кыис кучкыны и дась, сэтшöм зэлыда кабыртöма, мый лöзмунöмаöсь вир сөнъясыс.

Эз эськö кучкы, пыркнитiс сöмын морöсöдыс да лэдзис, но та бöрын Казаринов эз нин, кыз шуасны, тайö вожас пыдöдз кежавлы. И эз полöм вöсна, а Леушин водзын ыджыд яндзим вöсна.

Ачыс Леушин сэсся эз жö дойдлы зонмöс тайöс казътылöмнас, весиг серальштöм могысь эз дöжнышты.

Но, вöлөмкö, шмонитнытö сiйö ыштылö жö, кор лыддьö думсьыс коланаöн.

Кадысь кадö бурöвöй вылас воывлiс участкөвöй геолог, олöма нин мужичöй. А тайö пöрйö локтiс томиник ныв, еджгов сук синкымъяса да кызiник, кисьмысь шыпича рöма вом доръяса.

Локтöмсö эськö сылысь Казаринов эз тöдлы, лун сьöмöснас, рыгъя уджалiс да, намыр сёйны сiйö матöник ветлiс важ сотчöм вылö; аддзис нывсö котлопункт дорысь: Леушинкöд найö пажнайтöмаöсь нин, вензигтыр, сувтавлöмөн, бурöвöйланы вöсьлалöны.

— Тян жö пызан весьтаныд öшалö геолого-технической наряд. Сэни ставсö стöча индöма, кор да мый вöчны,— сьöлөмсяныыс, кинас отсасьöмөн сёрнитiс ныв.

— Вунöдiм, да мый сэсся?!— быттьö эз и зиль дорйысьны, мыжапырысь кайтыштiс Леушин.— Гашкö, мися, эгö на войö... сэтшöм пыдöдз...

— Мед вöли öни жö заводитöма сэтi цементируйтны. Ог лэдз водзö буритны. Öд вильдi сэтi, известняк, он и тöдлы, кыззи буждас. Тi тайöс гөгөрвоанныд?

Леушин сэсса эз нин вочавидз, сӱмын ыджыда ышловзис да вӱрпу йылас кутис видзӱдны.

Казариновлы сэтшӱм тешкодъ лои, муртса эз пыльсму. Сійӱ вежӱртис, мый Леушин ывсӱдлӱ нывсӱ: скважинасӱ, кытӱ колӱ, важӱн цементируйтӱма, лэдзӱма обсадной колоннаяс.

Дерт, авариясыд некодӱс абу мездӱма, код тӱдас, кызд-мый сэн му пытшкас, но мед вунӱдчыны удж кузяыс— абу сэтшӱм морт Леушиньд, тӱдана-виччысынаинад сійӱс он нин конийӱд.

Ныв тшӱтш видзӱдліс вӱрпу йылас, эз аддзы сэсь нинӱм да юмыртліс мича вом доръяссӱ, сэсса синбӱжаліс Леушинӱс, быттьӱ торксӱм мортӱс.

Казаринов матыстчис на дінӱ. Леушин мудера читкыртліс сылы веськыд синсӱ.

— Тадзи и кутам сулавны?— дӱзмӱмпырысь шуис ныв да вӱчис воськов-мӱд, сэсса быттьӱ зэв веськодья видзӱдліс Казаринов вьлӱ.

— Мыйла сулавны?!— шпыньмуні Леушин.— Со такӱд намьрӱн чӱсмасьны ветланныд. Мортыс гӱгыртӱм на, ачыс на нывъяссыд полӱ, сідзкӱ, и тэныд нинӱмысь повны.

— Эшта ме чӱсмасьны,— вомаліс ныв.

— А мый сэсса кутан вӱчны, кольччин нин машинасыд да? Миян важӱн цементируйтӱма сэтӱ.

Здук-мӱд, эз кӱ дырджык, ныв чӱв оліс, ныр бордъясыс сӱмын паськавлісны ыджыда лолалӱмсьыс.

— Мыйла вӱлі колӱ ылӱдлынысӱ, ог гӱгӱрво?— шуис медбӱрын.

— Коркӱ висьтала,— дэльӱдыштис Леушин.— Верӱс саяд мунигӱн. Дерт, корлан кӱ быттьӱ свадьба вылад.

Ныв бара звук-мӱд чӱв оліс, шылъыд вом доръясыс быдӱн чукырӱссылысны скӱрысла ёна топӱдӱмсьыс.

— Кӱні ме кута узьны?— юаліс бӱрас ярскӱба.

— Эсійӱ керкаас,— индис Леушин.— Сэн миян нывбабаяс олӱны. Да эн на сэтшӱма скӱрав. Ме тай нӱ эскӱ мелӱнджык чайтӱ.

— Асьныгӱ тӱдӱй!— гӱрддзыштис ныв да веськӱдчис индӱм керкалань.

Эз лысьт, буракӱ, ли вежавидзис дзик пырсӱ, а мыйӱн нылыс саяліс, и серӱктыштис сӱк Леушин. Татшӱмнас, ышмысьнас, Казаринов эз на казьявлы сійӱс,

— Код нӱ тайӱ, геолог жӱ?— юаліс зон.

— Да, воддза воливльысь пыддиыд,— висьталіс бурмастер.— Муза нима. Техникум жӱ помалӱма.

— Кутшөмөс?
— Ог бара төд. Ачылд нин водзөсө юась.
— Мыйла ме буретш?— чуймис Казаринов.
— Коркө өмөй он жө көсйи гөтрасьны?— паныдаліс Леушин.— Али, чайтан, ме аслым ыло сійөс татчө войковнас кольөді?
— Ме ог төд,— повзис татшөм виччысьтөмторсьыс да зіліс на пыксьыны зон.

— Тэ кө он төд, ме төда!— төдчөдіс Леушин.— Зэв сьөлөма нылыс и мичаник. Ныр улад вайөді, да мед сөмын чишнитласны. Тодмышкаломөн и вөтла сэк дінысь. Збыль шуа! Али эм нин кодкө төд ылад?

— Абу на эськө да.

— Но и эн жуывидз. Пыр да пажнайт зэв өдіө, а сэсся нуөдлы сійөс намыраинад.

— Некор меным, Егор Степанович. Ме жө рыгтя талун уджала, нель чассянь.

— Ме ачым тэ пыдди петала. Марш!

Эз нин сэтшөм полысьөн лыдды асьсө Казаринов, сиктса збойлуныс бөр тані вочасөн петкөдчис, а Леушинлөн татшөм тшөктөм-чуйдөмыс и падмөдіс ёнакодь, пажнайтнысө пыравны весиг дыш босьтис. Ньөжйөникөн, дыр сулалөмысь мудзөм морт моз и вөрзис.

Но котлопунктас сылы эз жө сетны кадсө нюжөдыштны да мөвпальштны. Пусьысьыс тэрмөдліс, быттьө вот-вот өзьяс сьлөн мыськыны чукөрталан дозмукуыс, «панясь, панясь» сөмын и шуаліс.

Шөйөвошөм морт кодь, кодлы быттьөкө розя пыжөн паськыд ва колө вуджны, муніс Казаринов чукөстны нылөс. А Музалөн, буракө, дум босьтөма скөр йывсьыс не виччысьны аскисө да подөн петны: кильчө ылас нин сулаліс, туй ылас видзөдіс, сэсся пыркнитіс юрнас да чеччыштис мостки ыло, збоя мөдөдчис. Мынысь чери кодь жаль лои друг Казариновлы тайө төдтөм на нылыс: збыльсь өд мичаник, кокни осьькола и абу со полысь.

— Муза!— горөдіс зон.

Ныв муртса ньөжмөдыштліс да бергөдчыліс, код нин сійөс нимнас чуксалө, сэсся бөр өддзөдіс, кинас тшөтш кутис паськыда шенасьны. Казариновөс быттьө ньөрьялісны, ырс вөрзис котөртны, вөтөдіс нылөс.

— Мый тэн колө?— букыштчыліс да шуис сэки ныв.

— Ме посёлокө жө мунысь,— пөрьяліс зон.

— Но и мун. Пановт.

— Отлаас өд гажаджык.

— А меным абу,— орөдіс ныв.

— Чайтан, тѳдмасьны кута? — зэв сьѳлѳмсяньныс артмис тайѳ шѳѳѳмыс Казариновлѳн.

— Вот и пановт, абу кѳ ме дорѳдз некутшѳм мог, — дѳжньштѳс ныв, а чужѳм вылас бытгѳѳ небзьыштѳс.

— Ошкѳсь татѳ. Талун на ме выль кок туй аддзылѳ, — бара пѳрьялѳс зон. — Збыль! Он кѳ эскы, петкѳдла. Эстѳн, трасса вылас вотѳдз.

Петкѳдлыны кѳсѳѳѳмыс эскѳдѳс нылѳс. А Казаринов, медым эз нѳмдыссьы, дѳрѳм юрѳйывсѳ кизьявлѳс да бѳр разис.

— А кысь тэ тѳдан менсьым нимсѳ? — юалѳс ныв, и гѳлѳсас сьлѳн эз нин кыв торья ёсьлун.

— Леушин висьталѳс. Ме ѳд тан техникум бѳрын жѳ. Ме Ухтаысь помалѳ. А тэ?

— А ме Уфаысь.

— Кыдз нѳ сэтчѳ веськалѳн?

— Кыдзи веськавлѳны.

— Да ѳд ме сѳдз юалѳ, — повзис Казаринов, мый бѳр, тыдалѳ, скѳрмѳдѳс нывсѳ.

— А тэ эскѳ мунысь абу посѳлокас? Али мастерыд моз жѳ вѳлѳдлан менѳ? — чуткыштѳс ныв.

— Ог! Мунысь! — зэв збыльысь вочавидзис зон. — Верма водзад петны, он кѳ кѳсѳы, мед орчѳн вѳлѳ. Меным ѳд ѳткодъ.

— Ачыл тѳдан, — гарыштѳс Муза да муртса пѳлынѳтлѳс юрсѳ. Позис вежѳртны, мый ѳнѳ сѳѳѳ ѳз нин дузьяв.

Бурѳвѳйсянь экспедициялѳн посѳлокодз абу нин сэтшѳм матын, верст дас кык арталѳны. И кузяла гажтѳмин, сус пуа вутшкѳсь нюр, сѳмын ѳтилабын волѳ кыддза-пипуа рас, ёль сэтѳ вѳмѳналѳ трассасѳ, пѳлѳныс сука быдмѳ ѳмидз.

Асьсѳ лои Казариновлѳн пѳрьялѳма, мый сѳѳѳ посѳлокѳ жѳ мунысь. ѳд бѳр на ковмас локны да мый на шуас Леушыныс дыр ветлѳмсьыс. Но мѳдѳдчѳма, да он нин кос.

Восьлалѳсны ныла-зонма орчѳн моз, муртса водзынджык Казаринов мунѳс. Сѳрнитѳсны этша: то Муза юавлѳс «ылын на», то Казаринов кайтыштлѳс «татчѳ тувчы».

И бытгѳѳ туньявсьѳма оштѳ, буретш сы шѳрѳ и веськалѳсны ёль дорас. Эз на воны поскѳдзыс, чушнитѳм кылѳс ѳмидз пѳвстсьыс, сѳсся шарѳдчѳм. Казаринов соѳ пѳвнас паныдалѳс Музаѳс, мед ѳз водзѳ мун.

— Мый нѳ? — юалѳс Муза, тыдалѳ, нинѳм абу и кывлѳма.

Сѳк ачыс ошкыс юрсѳ мыччис ортсыас. Буракѳ, сылы телепит жѳ лои видзѳдлыны, кодьяс сѳн кылѳны.

Нюжодыштёма на вөлі Казариновлөн сойыс, да Муза пыр и кутчысис сэтчө, а юнас зон пельпомө нөрөвтчис.

Бджыд айыс на Казариновлы висътавліс, мый оз ков дзорны ош водзад и лёкысь оз ков видзөдны, син на син кө лөсялан. А мортыдлысь видзөдластө пө некутшөм ловъя лов оз вермы венны, сөмын пө сюзь.

Луп-лапмулліны ошлөн виж синъясыс, а сәсся сійө ыпкыштіс, быттьө төдлытөг ваө усыліс, да пескыльтчөмөн чечыштіс бөрвыв, вазөдіс-пырис өмидз пөвстас.

Казаринов сульштіс на мыйкө дыра да вөрзис. А Муза, быттьө гөтыр нин сылөн да война вылө верөссө кольөдө, эз тәрмась мын-төдчыны, юрсө сөмын веськөдыштіс. Бджыд чукыль трассаыслыс тадзи мунісны.

— Вот и аддзылім. Ме тай шулі, мися, ошкөсь таті, — гарыштіс зон, мед кызкө сөрни панны.

— А тэ эн повзвы? — юаліс Муза да вөлісь мынтөдчис.

— Быттьө эг нин оштө аддзвылы, — дөжньштіс Казаринов да серам на содтөд вөчліс, коть эськө зоопаркысь кындзи ловъя ошсө некысь на эз аддзвы да онтай сибдыліс жө лолыс. Сөмын мый эз сетчы полөмыслы: өд лыддян кө асьтө зонмөн, он жө уськөд асьтө ныв водзад.

Муза нюмбөвтис да сюся видзөдліс Казаринов вылө, быттьө көсйис шуны, ылөдчан жө пө эськө да, но эз казав тайөс зонлөн чужөм вылысь. А Казариновөс, коркөя сиктса зонкаөс, көн лун-тырнад дасысь ковмылас петкөдлыны асьтө нинөмысь повтөмөн, эз ков велөдны чужөмтө веськөдөөн вөчлыны.

Посёлок дорөдз сәсся мыйкө йылысь да пыр сөрнитісны, Муза весиг гарыштіс, мый өти бурджык төдса сылөн тані лои нин.

А кор посёлокыс тыдовтчис, Казаринов сувтіс да шуис:

— Оні воан нин. Бура узыны.

— А тэ? Он өмөй жө сэтчө? — чуймис ныв.

— Некод менө сән оз виччысь. Да и удж вылө меным колө.

Ныв нөшга чуймыліс, сәсся нюм сорөн ышловзис. Таысь вывті Казариновлы нинөм нин эз ков, бергөдчис да котөрөн пырис трасса кузя зумышмысь вөрө.

Пемыдөн нин воис зон бурөвөй вылас. Леушин век на сулаліс сы пидди лебөдка дінас.

— Кольөдны ковмис, Егор Степанович, — мыжапырысь висъ-таліс зон. Виччысис видөм та дыра ветлөмсьыс.

— Но и бур! — серөктіс Леушин. — Татшөм и колө ми вокыслы гөтырыд.

— Ме ог төд.

— Ме тѳда!— бара тѳдчѳдїс мастер.— Час, лун-мѳд мысты выльысь корлам татчѳ.

— Сылѳн ѳд график, Егор Степанович, кутшѳм бурѳвѳй вылѳ кор волыны.

— А ми шуам, мый растворным эз кут артмыны ли мый ли.

— Дзикѳдз сѳк лѳгасяс,— ыдѳясъны кутїс зон.— Мый нѳ, весьшѳрѳ корѳмсьыд?!

— Оз ѳд тѳ вылѳ,— сьѳлѳм сетїс Леушин.— А менѳ, мѳдысь вїсьтася да, прѳститас дай. Вот и став шогыс.

Аскомысьнас Леушин сїдзи и вѳчис. Муза, дерт, скѳральноштїс, но тайѳ пѳрїѳ вежѳртїс нин, мыйла ковтѳгыс корисны, да эз и дыр дузъяв. Сѳсся мунїс Казариновкѳд намыр сѳйны: мед посѳлокас главнѳй геологыс чайтѳ, мый сїйѳ могѳн ветлѳ.

Зонкѳд вотчѳмѳдз кѳ пѳ воан, сѳк пѳ помѳдз нин коркѳ воан. Важ йѳз на тадзи шулѳмаѳсь. И зѳв стѳча шулѳмаѳсь: Казаринов да Муза тѳв пуксьытѳдзыс гозъя жѳ лоины. А свидетель пыддиыс гїжасїгас ачыс Леушин ветлїс.

Буритчысьясїдлѳн сѳтшѳм нин олѳмыс да уджыс: век ылынѳсь йѳзайнсьыс. Но кутшѳм нимкодъ налы шойччынысѳ петавны, торїѳн нин сѳк, кор кодкѳ виччысьысь эм. Шуда мортѳн жѳ, а эз нин пальѳдчыны, волявлїс ѳнї посѳлокѳ и Казаринов. Музаскѳд налѳн асланыс комната лои, а выль во кежлѳ квартира кѳсїысїсны.

Леушин быттѳ вежсьыштїс жѳ, сѳрниаджык лои Казариновкѳд, олѳма морт туйѳ сїйѳс пуктїс, эз нин видзѳд арлыд вылас. И медбѳрын вїсьтасїс, кыдзи-мый аслас олѳмыс пуксьѳма. Таѳдз Казаринов тѳдїс мастер йївсьыс зѳв этшаник: мый Вологодскѳй областысь сїйѳ да мый квартира сылѳн Ухтаын эм, кѳнї гѳтырыс да пыис олѳны.

Вѳлѳмкѳ, Леушинѳ мыждылѳмаѳсь войнаѳдзыс на, дас кѳкъямыс арѳсѳн. Вѳр кылѳдны ыстасны сїктсьыс том йѳзсѳ, сїйѳс весїг комсоргѳн. Вайѳдасны вѳртѳ, запаньѳ кутасны. А войнас, тѳвныр петас да, запаньыд и воссяс. Асылѳдзыс сѳсся сѳн пѳссясны, оз лѳдзны вѳрыслы пышїыны, но мыйтакѳ и пышгяс нырыс. Шуасны: вредительство. Сѳтчѳ жѳ кодкѳ казъгыштас следовательыслы, мый и мамыс Леушинлѳн абу зѳв гѳль котырысь, куим мѳскѳн овлѳмаѳсь. Тадз ѳтнас вылѳ и усьѳ мыжыс, и веськалас Леушин Ухтаѳ, а сѳн нин нефть корсьысьяс дїнѳ. Усьлѳма шуд и Косолапкин дїнын уджалыштны. Сѳсся ачыс бурмастерѳн лѳб, война бѳрас, кор пуксьѳддан срокыс помасяс. Война бѳрас жѳ и гѳтрасяс. Корас письмѳѳн чужан сїктсьыс ѳти нылѳс, мамыс индѳм серти. Аслыс петавны, вѳлѳм, оз на позь. Оз и зѳв эскы, а нылыд локтас. И квартира сетгѳдзыс пыр сы дїнын олѳма, сьѳд вѳр шѳрысь сьѳд вѳр

шөрө ветлөма, каитчан кыв абу шулөма. А квартираөдзыс на Леушинлы Ленин орден сетөмаөсь: дыр да бура уджалөмсьыс. Сэки, орденсө морөсас өшөдигөн, синваыс тюрөбөн петалөма, кыв шуны весиг абу сяммөма. Но некод абу серөктөма сы шөйөвошлөм вылө, быдөн гөгөрвоөмаөсь, мыйла мортыс татшөм мича здукас бөрдө.

Леушинлөн висьтасигөн на Казариновлы уси төд вылас асланыс сиктысь өти мужик, лёксьыс-лөк. Дивитны кө сийөс кутасны, пыр и вомалас, меным пө бурсө некод жө эз вөчлы.

Тайө мөвпсө и гарыштис Казаринов, кор Леушин помалис висьтасьнысө:

— Егор Степанович, абу жө вот быдөн өткодьөсь. Ме өти мужикөс төда. Он гөгөрво, мыйысь лёкалө йөз вылас. Бытгьө ставыс сы водзын мыжаөсь. А эськө тэ кодъыслы лёкавнысө колө, мый сы мында во мыжтөг мыжа вөлин. Но өд тэ абу пиньтө йирысь, кыз миян сиктын шуоны. Тэ зэв бур морт, дерт, аслад руа.

— Руыд, Сашка, быдөнлөн эм,— вочавидзис Леушин.— Гөтыра эськө, да мед нин меным Сашкаөн колян. Эн дөзмы.

— Ог.

— Сидзкө и, сёрнитчим та кузя. А лёктө песны быдөн верман, сы вылө кө сетчан. Но өтчыдтө му вылас олан, да мед эськө эз жө кулөм бөрад шуны, мыним пө пезысь. Вот тадзи. А мый тэ чиктылан?

— Ас вылө,— осьтысис Казаринов.— Кын сьөлөмаөн жө ме тэнө водзджыксө чайтлі, кор практика вылад локті.

— Но и шань. Водам да чөскыдджыка узям,— кывкөрталис Леушин.

Бура уджавсис Казариновлы сы дорын, унаторийө на велалис. Эз нин өтчыдысь Леушин и ас пиддиыс сийөс кольы: век өд бурөвөй вылас мастерыд оз жө пукав.

Локтис Леушин өти рытө посёлокысь и висьталис воштысьөм морт моз:

— А ме тэнө, Сашка, мөдысь гөтрали.

— Кытчө?— юалис Казаринов. Сийө гөгөрвоис.

— Ылө. Шомва динө. Виль бурөвөй сэтчө осьтөны. Мастер пө колө. Ме и шуи тэнө.

— А ме верма, Егор Степанович!

— Верман!— сетис сьөлөм Леушин.

...И со Казаринов ачыс нин бурөвөй мастер, и өшиньыс сьлөн видзөдө веськыда бурөвөй вылө.

ЧОМЪЯ МУСЮР

Бара букыд пуксис луныс. Эновтөм турун кодь пемыд да ютшалөм енэжыс коставлытөг пызйис посни кодзыд зэрөн. Сэсса быттё тшын пуркнитіс войсянь, саридзладорсянь, муткыляситгыр кутісны лювгыны кымөръяс, ру тшөтш сьорсьыныс вайисны.

Ставыс никтіс-лажмөдчис: ляк баддьыс и ты доросьыс зөридзыс, ты шөрың жуйялысь ай юсь и кык бедь йылө зэвтөм вонйыс нөрысас. Отнаыс гөна юръяс, еджыд юрсиа тундраса дзоридзьяс, збоялісны на. Йөла турун вылө найө муныштөны, но оз кушмыны-лэбзьыны быд төвруысь; и зэв винөв иддзаөсь, кусыньтчыласны да радз моз бөр зэв өдйө веськалоны.

Зэр улас и сулалө Чуистова да видзөдө гөна юръяс вылас. Кутшөм найө сетчытөмөсь! Водз тулыссянь да сёр арөдз мичмөдөны найө тундрасө, асьыныс чужан мунысө.

Көтасьтөм вылыс паськөма, да Чуистовалы сулавсьө, оз пырсьы вонъяс, көні аслас узылан мешөкө ланьтөдчөмөн узьө нисьө оло Иван Есев. Тшыгсө сійө тадзи пыкө.

Кутшөм эськө вертолёт кыйөдөм татшөм мисьтөм лунад, да и кынөм сюмалөмтө збыльысь кокньыдджык куйлөмнад пөръявны, но Чуистова петіс видзөдлыны ывласө да өні быдөн польштө бөр вонъяс пырны, быттё, водас кө, сэсса оз нин чеччы.

Дерт, сылы өні оз сөмын аслас олом понда ков майшасьны, тшөтш и Есевысь кыв кутө.

Кык лун кежлө найөс татчө чеччөдісны, а талун сизимөд лун нин тырө. Эз кө торксьы ывлаыс, волытөг нала эз овны.

Коді оз төд тундратө, эз на адззыв аслас синнас, шыльыдөн сійөс и чайтө. Ок, тундраыд зэв на мылькйөсь да мусюрөсь. Мукөд мусюр-изйыс збыльысь сюр моз и кыпөдчө, кымөръясас вошласьө. Дыр-ө вертолөтыдлы зурасьнысө, петас кө татшөмнас?

Со и тайө Чомъя мусюрыс, код бердө вонъясисны воан лунас, джыныйөдзыс өні сөмын тыдалө.

Чомъя нимсө важ көр видзысьяс на сылы сетлөмаөсь. Мича дырйи кө ылісянджык видзөдлыны сы вылө, быттё чомъясьөмаөсь и эм сэтчө кодъяскө, сэтшөма ёсьмөны куимнан йылыс.

Өтчыд эз нин могмөд Чуистоваөс тайө мусюрыс, а вот бара на каньгөма-вөзйысьөма лои сылөн татчө.

— Ия Михайловна, гашкө, тырмас абусө корсьны? — пондыліс өлөдны геология институтысь директорыс, коді аслас комплекснөй экспедицияө кыскис таво Чуистоваөс.

Көра из дорын өні экспедицияыс сулалө. Сэсянь вертолётнас и лэбөдिसны татчө.

— Быдөн өд ми абусө корсям, огө ассьыным пуктылөмтор, — вочавидзис сэки Чуистова да зэв няр чужөм на содтөд вөчлис. — Но, кык лун, кык лун?!

Катлөдлыштис юрсө да сетчис жө сэсса директорыс, гажа вылө да отсасысь пыдди Есевөс на тшөктис босьтны и.

Воддза вонас, гождөмнас, Чуистова уджалис Чомья мусюр динас. Водзвыв нинөм торья эз корсь, да эз и пуктыны сы водзө тайө могсө. Төдмавтөм на сэк Чомья мусюрыс вөли, да гижөм-серпасалөм сөмын сысянь виччысисны.

Дерт, тырыс жө сэсь быдсяма изсө чукөртисны, но нинөм ышөданаыс эз тыдав. Сөмын өтилаясь, джуджыд потас пыдөсысь, кварцлөн кымынкө кристалл сюри, пев кыза да кузя. Кварц вылас сэсса и усыкөдчылис Чуистова, оз-ө визьөб кыскө аддзы, да ышловзыны на ковмис.

Кутшөм геолог оз көсийы, мед эскө мыйкө зэв коланатор буретш сылы сюри! Позьө кандидатөн лоны тайө наукаас (Чуистова кандидат нин), весиг докторөн, водзвыв кыскө да мыйкө чуйдны, менам чайтөм серти пө сөнтө сэтшөмторлы колө лоны, но кор ачыл содтөд аддзан-восьтан, бурджык на жө. Сэки некод нин оз кут вензыны, тшөтш востьысь сөйсьыны.

И сюри кө быттьө кварц визьөбис, а став сертиыс колө сылы тані лонысө, эскө кутшөма бурмис сьөлөмыс Чуистовалөн. Өд унаысь нин сідзсө ыдьясьлис ас кежас, колі-ө сылы велөдчыны геологас.

Школаас на «йөймис» сийө тайө уджнас, кыз мамыс доньялис. Экскурсияөн волісны Коми филиалө. Сэні өти стен пасьтала вөли өшлөмаөсь фотоснимокьяс: нопьяөсь маршрутө мунөны, визув ю шөрті пыжөн кывтөны, чери кыйөны, көр видзисьяскөд варовитөны, биपुर дорын пукалөны да сьылөны, — ставыс ышөдана да кыскана. А снимокьяс улас, кузь джадж вылө, тэчөма быд пөлөс мича изсө, некысь на аддзвйтөмьясөс.

И со нин ачыс Чуистова геолог, содтөд ученөй на, а диссертациясыс вывті нинөм на сэтшөмсө эз вөч.

Ок, эскө аддзыны кө кварц визьөбсө! Сэтшөм сөстөмөсь кварцыслөн кристаллясыс, пырыс югыда тыдаланабсь, быттьө джуджыд сөдз ва пыр изья пыдөсас видзөдан и шонді ворсөмсө на сэсь, пыдөссыс, аддзан. А кутшөма колі оні кварцыс быдлаө, торйөн нин электронной приборьясө. Космической корабляслөн иллюминаторьясыс и то сывдылөм кварцыс: ультрафиолетсө сийө зэв бура лэдзө и сэк жө космической радиациясыд видзө.

Но быттьо кодкө уськөдөма тайо кымынкө кристаллсө, Чомъя мусюрьсы визьоб эз югды. А колө лонысө! Тайон и мучитчис Чуистова.

И нощта отитор сийос муртса эз весьопорт. Кор вочисны спектральной анализ Чомъя мусюрсыс вайом изьясыслы, комын кык проба друг петкөдлісны ыргон, да эз этшаника, а сымда, коть пуксы да статья гиж, подулав научной.

Матө дас вит килограмм петө ыргоныс оти тонна рудасыс, артыштан анализсө да. Некор вөвльгөмтор, поэбо шуны. Коть они жо рудник сэтчө восьты, Чомъя мусюрас.

Но нимкодлуныс Чуистовалон вежсис повзьомон, пыдисянджык мөвпышгис да. «Кысы лои ыргоныс вальдиас и мыйла сийө отнас, кор век цинккөд да свинечкөд ветлө?»

Ачыс ки помысы тойис пызьөдз кымынкө из тор да сетис химической анализ вылө. Некутшом ыргон сылы эз аддзыны.

Сэки вөлись гөгөрвоис Чуистова видзөдлыны бурджыка механической тоинсө. Вөлөмкө, вылыс помыс сылон ыргонысы да личаломысла жугласны нин пондөма. Сидзкө, из пызяс и ковтом сорасыс веськалө.

Чуистова бөрдис и быдөн, этадзитө пөръяссис да. Сэссия Есев вылө скөрсө лэдзліс, косявлас коть сийос песни торпыригөдз. Мыйнө, лаборанталө Есевыс да абу и казьявлөма, мый тоиныслон вылыс помыс личалөма, кучкасыбө аслас поэбяс.

Но сидзсө Чуистова абу лөг кутысы, да водзө эз каттысы Есев вылас, некытчө эз удты ни.

Да сьөкыд Есев вылас и лөгавнысө. Коть кутшөма вид сийос, оз дузмуны, бая моз рама видзөдө. Дерт, Чуистовакөд тадзсө, а мукөдыскөд вома и пиня, кызд шуасны.

Чуистова кулөмысы сийос мездыліс, Есевсө. Во нель сайын нин. Ылыдз кузя сэк кайлісны. Сувтлісны оти посёлок динө, и кык друг, Есевыс да карысы на медавлөм рабочей, спирт гусьон ньобөмаось, сэссия войнас юөмаось, сөйөм бөрас нин.

Иванушкаос, сэки нин Чуистова нимнас Есевсө тадзи ыдждөдліс лабутной сөрнитөмсыс да кывзысьөмсыс, чорыда босьтас чорыд курыдыд, бипур дорө и унмовсьөма вөлі, абу нин вонйөдзис воөма.

Чуистовалон эз узьсы, петис аслас вонийсы ыркөдчыштны и аддзис: сапкысьөма номыйс Есевлы чужөмас, вөрешталоны, вирсө юоны. А мөдысла быттьө веськодь, муртса тай син гуранъясыс тірмуноны. Гөгөрвотөг он ов, мый код мортыс, да и лов көрыс мустөм кылө, калькальштөма вомыс да.

И друг Есевсө восөдны кутис, тайкө пөдас: өд гатш куйлө. Пөдны нин и пондыліс, лолалан горшас, буракө, мыйкө веськаліс, а

ачыс нинөм вöчны оз вермы, лёкыс нетшмунлас да бара. Вежöртис Чуистова, мый кымыньöдны көть колö. Бергöдис зэв öдийö, сэсса öти кисö суйис Есевлы кынöм улас, а мöднас тапкöдыштис мышкас, весиг кучкышталöмөн на.

Есев бөр ловзис, шуис на мыйкö, кылö, сэсса бара личалис-ун-мовсис. Узьны и кутис. Эз позь кольны ывлаас, а то дзикöдз вильö-дасны номъясыс. Чуистова кыскис сийöс вонийö, босьтис киняувъя-сöдыс да. Рабочийыс сэни шкоргис, велалöм вывсыд сылы, буракö, буретша на лои юöмыс.

Аскинас, кор Есев палялис, Чуистова ёна и видис кыкнансö, весиг карö бергöдчöмөн повзöдлис, висьталис и войся лоöмсö.

— Ия Михайловна, öни всё!— сьölöмсяньыс шуис Есев, кывзис-кывзис да.

— Мый «всё»?— эз гөгөрво Чуистова.

— Пон моз кута тэныд служитны!

— Тэ мен морт мозыс служит, а понтö ме сидь верма лöсьöдны.

— Но и морт моз!

Арöсөн Есевыс ыджыдджык на Чуистоваыс, комын арöс нин сылы тыри, а век на мукöд дырйиыс том зон кодь: шыбласьö, некытчö збыльысь оз кучысь. Таво на төв шөрнас дугдис рытья институтын велöдчöмысь, мыйыськö дöзмöма да. Сэсса штангистөн лоны босьтчылис, мастерöдз пö быть воöдча, бара жö дугдис. Гётрасьны нин көсийлис, и то эз гётрась.

Тентюковоысь Есевыс, асланыс керкаын сэни мамыскöд олöны. Сэсь жö и гөтырпусö аддзöма ли корсьöмабсь сылы, вайöдлис петкöдыны Чуистовалы. Ас кодьыс жö кызиник да латшкөсиник вöли гөтырпуыс, төдчытöм еджгов синкыма и.

— Но, мый шуан, Ия Михайловна?— гусьöник юалис сэки Есев.

— Ме ог төд да,— вочавидзис Чуистовалөн.

— А тэ кө он төд, ме ог жö төд,— кайтыштис Есев да шпынь-мунли, быттьö зэв нимкодьтор сылы висьталисны.

Сэсса эз и гётрась.

Ачыс Чуистова пöвтöм на жö. Водзджыксö, университетас да аспирантураас велöдчигөн, век ылыстлис тайö мөвпсö, а сэсса эз жö и виччысь ёнасö, мый вот-вот кодлыкö сэтшöма воас сьölöм вылас. Асьтö öд быдөн төдан, мича-ö-мисьтöм. Косиник, чангыла ныра, вöйыштöм вомкөтшьяса, содтöд коставлысь водз пиньяса на,— код-лысь татшöм чужöмнад синсö пöртан? И быд гожöм нöшта, кор йöзыс карас паркö рыгнас лэчöны, экспедицияын сийö көнкö ветлö. Воан сэтысь, бара некытчö петнытö, театрысь öтдор, он кө танцы

вылө кутшөмкө клубө мун. Но сәні сы кодъыс абу нин, сәні томи-
никъяс нин ставыс.

Веськыда кө шуны, Есевлөн гөтрасьтөмыс сьөлөмвыив на Чуис-
товалы лои. Но ньөти эз сы понда, мый ачыс Есев вылас ыджыд
надея кутіс.

Мукөд нывсө моз Чуистоваос эз кезйөдлы сыысь, верөсыс кө
сылөн этшаджык велөдчөма лоө ас сертиыс. Но мөвпыштліс өтчыд
аслас верөсөн сійө жө Есевсө и падмис: мый йылысь да кызди
найө кутасны сёрнитны рыгъяснас? А сідзсө Есевыс эськө зэв на
и лөсялө сылы: абу нин сэтшөм кокни оласа, киподтуя, быд удж өдий
гөгөрвоысь, повтөм и арлыд сертиыс буретш.

Олөны тай: гөтырыс кандидат, а верөсыс шофёр ли слесар, а то
и орччөн лаборанталө. И оз на лёка и овны. Кодсюрөыс сөмын
лёка олөны, коді ышнясьө верөс водзас велөдчөмнас да удждон-
нас. А мый эськө сійөн и ышнясьнысө?!

И век жө Чуистова видзчысис сійө жө Есевсьыс. Сылы весиг
чайтсис, мый матөдас кө кызкө ас дінас Есевсө, то быттө гөтра-
лөма лоө сійөс ас вылас, а тайө нин зэв мустөмтор. Эськө ачыс кө
Есевыс кызкө пондөдчис, сэк, гашкө, позис на думыштлыны-а,
петны-ө сы сайө.

Кык өткодбөсь на колины Есевыскөд, повтөмөсь кыкнанныс, да
тайө буретш небыда пуксис Чуистовалы сьөлөм вылас. Оні көть
бара на позьө ыстысьны, со пө Иванушка менлы вылө эм на, ог на
дзыкөдз энды.

Ас дырйиыс, Есев дырйи, Чуистова вежавидзө тадзтө шмонит-
ны, а син саяс лысьтө. И быть өд кызкө дорйиысь, кор пөрысь
нывнад кутасны дэльөдны. Лөгасян кө сэтшөм здукад, сәсся оз нин
өвсьыны.

Бөръя кадас, тайө экспедицияас петтөдз, Чуистова ёна нин ду-
мыштчывліс, мый колө жө сәсся кызкө өтка олөмыслы пом пук-
тыны. Но сөмын та могысь петны-вөзйиысьны кодкө сайө ли другөс
недыр кезлө лөсьөдлыны сьөлөмыс эз жө ләпты.

Май празник водзвылын Чуистова пыраліс универмагө, сідз,
кытшовтьштны-видзөдлыны, оз-ө мыйкө сэтшөмтор вузавны, и пе-
тігас нин сувтліс чачаяс вузаланін весьтө. Сэтшөм мича еджыд
ошпи-акань сән тыдаліс, петіс вежыс и ньөбис. А вайис гортас дай
нормис сьөлөмыс. Эськө ворсөдны кодөскө тайө ошпинас, а кодөс?

И шуис сәки кага босьтны быдтыны. Мед мый коді шуас, а
босьтас и быдтас, мамөн сылы лоө.

Ветліс сәсся, кытчө колө, и вөлись коли некутшөм надетөг: зэв
ясыда сылы висьталісны, мый сөмын гозъялы сетсьө, мед бать тшөтш
кагаыслөн лои, да и абу оні сэтшөмыс, дзыкөдз эновтөм кагаыс.

Шудтөмөн лыддис асьсө Чуистова. Өні вон дінас, зэр улас, сулалігөн нөшта нин уси сьөлөмнас. Өд удж кузяыс весиг со нинөм сьлөн оз артмы, шудтөмыдлөн: кварц визьёбыс бара на эз сюр, мый нин Есевкөд корсисны да. И корссьөма нин сэсся, көть и збыльысь эм көнкө: коймөдысь сійөс татчө оз ыстыны, сідз нин со директор-ыс шуис, абусө пө корсян, а өні, куш чай да сукар тор вылад, этша нин Чомъя мусюртө кыйкъялан, эськө налөн на тайө мисьтөм лун-ныс да. Кок эбөсыс нин Чуистовалөн абу, да и Есевыс лөгасис.

Садьмисны өнтай да бара аддзисны ты шөрорысь юсь котырөс: ая-эняыс да нель пи, вижоват гөнаөсь на.

Тундраад вөйтөдлысьясид абусь, да оз повны юсьясыс морт-сьыд. Көр видзыйсяс некор найөс оз вөрзөдны, шондї вежысьясөн и шуоны.

Збыльысь өд, кор поводдяыс лөкмас да дыр он аддзыв шондїсө, сэк лэбысь ли пукалысь еджыд юсьыд сэтшөма долыдмөдө сьөлөмтө, он көсйи, да нюмыд петалас. Овны окота, сьывны на, а то и сідз нимкодъпырысь мыйкө горөдны ывла тырнас татшөм югыд здукас.

Шондї вежысь и эм тундраад еджыд юсьыд! И босьт жө да лый сійөс?! Кийд оз лыб, абу кө нин сэтшөм лөк морт тэ.

Дерт, виньгыртысь кынөмыд асьсө на төдө, оз лыддьысь вежө-рыдкөд, но өд позьө жө кызкө венны видлыны сійөс.

— Лья вот айсө,— видзөдїс-видзөдїс да шуис өнтайсө Есев, кийс винтовкала нин вон пельөсас нюжөдчьліс,

— А кызд судзөдан?— тадзи на өлөдїс Чуистова.

— Төлыс эстчө ляскас. Сэсся пуам. А мый нө?!

— Он лысьт!

— Но и тшыглы олам, сідзкө,— дөжньшгїс Есев.— Бытьтө меным өтнамлы колө.

Чуистова нинөм эз сяммы татчө шуны. А мый шуан? Он өд, буракө, вомав, эм на пө мый пунысө, да горшасян сәні.

Өні өтнас ай юсьыс ты шөрас, эньыс пияныскөд кытчөкө туру-нас дзөбсисны ты мөдарас.

Видзыйсь пыдди айыс кольччөма. Ты шөрсянъыд сылы гөгөрбок ылөдз тыдалө. Өд вермас кынь кыськө петкөдчыны, татшөм лунад сійө радейтө ты дорөсьясөдыд кытшлавыны, ва шөрсъыд сылы кыйсьөма-а уялысь лэбачтө, көть и шепта бордьяөсь на пияныс дзодзөг-уткаылдөн, тшөтш и юсьяслөн.

И збыльысь, буракө, казялөма сюсь синнас ай юсьыд кынтьө, друг нюжөдліс сьылісө да горөдїс, бытьтө көртө көртөн ылын кучкисны. Ты мөдарысь, турунсьыс, пыр жө мыччысис энь юсьыс, а сы бөрся и нельнан пиыс. Төв паныдыс, а мый өдйө найө уйисны ва шөрланьыс, айыс дінө.

Чуистова век на эз казаяв некодӱс, кодысь юсь котырыс повзисны. Весиг ӱд эз вӱрышт ӱтарӱ-мӱдарӱ некысь туруныс н ляк баддяс некод эз вуджрась. Кутӱс кытшовтны синнас ты гӱгӱрыс, и сӱк ӱтиласьь рудов юр мыгчысьлис да бара воши. Кынь и вӱлӱма. И оз кӱ ӱновтчы шыркӱялӱмсьыс, гӱгӱртас тысӱ да вон весьтас коркӱ воас.

Дерт, кыньыд абу кӱч, код тӱдас, кутшӱм сылӱн яйыс, гашкӱ и вомад оз пыр, а видлыны позбӱ...

— Иванушко! — чукӱстӱс Чуистова. — Петав, ноко, винтовканад.

— Мый? — петӱс да эскытӱма юалис Есев.

— Со эстӱн ачыс яйыд локтӱ, ты пӱлӱнӱдыс.

— Кӱр?

— Кынь, — шуис Чуистова. — Кыкысь вердас.

— Мун! — дӱзмис быдӱн Есев.

— Зӱв ӱд писка, — нерыштӱс Чуистова. — Ми тай коркӱ пулӱм, да зӱв чӱскыд вӱлӱ-а.

— Бара эськӱ ылӱдлӱс, — дӱжньштӱс, Есев.

— А видлам! — чорыда нин шуис Чуистова. — Кувны татчӱ эгӱ на локтӱй.

— Но, давай, — эз нин сӱсся пыксьы Есев. Винтовканас сӱйӱ лӱччис ты дорӱсӱ, воштысис кытчӱкӱ ляк баддяс.

Чуистова сулалӱс да виччысис, кор лыйӱмыс кылас. Дыр на некутшӱм шы эз кыв. Сӱсся ляк баддяс жӱ, сӱмын водзынджык нин, горда кутӱс герчыны. И вӱлись лыйӱмыс кылис.

Шошаӱдыс кутӱмӱн Есев вайис кыньӱс, жмутлӱдзис Чуистовалы кок улас.

— А гордасӱ нӱ мый ӱн тшӱтш лый? Али пьяна?

— Ачымӱс ӱд ог лый, — вочавидзис Есев. — Ачым герчки да. Вомӱн.

— Тӱэ? — чуймис Чуистова.

— А мый нӱ? Со, колӱкӱ! — герчкыштӱс Есев, и збыльысь дзык горда моз. — Казялис-ӱ-кылис менсьым дуксӱ, сувтӱс да оз сӱсся мелань лок. Муртса юрсӱ лыбӱдлас. А льян турун пырыд, да код тӱдас на. Сӱсся ме и герчкыштӱ, мед пьяна гордаӱн чайтӱс. А мый нӱ?!

— Нинӱм, — нимкодпырысь кайтыштӱс Чуистова.

...Пуйсны кыньсӱ, вӱлыштӱс на мыйтакӱ сӱрсьыныс босьтлӱм плиткабислы газыс, да ачыс Чуистова медводз паньыштӱс. Бытӱӱ тырмымӱн нин совсӱ пуктылисны, а кутшӱмкӱ небыд юмов на вӱлӱ шыдыс. И яйыс кутшӱмкӱ юмов турун кодь, киссьӱ пинь улад, он,

буракò, мутшкы тшыг вывсьыд, — мòдысь паньыштїгас нарошнò яй тор шедòдїс да.

— Мый нò он панясь? — венїс кезїòдлòмсò да дэльòдыштїс на Чунстова Есевòс.

— Час, видла жò, — падъялїгтыр на вочавидзїс Есев да паньыштїс. Пыркмунлї быдòн, быгттьò лèк гаг сылы дòрòм юрїылас пуктїсны.

— Эн, колòкò, тешитчы, — скòрмòм улò лэдзчысьліс Чуистова, да и збыльсьскòрмыштлїс. — Колò кужны аснад веськòдлыны. Йòзыс государствоон веськòдлòны, а тэ аснад он вермы. Мыйся тэ морт?! Мòдысь бара ме тэкòд некытчò нин ог пет.

Иніс, тыдалò, Есевлы тадзтò увтыртòмыд, мòдысяс мырдòникòн на, но бур ногòн нин паньыштїс.

Сукарыс налòн кольыштлїс на жò, да сїйò отсалїс кылòдны тайò выль сèянсò, век нин вежыштїс лòсвятòм да тòдлывтòм кòрсò. Ньòжїòникòн, а помалїсны шыдсò и яйсò, мый талун кежлас пулїсны.

Кор сèйсїс, Есев лэдзчысїс гьрддзаяс вылас, водны моз лòсбòдчїс, а чужòмыс сылòн кельыд-кельыд лои, кымòсас ньылòм войгтьяс чепòсїйсны. Тòдчїс, мый сїйòс вукòдны кòсїйò.

— Ноко, чеччы да ветлам, — дòзмòмпырысь шуїс Чуистова. — И эн думайт, мый оз ковсò. Уджтò тòд!

— Кутшòм удж? — вунòдчїс шогòдòмсьыс да пыр и мортъяммыштїс Есев.

— Чеччы, дай лòй. Босьт ноптò.

— Бара али мый сїйò потасад кайлам?

— Бара, — кайгыштїс Чуистова.

— Но, кыз кòсьян, — дольыштїс Есев.

— Тадзи и кòсья, — гòрддзыштїс Чуистова. — Нитшкассьòминсьыс видзòдлам.

— Но, давай, — эскытòма нурбыльгїс Есев.

Чуистова дузгысьліс сы вылò, но нинòм нин эз шу. Тешкодь тайò потасыс Чомгья мусюрас. Потїгмозыс быгттьò вежыньмунòма на: òтар кыртабыс, сувтсаджкыкыс, асьыв-войлань видзòдò, зэрòн мыськòма и тòлòн тòлòдòма, ставыс сэн син водзад; а мòдар кыртабыс абу сэтшòм веськыда сувтса, рыгыв-лунлань видзòдò, нитшкассьòма, весїг урòсїник кыз пуяс на кòнсюрò сэн быдмòны.

«Мыйла сэсь эг тшòтш видзòдлòй? — òнї вòлїсь Чуистовалы юрас кучкїс. — Òд нитшкыс сэсь лòсьыда кульсьò, тувччан, да вильòдò на кульыштгїгмозыс».

Геологьясыд велалòмаòсь век вòсьòминò уськòдчыны, да тайò

на ылөдліс Чуистоваос. Дерт, вермас и пөлөс кыртасысь нинөм не сюрны, но өд видзөдлынысө поэбө.

Часөн кымын и воисны сэтчө Чуистова да Есев. Кайисны кырта йылөдзис, сэссия нитшсө кулигтыр, быттёо ошъяс эжаысь лэльө корсялөны, кутісны лэччыны подланьыс.

Весьт судта эз и вөв нитшкыс, курыштөмөн шедаліс, урөсіник кызьясыс кокниа жө мыналісны, ортсы вужьяось да.

Эз өд тшөтшаммөсінын ноксыны, коліс эськө видзчысьөм-өнджык, а Чуистова ачыс өні вунөдчыліс и вильсмуні кыкнан кокнас уль нитш сорнас да гири-люки лэччис улө.

— Но, вот, — сөмын и артмис Есевлөн.

Тырыс на ёсь изйіс чурвидзис нитшсьыс, да Чуистова доймавтөг эз ов. Сувтіс, да быттёо кольмөма, доршасьө.

— Мый нө? Кыті? — өдйө лэччис сы дінө да юаліс Есев.

— Юр вежөрөй бергөдчө, — висьталіс Чуистова да муртса эз бөррдзы забеднөысла, вомыс вежыштчыліс нин, сөмын ырөстны кольлі.

— Но и чөрту ставнас! — шуис Есев да лажыньтчис мышкөн Чуистова водзө. — Кутчысь, нөбөда.

— Мун сэтысь, — воча кывьяліс Чуистова. — Век эн тэр-мась.

— Но, ачид төдан.

Сайкальштіс Чуистова да бара кайисны «нитш кульны». И сэки налы мойвиис. Сө нэмъясон артмөм съөд мусинсө гудйигөн, мед бурджыка тыдаліс, Чуистовалөн ёсь мөдар пома мөлөтыс кодйыштіс-чуктөдіс көрт сіт кодь руд рөма да поркьялөм из тор, кытысь чурвидзисны өттшөтш дас кымын кристалл, шөрсаяс весьтысь кузь.

— Вөлисти, — ыджыда и лольштіс сэссия Чуистова. — Со, Иванушко!

— Збыль өд! — ыззис Есев. Сійө пуксис да кыкнан кокнас кутіс йөткавны горув нитшсө, быттёо ышмө, а оз уджав.

Недыр мысти воссис корсьысьяслы дзоньнас кварц визьөбыс, виджадөн сійө пырис муас. И быттёо аслыспөлөс югыд дзоридз розьяс, чукөрөн-чукөрөн чурвидзалісны кристальясыс. А пыдіас сэн код төдас на мый гырсяось да мыйта. Өд бура ыджыд визьөб, жила — геологьяс ногөн кө.

Шудаось, съөкыд ногьяось локтісны Чуистова да Есев воньяныс. И бара пуисны кынь коляссө. И сөйсис кыкнанныслөн, эз кезйөдлы мыйлакө нөоти. А мый аски пуасны, весиг эз и думайтсьы.

Весиг сюрөмтор йывсьыс эз сёрнитсьы. Сідз өд тай и овлө: кор шогыд бырө, личалан быгтё мортыд, кокни сёлөм вылад.

— А тэ мыйкө... Ия Михайловна!— аслас мешөкө узьмөд-чигөн кутшөмкө выль сёрни паніс Есев.

— Мый ме?

— Час, висьтала на. Вот абу ме тэныд пара, ачым төда, а эськө...

— Паравд өд, Ваня.,— эз нин Иванушкоөн шусьы өні Чуистовалөн.— Мед лөсялан-а.

— А ме институттө помала на. Вот аддзылан.

— И бур.

— Но тэ эн лөгась, мый ме эськөася, но?— зэв сёлөмсяньыс, зонка моз яндысян гөлөсөн корис Есев да, кылө, ышловзис.

— Ог,— небыда вочавидзис Чуистова. Быгтё тайөн и помаис сёрниыс, а кыкнанныс на тавой зэв дыр эз унмовсьны.

Аскинас сёрөн нин и садьмисны. Петісны вонсьыс, а бывлаыс дзик мөд төрыгтя серти: шондіа, лөнь, выль мыськөм веж. Сөмын ты шөрын уялысь юсь котыр төрыгтясьыс кольөма. Да Чомья мусюрыс да ляк баддьөсь тундраыс.

ЛОКТАН СУБӨТАӨ

1

Косіндзи, ёсь ныр-вома да ичөтик пыді сингьяса тайө нывкаыс. Сөмын кокъясыс буретша кызөсь да веськыдөсь, оз лётъявны мукөдыслөн моз пимиясыс ни оз пыкны вывті зэлыдысла кок пөкьяссө.

Томов да сійө, кыкөн и лоины мунысьясыс, сэсся некод эз пет поднад, бөр разөдчалісны.

Кар серти кө, ва сайын тайө посёлокыс. Кылөдчысьяс тани олөны. Гожөмнас теплоходөн йөзыс ветлөдлөны, а төвнас, туй сувтөм бөрас, автобус вольвлө, некымын рейс вөчлө.

Виччысисны и талун автобуссө, но эз лок. Да оз пө и волы сэсся, оз кө выльысь чорыда кынмавлы. Кык зон, татчөс уджалысьяс, подөн жө нин карсьыс локтісны, да найө висьталісны.

Збыльысь, Эжваыс со уналаті нин лөз, бырөдалөма. Öд тулыс пуксьө.

Дерт, эськө арнас содтөд кынгылісны йисө вуджаланінгтыс, да өд рөшкаммө кузятө ульсалігад. А вежон сайө нин нальпак лым

шлапкис, шамыртан киад, да сёй комөкөдз чорзё. Татшөм лымйыс сёйö жö йитö.

И со кык морт и ыштисны подөн петны. Туйыс Эжва пöлөныс нуөдö, видзяс да вөр дяс вомөн, сөмын карас воигөн нин чукыльтö ю вылас.

Водзджыксö Томов öтнас вөрзэыліс, сэсса кыйкнитліс бөрвыв да казяліс, мый вöтчысь эм. Сэки ньöжмөдыштліс, мед суөдас вöтчысьыс: кыкнад öд гажаджык. Вöлөмкө, нывка. И тöдтөм нöшта.

Орччаасьыштис нывкаыс да падмыліс, быттö рөдтысь вөв мыйысь ли мыйыськө повзис.

— Эн пов, — öлөдана шуис Томов. — Али пановтан?

— Ог, — муртса шуыштис нывка.

— Но и öтлаын, сідзкө. Он кө быттö сэтшөма тэрмась?

— Тэрмась.

— Али, но... свидание вылө тай, — серөктыштис Томов.

— Ме бара ог, — зэв сьöлөмсяныыс вочавидзис нывка. — Ме карас ола да. Велөдча сәни педучилищевын. Татчö практика вылө волі.

— А мый сэсса либö сэтшөма тэрмасьн? Талун öд выходнöй.

— Мед. Репетиция миян.

— А-а, — пыдди пуктана помаліс Томов да öдзöдыштис восьлассö.

2

Төвнас тайö посёлокас оз жö весь овны: дзоньталöны техника, вөчöны выль бонаяс, пуръясьöны — дасьтöны гырысь пурьяс, мед тулыснас, ыджыд ванас, позис кылөдны сэсса. Вөрсö асьныс жö лэдзöны, кыскöны ылыс ягысь татчö, посёлок катыдас, паськыд лыа вылө, кытi быд во босьтлө ытваыс.

Колян тулыссяныыс нин Томов уджалö тані. Водзджыксö, Ленинградсь лесотехнической академия помалөм бöрын, сійөс кольөдлісны карö, научнöй институтö.

Томов сэтчö эз öшйы, а стöчджыка кө шуны — эз и öшйөдчы.

Институтас сійөс индісны группаö, кодi лосьöдіс сідз шусяна агрегатнöй машинаяс.

Эскөмпырысь, мый тайö збыльысь выль да зэв коланатор вөр лэдзьясылы, босьтчис Томов, весиг асьяныыс удитис öтитор чуйдыны-петкөдны автомашинаыслысь акселераторсö тшөтш и ортсьö, кабина бокас, мед сөвтчигас шофёрыслы эз ков пыравны кабинаас, мед аддзөмөн, кор колö, вермис содгыны газсö.

Сэсса Томовӧс ыстісны командировкаӧ ӧти лесопунктӧ, кытысь элясяна письмӧ воис.

Вот сэні, лесопунктас и дзуртыштіс, кызд шуасны, Томовлӧн эс-кӧмыс.

Вӧр кыскалан МАЗ, сӧмын кабина мышкас лебѣдка да прице-пыслӧн веськыдладор стойкаяс помас ичӧтик блокъяс, кытысь трось-яс петӧны — со и став агрегатъс. Но ещӧ шуйгаладор стойкаясыс усянаӧсь, утыяс пыдди.

Медводз, мед МАЗ-ыс вермис пырны вӧрас, колӧ сылы туй пискӧдны. Сэсса колӧ пӧрӧдны пуяссӧ да чокеруйтны. Сэсса колӧ матыстны машина дорӧдзыс да лэптыны прицеп вылас.

Артмӧм мырьясас крукасяліг, подув понӧльсӧ ныриг-варкӧдіг, локтӧ жӧ нӧйжӧйник хлыст чукӧрыд. И бур, оз кӧ ор некоднан тросьыс.

А сӧвтчан, да петны колӧ. Эралӧ МАЗ-лӧн моторыс, став тук-таыс матігӧгорсьыс гылалӧ, а машинаыд оз и думайт вӧрзыны. Сэки домасьӧны троснас водзынджык сулалысь кызджык пуӧ да кыскысьӧны лебѣдка отсӧгӧн. Пӧрӧдлыны быдӧн машинатӧ заво-дитлас, лымъяс суйны ли.

Жаявтӧдзыс лӧӧ войтырыслы, кор бӧр петасны трасса вылас. А луныс, видзӧдан да, кольӧма нин.

Тіськӧ кымын рейс МАЗ-ыс вермас вӧчны, а тадзтӧ сӧмын ӧтиӧс, а то и нӧйтиӧс, жугалӧ ли орӧ кӧ кыткӧ.

Та йылысь Томов и гараліс, кор воис лесопунктсьыс, а сэсса, бӧръяпом, кывкӧрталіс, мый эновтчыны колӧ татшӧм агрегатъ-ясыс, мый абу налӧн аскиыс.

— А кодлӧн тэ ногӧн аскиыс? — дӧзмӧмсӧ дзебыштӧмӧн, но дойдана юаліс группанас веськӧдлысьыс.

— Челюстной погрузчикъяслӧн, — вочавидзис Томов. — Босытіс хлыст чукӧртӧ, лэптис и пуктіс, кытчӧ колӧ.

— Но, но, — дольыштіс веськӧдлысьыс. — Ог паныд сувтӧй, мӧд удж вылӧ кӧ думныд босытас...

3

Томовӧс шӧйӧвоштіс эз институтсьыс мунӧмыс, а сійӧ, кызди Валентина та вылӧ видзӧдлас. Мый дыра нин найӧ тӧдсаӧсь, а Томов оз на тӧд, кутшӧм сылӧн збыль этшыс.

Олан керка институтыслы лэптисны. Эз на эськӧ дась вӧв кер-каыс, но квартираяссӧ юклісны нин и Томовлы вичмӧдісны жӧ улыс судтасьыс, кык вежӧсаӧс на: водзвыв артыштісны, мый оз дыр ӧтнас ло.

Томовлөн командировкао ветлытөдз на Валентинакөд найо пы-
ралисны видзөдлыны квартирасо. Некрытчо на тувчыны сәни вөлі,
он кө ляскөсьыны көсьы, а Валентиналөн нимкодъысла ыджды-
лисны нин синъясыс. Кокъяссө шонтигмос сийо йөктышталіс бе-
тонной джодж вылын да гарыштіс Томовлы:

— Метөг нинөм эн ньоб! Мый оз ковсө тэ ньобан, мед өдйөджык
тыртны, а сәсся мөдысь шыблавны ковмас. Абу на тэнад олан
көрыс!

Гөгөрвотөм вөлі Томовлы татшөм шуасьөмыс, быттьөкө оз
гөтрасьны да өтвылысь сәсся ньобасьны. Тайо гөгөрвотөмсьыс и
полөмыс сәсся чужис: гашкө, оз на и көсьы Валентина петны сы
сайо и шуас нөшта, мый синнас оз вермы адззыны квартирасо
тайос и асьсө Томовос. Нинөм сылысь он босьт...

Төдмасисны найо столовойын. Водзвылас Валяыс лөсяліс: лөста-
лана, бура мыськөм пемыдвеж юрсиа, муртса гурана балябөжа,
восьтыштөм юрийла ковтаа, мича пельпомъяссө тыдөдыштөма,
пөдлаалөм пач дорысь моз шоныдөн сысянь өвтыштө. И тупльос
ачыс дзоньнас, весиг кикарыс юрлөс кодь небыд да зэлыд видзөд-
нысө. И бергөдчыштлө ачыс Томовлань, луп-лап вөчлас сук син
лысьяснас, а вом пельөсас нюмтор чепсасьө.

Ышман ру сэки босьтліс Томовос, пөльыштіс нывлы балябөжас,
а сийө эз лөгась, йөжгыльтчыштліс да пыльсмуні, сәсся бергөдчис да
тірөдыштіс чуньнас.

Өти пызан сайо лөсялісны пуксьынысө. Ныв адззис Томов
водзысь сола өгурцы чөланьяс, исьыштіс да чөскыда көрліс нырсө:

— Ог вермы видзөдны, көть киён босьта өти чөлан.

— А ме, час, вая мөд порция.

— Эной, оз ков.

— Но татысь босьтөй, — вөзийис Томов.

— Ог, мөдысь.

— Мыйла нө мөдысь, кор өні позьө?

— Сөйөй, кодзалас шыдныд, — коса вочавидзис ныв.

Век сәсся тадзи Валентина мөдлаө кежөдліс сөрнисө, эз кө көсьы
веськыда вочавидзны. И выльысь юавны сылысь эз позь: скөрмыліс
либө пельтөмө уськөдчыліс. А өтчыд сәсся и өлөдіс Томовос: «Куж
асьтө кутны, эн менө торшөдлы, ог кө дзык пыр шыась».

Сөмын во джын мысти төдмаліс Томов, мый Валентина висьөдчө
муснас и оз позь сылы соласө сөйны.

— А мый нө эськө чөв олін сэки, мый оз позь тэныд соласө? —
юаліс Томов. — Яндысин на мөысь?

— Эг, — вочавидзис Валентина. — Ме чайті, мый тэ кевмысь-
ны кутан и ме быть видла.

— Мед топөдіс сәсса дойыс?

— Абу нин медводдзасысь!

Вот и гөгөрво сәсса вөлі Томовлы, мыйся морт Валентинаыс. Сэтшөм нин йөйөн Томов асысө эз жө лыдды, зильліс вежөртны, мый кыв сайөдас, и йөзыскөд сёрнитігөн сылы эз ков няклявны мөвптө, а Валентинакөд синтөм гутйө быттьөкө пөрліс.

Шуам, вошлас быттьөкө Валентинаыс, вежонысь дырджык оз звөнитлы и ачыс оз лок телефон дінас, Томов кө сылы удж вылас звөнитас. А сәсса, кор нин Томов вийяс бур пөт, триньөбтас орча пызан вылас телефоныс, босьтас кодкө трубкасө и мыччас Томовлы: тәнө пө.

— Бур лун, Митя!— кань моз кургыштас Валентина,

— Бур лун. А мый эськө?..— и тшөкмунас Томов.

— А ме лөгасылі тэ вылө.

— Мыйыськө?

— Дыш нин өні висьтавысө, да и нинөмла.

— Кыдзи нинөмла? Ме эськө мөдысь кужи нин, кыз шуасны.

А воддзасыс извинитчи.

— Бөрад мый нин сійө! Тарыт аддзысьлам?

— Дерт, но.

Томовлы чайтсис, мый Валентиналы ньөти абу дона налөн лөсялөмыс. Сійө вочасөн сетчис и сетчис, ньөти нин пөшти эз лыддысь аснас, а Валентинасянь эз тыдав сетчыштөмыс, сөмын асысө төдіс и ставыс.

Томов вермис лунтыр шөйтны Валентина бөрся, быд магазинө пыравны да виччысьны, кор сійө кытшовтас, көть эськө нинөм оз и ньөб; вермис лунтыр сөйтөг овны, шуліс кө Валентина, мый оз на сюмав сылөн кынөмыс, вермис войбыд не куньлыны синсө, би видзны, кор Валентинакөд ветлісны войколөн кар сайө.

Мый кызкө мөд ног позьө, Томовлы юрас весиг эз воы: радейтан кө мортсө, дерт нин, кивыв сылы мунан. А Валентина либө эз радейт сійөс, либө эз пыдди пукты, мый яй сьөлөм жө сылөн, Томовлөн.

Гажөдчан рыт шуисны вөчны институтас, и Валентина көсийыс бытть воыны. Та бөрын Томов эз нин лысьт пыксьыны ёртгяс водзас, көсийысис налы, мый петкөдлас гөтырпусө. А воис рытыс, и Валентиналөн вожаліс кывйыс:

— Ме талун мудз, шома чужөма, и гажтө сөмын тьяналысь торка.

Му пырыс көть мун вөлі Томовлы ёртгяс водзас яндзимысла, бурөн и скөралөмөн видліс сійө венны Валентинаос, но нинөм эз артмы.

— Өвссы, Митя!— вомалис сійӧс Валентина.— Но муна ме сэтчӧ тэкӧд, мырдӧн муна, кодлы бурьыс? Венӧмнад шедӧдӧм шудыд, Митя, чегӧм вож кодь! Гӧгӧрво тӧ тайӧс.

Ӑткаӧн ли бӧрря кагаӧн чайтӧс Томов Валентинаӧс. Сэтшӧм кагаястӧ векджык чеченитӧны, паныда кыв оз шулыны ай-мамыс, вот сӧсся найӧ и вельмӧны.

Но и танӧ Томов сорассис. Мамыс Валентиналӧн уборщицаӧн вӧлӧма, а батыс котельнӧйын пыр на уджалӧ. Кор мамыс висьмӧма да инвалидносьт вьлӧ петӧма, Валентиналы ковмӧма эновтны медучилище да курсъяс вьлӧ вуджны, медым ӧдйӧджык медсестраӧн лоны. Лышкыда быдмӧмсӧ Валентина абу тӧдлӧма.

Аслас удж йылысь Валентина гежӧда висьтасьлис и то на пычкылис быттьӧкӧ кывъяссӧ. Юавлис кӧ Томов, мый нин сійӧ талун вӧчис, вочавидзлис векджык ӧтмоза:

— Дежуритӧ, мый сӧсся.

Коркӧ тӧвнас, чизыр тӧла рытӧ, мунӧны вӧли найӧ кино вьлӧ, и ыджыд да ӧн пӧль паныдасис, банйӧм чужӧма, ноп да бедь кӧ сетан, Мороз-дедӧн и позьӧ чайтны. Сійӧ пӧрчылис Валентина водзын шапкасӧ да улӧдз копытчылис, весиг ветлысь-мунысьыс чуймылис, кодӧ матын лӧсялис.

— Мыйысь нин тӧныд сійӧ тадзсӧ?— юалис Томов, кор пӧльӧ ылыстчис.

— Ме ог тӧд.— серӧктыштӧс Валентина,— Миян терапевтическойын куйлис, сьӧлӧмыс вӧли топӧдӧма. Ме сӧмын укольяс сылы вӧчавли. Но, гашкӧ, эг дойдавлы, кор сӧнас вӧчли.

Гортас Валентиналӧн вӧли плюшысь ӧбезьяна, гӧгӧр нин лысӧм да лӧтъялан ки-кока, лӧптан сійӧс, да сӧ розьӧд пилипызьыс сы пыгшкысь киссьӧ. Сестраас велӧдчигӧн Валентина нульвлӧма сійӧс сьӧрсьыс, и налӧн группаса нывъяс медводдза практикасӧ сы вылын и босьтӧмаӧсь, розьӧдлӧмаӧсь быд пӧлӧс емнас.

Сӧсся, буракӧ, нинӧм эз и тӧдмав Томов Валентиналӧн удж йылысь.

И пыдди эськӧ пуктӧс тайӧс Томов, тадзи жӧ кӧ Валентина чӧв олис коркӧя верӧс сайӧ петавлӧм йывсьыс. Но Валентина, мӧдарӧ, колӧ и оз ков казъывлис, мый абу нин сылы вьльтор гӧтырӧн лӧомыд. Весиг дузгысьлӧмсӧ Томовлысь быттьӧкӧ эз казявлы.

Коркӧ ас пӧжалӧм печеннӧӧн гӧститӧдис Томовӧс.

— Чӧскыд ӧд?— юалис сӧсся.

— Чӧскыд,— вочавидзис Томов, лӧкӧс эз и виччысь.— Аттьӧ.

— Менам вӧвлӧм ӧнькалы аттьӧсӧ висьтав,— кайтӧс Валентина.— Сійӧ менӧ велӧдис татшӧм чӧскыдасӧ пӧжасьны.

Вӧвлӧм верӧсыс Валентиналӧн, врач, уджалис ськӧд ӧти боль-

ничаын, өти отделениеын на, буракö. Сідзкö, быд лун аддзысьлöны, сёрниö волöны. И быть морт ногөн сёрнит налы öтлаад уджалігөн. Томов эськö тадзи эз вермы.

— Абу öмöй мустöм быд лунсö сійöс аддзывны? — юалис Томов.

— А мый сэн мустöмыс! — вочаалис Валентина. — Абу нин сэтшöм лөк морт сійö, кевмысьö на, мед бөр ме сы дінö локті.

— А мыйла нö эськö торйöдчинныд?

— Йöй на вöлі, Митя, кывзысьысь. Воманыс энъкалы да верöсöйлы и видзöді. А найö сэсса практикуйтчыны кутісны ме вылын, кызди этайö öбезьяна вылас. Сöмын пилипызь меысь киссис!

Жаль вöлі Томовлы Валентинаыс, и вежавидзис Томов сы водзын, и полöмыс эз быравлы, мый асөн öта-мöдыслы, гашкö, некор оз и лолыны. Нöштга нин шöйöвоштіс Томовöс, мый тадзи, вöлөмкö, овлö: радейтана мортыс, кыскö сы дінö, и сэки жö лöгыд сы вылö петавлö.

«Овмöдчыны кö öтлаö, — мөвпалис Томов, — öнісянн нин колö киö босьтны налы асьнысö, керка пельöсö пуктан керйöс моз тшупны этшнысö, лöсьöдчыны öта-мöд дінас. А лöсьöдча сöмын ме. А Валентина нöти оз кöсйы вежсьыштны, оз весиг кöсйы дзескöдыштны мыйöнкö асьсö, бытбöккö öтнамлы меным муслуныс колö».

Сэсса Томовöс мöд пölös мөвп шымыртліс, мый, гашкö, тадзи и колö, мый югыд вежөрөн на, тöдöмысь, олö Валентинаыс, оз кö на костысь нинöм шыльöд да мольöд. Збыль муслунтö, гашкö, оз и ков видзны, мед ачыс асьсö сійö видзö, ыджыд төвныр моз некытчö оз йөрмы. А абу кö збыль муслун, то нинöм и сыысь, бурджык нин öні мыйдакö песны сьölөмтö нэмтö сэсса мучитчöм дорысь.

«Но öд, — эз на инасылы Томов, — абу жö ме дзик веськодэ сылы, оз жö сöмын кадсö мекöд сійö колляв и меысь на ёнджыка, колөкö, песö сьölөмсö. Öд и ме ас чайтöм серти аддза водзысь бурсö, ог артыштлы, мый сылы, гашкö, и абу сьölөмвыив татшöм бурыс. А Валентина полö менö воштыны да оз лысьт веськыдасö шуны та йылысь...»

Вөрö моз ылавліс Томов аслас мөвпалөмгьясас. И кутшöм öдйö восьыліс сылы югыдыс, кор Валентина овліс сыкөд восьса да мелі. Восьлалöны, шум, кытчөкö, весигтö кутчысьтөг, и друг Валентина топöдчас сы дінö, сувтас паныдөн, и кок ув мусö Томов дугдылас кывны, лэбзыны поңдылас сингьяснас Валентиналөн сингьясөн.

Сöмын тай гежöда овліс Валентина татшöм восьса да мелі.

Сійö луннас, кор Томов шуис мунны институтсыс, Валентина вöлі нбöбма билетгьяс драмтеатрö. Эз эськö Томовöс кыскы тарыт

сэтчө, кыркөтшө гы моз нөйтчис сьөлөмыс, но Томов ветліс да лючки-бура видзөдіс спектакльсө, Валентина нинөм ээ и казав.

Пырыни нин вөлі көйсө Валентина гортас, вөлісь Томов висьталіс сылы, мый лои леспромхозас, а сэссия институтас.

— Муна главнөй механикөн кылөдчысьяс динө! — помаліс Томов. А сэссия повзис да юаліс: — Али ог?

— Мыйла он?! — чуймис Валентина. — Мунны и колө, асьтө кө мортө пуктан.

— А тэ эськө... мунін мекөд?

— Тэрмась, игналасны общежитиетө, игөдчыны ковмас.

— Тэ меным вочавидз, а эн йөйтөдлы, — скөрмис Томов.

— Ми тэнө видлыны волам мамөкөд. Тшак вотігмоз, — вочавидзис Валентина.

4

Главнөй механикыдлы, кор өні выльысь-вьель техника воө, төждысьөмыд вичмө. Но Томов ээ сетчы котралөмас, мөд ног зиліс мынтөдчыны быдлаө чукөстөмсьяс.

Шуам, кутшөмкө вьель механизм уджыштас и торксьө, кыткө-мыйкө нелючки на сылөн. Йөзыс элясьөны, а вомаджыкъяс и кывтө на оз бөрйыны. Позьбө воыны да отсавны лөсьөдны механизмсө. И аттө висьталасны. А сэссия бара нин звөнитөны ли ачыс механизаторыс локтас: бөр пө сувтис тиян тайө техниканыд.

Некытчө Томовлы воштысьнысө, быть бара ветлы да отсав. И йөз син водзас сэк содтөд лыбыштан: оз пө нюжмась, сьөдасьөмыс оз пов ни, быдлаө ачыс кинас пырө.

Тадзи водзджыксьө Томов и вөчліс, а сэссия мөвпыштис, мый тадтө ноксьөм-котралөмыд некор оз помасьлы. Усины төд вылас и академияса өти профессорлөн кывъясыс: «Руки инженера — это продолжение его головы».

Та бөрын Томов ээ нин бурасьлы торксялысь механизмсө талун кежлө лөсьөдыштөм вьөл, пуксьыліс кабинетас да думсьяс дзоньнас разьліс механизмсө, а бөрсө тэчигас карандашөн нин аслыс отсасис. Аски асьвинас, а то и сийө жө рыгас, удитліс кө мөвпсө чертөждз вайөдны, тэрмасьліс нин мастеркөйө. И вежлалыштөм, бурмөдөм механизмыс сэссия ээ нин личкы лов вылас.

А татшөм босьтчөмыс водзө вьөлө ызйөдіс Томовөс. Окота лои ас вежөрнас мыйкө лөсьөдны, дзик на вьельөс. Думьштис бона вөчан станок, коді нарвиалө топөдөм керьяссө.

Эз, дерт, ӧтчӱд кӧсӱылӧмӧн, уна рытӧн, а век жӧ артмис станокыс.

И выльысь Томов могмис институтас, кытысь мунліс: ӧд коліс вынсьӧдны станоксӧ.

Кодсюрӧ, кодъяслы медся парскис сълӧн коркӧя шуасьӧмыс, пондылісны омӧльтны сылысь думыштӧмторсӧ, но станокыс уджаліс нин, план сетіс, и быть ковмис сӱӧс вынсьӧдны.

Институтса директорыс, ачыс сяммысь инженер, бӧр корис Томовӧс вуджны на дӱнӧ, квартира карсьыс судзӧдны кӧсӱысис и, но Томов сылы эз на дзык пыр кӧсӱысь. И нӧти эз ыкша понда, а сы понда, мый производство дӱнас матын колӧ на сылы олыштны.

Артыштӧмӧн татшӧм воча кывӱыс Томовлӧн петіс. Ӧд эз кӧ, шуам, аддзыв, кутшӧм сьӧкыд выль бонасӧ вӧчны, мыйта вын да кад мунӧ сэтчӧ, эськӧ, гашкӧ, и юрас эз волы ӧнія станокыс.

5

Мунӧ вӧлі Томов бона кузя, тэрмасьӧ пажнайтны, и видзӧдлысис сэки сълӧн вежӧдысь лӧньӧм ваӧ. Кӧнкӧ пыдын-пыдын шондӧ сэні ломаліс, вожа бӧжа чыкышгъяс визъялісны, бытгьӧкӧ черияс, вижӧн мичӧдӧм дӧра моз нюжаліс лыаысь кузь кыркӧтш, а сысянь, бытгьӧкӧ сыръяс, ӧшалісны сьӧктаммӧм да сукмӧм коръяса кыдз пуяс.

Чатӧртліс та бӧрын Томов юрсӧ, и весьтасас джуджыда дзирдалысь луныс петкӧдчис сылы вичко моз. Майыштчис таысь Томовлӧн сьӧлӧмыс, курыда кылыштгіс горшас: кымын татшӧм мича лун нин воштгіс сӱӧ, эз весигтӧ казавлы.

Томов пондыліс такӧдны асьсӧ, мый сӱӧ уджаліс, некор на сылы вӧлі нимкодясьны гоҗся ывланас, талун на бурпӧт ноксис (ваыс ӧна уси, воддза визулыс юлӧн быри, и ковмис содтӧн визувӧчангъяс сувтӧдавын), но сьӧлӧмыс эз бурмы.

Петіс Томов кыркӧтшӧ да нӧжӱӧник нин восьлаліс посёлклань. Видліс ылӧдлыны асьсӧ сӱӧн, мый унатор на сълӧн водзӧ ылӧ мӧвпыштӧма и кутас пукавын рыгтяснас да бара на мыйкӧ конструируйтас, но он тай, вӧлӧмкӧ, ылӧд асьтӧ, кор вӧрзбӧмыд нин тувсов йи моз...

— Митя!— друг кыліс Томов кыскӧ бӧрвысьыс. Сэтшӧм тӧдса, сэтшӧм колана вӧлі тайӧ чукӧстӧмыс, мый Томов лигъш-мунлі, кунгтыра сингъясӧн на и бергӧдчис. А кор восьтіс сингъяссӧ, Валентина сы водзын нин сулаліс: ловъя, нюмъялысь, сӧмын син гурангъясыс пемыдджыкӧсь, бытгьӧкӧ буретш сэтӧ гоҗӱӧдӧма тӧдӧмӧн.

— Валь, оз весиг эскыссы!— лыбзис Томов.

— А тэ эскы!— гарыштіс Валентина.— Ме жö тэныд көйысьлі видлыны волыны. Пукси теплоходö, и со тани. Аддзылі тэно пурьясянинсьыс, муртса эг горöд теплоходсянныс на... Но, кыз нин олан?

— Лун да вой. А тэ?

— Гажтöм, Митя. Тэтöг гажтöм.

— А мый нö эскö та дыра эн волы? И öтнад, а мамыдкöд көйысьлі...

— Мамöйд абу нин, Митя. Ми дзевим нин сійöс.

И воссис та бöрын Томовлы карö туйыс. Выходной эз кольлы, медым сійö эз котöртлы теплоход вылö. И быд пöрйö шоныдлун вайліс сылы Валентинакöд аддзысьлöмыс, коді сэсса вежон кежлö тырмыліс. Эз нин тыртöмөсь кажитчыны уджалан лунъясыс.

Но ылі водзыис руа на вöлі. Быттьöкө көнкө пос вылын аддзысьлісны найö, сэтшöм нин матысöсь öта-мöдыслы, а медся коланаторйыс шутöм на кольлі, и торйöдчылісны поссö вуджавтöг: öтиыс — öтарö, мöдыс — мöдарö.

— Но, локтан субöтаöдз?— юавліс Валентина кисö Томовлысь кыись мынтöдигмос, и Томов зонка моз, коді быттьöкө ворсны во-лывлö сы дінö, вочавидзліс:

— Локтан субöтаöдз.

А кадыс төлаліс, гылöдіс кызъяслысь коръяссö, чирсіс пожöмьяслысь пöрысьмöм лыссö, кымыныськө уськöдліс нин пуж, сэсса и ю вылын наридзöн петкöдчис.

Гашкө, медбөрья теплоход нин воліс посёлокö, и Томов мөвпышт-лытöг, кызди бöрсö локтас, лэччис сійöн карö.

— Валь, но колö жö мыйкө вöчны!— кевмысяна и öлөдана шуис Томов, муртса на аддзысисны да.— Локны колö коднымлыкö: меным карö ли тэныд ме дінö. Кызди тэ шуан, сідзи мед и лöö.

— Дерт, колö локны... меным ли тэныд,— вочавидзис Валентина.— Да вежсим öд ми тэкöд, Митя. Сюсьмим кыкнанным. И сьökыд миянлы лöö. Сы вöсна мый шогысла сюсьмим. А мед эськө радейтöмысь. Но радейтöмсö ми и вунöдлім.

Кодкө транзистора восьлаліс на дінті, триньякылісны «Маяклөн» позывнойясыс, поводдя йылысь кутіс висьтавны дикторыс, төдчöдіс: «...на севере Архангельской области и в Коми АССР ожидаются морозы до минус 10—15 градусов...»

— Но тэ жö эн мун сэки мекöд!— казтыліс Томов. Көдздөдөм йывсьыс юöрыс быттьöкө ньöрйыштіс сійöс.— Мунін кө...

— Муні кө...— вомаліс Валентина.— А кокни вöлі меным муннысö? Вот талун на висьсысьöс вайисны, кывйыс оз артмы, ин-

сулыт вёлёма, а оз сибёд мукөд сестрасё, менё ки пөвнас корё. Чайтан, веськодь меным татшөмторйыс? А мамё висис, быдсяма лекарствоыс вёлі сылы колё. Кымынысь ковмис шыёдчывны вёвлөм верёсой динё. А сийё водзёс корё...

— Кутшөм водзёс?

— Мед ме бөр локті сы динё. И батыё юышталіс. Öні ещö кутіс... мамё кулөм бөрын. Эновт жö сийёс, мед дзыкөдз юсьö?

— А мый эськө сэки ставсö тайёс тадзи эн висьтав? Ме эськө эг и мун некытчö карсьыс. И квартира нин эськө вёлі!— дөжнасис Томов.

— Жалиті ме тэнö, Митя,— вочавидзис Валентина.— Тэ осьса морт, юрнад уджалысь, и ме эг кёсийы, мед тэ миян понда асьтö тшыкөдін. Öд кольччин кö тэ сэки институтад, тэныд ланьтöдны асьтö ковмис.

— Атгыё, Валя. Татшөмнас ме тэнö эг на тöдлы. И öні ме тэысь ог нин эновтчы.

— Ачыд тöдан.

— Но тэ кёсьян, мед эг эновтчы?

— Ме кёсийылі, Митя.

6

Туйыс небзьёма, нöгыльбөсьёма колеяясас лымйыс. Кок ныр-вывджык лоё осьлавны, водзлань сетчыштөмөн, бытгыё ыджыд тöv паныд.

Томов эз на кыв мудзөмсö, сөмын пöсялыштіс, а нывка, кыйк-нитліс сылань да, калькөдөм вомөн нин вөтчис, вот-вот тырас лолыс. Ньöжмөдыштіс Томов.

— Асьныд на ті свидание вылө тэрмасынныд!— гажаа шуис сэки нывка.

— Ог, ме удж кузя,— ылөдліс Томов.

— Öтнам öд воа,— дольыштіс нывка.— А то манита, гашкө, тиянөс?

— Он,— вочавидзис Томов.— Удита на. А тэ мудзин нин, буракö?

— Эг на сэтшөма.

— А йөктыны кö ковмас? Репетиция вылө тай шуан?

— Мед, он петкөдлы мудзтö дай,— төдчөдыштөмөн висьталіс нывка.

— Хы,— юрсö дорөвтлөмөн, но донъялана серөктыштіс То-

мов. Сылы окота лои сёрнитодыштны тайё збоялысь нывкасё. —
А кутшом курсың нин сэн, педучилищеас?

— Нельодын. Помала таво.

— И кытчө сэсья?

— Кытчө ыстасны. Ог на төдөй.

— А ылө кө кытчөкө?

— Мед, сы ылө и велөдчам, — вочавидзис нывка.

— А ылад гажтөм лоё кар бөрад?! — нарошнө дэлыдыштис

Томов.

— Мед, велала. Ме өд сиктысь жё сідзсё.

— Гортад и вөзйысь.

— Ог бара-й, — быгтё ыстоны нин, пыксыйштис нывка. —

Гортад ме Зоян и коля, а йөзас муна да ставыслы Зоя Павловна
лоа. Вот. А учительницаыдлы колө, мед первойсяныыс сылы эс-
кисны. Челядьыс и бать-мамыс. И мед пыдди пуктисны, мед некод
эз лысыт дзайгыны бурджык оцёнка. А гортад сэни... кодй вежань,
кодй ичинь, кодй воча вок... Ог бара-й. Гашкө, бөрынджык-а, йөзас
уджышта да.

— Йөзад өд оз жё кокныдджык ло. Да кытчө на и веськалан?

Гашкө, мусюр йылас, — кайтыштис Томов.

— Мед. Быдлаын колө челядьсё бура велөдны, мед нинөмөн эз
сетчыны карсаыслы. А мый ти менө повзёбдланныд?

— Ог повзёбды.

— А миян мукөд нылыс верөс сайё нин уськөдчисны, — эскө-
дана скөральштис нывка. — Дзик карө кольчөм понда. И менө
пондылысны өтикөд төдмөдны, кутшөмкө пөдөм ныракөд. А ме
видзөдны ог вермы, кор нырыс кодлөнкө тырөма. Менө кезйөдлө
сэки. Пышйи ме өдийдджык.

— А мича зон кө вөли? — мудера юалис Томов.

— Мед, — пыр жё вочавидзис Зоя. — Ме нарошнө көсья, мед
ог карө коль. Эськө позьё да. Отличницаыдлы.

— А мыйла нарошносө?

— Висьталй нин. Мися тай, быдлаын колө челядьсё бура велөд-
ны. Мый нө, абу сідз?

— Сідз, — нюмъялөмөн сюртчис Томов.

Мыйкө дыра сэсья чөв восьмалысны, некоднанныс эз өдзөдчывны.
Томов казаялис, мый оз и гэрмассы весиг, быгтё ветлөдыштны
петис тайё косіник, дзирөс восьласа Зояыскөд.

Ю ылын йыыс ылысянь видзөдсис чорыдөн на, сөмын на
лөзөдыштны кутөмаөн, но кор Томов да Зоя лэчисны кырийөд ю
дорө, найө аддзисны сөнікөсьсөм дызгун ва туй ворга кузьяласыс.

Кодъяскө подөн вуджөмаось туй пөлоньы, и кок туйяса сук съод ва жө лайкьяліс. Юыс быттөкө лолаліс.

Да и йи эрдыс эз нин вөв шыльыд, а потасьяса да муткырөсь. Кыліс ратшкөдчөм да зыртласьөм. Но Томов мыйлако ньөти эз повзбы таысь. Сійө вежөртіс, мый оз нин позь вуджны юсө, и таысь сылы лои гажаджык. Збоялан ру быттөкө кодзөдіс сійөс, пөсьөдіс да коньөдіс вир-яйсө.

Төдөмысь, овлө мортыдлөн, кор сійө оз төд садьсө, вунөдчылө, сетчө аслас өти здукся колөмыслы. Но Томов өні эз вунөдчы, веситө артыштис, мый некодлы оз ков сылөн тайө збоялөмыс, Валентинаыс жө и йөйөн шуас, волас кө сы дінө ловйөн, а кутны асьсө, косны посёлокө эз нин вермы.

— Зоя Павловна, — шмонитөмөн шыясис Томов ныв дінө, — вуджсьөма нин миянлы. Оз позь, аддзанныд?

— Ой, да менө жө виччысьөны! И мый ме тан выходнөйсө кута вөчны?

— Клубө ветланныд. Ме вола жө. Танцуйтны менө велөданныд, а то эг и велаवлы.

— Колө вот сөрны! — дузгысьліс Зоя. — А, гашкө, видлам?

— Видла ме тэныд! — скөрмөдчис Томов. — А, ноко, марш татысь!

— А ті?

— А ме коса жө. Ме кылөдчысь, Зоя Павловна. Мерайта вот, өдйө-ө содө ваыс, и бөр гортө.

Томов ветлөдлыштис ю дорөсөд, аддзис эновтөм багыр вороп, локтис туй дінө да зутшкис багыр воропсө сөнікөсь ваө.

Недыр мысти Томов бергөдчыліс. Ныв вөлі кыр йылын нин, өвтчис сылы кинас. Томов өвтчыштис воча. Дзик нинөмла, мед Зоя Павловнаыс тшөтш суйсис татчө. Воас на кадыс, кор и сылы, гашкө, ковмас быть кодөскө аддзөдлыны да би пыр ли ва пыр локны. Вот сэки мед и тэрмасьө, нинөмөн оз артась, и зэв инаөн лоө сэки сылөн повтөмлуныс.

Томов вашьяліс. Сійө мөвпыштис, мый во сайын кө тадзи жө лои, эз эськө ышты вуджны юсө и ньөти родлытөг висьталіс эськө бөрыннас Валентиналы, мыйла эз вермы вольны. А өні вуджас, и оз сэтшөма Валентина понда, кутшөма ас пондаыс. Аслыс өні Томовлы шуштөм лоө сьблөм вылас, оз кө вудж.

Кутшөма вежсис Томов тайө онас! Өні сійө дась вензьяны Валентинакөд, мый унатор морттө сусьмөдө, тшөтш и шогыс да майшасьөмыс. И оз сөмын сусьмөд, а тшөтш и чорыдмөдө, повтөммөдө. Керка эськө люкалас өні Томов, ковмас кө быттө.

А юсө тайөс, дерт нин, вуджас. И локтас Валентина дінө да

нинӧм оз коль на костын «тпру ни нусьыс». Тырмас! Сэся бара кутас уджавны институтын, но оз нин сет асьсӧ йӧйтӧдлыны, да и аслас сылӧн лоӧны мӧвпгъяс, кодъяс чужисны техникалігас.

Гӧтыр на бур лоӧ сылӧн, уджнас и гортса шуднас!

Томов лэччис йи вылӧ. Чорыд на вӧлі кок улас йиыс, но сӧнікӧссьӧм лымйыс кодзыда сотыштӧс пидзӧсъяссӧ, ваӧн ыльӧбтис сапӧгъяс пытшкас.

А водзын ратшмуні, выль потас артмис, и дзирдыштӧс син ёрана шонді улас паськалысь ваыс.

Но и мед, эз падъявны татчӧ лок Томов.

КОНЬӦР

Ачыс коркӧ йӧйталіс Шулепов, ошйысис карын, корлісны удж кузяыс да, мый уна и ельдӧг вотис, а вотны кӧ на вӧлі, трактор додь тыр позис. И чуйдіс на сэтчӧ, мый колӧ эськӧ котыртны тшак вотӧмсӧ, могӧ тшӧтш пуктыны вӧр видзсысьясыслы коль ӧктӧм моз жӧ. Но кивыль эз и керлыны карас, мед котыртны тшак вотӧмсӧ, а вот ошйысьбӧмсӧ пель саяныс сюркнялӧмаӧсь, абу вунӧдӧмаӧсь. Локтан воас, август шӧрланьыс, и звӧнитліс нӧш юра Тутриновыс, юалис, петалӧма абу ельдӧгыс. И эз бергӧдчы кывйыс соссынытӧ, лои висътасыны. Сэсянь и пондісы вольвлыны Шулепов дінӧ карсаыс, быдсяма ыджыд веськӧдлысьыс. Дерт, эз тыртӧг волыны, сёянтӧ и юантӧ сьӧрсъыныс вайлісны, но ӧд аслад пызан вылӧ мыйкӧ и ассыныд на колӧ пуктыны, да и нокыс сюрліс.

И таво бытӧн воласны, мед сӧмын петалас ельдӧгыс. Звӧнитласны, да он ӧд шу: энӧ пӧ локтӧй, дӧзмӧма нин тиянысь. Вундасыны ветліс Шулепов, вӧр лэдзсысьяслы тӧв кежлас деянкаяс торйӧдавыны, вежон оліс вӧрас, ноппыс кушмытӧдз, и бӧрсӧ гортас локтігӧн тӧдӧмӧн кежаліс Пипуа шор дорӧ. Сэтӧн, топыд мусина яг сибӧдас, яла сора пемыдвиж нитш вылас, кытчӧ сука нин гылаӧма пожӧм пуяссысь резювыс да гартласьбӧма пув корнас, быд во, ен сыкӧдӧн, артмылӧ ельдӧгыс. И тайӧ пӧрйӧ мыччасьбӧма нин вӧлі, вӧрзёма чужнысӧ, эз на кӧтъ и сэтшӧма зэрлась. Войяснас востымасьліс нин енэжыс, асылӧдзыс сулаліс ыркыд сынӧдыс, да кыза нин усьлан лысваыс тӧдчылӧма нин, буракӧ, вӧр подйыслы. Сідзкӧ, лун-мӧд мысти позьӧ нин волыны вотчан могӧн, медтыкӧ сӧмын оз шондӧдлы вивті да лёльӧсӧ лэдз. Веж петӧмысь, мый син улас усьліс,

Шулепов өкталіс ельдөгсө, и геждыслөн кокъясыс веськавлісны виждөм пытшкөсаөсь да рөшкыдөсь, а юрыс быдөңлөн на вөлі еджыд чигъя да дзуртана ён.

Гортас Шулепов эз на удит личөдчыны нопсыс, гөтырыс паныдаліс посводзас да дыр и висьталіс:

— Звөнитлісны нин карсьыд. Ельдөгтө пө онө на вотйө?

— Мый нө шуин?

— Огө на, мися. Ачыс, мися, вундасыны муніс да эз на волы, талун кө оз. А мый нө, петалөма нин?

— Нырыс. Со тай өктышти,— личөдчис Шулепов.

— Бара сэтчө и локтасны,— тоткыштіс гөтырыс.

— Мед, оз на тэа-меаөс удзөдны.

— А бергавнысө на бөрся? Колөкө, кык вой на узясны да? Эштөма менам мукөд уджыс?

— Но и бергалыштан. Он на кок йывсьыд усь.

— А мый бурьыс?

— Коскыд вөньялыштас.

— Ланьт эськө! Бытгө ми такоскөйөсь налы!

— Дугды! Асьтө нин тэ дзерөдан. Мед вөлі...

— Мый?

— ...лючки сёрнитөма, локтасны да,— өлөдіс Шулепов.

Гөтырыс вирдыштіс сы вылө сингьяснас да ыштөкө тшетшійысьны на көйыліс, но сэсся ыкөстіс да эновтчана өвтыштіс кинас, велөдан пө сэн овны, ачыд он куж-а.

Рытнас, пывсян бөрас, телевизор нин вөлі видзөдө Шулепов, выльысь звөнитісны карсяныс. Оръяяна тэрыба триньгөмыс чепөйыны и тшөктөдіс, но чепасьнысө сійө и армияс эз велаवлы, да сөмын кывзысяна и лыбөдчис, лашиктіс телефон дінас, босьтіс трубкасө да горөдіс:

— Но, коді нө?

— Ме, Николай Степанович, ме! Тутринов! Эн төд али мый?— юаліс кост мысти, чолөмалөм, буракө, виччысис да.

— Төді.

— Ельдөгтө он на вот?

— Вайышти талун.

— Позьө волыны?

— Позьө.

— Но, атгө! А то гөсьт локтөма да нуөдлыны пө колө.

— Кодікө?

— Москваысь. Мед пальөдчыштө, озджык вунөд мөдысь Комисө. Могыд өд миянөс сулө жө.

— Волөй дай, сы пондаыд,— сюртчис Шулепов.

Аскинас и воисны «УАЗ»-өн. Нельөнөсь, шофёрсө арталомён. Өтнас москвасасы и вөлі Шулеповлы тодтөмыс. Киасисны да, Наумовөн сійө висътасис, Валерий Петровичөн. Чужом сертигыс кө, эз на вөв и арлыда, топыд ныр-вома, а вот сьылі водзыс ёся нин видзөдсис, лётъялан кучика. Вөраса уджсө, тыдалө, некор абу и тодлөма.

Вөрө и пондылісны нуөдчыны воөмаясыд, да Шулепов эз сетчы, сы вөсна мый рыгъявылө нин катовтис луныс и туйыс на падмөдіс, пемыдсө корсьны ветлөм и вермас сөмын лоны. Абу эськө ылын Пипуа шор дорөдзыс, верст көкъямыс и лоө, важ ногөн кө, да он өд асфальт вывті шуркнит, кымын няйт гуран сэн виччысьсө, сөмын вылысыс кенясьыштөма. Гашкө, петкөдлыны көсьис асьсө Наумовыс водзын, Тутриновыс видліс на торшөдлыны Шулеповөс, весиг бокө чукөстліс, но сійө эз веж кывсө, дөжныштис бөръя помыс, мед ставныс кывласны:

— Со керкаыс, пырөй!

Наумовыс медводз сэсса и шпыньмунліс да восьлаліс йөрас пыртөдан дзирьяланьыс. Сы бөрся и мукөдыс. Шаньөсь да варовөсь и пуксисны пызан саяс, быгтө сідзи и коліс. Медым оз ло горшасьөма дась вайөм вылас, өти доз Шулепов асьсыс лэптис жө да сэтысь водзпөрсө и кысталіс. Гөтырыс, өлөдөматө лои да, чушсө эз жө лэдзлы, а кор сылы Наумовыс импортной майтөг козыналіс, куим өти тубырас, мырпомла на пыраліс гөбөчас.

Эз өд мыйкө юкны пуксьыны, рытывбыд нылыд сөрни и нюжаліс, помысь помө катяна. Карсаясыс асьыныс нырвизьсө кутісны, медтыкө Наумовыслы лөсявны, а мөдыс төдіс жө садьсө, эз ыджыдась на ылын, бызгынысө на сетіс. Тутриновлөн тай калькавліс вомыс коддзөмысла-ө мый-ө, элясьны пондыліс, мый ёна нин жугөдісны Комисьяс вөрсө да коли нин эськө чинтыны пөрөдөмсө, но Наумовыс пыр и сетчис кывйө, да сэтчө и ланьтөдчис Тутриновыс. Тыдалө, эз на сэтшөма и дількъяв сөлөмыс вөрыс вөсна, майөг йылө пуксьылөм катша моз сідзикөн на и китшсьыштис. А Шулепов гежөда и шыасьліс, видзчысис да, мед оз шусьы мыйкө тодлытөг, парскас кодлыкө, да сэсса такөдчы сэн ли тшөтш дузьяв, кор локтө на сылы луныс, колө на нуөдлыны вотчынысө. Да эз нин и кыскы сійөс венас ни зыкас пырны, вөрыс понда и то нин шогыс быри, сэтшөм мөвпө нин воліс килькулөмысла: а мед и пасьйөны өдийөджык став лыска вөрсө да оз-ө энөвтчыны сө во кежлө, вылыс быдмытөдз.

Водавтөдзыс ыркөдчыны петалісны воөмаясыс кильчө вылас, сэсса мукөдыс пырисны, а Наумовыс сэтчө на коліс, и Шулепов видзөдлыны петіс, эз-ө сьөкыд ло мортсылы, колөкө да, сьөлөмсө

топөдіс. Но лючки сулаліс Наумовыс, чукрасьтөг, очсалигтырйи лолаліс чөсөдан ыркыд сынөдсө. Шешмунліс сәсся воча бергөд-чигмозыс:

— Вот, Николай Степанович, регыд трубопровод ковмас нюжөдны тасянь да Москваөдз.

— Мыйлакө?

— Сөстөм сынөдсө кыскыны.

— А мый нө, пөдны нин күтінныд?

— Да но. Век быттьө юрид көртөда.

— Некод өд эз тшөкты сы ыджда карсө вөчны.

— Содө жө йөзыс.

— Содас, дерт. Ракаыс тай сэтчө жө чукөрмө, кытысь сөйнысө сюрө,— кывберитіс Шулепов.

— Он өд вөтлав йөзсө.

— Асьныс муналасны.

— Кытчөкө?

— Кытөн олөмыс лоө. Карыд быдөнлы оз на и лөсяв. А вывті ыджыд карыд и асьсө на пагөдө. Вөрысь тай аддзывлан жө кодзувкоткарсө. Турун юр судта, а кулома нин.

— Да-а, тьянкөд унмыд оз босьт,— серөктыштіс Наумовыс, но эз бурпырысь.

— Ме абу сэтшөм.

— Кутшөм?

— Пинь кырлөс. Менө ачымөс нин гөтыр чиршөдлө, абу кө мыйкө сы ног. А ме өвси нин быдлаө суитчөмсьыс. Мед олөны, кызди кужөны. Сідзи тай со больгышті-а.

— Ме эськө ог шу, мый сідзи сөмын. Кодзувкоткар йывсьыд ме ог вунөд.

— А мый нө, оз лөсяв, пример вылө кө?

— Сійө и эм, мый лөсялө.

— А быттьө дөзмінныд да?

— Эг. Курзьөдіс и ставыс.

— Курыдтө өд курыдөн жө вөтлін дай,— шмонитөмө бергөдіс Шулепов.— Локтөй, пырамөй и эм, Валерий Петрович. Морт өти румканад миянлы буретш на и лоө. Узьсясджык и.

Но эз на вөрзья Наумовыс, кинас сөмын вөрөдыштіс, быттьөкө мыйкө тапкөдыштіс, да бергөдчыштіс Шулеповысь джынвыйө кымын. Мөдыслы эз ло лөсьыд виччысянасө сулавны да пырны нин и көсийліс, мөвпыштіс да, мый узьнысө өд вольсалөма тай сылы, коркө ачыс водас, гольнитіс кильчө өдзөс вугнас, и сәки вөлись шыасис Наумовыс:

— Энлөй, Николай Степанович, ме өгитор юала на тьянлысь.

- Юалӧй.
- Ме вот кӧн нин эг вӧвлы. И некодӧс ог кӧсйы омӧльтны. Быдӧн йӧз и быдӧнлы кызкӧ овны колӧ, сӧдз ӧд?
- Сӧдз, дерт.
- И быдлаын на, тадзи жӧ пукалан да, шыӧдчылісны ме дӧнӧ. Эз ме дӧнӧ торъя, а кызди Совминса уджалысь дӧнӧ. Тайӧс тӧ пӧ колӧ вӧчны да, сӧйӧс да. Этӧйӧн кӧ пӧ эськӧ отсалӧнныд да. Тӧ менӧ гӧгӧрвоаннӧд?
- Гӧгӧрвоа, мыйла ог.
- А мыйла тӧ чӧв оліннӧд?
- Этӧ жӧ чӧв олӧй. Тутриновыс нӧ эз шыасьлы?
- Сӧйӧ мода вылас. Чинтыны кӧ татысь вӧр пӧрӧдӧмтӧ, колӧ медвыліас зыркӧдчыны.
- Гашкӧ, и колӧ. Вӧрыс ӧд миянлы абу сӧмын вӧр. Мойдыс и гажыс на.
- Но вот. А тӧ кыв ни джын.
- Меным нинӧм нин оз ков пывсянысь ӧтдор, — вочавидзис Шулепов. — Пенсияӧдз кыска, и олас.
- Серам вылад и ме верма тадзи шуны. А ловъя мортыдлы быдтор на нимӧ.
- Инмӧ кӧтъ оз. Пыдди он пукты дай. Вӧрын тай увӧй ли кытчӧкӧ доймылан да водзӧ и мунан, матькыштан да.
- Олӧмыд ӧнджыка на дойдлӧ. Вирӧд на пузьылӧ.
- Но и мый? Кодкӧ и кывзас коньӧртӧ!
- Коньӧрас он и пуксы дай.
- А мый-ӧ нӧ? Губернаторӧ?
- Но... гражданиӧ! — шӧйӧвошліс Наумовыс. — Абу ӧд судитӧма тӧянӧс, мырддӧма правоястӧ.
- Судитӧм оз на ков, сӧдзи на тай коньӧралан.
- Мыйлакӧ?
- Гражданиннад мед лоны, колӧ ассъыд донтӧ тӧдны. А сы вылӧ аслад овмӧс ли кутшӧмкӧ сэтшӧм удж колӧ, мед донъясисны жӧ тӧкӧд. Мед «пошлитны» вермин, скӧрмин кӧ кодкӧ вылӧ. А коньӧрыдлӧн ки-кокыс сӧмын: корысь вӧлі, корысь и колӧ. Миян ставыс тан коньӧръяс. Сар дырйиыс асныраӧсджык вӧлӧмаӧсь, а му-видзӧн овлӧмаӧсь да.
- Артмӧ, и войтырыс коньӧр?
- Коньӧр, дерт. Бӧрйисьӧмыд ӧд петкӧдліс.
- Мый петкӧдліс?
- Но, быгтӧ уна пивысь нин ӧтиӧс бӧрйисны, а водзвыв нин вӧлі тӧдана, кодӧс бӧръясны. Кодсян мыйкӧ вичмыштас: туй ли,

шкала ли, төвар ли. Важ ордымсö на талялам да. А важ ордымыд сэтчö и вайöдас.

— Кытчö?

— Коньöрö жö мянöс пуктанныд да. Юалінныд тай, мыйла нинöм эгö корöй. А тайö нö олöм? Мый оз ковмы, ставсö колö дзайгыны. Важөн кодлыськö мыйкö водзöсавлыны и то вöлөм юр яндзим комиыдлы, а öнi...,— векыштчылис Шулепов.

— Аддзанныд, кызди тi сёрнитанныд? Коньöрыд тадзтö оз сёрнит, Николай Степанович.

— Письтылö öд тай öдöмыд.

— Но, пырамöй,— кватитчис быттьöкö Наумовыс.

Ыззём вывсьыс Шулепов кöсйылис на шуны сылы, мый Коми мусö нин корысьö воштiсны, да абу на Ен Москваыд, мед помалатö кевмысьны, но шутöм и коли. И морт öти румканас юöмыс эз артмы, пыккис Наумовыс да, а аслыд öд сöмын он кисьтышт.

Инасьтöм сёлöмөн и водiс Шулепов гөбöч вылас. Нистiс нин сэнi гöтырыс да эз и садьмыв сылөн тöрöдчöмысь. А сылы дыр на эз сибав унмыс, и косавлис кильчöвывса сёрниас. Сы серти кö, Наумовыс эз и венлась; то ли вежавидзис йöз ордад, то ли лыддис, мый оз сулав ськöд вензьынысö. Час, мый аскисö висьталас-а, тшак вотiгас? Гашкö дай, лыа чир моз сибдiс мыйкö пинь костас, кутшöмкö шуöм?

Войнас Шулепов вöтасис: быттьöкö вöли вөрö мунö, чера и нопья, и джуджыд мыльк дiнö воис, сöмын на лэптöмаöсь уль муысь, а мыльк пöкатсьыс зэв паськыд труба вом тыдалö. Сувтовкерис чуймöмысла, и кыськö сэк төв ныр лыбис да нөбöдны и кутiс сийöс веськыда труба вомас. Сувтсөн сэсся сэтчö и тöрис, но бөръя здукас шедiс кывйыс, да удитiс горöдны садьтөг повзьöмысла.

— Мый нö горзан?— тувкис гöтырыс гырddзанас.

— Вöтаси.

— Юан да öд...

— Юи тэныд!— дузгысьлис Шулепов. Ышловзис да пыркнитöмөн кокньöдiс юрсö. Но вöгыс быттьöкö вералис на син водзас, и йöжгыльтöдлис сийöс мөвпыштöмсьыс, мый ставсö нин нуöны Комисьыс да нöшта кö сынöдсö пондасны кыскыны и, вот и ов сэки.

Югдытöдзыс личкан унмыс эз и волы Шулеповлы: муртса ойбыртлас и бөр садьмö. Да и гöтырыс сэсся чеччис да кутiс ветлöдчыны, тшöктiс осьтыны юшкасö, и вальмасьнысö некытчö нин лои. А воöмаясыс пидiас узисны, да пызан саяд чуксавтöдзыс налы веськалис на асья муса унмыс. Сöмын Наумовсö и очсöдлыштiс на пиысь, мысьсöм бöрас на унзiялис.

Вӱрас кайӱмыс подӱнысь дырджык на лои, сы вӱсна мый тшӱтшамӱд йӱнӱдӱд нуӱдӱс важся вӱр кыскалан туйыс да кузяла ковмис сувтавлыны быд повзӱдчысь гураныс водзӱ, беддӱн и кокӱн видласыны, кодартысджык лыбас машинаыс. Да и вештасынысӱ сюрлӱс кольӱм восяныыс пӱрласьӱм шунпусыыс. Но и мед, бӱрсӱ оз нин ло сэтшӱм манлив.

Кор воисны Пипуа шор дорас, яг сибӱдас, да разӱдчышталисны вотчынысӱ, Наумовыс регыд мысти и матыстчис Шулепов дӱнӱ.

— Меным оз сюрава да. Кык на сӱмын.

— Кок уланыд видзӱдӱй. Ельдӱгыд ӱд абу гӱрд гоб. Со тай увӱг улас. Еджыдыс.

Сюрӱштгавны сӱсся, буракӱ, кутӱс, да ланьтлӱс Наумовыс, вотчан руыслы сетчылӱс, весигӱ вошласьлӱс пуяс саяс, сӱсся бурмыштӱс, тыдалӱ, сӱлӱмыс, и бара матыстчис Шулепов дӱнӱ да збодера шыасис:

— А вот, Николай Степанович... Ставсӱ пӱ колӱ дзайгыны, тӱрыт тӱ шуинныд!

— Шуи. А мӱдарӱ кӱ, Москваыд ӱд абу жӱ Ен помалатӱ кевмысьны. Енмыс, майбыр, абу на ӱдтортлӱма Коми мусӱ, быдторсӱ сетлӱма, а тӱ корысӱ воштӱнныд. Ме тай Москва тӱ мыжалала-а!— сюрис стрӱкаыс Шулеповлы да дольыштӱс тӱрыгтӱя кӱсийлӱмсӱ.

— А кызди тӱ вежӱртанныд Москва сӱ? Тӱрийӱн государство-сыыс?

— Ог, юр туйӱ.

— А оз кӱ кут локны вирыд юрад?— лыбзылыс Наумовыс аслас юалӱмысь.

— Киад ли кокад кӱ ӱд оз кут локны, инвалидӱ жӱ воан. Сэтчӱ тай и воис государствоыд, — ыкшаасьыштӱс водзӱссӱ Шулепов. — Видлы ӱнӱ чеччӱдныгӱ, он кӱ Сталин ногӱн!

— А, гашкӱ, и ковмас. Тшыгылы кулӱм дорысь. Ли он кӱ вузав ставсӱ — мусӱ и васӱ. Чайтанныд, нинӱм оз и вӱч правительствосыыс? Ме вот, ыджыд-ӱ морт сэтӱн, да во джын нин эг тӱдлы шойччан лунсӱ. Колянас на юр кольмытӱдз дӱтшвидзим. Дас вагон яӱ юклӱм. Сэтчӱ шулам да, эстчӱ да. Тайӱ нӱ мог эськӱ правительствосылӱн?

— Дугдӱсны йӱзыс уджавнысӱ да. Водз вӱлӱ йӱйыс жугӱдчӱ на, а ӱнӱ и йӱйыс быри. Вомыс унджык нин лои кысыыс. Вельмӱдӱс на сӱмын перестройкаыд, сӱсся нинӱм.

— Сийӱ и эм. Дисциплина йылысь сӱрнитам, а дисциплинаыд детскӱй садийӱ нин и коли.

— А мырдӱннад ӱд он жӱ уджӱд йӱзтӱ. Быд лун тай рынок висьталӱны, да кызкӱ сийӱн кӱ он ышӱд.

— А ті чайтанныд, ставыс и ыштасны? Мед выльысь революция оз вочны-а!— ыштөкө өлөдіс Наумовыс.

— Мый понда кө?

— Велөдөма нин лои йөзсө өти пөртыйысь сейны.

— Пөртгяд өд мыйкө колө на и пуктыны. А нинөм кө лөб?

— А эз нө вөв, кор вөлі... кодлы мый шуома, сійос и вөчө?

— Вольштис, — нурбыльтис Шулепов. — Сөмын век вөлі понлөн моз дульвайд петьштө.

— А мый эськө, шуам, тиянлы рыноксьыс, зэв кө нин сы дор?

— Ме ог төд, нинөм кө-а.

— Но ті жө асьныд сы вылө ыстысинныд.

— Да өд рынокыд, сійө... базар кодь жө. Мед мыйкө ньөбин либө мыйкө вузалін. А сідзтө ветлөдлы көть эн. А мый ме вузала да мый вылө ньөба, мый эськө, гашкө, оз ков да.

— И йөзыс сідз жө шуасны. Кызвыныс!— тувийштис быттьөкө мыйкө Наумовыс да уськөдіс кисьыс тшак вундалан пуртсө, эз и казявлы, водзө воськовтис.

— А пуртыд нө?— каймөстис Шулепов.— Ме серти, Валерий Петрович, оз нин ков олөмтө тэчны. Менам овсьөма нин. Меным том йөзсы жальось. Сеталі эськө му-видзөн да вөрсө на мый-такөөн, да мед овмөдчөны, морт туйө асьнысө пуктөны, а оз медаб.

— И босьтасны, чайтанныд, мыркөдчыны кутасны?

— А оз кө и, мед дорын узьлөны миян моз. Код юрнас тай, кывзан да, зэв збойось. Коркө өмөй оз жө садьө волыны да шонді вылас видзөдлыны?

— Мыйла шонді вылас?

— Висьталас шондіыс, ёрөмаяс абу. А мый нө, ас шодйөн олам?

— Тадзтө и ме верма ачымөс ёрөмаөн шуны. Ёнджыка на, тиян серти кө.

— Вот и шуёй.

— А мый тайө сетас?

— Водзө сэссия көнкө мыйкө паныд лысьтанныд шуны.

— Кодлы паныд?— крукасис Наумовыс.

— Коді доддялө йөзсө. Кык додь вож костсьыс эгө на петалөй да.

— Ми ставным доддялөмаось, сідз кө нин шуны.

— Но вот! А ті сэн мыкталанныд, и ми тан мөмгылам. А кодкө вөтлө.

— Олөмыс и вөтлө.

— Олөмыд эськө коммунизм эз на вөтлы да, — нюмыртчыліс Шулепов.

— Но и өвсим тай.

— А он на сетöй овнысö да.

— Коді оз сет? Эз нö Коми республикаыд суверенитетсö босьт?

— Мый сійö кыв вылад? Сідз нин ставсö гурийöны, да содтöд на лоö вежласьны нянь вылад и паськөм вылад. Пу ни палич и колям мöдысь.

— Оз вöлі ков пазöдны государствосö. Абу сійö куйöд чукөр.

— А государствоыд бурильдзи жö шыш вöлі. Öнi на кузь киа дай.

— Но, тадзтö ми некор огö гөгөрволöй öта-мöднымöс,— дув-мунліс да ылыстчис Наумовыс.

— Буракö,— ас кежас нин броткыштiс Шулепов.

Чуксасьны недыр мысти кутiс Наумовыс, и шыасисны воча карсаыс, да налань, кылö, и сетчис. И висьтасис сэссия, тыдалö, Шулеповкöд вензьöм йывсьыс, элясис сы вылö. Эз тай нин сэтшöм варовöсь и петны машина дiнас, быгтьöкö этшаник и сюрис ельдöгыс, та ылнаö волiсны да.

А Шулепов водзджык петiс машина дiнас, нинöмла вöлі сылы горшасьнысö да: бара на öд вермас тапсьöдлыны татчö пестернад да кидознад. Пуксис нитшкасьöм мыр вылö да дольдасис босьтöм очсалöмсьыс. Эз и виччысь дай чайтнысö эз куж, ыштö удтыяс Наумовыс, садьсö оз тöд верстьö морт, асьсö кедзовтас. Медтыкö и лөгасис, а мыйла йöз пельöдзыс вайöдны? Повзис мыйыськö, ачыс Москваысь-а?

Лэччисны вöрсьыс да эз нин и пыравны волöмаясыс керкаас. Юыштiсны юкмöсьыс и бөр петiсны дзиръя саяс, нюжмасьыштiсны машинаас пуксьытöдз.

— Онö нö пажнайтыштöй?— юалис Шулепов.

— Ми райкомас кежалам, сэтöн сёям,— синбöжалöмөн воча-видзис Тутриновыс.

— Но, бур туй, мый сэссия?— шеньштчыліс Шулепов да вешийс на дiнысь, кайис кильчö вылас да пуксьыліс пöрччыны сапöгъяссö, но мед нин оз веж налысь синсö, пырис посводзас. Сэтöн и гогнитiс юрас мöвпыс: «Оз, тайöяс оз сетны йöзыдлы овнытö, он кö асьнысö бротыйöдлы. А сыысь и полöны».

КЫКЫСЬ ОЛӨМ

Вемөс нисьö шемөс

Кольөм во гожөмнас ме ошкөд төдмаси.

Гыч кыйны ветлі Вомлөс вадйө, кулөм вөйтлі. Гычыд өд оло мича лунад да ачыс и пырө.

И шедіс, кыскымөн лои нопйөй. Съөкыда и вөрзи гортө. Чайті, коркө өд воа. А этшаник и тапикті, топөдіс съөлөмөс: морөсөс чашкөдө и син водзын гудыр.

Шудөй вылө мыр лөсяліс матө. Уськөді мышкысь нопйөс да кималасөн пуксьөді ачымөс мыр вылас. Вочасөн шедавны кутіс лолөй, лэдзис морөс шөрысь дойыс, и син водзын бөр югдіс.

Сэки и казялі туй мөдарсьыс, паськыд тусяпу сайысь, ыджыд съөд мыгөрлысь вөрзьылөмсө. Сэсся и би чута син пөлыс на сьлөн усьліс ме вылө. Ыркмунлі повзьөмөйла, да эг и төдлы, шусис менам:

— Коді сэн?

— Ме, — ымөстөм кыліс.

— Коді тэыс?

— Ош.

— Эн повзьөдчы! — мыктылі ме да пуртө и кутчыси.

— Ог, — нюрөстіс.

— А висьтась, коді!

— Ош. Со, колөкө.

Ош и мыччысис тусяпу сайсьыс, локтыштіс мелань да сувтіс. Бурись и видзөдө ме вылө моль кодь пемыд сингыснас да оз и чукыртлы ныр-вомсө. Ньөти абу лөкыс. И вөччөма быттьө: сук съөд гөна, а сьыліыс гөгыля лым еджыд. Шуласны тай, сикөтша.

— Но мед... ош, — ропкышті ме. — А мый нө, кыгысь усин?

— Некыгысь эг. Эстысь ягсьыс вөлі лөльө корсяла, да кок шыгтө кылі.

— Но мед. А мый нө сибалін?

— Муртса эн кув да. Отсала, мися.

— Кыдзи отсалан?

— Ноптө кыска, пукты мыш вылө. Көртыштан кө усьөмсьыс.

— Эн йөйтөдлы менө!

— Ог и йөйтөдлы! — дузмунліс ош. — Вөрөс помасьтөдз кыска, и олас. Сэсянь матын нин гортыд. Лок!

— Кыгчө? — шөйөвошлі ме.

— Кольөда дась бурись.

- Бурьд тэнад, ошкыдлөн?..
- Этшаджык пов. Пукты ноптө мыш вылө да көртав мыйёнкө.
- Со, ачым сетча.
- Динө матө и локтис да лөсьөдис мышсө. И ме пукти сы вылө нопйөс да көрталі усьбөмсьыс важ сюрөсөн, куимысь на шыркниті сюрөссө кынөм увтыс. И эз и дөзмы сійө.
- Сөмын ме водзад ог пет-а,— шуис.
- Мыйла он?
- Абу муса, кор бөрвылын кодкө.
- А меным нө муса, чайтан?— вомалі сійөс.
- Сёяс тэнө кодкө!— нерыштіс ош.— Вөрзьи!— мөвкнитіс юрнас да ыштөкө люкыштіс менө.
- Водзвылас и лои петны. Шодйөн и восьлала тыртөгыд да кыв-зыся, локтө оз. Локтө, кылө, корскывлө, нырнас номъясөс повзьөдлө. А кыйкнитла да, бөрсянь и лөткитө ньөжмыда.
- Тадзи лючки и воим Улыс бор динөдз, вөрыс помөдз. Кайыштны меным и коліс лажмыд нөрысас, гортө.
- Рази нопйөс да көсийлі ошкыслөн мыш вывсянь и нопьясьны, но уси төд вылө кольышглөм няньсө, да кок улө и лэдзи нопйөс, перий зепсьыс рузумө гаровглөм нянь колясөс.
- Сө аттө бурсыд!— шуи ошлы.— Да нинөм и водзөстө аслыд... Со, нянь кө ог?
- Вайышт,— намыштіс ош. Сэссия тяпкөдчөмөн и сөйис.
- Эз на и мунсьы менам, да шыаси чөв усьлөм бөрын:
- А мыйкө... юала кө?
- Юав.
- Тэ вот ош сідзсө...
- Ош.
- А морт и эм быттө. Туяна и.
- А морт и вөвлі. Воддза олөмас.
- Кутшөм воддза?!— шемөс менө босьтліс.
- Овлі нин өтчыд му вылас.
- Сэссия?
- Кулі сэссия. А кулан да өд, лолыд петө! Ывлаө и кольө!— чатыртліс ош юрсө.
- Но?!
- И бара кодлыкө и суйө Енмыс тэнсьыд ловтө. Кутшөмкө ловья ловлы. Кодлы лөсялөджык. Мукод мортыслөн шырлөн ыджда и лолыс, да ошлы оз суйө сійөс!
- Сідзтөкө,— сетчи ме кывйө, весиг серамөй петыштіс. Та вөсна и водзө на юалі:— А, шуан, морт вөлін... А коми вөлін и?
- Коми.

- Кытысь?
- Татысь. Тыббдысь.
- Кодік?
- Дөрөш Иван.
- А Дөрөш Ивантө өд ме... эг эськө төдлы да... Кывлі на сы йылысь.
- Мый?
- Вөрө пө тай пышйылөма, мед оз кулакавны. А сэссия кутө-маось, да нойтөмсьыс и кулөма.
- Сідзи,— дількунліс ош, быттьөкө сутшиктыліс.
- А лоқ кайлам мияно!— чуйді ме.— Няньыд сюрө на.
- Ог! Йөзсө повзьөда и став понсө шызьөда. Ачуд, водзлань!
- Кыгчө?
- Вомлөс вад дорас.
- А лоө на өд волөмыд. Чери кыйны ли, вотчыны ли.
- Сийөс и шуа.

Татшөм бур сёрниөн и торйөдчим ми ошкөд: ме нопъяси да гортө кайи, а сийө бөр косіс аслас вөрө.

Рыгнас, пызан сайын нин, висьталі гөтырлы, мися, ошкөд төдмасы, да сийө ньөти эз и эскы, ланьтөдіс на менө:

— Мун, эн лөсьөдлы!— шуис.

Ме сэссия эг и дөзмөдчы сылы. Сиктас мортлы эг висьтав ни. Мед, мися, аслым гусяөн и кольө, оз нин дөжнавны менө, сөрө, вош-ласьө пө.

А гожөмыс регыд и шөрө воис. Мырпом пө нин вотөны, кыв-сис. Вежным и петіс гозъялөн тшөтш ветлыны кутшөмкө нюрө. Аскинас и шуим мөдөдчыны.

А воддза луннас, рыгнас йөрын ноксим. Тырны кутім нявданас да пыктуруннас. И пывсян ме ломті рыгтявылыс. Ва вөлі вая юкмөсысь, да катша, видзөда, пуксис пывсян сигөр вылас, мелань и кутіс китшсьыны.

— Мый нө висьталан?— ичөтлысь моз небыда и юалі сылысь.

— Велөдіс!— вочавидзис сийө.

— Коді? Мый?

— Төдса ошкыд. Мед пө мырпом вотны волас. Ме пө нюр төда, пасьтала виж сэтөн мырпомыс.

— Волам. Кыкөн на, гозъя. Аски.

Йөйыд, ме эг и юав катшаыслысь, эз-ө морт вөв воддза олөмас. Вунөді нимкодьөйла. А сэссия сийө лэбзис дай.

Гөтыр вөлі весасьө на, мудзөма и пөсялөма, да сувтөді, мед лө-лыштас, висьталі катшаыдлысь волөмсө да ошкыдылысь велөдөмсө. Но абу и колөма.

— Мун, эн лосьодлы!— бара и ланьтөдс менө.— Ньөти оз пет керамөй!

— Оз кө, и оз!— назгышти водзөссө. Менам өд эм жө нянь сөян скөрыд.

Вомлөс вадйө туйөд и мөдөдчим аскинас гозья. Помөдз эгө на и бурасьөй, да дырджыка сёрниө эгө и суйсьылөй некоднанным. Дженьидджык гөтырлөн воськолыс мелөн серти, да кольччыны кутас, и сәки тай горөдлас дөзмөм вывсьыс: «Эн өдйө!» А ме ныргорөн и вочавидза: «Но!» да ньөжмөдла муртса.

Гым ньөвийөн чашйөм ниалөн джуджыд сьөд мырйыс сюръя моз и сулалс джын туй вылас кымын, да ылөкодь нин ми сййөс колим, и дзөрнясьө, видзөда, ошкыд кык кок йылас, виччысьө нин миянөс. Еджыд гөна сикөтшыс сьылысьыс мичаа тыдалө и.

— Со, виччысьө нин!— сувтү да шуи гөтырлы, вешйышти ачым туй шөрсьыс.

— Коді?

— Синмыд өд эм.

— А-а... Ой!— лөвтыштіс гөтыр, но эз ыджыд шыөн. Лолыс, буракө, эз шед повзёмысла.

— Сөяс тэно кодкө!— куті усьөмсьыс да дзерөді на ме сййөс.

— А ме ог... Ме гортө коса!— шеді сылы лолыс.

— Кос!

— А сөся мед вөтчас да косявлас менө?

— Колантор! Руш пөрысьыд!

— Мун сэтысь!— ырыштчыліс гөтыр.

— А локтан кө, локтан!— скөр вылысь и вөрзи ме. Локті ош дінөдз да вөлись видзөдлі бөрвылө: аслыс вомлөсөн и тувчаліс гөтыр, ыштөкө баръёв кока лоөма.

— Эн пов!— такөдіс сййөс ош.

— А-а... абу нө ош тэ?

— Ош эськө да. Ог вөрөд! Садь төда!

— А садьтө өд ми төдам жө,— нюмыртчыліс гөтыр.

— Но, бур йөз кө и!— лывкмуңліс ош да лэччысис нельнан кок йылас.— Локтөй! Энө дзик бөрвылысь-а. Син увсьыныд кө онө воштөй и.

Веськыда вөрөдыс, шонді сертиыс кө, асив-лунө, гирйысिम ми ош бөрся. Сөн дай мөдөс вуджим, веретясө кыкөс и, да воим кузьмөса ножалысь козья нюрө. Тыдалө, коркө лөк туруна сөн тшөтш и вөлома, да важөн нин кыза нитшкасьөма, вөрөн туөма. Мырпом корйыс дйөн-дйөн сука вежөдіс шондіаиньясас, а тусьыс, ставыс нин воссьөма, сярвидзис чукөра вижөн. Уна тусь вевйө нин вөлі воөма, пычалан небыд, да сэтшөмсө вомад нин сөмын и шогмис

өктыны. Дай кода юмов нин вөлі сэтшөм тусьыс, вомтө вежө и гажөдө.

Гөтыркөд ми вотчыны и кутім, а ош торйөдчыштіс миянысь да очсальштіс чатыра юрөн, а сэсся тшөтш пондіс өктысьны и өддзис, сөмын и новлөдлө нырнас, быттөкө исасьө зэв өдйө. А вом тырыс, буракө, лоө мырпом тусьыс, да лэптылас юрсө, тьякөдчыштас и ланьтылас чөскыдысла.

Ог төд, дыр-ө вотчим, кидозйөй тай менам эз на тыр-а, чунь куим вомлөс коліс на, кутов-катов локтіс ош ме дорө да пөрөдчис нитш вылас, сэсся водз кокъяснас таджикасьөмөн пуксьөдіс асьсө.

— Гажми, буракө,— паськыд вомөн и шуис меным.

— Мыйыськө?

— Мырпомсьыс. Довгис тай юрө-а.

— Сійө и бур!— серөкті ме.

— А вотчы, инө. Эн и видзөд ме вылө.

— Ог.

Регыдик и вотчи, мургөмсө ошлысь кылі. Видзөдлі син бөжөн, а сійө мовкйөдлө юрсө да сьылө мыйкө вомгорулас, сөмын кывъяссө он велав. А шогаос и сьылө, да сьөлөмтө и нюкыртлө, да он и вермы вотчынытө. Сулала да кывза, виччыся, кор дугдас.

Сэсся эськө и дугдіс, да вотчыны ме и копыртчи, и кылі ошлысь чукөстөмсө:

— А кывзы!

— Кывза.

— Мыйлакө эг сэки юав... воддзаясыд... А кодлөн нө эськө лоан?

— Ёгор Семө Васьөлөн. Ёльөксан. А мый нө?!— юалі ме, пыр сэтчө и дзугыль сійө лои да.

— Абу жө тай бур мортлөн вөлөмыд.

— Мыйла?

— Чукөртчөмаось тай колкозө пырысьыс, да шуөма батыд,...— синваыс петтөдз курзьөдліс ошкөс.

— Мый?

— Дөрөш Ивөсө пө колө жө кулакавны.

— Ме ог төд,— уси ме сьөлөмөн. Весиг вөрзыныны ог лысьт.—

Сэсся водзөс босьтан?— намышті.

— Ог,— нурбыльтіс ош, быттө эз и лөгась.— Муна.—

И рувгис улі юрөн кытчөкө нюр саяс на.

Менө и ачымөс шуштөмтан ру босьтіс өдйөджык петны нюрсьыс, воөдчыны бөр туй вылөдзыс да сәні нин сәсся кытчөкө лөньлыны.

— Мунам,— лөвтышті гөтырлы.

— Мунам, — долыда и шыасис сійӧ да чукъя тыра дозийӧн и матыстчис. — А кӧні нӧ ошкыд?

— Узьӧ кӧ-а... кӧнкӧ.

— А тэнад абу на тырӧма да?

— Эз на.

— А мый нӧ сэтчӧ лоин?

— Нинӧм эг.

— Абу тай, дувмунӧмыд да.

— Оз кӧ лӧсяв-а... нюр сынӧдыс, — кутчысьлі юрӧ.

— А вайлы, тырта! — кивсь и нетшыштӧс гӧтыр кидзийӧс менсьым.

И ме сулалі да виччыси, кор сійӧ тыртас, эськӧ сӧмын на лолӧс пыкліс-а шуштӧм русьыс. Со на кутшӧм и овлан мортыд.

Аскомысяс гӧтыр бара пондіс нуӧдчыны мырпомысла, сывтӧм тусьыс пӧ зэв на уна коли да буретш пӧ сыліс, но ме пыкси, нӧрпаӧм вылӧ ыстыси, юрӧйлы, мися, сьӧкыд, зэр, буракӧ, вайӧ. И урсалі быттӧ ывласӧ: рытнас и тшыкис да вежон гудрасис.

Арӧдзыс сэсса, пужъявлыгӧдзыс, эг ме ветлы Вомлӧс вадланьыс: вотчыны ни чери кыйны. Эг эськӧ пов ошсьыс, а син на син аддзысьлӧмсьыс и шогӧдліс, нюкыртліс сьӧлӧмӧс сы водзын мыжаыс. Месӧ эськӧ мыйӧн быттӧ и мыжа, весигтӧ эг на вӧв чужӧма сэки, а пи Ёгор Семӧ Васьӧыслӧн, да тшӧтш меным и инмӧ, коми ногӧн кӧ. И он некытчӧ пышй!

Тадзикӧн видлі ачымӧс такӧдны: мися, йӧйтӧдісны сэки батьӧ коддьӧмсӧ, лӧкӧдісны ёнджыка олысьыс вылӧ; эз кӧ нӧ, мися, тшӧктыны да ырзьӧдны, лыстыс нӧ кодкӧ аснырӧн жугӧдны тӧдана мортсӧ, нӧшта и уджӧн олысьсӧ? Лэдзан кӧ ӧд да чуйдан кӧ ӧд, и ӧні позьӧ зэв унаӧс пыркӧдны, бур вылӧ на, гашкӧ, войтырыслы. Путкыльтісны ӧтласа олӧмсӧ, ставсӧ бӧр вузӧс бергӧдісны, да кодлі кытысь вермис, сэтысь и шышкаліс. Важӧн дас воясӧн озырмылӧмаӧсь зільыс да писькӧсыс, а ӧні дас лунӧн быд шыннялысьыс да шежласыс.

Тӧдӧмысь, и батьӧлы коліс тӧдны садсьӧ, эз ков ыкшаасьны да кыв шуысьӧ и пуксьыны, нинӧмӧ вӧчны Дӧрӧш Ивансӧ. Сэсса, гашкӧ, мыжсӧ и кыскаліс, дас во и оліс сы бӧрын, война вылын юрсӧ пуктіс, Мга станция дорын. Мися, юрнас тшӧтш и вештысис коркӧясьыс, тайӧс и пуктылі инӧ да тайӧн и бурӧдлі ачымӧс. Но он на тай, вӧлӧм, мын дойдана кивсьыд, он перйы сійӧс желтьӧ моз. Шуис ошкыс, абу жӧ пӧ тай бур мортлӧн вӧлӧмыд, да нинӧм и шуны водзӧстӧ. Дількъяв да чӧв ов.

Арнас, кор усьӧм бӧрас нин, кызакодъ пужъявліс, да пуж вылас и ветлі ме Вомлӧс вад дорӧ лэптыны пыжӧс. Мися, гуӧ нин, гашкӧ, водіс ошкыс, да ог и аддзыв сійӧс. Некытысь пуж вывсьыс эг и

казявлы мунігөн кок туйсö. Кыски пыжкös вылөджык вадор кыръяс, кымынты бөр сук вожъя коз пу улö и довзёдi гортö. Эг на ылö и мун Вомлöс вад дорсыыс, видзöда, паныд локтö ошкыд. Водзджык сэссия мейсь и сувтiс да виччысьö, мед эськö ме сы динö матыстча, оз и лэдзлив менö син увсыыс. А меным абу жö мича полöмтö сылы петкöдлыны, да быть сыланьö и тувччав. Сöмын кепысьöс пöрччи веськыд кибись, медтыкö черöс удитны кыскыны тасма козъянысь, уськöдчас кö быттö.

— Лок, эн варгыльт,— шуигмозыс очсыштiс ош.

— Локта,— личавлi ме быдөн. Нюмöй на петалис.— А кысь нö тэ мый?

— Эстысь. Пучöй вöли корсяла пöрöм пожöмысь, да кок шытö кыли. Пужийыд öд дзуртö тай.

— Дзуртö.

— А гожöмсянныс эн нин и волы таланьö.

— Эг. А мый бурла?!

— Сидзи,— нбылыд и шуис ош.

— Ачыл тай эн жö велöдлы сэссия катшаыдкöд... тшак ни пув вотны.

— Артмылис эськö таво ельдöгыд да.

— Но вот!

— А чушгьяли жö ме тэ вылö, ог и соссыы. Коркö регыл да на и дугдi. Мися, мый и чушгьяла мортыс вылö, гашкö, зев туяна-а?

— Ме ог тöд,— родыштлi.— Лысьта на тай ывлаö петны-а.

— А дыр на и ов. Менö лөкөн эн казътыв да.

— Ог. А мый нö тэ, кыгчö лоан?

— Кувтыся, гуö вода да. Гашкö, ог нин и тöвйы.

— Чöv! Тайöс сёрнитан!

— А дözми... олөмсьыс,— нюкыртчылис ош.

— Мыйлакö?

— Ог висътав. Яндзим.

— Висътав. Ог серав. Туö-буö ог петкöд ни.

— Но... энъ ош олö... Вомлöс вад саяс. Сизимысь нин ме ськöд чуавлi. А таво ар и...

— Эн вермы?

— Верми на эськö, колökö, да...

— А мый нö, сидзкö?

— Мöд ай нин, видзöда, вöтлысьö сы бöрся.

— Мöдтö öд... вöтлин дай!— ырзъыли ме.— Чуш-чаш на, колökö, вöчин!

— Ён мейсь, томджык да. Мед оз ачымös косявлы!

— Сэссия?

— Кольччи сэсся!— дузгысьліс ош.— Лөсьыд тэныд, некод оз мырддыв гөтыртө да.

— Он өд и сет!

— А меным нө веськодь? Оз и кырлы сьолөмөс?

— Кырлө эськө да. Сы понда сэсся... Эштылан на кувнытө!— видышті ме.— Чайтан, бара кодлыкө Енмыс ловтө сюяс?

— Гашкө и, оз. Ис ни бус быран.

— Но и овлы на!

— Дышөдчи,— лавгыштіс ош.— Дась небыд мунас на колө вөлі сөйны, мый веськалө, а босьті да лөгөс пөжи эсйө ай ошкыс вылө. Сэсся эг и со госсяв, гурана йөрвуждінөй. А гостөгьд он төвйы.

— Он, дерт.

— Но... эн и казътыв лөкөн.

— Ме эськө ог да. Энлы нө... Со нянь тор босьті. И вая на ме тэныд няньтө. Ноп тыр!

— Эн, эн, эн!

— Мыйла ог?— чуйми ме.

— Мисьтөм сідзтө. Аслым меным. Бытгө пычка тэнсьыд буртө... батыд понда.

— А он нин, шуин, чущгъав ме вылө да?

— Ог. Абу ыкшалөн сёрниыд да.

— Сідзкө и, бур кузя. Вая ме аски тэныд няньтө.

— Ачыд төдан,— бергөдчис мейсь, яндзимысла, буракө, да сідзи влөсас шуис ош.

Вои ме гортө да сөйыштны сөмын и пуксьылі, а сэсся ветлі сельпо лавкаө. Дас өти көрыш нөоби сьөд няньсө, буретш ноп тыр и лоис. Юалис на вузасьсысыс, кытчө нө өтпырйө сы мындасө, мөслы али порсьлы? Косьтыны, мися, вөсна вундалөмөн, төвнас яя шыдөн сөйны.

Аскинас югдіс, и нуи ошкыдлы няньтө. Виччысьө нин, вөлөм, менө, паныд на локтөма. Мыйтакө на и муніс вөрөдыс, Вомлөс вадйө туйөдыс, чукөстіс менө, повзьөдіс быдөн ыркмунылгөдз.

— Тані ме!— кыліс вөрсьыс.— Татчө пыр!

— А ачыд нө?..— шөйөвошлі ме.— Он петав?

— Ог нин сэтчө кок туйөс вөч. Лөк йөзыд өд эмөсь.

— Эмөсь,— гарышті ме да вөрас и пыри. Ректі ош водзө нопйөс.

— А зэв уна да!— шешмунліс сйө.

— Сөян! Няньыд некор на некодлы уна эз вөвлы. Төлыс кузь... Узьясджык!— серөкті воча.

— Аслыд ён сьолөм! Олысь на тай эськө, Ен ськөдөн да.

— Код төдас?[?]
— Абу пөдөм иса, — көрыштліс ош нырсө. — Быдлаті на со ветлө вирыд. Мун да эн и шогав нинөмысь.
— Ог, инө. А муна нө нин?[?]
— Тан он сулав!
Гортө ме сэсса и локті.
А Выль воёдзыс, джуджыд лымийөн нин, ветлі лямпаён Вомлөс вадйөдзыс да некысь эг казявлы ошлысь ветлөдлөмсө, коркөсясө ни регыдгьясө. Водіс, буракө, гуас да лючки и узьё.
Аслым тай меным оз узьсьывлы-а. Куйла да мөвпала, қоді и лоа кулөмөй бөрын, кодлы и сюяс Енмыс менсьым лолөс. Ис ни бус нө и быра?[?]

ЛОВЪЯ ЮРӨН

*Синваа да серама,
Йөктана да сьылана,
Важся коми олмысь
Кык юкөна теш.*

В о р с ы с ь я с :

ЙӨВДӨКЕЯ — ныв
РАЯ — сьлөн ныв
САДАТ ИВАН
ТИМА — зон
ӨГРӨ — пöрысь ныв
ПЫВСЯН СЕМО
ЁГОР — зон
МАТРЕН — ныв
ПЕКЛА — ныв
САВӨ — объездчик
Нывъяс да зонъяс

Кыкнан юкөныс вöчсьö öтилайн, важ коми сиктын, коркö 1905 во бöрын.
Эжва дорын джуджыд кыр йыв, кытөн гажöдчылöны том йöзыс.
Лöсьöдöмаöсь пукаланінъяс. Шöрас йөктöны.
Кыр йыв саяс тыдалöны вичко, керкаяс да Эжвалөн сьöртыс. Весь-
кыдвылас дзиръяа потшöс да керка водз.
Кадыс — гожöм, югыд войяса. Рыт пуксьö.
Занавес вöссьытöдзыс на кылöны мöс жынниан шыяс да кöклөн
кöкöмыс.

Воддза юкөн

Керка сайсьыс локтö Йöвдöкeя, киас туис. Кильчö помас сувтовкерö.

ЙÖВДÖКЕЯ. Мыйкö... номсая кö-а? Öнтай сола чери ков-мылис. Öнi кушмана ырош. Сьöлөмöй дилькъялö и. Мусукöс öд ог лöсьöд! (*Ышловзьö.*) Воис эськö Салдат Иваныд да. Мед, воис кö. Öтчылд петали, и олас. Нылöй нин сетана. (*Кöсийö кайны кильчö вылас, и гудöк шы сэки юрöбтö.*) Со öд мый керсьö кодкö! Рыгъятö сөйыштны оз лэдз, пызан сайсьыд чеччöдас. Эсийö Тимöбис али мый? Зэв тай лöсьыда ворсö-а. Oz кö татчö на лок, Райöос дэльöдны? Волы-волы, увъя беддыд тэныд сюрö на! (*Кыйкъялö.*) Дугдан он?! (*Ырыштчылö сiдзикөн.*)

Кильчö вылö петö Р а я.

РАЯ. Мый нö, мамö?

ЙÖВДÖКЕЯ (*дузъялö*). Ме ог тöд мый, кодi тэно керкасьыс петкöдiс? Вежсьыны нин удитöмыд и.

РАЯ. А Тима, буракö, гудöкасьö да. (*Кывзысьö.*) Сийö! (*Долыд.*) Воöма нин Кардорсьыс!

ЙÖВДÖКЕЯ. Уськöдчы!

РАЯ. Ог. Абу на öд ки кутöмаöсь.

ЙÖВДÖКЕЯ. А Тимötöгыд на тэнад сюрö.

РАЯ. Oz!

ЙÖВДÖКЕЯ. Окасьлин али мый нин ськöд?

РАЯ. Ме эг. Сийö тай менö... этатчö. (*Малыштö банбоксö.*) Этатчö и.

ЙÖВДÖКЕЯ. Кор?

РАЯ. Пурсö кылöдтöдзыс на.

ЙÖВДÖКЕЯ. Ок эськö тэно... водзвывтö сетчöмысь! Сэсса мый шуин?

РАЯ. Ме нинöм эг.

ЙÖВДÖКЕЯ. А синтö... куньлин, кор окалис?

РАЯ. Куньли.

ЙÖВДÖКЕЯ. Яндысьтöм син! Мусмöма абу, кодi оз ков! Сэсса мед он скöрмыв татчö! Ойя да... (*Лөвтö.*)

РАЯ. А кодi нö колö? Бара Савötö вöзьян?

ЙÖВДÖКЕЯ. А мый нö, кытi кутшöм? Туша и рожа! Велöдчöма и. Öбьездчикад оз на быдөнöс пуктыны. Мыйта, колöкö, жалованньöбис!

РАЯ. Мед.
ЙӖВДӖКЕЯ. А меным и абу мед. Чайтан, сідзи и воліс кодкӖ
лунад?

РАЯ. Вєськодь.

ЙӖВДӖКЕЯ. Со тэныд вєськодьыс, йӖйлы! ЫрӖшала кӖ юртӖ!
(*КыпӖдлӖ туиссӖ.*) КолӖ петны гортсьыд... вой улӖ кань моз! Ме,
он кӖ пырав на!

РАЯ. Пырала, дерт, сѣйтӖм на да. ТатчӖ жӖ Ӗд локтас, кыр
йылас.

ЙӖВДӖКЕЯ. Коді? (*Рая чӖв олӖ.*) Шулы мен ТимӖтӖ!

РАЯ. Шуа. Ог кодзӖд дінысь. (*ГудӖк шыыс гораммылӖ.*) Со,
колӖкӖ, на! (*ЙӖктышитӖ да сьылышитӖ.*)

МыйлакӖ, мыйлакӖ,
МыйлакӖ Ӗд ышма.
КоркӖ, гашкӖ, пӖрысьма,
КоркӖ, гашкӖ, дышма.

ЙӖВДӖКЕЯ (*зырӖдӖ*). Он кӖ эськӖ дугды! (*ВӖтчылӖ Рая
бӖрся, но оз пыр керкаас, тасалӖ кильчӖ ӖдзӖссӖ.*) Со тэныд,
тадзтӖ кӖ! ГӖгӖр игнала да карта увтӖ пыра. (*МунӖ керка сайӖ.*)

ЛоктӖны Т и м а, гудӖка, да С а л д а т И в а н. Иваныс абу на сиктса
паськӖма. МорӖсас сьлӖн кык ГеоргиевскӖй крест югьялӖны.

ТИМА (*дугдӖ гудӖкасьнысӖ*). А ме тӖді тэно. Кор тай
аддзысим. Карад. Ям кутысь ордад. ТайӖ, мися, Салдат Иван! А
тэ и вӖлӖмыд, шыаси да.

ИВАН. Эг ӖмӖй нӖ ме водзджык шыась? ТӖдса чужӖма,
видзӖда. Мися, абу ВажкерӖсьыс, Сопрон ӖлӖксанлӖн пиыс? СьлӖн
пӖ, шуин. ТимӖпей.

ТИМА. А ме тӖді жӖ, тӖді тэно.

ИВАН. Висьтаси, да, дерт.

ТИМА. ВисьтасьтӖдздыд на.

ИВАН. ЧӖв. Тэ эн на вӖв ме дырйи.

ТИМА. Мед. Эз нӖ казътывлыны, салдатӖ пӖ нуисны, да кызьӖд
во нин кӖнкӖ ветлӖ? А кодкӖ и бӖрддзас на вӖлі. ГашкӖ пӖ, абу
нин и ловъя коньӖр.

ИВАН. Коді бӖрддзас?

ТИМА. МукӖд бабаыс. ӖгрӖпенаӖс кӖть босьтам.

ИВАН. А сэсса коді?

ТИМА. Со, Ӧдя тьӧтка и. (*Индӧ керкалань.*) Тшӧтшгьяӧсь пӧ
вӧлим.

ИВАН (*нюмъэвтӧ*). Но, инӧ.

ТИМА. Дӧва жӧ нин-а. Гӧтрасьнытӧ кӧ.

ИВАН. Энлы.

ТИМА. А мый нӧ, ныв тэныд колӧ?

ИВАН. Кодикӧ, гозйӧн вылӧ.

ТИМА. А вай мыйкӧкерам!..

ИВАН. Мый?

ТИМА (*довкнитӧ юнас керкалань*). Резьӧдам эня-нылаӧс!
Тэ мамсӧ ваян, ме нывсӧ! Ерӧмакань!

ИВАН (*падгялӧ*). Энлы.

ТИМА. Мыйла «энлы»??

ИВАН. Абу мича сӧдзтӧ.

ТИМА. Кыдзи?

ИВАН. Ӧтпырйӧтӧ. Кык гозья он пуксыы ӧти Ен ув пельӧсӧ.
Попыд на вӧтлас и вичкосыд. Оз венчайт.

ТИМА. Но... ми водзджык... Раяыскӧд. Сэсса тӧ... во мысти
кымын.

ИВАН. Мӧдарӧ кӧ-а. Тӧ виччысьланьныд.

ТИМА. Ми огӧй. Менам пыкӧса нин бытгӧ татӧ. (*Инемӧд-
чылӧ морӧсас.*)

ИВАН. Менам ӧд ӧдӧма жӧ. Кызь вонад.

Кыкнанныс шогалӧны.

ТИМА. А кыдзи сэсса и?!

ИВАН. Кыдзи асьныс шуасны. Кодныс водзджык... кодным
сайӧ.

ТИМА. А пыралам дай! Мыйысь полам?!

ИВАН. Огӧ и полӧй. Шуим кӧ, и резьӧдам.

ТИМА (*казялӧ*). А таса кильчӧ ӧдзӧсыс да?!

ИВАН. Таса тай... ать-дваыд!

ТИМА. Кытчӧ и мунӧмаӧсь?

ИВАН. Код тӧдас.

ТИМА. А локтасны! Йӧзын оз узьны.

ИВАН. Рыгыс ӧд мяян. Пуксылаам да.

ТИМА. Войыс и. Тадзтӧ кӧ.

Долыдпырысь пуксьӧны кыр йылӧ. Тима паськӧдӧ гудӧксӧ. Сьывны
горӧдӧны.

Ывла вылас би ни ва.
Ывла вылас би ни ва,
Шливгö сэтчö, зэрö на.

Гортсьыд эськö он и пет.
Гортсьыд эськö он и пет,
Узьны сьёлöмыд оз сет.

Тöдса туйыд абу кузь.
Тöдса туйыд абу кузь,
Да и Машук оз на узь.

Унмыс сылы оз на лок.
Унмыс сылы оз на лок,
Шогсьö коньöр, вола ог.

Волывла нин тöлысь-мöд.
Волывла нин тöлысь-мöд,
Мыйöн помасяс, ог тöд.

Кык арöсөн меысь том.
Кык арöсөн меысь том,
Эськö гөтрасим — и пом.

А оз некодарö сын.
А оз некодарö сын,
И ме сыысь ог жö мын.

Шöйтa войнас, быгттьö шыш.
Шöйтa войнас, быгттьö шыш,
Но öд коркö-й лоö дыш.

Оз кö тавой лючки шу!
Оз кö тавой лючки шу,
Дугда сыысь — шы ни гу!

ИВАН. Некод на оз тыдав, кутшöм рыгыс-а. Он öмöй нö тани гажöдчылöй?

ТИМА. Тани. Со тай гумла кодь йöктöмысла.

ИВАН. Мый нин эськö меным и гажсьыс да?

ТИМА. Том кадтö бергöдлан. Эн жö, буракö, пöтлы-а.

ИВАН. Нопйöдисны да. Лун куим и рекрутали.

ТИМА. А кодöскö, эн дöзмы-а, эн и... видлы сэсся?

ИВАН. Эг. Он öд бöрдан коль... муса нывтö. Код сайö петас сідзтö? Шуи на-а.

ТИМА. Мый шуин?

ИВАН. Мися, гашкö, оз и лолы волöмöй, да эн и виччысь, пет верöс саяд.

ТИМА. А кодлы шуин? Ог некодлы висьтав.

ИВАН (*нюкрасьö*). Талы, Öдяыслы, и шулі. (*Индö керка-лань.*)

ТИМА. Вөлöмакö. Юася-а.

ИВАН. Мед. Ог и скöрав öнi сы вылö. Нинöмысь.

ТИМА. А кыскö на кö и?! Сы динö?

ИВАН. Кыскö.

ТИМА. А менö Рая дiнас! Сэтчö бара и воим.

ИВАН. Сэтчö.

ТИМА. А падъялан быттö да? Ачыд со кутшöм повтöм вөлöмыд-а. Война вылад.

ИВАН. Сэн öд команда сетасны, да он жуийав.

ТИМА. А сет жö дай öнi аслыд! Вайны Öдя тьöткасö!

ИВАН. Он öд мырдöн вай. Пленö босьтöмөн. Ачыс кö оз...

ТИМА. А шуин мыйкö дай. Меліджыка. Мед дзижмунас сьölöмыс!

ИВАН. Кывйыд на öд оз сюр. Сідзтö на мөмъявлан-а. Янды-сигад.

ТИМА. Сийö öд и эм. Комиясыд ми ньöти на огö кужöй мелiасьныгтö. Кольöмаöсь олөмсьыс. Коркö тай кöсийлi Раяöс моздорö босьтлыны да... Ог лысьт, ачымöс йирмөг босьтö.

ИВАН. Мыйлакö?

ТИМА. Мед оз лөгась. Мед оз мөдтор чайт.

ИВАН. Сідзкö, зэв на и бурьсь сы динö.

ТИМА. Бурьсь! Гөтыр вылö и видза да. Вичкоö ветлытöдз!

ИВАН. А шуан, кольöмаöсь пö олөмсьыс! Садьтö тöдтöгыд нö и водзын?

ТИМА. Абу жö.

ИВАН. Но и буретшöсь.

ТИМА. А вот асьныс тасаöсь жö! Он нö скöрмы водзöстö?

ИВАН. Энлы на. Тасыд нинөм на оз висьтав.

ТИМА. Висьталö. Мыйлакö абу на гортынöсь.

ИВАН. Гашкö.

Пукалöны дзугыльöсь. Локтö Пы в с я н С е м ö, еджыд дөрөм-гача, көмтөм, киняулас корöсь.

СЕМӨ. Иваныс тай воома?²
 ИВАН. Вои.
 СЕМӨ. Лок, здоровайта.
 ИВАН. Ачыл талань.
 СЕМӨ. Ог эшты.
 ИВАН. Кытчө нө?
 СЕМӨ (*дзөрнясьө*). Пывсян кодкө ломтөма абу.
 ИВАН. Ассьыд нө мый он?²
 СЕМӨ. Быд лун он вермы. Пескыд муно и. (*Исасьө*.) Эстөн эськө пывсьөны, буракө, да. Öгрө кө эз пановт. Эз тати муны?²
 ТИМА. Мунлис. Со на, көнкө.
 СЕМӨ (*видзөдлө*). Эн ылөдчы! Тэ арлыднад ме нельысь нин заводө ветлі. Шом вөчны. Сэтөн и шойми. Вундалан кө, сьөд ты — мускөй. Сійөн эг и гөтрасьлы.
 ТИМА. Лэдзчыси, шу.
 СЕМӨ. Кытчө лэдзчыси?²
 ТИМА. Палалөмад.
 СЕМӨ. Чужъя! (*Муно бужжылясьөмөн*.)
 ИВАН. Эз ков. Мед, кыскалө кө серамсө.
 ТИМА. А ог ме лэпты вишкунтө.
 ИВАН. Асьтө на өд вермас олөмыд жугөдны.
 ТИМА. Он сетчы! Видлы пуртө кылөдны ыджыд ванад! Сюяс кытчөкө баддьө, да сы мында и ваиян најөткатө. А төвбыд пөрөдчөма!
 ИВАН. Сідз эськө да.
 ТИМА. Ас саяд зэв жө уна.
 ИВАН. Уна, ме нинөм ог шу.

Локтө Ö г р ө, ки чышкөдө тубыртөм корөся да туйса.

ÖГРӨ. Со нин кытөн Салдат Иваныд!
 ИВАН. Тани. А мый нө?²
 ÖГРӨ. Тан өд томыс койтөны. А тэныд ме кодьыс нин пөлыд.
 Петавлытөмыс.
 ИВАН. Коді веськалө.
 ÖГРӨ. Кодөс корсян!
 ИВАН. Но, пуксьыв, инө. Сур туйснад.
 ÖГРӨ. Сур тэныд кунваыс! Суа кө кодлыськө пывсянсө.
 ИВАН. А мый нө аслад кунваөн?²
 ÖГРӨ. Көрыс ылө. Менам исань туруна. Юр мыськыны.
 ТИМА. А пановтис нин. Пывсян Семөйд.
 ÖГРӨ. Сійө бара удитас! Оз и чеглы коксө!

ИВАН. Ассъид кӧ ломтӧн и.
 ӦГРӦ. Ен быд лунсӧ? Мед оран пессъид? Сидз нин ӧтка да?
 ИВАН. Эн и быд лун.
 ӦГРӦ. А быд лун пежасян да.
 ИВАН. Кытчӧ пежасян?
 ӦГРӦ. Тӧрыт на. Пыралӧ гӧбӧчӧ да люкаси пемыдас, и шусис,
 мый оз ков. Талун бара! (*Влӧстӧ.*)
 ИВАН. Люкасин?
 ӦГРӦ. Эг. Вьль корӧсьла ветлӧ да мыр вьлӧ пукси. Час, мися,
 кӧртала. И кокӧй кутӧс гияльвны. Видзӧдлӧ, а лӧкгаг сӧтӧн... (*Зы-
 вӧка.*) Ӧ-ӧй!
 ТИМА. А ӧнӧ ӧд сира на вьль корӧсьид.
 ӦГРӦ. Мед, сира кӧ. Пежсьыс кӧ мына и.
 ТИМА. А сибдас кытчӧкӧ да?
 ӦГРӦ. Мый сибдас?
 ТИМА. Сира корйид.
 ӦГРӦ. Кытчӧ?!
 ТИМА. Улад. Кытӧ медся ӧна видзан.
 ӦГРӦ. А видзи да видза на!
 ИВАН. Кодлыкӧ?
 ӦГРӦ. Гашкӧ и... Енмыслы.
 ИВАН. Колантор сӧтӧ Енмыдлы!
 ӦГРӦ. А он тай шу!
 ИВАН. Мый ог шу?
 ӦГРӦ. Вола пӧ, Ӧгрӧпена, пукавныгӧ.
 ИВАН. Шуан да, он ылӧдлы сӧсся.
 ӦГРӦ. А эн и ылӧдлы.
 ИВАН. А волан да, он пышъяв сӧсся тӧысь.
 ӦГРӦ. А эн и пышъяв. Вичкӧй ветлам да гозъя и лоам.
 ТИМА. Венчайтас кӧ попыд!
 ӦГРӦ. Мыйла оз?
 ТИМА. Абу пӧ нин ныв, шуас.
 ӦГРӦ. Со тӧныд! (*Чургӧдлӧ корӧсь тубырсӧ.*) Зурга синмад
 да! Жерьялан сӧтӧн, шогыд абу!
 ТИМА. А сибалӧн мортӧс дӧнӧ да.
 ӦГРӦ. Мед, сибалӧ кӧ. Шу, Иван, шу, талысь эн кывзы.
 ИВАН. Эны на, Ӧгрӧпена.
 ӦГРӦ. Мыйла «эны»?
 ИВАН. Шутӧгыс на мед овлӧ.
 ӦГРӦ. Ыкша абу, гача лоӧма да!
 ТИМА. Пывсьы мун. Пежасьӧмӧн жӧ висьтасян-а.
 ӦГРӦ. Ме ог. Гашкӧ, бур водзын на лӧкгагыд. Коркӧ тай

аддзылі да... лөп чукөр вылысь... А пувыйс гөгөрыс! Сэтысь и тырті чуманös. (Пуксьö.)

Ставныс чөв олоны. Иван кыйкнитлө таса кильчө вылө. Öгрö казялө да нюкырмунлө.

ИВАН. Дөзмөдчан жö эськө да. Öгрөпенаыс.

ÖГРÖ. А тэ и он, Салдат Иваныс?

ИВАН. Ме... кыздикö?

ÖГРÖ. Öдьöлань на тай синмыд. Коркөя мозыд. Абу на кодзав-
лөмыд. Кымын во ветлін-а.

ИВАН. Оз öд сувтлы сьөлөмыд. Важ шоныдсö на и кутö.

ÖГРÖ. Дöва динас?

ИВАН. Мый нö кöть?

ÖГРÖ. Манастырö кö эськө муна!

ТИМА. Повзьöдлін нин манастырнад. Сёысь кымын.

ÖГРÖ. А сэссия и ог! Сьыла эталы... (Тувкыштö Иванлы.)
...и воша!

ИВАН. Кытчö вошан?

ÖГРÖ. Кытчö шуи. (Тималы.) Ворс!

ТИМА. Зэрмас.

ÖГРÖ. Мыйла зэрмас?

ТИМА. Шогөдан ывласö да. Лөвтөмнад.

ÖГРÖ. А мед и шогалö. Меным абу жö долыд. Ворс медбөрть-
яысь!

Тима гудөкалө. Öгрö сьылө.

Ставыс эськө вылысад да сьöрад,
Ньöти на он Ёма вылө мун.
Кысь нин шудыд комын арös бöрад,
Да и курыд муслуныд оз вун.

Узьтөм войсö бöрдöма нин уна,
Шогалöма кыклысь, гашкö, пай.
Босьта вот да манастырö муна,
Кывсьö, конкö восьтöмабсь тай.

Шудтөм йывсьыд шулөмаöсь важөн,
Коньөрöйлөн кага пö ни мös.
Эз кö усь мен овны мувыв гажөн,
Енмыслы нин пукта олөмös.

Муна коркө зэра-гыма лунө,
Отиторсө сёысь ог и доль.
Синва тусьтөг, гашкө, на и муна,
Нинөм тай со жальөн оз и коль.

ӨГРӨ (*Иванлы*). Кын сёлөм! Сөник вир! Эз и мөрчыв,
кутшөма сьылі да.

ИВАН. Мөрчыліс.

ӨГРӨ. А көні нө синваыд?

ИВАН. Оз и овлы салдатыдлөн.

ӨГРӨ. Оз, дерт, бертовтлас кө сёлөмтө.

ИВАН. А косөн и бөрдан! (*Ниртыштө чужөмсө.*)

Кост.

ӨГРӨ (*бурасьыштө*). Ме ог төд, пывсьыны абу?

ИВАН. Мөдөдчин, да он кос.

ТИМА. Сідзкө, асьтө на вомдзалан.

ӨГРӨ. Сьысь өд и полан. (*Босьтө тубыртөм корөсьсө да туиссө да мунө.*)

ТИМА. Мися, огө нин мынлөй-а.

ИВАН. Абу эськө сёлөмтөм да.

ТИМА. Э-э, тэ тадзтө эн сёрнит? Миян со кодъясөс резьөд-
ны шуөма! (*Индө таса кильчө вылө.*)

ИВАН. Ог и бөрнясь.

ТИМА. А оз өд локны! Дітшвидзёны кьтөнкө. Мукөдыс оз и.
Усурмуномаось быгтьөкө. (*Гудөкасьө.*)

ИВАН. Со тай кодкө.

ТИМА. Савө. Обьездчик. (*Гораджыка гудөкасьө.*)

Тыдовтчө С а в ө, воыса сумкаа. Жежалө дзирья діно да казялө таса
кильчөсө.

САВӨ. Мый нө, Тимөыс, тан песан гудөктө?

ТИМА. Кьтөн нө колө?

САВӨ. Горт дорад.

ТИМА. Тэн тай оз жө овсьы гортад. Йөз ордысь исасян.

САВӨ. Юавны эз-ө ков?

ТИМА (*дугды ворсны*). Сибөдчыв Рая дінад!

САВӨ. А мый нө тэ, ыжпасалін нин сійөс?

ТИМА. Верма и талун. (*Кыскылө сикөтши.*)

САВӨ. Шуа, да ланьтан!

ТИМА. Мый шуан?
САВӨ. Мынтысьны. Штрап сую да. Гижа, колөкө? (*Восьтылө сумкасө.*)

ТИМА. Мыйысь штрафсө?

САВӨ. Мед эн пөрөд, кысь оз ков.

ТИМА. Билеттөг нө? Эн ачыл индив?

САВӨ. А вадорсыс? Дас пусө?

ТИМА (*дзугыльтчө*). Но... шывина вылө. Эз тырмы да. Лычыл пурыйд... мед веськавлас вабергачө...

ИВАН. Мортсө гөгөрво жө. Быдтор эн аддзы!

САВӨ. Гашкө, и ог. Юрыс кө эм. (*Мунө.*)

ТИМА (*чөв усьлө*). Со ме сылы... энотча Раясыд!

ИВАН. Оз и ков. Юртө он вузав.

ТИМА. Овны кө, мися... дольнөй пила да көрт гөр лөсьода. А лөсьод өнi...

ИВАН. Мөдарөтө өд... нэмтө жө этаті гаг йирас. (*Инемөд-чылө морөсас.*)

ТИМА. Сыысь и зывөкыс! (*Пырквөчлө.*)

Кост.

ИВАН (*кывзысьө*). А гортанысөсь, буракө, да. Со, зымакылө-ны.

ТИМА. Оз кө на тшетшыйысьны? А пыралам огө?

ИВАН. Ме ог төд... тасаинад.

ТИМА. А бур водзын нө тасасисны?

ИВАН. Мыйөн налысь төдан?

ТИМА. Мамыслөн на татшөм уджыд! Раясө кутө. Көркө меным шуліс нин. Чарөма дырйыс. Морт кө пө эськө веськалө, тэ сайө сетөм оз на ло да. Лок, эн пов! (*Пырө йөрө, кайө кильчө вылө, и посводзяныыс сэки кодкө игөдчө.*) Рая али коді?

РАЯ. Ме. Восьты өдйө!

ТИМА. Ог и нюжмась! (*Перйө тассө да шыбитө керка пельөс саяс.*)

РАЯ (*нетө*). Лок өдйө!

ТИМА. Кытчө?

РАЯ. Кытчөкө! Вадорө! (*Котөртө. Тима сы бөрся.*)

Керка сайысь котөрөн петө Йөвдөкея, кильчө таскыс киас нин.

ЙӨВДӨКЕЯ. А коді лэдзис?

ИВАН. Ме эг аддзыв.

ЙӖВДӖКЕЯ. Эн эськӖ шешъяв! АсьтӖ беддяла!
 ИВАН. Мыйысь менӖ?
 ЙӖВДӖКЕЯ. ТатчӖ локтӖмсыд. (*КазялӖ Тималысь гудӖксӖ.*)
 А-а, кольӖма тшыкӖдчансӖ! Пасья вот да!
 ИВАН. Эн, гудӖк он лысьт вӖрзӖӖдны.
 ЙӖВДӖКЕЯ. Ог мыйкӖ!
 ИВАН (*кутчысьӖ беддяс*). Ӗвсьы! ЛӖк руыд нин босьтӖма.
 ЙӖВДӖКЕЯ. А тӖнӖ абу? ЙӖй руыд?
 ИВАН. Ме йӖйтала?
 ЙӖВДӖКЕЯ. А мый нӖ эськӖ тан жӖвъялан?
 ИВАН. Гаж бырӖмысь.
 ЙӖВДӖКЕЯ. Эг нӖ волы видлынытӖ?
 ИВАН. Мый сийӖ бӖра-водзатӖ?!
 ЙӖВДӖКЕЯ. А ме гортӖ локтӖ да бӖрдӖ.
 ИВАН. Эн и скӖрав, инӖ. Ме вылӖсӖ. (*ШӖрӖджык кутчысьӖ беддяс.*)
 ЙӖВДӖКЕЯ. Ог и скӖрав, да... (*ШӖрӖджык жӖ кутчысьӖ беддяс.*) ТайӖс Ӗд он чайт!
 ИВАН. Верми Ӗд и усыны. СийӖн и шуи, мед он виччысь.
 ЙӖВДӖКЕЯ. А вот видзӖма на Енмыс.
 ИВАН. Видзис.
 ЙӖВДӖКЕЯ. Сэсся меным жӖ и инмӖ. СьӖлӖмыд потас!
 ИВАН. Менам аслам потас. Он кӖ быгтӖӖ... матӖ сибӖд.
 ЙӖВДӖКЕЯ. КытчӖ нӖ ме тӖнӖ сибӖда, кытчӖ? ДӖваыс?!
 НылӖй нин со... Ок эськӖ, волас кӖ!
 ИВАН. Мый нӖ, дӖва кӖ? НьӖти на эн усь ме водзын. (*Киясьыс ӖтлаасьӖны бедь шӖрас ЙӖвдӖкея кияскӖд.*)
 ЙӖВДӖКЕЯ. Да Ӗд ме вӖрзӖӖдлӖма нин, вӖрзӖӖдлӖма!
 ИВАН. Мед.
 ЙӖВДӖКЕЯ. ЭськӖ эндылӖ кӖ ӖгрӖ моз-а. ӖнӖдз на ныв вӖлӖ.
 ИВАН. Мед, Ӗдя, мед.
 ЙӖВДӖКЕЯ. Ог, Иван, ог. КодкӖ мӖд сайӖ кӖ, гашкӖ, и петӖ, а тӖ сайӖ ог.
 ИВАН. Мыйла он?
 ЙӖВДӖКЕЯ. Муса вӖлӖн, да сийӖн и ог.
 ИВАН. Муна нӖ? (*МынтӖдчӖ бедьсьыс.*)
 ЙӖВДӖКЕЯ. А гортӖ нӖ корла? Сидз нин тӖысь пола да?
 ИВАН. Мыйла полан?
 ЙӖВДӖКЕЯ. А кутыштан, дай вӖрзяс сьӖлӖмӖй.
 ИВАН. Мед и вӖрзӖӖ.

ЙӖВДӖКЕЯ. Оз! Ме кӖсйыси нин Енмыслы... мися, сур пыдӖс
нин ме ачым, да ог нин... сур пыдӖснад юктӖд ИвантӖ.

ИВАН (*ышловзъылӖ*). КоркӖ эськӖ гудӖкаслӖ жӖ да. (*БосьтӖ
гудӖксӖ.*)

ЙӖВДӖКЕЯ. ТанӖ эн-а.

ИВАН. КытӖн нӖ?

ЙӖВДӖКЕЯ. Ылын. Мед ме ог кыв.

ИВАН. А ме ог и тӑныд. Ме аслым. (*ГудӖкалӖ да мургыш-
талӖ, и ЙӖвдӖкея пондӖ босьтавны. Сэсся ӧтвылысь и сьылӖ-
ны.*)

Ягын пожӖм, вылын юра,
Керка керйӖд вылӖ бур.
Коми муад пуыд сюрӖ,
СьӖлӖм сетысьыд оз сюр.

ТӖвся лымйӖс шорӖн тюрӖ,
ОйдӖ ваӖн видз и нюр.
Коми муад ваыд сюрӖ,
СьӖлӖм косьтысьыд оз сюр.

Югыд изйӖд абу курыд,
Пывсянад оз висьӖд юр.
Коми муад изйӖд сюрӖ,
СьӖлӖм шонтысьыд оз сюр.

ЛӑбзьӖм водзын горзӖ тури,
КольтӖм вӖсна вуджӖ ур.
Коми муад шогыд сюрӖ,
СьӖлӖм кутысьыд оз сюр.

ЙӖВДӖКЕЯ. Лӑк, шы кывзыштӖм! БӖрддзӖдӖс сӑтчӖ!

ИВАН. Ачыс эз менӖ пузувт-а!

ЙӖВДӖКЕЯ. А скӖрмы дай! Мун, шу, татысь!

ИВАН. А мун и эм. Со тай гортыд.

ЙӖВДӖКЕЯ. Ог гортӖ.

ИВАН. КытчӖ нӖ?

ЙӖВДӖКЕЯ. ЭсиянӖс корсьлыны. КолӖкӖ, топӖдчисны нин
кытӖнкӖ.

ИВАН. Мед, лӖсялӖны кӖ.

ЙӖВДӖКЕЯ. ЛӖсялӖмсьыд нӖ он гозйӖ во?

ИВАН. Мед и воӖны. МусаӖсь тай, буракӖ, ӧта-мӖдныслы.

ЙӖВДӖКЕЯ. Муслун дїнад сѣтор на колӖ. НѣмтӖ кӖ овны.
А ТимӖ саяд сьӖдас и кольӖ олӖмыд.

ИВАН. МустӖмыдкӖд и югдылас?!
ЙӖВДӖКЕЯ. Ме тай олі. Эз кӖ висьмы да кув, ӧні на эськӖ

верӖс сайын вӖлі. ЛӖсьыд тѣныд... эн на тӖдлы олӖмсӖ да.
ИВАН. Ме эг тӖдлы? Манчжурияс и быдлаын нин вӖлі да?

ЙӖВДӖКЕЯ. СалдаталӖмтӖ эн висьтав. КӖмӖдӖны и
пасьтӖдӖны сэн. ВердӖны и. А видлы аслад ки помысь!
ИВАН. Но и видла. ЛӖсьӖдла на кутшӖмкӖ овмӖстӖ.

ЙӖВДӖКЕЯ. ЛӖсьӖд. Мый нӖ меным ошйысян?

ИВАН. Ог и ошйысь, а висьтала. И ог сѣсся шыасьлы тѣ
дінӖ.

ЙӖВДӖКЕЯ. Эн. (*МӖдӖдчылӖ.*) А код дінӖ нӖ? ӖгрӖ дінӖ?

ИВАН. ГашкӖ и... Ныв на жӖ-а. ВӖрзӖӖдлыгӖм. (*МунӖ
ӧдйӖпырысь, но косалӖ гудӖкысла.*) ТайкӖ вунӖді.

ЙӖВДӖКЕЯ. Ог ӧд сыркмун!

ИВАН. Ме пайысь! (*МунӖ.*)

ЙӖвдӖкея сьӖмдалӖмӖн лашиктӖ гортланьыс, но оз пыр, бергӖдчӖ.

ЙӖВДӖКЕЯ (*зутшикӖбтӖ бедьнас*). Корся да ӗна и ойкӖда
эсіянӖс! (*МунӖ.*)

КылӖ гудӖк шы. ЛоктӖны том йӖз. Водзын Ё г о р, гудӖка. Сыысь
бӖрвылынджык М а т р е н д а П е к л а. СьылӖны йӖктігтырйи.

Мед и локтӖ букыд арыс,
Мед и войыс пемдӖма.
Абу на мен кызь кык арӖс,
Абу на ме эндӖма.

У н а ы с ь:
Оз кӖ регыд кодкӖ вай,
ГажӖдча на ассьым пай.
ГажӖдча на ассьым пай,
ЛоӖма тай верӖс сай!

Абу йӖзын, абу вӖрын,
Гортын, майбыр, нылала.
ВерӖс саяд петӖм бӖрын,
ОвлӖ на и, ыланан.

Верӧс сайыд оз на кылав
Кыткӧ Эжва шӧрӧдыс.
Медым ачым эськӧ сыла
Бджыд муслун гӧрӧдысь.

Сыла-йӧкта, сыла-йӧкта,
Гудӧкыс мед горалӧ.
Кодлы шуа, кодлы тшӧкта,
Сийӧ мед и коралӧ.

МАТРЕН. Ёгор, ӧнӧ «Аннатӧ» ворс!
ЁГОР. «Анна» сылы колӧ, ачыс Матрен-а.
МАТРЕН. Нимтӧ ӧд... кутшӧмӧс пуктасны.
ПЕКЛА. Нимыд ӧд поп сайын. Мамӧ кутшӧма корӧма, мед
Ириння меным пуктас, да Пекла гижӧма.
МАТРЕН. А меным Татьяна мамӧ кӧсйылӧма, да абу жӧ
кывзӧма. Кодӧ пӧ этшаджык сетас ругатӧ, сылысь и водзӧс босытӧ.
ЁГОР. Ме ӧд сӧдз шуи. Эг серам вылӧ.
ПЕКЛА. А он ворс да?
ЁГОР. Сувталӧй.

Нывъяс да зоньяс сувталӧны вочаӧн. Ёгор ворсӧ. Йӧктӧны да сылӧны.

Сӧ майбырӧй Анна,
Вӧлӧмыдкӧ, тан на!
Мися, гашкӧ, мунӧн нин,
Мый ме шулӧ, вунӧн нин.

Чӧв-чӧв, Ӗльӧксан,
Быттьӧ усин вӧлӧксянь!
Эн нӧ менӧ сулывлы,
Нинӧм на эн шулывлы?

Веж петанӧй Анна,
Зыксӧ энлы пан на.
Чайтан, тэысь кодзалӧ,
Кодкӧ бӧрся кӧчалӧ?

Чӧв-чӧв, Ӗльӧксан,
Быттьӧ усин вӧлӧксянь!
Кытӧн вӧлӧ юрыд нӧ,
Кытӧн вӧлӧ бурыд нӧ?

Ен сыкөдөн, Анна,
Ва моз эг өд ям на.
Ачылд төдан, визулыд,
Кучкө өти из улө.

Чөв-чөв, Öльөксан,
Быттьö усин вöлөксянь!
Бöрыннас век казялан,
Шыдтö кор нин азялан.

Шöвк тупыльöй Анна,
Чорыл жö тэ сямнад.
Колö менö шогöдны,
Став олөмöс кокöдны.

Чөв-чөв, Öльөксан,
Быттьö усин вöлөксянь!
Эн нö менö кольбöдлы,
Юрсис эн мольбöдлы?

Му югыдöй Анна,
Менам шондöбан на!
Шудылд сетсьö кыкбнлы,
А оз торйөн быдөнлы.

Чөв-чөв, Öльөксан,
Быттьö усин вöлөксянь!
Мунам кө тась, мунам-а,
Он кө-й, ставыс вунöма!

ЁГОР. Лыбöдiсны эз буссö?!

МАТРЕН. Мыссьöдам.

ПЕКЛА. Со öд тай вадорыс.

МАТРЕН. А лэччыламöй!

ПЕКЛА. Пыжөн пегаламöй!

ЁГОР. Колökö. Сынанныд кө?

МАТРЕН. Сынам.

ПЕКЛА. Сьылам и.

ЁГОР. Тiян гаж. (*Ворсö «Шондöбан».*)

Том йöзыс лэччалöны. Ёгор вöрзьиылö да сувтö.

МАТРЕН. А он лок да?
 ПЕКЛА. Сувтін сэтчө?!
 ЁГОР (*гудокасё на да дугдө*). Мамө эз тшөкты.
 МАТРЕН. Мый эз тшөкты?
 ПЕКЛА. Висьтав но!
 ЁГОР. Нывъясасынысө. Гөтраласны пө ййөс, он и төдлы.
 Өнiя нывъясыд пө...
 МАТРЕН. Кутшөмөсь?
 ПЕКЛА. Да ылөдчө, Матрен, ылөдчө.
 ЁГОР. Ньөти ог. (*Шпыннялө*.)
 МАТРЕН. А он нө и гөтрасьлы?
 ПЕКЛА. Некор?
 ЁГОР. Кызь куим тырө да.
 МАТРЕН. Мыйла кызь куим?
 ПЕКЛА. Томөс ваяс. Ар витөн.
 МАТРЕН. Сюсь абу асланыс!
 ПЕКЛА. Мед эськө ми эновтчам сыысь!
 ЁГОР. А эновтчыны и колө кодныдыкө.
 МАТРЕН. Коднымлы?
 ПЕКЛА. Меным?
 ЁГОР. Ме ог на төд. Меным керка на колө лэптыны.
 МАТРЕН. Позьө өд өтлаын. Пилатө кыскала на.
 ПЕКЛА. А ме и ог? Сөйтө эг талявлы ни?
 ЁГОР. Энлөй на тi!.. Гөтрасьтөдзыд корасьлөны на. Зэв өд
 тэрыбөсь!
 МАТРЕН. Корав.
 ПЕКЛА. Нинөмысь эн пов да.
 ЁГОР. А корасьтөдзыд колльөдчылөны на.
 МАТРЕН. Колльөд.
 ПЕКЛА. Кокыд өд эм.
 ЁГОР. Колльөдан кызкө... кыктө! Он өд вөтлы сэсса код-
 нытөкө. Вешйы, шу!
 МАТРЕН. Ми сылы и мыжаөсь.
 ЁГОР. А код нө?
 ПЕКЛА. Ачыл. Сэтчө ни татчө.
 ЁГОР. А туй вожын и быттьө.
 МАТРЕН. Синмыд өд эм.
 ПЕКЛА. Сьөлөмыд да.
 ЁГОР. Мый эськө абу да?! Понйыд шөйөвошлө-а, кор кык
 туланыд. Чашкөда нө ачымөс?
 МАТРЕН. Эн и чашкөд.
 ПЕКЛА. Ачыл кодланьө.

ЁГОР. Төді кө, и висьталі. (Ворсө, а нывъяс сьылöны.)

Ыджыд мамö велöдö,
Тöд пö аслыд дон.
Йöйтö пö да мелітö
Ылöдлас быд зон.
Нывсьыд усьны регыд пö,
Гортсьыд көть эн пет.
Гозйöдчан, да сэки пö
Вöлятö и сет.

А ме төрыт окаси,
Тöдлі гуся шуд.
Эз öд менö лёкысьөн
Аслам зонмöй кут.
Зэв ыджыда лольштис,
Щуис: «Мусаöй!»
Колö нö, мед тойышті?
Абу на öд йöй.

Мусаыдкөд томöннад
Эскöмөн и тыр.
Сьöлөмыд кө томана,
Некод оз и пыр.
А мед эськө восьтылан,
Нинöмысь он пов.
А мед эськө востымөн
Ворсö вир и лов.

Муслунтöгыд олöмыд
Некодлөн оз ин.
Муслуныды колö, мед
Воча пöсялін.
Қыскö медым дорала
Öта-мöдыдлань.
Сэки-й лоан коралан,
Сэки-й лоö шань.

МАТРЕН. А тэнö, Ёгор, войт на оз кыскы некодлань.

ПЕКЛА. Асьтö на сöмын и новлöдлан.

ЁГОР. Муна кө эськө гортö да вода!

МАТРЕН. Он, вадорö лэччылам.

ПЕКЛА. Мед эн көсьысь!

Нывъяс тойлышталоны Ёгорос, лэччодоны вадорё. Локтоны О г-
р о п е н а да П ы в с я н С е м ö.

СЕМÖ. А, Öгрö?

ÖГРÖ. Мый?

СЕМÖ. Пывсян борад эськө... абу и грек да... курыдторйыд.

ÖГРÖ. Кытысь меным курыдыс?

СЕМÖ. Суртö од пулін Ыджыд лун кежлад?

ÖГРÖ. Ыджыд луныд көн нин вöли? Эн нö волы?

СЕМÖ. Рабыс öд кольлі.

ÖГРÖ. Ме сійöс ыжлы юктавлі.

СЕМÖ. Но сідз пукыштам.

ÖГРÖ. Кыгөн? Керкаад пырны оз шогмы-а.

СЕМÖ. Тэ ордын.

ÖГРÖ. А сэссия?

СЕМÖ. Кывійö, гашкö, воам.

ÖГРÖ. Кутшöм кывійö?

СЕМÖ. Öтнад жö-а. Ме öтнам и.

ÖГРÖ. Мун, вошöмыд нин олöмсьыс.

СЕМÖ. Ачыл и абу вошöмыд? Коді бöрдьсыыд?

ÖГРÖ. Чурка нö лöсьöда?

СЕМÖ. Позьö од гöтрасьöмөн.

ÖГРÖ. Кодкөд?

СЕМÖ. Шуи тай.

ÖГРÖ. Мун, сьöлышта! (Мунö.)

СЕМÖ (ас кежас). Ёна жö лөкөсь комиыд. Шыасьныгö он
лысьт некод дінö. Мед эськө вот джагалан кытчөкө... вермытöм
мортыд!

Локтö С а в ö. Сійö кывлö Семöлысь бөръя кывъяссö.

САВÖ. Мый нö видчан? Код вылö?

СЕМÖ. Став комиыс вылö. Тырöмаöсь нин лөгнас. Кристара-
динад оз мыгчыны. Абу и олöм омöлик мортыдлы. Рочыл та сер-
ти... бурджыкөсь на.

САВÖ. Нянь нö тэ коран?

СЕМÖ. Пывсян борад öд... ачыл тöдан...

САВÖ. Тэнад быд лун пывсяныд!

СЕМÖ. А быд лун и колö. Лолыдлы — пывсян, а дзöля
кывійыдлы — этійö... Юктөд!

САВÖ (мөвпалö). На, штоп вылад. (Мыччö сьöм.)

СЕМӦ (*шай-паймунлӧ*). Збыль али мый? (*Босьтӧ*.) А-а... водзӧстӧ?

САВӦ. Водзӧс кутшӧмкӧ тэсянь!

СЕМӦ. А сідзи нӧ?

САВӦ. Но... дугӧд Тимӧсӧ... Раясьыс.

СЕМӦ. Дугӧдан кызкӧ?! Абу ӧд ме тшыкӧдчысь.

САВӦ. Вомыд ӧд эм. Гачтӧм, шу, колян оз кӧ пуксьӧдны на.

Штрапнад, шу, он на и мын.

СЕМӦ. А мыйысь?

САВӦ. Вадорсьыс тай, эстысь, пӧрӧдӧма. Абу на тырӧма горшыс да. Савӧйд шу, гижӧма нин: «За лесонарушение». Мед сӧмын ыстылас, кыгчӧ колӧ.

СЕМӦ. А дугдас кӧ быттьӧ, он ысты? Ачид ваян Раясӧ?

САВӦ. А мый нӧ, эз на во юрад?

СЕМӦ. Воис.

САВӦ. Эн и сулав либӧ. Восьса на вӧлі Зуд Петырыдлӧн лавкаыс.

СЕМӦ. Абу жӧ эськӧ тайӧ мортлӧн удж да.

САВӦ. Кодлӧн нӧ? Понлӧн? (*Семӧ чӧв олӧ*.) Пон моз тай нин и вӧтлысян йӧзыс бӧрся. Увтӧмӧн босьтан. Ме со ачым на сеті-а.

СЕМӦ. Эн нӧ медав?

САВӦ. А мый нӧ, коскыд чегӧ? Ытшкыны ме тӧнӧ медалі? Вай бӧр! (*Семӧ чӧв олӧ*.) Мися, содта на бӧрыннас-а.

СЕМӦ. Но ветла Зуд Петырад. Сэся аддзӧдла Тимӧсӧ. Гажанад петӧджык кывйыд. (*Довгӧ*.)

САВӦ. Гортанысӧсь нин, буракӧ. Тастӧм кильчӧ ӧдзӧсныс. (*Кӧсий пырны Йӧвдӧкея ордӧ, а сійӧ ачыс котӧрӧн локтӧ, тас-бедльыс киас на*.)

ЙӧВДӦКЕЯ. Тани ме, Саватей тани! Миян ордӧ кӧ?

САВӦ. Тіянӧ. Ӧнтай волі нин, да тасаӧсь вӧлінныд.

ЙӧВДӦКЕЯ (*бӧрдана*). Гортынӧсь вӧлім. Эсы понда тасасьлі. Мед оз пышйы.

САВӦ. Коді? Раяыд?

ЙӧВДӦКЕЯ. Сійӧ! Коді сэсся менам видзаныс?!

САВӦ. А кӧні нӧ?

ЙӧВДӦКЕЯ. Пышйис. Эсійӧ... шпана Тимӧыскӧд. Мися, кыкнаннысӧ и ойкӧда, да эг аддзы. Сэсся ме ог тӧд, мый шуан. Колӧкӧ, сета бӧр? Вайлін тай кык югыд паньтӧ.

САВӦ. Ог на гӧльмы.

ЙӧВДӦКЕЯ. А ветла на эстчӧ раскас, сӧнӧсь абу?! Лольшта да. (*Ӧшӧдчӧ потиӧс вылӧ*.) Бӧрти волы. Ог на водӧй.

САВӨ. Вола! Кывтö кö он веж?
ЙӨВДӨКЕЯ. Ог, ог, ог!

Савө мунö. Мөдарсяньыс локтö Ö г р ö, вöччыштöма.

ӨГРӨ. Мый нö, кочөг бытшкö? А, Öдя?

ЙӨВДӨКЕЯ. Сьöломöй.

ӨГРӨ. Мыйыськö?

ЙӨВДӨКЕЯ. Быдторйысь. Мамыдлы öд инмылö кырлан
дойыд. Эн аддзыв?

ӨГРӨ. Кодöс? Раятö?

ЙӨВДӨКЕЯ. Сё ныв нö менам?

ӨГРӨ. Ме ог тöд, найö эз вöвны. Тимököд.

ЙӨВДӨКЕЯ. Кытөн?

ӨГРӨ (*йöжгылясьö*). Эстөн важ рыныш дорас.

ЙӨВДӨКЕЯ. Сэсся кытчö мунисны?

ӨГРӨ. Саялисны.

ЙӨВДӨКЕЯ. Кытчö? Рынышас?

ӨГРӨ. Эз. Тусяпу сайö.

ЙӨВДӨКЕЯ. Оз öд лючки висьтав. Пычкины лоö сылысь
кывтö.

ӨГРӨ. Ёрас нö мед Енмыс? Сидз вин ёрöма да.

ЙӨВДӨКЕЯ. Мыйысь?

ӨГРӨ. Ныла-зонматö удтöмысь. Асьтö нö удтывлисны, кор
Салдат Иваныдкөд вошласьлн?

ЙӨВДӨКЕЯ. Ме вошласьл?

ӨГРӨ. Эн нö? Пыр вöли кытчökö и уйкнитанныд.

ЙӨВДӨКЕЯ. А муса ме вöли сэки сылы. Öнi на, гашкö, и.

ӨГРӨ (*нора*). Нинöм тай ог и шу.

ЙӨВДӨКЕЯ. А кодлы нö вöччин?

ӨГРӨ. Сидзи. Рытыс мича да.

ЙӨВДӨКЕЯ. Сидзитö меным эн висьтав. Сийöс на и кыйöдан.

ӨГРӨ. Кодöс?

ЙӨВДӨКЕЯ. Салдат Ивансö.

ӨГРӨ. А мырддя нö тэнсьыд? Верöс сайын и быдөн нин
вöлн да. Эськö виччысин кö-а.

ЙӨВДӨКЕЯ. Ланьт, нинöм он тöд да.

ӨГРӨ. А эн сэсся и сибöд.

ЙӨВДӨКЕЯ. Керка помö ог сибöд? Локтас кö?

ӨГРӨ. Ас дiнад.

ЙӨВДӨКЕЯ. Мун, эн велöд.

ӨГРӨ. А мый нö, кодкö мед кыкысь петалö, а кодкö мед ньöтчыд?

ЙӖВДӖКЕЯ. Эн артась. СкӖрмӖдан кӖ, ог на и сет ме тӖныд
Салдат ИвантӖ.

ӖГРӖ. А бурӖн и кора. СӖ Ен могысьӖн! (*ЧышкышитӖ синвасӖ.*)

ЙӖВДӖКЕЯ (*ветлӖдлӖ чукрасьӖмӖн*). Со эстӖн бужӖд йы-
лас пукалӖ.

ӖГРӖ (*нимкодя*). Ветла.

ЙӖВДӖКЕЯ (*бӖрдигтырйи*). Ветлы, абу жаль!

Кыкнанныс сӖсся ӖттшӖтш и мунӖны, сӖмын оз ӖтилаӖ. Эдук-мӖд
мысти петкӖдчӖны Р а я да Т и м а.

ТИМА. Энлы, со на мамыд. Саялас да.

РАЯ. Мед корсьӖ. Шог абу. Оз жӖ сы ног ло-а.

ТИМА. ЭсийӖ тай суйсьӖ. Сы вӖсна и гудыр-гадырыс.

РАЯ. А синмӖн ог аддзы ме СавӖтӖ. СӖысь нин шулі.

ТИМА. СийӖ и бур. Ме тӖныд мыйкӖ на... босьтан кӖ. Кардо-
рысь ньӖби.

РАЯ. Мый?

ТИМА. Со. (*МыччӖ сикӖтши.*)

РАЯ. ТатшӖм донасӖ?

ТИМА. Мед, тӖ Ӗд меным дона жӖ.

РАЯ. ӖнӖ кӖ ӖшӖда и?

ТИМА. ӖшӖд. Ачым на, колӖкӖ. (*ӖшӖдӖ.*)

РАЯ. А ме Ӗд тӖныд лӖсьӖдӖ жӖ. Босьтан кӖ?

ТИМА. Босьга.

РАЯ (*мыччӖ*). Со, сера вӖнь!

ТИМА. КутшӖм мича. Тугья и. Ачыд кыин?

РАЯ. Ачым. ТӖ ветлігкостӖ. ВӖняла?

ТИМА. ВӖняв.

РАЯ (*родӖ*). А-а... Тима?! ТӖ Ӗд ӖнӖ менам нин лоин.

ТИМА. Мед, тӖ Ӗд менам жӖ. (*ТопӖдчылӖны.*)

РАЯ. А кӖнӖ нӖ гудӖкыд?

ТИМА. Иван дядь кӖ босьтӖма-а. (*КылӖ гудӖк шы.*) Со тай
кылӖ. БужӖд йылас.

РАЯ. А «МыйлакӖтӖ» и ворсӖ.

СьылӖны да йӖктӖны.

МыйлакӖ, мыйлакӖ,
МыйлакӖ Ӗд ышма.
КоркӖ, гашкӖ, пӖрысьма,
КоркӖ, гашкӖ, дышма.

Мыйлакӧ, мыйлакӧ,
Мыйлакӧ ӧд сьыла.
Сійӧ мелань видзӧдӧ.
А ме быттӧ сьыла.

Мыйлакӧ, мыйлакӧ,
Мыйлакӧ ӧд йокта.
Мунігӧн кӧ вӧтӧдас,
Кольӧдны и тшӧкта.

Мыйлакӧ, мыйлакӧ,
Мыйлакӧ ӧд муна.
Мича зонма нылды
Вежалысьыд уна.

Мыйлакӧ, мыйлакӧ,
Мыйлакӧ ӧд пола.
Бывла вылас би ни ва,
Кор на гортӧ вола?

Мыйлакӧ, мыйлакӧ,
Мыйлакӧ ӧд эска.
Эг кӧ сылы дона вӧв
Эновтис нин эськӧ.

Мыйлакӧ, мыйлакӧ,
Мыйлакӧ ӧд шуда.
Сёысь шулі: «Югдӧ нин!» —
Век на сывъяс кутӧ.

Локтӧ П ы в с я н С е м ӧ, довъялӧ.

СЕМӖ. Тимӧ, зэв эськӧ ыкша да! Палалан пӧ, ӧнтай меным шуин.

ТИМА. Шуи.

СЕМӖ. А мед ачӧд гачтӧгӧд он коль. Оз кӧ пуксьӧдны на. Куш штрапнад он на и мын. Вадорсьыд пӧрӧдӧмсьыд.

ТИМА. Ме ӧд шывина вылӧ, эг пур вылӧ.

СЕМӖ. Кӧть мый вылӧ. Савӧйдлӧн гижӧма нин: «Лесонарушение!» Мед ыстылас, кытчӧ колӧ! Он кӧ дугды Раясьыд!

ТИМА. Вешӧй! Лэдза увлань юрӧн вадорас!

СЕМӖ. Мыйысь менӧ?

ТИМА. Ловтö вузалöмысь.
СЕМÖ. Ме öд... Ме сідз мунысь. (*Мунö.*)

Кост.

РАЯ. А эн и висьтав меным?!
ТИМА. Ог на мися, шогöд.
РАЯ. А ог ме тэысь дугды!
ТИМА. И ме ог тэысь. Нинöм вылö!

Котөрөн локтö Йöвдöкeя.

ЙÖВДÖКЕЯ. Со нин көнöсь?! Ок шедланныд кö!

Рая да Тима пышйöны. Йöвдöкeя бeдьнас ыршасян и кольö.

З а н а в е с

Мöд юкөн

Йöвдöкeя бeдьнас на и сулалö вийсьö-шогалö, морöснас пыксьылö бедьяс. Локтöны С а л д а т И в а н да Ö г р ö. Иваныс гудöкалö, а Öгрö йöктышгалö. Аддзöны Йöвдöкeяöс да дугдöны, ньöжмыда матыстчöны.

ЙÖВДÖКЕЯ. Локтöны! Быть татчö колö!
ИВАН. Кытчö нö мунам?
ЙÖВДÖКЕЯ. Ылöджык, ме син водзысь!
ÖГРÖ. А-а... эн нö ачыл шулы абу пö жаль?
ЙÖВДÖКЕЯ. Мый эськö он шулы да?! Пыр сэтчö гулюась-ны колö! Яндысьтöмьяслы!
ÖГРÖ. Некод на эз гулюась.
ЙÖВДÖКЕЯ. Абу тай. Босьтöма нин гажныд-а.
ИВАН. Нинöмысь на миянлы бöрднысь. Да öд, Öгрöпена?
ЙÖВДÖКЕЯ. Нинöмысь и эм. Вeськодь кодкöбид. Мед юрсисö някралö. (*Някырлö юрсисö.*)
ÖГРÖ. А эн каитчы дай.
ЙÖВДÖКЕЯ. Ог тэныд! Ланьта ловья юрөн!
ÖГРÖ. Вожалис нö нин квивийд?

ЙӖВДӖКЕЯ. А, колӖкӖ, вожа вӖлі да бӖр Ӗтлаасис, вот!
(*ПеткӖдлӖ кывсӖ.*)

ИВАН. Эн карлась. Тэныд шулӖма вӖлі. Ӗнтай на.

ЙӖВДӖКЕЯ. Шу выльысь! ГашкӖ и... матӖ пукта.

ИВАН. ГашкӖнад и ставнад! Мунам, ӖгрӖпена.

ЙӖВДӖКЕЯ. Он лысьт! (*ЛыбӖдлӖ бедьсӖ.*)

ИВАН. Мыйла ӧг лысьт?

ЙӖВДӖКЕЯ. ЙӖктӖдан менӖ, да вӖлись. Став кызь восьыс.
Ворс! (*ШыбитӖ бедьсӖ.*)

ИВАН. Сэсья и бурасян?

ЙӖВДӖКЕЯ. А шогӖс вӖтла, мед сэсья оз и волы. Ворс!

ИВАН. Но, зэв кӖ тай. (*ВорсӖ.*)

ЙӖвдӖкея йӖктӖ да сьылӖ.

Он и бӖрд, да синваыд
ВойтӖн тюрӖ.
КоркӖ шогсьыс мынла ӧг
Ловъя юрӖн?

ВӖлі зон, да йӖйталі,
ЧайтӖ, дурӖ.
Ачым сійӖс кӖдзӖді
Ловъя юрӖн.

ОлӖмыс нин, буракӖ,
Таысь пурӖ.
Оз и индыв мусаӖс
Ловъя юрӖн.

Ни оз ышӖд кодавын
Вина-сурӖн.
Сідз нин пӖда курыдсьыс
Ловъя юрӖн.

БыттьӖ вӖрын веськалі
Кыдъя нюрӖ,
Ог и вермы петавны
Ловъя юрӖн.

ЭськӖ лӖсяліс кӖ морт
Мелань бурӖн,

Помөдз эськө радейтi
Ловъя юрөн.

ӨГРӨ. А, Иван, меным ворс жө, тадзтө кө!

ИВАН. Панласянныд али мый?

ӨГРӨ. А огө нө?

ЙӨВДӨКЕЯ. Тэ эськө... горт дорад мун да!

ӨГРӨ. Ог. Тани! Ворс, Иван, ворс! Талысь эн кывзы!

ЙӨВДӨКЕЯ. Бедьтө шыбиті! (*Бергөдчылө, но оз корсь.*)

Иван гудөкалө, Өгрө сьылө да йөктө.

Вайө мен, вайө мен,
Вайө курыд вина.
Кыла нин ме сьөлөмөн,
Кодлы сийө ина.

Юа вот да уся мед,
Аски ог и паляв.
Он өд шогтө понлы сет,
Ва гуранө таяв.

Эски сылы, да эг төд,
Кыгөн, вөлөм, койтө.
Мед, колөкө, муса мөд,
Ылөдлөмыс дойдө.

Мукөд дойыс, лун да вой,
Регыдөн и бурдө.
Татшөм дойыд ставсьыс дой,
Кырлө ыджыд пуртөн.

Бөрдны сы водзын ог кут,
Асланьө ог кежөд.
Татшөм шудыд абу шуд,
Сөмын синтө вежөм.

Верман өмөй кодөскө
Мырдөн кутны дінад?
Вайө меным, шуи кө,
Вайө курыд вина!

ЙӖВДӖКЕЯ (*сьылыштӖмӖн*). Ок, ёна жӖ нин меным шог!
(*Иванлы.*) Кылан он?

ИВАН. Кыла.

ЙӖВДӖКЕЯ. Он кӖ ворс тайӖс!

ӖГРӖ. А тайӖ сьылана.

ЙӖВДӖКЕЯ. ТэӖӧ оз юавны.

ӖГРӖ. А ме сьыла жӖ.

ЙӖВДӖКЕЯ. Он, Ӗтнам!

ӖГРӖ. Но босьтав. А ме тшӖтш нуӖда. СӖдзикӖн. Мед кык-
нанӖымлӖн доӖ.

ЙӖВДӖКЕЯ. КодӖ? (*ВидзӖдлӖ Иван вылӖ.*)

ӖГРӖ. СьылӖмыс. МортӖс чайтӖ. (*ВидзӖдлӖ жӖ Иван вылӖ.*)

ЙӖВДӖКЕЯ. Он нин тэысь мынлы. (*Иванлы.*) Ворс!

Иван ворсӖ. ЙӖвдӖкея босьталӖ, ӖгрӖ нуӖдӖ. Вермас и ӖгрӖыс сэсся
босьтавын, а ЙӖвдӖкеяыс нуӖдны.

Ок,

Ёна жӖ нин меным шог!

Ловъя мортлы абу мог.

Ачым ог тӖд, кытчӖ муна,

ГашкӖ, гортӖ ог и лок.

Ок,

КолӖ бӖрдны, да ог бӖрд.

НекодӖс ог весьӖпӖрт.

ВирӖсь рӖмӖн синмӖ усьӖ

Рытъя кыаыслӖн шӖрт.

Ок,

ЭськӖ садьӖс кӖ эг тӖд,

ВӖлі Ӗти зон дай мӖд!

Ӗтиыс на шудтӖ нуас,

СӖмын тэӖн оз на пӖт.

Ок,

Сэсся му вылад и ов,

МисьтӖм шуасьӖмысь пов!

А вот сьӖлӖмыд кӖ потӖ,

ОвнытӖ кӖ оз и ков?

Ок,
Ёна жё нин меным шог!
Ловья мортлы абу мого.
Ачым ог тод, кыгчө муна,
Гашкө, гортө ог и лок.

ИВАН. Тырмас сэсса, пёсялі нин.
ЙӨВДӨКЕЯ. Пёсялін на мыйыськө?! Эн өд мыр берт!
ИВАН. А мыртө бертны кокныдджык на. Мудзны мудзан, а
сьёлөмыд оз путкылясь.

ЙӨВДӨКЕЯ. А лок, мыссьөда и чышкөда. Юктала и. Көдзыд
ырошён.

ӨГРӨ. А ме чөдъя чужваён. Кода и! Лок, Иван!

ЙӨВДӨКЕЯ. Чужваыд кода?!

ӨГРӨ. Юмовыс нө оз сетышт кодсө? Сулөдан кө?

ЙӨВДӨКЕЯ. Сетас кос чөдйыд! Таво нө вотін? Кынсө?
Ошйысян, сувтөмыд да, кольөм восянад.

ӨГРӨ. А тэ ачыд кольөм вося. Тадзтө кө.

ЙӨВДӨКЕЯ. Сувт орччөн, кодным шупалөмаось?!

ӨГРӨ. Мый тэ кызтө висьталан?

ЙӨВДӨКЕЯ. Мый нө колө? Абутөм морөстө?

ӨГРӨ. Со на эськө да. Лыбөд оз ков. *(Кыкнан кинас инмөд-
чылө морөсас).*

ЙӨВДӨКЕЯ. А мый сэсса катгысян?

ӨГРӨ. Дөва нин. Ме серти кө.

ЙӨВДӨКЕЯ. А тэ и мортлы на эн шогмыв! Тадзтө кө.

Кыкнанныс бөрдөны.

ИВАН. Дугдөй, йөзсө шызьбөданныд! Менам нин пельөй
сьөдмис... пушкаысь лыйлөм дорысь!

ЙӨВДӨКЕЯ. А тэ и сьөд вөр шөрын ошкыс!

ӨГРӨ. Сьөлөм косявалысьыс!

ИВАН. Ошкыс дінө некод тиянөс оз тойлав.

ЙӨВДӨКЕЯ. А мыйла нин и локтін?!

ӨГРӨ. Рочас мед и кольччин!

ЙӨВДӨКЕЯ. Öвсьөма нин вөлі да... кутшөмакө.

ӨГРӨ. Манастырё нин лөсьөдчылі-а.

ИВАН. Оз нө кыскы гортад? Синтө кунян, и ставсө аддзан-а.
Чужөмсө на он вунөд, кодөс төдлөма. *(Йөвдөкеялы.)* Со тай пель
саяд на пудпасыд.

Йӱвдӱкея (шешмунлӱ). Сэни.
ӱгрӱ. А менсьым вунӱдлин? Чужӱмӱс?
Иван. Эг жӱ. Виж чышгъянтӱ и.
ӱгрӱ. Пув тусь сера вӱли.
Иван. Буракӱ. (Гудӱкасӱ.) Медбӱръяысь, сэсся кыз гаж-
ныд!

Йӱвдӱкея да ӱгрӱ сьылӱны. Иван тшӱтш.

Кор йиыс юсьыд кылалӱ,
Кор ваыс — дор ни пом,
Сэк бара бытгӱ нылалан
И бара бытгӱ том.
Ой, сӱлӱмӱй, ой, сӱлӱмӱй,
Эн ӱдӱй тӱпкы вай.
Ой, лӱнбӱмӱд нин вӱлӱмӱй,
Да ышмылан на тай.

Кор ывла вылыс вералӱ,
Кор кылӱ кӱнкӱ гым,
Сэк лолыд бытгӱ сералӱ
И кодкӱ дӱнӱ пым.
Ой, сӱлӱмӱй, ой, сӱлӱмӱй,
Эн ӱдӱй тӱпкы вай.
Ой, лӱнбӱмӱд нин вӱлӱмӱй,
Да виччысян на тай.

Кор лӱбӱ юсьыс-дзодзӱгыс,
Кор пушкӱ чизыр тӱв,
Сэк дойдӱ бытгӱ кочӱгысь,
И шыгӱг бӱрдан чӱв.
Ой, сӱлӱмӱй, ой, сӱлӱмӱй,
Эн ӱдӱй тӱпкы вай.
Ой, лӱнбӱмӱд нин вӱлӱмӱй,
Да радейтан на тай.

Кор лымйӱн гӱгӱр тырӱма,
Кор пемӱд войыс кузь,
Сэк, эшкын улад пыран да,
Мый дум вылад оз усь?
Ой, сӱлӱмӱй, ой, сӱлӱмӱй,

Эн өдйө тiпкы вай.
Ой, лөньюмыд нин вөлөмөй,
Да эскылан на тай.

ЙӨВДӨКЕЯ. Но и муналамөй сэсса.
ӨГРӨ. Кытчө?
ЙӨВДӨКЕЯ. Гортаным. Тэа-меа.
ӨГРСӨ. А Иваныс?
ЙӨВДӨКЕЯ. Ме ог төд... оз кө мянө пырав.
ӨГРӨ. Мыйлакө?
ЙӨВДӨКЕЯ. Сёрниа могөн.
ӨГРӨ. Тани сёрнит.
ЙӨВДӨКЕЯ. Кута тэ дырий?! Ог өд чери юклөй көвтөм
бөрын.
ӨГРӨ. Гуся нө мейсь? Сёрнийд?
ЙӨВДӨКЕЯ. А мый нө тэ, Пресвятая Богородича? Сувта да
висьтасы тэ водзын?
ӨГРӨ (бөрдана). Сидз төда. Волас тэныд Страшнөй судыд!
ЙӨВДӨКЕЯ. Мыйысь?
ӨГРӨ. Прелюбодейниесыд.
ЙӨВДӨКЕЯ. Оти мусаыс... (Чегсылө.) Оти мусаыс... лю-
бодейние?! Нылөн на и кольлi да?!
ӨГРӨ. Сэсса эн и петавлы? Некод сайё?
ЙӨВДӨКЕЯ. Петавлi кө, эг муса понда.
ӨГРӨ. Мый понда нө?
ЙӨВДӨКЕЯ. Морт олөмыс понда. Кага понда да.
ӨГРӨ. А ме абу морт? Абу кага вайысь?
ЙӨВДӨКЕЯ. Некод оз и шу.
ӨГРӨ. Кымынкө кагатө эськө вайи на.
ЙӨВДӨКЕЯ. А ме и эг? Ивансянхыд кө?
ӨГРӨ. Сысянь.

Кост.
А сьөдз на Салдат Иван ылыстчө да дзевсьё Йөвдөкея керка сайё.
Аньяс оз и казавлыны.

ЙӨВДӨКЕЯ. А кытөн нө ачыс?
ӨГРӨ. Пышйөма кө-а.
ЙӨВДӨКЕЯ. Дыр-ө пышгялас-а?! Гортө кө вайөдла! (Өгрөлы.)
Со вөтчачан кө ме бөрся!
ӨГРӨ. Отлаын!

ЙӖВДӖКЕЯ. Он! Ачӗд корсь!
ӖГРӖ. А сӗдзтӗ кӖ, кодлы водзджык сюрӖ. Сылӗн и лӖӗ вот!
ЙӖВДӖКЕЯ. Оз! Ог ме тӗныд сет Ивантӗ! (*КотӖрӗн мунӖ.*)
ӖГРӖ. Ог пӖ Ӗд?! (*ШӖйӖвошлӖ, кодарӖ и сетчыны, да вӖтчӖ
ЙӖвдӖкея бӖрся.*)

Салдат Иван петӖ керка сайысь.

ИВАН. МатӖ воштӗсны. Кыкнанныслы ковми. А он Ӗд шӖри-
ав асьтӖ. Кольччи кӖ рочас... Нина ПедӖровна эськӖ кольдӖдӖ и
вӖлӗ да. Мый ыджда овмӖс и. А быгтӖӗ абу ас сертиыд. Шева
брыгтӖӗ пырӖма этатчӖ. ЧуксасьӖ. ЭськӖ абу жӖ нин воддзаыс да...
ЙӖвдӖкеяыд. А желлялӖ... эг и видлы да.

Локтӗны Т и м а да Р а я дзугыльӖсь.

ТИМА. Иван дядь, лок миянӖ ветлам. Пукыштам кыкӗн. Сулля
джыӗӗӗид мамӖлӗн сюрӖ на.

ИВАН. Энлы, суллянад... Сӗдз нин усьӖмыд чужӖм вывсьыд
да?

ТИМА. Усян Ӗд тадзтӖ.

ИВАН. Кыдзи? Мыйысь?

РАЯ. Кыв шуны тай он лысьт.

ТИМА. А тӗ эськӖ пыр гортад.

РАЯ. Ог. Муна да рыншыӗн узя. Игнасьмӗн!

ТИМА. Со Ӗд кутшӖм!

РАЯ. КутшӖм эм!

ИВАН. А мый нӖ... кытӗ энӖ лӖсялӗй?

РАЯ. Шуи, йӗйӗид. Мися, ме вӖсна став шогыс, да кыскавны и
кутан менӖ бӖрыннас.

ТИМА. Кута кыскавны!

РАЯ. Мися, быгтӖӗ лӖгасим да огӖ на и гозӗӖдчӗй, ылӖдлам
СавӖсӖ, а кольыштас мыйкӖ дыра и вичкӖ.

ТИМА. А ог ме кӖсӗи кытшлавны СавӖсьыд. Штрапнас и
ставнас!

ИВАН. СӗйӖс эськӖ асьсӖ колӖ топӖдлыны да.

ТИМА. КыдзыкӖ?

ИВАН. КыдзкӖ Ӗд. СтрӖкаыд сюрӖ на. ГашкӖ, и талун!

ТИМА. Но и ветламӗй миянӖ. ПызантӖ мамӖ Ӗдӗӗ на чукӖр-
тас. СамӖвар пуктылас и. Шуис жӖ-а.

РАЯ. Мый шуис?

ТИМА. ВайӖдлы пӖ коркӖ РаятӖ, видзӖдла матӗ синмӗн.

РАЯ. Быттьö эз на адзыв.
ТИМА. А сійөн и шуліс. Водзсö на. Раясьыд пö эськö ме ог
бергöдчы да.
РАЯ. Мед. (*Нюмдылö.*)
ТИМА. Сэсса тэ дырйи, Иван дядь, и корала.
РАЯ. Он!
ТИМА. Мыйла ог? Он пет ме сайö?
РАЯ. Пета.
ТИМА. А-а... мый нö скöрмöдчан? (*Тільышитö синсö.*)
РАЯ. Корасьнытö... нылыс ордö волöны.
ТИМА. Да-а... сідз нин мамыд беддьöн усьласьö да?
РАЯ. Он повззы дай.
ТИМА. Абу и полöм сайын. Вомсö он тупкы сылысь.
ИВАН. А ме тупка! (*Шпыннялö.*) Кыв-мöд и шуа да. На
гудöктö. Паськöдлы гораджыжа! Али вайлы бөр. Ме гудöкала. Ті
йöктöй.

Иван гудöкалö. Рая да Тима йöктöны да сьылöны.

Кор тай юö усьö ю,
Ыдждö сёртыс.
Коді тай со гöтыра,
Сійö-й мортыс.

Ачыс Енмыс шулöма
Коркö важöн,
Гöтырыд и вöлі мед
Олан гажöн.

Некодлы на гöтырыд
Абу ковтöм.
Гöтыртöгыд керкаыд
Быттьö овтöм.

Гöтыртöгыд быттьö пу
Ньöти йывтöм.
Он öд кыськö водзöсав
Питö-нывтö.

Гöтыртöгыд олöмыд
Гуга-бöра.

Гөтырыд и ыджыдыд
Керка шөрад.

Верөсыд кө, шуоны,
Вердысь-удысь,
Гөтырыд на бөжалысь,
Шудтө кутысь.

Кымын арөс сылы оз
Нэмнас тырлы,
Гөтырыдлөн меліыс
Оз и бырлы.

Некор оз ло гөтырыд
Тэысь ылын,
Енлы моз кө юрбитан
Тшөтш и сылы.

Локтө Й ө в д ö к е я

ЙӨВДÖКЕЯ. Со көнөсь куимнанныс, ме уяла-а!

ИВАН. Некод тэнö оз уйөд. (Тималы.) Налы, гудөктө, налы.
(Лөсьөдчө паныд Йөвдөкеялы.) Лок, гаж бырөмысь! (Паськөдө
сывсө.) Ог и яндысь.

ЙӨВДÖКЕЯ. Öгрö дырйиыд мед тадзтө сёрнитін! (Оз шеддö-
чы.) Кытчө и шыбитлі беддьбс? (Аддзö.)

РАЯ. Мамö, эн карлась.

ЙӨВДÖКЕЯ. А эг ме сылы тэнö быдты. (Тималы.) Гурья
синтö!

ТИМА. Гурйы. (Оз вөрзъыв.)

ЙӨВДÖКЕЯ. А дугды Раясьыс!

ТИМА. Ог!

ЙӨВДÖКЕЯ. А дугды, шуоны!

ТИМА. Ог!

ЙӨВДÖКЕЯ. А дугды, шуоны тэныд!

ТИМА. Ог! Корасьны волам мамөкөд.

Йөвдөкея лигышмунö да пуксьö.

ИВАН (гусьöник Тималы да Раялы). Ветлөй кыгчөккө, ветлөй.
(Найö мунöны.) Но... петышгис руыд?

ЙӖВДӖКЕЯ. Тэныд эськӖ мед лолӖй петӖс! ӖгрӖ вылӖ нин синмыд.

ИВАН. Ачыл Ӗд тай ылыстӖн.

ЙӖВДӖКЕЯ. А ог сэсся ылыст. БиалӖс нин сьӖлӖмӖй да.

ИВАН. ЛибӖ и гӖтрасям да олам.

ЙӖВДӖКЕЯ. Олам. Унаысь на пуктыла юрӖс морӖс вылад.

ИВАН. СӖдзтӖкӖ, Раяылды ме бать туйӖ и лоа.

ЙӖВДӖКЕЯ. Лоан.

ИВАН. И ог и сет СавӖ саяд.

ЙӖВДӖКЕЯ. ОгӖ и сетӖй. Мед Тима зять и лоӖ. (*ЧӖв усьлӖ.*)

А ырӖштӖ юан?

ИВАН. Юа.

ЙӖВДӖКЕЯ. Лок. Пызан вылын.

ПырӖны ЙӖвдӖкея ордӖ. ӖдӖй локтӖ Ӗ г р Ӗ, сувтӖ да нюокрасьӖ.

ӖГРӖ. Муртса эг су! Син водзын и пырисны. Сэсся маласясны нин. А некодлы оз позь веритны. Енмыслы сӖмын. Пырала кӖ эськӖ! (*ГорӖдӖ.*) БӖрӖ гӖтыр! МисьтӖм чужӖм! Тойла ӖшиньтӖ! (*КывзысьӖ.*) БӖрӖ гӖтыр! Кыз пуктыль! МӖс кок!

ПетӖ Й Ӗ в д Ӗ к е я, босьтӖ тас-бедьсӖ.

ЙӖВДӖКЕЯ. Мун, пасьварта! СувтӖмыд да увтчан!

ӖГРӖ. А эн нӖ БӖрӖ гӖтыр вӖв?

ЙӖВДӖКЕЯ. Мый сэсся, вӖлі да? УрӖсми тэ моз?

ӖГРӖ. Ме урӖс? (*ВежнясьӖ.*) Менам некыт на оз лӖтъяв.

ЙӖВДӖКЕЯ. Оз, дерт, кыз пу гырӖйдлӖн.

ӖГРӖ. А волас на, волас коркӖ БӖрӖйдлӖн ортыс!

ЙӖВДӖКЕЯ. Мед волӖ.

ӖГРӖ. Мый сылы висьталан-а?!

ЙӖВДӖКЕЯ. БыдтӖ, мися, нывтӖ. Регыд верӖс сайӖ сета.

ӖГРӖ. А ИвантӖ он висьтав? Эшкыннад сайӖдан?

ЙӖВДӖКЕЯ. А ИвантӖ ме эг и соссьыв сыысь. Венеч улысь нин локтӖм, да бӖрдӖ на пыдӖын. И эз и нӖйт менӖ таысь. БӖрыннас пиньсӖ эз йирлы ни. Морт на вӖлі БӖрӖйд, сарство небеснӖй!

ӖГРӖ. А сэсся... став бурыс мед тэныд и усь?

ЙӖВДӖКЕЯ. А нинӖмысь на тэныд!

ӖГРӖ. Мыйла нинӖмысь?

ЙӖВДӖКЕЯ. Вомыд пезлӖн, ачыл манастырӖ лӖсьӖдчан-а. НимтысьнытӖ сӖмын и сямыд.

ӖГРӖ. А мед тэ воштылан юртӖ! ЧӖв олін нӖ, ме кӖ ИвантӖ пыртӖді?

ЙӖВДӖКЕЯ. Эг и ог!
 ӖГРӖ. А мед петалӖ!
 ЙӖВДӖКЕЯ. Оз!
 ӖГРӖ. А ог мырды, ог!
 ЙӖВДӖКЕЯ. А мыйла сэсса петалас?
 ӖГРӖ. ВидзӖдла синмас.
 ЙӖВДӖКЕЯ. Сюсь тай кылан?! Мед эськӖ юр вежӖрыс бер-
 гӖдчас, да тэ бӖрся и вӖтчас!
 ӖГРӖ. Сувтса синма нӖ ме?
 ЙӖВДӖКЕЯ. Код тӖдас тэнсьыд.
 ӖГРӖ. Код тӖдас пӖ Ӗд! Сувтса синма кӖ вӖлі, сӖ зонмӖс и
 косьмӖді, а ӖтисӖ эг вермыв.
 ЙӖВДӖКЕЯ. Эн и вермыв... аслад мыйкӖбыдла...
 ӖГРӖ. Мыйла?!
 ЙӖВДӖКЕЯ. КодкӖ тай... инмӖдчылас кӖ вӖлі... пыр и кез-
 мундан. (*ПеткӖдлӖ.*) А код нӖ сідзтӖ меліалас?
 ӖГРӖ. А йӖзыс дырйи нӖ колӖ лигышмунны? (*ПеткӖдлӖ.*)
 ЙӖВДӖКЕЯ. ШӖракостас кутчысьны.
 ӖГРӖ. Эн тай сэки велӖд. Ӗні кутін?
 ЙӖВДӖКЕЯ. ВелӖдсьӖма нин тэнӖ! Мун, эн менӖ сулӖд! Менам
 пызан сайын му югыдыс.
 ӖГРӖ. А мед петалӖ. Ог сӖй.
 ЙӖВДӖКЕЯ. Сирасис эз?! (*ПырӖ керкаӖ.*)

Здук-мӖд мысти петӖ И в а н.

ИВАН. ӖгрӖпена... (*ЫшлолалӖ.*) НьӖти эськӖ ме тэнӖ ог
 омӖльт да...
 ӖГРӖ. А эн нӖ омӖльт?
 ИВАН. Да Ӗд ӖдяыскӖд миян кӖртасьлӖма нин быттьӖ вӖлі.
 РазьтӖм гӖрӖдӖн. Ачым нӖ ордчылі?
 ӖГРӖ. Эн эськӖ да... Ыджыд куканя мӖс нин ӖдьӖбыд. Сы
 вылӖ бара и ыштін-а.
 ИВАН. А тэ нӖ том ялавеч?
 ӖГРӖ. Абу эькӖ да... ВайсьывтӖм на!
 ИВАН. СкӖрма, ӖгрӖпена, да матьӖн шуяс.
 ӖГРӖ. Матькышт меным кокныдджык лӖ.
 ИВАН. А бурӖннас он мун?
 ӖГРӖ. Ог.
 ИВАН. А тебенема... (*Вомгорулас сэсса матькӖ да пырӖ.*)
 ӖГРӖ (*бӖрдигтырйи*). Мыйысь менӖ Енмыс и ёрис, мыйысь?

- СЕМÖ. Коді нин бара бөрдөдiс?
ÖГРÖ. Морт. Öдьöө тай пырис.
СЕМÖ. А эн сы дiнö лемась дай, Салдат Иваныс дiнö.
ÖГРÖ. Код дiнö нö?
СЕМÖ. Бара шуан, сьöлышт пö. Ыкша нин ме водзын да.
ÖГРÖ. Ыкша.
СЕМÖ. А тадзтö... манастырö нин и туйыд.
ÖГРÖ. Ог и пов тай.
СЕМÖ. А сэтөн... он нин ачыд аслад лолы.
ÖГРÖ. Мед, ог кө. Енмыслөн и лоа. Кор босьтас, сэки и босьтас. (*Чатöртчылö.*)
СЕМÖ. Оз овсыы гортад.
ÖГРÖ. Кодкөд?
СЕМÖ (*кузякодь чöv олö*). Пестö эськө вöчи на.
ÖГРÖ. Аслыд он вермы-а. Лöп чукöртан.
СЕМÖ. А эновтчылі и эм. Олөмсьыс. Ветлі гортö да водлі да... мися юрөс керала... (*Копыртлö юрсö да быттö сötыштö вескыд кинас.*) ли мортö на вола.
ÖГРÖ. Сэсы кодарö-мый? Шуин?
СЕМÖ. Мортö на волыны. Ньöти öд абу на ойöстөм. Пöдлыв-ла-а.
ÖГРÖ. Тэ öд кынмалөмсьыд. Көн нин эн туплясьлы?
СЕМÖ. Сьысь дерт. Чакопка кө вöлі, важөн нин эштi.
ÖГРÖ. А бара нин довъялан да?
СЕМÖ. Савö тай... на пö, колökö штоп вылад. А эг на и видз ставсö. Со на сдачаыс. (*Разьлö шуйга шамырсö.*)
ÖГРÖ. А кутшөм уджысь тэныд Савöыс?
СЕМÖ. Пон уджысь. Тимöос мед Раясьыс дзуги.
ÖГРÖ. Кыськө тай эм?
СЕМÖ. А сьысь и шогыс.
ÖГРÖ. Сидзкө и, кольыштöма на мывкыдыд.
СЕМÖ. Буракö. А ачыд нö кодарö-мый?
ÖГРÖ. Гортö.
СЕМÖ. Олөм кузяыс, шуа? Мекöд кө быттö?
ÖГРÖ. Энлы, ме... лөнъышта да. Сэки висьтала.
СЕМÖ. А кор лөнъыштан?
ÖГРÖ. Коркө öд.
СЕМÖ. Коркөыд сiйö... (*Килькувлö.*)
ÖГРÖ. А тэ нö вичкотөг көсьян?
СЕМÖ. Ог.

ÖGRÖ. А мыйон кө вичкоад мунан? Этайо паськөмнад?
 СЕМӨ. Корлан кодлыськө.
 ÖGRÖ. А аслыд яндзимыс? Меным и?
 СЕМӨ. Но и лосьода. Уджыд абу на тодлыгөм.
 ÖGRÖ. Вот сэки и воны.
 СЕМӨ. А ачыд манастыро шуан да?
 ÖGRÖ. Ог на тэрмась дай. (Мунө.)
 СЕМӨ (көсйылө, да оз вөтчы). Савөсө вөлі колө аддзөдлы-
 ны. Со тай вурксьөдө.

Локтө С а в ө.

САВӨ. Мый нө эз на тырмы?
 СЕМӨ. Тырмис.
 САВӨ. А мый сэссия... жерьялан?
 СЕМӨ. Сдачатө бөр... На!
 САВӨ. Ме нө сдача тэныд шулі?
 СЕМӨ. А лолөс и вузалі.
 САВӨ. Лолыд тэнад... зырым доныд!
 СЕМӨ. Абу на. Мыйкө дон сулалө на.
 САВӨ. Вешйы, эн пычкысь!
 СЕМӨ. А на сдачатө! (Мыччө, но Савө оз босьт.) Он кө, и
 со! (Шыбитө да мунө.)

Савө жөвьялө да сэссия чукөртө сьөмсө. Падьялыштө да пырө Йөвдөкея ордө. И өдийоон бөр петө. Сыкөд тшөтш и Йөвдөкея.

ЙӨВДӨКЕЯ. Локыв, локыв!
 САВӨ. Кытчө?
 ЙӨВДӨКЕЯ. Ывлаас. Эн усь татчө.
 САВӨ. Ог и усь, да... быттьө вөтлан.
 ЙӨВДӨКЕЯ. Ог вөтлы ог. Бурөн.
 САВӨ. Он висьтав да.
 ЙӨВДӨКЕЯ. Висьтала висьтала. Лок! (Петкөдө дзирья сайө.) Ёна и лөгасян эськө, дона пи, да огө ми сетөй Раятө тэ сайө.
 САВӨ. Коді мийис?
 ЙӨВДӨКЕЯ. Коді пызан саяс пукаліс. Аддзылін өд.
 САВӨ. Верөс нин лои Салдат Иванныд?
 ЙӨВДӨКЕЯ. Он өд бөрнясь... вайө кө. Муса на и!
 САВӨ. А ме, чайган, ог вай Раятө?
 ЙӨВДӨКЕЯ. Ваян эськө да... абу тэ сылы!
 САВӨ. А Тимөйд и сылы?

ЙӖВДӖКЕЯ. Сылы. Енмыс шуӖма.
САВӖ. А аслад... воддза кывйыд?! Эз вежсыы?
ЙӖВДӖКЕЯ. Быдторйыс овлӖ. КоркӖ тай кутшӖма кӖсий
мырпом вотны, да чардавны кутис, и петӖ нюрсыыс.
САВӖ. Эн мойдчы.
ЙӖВДӖКЕЯ. А он на вӖрззы да! (*Керкаысь петӖ Иван.*)
Мися пукавлы-а. ПеткӖдӖ на кодкӖ сийӖс.
ИВАН. Оз мун да.
САВӖ. Волы кинад!
ИВАН. А мый огыс?!
САВӖ (*бӖрыньтчыштӖ*). А мед бергӖдӖ мый вайли!
ЙӖВДӖКЕЯ. Час, час! (*ПырлӖ керкаӖ да петкӖдӖ кык югыд
паньсӖ.*) На-на-на! ЭтӖ на панясылӖй, вомӖ на эгӖ суйлӖй! Мун
сэсса, эн грекӖ вӖйтчы!
САВӖ. А сӖрни на вӖли.
ЙӖВДӖКЕЯ. КутшӖм сӖрни... эштӖм бӖрас?
САВӖ. Он тай, буракӖ, танӖ кӖсийӖ овны. Шыасьлыны ме дорӖ
ни! (*ЧиктылӖ.*)
ИВАН. Эн повзӖӖлды!
САВӖ. А керйыд нӖ оз ковмы, мыйкӖ лӗптгыны кӖ?
ЙӖВДӖКЕЯ. БилетӖн и пӖрӖдас. НьӖбам да.
САВӖ. А кытысь на инда... ЛолӖда пожӖмсӖ да чигаркаа
увъясӖ! (*ЧиктылӖ.*) Да мый на содтӖд сюя лыстӖ весавтӖмысь да
мыртӖ джуджыдӖс кольӖмсыыд!
ИВАН. Эг на петав вӖрас, а йиран нин пиньтӖ?
САВӖ. ВодзӖсыд Ӗд... водзӖса! (*ЧиктылӖ.*)
ЙӖВДӖКЕЯ. Абу и морт вӖлӖмыд.
ИВАН. ТадзтӖ Ӗд... чегӖ жӖ аслад... кокыд ли сьылдзирйыд.
ЙӖВДӖКЕЯ. Ёрасны! Кутан кӖ йӖзтӖ дзескӖдны.
ИВАН. Тима вылӖ со каттысян нин-а. Он кӖ дугды!
САВӖ. Сэсса мый?
ИВАН. Оз жӖ ло тан олӖмыд.
САВӖ. Ме дор на законыс да!
ИВАН. Законнад тэ эн ышнясь. Законыд — тасма на. Ков-
мас кӖ, и пӖрччылан! (*ПӖрччӖ тасмасӖ.*)
САВӖ. А мый нӖ, революцияысь гажыд быри? Ӗти вӖли нин,
да мӖд ковмис?
ИВАН. ВӖча, колӖкӖ, революциятӖ! (*ЗырӖдӖ.*)
ЙӖВДӖКЕЯ. Ой, эн бара! (*СавӖлы.*) А мун нин, сӖ енмо-
гысьӖн, мун!

Саво мунё.

ИВАН (*бөр тасмасьö*). Коркө ме такөд зурасьла на!
ЙÖВДÖКЕЯ. Ой, асьтö пуксьöдасны! Батьыс сотскöй вöли, да кымынöс удтылис?!
ИВАН. А кызди сэсья татшöмыскöд?

ЙÖВДÖКЕЯ. Синнад он адазы дай. Оз и мед лапмунлы синмыд лөгылда. Унджыкөн кө сідзи кутасны, öдйö сöптгыс потö.

ИВАН. Гашкө, и сідзи.

ЙÖВДÖКЕЯ. А лок, пыралам на.

ИВАН. Пыралам эськө да... Ачылд он жö быттьö шедöдчы да... кутлыңы ни, окыштны ни.

ЙÖВДÖКЕЯ. Да шедöдча, шедöдча, лок.

ИВАН. Локта. (*Кутлö.*)

ЙÖВДÖКЕЯ. Да... (*Мынтöдчыштö.*) Ог öд тани! Посводзыд нин сылы... ылын лои.

ИВАН. Ылын.

ЙÖВДÖКЕЯ. Ырöшсьыд нин кодалö.

ИВАН. Ог эськө ырöшысь да.

ЙÖВДÖКЕЯ. А тадзтö тэ он и виччысьлы вичкотö.

ИВАН. Ог.

ЙÖВДÖКЕЯ. Кыськө тай эмыд!

ИВАН. Кыськө.

Ноксьöмөн и пырöны.

ЙÖВДÖКЕЯЛÖН ГÖЛÖС: Энлы игнася да! (*Кылö гольс-мунöм.*)

Вадорысь кайöны Ёгор, Матрен да Пекла.

ЁГОР (*дугдö гудöкасьнысö.*) Сэсья кө ме пуксьыла тиянкöд пыжад! А путкыльтчим кө?

МАТРЕН. Ачылд öд бöжалін.

ПЕКЛА. Эсідз тай бергöдін. Эжва шöрас.

ЁГОР. Скөрман да öд!

МАТРЕН. Мыйысь?

ПЕКЛА. Эгö нö сынöй?

ЁГОР. Муртса. Катöм пыдди кылöдö. Синмö и пыраннид. Быттьö ме нянь сёя, а ті поньяс, тшыгöсь.

МАТРЕН. А пöтлім нö тэысь?

ПЕКЛА. Мелиавлін коркө?

МАТРЕН. Тима со сойборд улас и босьтöма Раясö-а.
 ПЕКЛА. Ланьтöмаöсь долыдысла.
 ЁГОР. Тимаыдлөн öти дiнас. Абу кыкөнöсь. Мунöй кодныдкö,
 дай босьта жö. (*Пуксьö.*)
 МАТРЕН. Ме муна?
 ПЕКЛА. Ме, буракö. (*Вешийшитлö.*)
 ЁГОР. Позьö ас костаныд сёрнитчыны.
 МАТРЕН. Сёрнитчан кызкö!
 ПЕКЛА. Абу öд тэ пув китыр!
 ЁГОР. А пудьясьöй дай. Кодлы уся, сылөн и лоа.
 МАТРЕН. Ворсам нö?
 ПЕКЛА. Теш тэныд?
 ЁГОР. А дөнзöма нин тiянысь. Öти рыт онö пукалöй горта-
 ныд. Печкан босьтöй да.
 МАТРЕН. Тöвбыд нин кыскалöма печкантö.
 ПЕКЛА. Быд войпукö на.
 ЁГОР. Лабич улас и дзумганныд тай вöли. (*Серöктö.*) Мыйон
 верöс саяд петанныд-а?!
 МАТРЕН. Мыйонкö öд. Дас кык ки чышкöд. Кузьыс. Квайт
 гоз кепысь. Юрлöс-вольпась и. Мöс, томыс. Виль видзсö на батьö
 сетны кöсийс и. Чöс туй вожсö да.
 ПЕКЛА. Миян абу сы мындаыд. (*Вешйö.*)
 ЁГОР. Кыгчö?
 ПЕКЛА. Гортö.
 ЁГОР. Мунлан кö эськö!
 МАТРЕН (*вешйö*). Сидзкö, ме муна. (*Кузякодь чöv.*) Нинöм
 он и шу?
 ЁГОР (*лэдзöма юрсö*). Кодi?
 МАТРЕН. Ёгорыс!
 ЁГОР. Мый ме татчö шуа? Шуöм бöрад!

Матрен ырöстö да мунö. Пекла пуксьö Ёгор дiнö, маласьö.
 Ёгор кутö гудöкасьны, и сьылöны.

Көнкö ылi нюрын,
 Баддыс көнi тшем,
 Эня-ая турун,
 Висьталöны, эм.

Пöжан кө пö сийöс,
 Юан вина сор,

Шедö пö сэк киö,
Коді колантор.

Он пö вермы овны
Öта-мөдтöгьд.
Тырмас, инö, повны,
Бöрдны гожöмбыд.

Вадорысь кайöны том йöз. Найö тшöтш сюртчöны сьылöмас.

Мустöмыдкөд зыкö
Пöдан пырысь-пыр.
Овны кö мед ськөд,
Кодөн лолыд тыр.

Кодкөд узьсьö войыд,
Аскисьыс он пов.
Сідзтö верöс шойыд
Меным оз и ков.

Ветла ылі нюрас,
Пукта аслым мог.
Китыр кö и сюрас,
Вунöдла на шог.

Локтö С а в ö, юöма. Ставөн чöv олöны.

САВÖ. Мый нö ланьтинныд? Ошкö пöри? Ёгор, ворс!

ЁГОР. Дьшöдiс.

САВÖ. Он нин кöсийы лэптыны керкатö?

ЁГОР. Кöсья.

САВÖ. А кыгысь нö кертö пöрдан?

ЁГОР. Вöрысь.

САВÖ. А мый нö пычкысян?

ЁГОР. Сідзи.

САВÖ. Дон колö?

ЁГОР. Мен оз ков.

САВÖ. На, эзысь руба! Николаевскöй!

ЁГОР. Велькодь.

САВÖ. Сета кö эськö банад!

ПЕКЛА. Парсала чужöмтö! (*Воча сувтö.*)

Том йöзыс тшöтш воча сувталöны да шуалöны:

- Мун бурён!
- Ас кокнад!
- Лөг петкөдлысь!
- Морт сёйысь!
- Горзёдлас на Тимасьыд!
- Вирён!

Саво бёрынтьчө да муно. Ёгор ворсө гажас. Сьылёны да йөктёны. Рөгыд мысти локтёны Т и м а да Р а я. Тима тшөтш сувтө гудёкавны, а Рая йөктыны.

Өти зон эм, абу лёк,
Абу мисьтөм.
Паныд лоо кө мен... Ог,
Ой, ог висьтав.

Мелі кывйыс сьөлөмө
Сьлөн письтө.
Сөмын коді, нимыс кызд,
Ой, ог висьтав.

Мукөд нылыс, наян син,
Ставсө кисьтас.
А ме сьтөг кула нин...
Ой, ог висьтав.

Гуся дойнад некод на
Абу висьтөм.
Енмыс кө мен шуома...
Ой, ог висьтав.

Полөмпырысь эскыны
Сөмын лысьта.
Сылы эськө ме кодь ныв...
Ой, ог висьтав.

Абу жө ме лы да ку,
Олом визьтөм.
Зэв на-й сылы гөтырпу...
Ой, ог висьтав.

Тима да Ёгор оз и сетлыны лолыштнысө, бара гудёкалөны. А мукө-
дыс сьылёны да йөктёны.

Он и төдлы, сьӧлөмтӧ
Нюкыртас да ёнтӧ.
Гӧтыртӧгыд, вӧлӧмкӧ,
Пачыд оз на шонгы.

У н а ы с ь:

Босьта вот да гӧтрася,
Кодӧскӧ тась вая.
Нэм кежлӧ нин кӧртася
Шоныд мышкӧ саяс.

Мед, колӧкӧ, ыдждалӧ,
Сӧмын абу ош кодь.
Мыйысь колӧ-мыжалӧ,
Мыйысь колӧ-ошкӧ.

Гӧтырыдлӧн видӧмыд
Абу на ӧд дойдӧм.
Кык олӧматӧ йитӧмыд
Абу ӧгчыд мойдӧм.

Колӧ нин мен кодикӧ,
Керка шӧрӧ колӧ.
Садьмигӧн и водигӧн
Юрӧ тайӧ волӧ.

ТИМА. А вайӧ ветламӧй! Помысь помӧдз!
ЁГОР. Талун эгӧ на ветлӧдлӧй.

Вӧрзӧны сьылігтырйи Тима да Ёгор бӧрся. А найӧ гудӧкалӧны.

Вӧлі том дырйи рытгоров муна,
Некор вой шӧрыс гортын оз су.
Ӧти муслуныд абу и уна,
Но и этшаӧн сійӧс он шу.

Джуджыд ваӧ моз повтӧгыд сунан,
Ӧдйӧ босьтас кӧ гӧтрасян ру.
Ӧти гӧтырид абу и уна,
Но и этшаӧн сійӧс он шу.

Гозья костад став курыдыд вунас,
Он кӧ мывкыдтӧ вошты ни ю.

Өти шуддуныд абу и уна,
Но и этшаён сійӧс он шу.

Кокни олӧмтӧ аслыд он тунав,
Сӧмын тӧв бӧрыс медым эз ну.
Өти олӧмыд абу и уна,
Но и этшаён сійӧс он шу.

Съыланкыв помыс юралӧ саялӧм бӧрас нин.

З а н а в е с

П О М

МУ ВЕЖАН ЛУН

Кык юкөна теш

В о р с ы с ь я с:

ӨРТЬӨ — пöрысь морт
ОПОНАССЯ — сьлөн гöтырыс
РОЗА — найö нывлөн нылыс
ВИТЯ — ас муөн олысь, том на
НАСТЯ — клубөн веськöдлысь
СОРОВ — вöвлөм майор
ГАЛЕВ — милиционер, гудöкасьысь
ЧАНЯ САНЯ — совхозын уджалысь
ЗУЛЬÖ КОЛЯ — уджтöмалысь
КИСЬТА ВАЛЯ — кока лавка
Сьылысь-йöктысь, кымынöнкö

Водза юкөн

Вöчсьö сиктын, ю дор нöрысын. Ывлаыс шондиа, гөгөр веждö. Кылö гымгана музыка.

Пуяс сайысь мыччысьö К и с ь т а В а л я да кыйкнитлö öтарö-мöдарö, кыскыштö ортсöджык пызан, лöсьöдчö вузасыны. Мыйсюрö көлуйсьыс öшлö пу вожъясьö.

ВАЛЯ. Колöма водэджык локны да. Эсйö Галевыс понда... Он пö лысьт татөн вузасынтьö. А кытөн нö, порсь карта дорын? Быгтьö кодкö и полас сыысь. Мун сэтысь! Ой, горшöй нин косьмö. (*Юыштö термосысь.*)

Тэрыба петö Н а с т я, вöччöма концерт кезлö важ коми ногөн.

НАСТЯ. Оз öд тэрмасыны. Йöзыс кызвыныс локтисны нин-а. (*Казялö Валяöс.*) Валя, эськö!..

ВАЛЯ. Мый?

НАСТЯ. Кутан кө тан кисьтасыны!

ВАЛЯ. Абунас? Со, ваысь кындзи.

НАСТЯ. Сетчöмаөсь нин юөмас да. Сыысь öд полан.

ВАЛЯ. Мөдторйысь на эськө тэ полан, Настяй.
 НАСТЯ. Мыйысь?
 ВАЛЯ. Мед Соровтө ог мырдды.
 НАСТЯ. Ой, сълөн Россия пасьталаыс гөтыр!
 ВАЛЯ. Мед, тані тай гөтыртөм-а.
 НАСТЯ. Ме пайысь!
 ВАЛЯ. А мый сэсса дузьялан?
 НАСТЯ. Да, ми тані, гашкө, репетируйтны на кутам. Эгө на эштылөй лючки... тайö пуктысьöмнад.
 ВАЛЯ. Клубыд өд эм.
 НАСТЯ. Сэн коктө чеган. Оз нин помасьлы ремонтыс.
 ВАЛЯ. Со, ньоб плаштö. Турцияысь.
 НАСТЯ. Тэнад сійö мый дона, колökö?
 ВАЛЯ. Позьö өд уджйöзөн. Джынсö кымын.
 НАСТЯ. Ноко. (*Кышалö плашсö.*)
 ВАЛЯ. Ээв на и мунö.
 НАСТЯ. Оз пöрысьты?
 ВАЛЯ. Ар кызя на тай быгтьö.
 НАСТЯ. Ме ог тöд да... (*Пöрччö плашсö.*) Уна-ö нö ме босьтла? Тэ өд дыртö он жö виччысь.
 ВАЛЯ. А сьöлышт дай! Клубнад и ставнас, шу! Ме тай сьöлышти, эськө кантораын пукалі да. Öнi быдөн аслыс кыйöдö.
 НАСТЯ. Да менö ачымöс кыскö. Йöзсö гажöдны.
 ВАЛЯ. Но и йöйтав! Бара нин кутшöмкö лун думыштöмыд.
 Абу öмöй Троица талун?
 НАСТЯ. А коминас Му вежан лун! Со тай, гөгөр вежöдö. Шондиа и.
 ВАЛЯ. Тубрала?
 НАСТЯ. Час, энлы на. Бöрти кö ог... (*Котöртö.*)
 ВАЛЯ (*бöрсяныс*). Мун, син вежысь! (*Öшöдö плашсö.*)

Локтö Г а л е в, киняулас гудöка. Но милицейскöй фуражкаыс юр
 вылас и кительсö павкнитöма.

ГАЛЕВ. Шу кöть эн сылы вот! Шу кöть эн!
 ВАЛЯ. Мый шулін?
 ГАЛЕВ. Он, мися, лысьт татөн вузасьныгтö!
 ВАЛЯ. Ог өд тай винаөн. Ставыс ва доз.
 ГАЛЕВ. А мышку саяд?
 ВАЛЯ. Кöнi?
 ГАЛЕВ. Картон көрöбас?

ВАЛЯ. Со, ошлөма сэтысь! (*Индө көлуй вылас.*) Ньоб еджыд дөрөмтө. Гөтрасиг кежлад. Пакистанысь.

ГАЛЕВ. Ылын на меным сэтчөдз.

ВАЛЯ. Кытчөдз?

ГАЛЕВ. Гөтрасьөмөдзыс.

ВАЛЯ. Быдтан на али мый... добратө? (*Пыльсьялө.*)

ГАЛЕВ. А ог... тэ моз!

ВАЛЯ. Кор менө сулін? Кодкөд?

ГАЛЕВ. А быдлаө ветлан төварыдла, да он нө и лышкыдась?

ВАЛЯ. Вешйы, а то!.. (*Ырыштчылө.*) Сэссия менө жө и пуксьөдан. А вай парсала мисьтөм чужөмтө, да пуксьөд и эм! Кымынкө во кежлө.

ГАЛЕВ. Мыйысь парсалан?

ВАЛЯ. А кодөс нө кутлин сойөдыс бур сьөлөмөн? Код юраысь өтдор? Овыд кодь и сьөлөмыд, Галев да галя из. Мун сэтысь!

ГАЛЕВ. Ог өд тэ вылө видзөд. (*Мөдөдчылө.*)

ВАЛЯ (*нерө*). Гудөк на сэн кыскалө и!

ГАЛЕВ. А мый нө?

ВАЛЯ. А оз и лөсяв гудөкыд... кын мырйыдлы.

ГАЛЕВ. Дырджык кө эськө скөрмөдчан!

ВАЛЯ. А мый нө вөчан?

ГАЛЕВ. Босьта да нуода дай!

ВАЛЯ. Кытчө?

ГАЛЕВ. Кытчөкө өд. Со тай вадор баддыс!

ВАЛЯ. Лок! (*Кутчысьө сояс.*)

ГАЛЕВ. Да виччысьөны менө! (*Мынтөдчө.*)

ВАЛЯ. А ме, гашкө, виччыси жө!

ГАЛЕВ. Эн кодав, эн.

ВАЛЯ. Ме код? Муртса кофе и юышти да?

ГАЛЕВ. Кылыштө тай вомсьыд-а.

ВАЛЯ. Но, коньяк сорөн! Но и мый сэссия?

ГАЛЕВ. Но и тырмылас!

ВАЛЯ. А ачыд? Көсьян кө быттьө? (*Босьтлө термоссө.*)

ГАЛЕВ. Ог. И эн дзерөдчы! (*Мунө.*)

ВАЛЯ. Быттьө өд кос вома! Некод дорө оз сибав ни! А коды и олө?

Локтөны О п о н а с с я да Р о з а, концерт вылө жө вөччөмаөсь.

ОПОНАССЯ. Валялөн тай оз узьсьы!

ВАЛЯ. Лун шөр кадас?

ОПОНАССЯ (*чатөртчылө*). А лун шөрүд лоо. Он кө пышйыв гортсыыд, он и мынлы. Öртүө матькан на коли. Лок, Роза, эн ылав быдлао.

РОЗА. Мися, мый вузалöны. (*Видзöдалö.*)

ОПОНАССЯ. Мый эськö оз вузавны да. Вöсни на зептыд. Он кө озыр бöрся вöтчыв. (*Кыскыштö.*)

РОЗА. Но, ыджыд мамö, но!..

ОПОНАССЯ. Со öд кутшöмөсь öнйяыд. Куш синмыс и юраныс.

РОЗА (*видласьö*). А эсийö нö? Бермудка? (*Валя мыччö.*)

Ой! (*Лигышмунлö долыдысла.*)

ОПОНАССЯ. Тайö нö трусик али, мый али?

ВАЛЯ. Трусик вылад. Гожöмнас. Венгрияын тай став нылыс татшöма.

ОПОНАССЯ. Сэни, колöкö, абу номйöсь да.

ВАЛЯ. Миян öд... он жö вөрö мун тайон.

ОПОНАССЯ. А оз нö тöдчöд, кытi оз ков?

ВАЛЯ. Мед. Абу öд лясö баба! (*Индö Розалань.*) А кутшöма на мунö томыды!

РОЗА. Ньöба кө эськö!

ОПОНАССЯ. Мый вылö? Миян вöлыштiс, да сакар мешöк вылö и мунiс пензияыд-а.

РОЗА. А меным мамö сетыштлiс. Ковмас кө пö, туй вылад ли кытчö.

ОПОНАССЯ. Шыблась!

РОЗА. А ме котöртла, вот! (*Котöртö.*)

ОПОНАССЯ. Кыськö тай эм! Öнiя нывъястö... некодöс оз ков верöс саяд босьтны!

ВАЛЯ. Мыйла?

ОПОНАССЯ. Куштасны бур морттö! Ой, бара и видас Настяыд! (*Мöдöдчылö.*)

ВАЛЯ. Абу тай дыш!

ОПОНАССЯ. Мый?

ВАЛЯ. Но... чивкъявнытö.

ОПОНАССЯ. Кор нö ме чивкъявлi, дас квайт арöссиянь моль бöж вöтлыны ыстiсны да? Вот öнi и гажöдчышта! (*Йöктыштö.*) Дась кувтöдз! Шуан кө мöдысь, порöда пызантö! (*Кöсийлö.*)

ВАЛЯ. Опонассия, дугды, колöкö!

ОПОНАССЯ. Арсьö вужтö вöли висьталöны, кока лавка пö вöлöма, а сэтчö жö и кыскöма сувтса бугыльöс!

ВАЛЯ. Вежсис нин законыд, вежсис... йöзтö тöдны! Бөр нин... кызд кужан!

ОПОНАССЯ. А вот кужа и эм! (Йӧткыштӧ пызансӧ, весиг ачыс саймовтчылӧ.)

Кылӧ Валялӧн тоткӧмыс. Мыччысьӧ В и т я.

ВИТЯ. Мый нин, Опонассия тьӧткаыс?

ОПОНАССЯ. Эн юась.

ВИТЯ. Чупъялан тай да.

ОПОНАССЯ. Тэ тай мунан жӧ. Оз овсыс гажаинас.

ВИТЯ. Луныс кольӧ, тьянлысь кӧ концерттӧ виччысьсны.

ОПОНАССЯ. Зиль ӧд лоӧма, пермерад петис да!

ВИТЯ. А быть ӧд! Совхозад юсян!

ОПОНАССЯ. А-а... Витя!

ВИТЯ. Мый?

ОПОНАССЯ. А тадзтӧ ӧд, куш уджтӧ мыркӧмнад, он жӧ гӧтрасьлы! Скӧрмы кӧть эн-а.

ВИТЯ. Меным мамӧ на пусьӧ.

ОПОНАССЯ. Мамыд ӧд абу жӧ помтӧм нэма. Висьӧдчӧ на, буракӧ, дай. Сӧптас али мый... кутшӧмкӧ изъяс пӧ. Йӧйталан сэн! Мед важӧн нин кодӧскӧ коралін!

ВИТЯ. Коралан кодӧскӧ, ставныслӧн карӧ синмыс да. Нывъ-ясыдлӧн.

ОПОНАССЯ. Ӧнӧ бӧр нин пышъялӧны карсьыд. Абу жӧ сэн уджыс. Дай татысь на кодкӧ сюрӧ.

ВИТЯ. Кодӧ?

ОПОНАССЯ. Чуйда, колӧкӧ!

ВИТЯ. Кодӧ, мися?

ОПОНАССЯ. Роза миян!

ВИТЯ. Тьян?

ОПОНАССЯ. А мый нӧ, ог ме сылы ыджыд мамӧн ло?

ВИТЯ. А-а... А мыйла ме ог тӧд сийӧс?

ОПОНАССЯ. Он, дерт, оз татӧн ов да. Видлыны воис. Сӧмын на помалӧма ПТУ. Буретш тэнлы вылӧ.

ВИТЯ. Мыйла менлы вылӧ?

ОПОНАССЯ. А гижӧма дипломас: «Пермер гӧтыр».

ВИТЯ. Дугды, гижасны «гӧтыр»!

ОПОНАССЯ. А мый нӧ, «Хозяйка фермы»-ыс оз ло пермер гӧтыр коминас?

ВИТЯ. Гӧтырнад... колӧ на лоны.

ОПОНАССЯ. А вай! Тӧдмась да.

ВИТЯ. Мича?

ОПОНАССЯ. Ен сыкөдөн! Мелань мунышто и. Томдырся-
лань.

ВИТЯ. А он кө сёлөм вылас во?

ОПОНАССЯ. А тэ воодчы! Мелён да кыз да.

ВИТЯ. Тани көнкө сий?

ОПОНАССЯ. Вежсыны котөртис. Локтас вот. Сэссия матыст-
чы дай!

ВИТЯ. Матыстчынытө эськө... абу сёкыд да.

ОПОНАССЯ. А мый нө сёкыдыс?

ВИТЯ. Мый на и шуан?

ОПОНАССЯ. Мыйкө өд. Эн на али мый төдмасьлы нывъя-
сыскөд? Армияын и быдөн вөлін да?

ВИТЯ. Мый сийо дуригмозыд. (*Падъялө.*) А збыльысьтө...

ОПОНАССЯ. Мун, нярмөм турун! Босыти да висьтаси. (*Мунө.*)

Витя жөвъялө, оз төд, кодарө мунны. Валя петкөдө бөр пызансө.

ВИТЯ. Валя, мынтыся өд... Вомтыр кө и, а?

ВАЛЯ. Эн ышмы. Ас олөм вылө кө петин. Дай ва сөмын
менам. Со.

ВИТЯ. Дэльөдис тай Опонассяыс да.

ВАЛЯ. Дэльөдны и колө тэнө. Дыр-ө он гөтрась?

ВИТЯ. Гашкө и...

ВАЛЯ. А вай тэа-меа...

ВИТЯ. Мый?

ВАЛЯ. Отвывтчам. Кутшөмкө ногөн.

ВИТЯ. Кутшөм ногөн? Тэ меысь вит арөсөн ыджыд да? Гусьөн
олөмон?

ВАЛЯ. Ог ме сы йылысь. Отнадлөн тэнад өдийо на юрид
кушмас. Онi уджыд нинөм на оз висьтав. Онi төвар колө вөчны.
Со йөзыслөн!

ВИТЯ. Кысь нө ме татшөм төварсө вөча. Мыйысь?

ВАЛЯ. Йөлыд да яйыд мед төвар вөли. Мед наысь на мыйкө
вузөс вылө вөчны. А сідзтө совхоз мозыд и пуксян. Тшыг пон моз
и кутан видзөдны, оз-ө кодкө мыйкө шыбит. Онi кысь мый шедө
колө овнытө!

ВИТЯ. Гусясьны али мый?

ВАЛЯ. Вөчны кысь мый верман!

ВИТЯ. Сідз эськө да. Отнад өд он жө быдлаө тырмы.

ВАЛЯ. Сы йылысь и сёрниыс.

ВИТЯ. Но, думышгла. И ог на гортө мун.

ВАЛЯ. Эн на и мун. Вөзийоны тай гөтырпутө.

Витя муно, кытөн йёзыс кылёны. Локтёны *Ö р т ь ö* да *С о р о в*,
неуна гажаоьс.

ÖРТЬÖ. Винаыд вот корсьö морттö. Эн кö пырав тöрытья
дознад, эськö вомö на талун эг босьтлы.

СОРОВ. Кольыштліс да. *Öтнам* öд ог ю.

ÖРТЬÖ. А менö нинöмысь на юктавнытö.

СОРОВ. Мыйла нинöмысь? Тöрыт тай, видзöдлін да, пыр и
шуиң, мыйла пö лолöда керсö пуктанныд сэтчö.

ÖРТЬÖ. А шуи, скöрми да.

СОРОВ. А сійö бур! Он öд во-мöд кежлö керкатö лэпты.

ÖРТЬÖ. Он, дерт, аслыд вылö кö.

СОРОВ. Аслым вылö!

ÖРТЬÖ. А сэссия öд и гöтыр на сэтчö ковмас.

СОРОВ (*ышловзьö*). Ме ог тöд.

ÖРТЬÖ. А мый нö, эз и вöвлы?

СОРОВ. Сідз-тадзыс. Армияд — кытчö ыстасны. А кодкö
вöтлысьны кутас тэ бöрся! Пельöсад овнытö!

ÖРТЬÖ. Майорöдз нин волöмыд да?

СОРОВ. Мый сійö майорыд... аслад юр сюянінтöгыд?! Сійөн
и рапорт сеті да... (*Öвтыштö кинас.*)

ÖРТЬÖ. Но, тані овмöдчан. Эн юсьы-а.

СОРОВ. Ог.

Мöдöдчылöны и казялöны Валяös.

ÖРТЬÖ. Со вöлöма Валяыд.

СОРОВ. Ми сійös корсям-а.

ВАЛЯ. Абу, абу! Ва сöмын.

ÖРТЬÖ. Пыр öд и вомалас. А видзöдлы мортыс вылö!

ВАЛЯ. Эг на и адзыв да... Сорөвтö!

ÖРТЬÖ. А гöтыртöм на, мыйкö думайтан кö. Керка лэптö и.

ВАЛЯ. Мед.

ÖРТЬÖ. А он кисьтышт?

ВАЛЯ. Абу, шуöны. Öлöдисны и.

СОРОВ. Гусьöниконтö эськö...

ВАЛЯ. Настяыдлысь кор! Сыкöд тай вöлі вашгялан. Войдöр-
лун! (*Саймовтчö.*)

СОРОВ (*шйöвошлö*). Мунам, *Öртью* дядьö.

ÖРТЬÖ. Мунам эськö да...

СОРОВ. Озджык вид гöтырыд.

ÖРТЬÖ. Ачыс эськö сійö дом йылын видзантор!

СОРОВ. Мыйлакө?
ӨРТЬӨ. Эштөма тай уджыс. Лук пуктылім да... нявдаон тырөма... а колө на йөктыны мунны... шырлытөм юрлы! Эсйө Настяыс жө эськө мыжаыс да.

СОРОВ. Мыйөнкө?
ӨРТЬӨ. Оз тай и өшйыв инас, корсьө аслыс ноктө, абу верөс сайын да. Му вежан лунтө нин кыськө кывлөма! А мед гозйөн видлас, дыр-ө оз өвсьы? Вай лэчкалам! Тэнлы вылө!

СОРОВ. Шедас кө?
ӨРТЬӨ. Вашгьялөмыд нин ськөд да!
СОРОВ. Ме өд сідзи на.
ӨРТЬӨ. А сэсся и тадзи!
СОРОВ. Кыдзи?
ӨРТЬӨ. Могөн!
СОРОВ. Кутшөм могөн?
ӨРТЬӨ. Сьөлөмыд могөн! Гөтрасьөм понда!

СОРОВ. А-а, гөгөрвои.
ӨРТЬӨ. А гөгөрвоин кө, и лок. И сэсся мед вөлі абу бөрнясьөма! (*Вөрзвө.*)

СОРОВ. Ог.
ӨРТЬӨ (*бергөдчылө*). Ыкшаасис, эз и кисьтышт... А ог на и кулөй сы пондатө!

СОРОВ. Кулас кодкө!

Мунөны өта-мөднысө кутыштөмөн. Локтө З у л ь ө К о л я, корзьөм паськөма. Сувтө пызан дорө да довьялө.

КОЛЯ. Валя! Қыгөні?

ВАЛЯЛӨН ГӨЛӨС. Пу йылас!

КОЛЯ. Аддза нин. Мыйкө...

ВАЛЯ (*мыччысьө*). Мый?!
КОЛЯ. Пыр өд скөрмас. Мед эськө он и шыасьлы.

ВАЛЯ. Вешйы дась бурөн!

КОЛЯ. Велькөдан кө юрөс и.

ВАЛЯ. Велькөда вот! (*Чургөдлө газөн дорйысян.*)

КОЛЯ (*повзвылө*). Мый нө татшөмыс?

ВАЛЯ. Мусө локөдан! Коркөя мозыд кө пурттө петкөдлан!

КОЛЯ. Кисьтыштін кө и... сэки. (*Жермунлө.*)

ВАЛЯ. Гуга зептыд... Зульө Кольөлөн!

КОЛЯ. А босьт дай... Кутшөмкө удж вылө.

ВАЛЯ. Ме босьта?!

КОЛЯ. А мый нө, асьтө ли төвартө видзны?!

ВАЛЯ. Мун сэтэсь! Совхозыд нин тэсь мынӧма-а. Колан кодлыкӧ!

КОЛЯ. А джагӧдча нӧ сэсья?

ВАЛЯ. Тэ помысь!

КОЛЯ. Ог нӧ вермы?

ВАЛЯ. Он.

КОЛЯ. Мыйла ог?

ВАЛЯ. Мыйла негытчӧ нинӧм. Сы вылӧ нин абу морттуыйд.

КОЛЯ. Мед эськӧ збыльысь джагӧдчи. Абу жӧ и морт, тадзтӧ кӧ. Тырӧмыд нин лӧкнад.

ВАЛЯ. Мун, корсь бурсӧ! (*Саймовтчӧ.*)

КОЛЯ. А эндӧмыд нин ачид. Некод эз на и личкыв, буракӧ. Кӧнкӧ карад кӧ эз. Сэтчӧ тай вошлан.

ВАЛЯ (*мыччысьӧ, беддя*). Ойкнита, он кӧ ланьт!

КОЛЯ (*ылыстчӧ*). А Чаня Саня... и то на бурджык тэсь. Мед, юышталӧ кӧ. А пи на быдтӧ.

ВАЛЯ. А кодсянь нӧ эськӧ пиысь? Садьыд эм абу?

КОЛЯ. Ми ӧд эгӧ гижасьлӧй.

ВАЛЯ. Тойла пеж вомтӧ! (*Уськӧдчылӧ, но Коля пышйӧ.*) Кытӧнкӧ тай чужан да олан!

Котӧрӧн локтӧ Р о з а.

РОЗА. Ме ӧд ньӧба! (*Мыччӧ сьӧмсӧ.*)

ВАЛЯ. Со тай. Час, пакетӧ пукта.

РОЗА. А оз кӧ меным лӧсяв?

ВАЛЯ. Оз, дерт. Абу ӧд тоин кока, усьӧм лядвея да. Бӧрсяныд абу тшӧтшыд ни.

РОЗА. А кыз нӧ? (*Бергӧдчылӧ.*)

ВАЛЯ. А оз и ӧшав. Колана гӧгрӧс.

РОЗА. Пасьтавла кӧ эськӧ!

ВАЛЯ. А пырав дай, эстчӧ пу саяс.

РОЗА. Ог тани, котӧртла на. (*Бӧр котӧртӧ.*)

Бара локтӧ З у л ь ӧ К о л я.

ВАЛЯ. Матыстчылан кӧ эськӧ!

КОЛЯ. Туйыс абу на тэнад. Ме, гашкӧ, концерт вылӧ.

ВАЛЯ (*нерыитӧ*). Сэтчӧ! (*Букыитчылӧ да саймовтчӧ.*)

Зульӧ Коляӧн оз на мунсы. Локтӧ Ч а н я С а н я, копыртӧма юрсӧ да сьылӧ вомгорулас. Вӧчӧма жӧ.

САНЯ. Кытчө ваяд волөма, сэтчө коркө волас на. Ок да, ок да, ок да, ок!..

КОЛЯ. Саньё али кодї?

САНЯ. Синмыд өд эм! Зульөлөн!

КОЛЯ. Ачыд зульөыс. Зурасян кытчөкө. Видлөмыд нин талун и.

САНЯ. Видлі.

КОЛЯ. Кытысь? Кодлысь?

САНЯ. Ассьым. Ньөблі да.

КОЛЯ. Мый вылө?

САНЯ. Но, ог нө совхозас петавлы? Куш тэ моз и вуркъяла? Компенсация на сетісны-а.

КОЛЯ. Мыйыськө?

САНЯ. Но, ог нө быдтысь? Куш өтнам и ола? Абу өд тэ кодь законыс!

КОЛЯ. А тадзтө кө... абу жө өд тэнад сөмын пыид. Мый көть и... эгө гижасьлөй.

САНЯ. Со тэныд, урөслы! (Өдйө муно.)

Зульө Коля мөдөдчылө жө сэтчань, но паньд сылы петө В и т я.

КОЛЯ. Энлы, Витя.

ВИТЯ. Мый нө?

КОЛЯ. Водзөсөн кө, мися...

ВИТЯ. Мый водзөсөн?

КОЛЯ. Юрөй тай висьө да. Сэссия мый тшөктан... аски ли кор ли... сійөс и вөча.

ВИТЯ. Дугды... вөчөмнад!

КОЛЯ. Он мездыв?

ВИТЯ. Пон оз на пур!

КОЛЯ. Сэссия эн каитчы-а. Зэв эськө паськөдчан да.

ВИТЯ. Сета пуланьыс!

КОЛЯ. Сет. Тэныд өд арся войыс волас на жө. Өзьяс кыткө дай.

ВИТЯ. Өзта вот асьтө! Эстөн гуранас! (Кутө морөсөдыс да тойлалө Зульө Кольөөс бөрвыв. Саявлөны недыр кезлө, и өтнас нин сэся локтө.) Мунома кө Валяыс-а?

ВАЛЯ (мыччысьө). Эг.

ВИТЯ. Пань тыр кө эськө?! (Кыскө сьөм.)

ВАЛЯ. Эн йөйтав, шуөны.

ВИТЯ. Скөрмөдіс тай эсію да.

ВАЛЯ. Мед мунін дай, эн и сувтлы. А мый нө клуб дорас эз на овсьы?

ВИТЯ. Опонасся тай косьйисис... Розакөд пө төдмөда. А сэс-
ся шуис, гашкө пө, ачылд паныд сылы ветлан.

ВАЛЯ. Ветлы.

Тэрыба восьлалө Роза. Пасьталөма нин бермудкасө да дэльөдчө
быттбө.

ВИТЯ. А тайө нө нин коді?

ВАЛЯ. Розаылд и эм.

ВИТЯ. Мун, татшөмыд!

ВАЛЯ. Майбыр на эськө да. Мыйкө гөгөрвоан кө?

ВИТЯ. Төдмасы нө?

ВАЛЯ. Ачылд төдан.

ВИТЯ. А гортө муна дай.

ВАЛЯ. Мун. Олөны тай мукөдыс, гөтыр оз ков.

ВИТЯ. А ытшкылі асывнас... куканьяслы... веж сөдас вылө...
да ог косьты том турунсө.

ВАЛЯ. Он, дерт! (*Серөктө.*) Вежөра морт!

ВИТЯ. А төдмасы нө?

ВАЛЯ. Жуйяв, өтнад тэ и зонмыс да.

ВИТЯ. Едритвойөн жө эськө да! (*Мбөдөдчылө да падъялө.*)

Кылө видчөм. Клубладорысь Опонасся петкөдө сойбордөдыс Розаөс.

ОПОНАССЯ. Юр янөдысьыд тай эм! Юр янөдысьыд тай эм!
Татшөм дженьылд рузумнас нө лысьтан петны ывлаас? Оз чайтны
кокни руаөн?

РОЗА. А мед пондылөны!

ОПОНАССЯ. А синнас нө оз сөйны? Видзөдлас кодкө вы-
лысад? Этатчө тай и сатшкысьөны! Он кө мун да вежсьы!

РОЗА. Сөысь ог вежсьы.

ОПОНАССЯ. Он кө и, гортын ов! Игнала да! (*Казялө Ви-
тяөс.*) Ойя да! Татчө и сувтас сьөлөмыд! Витя, эн дивит!

ВИТЯ. Ог.

ОПОНАССЯ. Менө эськө мед да, этійөс эн!

ВИТЯ. Ог жө дай.

ОПОНАССЯ. Ныв юра на өд, он кө верит.

ВИТЯ. Верита.

ОПОНАССЯ. Сийөн на и ыкшаасьө.

РОЗА. Ньоти ог ыкшаась. Ог тиян моз пөжсьы татшөм лунас.

ОПОНАССЯ. Ланьтлы. Мыйкө, Витя... ачым ог жө эштгы-а...
Он петкөдлы талы?

ВИТЯ. Мый?
ОПОНАССЯ. Семö юкмөссö. Юр мысъкан ва пö тай колö да.
РОЗА. Ме öд сийöс тöрыг шулi, эг талун. Мыйкö тэ, ыджыд мамö...
ОПОНАССЯ. Менам вунласьö нин. Петкöдлы, Витя, петкöд-
лы. Семö юкмөссö.
ВИТЯ. Но, колöкö.
РОЗА. Да?! Концерт лоö-а.
ОПОНАССЯ. Суанныд на. Миянлы ас костаным на колö
сьылыштны. Эн сулав, эн!
ВИТЯ. Матын öд, Роза. (*Вөрзьö.*)

Роза дузъялыштö да вöтчö.

ОПОНАССЯ. Но, сё Кростос, буракö! (*Пернапас чöвтö.*)

Клубладорысь петöны Н а с т я да Г а л е в, гудöка; на бöрся Ч а -
н я С а н я да нöшта кымынкö ань.

НАСТЯ. Локтöй, татöн! Сувталöй! Опонассия, лок! (*Галевлы.*)
Мишка, эн öдйö. Лывкйöдлёмөн. Вайö!

Сьылöны.

Талун пö Му вежан лун,
Уджавны некод оз мун.
Со тай нин, кылöны,
Йöктöны-сьылöны.
Йöзыдлөн гажыд оз вун.

Пуяслөн потöма кор,
Турунөн вежöдö бор.
Лэбачыс шыалö,
Ва вылыс гыалö.
Мыйла и сьёлöмыд нор?

Öтнад öд гортад он ов,
Некодлы быттьö он ков.
Ветла да йöктышта,
Долыдсö öктышта.
Век öд он мыйыськö пов.

Кытӱнкӱ шудыс кӱ эм,
Мед эськӱ нюмдылас мем.
Кодӱскӱ вайӱдас,
Льӱм пуӱн сайӱдас.
Ӓтнамлы овны мӱй нэм?

Дзирдалӱ шондӱлӱн куд,
Дзоридзӱн тырӱма луд.
Муыс кӱ вежсьылӱ,
Быдтысьӱ-эжсьылӱ,
Волас и меным мед шуд!

ОПОНАССЯ. А мыйкӱыд на миян оз артмав и, Настя. «Ылӱдлӱ на, гашкӱ, томӱс»-ыд.

САНЯ. Сӱйӱ эськӱ артмӱ нин.

ОПОНАССЯ. Мый сӱйӱ гажтӱматӱ?! Ышмытӱгыд?

НАСТЯ. Вайӱ но!

Йӱктӱны сылыгтырайи.

Быттӱӱ томӱн дзоридз ӱкта,
Быттӱӱ шогсӱ ог на тӱд.
Век на сыла, век на йӱкта,
Век на олӱмсьыс ог пӱт.

У н а ы с ь:

Ок-ок, ки да кок,
Некытӱ на абу лӱк.
Ставыс аслам, ставыс Енсянь,
Эв на-й лӱсьыд гӱгӱрбок.

Мӱдысь му вылад он волы,
Ловъяылӱн ӱти нэм.
Ворсӱ вирыд, ышмӱ лолыд,
Мортыд сы вылӱ и эм.

Локтӱ мичыд, локтӱ шаньыд,
Кор тэн дас кӱкъямыс ар.
Но-а миян коми аньыд
Ветымыннас абу няр.

Некор гажтöмьд оз помась,
Кутан пукавны кö чöв.
Ылöдлi на, гашкö, томöс,
Эг кö ыджьд мамөн вöв.

САНЯ. А öнi «Коми муад шогьд сюрö»-тö. Сьöлöм кырлана-
ыд колö жö. Опонассиясь тай кывзысинныд.

ОПОНАССЯ. Сьылам дай. Дыр-ö нö?

НАСТЯ. Саня, эськö тэ кирган нин.

САНЯ. Ог öд тай и босьтав.

НАСТЯ. Да... вайö... вензьöм дорысь.

Сьылöны.

Ягын пожöм, вылын юра,
Керка керйыд вылö бур.
Коми муад пуыд сюрö,
Сьöлöм сетысьыд оз сюр.

Тöвся лымйыс шорөн тюрö,
Ойдö ваөн видз и нюр.
Коми муад ваыд сюрö,
Сьöлöм косьтысьыд оз сюр.

Югьд изйыд абу курыд,
Пывсянад оз висьöд юр.
Коми муад изйыд сюрö,
Сьöлöм шонтысьыд оз сюр.

Лэбзьöм водзын горзö тури,
Кольтöм вöсна вуджö ур.
Коми муад шогьд сюрö,
Сьöлöм кутысьыд оз сюр.

ГАЛЕВ. Но и тырмылас. Муналасны йöзыд.

НАСТЯ. Час, «Зарни аньтö», и тырмас. Вайö! Сьöлöмсянь да
мелiа.

Сьылöны.

Бурөн казтьывлыны кута,
Кор на вöлим зон да ныв.

Тэ кө меным вөлін гудөк,
То ме тэныд — сьыланкыв.

Медым кадыс кывтө бөрө,
Сы пондатө олам на.
Тэ кө менам керка шөрөй,
То ме тэнад би да ва.

Лөгасьлөмыд өдйө вунө,
Лөктө песөмыд оз вун.
Тэ кө менам югыд лунөй,
То ме тэнад чөскыд ун.

Некод муслунтө оз пайкы,
Он кө ачыд вошты шань.
Тэ кө меным Вежа Айка,
То ме тэныд Зарни Ань.

САНЯ (*сьылыштө*). Ок, ёна жө нин меным шог!
ГАЛЕВ. Тырмылас, тэныд шуисны.
НАСТЯ. Мунамой, заводитны колө.

Муналөны.

САНЯ. А, Галев! Мишка! (*Сувтөдө.*)

ГАЛЕВ. Мый... бара?

САНЯ. А, чайтан, милиционер, дай пола ме тэысь?

ГАЛЕВ. Повзөдла нө ме тэно? Олөдлі юөмсыйд, и ставыс.

САНЯ. А юся кө? Он тэ ло мыжаыс?

ГАЛЕВ. Мыйла ме? Вомад кисьтала?

САНЯ. А кывзыси тэнсьыд, да мый бурыс? Ноко, висьтав!

ГАЛЕВ. Видзөдлыны тай позьө. А то сімөма нин вөлі чужөмыд.

САНЯ. А мый бурыс?

ГАЛЕВ. Ме ог төд, кутшөм бур сэсса тэныд колө.

САНЯ. А висьтала кө?

ГАЛЕВ. Висьтав.

САНЯ. А коді письмөтө гижліс, кор армияд вөлін? Мамыд на
весиғ чуйдліс. Гиж пө, Саня, гиж.

ГАЛЕВ. А-а... но... (*Муртса оз уськөд гудөксө.*)

САНЯ. А мыйла эн вочавидз?

ГАЛЕВ. Скөрмөма вөлі, тышқасим да. «Дедөясыскөд». Мед оз
тешитчыни! И тэ вылө сэсса тшөтш. Мися, дөзмөдчө сэтөн! Эськө
водзджык кө мыйкө вөлі миян костын...

САНЯ. Ме өд яндыси на жө... водзджыктө.
ГАЛЕВ. А тэрмасьомыд жө сэссия... Зульө Кольөйдкөд. Ад-
дзөмыд зонмөс. Трактористад, и то эз вермы школаад сдайтны-а.
САНЯ. А ме нө эг дөзмы тэ вылө? Ньөти эг и лөгасьлы?
ГАЛЕВ. А мый нин сэссия өні?!
САНЯ. Чаня Санясыд, шу!
ГАЛЕВ. Ме али мый нимті?
САНЯ. А куш ачылд на жө тай. Гөтыр ни котыр. Волы пукав-
нытө!
ГАЛЕВ. Войыс югыд!
САНЯ (*векыштчылө*). Ачылд на сэтшөм!
ГАЛЕВ. Кутшөм?
САНЯ. Тыртөм синма! (*Мунө.*)

Галев чукрасьыштө да матыстчө Валялөн пызан дорө.

ВАЛЯ (*мыччысьө*). Мый нө, гальскисны галя изъяд? Би
петалис? (*Шпыннälө.*)
ГАЛЕВ. А тэныд кывзысьны колө дай.
ВАЛЯ. Веськодь! Пель сьөдмөма нин тиянысь. Асьтө на тай
кежөдіс. Мый нө висьталан? Шогтө меным вайин?
ГАЛЕВ. А лөкөсь жө коми бабаясыд. Век быттьө пон курч-
чалөма найөс. Кывтө оз вермыны лючки шуны.
ВАЛЯ. Понийд өд овлө жө... кык кокабыд.
ГАЛЕВ. А мый ме тэныд лөксө вөчлі?
ВАЛЯ. Он нө эрав, кор он адзэыв? Öнтай на тан. Шу мыйкө
лючки. Көть өтчылд.
ГАЛЕВ. Мый шуа?
ВАЛЯ. Вадорө, шу, лэччылам. Бөрти. Гудөкөс, шу, босьта да.
Омөликатө өд сыла жө.
ГАЛЕВ. А збыль тэ... некодкөд на эн овлы?
ВАЛЯ. Мун сэтысь... допроснад!
ГАЛЕВ. А збыльысь кө, и збыльысь!
ВАЛЯ. Мый збыльысь?
ГАЛЕВ. Но... вадорад кө өд лэччылан, сэссия мыйкө и водзө
на... Гашкө и, гөтрасьөмөдз на воан... нинөм он төд...
ВАЛЯ. Вот вадорас и юав. А эн милиционерась.
ГАЛЕВ. Но ог.
ВАЛЯ. А мый нө эськө матыстчин?
ГАЛЕВ. Кофетө тай вөлі висьталан. Коньяк сорнад. Кольштө
тай быттьө да. Мед лөнъышті.

ВАЛЯ. На, таысь он на гажмы. (*Кисьтö термосысь.*) Ме, эськö, кыскылан кö сьöмтö!

ГАЛЕВ. Но ог либö.

ВАЛЯ. Да ю нин, ю. Пöсъялöмыд нин и. (*Чышкалыштö аслас ныр чышъяннас Галевлысь чужöмсö.*)

ГАЛЕВ. Но, ветла ме. Корсьöны нин, буракö.

ВАЛЯ. А бöрти? Вадорад?

ГАЛЕВ. Позьö.

ВАЛЯ. Мый эськö оз позь да?! Аслыдсö колö оз?

ГАЛЕВ. Ог тай и пыксьы.

ВАЛЯ. Ой, му пырыс и мунан! (*Тильö синсö.*)

Клуб дорысь петö Н а с т я.

НАСТЯ. Мишка, но... виччысьöны оз тэнö, а? Виччысьöны оз? Он кö лок öдйö!

ГАЛЕВ. Тян эськö асланыд эм баянистыд. Ме вылö öшйöмыдöсь-а.

НАСТЯ. Да сы вылö надеяыд! Бара нин оз ветлы чуньыс, он кö пöкмелитöд. Лок, сё муса, лок! (*Кутыштö Галевöс, мед нуöдны. Но сэк паныд петöны Öртьö да Соров.*) Мый нö тi, мунанныд нин? (*Мынтöдчö Галевысь, и сйö öтнас мунö.*)

ÖРТЬÖ. Сiдз довъялам. Онö заводитöй концерттö да. Опонась кор нин гортысь пышйылис-а.

НАСТЯ. Да, час.

ÖРТЬÖ. А мыйкö... (*Кыйкнитлö Валялань, но сйö таöдз на саймовтчö.*) Некодi жö матын абу-а...

НАСТЯ. А Соровыс нö? Орчöныд?

ÖРТЬÖ. А сы понда и сёрниыс. Он кö повззы.

НАСТЯ. Ме ог тöд. А ачыс нö мый ланьтöма?

СОРОВ. Ме, Настя, ай көк. Ни поз, ни гөлöс. Рочөн кö, глухая кукушка.

ÖРТЬÖ. Сйö öд вöлин, йöй! А öнi — олём олысь, керка лэптан! А керкатö эськö медся на бур гозйөн лэптыны. Онджык юксьы бöрыннас. Тэныд ме тайöс, Настя, висьтала. Сэсся некодлы ог.

НАСТЯ. Мыйла меным буретш?

ÖРТЬÖ. А тэнö син улас кутö. (*Соровлы.*) Оз кö соссьы öнi?

СОРОВ. Ог. Ме жö локаторщик вöли ракетной комплексын. Кутан цельтö и он сэсся вошты, кытчöдз он уськөд.

НАСТЯ. Мися, висьталöны. (*Курыда серöктö.*)

СОРОВ. Мый?

НАСТЯ. Кымынӧс нин уськӧдлӧмыд. Баба рӧдсӧ.
 СОРОВ. Коді висьталӧ?
 НАСТЯ. Ачыд тай ошйысьсӧмыд. Гашкӧ пӧ... дас гӧтыр нин вӧлі.
 СОРОВ. Гажа юрнад мый он шулы да.
 НАСТЯ. А талун нӧ садь?
 СОРОВ. Мунам, Ӧртӧ дядьӧ.
 ӦРТӦ. Энлы, огӧ на сетчӧй. Тэ ӧд, Настя, тадзтӧ кӧ, петавлін
 жӧ верӧс саяд. Абу жӧ нин киӧ шедлыгӧм. Бара дӧзман-а!
 НАСТЯ (*дзугыля*). А ме ог нин и вӧзйысь некодлы.
 ӦРТӦ. А лёк сьӧлӧмӧн нӧ, чайтан, сибӧдчӧ мортыс?
 СОРОВ. Ог. Мыйла либӧ керкасӧ лэпта, пышйыны кӧ?
 ӦРТӦ (*Настялы*). Му вежан лунтӧ вот пасйӧдан, а аслад
 олӧмыд коркӧ выльысь вежсьылас оз бурланыс? А?
 НАСТЯ. Ме мыйӧн тӧда.

Ставныс чӧв усьлӧны, и сэки петӧ О п о н а с с я.

ОПОНАССЯ. Настяӧс вот асьсӧ лоӧ корсьны!
 НАСТЯ. Котӧрта, котӧрта. (*Ӧдйӧ мунӧ*.)
 ОПОНАССЯ. Этӧян дорӧ нин ыалӧма!
 ӦРТӦ. Коді этӧяныс?
 ОПОНАССЯ. Гажа кӧ-а? Кыгысь нин бара? Коді юкталіс?
 Гортӧ садь на кольлін да?!

С о р о в ӧдйӧ жӧ мунӧ.

ӦРТӦ. Не твоё дело!
 ОПОНАССЯ. Дырджык кӧ эськӧ рочасян!
 ӦРТӦ. А ме, гашкӧ, асьтӧ талун ог лэдз гортӧ. Кытӧн гажыд,
 сэтӧн и гажъяв. Эн нин кут пӧтлыны.
 ОПОНАССЯ. А кула дай пӧтла, вот тэныд! Тайӧ уджӧн да,
 быдтысьсӧмӧн да... эг жӧ эштыв шогӧс пальӧдлыны-а. (*Пондӧ
 сывны йӧктышталӧмӧн*.)

Кольӧм во ни таво ар
 Эг нин пуктив самӧвар.
 Кодлы пуктан, вӧчан бур,
 Керкаад кӧ ӧтка юр?

ӦРТӦ. Ӧтка юр пӧ ӧд!
 ОПОНАССЯ (*сывлӧ*).

Кывтыдпомын эськӧ эм,
Кодлӧн кийс небыд мем.
Абу жӧ нин корӧсь гоз,
А вот коравнытӧ — оз!

ӦРТЬӦ. Коді кывтыдпомас?
ОПОНАССЯ (*сьылӧ*).

Ветла да вот скӧрмӧда,
Асьсӧ водзӧс йӧрмӧда.
Мися, нитшсялӧмыд сэн,
Ог и волы, кув кӧть эн.

Мися, эм жӧ менам дон,
Кийӧй-кокӧй аслам тон.
Коркӧя кодъ абу мед,
Эг на ёма гуысь пет.

ӦРТЬӦ. Лэптӧ ӧд асьсӧ!
ОПОНАССЯ (*сьылӧ*).

Мися, оз на лолӧй пӧд,
Тэ кодъыд мен сюрӧ мӧд.
Патера и быдӧн и,
Но ог висътав, кытӧні.

Мися, лӧсьӧдла на поз,
А вот тэнад — лолӧ оз?
Сэссия гортӧ муна дай,
Чукрасьӧ мед асьыс пай.

ӦРТЬӦ. Чукрасяс кодкӧ!
ОПОНАССЯ (*сьылӧ* *Ӧртьӧлы ныр водзас да йӧктӧ-зымӧдӧ*).

Дыр-ӧ ӧтнас больӧдчас,
Гашкӧ, войнас гольӧдчас?
Кӧть мед мый, а таво ар
Пуктыла на самӧвар!

З а н а в е с

Мөд юкөн

Вөчсө сэни жө. Концертис помасьөма нин, и кольөмаясыс лөсьөдчөны өтлаын пукалыштны. Та могыс петкөдөмаөсь пызан да буретш чукөртөны сийөс. Настя да Опонася лэптөны ыджыд самөвар, Чаня Саня вайө кык чайник; мөд чайникыс бура ыджыд жө. Галев да Соров вайөны скамья. Кодкө сувтөдалө стөканьяс. Öртьө сэни жө бергалө. Абуөсь Роза да Витя, оз тыдавын и Зульө Коля да Кисьята Валя. Торья сөрни оз на кыв, сідз шыбласьөны ас костаныс кывйөн.

ÖРТЬÖ. А мый нө, куш тшай и лоө тиян? А, Опонась? Оз өд кыв!

ОПОНАССЯ. Этшаджык юась дай. Абу тэныд пызаныс. Аслыным горш косьманинө. Коді сьыліс да йөктіс.

ÖРТЬÖ. А юансө нинөм энө вайөй да?

ОПОНАССЯ. Тшайыс нө тэныд абу юан?

ÖРТЬÖ. Сьысь и гажмылан! Асьныд Му вежан лун шуанныд-а. (Галевлы.) Тэ али мый эн тшөкты, Мишкакыс?

ГАЛЕВ. Ме нинөм эг шулы некодлы.

ÖРТЬÖ. А мый нө эськө поланныд?

НАСТЯ. Некод оз пов. Пуксьы дай, өтлаын и пукалыштам.

ÖРТЬÖ. Ме ог татшөм пызан саяд. (Соровлы.) Мунам, Öльөксан.

СОРОВ. Огө на, Öртьө дядьө. Эн лөгась-а.

ОПОНАССЯ (Öртьөлы). А важөн нин эськө мед мунін. Шулі нин ме тэныд.

ÖРТЬÖ. Мый шулін?

ОПОНАССЯ (падгялө, висьтавын абу). Ветлы тай, мися, да видзөды, көнөсь-мый, кытчө вошисны. Эз и волыны со концерт вылас.

ÖРТЬÖ. Гашкө, лөсялісны да. Дыр-ө нө том дырйиыд? Кута кыйявны!

ОПОНАССЯ. Лөсяласны на тэныд... та өдйөөн!

ÖРТЬÖ. А мый озыс... трусик кодь мыйкөнад?

ОПОНАССЯ. Эн урась! (Настялы дөзмөмөн.) Настя, пуксьөдан кө, пуксьөд.

НАСТЯ. А пуксяламөй но. Абу өд гортса пызан. Öтвылыся. Вайө, вайө! (Пуксьөдалө.) Саня, кисьтав.

САНЯ. Ме ог. Ме эг пуктысьлы да. Ачым тан дась вылас.

ОПОНАССЯ. Сэсся лөвтны колө! Быттө кодкө вомалас.

Съылін и йөктін тай! (Босьтө ыджыд чайниксө да кисьталө.)
Ог на таысь кодалөй. (Өртьолы кисьтигөн.) На, полан кө вөлі.
ӨРТЬӨ. А мый нө тайө тиян? (Лэптылө стөкансө.)
ОПОНАССЯ. Пув ва. Кольөм воясыс.
ӨРТЬӨ (исьшылө да чурснитлө). А көра да... ерөмакань?!
Абу кө чорыд на?! (Шпынпялө.)

ОПОНАССЯ. Ме ог төд, коді соралөма. Настя, шу мыйкө дай
вөрзылам.

НАСТЯ. А кольөдам Му вежан лунсө! Мый сәсся татчө
шуан? Вайө!

Юөны.

САНЯ. А Мишка эз и помав.

ГАЛЕВ. Тэныд коли.

САНЯ. Колө тэнад мыльөсыд! Пытькырасьө сән! Быгтьө зывөк
туйө нин и ола. Юсьыны и кольччи татчө!

ГАЛЕВ. Ачыд тай менө и аддзан.

САНЯ. Абу өд синтөм. Ог гусьөн ов ни. Тэ моз.

ГАЛЕВ. Ме гусьөн ола?!

САНЯ. А мый нө? Вомад нин со оз пыр. Йөзыс серти.

ГАЛЕВ. А ме, гашкө, удж вылын лыддысся, көсьян кө төдны.
Өдйө на тай ме дорө, мыйкө лоө кө.

САНЯ. Удж тэнад кутшөмкө! Юся вот да вөчла ме тэныд
уджтө. (Пондылө шенасьны.)

ГАЛЕВ. Дугды, дугды.

САНЯ. А гусьөн и олан. Он со гөтрась ни. Али резина баба
ньөбин? Карын пө тай вузалөны.

ГАЛЕВ. Дугды, тэныд шуөны.

ӨРТЬӨ. А збыльсыс, Мишка, мыйла он гөтрась? А? Меным
вот дивө жө быгтьө.

ГАЛЕВ. Узьсьө на сы пондаыд.

ӨРТЬӨ. Ме ог төд, тыр вир-яя мортыдлөн...

ГАЛЕВ. Но... кын сюръя, коми ногөн кө.

ӨРТЬӨ. А гудөкасян да? Коркө на вөлі войнас няръялан.

ГАЛЕВ. Гудөкнас и пөтла.

ӨРТЬӨ. Ме ог төд, мыйкө эськө соссян на да...

ОПОНАССЯ. А эн сирась дай мортыс динө. Абу на быдөн
өткодь. Быдсяма шогыс на му вылас и. Сө мильон пөлөс. Кодлы
кутшөм усяс.

ГАЛЕВ. Соров тай со гөтыртөм жө, да сийөс он аддзөй. Ме
вылө уськөдчинныд.

СОРОВ. Мый нө менө кыскалан? Менам төдлөма нин, мый төдлөма. Ньоти ог соссы ни.

ӨРТЬӨ. Ньоти оз пыксы ни... гөтрасьомсьид. Да өд, Öльöksан?

СОРОВ. А мый нө, збыльысь кө?!

НАСТЯ. Кымын унаысь, сымын бур, шу. Да өд?

СОРОВ. Настя, эн серав. Ме тэ вылө и скөрмынысө ог лысьт.

САНЯ. А мый нө, радейтан?

СОРОВ (*яндысьө*). Сидзи на. Бурө пуктөмөн.

ОПОНАССЯ. А сэсянь өд и гартчө ставыс. (*Өртьолы мелиа.*)
Йй! Лок кутла!

ӨРТЬӨ. Тадзтө позьө на ййтавны.

ОПОНАССЯ. А мый нө эськө он? Нэмөс ме вылө скөралін.

ӨРТЬӨ. Эн сөр. Киён на эг волы. Ачылд на менө лабичын узьтөдлін. Талун на өдзөсөн швачкин и.

ОПОНАССЯ. А мед эн броткы дай. (*Вашьялө.*)

НАСТЯ. Ой, оз помасьлы тай! Вайө мөдысьөн да юамөй чайсө.

Сэся Мишка ворсыштас на, да өд?

ГАЛЕВ. Ме ог төд, дыр-ө кутанныд...

САНЯ. А кытчө нө чепасянь?

ГАЛЕВ. Вадорө вөлі көсья лэчывны. Вуграсьны.

ӨРТЬӨ. Вадорылд өд со тай. Войыс югыд и.

НАСТЯ. Но, вай!

Юоны да чай кысхалөны. Мыйкө дыра некод оз сёрнит гораа. Сэся Чаня Саня виччысьтөг съывны горөдө.

САНЯ. Ок, ёна жө нин меным шог!

ОПОНАССЯ. Энлы на шогсянныс!

САНЯ. А шогөдис кө нин?

ОПОНАССЯ. Ю тшайтө.

САНЯ. Эштыла! (*Пондө съывны, и мукөдыс тийөтти сюртчөны. Галев гудөксө босьтө.*)

Ок,

Ёна жө нин меным шог!

Ловья мортлы абу мог.

Ачым ог төд, кытчө муна,

Гашкө, гортө ог и лок.

Ок,

Колө бөрдны да ог бөрд!

Некодос ог весьопорт.
Вирось ромон синмо усьо
Рыгтя кыаислон шорт.

Ок,
Эськө садьос кө эг төд,
Волі өти зон дай мод.
Өтиыс на шудтө нуас,
Сөмын тэон оз на пөт.

Ок,
Сэсся му вылад и ов,
Мисьтөм шуасьомысь пов.
А вот сьолөмыд кө потө,
Овныгө кө оз и ков?

Ок,
Ёна жө нин меным шог!
Ловья мортлы абу мог.
Ачым ог төд, кыгчө муна,
Гашкө, гортө ог и лок.

ОПОНАССЯ. Бөрддзодасны татчө! Вайө «Катша-катшатө»!
Йөктігмоз. Чечөй!

Сьылөны да йөктөны.

Катша-катша — китш-котш,
Горзө ывла тырөн.
Парасковья — тітш-тотш,
Микол ордө пырө.

Миколыслон гөгыр
Лэччис төрыт карө.
Сы вөсна и тешкодь,
Мый сэсь корсьө Парө.

Дыр-ө сэтөн олас
Сюра-тошка ордас?
Дольд али жугыль
Мунны кутас гортас?

Катшатö он ылöд,
Катшатö он пöръяв,
Волыны кö лунтö
Гусьон аслыд бöръян.

Катша-катша — китш-котш,
Горзö, бöжсö летö.
Кильчö ылö Парук
Эв на-й долыд петö.

Киняулас гöлик,
Быгтö мөгөн воліс.
Мыйла эськö лунтыр
Микол ордас оліс?

Мыйла эськö ругор
Век на кайö бансьыс?
Эз-ö налön кыклön
Мыйкö сэтön пансьы?

Шу кöть эн, а йöзыд
Ёна жö нин йойöсь.
Весиг оз и тöдны,
Коді мутивойыс!

Катша-катша — китш-котш,
Горзигтырйи лэбö.
Парасковья — титш-тотш,
Нюмсö муртса дзебö.

Локтö К и с ь т а В а л я, киас пакет.

ВАЛЯ. Меным позьö оз?

НАСТЯ. Мый позьö оз?

ВАЛЯ. Пукальштны тьянкöд?

НАСТЯ. Пукав. Абу öд дзебсьöмаöсь.

Валя кыскö пакетсьыс аддзывлытöм доз, пытшкас мыйкö еджыд.

ÖРТЬÖ. Тайö нö мый тэнад, йöv али мый?

ВАЛЯ. Видлöй.

ӨРТЬӨ. Сэсса оз котрөдлы?
ВАЛЯ. Оз. (*Восьтө дозсө да кисьталө.*)
ОПОНАССЯ (*видлө*). Ээв тай чөскыд-а. Кода и. Колөкө,
мый дона?[?]
ВАЛЯ. Мед. Абу өд водзөса.
ОПОНАССЯ. А мый нө эськө лышкыдасян?[?]
ВАЛЯ. Ачым локті да. Сідзтө өд, тыртөм кинад... Онө кө
сибөдөй и?[?]
ГАЛЕВ. Абу өд Зульө Кольө.
ӨРТЬӨ. А видламөй!

Юоны. Чаня Саня оз ю.

ОПОНАССЯ. А мый нө Саняыс?[?] Эз кут пырны?[?] Йөзсө
аддзан-а! (*Индө Галевлань.*)
САНЯ. Пырас татшөм ырошыд. Юмовыд да.
ВАЛЯ. Тэныд эськө мед горштө косялө?[?]
САНЯ. А некод эз вайөд тэнө татчө! Төда өд, мыйла локтін.
ВАЛЯ. А көть мыйла! Локті кө, эг на тэ ордө.
САНЯ. А ме ордө и локтін!
ВАЛЯ. Но, ывлаыс нин тэнад лои?[?]
САНЯ. А менам! (*Сывъялө Галевөс.*) Мишка, ворс!
ГАЛЕВ. Мый ворса?[?]
САНЯ. Мый тшөкта!
ГАЛЕВ. Öтнадлы али мый тэныд?[?]
САНЯ. Öтнамы.
ГАЛЕВ. Дугды, коддзөмыд нин.
САНЯ. А вот коддза ме тэныд! (*Ырыштчылө.*) Он кө ворс!
(*Пондө сывны, а Галев ворсны.*)

Йөзыс разөдчалөны. Кисьта Валялөн оз на мунсыы, да Настя кыс-
кыштө сійөс.

Эжва вожө воліс гожөм,
Воліс уна мича лун.
Да өд муслунтө он вожөд,
Оз кө важыс лөнь да вун.

Коді муса, коді матыс,
Ни оз волы, ни оз кыв.
Сьөлөм дойөн, сөйө кадыс,
Абу дөва, абу ныв.

Гашкө, шудыд оз и усьлы,
Гашкө, талялөма рөк?
Югыд войсө он и узьлы,
Да и ланьтан, быгтьö кök.

Аръявылыс öдйö пемдö,
Көдзыд лысва кынтö кок.
Мед эськө да, öти нэмтö
Лоö пыкны курыд шог.

ГАЛЕВ. Но, бурмис сьöлөмыд?
САНЯ. Бурмас таысь!
ГАЛЕВ. А мый нö сэсся колö?
САНЯ. Ачыл тöдан.
ГАЛЕВ. Шулөма нин тэныд. Сёись кымын.
САНЯ. Чайтан, юси нин? Садьöс ог тöд? Видзöдлы!
ГАЛЕВ. Кыгчö видзöдла?
САНЯ. Ме вылö! Юсьöмаылдөн корөг кодь чужöмыс.
ГАЛЕВ. Но, позьö на видзöдлыны.
САНЯ. А олөм кө лоö, и вомö ог кут босьтлыны.
ГАЛЕВ. Эн. Олөмыд öд ас саяд.
САНЯ. А тэ сайын и абу?
ГАЛЕВ. Менö эн катгы аскöдыд.
САНЯ. А вот каття! Кырьштла сьöлөмтö!
ГАЛЕВ. Месянь нö пиыл?
САНЯ. А петкөдлы!
ГАЛЕВ. Мый петкөдла?
САНЯ. Мортгуйтö! Кагааöс пö босьтöма, шуасны!
ГАЛЕВ *(курыда)*. Шуасны!
САНЯ. А пезыслысь он и кывзы. Öдйö ланьтасны. Коді тай
гозьяылд лөсялөны, сёрнитö оз и кыскавны.
ГАЛЕВ. Лөсявныгö öнi тэкöд...
САНЯ. Сэтшöм нин мустöм?
ГАЛЕВ. Эн эськө вөвлы да. Кыськө карысь кө кынöмтö вай-
ин, и то на, гашкө... А Зулё Кольö бöрад... *(Чезыртчылö.)*
САНЯ. Эн чезрась, эн! Ачыл на сылань тойыштin. Öнi сэсся
и...? *(Шеньштлö кияссö.)* Мунлан кө эськө!
ГАЛЕВ. Котсin нин, тырмас.
САНЯ. Пасьнига вот юрад! *(Босьтö Кисьта Валялысь дозсö.)*
Вальöйд жö, буракö, номсöдлөма-а!

Галев удитö мунны. Чаня Саня сыркъялö да бөр пуктö тыртöм дозсö. Көсийлö юны аслыс кысгылöм еджыд винасö, но оз. Локтö З у л ь ö К о л я.

КОЛЯ. Мый нö отнад? Көнöсь мукöдыс? А-а... со тай, нöрыс йылас. Мыйкö нö кольыштис эз? (*Видзöдалö стöкан пыдöсь-ясö.*)

САНЯ. Тэныд видзисны. (*Көсийö мунны.*)

КОЛЯ. Гортад али кытчö?

САНЯ. Кытчökö.

КОЛЯ. А менам, гашкö, сёрни тэкöд.

САНЯ. Кывлi нин ме тэнсьыд сёрнитö.

КОЛЯ. А тайöс эн на. Ме, гашкö, му босьта.

САНЯ. Кутшöм му, кытысь?

КОЛЯ. Совхозыслысь.

САНЯ. Мый тэн мусьыс?

КОЛЯ. Вöдитны кута.

САНЯ. Мун сэтысь! Кодкö му тэныд сетас!

КОЛЯ. А оз кö и, судон перъя. Эсийö Назö мусö.

САНЯ. Назö муыд Витялөн нин.

КОЛЯ. Мед. А миян вөлöма. Дедöбысь на дедöлөн. Ме юасьлi нин.

САНЯ. Кодлысь?

КОЛЯ. Кодi пöрысьыс тан.

САНЯ. Сэсся меным висьталан?

КОЛЯ. А оз нö бөр ковмы меным гöтырыс? Семья вылö кö?

САНЯ. Дуль ваыд нин тэныд олас! (*Мунö.*)

КОЛЯ (*бöрсяньыс*). А тэныд и оз? (*Жöвъялö.*) Йöвтö нин юоны! Али мый? (*Юö Чаня Санялысь кольöмсö.*) Визйöдлö! (*Шешъялö.*)

Локтöны Р о з а да В и т я. Розалөн киас лудвывса дзоридзьяс.

РОЗА. Мöстö колö айширскöйöс лöсьöдны. Абу пискаöсь. Вöраныс оз öшав. И йöлаöсь. Ме кö эськö...

ВИТЯ. Лок.

РОЗА. Кытчö локта?

ВИТЯ. Татчö. Овныгö.

РОЗА. Гашкö и...

ВИТЯ. Збыль шуа!

РОЗА. Ме збыль жö. Ой, со бара эсийö.

ВИТЯ (*Зульö Колялы*). Мый нö сэн каньялан йöз пызан дорас?

КОЛЯ. А, Витьö?!
ВИТЯ. Но?
КОЛЯ. Зэв эськö ыкша кылан...
ВИТЯ. Но?
КОЛЯ. А шуа кө өд, виньдан!
ВИТЯ. Шу.
КОЛЯ. Кыкөнöсь, да ог нин. *(Чиктылө.)*
ВИТЯ. Роза, ме кольччыла. *(Роза мунö.)* Но, шу!
КОЛЯ. Зэв эськö босьтін Назö мутö... аслыд вылө... а тöдан он, кодлөн вөлөма... революциядзыс на?
ВИТЯ. Нимыс өд висьталө. А ме на лоа тани Назö пуыслөн йылыс. И водзö на кодкө лоö, гөтрася да. Польö мутö кор, кыськө сюрö кө. Абуыс!
КОЛЯ. Но, колөкө, и Назөлөн вөлі. А Польöлы сэссия юкөма обществоыс. Закон серти и артмө.
ВИТЯ. Сійö и эм. Роч законөн тай нимтылөмаöсь бур йöзыс. Öти вөлөм лун и вой жугөдчö, выль му да видз вöчö, а дас во мысти — на кодлыкө! Сэтчö көсьян бергөдны?
КОЛЯ. Сэтчö ли татчö, а пермерад ме верма жö петны. И перья на, колөкө, Назö мутö.
ВИТЯ. Тасасяс горшад! *(Көсийлө мунны.)*
КОЛЯ. Тэныд вот тасасяс. Юалам кодлыськө пöрысьыслысь!
ВИТЯ. Мый юалам?
КОЛЯ. Коді кутшöм му пыртліс, кор колхозас öтувтчигсны. Öртбөйдлысь и юалам. Сыкөд тай көсьян рөдвужасьны. Öртбө дядбө, воы, воы!

Локтö Ö р т ь ö.

ÖРТЬÖ. Мый нö горзан?
КОЛЯ. Тэ өд сэк вөлін нин!
ÖРТЬÖ. Кор?
КОЛЯ. Колхозас öтувтчигөн.
ÖРТЬÖ. Ме нö сэк ыджыд-ö на вөлі?
КОЛЯ. Мед, йöзыслысь өд сёрнисö кывлін. Коді сэк Назö мунас колхозас пырис? Эз Польö?
ÖРТЬÖ. Польбөйдлы өд обществоыс на сетлөма. Сійөн и ко-сясьлөмаöсь вирөдз Назöыскөд. А мый нö юасян?
ВИТЯ. Вежыс петöма. Мырддыны менсьым. Пермерö жö пö тай пета.
КОЛЯ. А мый огыс?!

ӨРТЬӨ. Ланьт! Му уджалысь! Муыд тэнад во-мөдөн и раскө каяс! Асьтө нин пыклыны колө-а.

КОЛЯ. А тэнö и оз?

ӨРТЬӨ. Ланьт, шуоны!

КОЛЯ. А зэв эськө рөдвужасыны думайтанныд... А кодi Назöсö кулакавлis? (*Өртьöлы.*) Эз батыд? (*Векыштчылö да мунö.*)

Өртьö да Витя чөв усьлöны.

ӨРТЬӨ. Витя, ачид төдан. Ме татчö нинöм ог лысьт шуны. (*Дзугыля мунö.*)

ВИТЯ. Вөтöда да санöда кö эськө Зульö Кольöсö! Кутшöмкö изйö! (*Уськөдчылö да падмö.*) Колö казътывны быд вөлөмасö. Пурсьöдны йөзтö. Кытчö сэсся öни и мунан? (*Дзөрнясьö да пырö пүяс костö.*)

Котөрөн локтö Р о з а.

РОЗА. Витя! А, Витя?! (*Кыйкъялö да лигышмунö, тильö синсö.*)

Тыдалö, вөтчöма Роза бөрся, öдйö локтö О п о н а с с я.

ОПОНАССЯ. Енмöй дай югыдöй! Мый он виччысь, сийö и суас. (*Кутышталö Розаöс сойöдыс.*) Лок, дыр-ö чуксаян?! Тэныд мый ыджыд айыд шуис?

РОЗА. Эн пö тай сэсся Витяыскөд.

ОПОНАССЯ. А мый нö вөтлысян? Көнi юрид.

РОЗА. Лөк зон нö сийö?

ОПОНАССЯ. Абу эськө да. Абу тэныд Енмыс шулöма.

РОЗА. Мыйла абу? Матыс рөдвужысь?

ОПОНАССЯ. Гортын висьтала. Бөрти. Лок.

РОЗА. Ог, танi висьтав.

ОПОНАССЯ. А муртса на төдмасинныд! Некор на вöли тэсь-касьнытö! Али...?

РОЗА. Мый «али»?

ОПОНАССЯ. Код төдас тiяныльсь?! Гашкө, окыштны и быдөн нин сетчылiн да?!

РОЗА. Эн сөр.

ОПОНАССЯ. Но и майбыр! Абу на и муса либö.

РОЗА. А жаль кö нин?

ОПОНАССЯ. А жаль коть абу! Он на энды өти зонмыд понда.

РОЗА. Шуныгто өд позьö.

ОПОНАССЯ (*нора*). Быть өд шу!

РОЗА. А висьтав но, ыджыд мамö, мый лоис?

ОПОНАССЯ. Висьтавнысö на өд полан.

РОЗА. Мыйла?

ОПОНАССЯ. Ыджыд айыдлөн на айыс, Семöйс, кулакавлöма Назöсö.

РОЗА. Мися, мамыс юасис, ветлим Витяяс динас да.

ОПОНАССЯ. Мый юасис?

РОЗА. Кытысь да кодлөн ме.

ОПОНАССЯ. Сэсся мый шуис?

РОЗА. Миян Витяйд пö эськö Назö рöдысь да.

ОПОНАССЯ. Но вот!

РОЗА. А керкаас на пыравны корлис. И варенньö банка на восьтылис. И ачыс Витяыс мелань нин вöли.

ОПОНАССЯ. А эсийö Зульö Кольöйс тани пеж кывсö песöма. Люкөдöма тиянös. Сийөн и саймовтчис кытчökö Витяйд. Эз кö вадорö лэччы эсти шорöдыс.

РОЗА. А видзöдлам но!

ОПОНАССЯ. Он лысьт!

РОЗА. Ог мыйкö?! (*Котöртö нöрыс йывлань.*)

ОПОНАССЯ. Ок, корся ме тэныд шогтö! (*Вöтчö.*)

Пуяс сайысь тыдовтчöны Н а с т я да С о р о в. Настя сьылö, Соров отсышталö сылы.

Вайöй меным öшкамöшка,
Вылö, енколаас, пос.
Ыджыд сьölөм вайöй нöшта,
Мед ог повзьи, мед ог кос.

Ачым Енмыс динö кая,
Биа нёвнас кö оз лый.
Ловья юрös сылы вая,
Сэсся мед коть шуас мый.

Гашкö, жальыс сьлөн петас,
Шуас: «Му вылас на ов!»
Öти зонмös меным сетас,
Кодысь мусаыс оз ков.

Гашкӧ, бурӧс сиас нӧшта:
Овны-вывны юсьяс моз.
Вайӧй меным ӧшкамӧшка,
Вылӧ, енколаас, пос.

Настя сӧмын на помалӧ тайӧ сьыланкывсӧ да вьльӧс пондӧ сьывны.
Йӧктышталӧмӧн. И Соровлы быть кывзись сьыльсь.

Кытчӧ ваыд волӧма,
Сэтчӧ коркӧ волас на.
Муслуныд тай колӧ на,
Кӧть и овлӧ коласта.

Лӧгасьлӧмтӧ чӧжны кӧ,
Лӧкалӧмӧ вайӧдас.
Кольӧм дойтӧ пӧжны кӧ,
Югыд лунтӧ сайӧдас.

Ловъя пуыд, сираыд,
Ачыс асьсӧ бурдӧдӧ.
Ловъя мортыд, вираыд,
Ачыс асьсӧ бурмӧдӧ.

Коді сьӧлӧм сертиыд,
Медтӧ-й паныд лӧсявлас.
Сы дырйи и бӧртинас
Унаысь на пӧсявлан.

Муслуныд тай колӧ на,
Кӧть и овлӧ коласта.
Кытчӧ ваыд волӧма,
Сэтчӧ коркӧ волас на.

СОРОВ. Настя, вай лольштам. Тадзтӧ мяян оз и лолы сёрни-
ыд. Пыр на сьылін да...

НАСТЯ. А сьылӧмыс нӧ абу сёрни, нинӧм оз и висьтав?

СОРОВ. Висьталӧ, но... Эн ӧд сӧмын ас нимсяньыд тэ
сьыв?

НАСТЯ. И ас нимсянь тшӧтш. Мыйӧ ӧд тай сьӧлӧм вылад
пуксьӧ, сійӧн и пальӧдан асьтӧ. Шогӧ усьӧмсьыд. Енлы моз и
висьтасян быттӧ. (Бара сьылӧ.)

Гажа вадор керöсыс,
Нюра, сёна мöдарыс.
Кысь быдöнлы верöсыс,
Кысь быдöнлы гöтырыс?

Коз пуыс и пожöмыс
Шондi водзас коллялö.
А тэ быттö вошöмыд,
Сöмын лунсö коллялан.

Асьтö виас сюсьлуныд,
Вывтi уна кöсийöмыд,
Оз кö волы муслуныд,
Кодкö динö öзийöмыд.

Арся пувйид, розъяид,
Дзоридз пиас гöрддзасьö.
Навись чужö гозъяид,
Кодi кодкöд кöртасьö.

Абу тай вот керöса
Паськыд юлөн мöдарыс.
Кысь быдöнлы верöсыс,
Кысь быдöнлы гöтырыс?

СОРОВ. Настя, вай дугдылам.
НАСТЯ. Дугдылам.
СОРОВ. Да тэ ворсöдчан быттö да.
НАСТЯ. Ог, висьтасян кö.
СОРОВ. Мый висьтася?
НАСТЯ. Ас йывсьыд. Ме тай нинöм эг соссьы.
СОРОВ. Ме нö сосся? Шули тан кодлыкö, мый ньöти нылöс
на эг тöдлы?
НАСТЯ. Сийö öд и эм.
СОРОВ. Мый?
НАСТЯ. Мый унаöс нин тöдлöмыд. Соров ёртыс. И менö
тшöтш сэтчö соралан.
СОРОВ. Ог. Ме збыльысь тэкöд. Ме, гашкö, тэ вöсна и сувтi
татчö.
НАСТЯ. Ме вöсна?
СОРОВ. Да. Меным шуисны, видзöдлы пö, кутшöм сиктö ве-

жыд петас, да сэтысь и сетам керка улад мутö. А тэ татчö чеччин сэки автобуссыд, и ме тэ бöрся. Сэссия эг нин и ветлы некыгчö.

НАСТЯ. Автобусад ми тэкöд весиг матын эгö пукалöй.

СОРОВ. Мед. Менам кыкнан синмöй на «единица». Эг кö ачым дöзмы, эз на и лэдзны эськö армиясыд. Тэ öд тай менö эн казьяв-а.

НАСТЯ. Ме казьявлі нин öтиöс, тырмас.

СОРОВ. Ылöдла нö, чайтан? Ме кöсьыси нин Öртьö дядьöлы.

НАСТЯ. Мый?

СОРОВ. Шуис тай, бöрддзöдан кö пö Настясö, коктö и чега. А мыйла нö, мися, бöрддзöда, куш аслым али мый керкасö лэпта?!

НАСТЯ. Ме ог тöд, кодöс вайöдан.

СОРОВ. Настя, но?! Тöдан, да вот дэльöдчан! Вирыс кö нин сэтшöм став комиыслөн-а?

НАСТЯ. Кутшöм?

СОРОВ. Некор тай помöдзыд оз эскыны.

НАСТЯ. Оз, дерт, войвывлад олiгөн. Шондiыс, и то комиссыд дзебсясьö-а. Олöмыд кыгчö на катовтас.

СОРОВ. Катлöдла нö ме?

НАСТЯ. А эн на пуксьöд пыжад да.

СОРОВ. Пуксьы. (*Паськöдлö сывсö.*)

НАСТЯ. Час, кок пöлөн. (*Тувччыштö Соровлань.*)

СОРОВ. Мöднад. (*Кутлö Настяöс.*)

НАСТЯ. Дугды, локтöны.

Локтö К и с ь т а В а л я.

ВАЛЯ. Ой, торки, буракö, сёрниссыд.

НАСТЯ. Эн. Рытыс öд кузь на.

ВАЛЯ. А ме öд вайи, Настя.

НАСТЯ. Мый?

ВАЛЯ. Плаштö но. Кодöс пасьтавлін. (*Босьтö пуктывлöм пакетсö.*)

НАСТЯ. Эг нö ме шулы тэныд?

ВАЛЯ. А ог и став донсьыс. Эськö эг и вай.

НАСТЯ. Сідз оз ков.

ВАЛЯ. Мыйла?

НАСТЯ. Эн янöдчы дай. Быть колö йöз дырйиыс. (*Довк-нитлö юрнас Соровлань.*) Озыр лöбма!

ВАЛЯ. Да мунысь ме. Сійөн и матыстчи. Нинöм эг думышт-лы. Лёксö тэныд. (*Бöрддзö.*)

НАСТЯ. Мунысь кöть локтысь! Ме пайысь!

СОРОВ. Настя, но... сьомыд понда кө... абу тани унаыд-а...
(*Кыскылө зепсыс.*) Сюрө на!

НАСТЯ. Велькодь! (*Бөрддзө жө да мунө.*)

СОРОВ (*шййөвошюма*). Сэтчө жө и суйсин да! Дерт, парс-ка! Сылөн өд аслас на дон. Ме тшөтш... йййыд и! Мейсь гусьөн кө сетін и.

ВАЛЯ. Мунысь, мися, ме.

СОРОВ. Вөтліс на кодкө тэнө!

ВАЛЯ. Оз на тай вөтлөм ков.

СОРОВ. А лючки вөлі Галевыдкөд варганныд да?

ВАЛЯ. Сййө ачыс шөрөд кылалө. Чаня Санясыс кежласьө и ме динө оз сибөдчы. Вожалөма кывйыс.

СОРОВ. Нэмсө али мый сэсса тадзи?

ВАЛЯ. Код төдас сылысь.

Пуяс сайысь петө Г а л е в.

ГАЛЕВ (*чуймө*). Мися, муніс нин, буракө-а.

ВАЛЯ. Тэ моз өд ог кыйөдчы.

ГАЛЕВ. Ме ачим мунысь. Босьта гудөкөс да.

СОРОВ. Энлы на. Пуксьылам на. (*Индө пызанлань.*)

ГАЛЕВ. Пуксьылөй. Меным нө мый?

СОРОВ. А мед нин өтлаын лөб...

ГАЛЕВ. Мый лөб?

СОРОВ. Помалөма лунсө.

ВАЛЯ. А-а... татшөм луныд! Му вежан лун пө, а кодлөн мый и вежсис?

СОРОВ. Гашкө и, вежсяс на.

ВАЛЯ. Мөд во та кадө?

Чөв усьлөны. Соров довгө мунө.

ГАЛЕВ. Мый нө сэтчө джөмдин?

ВАЛЯ. Ачыд тай коньясян. Вадорө пө өд лэччылам. Эн нө шулы?

ГАЛЕВ. А мөдарө кө шуны... (*Чегө пу вож.*)

ВАЛЯ. Пуыд нин мыжа лөөма.

ГАЛЕВ. Абу жө ньөти жальтөм... Чаня Санясыс. Көть мый-а.

ВАЛЯ. Абу кө, и вай. И ме эськө сэки ланьта.

ГАЛЕВ. Вая кыгчөкө... йөз серам вылас?

ВАЛЯ. Ме тай йөз серам жө тэныд.

ГАЛЕВ. Абу нө? Бухгалтерияын совхозад пукалин и друг сэтчө вузасьны уськөдчин.

ВАЛЯ. Сэтчө оломсө бергөдисны да.

ГАЛЕВ. А сэтшөм на и ачылд вөлөмыд.

ВАЛЯ. Кутшөм?

ГАЛЕВ. Арсьөйд вира. Сийө пө тай кока лавка жө тані вөлөма. Сунисөн да, емөн да — быд шылльө-мыльбөнас вузасьлөма. Йөзыс му уджалөмаось-а.

ВАЛЯ. А тэныд эськө мед сөмын му уджаліс комиыс? Вөрын собаліс да? Сэсса некытчө эз суйсьы? Ачылд тай милиционер жө.

ГАЛЕВ. А ме тшыгылы кула, а ог пет корныгтө ни вузасьныгтө.

ВАЛЯ. А пермерас мый он пет? Витя моз?

ГАЛЕВ. А дözма кө, и пета на. Кипом уджнад менө он на повзөд. Кыкнан правөыс эм и — трактористлөн и шоперлөн.

ВАЛЯ. Вай өтвылысь!

ГАЛЕВ. Мый өтвылысь? Гөтрасям?

ВАЛЯ. Кысь нин тэкөд... шондібанөйкөд?!

ГАЛЕВ. А мый сэсса нерсян? Кутшөм өтвылысь сэсса?

ВАЛЯ. Сэтшөм. Тэ пермеравны кутан, а ме завод ньба. Ичөтикөс. Удждысьла да.

ГАЛЕВ. Кутшөм завод?

ВАЛЯ. Сыр вөчан. Тэ кутан йөв вайны, а ме сыр вөчны. Вый да. Бара оз лөсяв?

ГАЛЕВ. Озырмам!

ВАЛЯ. А мый тэныд и лөсялө? Мед эськө некыт нинөм эз вежсьы?! Этайө пуыслөн вежөрыд, абу мортлөн-а. (Тотшкөдө.)

ГАЛЕВ. А эн кө ачылд вежсьы, гашкө, бурджык на вөлі. Тэныд и меным.

ВАЛЯ. Мыйөн бурджык?

ГАЛЕВ. Но... эн кө мун совхозсьыд.

ВАЛЯ. Мый сэки?

ГАЛЕВ. Позис и гөтрасьны. И некод нинөм эз шу эськө.

ВАЛЯ (нерыштөмөн). Ойя да ойя! Кутшөма йөйтавьсөма!

ГАЛЕВ. А оз нө, чайтан, шуны? Ачыс пө милицияын, гөтырыс спекулирует, вот и гөрөдасьөмаось.

ВАЛЯ. Ог нө ме лицензия серти, налог ог мынты ни? Таляла законсө?

ГАЛЕВ. Лицензиянад он на тупкы йөзылдысь вомтө.

ВАЛЯ. А йөзыд быдсямаыс! Унджыкыс нин өшйөмаось совхоз вьлад. Таг вез турун моз. Вай да вай сөмын, уджавныгтө... пыктөм юраось-а.

ГАЛЕВ. Йёзсө өд тшыкөдісны жө.
ВАЛЯ. А мед и веськөдчөны.
ГАЛЕВ. Өдйө тай көсьян!
ВАЛЯ (*көсйылө вомавны, но оз*). А мый ме тани и тшетшйы-
ся? Мыйла и волі татчө?
ГАЛЕВ. Аслад могөн.
ВАЛЯ. А тэнад и могыд абу. Дзузган билөн! Лок, лэччылам
вадорад да пестылам ыджыдджык би!
ГАЛЕВ. Мый тэн ыджыд бисьыс?
ВАЛЯ. Полан да! Быдторйысь. Мед и адзылөны!
ГАЛЕВ. И мый сэссия?
ВАЛЯ. Тойышта сэссия биас! (*Бөрддзө да котөртө.*)
ГАЛЕВ (*падгялөм бөрын*). Збыльысь кө эськө лэччылам.
Гудөкөн и быдөн. (*Босьтө киняулас гудөксө.*)

Котөрөн локтө Н а с т я.

НАСТЯ. Мишка, он на лысьт!
ГАЛЕВ. Мый ог лысьт?
НАСТЯ. Муннытө.
ГАЛЕВ. Ме эг медасьлы тиянлы. Лунтыр кежлө.
НАСТЯ. А коді нө кодлы медасьліс? Бурыд аслад эз нин
кольышт? Кевмыся!
ГАЛЕВ. Менам сьөлөм абу местаын.
НАСТЯ. Менам тай абу жө да.
ГАЛЕВ. А мый нө Соровыд? Кытөн вошласьсө? Сыкөд быгтбө
да? (*Топөдлө кияссө.*)
НАСТЯ. Быгтбө на и эм.
ГАЛЕВ. Но, пуксьб на гожөмыс.
НАСТЯ. Мый нө гожөмыс сетас?
ГАЛЕВ. Нуөдлас кытчөкө. Йёз син водзсьыс.
НАСТЯ. Эн серав, эн. (*Ваимунлө.*)
ГАЛЕВ. Ачыд тай вашгялан жө.

Локтө С о р о в.

СОРОВ. Коймөдыд эськө... вина юны сөмын да.
ГАЛЕВ. Оз и ков татчө. Коймөдыд. (*Мунө.*)
СОРОВ. Настя, но... сьөмыд понда кө... шуөма лои-а. Эг өд ме
омөльтны тэнө көйы.
НАСТЯ. А шуөмыд на омөльтө, кытчө оз лөсяв.

СОРОВ. А ме кө тэныд мыйкө ньоба? Он жө босьт?
НАСТЯ. Мый водзын?
СОРОВ. А вот чунькытш ньоба дай! Гөгөрвоан сэк, мый водзын.

Пуяс костысь петө Р о з а.

РОЗА. Витя татчө эз петав?
НАСТЯ. Эз.
РОЗА. Син улысь кытчөкө воши!

Пуяс костысь петө В и т я.

ВИТЯ. Некрытчө эг вош.

Настя нуөдө Соровос.

РОЗА. Витя, ме ставсө нин төда. Аски горто муна. Ыджыд мамө ыстө жө нин-а. Сөмын эн лөгась, но?

ВИТЯ. Энлы на мун дай. Ме өд верми жө тадзтө... бергөд-чывтөг и мунны татысь. А оз на тай мунсы.

РОЗА. Ме эськө эг на жө, гашкө, пышый да. Мамөлы на шуи, мися, лун дас ветла, турун пуктыгөдз. А мый сэсся вччан?! (Нормө.)

ВИТЯ. Эн на вөрзбы некрытчө дай. Мамө тай шуис, пукавны пө вайөдлы.

РОЗА. А тэ? Мый шуан?

ВИТЯ. Ме и вайөда.

Пошиктө-локтө О п о н а с с я.

ОПОНАССЯ (Розалы). Мый и корсян, а? Мый и корсян?
Миянлы тшөтш шогсө?

ВИТЯ. Опонасся тьотка, вай огө на чашыйсыөй. Коркө ме тэныд, гашкө, пасибө на висьтала.

ОПОНАССЯ. Мыйысь?

ВИТЯ. Розаыдкөд төдмөдөмысь.

ОПОНАССЯ. А он нө бөрыньтчы сыысь?

ВИТЯ. Ог.

ОПОНАССЯ. А мамыд?

ВИТЯ. Висьталі нин Розаыдлы. Пукавны пө вайөдлы, шуис.

ОПОНАССЯ. Сідзкө и медъя! Өртбө, волы, волы. Өдйө!

Локтө Ө р т ь ө.

ӨРТЬӨ. Мый нө?

ОПОНАССЯ. Со, матькан вөлі-а.

ӨРТЬӨ. Мый со?

ОПОНАССЯ. Ыджыд сьөлөма морт на вөлөма Витяыд. Не-
кутшөм лөг абу Роза вылад. Шу, да мед өти туйөд и ветлөны.

ӨРТЬӨ. Шуа. Ми өд абу жө сьөлөмтөмөсь. Витя, чера уджтө
өд верма на мыйкө, ковмас кө. Соровлы тай отсасьла. Дыр-ө
чукөстлынытө?

ВИТЯ. Чукөстла.

ӨРТЬӨ. Вот и бур! Опонась, мыйкө кольыштөма абу?
Видзөдлы.

ОПОНАССЯ (*лэптылө ыджыд чайниксө*). Эмышт на.

ӨРТЬӨ. Горөд да мед лөктөны. Катша со узьны нин лэбө.

ОПОНАССЯ (*горөдө*). Лөктөй, удзөдам!

Лөктөны Н а с т я, С о р о в, Г а л е в да мукөд сьылысьыс. Кодкө
кисьталө ыджыд чайникысь кольыштөмсө.

ӨРТЬӨ. Настя, коркө бара кутшөмкө лун шу!

НАСТЯ. Уна лоө. Тайөс на колө помавны.

ӨРТЬӨ. А помаламой. Мед на овсяс да вывсяс!

Юөны.

НАСТЯ. Мишка, сэсья ворсьшт, дай идрасям.

Галев ворсө. Сьылөны да йөктөны.

Сьөлөм тпкө, лолөй тырө,
Быгтө пөда.
Өти зонмысь гажөй бырө...
Да эськө да!

Аслым вылө сийөс гусьөн
Видза-нөда.
Эськө меным кө тан усьө...
Да эськө да!

Кодкө татөн сьлөн эм-ө,
Ог тай төд-а.
Кольөдас кө эськө менө...
Да эськө да!

Сөмын сыкөд лоам шуда
Өта-мөда.
Эськө нэмөс дінын кута...
Да эськө да!

Локтө К и с ь т а В а л я. Пакетыс киас на. Галев дөзмө сыысь да
ворсө-няръялө. Кисьта Валя лөсьөдчө Галевлы мышку саяс да сэтөн
йөктышталө.

Кодкө вадорысь кайө,
Мыйкө туйсын вайө,
Вөлөм, кодөс гаравла,
Вийөдөма зарава.

У н а ы с ь:
Зарава, зарава!
Юыштан да бара на!

Өта-мөдыдлы бурөн
Өдийө сөрнийд сюрө.
Пөрысьбөн көть томөн-а,
Сьөлөмтө он вомөнав.

Лыбө шондйыс вылө,
Луныс мича — вый сылө.
Мамө локтө, скөрмөма,
А ме быгтьө йөрмөма.

Код нө видзөмсыйд полас?!
Аски асылыс волас.
Кыаыскөд чеччылам,
Кык туйсөн лэччылам.

Сьыланкыв помланьыс локтө Чаня Саня, лясъялан код. Сы бөрся
мыгчысьө З у л ь ө К о л я.

САНЯ. Шогыд абу некоды!

Зульө Коля ырыштчылө да усьбө.

З а н а в е с

П О М

ГӨТЫРТӨГЫД АБУ ОЛӨМ

Кык юкөна шмонь

В о р с ы с ь я с:

МИШӨ ВАСЬКА, ЛАБОРОВ
ЛЮБА
РОЗА МАКАРОВА
АЛЬБИНА
ИЯ ГАБОВА
ЧОЖИНЬ

Кыкнан юкөныс вөчсё өтилайн, Эжвадорса сиктын, Мишө Васькалөн керка йөрас, гожся кухня водзас. Сэтчө пызан петкөдөма да пу диван, кымынкө улөс и. Пызансө вевттьөма пызандөраөн, дзоридз тыра банка сувтөдөма. Луныс шондіа, гожөм шөр.

Воддза юкөн

Локтө Л ю б а, киас гаровтөм газет. Пырө йөрө да матыстчылө пызан дорө.

ЛЮБА (*дузъялө*). Кыськө тай эм! Лөсьөдчөма нин сэтчө. Дзоридзтө нетшкөма и. (*Чукиртчылө да горөдө.*) Кытөн нө Васькабыс? Мый он тыдав?

ВАСЬКА (*шыасьө*). Татөн. Гожся кухняын.

ЛЮБА. Век на пусян? Со нин шондіыс-а.

ВАСЬКА (*шыасьө*). Мед. Шойчча талун. Войнас на ытшки Вомлөс сёнын. Локтө да водлө.

ЛЮБА. Кывлө өд трактор шыгтө. А пырала али ачыл петалан?

ВАСЬКА (*шыасьө*). Петала, колөкө. (*Петө гожся кухнясьыс.*) А мый нө, мый висьталан Любабыс?

ЛЮБА. Яндысьтөм син! Мый сёсся висьтала?

ВАСЬКА (*шай-паймунлө*). Мый сэтшөмсө вөчи? Кор?

ЛЮБА. Мыйкө вөчөмыд нин! Босьта да газетө гижал! (*Кучкалө газетнас пызанө.*) Лыддя, колөкө, аслыд?! (*Паськөдо газетсө.*)

ВАСЬКА. Сідз тōда.
 ЛЮБА. А садьтō он тōд! (Льддьō.) «Кык во сайын кувсис гōтырōй, дыр нин висис вōркнас да».
 ВАСЬКА. Эз нō вись?
 ЛЮБА. Эн торкав! (Льддьō.) «Ныв-пиянōй разалісны, ась-ныс нин олōны. Őтнам и коли гортō».
 ВАСЬКА. Őтнам и коли.
 ЛЮБА. Ланьтлы! (Водзō льддьō.) «Абу нин эськō том, да абу на и сэтшōм пōрысь, ветымын на сōмын и локтō».
 ВАСЬКА. Ветымын на и локтō. Киа-кока и.
 ЛЮБА (ырышитчылō да водзō льддьō). «Луннас эськō мед, уджала да вунōдчыла, а рытнас и гажтōм, шог курьд».
 ВАСЬКА. А сідзи, ог и соссьы.
 ЛЮБА (водзō льддьō). «Сійōн и гижа, оз-ō кодкō шыасьылы бур сьōлōма. Гōтыртōгыд абу олōм».
 ВАСЬКА. Абу и олōм, он кō юсьы!
 ЛЮБА. Энлы, помала! (Льддьō.) «Ярō пиянысь Мишō Вась-ка. Лаборов, овōй серти кō».
 ВАСЬКА. Но?! Ылōдча нō?! Сōри мыйкō? А садьтō пō ōд он тōд!
 ЛЮБА. Он и тōд! Ыкшаыд тойлō!
 ВАСЬКА. Кутшōм ыкша?
 ЛЮБА. Сэтшōм? Бытгō некод абу тані ōтка бабаыс. Бур сьōлōмаыс да. Газетō колō гижны, пасьтала шызьōдлыны... Сēōн мед тōдласны!
 ВАСЬКА. Кысь эськō сēыс да?
 ЛЮБА. Этша нō... мужиктōмыс? Миян тані кымынōн-а! Син-мыд абу!
 ВАСЬКА. Эм эськō да.
 ЛЮБА. А он тай аддзы! Кодкō ылысь колō!
 ВАСЬКА. А ачyd?
 ЛЮБА. Мый ачым?
 ВАСЬКА. Тōвнас тай пестō вайи да...
 ЛЮБА. Эг нō пызан сайō пуксьōдлы?
 ВАСЬКА. Мый сійō пызан сайыд...
 ЛЮБА. А мый нō вōлі колō?
 ВАСЬКА. Гашкō тай, мися, узя да...
 ЛЮБА. Эн нō тэ гажа вōв?
 ВАСЬКА. Сійō и бур!
 ЛЮБА. Сюсь тай кылан! Мед эськō узьтōдан, а сēsся... код тōдас!
 ВАСЬКА. Сēsся, гашкō, и ōтлаасим.

ЛЮБА. Гашкөйд кашкө на.

ВАСЬКА. А мыжми нин бытгьö тэ водзын да некытчö нин эг и воштысь. Тэкöд и гозйöдчи. А тэ... скöрмöдін на... бурöдöм пыдди. Ыстін нин эськö менö дай шуин на, трактортö пö эн коль татчö. Сэсся код юрөн и ковмис нуодны. А öнi ме вылö каттысьян.

ЛЮБА. А гöтыр корсян да! Газетö гижан! Он сёрниөн волы-а! Садь юрөн да мича рытö! Эн тай сэк волы!

ВАСЬКА. Кор?

ЛЮБА. Сийö луннас. Кор тай ме пожтыся вöлi... ваас келöмөн... лядьвейöдз куштысьöма...

ВАСЬКА. А-а... Но!

ЛЮБА.. А шондыс мышку сайсянь вöлi, да кодлөнкö вуджö-рыс вылысö усис. И оз вешйы. Бергöдчи, а тэ сэтөн!

ВАСЬКА. Пыж дінö лэччылi. Дзижавны.

ЛЮБА. Мый нö, мися, Васькаыс, да мый шуин?

ВАСЬКА. Ме ог тöд. Вунöдi ли.

ЛЮБА. Вежös пö тай петкöдлан, шуин!

ВАСЬКА. А мый нö, этатчöдзыд тыдöдöмыд да... медся ма-лыштанаинтö... Вежöй и петалис.

ЛЮБА. Но вот! Кыдз путкыль нö? Тоин кока?

ВАСЬКА. Абу. Гөгöр на лöсьыд, ен ськöдөн.

ЛЮБА. А эн тай волы рыгнас! Водзö кыв эн шулы ни! Кутшöма виччыси-а!

ВАСЬКА. Мый сэсся... он куж овнытö да.

ЛЮБА. Он и куж! Эськö гозья нин, гашкö, вöлим.

ВАСЬКА. Ме ог тöд.

ЛЮБА. Мыйла он тöд? Вежыд кö, шуан, петалис?

ВАСЬКА. Вежыд эськö... уна вылö петалö да. Öтчыдтö ли кымыныськö... мыйкөкернытö. А гöтырыд... он öд и куж шунытö... мед эськö нэмыд кезлö колiс! Муса туйö и мамыд туйö на!

ЛЮБА. Ме, инö, бара ог шогмы? Матö ог лöсъя? Коркöя мозыд?!

ВАСЬКА. Сэки тэ... ме армияысь вои да... ветлан нин вöлi Öльöшыдкöд.

ЛЮБА. Мед. Верми и дугдыны, ныв на вöлi да. Ме тэныд шулi. А тэ Раяыд вылö ыштін.

ВАСЬКА. Ог öд ылöдлы сийös, куим во виччысис да.

ЛЮБА (*ышловзё*). Мыйлакö тай волi! (*Бöрдзылö да тильö синсö*.)

ВАСЬКА. Энлы на пыдзрав асьтö. Гашкö, некод оз и волы.

ЛЮБА. Оз, дерт, бур мужикыд дорö! Сэссия воас кодкö сьёлöм
вылад дай!

ВАСЬКА. Код тöдас.

ЛЮБА. Но! (*Ырöстö.*)

ВАСЬКА. А гашкö, ог на и инась... некод вылö.

ЛЮБА. Эн!

ВАСЬКА. Гашкö, тэ вылö на и бурася... мукöдыс дорысь.

ЛЮБА. Бурась. Водзöстö öд... (*Кöсийö окавны.*)

ВАСЬКА (*пыксьö*). Эңлы на тэ водзöснад...

ЛЮБА. А бурась дай! Öнi бурась! А, Васька?!

ВАСЬКА. Ог на, Люба. Эн лөгась-а!

ЛЮБА (*нюкыртчылö*). Ойя да! (*Лэдзчысьö пызан сайö.*)
А мун сэтысь, лёк!

ВАСЬКА. Муна. Гыча черинянь суйлi пачö да эз кö нин
сотчы. (*Пырö гожся кухняö.*)

ЛЮБА (*ас кежас*). Сьёлöмыд потас! (*Зыралö морöссö.*) Кодöс
Енмыс и вайöдас?! Сё автобус ветлö да... öтарö и мöдарö... Дась
мужик вылад кымынлөн горшыс паськыд! Со кодöскö вайöдö нин.
Татчö и кежö со... бöжтöм тпрутьöйд!

Локтö Р о з а М а к а р о в а, киас сумка.

РОЗА. Видза тiянылы! (*Копыртлö юрсö.*)

ЛЮБА. Видза, колöкö. А мый нö висьталан?

РОЗА. Видлыны... локтi.

ЛЮБА. Кодöс?

РОЗА. Мишö Васька Лаборовöс. Ярöпиянсьыс татысь. Сылөн
кö тайö керкаыс?

ЛЮБА. Сылөн. А мый нö сийöс видлан?

РОЗА. Гöтыртöгыд пö абу олöм да. Ачыс газетö гижöма.

Оз-ö пö кодкö шыасьлы бур сьёлöма.

ЛЮБА. Гижныгтö быдтор позьö.

РОЗА. А мый нö?!

ЛЮБА. Нинöм! Кыскалö кодкö тэнö! Йöйöс!

РОЗА (*падгялö, бергöдчылö нин мунны*). А кодi нö эськö
тэ сылы? Чой?

ЛЮБА. Мыйла чой?!

РОЗА. А мый нö, гöтыр?

ЛЮБА. Бур тöдса! Гöтырыслөн шонгьянöйлөн и. И некодлы
нин ог и сет. Аслым кольöда!

РОЗА. Кольöд.

ЛЮБА. А он мун да.

РОЗА. Асьсө аддзыла да. Мый шуас. (*Пуксьө пызан дорö.*)
ЛЮБА. Дитшкысис сэтчö! Томджыкыд абу нин сюрöма!
РОЗА. А оз на и сюр. Либö гöтыра, либö юсьöма.
ЛЮБА. Кымын арöс?
РОЗА. Меньым? Комын куим.
ЛЮБА. А сылы ветымын локтö. Мый ыджда коластыс! Мыйкö
думаитан кө?
РОЗА. Думаита.
ЛЮБА. Мый?
РОЗА. Ог висьтав.
ЛЮБА (*скöрмö*). Эн скöрмöдчы! (*Кучкö пызанö.*)
РОЗА (*чеччö пызан дорысь*). Аслыс висьтала. ЮОалас кө.
(*Вешийö пызан дорысь.*)

Гожся кухнясь петö В а с ь к а, вайö черинянь, пуктö пызан вылö.

ВАСЬКА. Сотчö нин вөлөм. Ковмис тертукаон босьтыштав-
ны. Чериняньтöгыд абу жö коми пызан. (*Видзöдалö.*) Быгтö тай
сёяна-а. (*БШловзё.*) А быдлаö на и колö гöтырыд!
ЛЮБА (*зывöка*). Со тай! Локтис нин öти! Вöзйысьö!
РОЗА (*шйöвошлö*). Ме ог... (*Чорыда.*) Ме ог вöзйысь!
ЛЮБА. А мыйла нö эськö локтин?
РОЗА. Сидзи. Видзöдлыны.
ЛЮБА. Надеятöг?
РОЗА. Надеян. Сэсся ачыс... мелань-ö-кодлань. Муна дай,
ог кө мыйкөкер...
ЛЮБА. Мый он кө мыйкөкер?
РОЗА. Ог кө синмас усь.
ЛЮБА. Синмас тай и пыран!
РОЗА. Ог. Эг весиг краситчы.
ВАСЬКА. Энлы, Люба! Певъялан мортсö! (*Розалы.*) Олан-
вылан, нимтö ог тöд-а!
РОЗА. Роза. Роза Васильевна. Макарова.
ВАСЬКА. Видза и олан, Роза!
РОЗА. Аслыд видза!
ВАСЬКА. А том на зэв мейсь да.
ЛЮБА. Комын куим пö тай.
РОЗА. Мый нö кө... сы пондаыд!
ВАСЬКА. Да öд ме со нин кутшöм... тэ серти кө... Сё чу-
кырöсь! Лют-лёт нин гөгөр!
РОЗА. Абу на!
ВАСЬКА. Арлыд коластным мый ыджда и!

РОЗА. Сійö и бур!
 ЛЮБА. Мыйöн бур?
 ВАСЬКА. Томнас и бур!
 ЛЮБА. Гашкö, маласьныгö кö... (Розалы.) А сэссия?
 РОЗА. Кага на верма вайны. Ковмас кö.
 ЛЮБА. Кага вайöмнад эн ышнясь! Сидзи нин сълöн кык ныв да пи. Асьныс нин быдтысьöны и.
 РОЗА. Мед. А выльысь кö кодкöдкö овны, гашкö и... гөрöдсьыс на гөрöд лоö... бöрдысьыд.
 ЛЮБА. Да мун сэтгысь каганад! Шу, Васька, да мед оз вежнöдлы тані улісö!
 ВАСЬКА. Ланьтлы, Люба! Он вермы джын вомöн сёрнитны! Быгтö кисьыд нин менö мырддöны!
 ЛЮБА. А кивысь со и мырддö да!
 РОЗА. Ог!
 ВАСЬКА. Ачым на ме аслам! (Розалы.) А аслад нö Роза-ыслöн... эн дözмы-а... некод абу быдтаныд?
 РОЗА. Эм. Ныв. Öкмыс арöса.
 ЛЮБА. А мужикыд? Кытчö лои? Эз и вöвлы? (Чиктылö.) А мый нö, корсин нывтö? Водлин кодкö улö, да сидзи?
 ВАСЬКА (Любалы). Дугды, энлы на пес лётö!
 РОЗА. Оз нö ылавлыны нывъясьыд?! (Бöрдö.)
 ЛЮБА. Эн ылав дай! Öнi сэссия мужик колö! Татчö локтöмыд да кыйкъялан!
 РОЗА. Ньöти ог кыйкъяв! Син водзаныд сулала. Кутшöм эм. Мисьтöм кö, и мисьтöм. Пезж кö и пезж.
 ВАСЬКА. Чöv, эн урсава асьтö! Ен сыкöдöн, позьö на видзöдлыны. Зэв на анытуа, буракö, и.
 ЛЮБА. А мужиктöгыс олас! Кытысь локтис, мед сэтгысь корсьö! (Васькалы.) А тэ эн на чепсась!
 ВАСЬКА. Абу öд дом йылын!
 ЛЮБА. Абу и кыр пон! Важöн нин верстьö! (Розалы.) Мун дась бурöн!
 РОЗА (оз дзык пыр, дзугыля). Муна. Олöй. (Вөрзьö ньöжйöник.)
 ВАСЬКА (вöтöдö). Энлы, дона ныв, энлы!
 ЛЮБА. Дона ныв сэтчö лоис... чаня вöлыс!
 РОЗА (Васькалы). Ог, муна.
 ВАСЬКА. Лөгасин ме вылö?
 РОЗА. Лөгаси.
 ВАСЬКА. Мыйыськö?

РОЗА. Сыысыкө. Ачыл газетө гижан... а аслад абу чорыл кывыйд. Ылөдчан.

ВАСЬКА. Ог. Ылөдчыныгө эг велаулы, да өні ог нин велау.

РОЗА. А вошөмыд на. Шөрөвыйө. Ачыл он төд, кодіджык колө.

ВАСЬКА. А вошөма на и эм. Ог на и төд, кодіджык пуксяс сьөлөм вылө. Кута нө сойөдыд да овны и пыртөда керкаб? А ачым кө ог шогмы? Оз нө тэныд ков унаысь на ыджыда лольштлыны?

РОЗА. Колө. Бөжөй на кузь и.

ВАСЬКА. Сийө бөжыд... гашкө и, мича на том нывбабаыдлы. Лок, пуксьыв на. Лок, бобөнянь, лок.

РОЗА. Локта. (*Пуксьө пызан дорө.*)

ЛЮБА (*дзугыла*). Бобөнянь сэтчө лоис сир туруныд! Киад и сибдө тай картупельтө мудйигөн!

ВАСЬКА. Люба, эн матькөд! Со кутшөм мича луныс да!

ЛЮБА. А мый шуліс Раяыд кулөм водзвылас? Вунөдін?

ВАСЬКА. Мый шуліс? Мөсным пө тай том на да, эн на бырөд коньөрөс, кула кө ме. А эг на и бырөд. Кор ачым идрала, кор чожиньөлы тшөктыла.

ЛЮБА. Мөснад тэ менө эн ылөдлы! Мөдтор на шуліс. Ас дырйиыд.

ВАСЬКА (*нюкыртчылө*). Мый?

ЛЮБА. Йөрман кө пө дзыкөдз, Любаөс, со, чукөст дай. А тэ чукөстгін?

ВАСЬКА. Эг на... эг на сэтшөма йөрмы да.

ЛЮБА. Эг пө өд йөрмы! Ачыс газетө гижө-а, гөтыртөгыд пө абу олөм! Мыйла эн чукөст?

ВАСЬКА. А сідзтө кө... мед эськө тэно и вөтасылі! А эг тэно, вот!

ЛЮБА. Кодөс нө?!

ВАСЬКА. Ог на төд кодөс.

ЛЮБА. Он төд?!

ВАСЬКА. Ог. Тавой на тай... видз вылысь локтөм бөрын водлі да... вөтаси да... йөрын тані кодкө и ветлөдлө... гожся халата, вөня коска, лөсьыдінник... менлы вылө и быттьө...

РОЗА. А чужөм вылас... кутшөмджык? Арлыда нин?

ВАСЬКА. Ог куж висьтавны.

ЛЮБА. Мыйла он? Эн өмөй нө видзөдлы?

ВАСЬКА. А эг и видзөдлы лючки.

ЛЮБА. Мыйла эн?

ВАСЬКА. Ме ог төд... полі ли, яндыси ли... йирмөг тай босьтліс-а...

Бытгъо матыстчис мелань... сэтшөм сөстөм гөгөр... а ме бытгъо трактор вылысь на... мыссыгтөм... Ымөсті мед оз инмөдчы! Сэсса сыысь и садьми.

РОЗА. А сійо и бур!

ЛЮБА. Мый бур?

РОЗА. Татшөм гөтырыд и мусаджык... кодысь вежавидзан.

ЛЮБА. Мыйкө тэ төдан!

РОЗА. Төда. Абуко муса, абу и... гозья сідзтө!

ЛЮБА. Ланьт! (*Нерыштөмөн.*) Ветымын арөснад сылы...

торъя муса колө!

РОЗА. А коді нө колө?

ЛЮБА. Горт олысь! Мед шог эз төд!

РОЗА. И муса мед! Да өд, Василий Михайлович?

ВАСЬКА. Сідзикөн.

ЛЮБА. Но и корсь мусатө! Со тай бара кодкө локтө! Тапо кутшөмкө!

Петкөдчө А л ь б и н а, сумкаа.

АЛЬБИНА (*суетө*). Татчө эг веськав?

ВАСЬКА. Татчө. Лок, эн пов. Олан-вылан да!

АЛЬБИНА. Ог эськө пов да. Абу өд гортад. Он ышнясь.

ВАСЬКА. А коді нө? Кытысь?

АЛЬБИНА. Вожаягысь. Баба рөд. Со тай кутшөм. Кызсө олөма нин. (*Вашгялө.*)

ВАСЬКА. Олөматө эськө он на шу да.

АЛЬБИНА. А гортын и совхозын на... пуксыывны ог эштыв да... эг на сэтшөма и киссьы, буракө.

ВАСЬКА. Абу на. А нимыд нө... татшөм варовыслөн?

АЛЬБИНА. Альбина тай пуктылөмаось. Сэсса лоө нин кыс-кавны. Он өд веж.

ВАСЬКА. Оз и ков.

АЛЬБИНА. А ачылд нө... Гашкө, Миша Васькаыс и лоан да?

ВАСЬКА. Сійо. Он кө повззы.

АЛЬБИНА. Абу повзбөдчысь кодь да. Мудзөм синма-и.

ВАСЬКА. Ытшки войнас. Локті да водлі.

АЛЬБИНА. Сідзкө и, олөм олысь! А абу кө лёк поз, и кык мужик дон на! Майбыр, кодлы веськалан!

ВАСЬКА. А-а... а коді на и менын веськалө, сідзтө кө. Öтарө майбырыд... дыр оз овлы.

АЛЬБИНА. Ачылд кодөс... медся матө пуктан. Эн сорассы дай!

ВАСЬКА. Код тѳдас. Мукѳдсѳ бѳрддзѳдѳма лѳѳ, да сѳйѳ-а.
АЛЬБИНА. А мый сѳсся?! Керка тыр гѳтыр он лѳсьѳд! Асьтѳ
косявласны! (Сералѳ.)

ВАСЬКА. Абу колѳма некытчѳ гижны да.

АЛЬБИНА. Мед! Эг и тѳдлы эськѳ тѳ йылысь, а лыдди дай...
шыасьла, мися.

ВАСЬКА. А он нѳ лѳгась, он ѳр менѳ, оз кѳ тѳлань и кежѳд
сьѳлѳмѳй?

АЛЬБИНА. Лѳгася эськѳ да... Мед, эг ѳд вѳзйысьны лок!

ЛЮБА. А мыйла нѳ?

АЛЬБИНА. Висьтавтѳгыс олан... он кѳ гѳгѳрво.

РОЗА. А ме ог жѳ вѳзйысь, тадзтѳ кѳ.

АЛЬБИНА. Оз и ков. Абу ѳд коньѳрушка.

РОЗА. Абу.

АЛЬБИНА. Ме тай баба туйѳ и мужик туйѳ гортын. Таво на
теплица вѳчи выльѳс. Пывсянысь джоджсѳ вежи и. Вѳлася и гын-
дыся.

ЛЮБА. Мый сѳсся тѳныд мужиксьыс?

АЛЬБИНА. А кодкѳ мед и малыштѳс. Бабаыдлы... каньлы
дорысь на малыштѳмыд колѳ. Да мед эськѳ аслад мужикыд!

РОЗА. Сѳдзи.

ЛЮБА (Альбиналы). А эз нѳ и вѳвлы? Некод?

АЛЬБИНА. Мыйла эз вѳвлы? Кык пиѳс на быдтѳ да!

ЛЮБА. А кытчѳ нѳ лои?

АЛЬБИНА. Жугѳдис асьсѳ. Мѳтоциклѳн. Гажа юрѳн да. Сѳсся
кык посниѳн и коли.

ВАСЬКА. А эн и петавлы сѳсся?

АЛЬБИНА. Эг. Дай эг и лысьтлы.

ВАСЬКА. Мыйлакѳ?

АЛЬБИНА. На понда, пиянѳй понда. Йѳз батьыд, мися, кызди
на... Ой-ой!

ЛЮБА. А ѳнѳ и... лысьтан?!

АЛЬБИНА. А быдмисны да асьныс нин гѳтыраѳсь да... И
прѳстми быттьѳ! Некодѳс нин ог грекѳвѳйт! Ачымѳс кѳ ог?!

ВАСЬКА Он. Ставыс морт нога. Лок водзлань. Пукыштам
сѳсся. Со ме черинянь пѳжалѳ.

АЛЬБИНА. Ме ѳд пѳжасьыштѳ жѳ.

РОЗА. Ме тшѳтш.

Альбина да Роза ректѳны пызан вылѳ асьыныс пѳжассѳ. Альбина
доз на сувтѳдѳ.

АЛЬБИНА. Со на босьті и.
РОЗА. А ме эг винатö. Ме йöв сöмын... аслым вылö. Мися, оз кö некөн ло сөймöй. (*Перйылö сумкасыс йöв тыра сулласö.*)
АЛЬБИНА. Ме öд гажöд вылö. Эг кодавны. (*Васькалы.*) Он кö вид, Василейыс?
ВАСЬКА. Видны и колö эськö да. Сьöрсыйд ваян! Ме öд кос вомöн ог на пукöд, ачым на быттö коралі да.
АЛЬБИНА. Мед, содтöд вылö.
ЛЮБА. Менам вöлі жö көнкö дозйыд. Ветла кö гортö!
ВАСЬКА. Сытöг овлан! (*Альбинылы.*) А тайö нö коньяк тэнад?
АЛЬБИНА. Абу, ас вийöдöма.
ВАСЬКА. А мича гөрд да! Сöдз и! Пырыс тыдалö!
АЛЬБИНА. А сөдзöдöма и эм! Кос сөчөнтö пöжалан да сотан гөрдöдз...
ВАСЬКА. Но?
АЛЬБИНА. ...сэсса тоян посни пызьöдз да сы пыр и сөдзöдан. И чöскыд, и небыд лö!
ВАСЬКА. Быдлаö, буракö, сямыд. Быдтор кужан!
АЛЬБИНА. А быдтор и кужа. Сиктса уджтö.
ЛЮБА. Эн ошйысь, эн!
АЛЬБИНА. А ог и ошйысь! Скөрма кö, некытчö на ог йöрмы! Көркö на порсь начки. Жаль эськö аслад порсьыд да...
ЛЮБА. А йөрмöмыд на тай! Йöзö локтан, мужик корсян!
АЛЬБИНА (*шöйöвошлö*). А-а... А корся и эм! Вира и яя на да! Абу на и ковтöм бур мужикыд!
РОЗА (*Любалы*). А мый тан лёкыс... локтём кö? Огö öд тай гусясьöй! Дай абу на и тэнад Василий Михайловичыс.
ЛЮБА. А меным гөтырыс шуліс... кула пö да... эн сет некодлы!
РОЗА. А мед ачыс шуö, коді сы серти. Ог кö öд шогмöй, мунам дай... бөрти рыгнас.
АЛЬБИНА. Тан ог узьöй.
ВАСЬКА. Да быдөн на эськö шогманныд да. Карад дорыс сиктад... öткөнтö сөккыд, а гозйөнтö абу жö кокни. Гөтырылды ёна на сюрö... уджыд да нокыд. А, майбыр, абу на повзöмыдöсь!
АЛЬБИНА. Он и пов, кодлы синмас уджыд пырö.
РОЗА. Да кысыс оз ус! Ме абу жö ньöти кужтöм. Ставсö жö бергöда. Гудöкася и. Көр гажтöм.
ЛЮБА. Öні и гудöк шысö он кывлы-а. Кытысь нö, кодлысь велöдчылін?

РОЗА. Карын. Педучилищын. Ме педучилище помавлі, номер двасё.

ЛЮБА. Сэссия?

РОЗА. Сэссия детскöй садйын и уджала. Воспитательницаöн.

АЛЬБИНА. А бур и удж нывбабаыдлы! Мый ме, зоотехник да?!

ВАСЬКА. А мый нö, лёк удж?

АЛЬБИНА. Абу эськö да. Колö öд вердны мөстö! Мед дун кынöмыс! Абу гурана таті! (*Петкөдлө коссыйс улыті.*) А мыйöнкö он верд, абутөм көрымнад!

ВАСЬКА. Джын мусö да видзё нин эндöдiм да, он и босыт көрымтö. Асьным сэтшöмөсь нин и...

ЛЮБА. Кутшöмөсь?

ВАСЬКА. Вошöмаось олөмсьыс. Абу совхозынöсь ни абу аслыным олысьяс! Ме, шуам, велалöма да, уджала на, а кодлыкö и веськодь!

ЛЮБА (*дöзмöмөн*). А дугдöй соборуйтöмнад! Абу сёрни тайö талун! (*Васькалы.*) Пуксьöдан кө, пуксьöд!

ВАСЬКА. А пуксямöй дай пукалыштамöй. Некод нин, гашкö, оз лок.

РОЗА. Мед эськö да.

ЛЮБА. Оз, дерт, кодi төдлас.

АЛЬБИНА. А он öд беддöн сувт. Со тай бара кодкö.

РОЗА. Татчö и кежö.

ЛЮБА. Тпрутьö!

АЛЬБИНА. Ачыд быгтьö абу тпрутьö!

ЛЮБА. А ме ог на нöйтчы!

АЛЬБИНА. Чöv! Шусяс мыйкö да...

РОЗА. А мый тан мисьтöмыс?

ВАСЬКА. Нинөм и абу. Сьөлөмтöгыд он на вөрззы гортсьыд. Та могысьтö. Сьөлөмыс на и кыскалö коньөрöс.

ЛЮБА. Коньөр сэтчö лои!

ВАСЬКА. А коньөр и эм öткаыд! Ачым и!

Петкөдчö И я, кызiник, нбöжмыд, киас пакет.

ИЯ (*мыкталöмөн*). Эдраст-вуй-те.

ВАСЬКА. Олан да вылан. Лок водзлань.

ИЯ. А мыйла нин, гашкö, и локтi?

ВАСЬКА. Мыйла-мыйла?

ИЯ. А тэ Мишö Васькаыс? Лаборовыс?

ВАСЬКА. Ме.

ИЯ. А кумиһоһь нин дһнад да?!

ВАСЬКА. Мед. Абу на... некодкөд гөрөда. Сыысь кө полан.
(Кум нывбабаыслы.) Эһ, колөкө, лөгасьөй-а!

АЛЬБИНА (Иялы). Эгө на чашйөй, эгө. Киа и кока на со.
(Индө Васька вылө.) Гөгөр на аслас, кытөн мый эм.

ИЯ. Мияһө автобусыс сөрөн волө, да сйөн сөрми.

ВАСЬКА. Ньөти на эн сөрмы. Ми весиг пызан сайө на эгө пуксьылөй. Буретш на воин.

ИЯ. Уһаһөһь да, сйөн-а. Ми вокыс.

РОЗА. А нывбабаыд унджыкөһөһь и эм. Өткаыс и.

ЛЮБА. А кысь нө ачыд? Коді?

ИЯ. Шудөгысь. ИЯ. Габова.

ЛЮБА. А мый нө сән уджалан?

ИЯ. Пуся. Школаыһ.

ЛЮБА. Мися, яя!

АЛЬБИНА. Буретш! Нывбабаыдлы!

РОЗА. Косыд нө мича?!

ЛЮБА (Иялы.) А мый нө абу верөс сайын?

ИЯ. Сідзи.

ЛЮБА. Сідзи, дерт!

ИЯ. Шудтөһ да.

ЛЮБА. Гашкө, эн и петавлы?

ИЯ. Эг.

ЛЮБА. Некодкөд эн овлы ни?

ИЯ. Эг.

АЛЬБИНА. А синмө усяна да! Сөрһиыд шань и! Мыйкө... йөйөһь кө тһян сән айуловыс-а!

ИЯ. Ачым йөй. Пола вөлі.

ВАСЬКА. Мыйыськө?

ИЯ. Мед некод оз кутлы. Пышгьяла.

ВАСЬКА. А том дырйиыд өд... зонмыд на полан... кодөскө кутлыһыгтө. Пөсьө и уськөдлө.

ИЯ. А сьөлөһөй вөлі чечалө. Пемдылө бывлаыс.

ЛЮБА. А өһи нө оз чеччав?

ИЯ. Оз нин сэтшөма. Ог нин сэтшөма бөрдлы и. Ог кө код-ды.

ЛЮБА. А манастырө кө муһан и! Медся на бур тэһыд!

ИЯ. Ме ог манастырад!

АЛЬБИНА (һюһсерөһ). А һьөти на гректөһ да... һекыт на вөрзьөдлыгтөһ да... райө сөһся и веськалан. Он мияһ моз адө!

РОЗА. Мыйысь ми адас?

АЛЬБИНА. Нинөһысь на эськө да.

ИЯ. Мый нө... кулом борад райыд?!
 ЛЮБА. А кор нө? Олігад?
 ИЯ. Мыйтакө мед и олігад. Сөмын нө бөрдны мед ловья дырйиыд да өтка вывсьыд?
 АЛЬБИНА. А верөс саяд, чайтан, он бөрдлы?
 ИЯ. Мед, сы пондатө.
 ЛЮБА. А абу нин том да... өтнад нин кызсө олөмыд да... мый нин тэныд верөс сайсьыс?
 ИЯ. А мед и гозья кодкөдкө! Абу на өд кулома! Абу мича и...
 АЛЬБИНА. Мый абу мича?
 ИЯ. Енмыс водзын...
 РОЗА. А мый абу мича?
 ИЯ. Он кө и вайлы кагатө. Сідзи кө и эндан.
 ЛЮБА. Мед эн энды дай! Оз на верөс сай ков кагатө вайны!
 Чукөстлін кодөскө дай!
 ИЯ. Ме ог сідзтө.
 ЛЮБА. Он кө, и олас! Нярган, локтөмыд да!
 ИЯ. Ме ог няргы. А быдөн абу на өткодь. Кодкө и нор сьөлөма. (*Чышкалә синвасө.*)
 ВАСЬКА. Сідзи, сідзи. Да энлы на... нюкрав асьтө. Нор сьөлөмыс, гашкө, и шоныдыс нывбабаыдлөн.
 ЛЮБА. Шонтысь, кольөд да! Ми мунам-а... кын сьөлөмаыс!
 (*Альбиналы да Розалы.*) Локтөй, локтөй!
 ВАСЬКА (*өлөдө*). Муна ме тиянлы! (*Любалы.*) Быд кывйө колө пысасыны! (*Ставыныслы.*) Гозйөнтө овны... сөтор на колө нывбабаыдлы, мед и авъя да мывкыда вөлін. А мыйөнкө и чорыд да топыд! Олөм кутысь!
 РОЗА. Муса мед и!
 ВАСЬКА А сытөгыд... абу жө гөтыр!
 АЛЬБИНА. Сідзтөкө... шуда, инө, и вөлі гөтырыд? Эз кө висьөмыс жугөд...
 ВАСЬКА. Ог лысьт шуны. Гашкө, мыйыськө и дилькъявліс. А юалі тай кулом водзвылас... мися, ёран он менө... гашкө, лёка видзи да... ог шуис, нинөмысь пө ог.
 АЛЬБИНА. А тайө өд и морт доныд! Бара кодкө шуда и лоө, кодлы веськалан!
 ЛЮБА. Кодөс ачыс кольөдас. Юрыс өд эм.
 ИЯ. Сьөлөмыс да.
 ЛЮБА. Сьөлөмыд эськө өдйө на ылөддас.
 РОЗА. А юрыд нө оз?
 АЛЬБИНА. А өти кывйө воасны дай юрыс да сьөлөмыс.
 (*Васькалы.*) Сідз өд?

ВАСЬКА. Ой, ме ачым на шййёвошөма! Меным ті ставныд на матё сибоданаөсь! Вайё пуксыламоё да пукыштамоё... бур кузя!
АЛЬБИНА. Вайё!
ВАСЬКА. Час, ме вая на мыйсюрө. Гудөкөс и.
ЛЮБА. Энлы, отсала.

Васька да Люба мунёны. Альбина, Роза да Ия лөсьдөны пызансө, пукталёны ассыныс вайөмторьяссө.

ИЯ. Дыр-ө сэсся пукалам-а?

АЛЬБИНА. Луныс өд миян.

РОЗА. Рытыс и.

ИЯ. Öнi эськө и войыс югыд да.

АЛЬБИНА. Войыд... кодлы на усьө... гажаяд.

ИЯ. Гортадтө бөр мунны... шуа.

АЛЬБИНА. А энлы на тэ шогав сыысь!

ИЯ. Ог эськө да. (*Тильө синсө.*)

РОЗА. Мыйкөкерлы на!

ИЯ. Мый?

РОЗА. Ме тай... кутшөма оз курзбөдлы став сёлөмөс да, бөр ньылышта став курыдсө дай. Бөрти бөрда, ог кө шогмы. (*Чышкыштө синвасө.*) Лэчча эстчө вадорас да.

АЛЬБИНА. Ме ог төд, ме бөрда ог. Подөн гортө пета дай. Мед усьла кок йылысь!

Локтёны Л ю б а да В а с ь к а, вайёны дозмук да сёян-юан. Пельпом саяс, воысалөмөн, Васька гудөксө тшөтш вайё.

ВАСЬКА (*ставсө пукталөм бөрын*). Но пуксямоё!

ЛЮБА. Коді кытчө?

ВАСЬКА. Индала нө? Абу өткодь өти пызан саяс? Лок орччөн... сэтшөма кө нин...

ЛЮБА. А медся на и матыс тэныд. (*Пуксьө дiнас.*)

ВАСЬКА (*мукөдыслы*). Энө лөгасьбөй-а. Абу на син сай-ынёсь. Ме абу мышка и.

АЛЬБИНА. Абу.

ВАСЬКА. А сiдзтө кө и... (*Кисьталө румкаясө.*) Мед став-нымлы на овсяс да вывяс! Босьтөй да вөрзбыламоё!

ЛЮБА. Кытчөкө?

АЛЬБИНА (*шмонитөмөн*). Бөрө ли, водзө ли.

ВАСЬКА. Бөрөтө меным сёр нин. Эськө гөтрасьлі кө да юк-сьылі, бара кодөскө лөсьода...

ЛЮБА. А он нӧ лӧсьӧд?
ВАСЬКА. Ме ӧд ог ловъя гӧтырысь вывтӧ. А матӧ вои да...
водзӧ на олӧм вылӧ!
РОЗА. Водзӧ вылӧ и эм! Абу на сэтшӧм пӧрысь ни!
ИЯ. Вира бана.
ВАСЬКА. Кысь нин эськӧ вира банаыс да?!
РОЗА. А абу на и усьӧм чужӧма.
ИЯ. Ньӧти на он пов тэысь. Ме тай ӧг-а.
АЛЬБИНА. Некод оз и пов. Локтӧма нин лои да.
ВАСЬКА. А вӧрзьяламӧй!

Точкысьӧны да юӧны, нуръясьӧны.

ЛЮБА (*чушъялӧмӧн*). Вӧрзим эськӧ да... Кытчӧ волам-а?!
Эта мынданад!
ИЯ. Кытчӧ нуӧдас.
ЛЮБА. Оз ӧд вотчыны! Йӧйлы тэныд!
РОЗА. А разӧдчам нӧ? Сӧдзикӧн?
АЛЬБИНА. Кытчӧкӧ век волам!
ВАСЬКА. Кытчӧ шуӧма лои. Ог тай бӧрнясь. Гашкӧ и...
АЛЬБИНА. Гозйӧн, шу, вода тавой.
ВАСЬКА. Воднытӧ эськӧ... гажӧй нин бырӧма да...
ЛЮБА. Кодысь?
ВАСЬКА. Нывбабасьыс. Шоныд вира-ясысьыс. Да мед эськӧ и
бурьыс да мусапырысь. Ачыд мед сылы эн тойыштана вӧв ни.
ИЯ. Абу и тойыштана некодлы! Меным абу-а!
ВАСЬКА. Аскинас мед эн чукрась ни. Йӧйыд пӧ тай эм.
АЛЬБИНА. Эн сорассы дай. Бара шусяс.
ВАСЬКА. А энлӧ на и тэрмӧдлӧй.
ЛЮБА. Ачыд тай газетасянь. Он вермы пыклыны асьтӧ.
ВАСЬКА. А пыки-пыки дай мыні пыкӧдыс!
РОЗА. А сӧйӧ и бур! Ӑні аслыд нин дэлыд лоӧ вайны кодӧскӧ.
ВАСЬКА. А дэлыд и эм, веськыда кӧ.
АЛЬБИНА. А эн и ножӧд, сӧдзкӧ, кузь тулыс моз. Кор тай
кузь тулысыд, ыджыд ва ни мича шоныд он и тӧдлы. Кодӧ пуксяс
сьӧлӧм вылад, сӧйӧ мед и пуксьӧ. Сӧйӧс и шу бӧрти.
ИЯ. А ӧні шу дай, кодӧ пуксьӧ.
ВАСЬКА. Ӑні нӧ... (*Шӧйӧвошлӧ*.) Кытчӧ на?!
ЛЮБА. Ланьтлы эськӧ тэ... некодлы шогмывтӧмыс!
ИЯ. Мун сэтгысь! Аслыд шуа, да виньдылан! Лӧк... абу жӧ
некодлы муса вӧлӧмыд!
ЛЮБА. Мыйкӧ тэ тӧдан!

ИЯ. А төлалөма нин синмыд! Ывла кодь!
АЛЬБИНА. Энлө на тшетшйысьой!
ВАСЬКА. Он кө эськө дугдылөй!

Ланьтылөны. Сөмын Ия да Люба чушъялөны на ас кежаныс.

РОЗА. Гажтөм босьтас тадзтө. Лунсө дзугам и. Вай ме ворса мыйкө! (*Индылө гудөк вылө.*)

ВАСЬКА. А мөдысьөн юамөй да. Мед довгыштас юраным. Сэсса и гудөкасям. Ачым видла и. (*Кисьталө румкаясө.*) Вайө көтөдлөй лов пыдінытө! Мед оз на косьты некодос оломыс!

АЛЬБИНА. Мед эськө да! Оз на тай шедлы сэтшөм долыдыд.

РОЗА. Сыысь өд и медся шогыс.

ИЯ. Нывбабаылды. Коньөрөйлы.

АЛЬБИНА (*Васькалы*). Тэ өд уналы он жө тырмы. Код-лыкө отилы сөмын.

ВАСЬКА. Сідз эськө да. А меон өд эз на помась дай оз на и помась айуловыс.

РОЗА. А оз өд и... медтыкө сөмын айулов! Мед эськө и верос на!

ИЯ. Аслад! Дзик оти!

ВАСЬКА. Ме эськө... верми кө... ставнытө и гозйөді да. А кысь ме ставнылды верөссө босьта?

ЛЮБА. А некод эз көкөд тэнө Эжва кузялабис! Дай оз пө и көклы, буракө, айкөкыс! А колө кукуасьны! Ой-ёк! (*Ырыштчылө гырджзанас.*)

ВАСЬКА. А мый сэсса... йөйталі нин да?

АЛЬБИНА. Мед. Эн өд тешитчы миян вылын.

ВАСЬКА. Эг! Ен мед видзас!

АЛЬБИНА. А мед оз на и усь юрыд!

ВАСЬКА (*нимкодя*). А вайө и мөдысьөн!

Юоны да нурьясьоны.

ИЯ. А ме гажми нин. Роза, шуан тай вөлі...

РОЗА. Мый?

ИЯ. Ворса пө.

РОЗА. Ворса, Сьыламөй.

АЛЬБИНА. Йөктам и.

ЛЮБА. Шогөдас на. Регыд.

АЛЬБИНА. А шогсьыд он и мынлы да.

ВАСЬКА (*Любалы*). Урсась сэтөн! Ме ог төд... Ворс, Роза, ворс!

Роза ворсö. Сьылöны. Весиг сувталöны сьывнысö. Сöмын Люба торйöнджык сувтö да видзöдалö öтилаö-мöдлаö. Кöсийлö нин мунны, но оз на мун.

А МЕД И ГАЖМЫЛАН

Сьыланкыв

И важöн юлисны
Да суртö пулисны.
И öнi винатö
Оз ньöбны сiдз.
Öд сьöлöм курыдтö
Он ванад бурдöд тэ,
А сьöлöм долыдтö
Он гусьöн видз.

У н а ы с ь:

А мед и гажмылан
Да овны вашмылан,
И шуда гозъя мед
Дай водзö на!
Мый оз ков юнытö,
Зэв кокни шунытö,
А ньöти ютöгыд —
Ни би, ни ва!

Мед кодкö юсьöма
Да мортсьыс усьöма,
А кодкö винатö
Оз видлы войт.
Бур олöм олысьтö
Он аддзы польсьтö,
И олöм олысьтö
Он тайöн дойд.

Рыт помнас гортад ли,
Важ тöдса ордад ли
Кор юан бур кузя,
Сэж ставыс бур.
И овлö сёр нин-а,
Шань, восьса сёрнинад
Он янöд асьтö ни
Он вошты юр.

ИЯ. А Роза, «Ой, сьӧлӧмӧйтӧ»!
АЛЬБИНА. Йӧктӧмӧн.
ВАСЬКА. Лок, Люба, эн ышнясь!
ЛЮБА. Тэ эськӧ асьтӧ тӧд!
ВАСЬКА. Код водзын?
ЛЮБА. Ме водзын!
ВАСЬКА. Но лок и йӧктам!
ЛЮБА. Эштыла на!

Роза ворсӧ. Сьылӧны да йӧктӧны. Люба матыстчылӧ пызан дорӧ да кисьтӧ аслыс, юӧ гусьӧн. Сэсся тшӧтш сувтӧ йӧктыны, суйсьӧ Васька водзӧ.

ОЙ, СЬӧЛӧМӧЙ

Сьыланкыв

Кор йиыс юсьыд кылалӧ,
Кор ваыс — дор ни пом,
Сэк бара быттьӧ нылалан
И бара быттьӧ том.

Ой, сьӧлӧмӧй, ой, сьӧлӧмӧй,
Эн ӧдйӧ тӧпкы вай.
Ой, лӧньӧмыд нин вӧлӧмӧй,
Да ышмылан на тай.

Кор ывла вылыс вералӧ,
Кор кылӧ кӧнкӧ гым,
Сэк лолыд быттьӧ сералӧ
И кодкӧ динӧ пым.

Ой, сьӧлӧмӧй, ой, сьӧлӧмӧй,
Эн ӧдйӧ тӧпкы вай.
Ой, лӧньӧмыд нин вӧлӧмӧй,
Да виччысян на тай.

Кор лэбӧ юсьыс — дзодзӧгыс,
Кор пушкӧ чизыр тӧв,
Сэк дойдӧ быттьӧ кочӧгысь,
И шытӧг бӧрдан чӧв.

Ой, сьӧлӧмӧй, ой, сьӧлӧмӧй,
Эн ӧдйӧ тӧпкы вай.
Ой, лӧньӧмыд нин вӧлӧмӧй,
Да радейтан на тай.

Кор лымйӧн гӧгӧр тырӧма,
Кор пемыд войыс кузь.
Сэк эшкын улад пыран да,
Мый дум вылад оз усь?!

Ой, сьӧлӧмӧй, ой, сьӧлӧмӧй,
Эн ӧдйӧ тӧпкы вай.
Ой, лӧньӧмыд нин вӧлӧмӧй,
Да эскылан на тай.

АЛБИНА. А ӧні «Гордаястӧ», Роза!
ВАСЬКА. Огӧ пуксьылӧй?
АЛБИНА. Та бӧрын.

Роза ворсӧ. Сьылӧны да йӧктӧны.

ГОРДАЯС

Сьыланкыв

Ойдӧм юлӧн сӧртасас
Кыкӧн-кыкӧн
Уялӧны гордаяс
Тувсов рытӧ.

Локтӧмаӧсь быдтысьны
Чужанінас.
Петӧмаӧсь рытйысьны
Бадьяс дінас.

А ми, нывъяс, видзӧдам
Вежалӧмӧн.
Сьӧлӧмнымӧс личӧдам,
Да и сӧмын.

Ныв-зон костад вӧлі кӧ
Эськӧ сідзи,

Шудтө аслад пöлыдкөд
Нэмтө видзин.

Зонъясыдлөн муслуныс
Дженъыд нэма.
Öзйылöны-куслöны,
Ок и эмось!

Ойдөм юлөн сёртасас
Кыкөн-кыкөн
Уялöны гордаяс
Тувсов рыгтö.

Пуксьö шондi вөрвылас,
Петö кодзув.
И век айыс бөрвылас,
Эныс — водзын.

ВАСЬКА. А бур ногөн кө, гөтырыд мед водзын и эм тэысь!
Мича туйö и вежа туйö!

ЛЮБА. Важөн нин мед и лөсьöдiн, эн кыскы та дыра!

ВАСЬКА. А ог нин сэссия и кыскы!

ЛЮБА. А лок кистав дай шу, кодöс шуан! Кодöс лысьтан шуны?!

ВАСЬКА. Некодöс на ог!

ЛЮБА (*пөндö скөрмыны*). Мыйла?

ВАСЬКА. Сидзи на овлан! (*Мукöдыслы*.) Локтöй, водзö на катламöй! Öти пыжөн! (*Кисьталö румкаясö*.)

Точкысьöны да юöны.

ЛЮБА. Мекöд эз и точкысь!

ВАСЬКА. Но вай! (*Лэптылö румкасö*.) Со абу на тыртöм.

ЛЮБА. Мый сийö бöрыннад! Мылёснад!

ВАСЬКА. Скөрмодас пызан саяд.

ЛЮБА. Скөрмодны и колö тэнö!

ВАСЬКА. А эн эськö пычкысь! Ме эг на водлы тэкöд!

ЛЮБА. Водлөм нö колö?!

ВАСЬКА. А мыйкö и колö на! Кутшöмкө төв ньылыд сёлөмыд-лы! А абу кө...

ЛЮБА. Мун, сета ныр-вомад!

АЛЬБИНА. А Люба... Шуан да, шуöма лө... А оз кө нö мортыс?..

ЛЮБА. Ланьт эськө тә! (Кыйкнитлө отарө-мөдарө да котортлө саявлытөдз, курана локтө.) Ойкөда ставнытө, онө кө муналой татысь! Гортаныд бөжнытө лэпталой!

АЛБИНА. Яндысь йөзтө пежавны!

РОЗА. Тадзтө өд асьтө жө уськөдан!

ИЯ. Абу жө... тадзтө кө... аньтуя!

Люба дугдө ыршасьнысө, падыялө. Васька мырддыө курансө оз и лёкысь.

ВАСЬКА. Мун, пальөдчы! Со гортыд!

Люба сыркьяломөн бөрддзө да мунө.

З а н а в е с

Мөд юкөн

Идравтөм на пызан дорын мудзөмаөсь да гажмөмаөсь пукалоны Мишө Васька, Альбина, Роза да Ия. А кадыс рыгтявыв нин, шондө лэччандор.

Мишө Васька гудөкасьө да тиөтш сьылө мукодыскөд. И сьылөмыс пондө кывны занавесыс воссьытөдз на.

КОМИ МУАД ШОГЫД СЮРӨ

Сьыланкыв

Ягын пожөм вылын юра,

Керка керйид вылө бур.

Коми муад пуыд сюрө,

Сьөлөм сетысьыд оз сюр.

Төвся лымйыс шорөн тюрө,

Ойдө ваөн видз и нюр.

Коми муад ваыд сюрө,

Сьөлөм косьтысьыд оз сюр.

Югыд изйыд абу курыд,

Пывсянад оз висьөд юр.

Коми муад изйыд сюрө,

Сьөлөм шонтысьыд оз сюр.

Лэбзьём водзын горзё тури,
Кольтём вёсна вуджё ур.
Коми муад шогыд сюрё,
Сьёлём кутысьыд оз сюр.

РОЗА. А оз өд и сюр! (*Ырөстө.*)
ИЯ. Оз! (*Лимзалө.*)
АЛЬБИНА (*тільиштө синсө*). Энлө на ымзалөй!
ВАСЬКА. Мед. Он өд дзижав сьёлөмтө.
АЛЬБИНА. А он на и пыдзрав. Меным тай пинь висьём
дорысь на сьёкыд да... шамыртла этати дай. (*Шамыртлө сьыли
увсө.*)
ВАСЬКА. А меным аслым... пуктыль-муткыль...
РОЗА. Мыйлакө?
ВАСЬКА. Юр андим! Кори быгтьё, мед воланныд, кёйыси
лючки, а шутём на и лои. Некодлы нинём!
ИЯ. Луныс кольё-а.
АЛЬБИНА. Со тай нин шондыс.
РОЗА. Автобуссьыд колям и.
ИЯ. Йөрмам татчө.
ВАСЬКА. Сы понда эськө... Тани узяныд дай. Со тай керкаыс.
АЛЬБИНА. Оз на өд и узьсьы!
РОЗА. Мыйла пө и кольччи?!
ИЯ. А ачыл нө кыгчө водан?
ВАСЬКА. Татчө, гожся кухняө.
АЛЬБИНА. А сэсся?
ВАСЬКА. Сыысь и гудрөдлө. (*Пуктө гудөксө да йөжгы-
лясьө.*)
АЛЬБИНА (*дөзмөмысь*). А шу дай, кодлы мый шуан! Сэсся
и помө волам!
ВАСЬКА. Ог на лысьт.
АЛЬБИНА. Мыйла?
РОЗА. Ог өд парсалөй...
ИЯ (*нора*). Мед, коді мусаджык.
ВАСЬКА. Ог на төд, да сійон ог и лысьт шуны.
АЛЬБИНА. А мый нө, ми төдам?! Но муна, ог сэсся дөзмөдчы.
Дыр-ө тан жөвьяла?! (*Босьтө ассьыс сумкасө да мөдөдчө.*)
ВАСЬКА (*вөтөдө*). Но, Альбина! Энлы на лөгасьлы, энлы!
Ен могысьөн!
АЛЬБИНА. Ворсөдчан да. Кутов-катов!
ВАСЬКА. Ог ворсөдчы, ог. Сё збыль!
АЛЬБИНА. А он кө, эн и падъяв!

ВАСЬКА. Ог и падъяв. Зэв оз на и сюр тэ кодъыд. Да соось на өд! (*Индө Роза да Ия вылө.*) Жальось!

АЛЬБИНА. Кольөд дай коднысөкө. Со тай Роза, томджык и мичаджык меысь! Меным сідз нин овсяс. А, колөкө, и Ияос кольөд! Ичмонь кодь на со. Гортад быдтор вөчас и. Дзим-дзурк!

ИЯ. Вөча. Менам гортын джодж вольөсөй өдзөс дорын еджыд.

ВАСЬКА. Мед он и тувтчыв?

ИЯ. Мед няйт кокөн он пыр.

АЛЬБИНА. Аддзан, кутшөм?

ВАСЬКА. А тэ энлы на муны. Олышт на! А?

Альбина ышловзё да косө, чөвтө сумкасө бокө.

АЛЬБИНА. Йөйтәлі нин да йөйтәлә нин.

ВАСЬКА. Он йөйтәв, он.

РОЗА. Сідзкө, ме муна. Волі и бөр!

ВАСЬКА. Кытчө?

РОЗА. Гортө! Бытгтө он төд!

ВАСЬКА. Оз на сотчы гортыд.

РОЗА. Ачым сотча! (*Сьөмдалө.*)

ВАСЬКА А лок и кутыштла бурьсы! (*Кутыштлө пель-помөдыс.*) Да энлы на тэрмасьлы.

РОЗА. Ог на либө.

ВАСЬКА. Мед оз на доршась синваыд.

РОЗА (*нюмдылө*). Мед оз на.

ИЯ. А мый нө, ме муна? (*Рикөстө.*) Медводз? Матө ог шогмы?

ВАСЬКА. Мыйла он шогмы? Некуйт на абу өтдортана да. Ортсы ни пыді.

ИЯ. А он тай шу, эн пө на мун!

ВАСЬКА. А эн на и мун. Аски.

ИЯ. А он тэ менө вай! (*Ырзалө.*)

ВАСЬКА (*шйөвошлө*). Ме ог төд. Гашкө и... Гашкө и... вая! Скөрма да!

ИЯ. Ме вылө?

ВАСЬКА. Ог, ас вылө. Ола со да... некодөс и мальштнөтө.

ИЯ. А он тэ менө вай!

ВАСЬКА. Мыйла ог?

ИЯ. Абу ме вылө синмыд.

ВАСЬКА. Со!

ИЯ. Абу веськыда ме вылө.

ВАСЬКА. А некод вылө на и абу веськыда, сідзтө кӱ!
ИЯ. А ме тан шудтӱмыс! Медся шудтӱмыс! (Оз ӱвсьы
бӱрдӱмсьыс.) Ойя да ойя!
АЛЬБИНА. Ия, но... энлы на сэтшӱма бӱрдлы.
РОЗА. Бытгӱо ми шудаӱсь.
ИЯ. А менӱ сідз бӱрдӱдӱ, коддза да. А ӱнӱ и... кок йылысь
ускӱдӱ! (Кӱсӱй мӱас и водны.)
ВАСЬКА (кӱтӱ водӱмсьыс). Энлы, татчӱ эн! Лок керкаӱ
водлы!
ИЯ. Водла.

Васька нӱдӱ Ияӱс. Альбина да Роза чӱв олӱны.

АЛЬБИНА. Муна кӱ эськӱ... А мый и босьта бурсӱ?
РОЗА. Нинӱм.
АЛЬБИНА. А лангӱодан асьтӱ дай?
РОЗА. Верман кӱ. Ме ог-а.
АЛЬБИНА. А сӱлӱмьд нӱ оз пот тадзтӱ?
РОЗА. Потӱ.

Шогаӱны.

АЛЬБИНА. А ворс мыйкӱ да... ылӱдлам асьнымӱс.
РОЗА. Кыдзикӱ?
АЛЬБИНА. Сӱылӱмнас.
РОЗА. Сӱылӱмнад нӱ ылӱдлан сӱлӱмтӱ? Ёнджыка на жугӱдлан.
АЛЬБИНА. А ӱдӱ нӱ мед шог курыднас?
РОЗА. Оз. Ворса, абу ӱд сӱкыд. (Ворсӱ гудӱкӱн, и сӱылӱны.)

КӱК, НА МЕНЫМ, КӱКӱЙ

Сӱыланкыс

Югыд тувсов войӱ
Вӱрыс-вайс сӱылӱ.
Кыськӱ мӱдлапӱлысь
Кӱклӱн кӱкӱм кылӱ.

У н а ы с ь:

Эн на лангыты, кӱкӱй,
Оз-ӱ шогӱй бырав,
Кӱк на меным, кӱкӱй,
Овны мыйкӱ дыра.
Ку-ку, ку-ку.

Ветлө гыён ытва,
Вадор баддъыс ойдө.
Долыд босътөм пыдди
Морос увтө дойдө.

Сьөлөмыдлы колө,
Шудаён кө лоны,
Кодкө тэлань мелі,
Ачыл сылань шоныд.

Тулысыд оз гажөд,
Мед и шыа-гора.
Колө на и муслун,
Мед и синва сора.

АЛЬБИНА (*видзөдавлә*). Ылаліс, тыдалө, миян Васькаыд...
РОЗА. Лөвтө на, колөкө, сюсь на асланьыс Ияыд.
АЛЬБИНА. Лөвтөмнад и босьтан?
РОЗА. А жалыс кө петас и... Васькаыдлөн?
АЛЬБИНА. Оз. Абу кө йй.
РОЗА. Мыйла оз?
АЛЬБИНА. Жалыд мусатө оз веж.
РОЗА. Мыйён төдан?! Пырала кө эськө керкаас!
АЛЬБИНА. Эн, эн ыръяв!
РОЗА. Мыйла ог?
АЛЬБИНА. Аслад мывкыдөн ов! Абу на дзуртан пу! Пес
вылө сөмын! Мед тэнө донъялөны!
РОЗА. Донъялас кодкө... эня-нылатө.
АЛЬБИНА. А, гашкө и, зэв на!
РОЗА. Чөв. (*Босътө гудок да ворсө. И сьылөны сэсса Аль-
бинакөд.*)

НЫВЪЯСТӨ ЭН ВИДӨЙ

Сьыланкыв

Нывъястө эн видөй,
Нывъястө эн вөйпөй.
Шунытө өд кокни,
Польсы пө да йй пө.

Нывъясыдлы колө
Петны верос сайө.

И мед эськө муса,
Коді тэнö вайö.

Майбыр эськө сэки
Нэмтö овны гознад.
Сöмын татшöм шудыд
Усьö на ли оз на.

Олан гажтö выльысь
Кодкöд сэки панан?[?]
Кодлы на и колан
Кага мездоранад?[?]

Нывъясыдлөн нэмыс
Уна узьтöм воя.
Нывъясыдлөн шудыс
Синва пычкан доя.

Нывъястö эн видöй,
Нывъястö эн вöйпöй.
Шунытö öд кокни,
Полысь пö да йöй пö.

РОЗА. А мыйкö... Альбина...

АЛЬБИНА. Мый?

РОЗА. Шуин тай, аслад мывкыдөн пö ов.

АЛЬБИНА. Аслад мывкыдөн и ов. Абу öд няр баля! Кодкö
мед нёнöдас!

РОЗА. А дыр нин бöрдi да...

АЛЬБИНА. А сэсса и... ланьтыв.

РОЗА. А сiдзи нö мед и коля... абу гöтыр ни, абу дöва ни?

АЛЬБИНА. Эн эськö да...

РОЗА. Сэсса öд и пöрысьма.

АЛЬБИНА. Он тай и мын сыысь, пöрысьмöмсьыд.

Дзугылясьöны.

РОЗА. А юала кö мыйкö?

АЛЬБИНА. Юав.

РОЗА. А он скöрмы?

АЛЬБИНА. Ме ог тöд.

РОЗА. Ог эськö лёктор да...

АЛЬБИНА. Эн и пов, сідзкө.
 РОЗА. Мыйкөкерас тэныд... оз лөсяв... сыысь пола.
 АЛЬБИНА. Он, шуан, лёктор да?
 РОЗА. Ог и лёктор, а... (Бөрдө.)
 АЛЬБИНА. А юав дай... бөрдөм дорсыыд!
 РОЗА. Ачыд тай висьталан... вөлөмыд нин верөс сайын...
 АЛЬБИНА. Вөлі.
 РОЗА. Кык пиөс быдтөмыд и...
 АЛЬБИНА. Быдті.
 РОЗА. Төдлөмыд нин морт оломсө...
 АЛЬБИНА. Кутшөмакө, дерт, төдлі.
 РОЗА. А ме эг на! (Бөрдө.)
 АЛЬБИНА (шөйөвошлө). А-а... А сэсся мый?!
 РОЗА. Эн лөгась!
 АЛЬБИНА. Ог и лөгась. А сэсся мый?
 РОЗА (нюкрасьө). Дугөдчы Васькасыыс.
 АЛЬБИНА. Мыйла дугөдча? Тэнлы вылө коля?
 РОЗА. Ым.
 АЛЬБИНА. А кызди нө ме дугөдча, ачыс кө, шуам, оз менө
 өтдорт? (Өвтыштө кигугыс.) Менам өд сьөлөм жө!
 РОЗА. Сьөлөм.
 АЛЬБИНА. А кызди нө сэсся?!
 РОЗА. Водзвыв. Төдөмөн.
 АЛЬБИНА. Босьта да муна? Шог абу?
 РОЗА. Эм эськө да.
 АЛЬБИНА. Тэныд — бур, а аслым — лёк?!
 РОЗА. Сідз эськө да.
 АЛЬБИНА. Ланьт, эн скөрмөдчы.
 РОЗА. Ланьта. (Ланьтлө да ырөстө.) А поэьө өд и бур
 вөчны кодлыкө. Ыджыд бур! Ме эськө нэмөс тэнө югыда казыты-
 ла. Вичкоө на ветла да молебен сьылөда.
 АЛЬБИНА. Колө меным молебеныд!
 РОЗА. А сө во на мед Енмыс видзас!
 АЛЬБИНА. Мый сэтшөм сө восьыд, өткөнасыыд?!
 РОЗА. А мед нө ме ог и төдлы морт оломсө? Ачыд төдлөмыд-а!
 АЛЬБИНА. Ме сэсся мыжми?! Ме сийөс дзуга?!
 РОЗА. Он эськө да. Мися, гашкө, матө пуктан... Сийөн и
 шыасьлі. Эн дивит.
 АЛЬБИНА. Ог. Мед.

Пукалоны шогөсь. Сэсся Роза гудөкасьө, и сьылөны.

КИССЬӨМ ВАТӨ ОН НИН КУРАВ

Сьыланкыв

Кор ныла-зонмыд ветлан бура,
Сэк гозйөн олан усьö шуд.
А киссьөм ватө он нин курав,
А мынөм черитө он кут.

Ме ачым вөлі кокни юра,
Да сөмын тәнө ог и вид.
А киссьөм ватө он нин курав,
А чегөм пелььсьтө он йит.

И водзын бытгтө гөпта гуран,
И некөн матын пыж ни пос.
А киссьөм ватө он нин курав,
А кольөм гожөмыд оз кос.

И коркө паныд кө мен сюран,
Ме вежөн муна, кыв ни джын.
А киссьөм ватө он нин курав,
А сотан синвасьыд он мын.

РОЗА. Ойя да ойя! (*Сыркъялө.*)

АЛЬБИНА. А энлы на сыркъяв!

РОЗА. Ог тэныд!

АЛЬБИНА. А муна, гашкө.

РОЗА. Кытчө мунан?

АЛЬБИНА. Гортө.

РОЗА. Мыйла мунан?

АЛЬБИНА. Бур вылө тэныд! Мед эськө тай муні, шуан! Мед
төдлан морт олөмсö!

РОЗА. А аслыд нө оз кучкы сьөлөмад?

АЛЬБИНА. Мед. Оз кө пот и. Ог сайөд Васькатө. Сэтшөма
кө нин колө!

РОЗА. Колө.

АЛЬБИНА. Кытөні и сумкай? (*Босьтө сумкасө.*)

РОЗА. А сэсса ёран менө?

АЛЬБИНА. Ёра кытчөкө?! Абу өд гуга синма!

РОЗА. А оз нө ков тэныд шудыс?

АЛЬБИНА (*чуймө*). Сэсса менө кутіс жалитны!

РОЗА. Водзөстө. Эн на ылө мун дай. Бөр на лок дай.

АЛБИНА. Ланьт, эн дөзмөдчы. (Мунё, сөмын сувтовкерлө синвасо чышкыштны.)

Карта сайсьыс локтө Ч о ж и н ь, олома нин ань. Видзөдало Роза вылө.

ЧОЖИНЬ. Кодкө и том на. Ар комына.

РОЗА. Комын куима.

ЧОЖИНЬ. Сибыд чужома и.

РОЗА. Ме ог төд.

ЧОЖИНЬ. Аддза өд. А тэнө и кольөдис?

РОЗА. Эз.

ЧОЖИНЬ (пыркмунлө). А кодос нө?

РОЗА. Некодос на эз.

ЧОЖИНЬ. А мый нө керсьө?! Кытөн ачыс?!

РОЗА. Со тай локтө.

Локтө В а с ь к а.

ВАСЬКА. Но, чожиньө тани!

ЧОЖИНЬ. Тани. Мөстө йөрти. Турун моздор на нетшки и. Кежала, мися.

ВАСЬКА. Сийө и бур! Лок пуксьыв!

ЧОЖИНЬ. Пуксьыла ме тэныд!

ВАСЬКА. А мый нө? Мыйысь лөгасин?

ЧОЖИНЬ. Пельөй нин съөдмис! Гөтрася да гөтрася! А көни нө, кодэ гөтырпуыд? Кодос ваян?

ВАСЬКА. Энлы на... мыйкө но...

ЧОЖИНЬ. Энлы ме тэныд... он кө инась кодкө вылө! (Лэп-тылө шамыра кисө.)

ВАСЬКА. Гашкө и... инася. Лок пуксьыв.

ЧОЖИНЬ. Эштыла ме пукавны, со на шондыс да. Мөстө на колө войтөдны и.

ВАСЬКА. Сэссия и войтөд.

ЧОЖИНЬ. Мун, йөй! Гажа юрөн нө мөс дорас пыра?! Сийө өд мөс! Абу юысь баба! (Көсий мунны.)

ВАСЬКА. А вола на, чожиньө!

ЧОЖИНЬ. Гашкө и, вола на. Юрситө нетшка, он кө домась кодкөдкө! (Мунё.)

ВАСЬКА. А өтнад да, Розаыс?

РОЗА. Отнам.

ВАСЬКА. А көни нө Альбинаыс?

РОЗА. Мунис.

ВАСЬКА. Кытчө мунис?
РОЗА. Гортас.
ВАСЬКО. Мыйла мунис?
РОЗА. Дөзмис да.
ВАСЬКА. Вөтчыла кө эськө!
РОЗА. Вөтчыв.
ВАСЬКА. А ог али мый?! (Котөрөн мунө.)
РОЗА. А ме тадзтө кө... ачым муна. Сылы Альбина колө да!
Альбина кө, и мед! (Бөрдитырайи босьтө ассыс сумкасө.) Ваё нө
пыра?! (Ньөжйөнник мунө.)

Локтө Л ю б а, довьялө.

ЛЮБА. Некод некөн. Пызаныс идравтөм-а. Юаныс на мый-
та и! Гортысь ййыйд дзибырті! (Кисьтө да юө.) А мед и коддзыла!
(Нюмрасьө.) Скөрма да кучка на Мишө Васьбөдды! Косьышта!
Мед оз дяв менө! (Сутшиктө.) А водісны али мый нин? А
кодкөд нө эськө водіс? Жугөдла, иганаось кө! (Өвчигтыр мунө.)

Недыр мысти кылө ойзөм-горзөм. Сэсся Люба вайөдө шошаөдыс Ияөс.

ИЯ (мынтөдчө). Понйыд тай эм! Пурсьысь понйыд! Лэдз но,
лөк, бөжтөм увө!

ЛЮБА (оз на лэдз, летйө). Пурны и колө тэнө! Локтан да
йөз ордө водан! Куш ситанөн! Мед этшаджык удж Васькалы! (Лэдзө,
тойыштө.)

ИЯ. Эн лосьбөдды! Вода йөз ордө куш ситанөн? Лөк, пеж вом!

ЛЮБА. А эн нө водөмыд нин вөв?

ИЯ. Мый нө кө? Шөгөдіс да... Мед ог лясъяв тані... ачыс
пыртөдіс.

ЛЮБА. Сэсся небыд диван вылө?!

ИЯ. Джоджас и көйылі, да... татчө пө лок.

ЛЮБА. А сэсся?

ИЯ. Мый сэсся?

ЛЮБА. Эз и вөрөд?

ИЯ. Эз.

ЛЮБА. Эн соссьы!

ИЯ. Ог и соссьы.

ЛЮБА. А эн и төдлы код юрнад!

ИЯ. Мун сэтысь, лөк! Ме садьтө эг на воштыв!

ЛЮБА. А лок и бурасям!

ИЯ. Ог.

ЛЮБА. А лок... морт өти румкайн!
 ИЯ. Ме ог тэкөд.
 ЛЮБА. Он кө, и олас! (*Кисьтө аслыс.*) Меным и өтнамы на
 пырас. Сэтшөма нин бонзи да. (*Но оз ю.*) А көнөсь нө мукөдыс?
 ИЯ. Ме ог төд. Мунисны кө-а. Абуось да.
 ЛЮБА. А Васьбыс? Вир йойыс?
 ИЯ. Мыйла йой?
 ЛЮБА. А мый нө... газетө гижә... өти гөтырыд и колө да!
 Эськө уна кө-а!
 ИЯ. Öтиыс на өд оз сюр.
 ЛЮБА. Оз и сюр?! Син водзад и эм да!
 ИЯ. А сийөн, гашкө, он и ков. Дөзмөма нин тэысь.
 ЛЮБА. Сэсса тэ вылө и ыштас? Эсиян вылө ли, кодкө вылө?
 ИЯ. Ме мыйөн төда?
 ЛЮБА. А мунис али мый тшөтш?
 ИЯ. Колльөдө, гашкө.
 ЛЮБА. Энлы, волас! А тэ нө эськө мый он мун? Мый сэтчө
 ланьтөдчин?
 ИЯ. Виччысьла.
 ЛЮБА. Кодөс?
 ИЯ. Васькасө.
 ЛЮБА. Мыйла виччысьлан?
 ИЯ. Мый шуас.
 ЛЮБА. Мый ме шуа, сийөс и сийө. Мун... дась бурөн!
 ИЯ. Ог. Мый ачыс шуас.
 ЛЮБА. Итыль абу?! Мед эськө кинад воан! (*Ырыштчылө.*)
 ИЯ. Во.
 ЛЮБА. Ланьт, эн петкөдлы урпиньтө!
 ИЯ. Кутшөм урпинь?
 ЛЮБА. А мый нө кык водз пиньыд, вылысыс? Понийөн тай
 менө и нимтин! А понъяд өд пөран татшөм олөмсыйд!
 ИЯ. Кутшөм?
 ЛЮБА. Татшөм!
 ИЯ. Кутшөм татшөм?
 ЛЮБА. Гижөма тай, гөтыртөгыд пө абу олөм.
 ИЯ. Но.
 ЛЮБА. А мужиктөгыд нө олөм гөгөр на судзсяна бабаыдлы?
 ИЯ. Абу.
 ЛЮБА. Оз номсөдлы виртө да яйтө?
 ИЯ. Номсөдлө.
 ЛЮБА. Аслым вылө нин и видзи гөтырыс кулөм бөрын! (*Ин-
 дылө гожся кухня вылө.*) Мися, волас да коралас! Лючки сэсса

өтлао и водам! И со тэныд! (*Аслыс нырас зургыштө.*) Лёкман он татчө?

ИЯ. Лёкман эськө да. А мед эськө и лөсялнныд... ськөд. Эськө эз и гиж некытчө.

ЛЮБА. А ме, гашкө, узьлі нин ськөд! Мыйон тэ төдан?!

ИЯ. Узьлін?! (*Оз эскы.*)

ЛЮБА. Но... вөтөн!

ИЯ. Мый сійө вөтнад?!

ЛЮБА. А оз нө нинөм вөтыс висьтав? Быттёо вальмалө менө этадзи... а ме быттёо пескыляся... быттёо ыджыд чери. Сэсса садьми да... руала — пось... быттёо пывсянысь петі.

ИЯ. Мый он вөтасьлы да?!

ЛЮБА. А он кө нө любит мортсө, вөтасян татшөмторсө? А локтөмыд да кыись мырддян!

ИЯ. Ме ог мырдды. Мый ачыс шуас.

ЛЮБА. А шуас кө, лок пө да олам?

ИЯ. Локта.

ЛЮБА. А, Любө, тэ мун татысь?! Чужья да, тутан! (*Чужь-йыштө сідзикөн.*) Со од кытчө кучкө! Мыйкө гөгөрвоан кө?!

Ия оз вочавидз, бергөдчылө на Любаысь. Люба чушьялө на да пуксьө пызан дорө, лөньө вочасөн, сьывны пондө. Ия тшөтш сюртчө сьывнысө.

ЁНА ЖӨ НИН МЕНЫМ ШОГ

Сьыланкыв

Ок,

Ёна жө нин меным шог!

Ловья мортлы абу мог.

Ачым ог төд, кытчө муна,

Гашкө, гортө ог и лок.

Ок,

Колө бөрдны, да ог бөрд!

Некодос ог весьөпөрт.

Сөмын гырдөн синмө усьө

Рытъя кыаыслөн шөрт.

Ок,

Эськө садьос кө эг төд,

Вөлі өти зон дай мөд!

Өтиыс на шудтө нуас,

Сөмын тэон оз на пөт.

Ок,
Сэссия му вылад и ов,
Мисьтём шуасьёмьсь пов!
А вот съёлөмыд кө потө,
Овнытө кө оз и ков?!
Ок,
Ёна жө нин меным шог!
Ловъя мортлы абу мог.
Ачым ог төд, кытчө муна,
Гашкө, гортө ог и лок.

Васька бөр на вайөдө Альбинаос да Розаос, такөдө найос.

ВАСЬКА. Пуксьыламөй на бөрьяысь. Гөгортамөй лунсө. Сэссия, гашкө, и шуөма лоө...

АЛЬБИНА. Бара «гашкө»? Ачылд косөдин-а.

РОЗА. Менө и.

ВАСЬКА. А он өд паськыд вомөн... сувт да горөд.

РОЗА. А гусьөн шу дай, кодлы шуан.

ИЯ. Мед ми огө төдлөй?

РОЗА. А, гашкө, тэныд шуас.

ИЯ. Кыськө дай.

ВАСЬКА. Да энлө на... пуксьыламөй на... сэссия... Мый лоаныс ло!

ЛЮБА. А мед и, мунисны кө! Вайөдин сэтчө!

ВАСЬКА. Тэ тай локтөмыд жө... мунлин да.

ЛЮБА. А тэныд эськө мед эг нин и вольт?! Синтө вежа?!

ВАСЬКА. Он веж, он! Аддза на ме тэнө.

АЛЬБИНА (*Любалы*). Гашкө, тэныд на и кольө. (*Индө Васька вьлө.*)

ЛЮБА (*бурасьө*). Енмыс кө эм!

РОЗА. А Енмыс нө тэныд сөмын?

ИЯ. Миянөс оз аддзы?

АЛЬБИНА. Быдөнлы эськө Енмыд да. Кодлы на тай мый усьө.

ВАСЬКА. Дугдылөй. Енмыд некытчө оз ло, асьным кө огө вошөй олөмсьыс. Локтөй.

АЛЬБИНА. А мыйла нин и пуксьылам?

ЛЮБА. Оз и ков. Морт өти румкаөн и...

РОЗА. Мый «и»?

ЛЮБА. Туйө!

ИЯ. Сэтшөм өдий?!

ЛЮБА. А мый нө, бара сэтчө паськысян? (*Индылө керка вылө.*)
ИЯ. Шогөдас кө и.

ЛЮБА. Гортад шогав!

ВАСЬКА. Люба, энлы на... печлась... абу жө небыд кывийд да.
(*Кисьтасьө.*)

ЛЮБА. А оз нө чорзэы, вошан кө олөмсэыс? Ачылд тай шуан!

ВАСЬКА. А вайө, мед огө на и вошөй! Некод!

Точкысьөны да юоны, нуръясьөны.

АЛБИНА (*жугыля*). Сэссия и гортлань, буракө.

ВАСЬКА. Энлөй, гудөк на босьтла. Ачымөс сьыла. (*Ворсө гудөкнас да сьылө, мукөдыс тиөтти.*)

ӨТИ МУСЛУНЫД АБУ И УНА

Сьыланкыв

Вөлі том дырйи рытгорув муна,
Некор вой шөрыс гортын оз су.
Өти муслуныд абу и уна,
Но и этшаөн сійөс он шу.

Джуджыд ваө моз повтөгьд сунан,
Өдйө босьтас кө гөтрасян ру.
Өти гөтырыд абу и уна.
Но и этшаөн сійөс он шу.

Гозъя костад став курыдыд вунас,
Он кө мывкыдтө вошты ни ю.
Өти шудлуныд абу и уна,
Но и этшаөн сійөс он шу.

Кокни олөмтө аслыд он тунав,
Сөмын төв бөрыс медым оз ну,
Өти олөмыд абу и уна,
Но и этшаөн сійөс он шу.

РОЗА. А вайлы, ме «Төлысь пидөс» ворса.

ВАСЬКА. И ме верма.

РОЗА. Ог, ме ачым. (*Босьтө гудөксө да ворсө и сьылө, мукөдыс тиөтти сьылөны.*)

ТӨЛЫСЬ ПЫДӨС

Сьыланкыв

Койӧ төлыс катша шьдӧс,
Ваыс йиа, муыс кын.
Төлысь пыдӧс, төлысь пыдӧс
Выліас и сьӧлӧмын.

Кольӧ сиктыс, би оз чусав,
Ставыс веськодь, вой-ӧ-рыгт.
Чайтан, муса, чайтан, муса,
Абу на тай вӧлӧмыд.

Водзын вӧрыс джуджыд козья,
Сэтӧн пемыд, шы оз кыв.
Кодкӧ гозья, кодкӧ гозья,
Кодкӧ эновтӧма ныв.

Чарла пиньӧн шогыд инмӧ,
Дойыд динӧ вӧчӧ дой.
Мед и кынма, мед и кынма
Кӧнкӧ вӧрас тайӧ вой.

Койӧ төлыс катша шьдӧс,
Ваыс йиа, муыс кын.
Төлысь пыдӧс, төлысь пыдӧс
Выліас и сьӧлӧмын.

АЛБИНА. А төлысь пыдӧс нин и эм эськӧ да.

ЛЮБА (*чумунлӧ*). Кодлы?

АЛБИНА. Аслым меным. Век на тай мыйкӧ виччысян-а.

ИЯ. Выль төлысь.

РОЗА. Корткӧ чужлас кӧ. (*Пуктӧ гудӧксӧ.*)

ВАСЬКА. А ӧдйӧ жӧ тьянӧс... шогӧ и кеждӧ.

АЛБИНА. А вӧчин шогсӧ да. Со кымынӧнлы.

ВАСЬКА. Вӧчи и эм.

АЛБИНА. Аски на, колӧкӧ, волосны и.

ВАСЬКА. Мыйӧн тӧдан.

ЛЮБА. А эн ов дай... вӧсьса заворӧн! Быд тпрутьӧыслы!

ВАСЬКА. Сёрниыд тэнад, Люба... Бара скӧрмӧдан!

ЛЮБА. А ворс, ворсан кӧ!

ВАСЬКА. Мый ворса?

ЛЮБА. Гажаӧс мыйкӧ. Мед огӧ на кулӧй татчӧ!
ВАСЬКА. Но «Ӧтка олӧм», сідзтӧкӧ.

Васька гудӧкасьӧ. Люба йӧктӧ да сьылӧ. Сэссия и мукӧдыс сы бӧрся.

ОЙ, ОЛӧМ, ӦТКА ОЛӧМ

Сьыланкыв

Ой, олӧм, ӧтка олӧм,
Кор шогӧдлӧ, кор оз.
А нинӧмысь на полӧм,
И некодкӧд на гоз.

У н а ы с ь:

Мен колӧ талун гудӧк
Да войыс колӧ кузь.
Ой, кутӧй менӧ, кутӧй,
Мед, йӧкта да, ог усь!

Ме ӧтнам керка помын,
И некодӧ оз вид.
И, гашкӧ, тырӧ комын,
А, гашкӧ, комын вит.

Ме садьӧс ог на таляв
И лолӧс ог на той,
Ни — дӧнын кага-баля,
Ни — гортын верӧшпой.

Мед кодкӧ кӧнкӧ шуас,
Мый ыкша ме да йӧй.
А новлӧдлӧ на муыс
И ваӧ ог на вӧй.

Мен сэтшӧм муса колӧ,
Мед лолыштны ог лысьт.
А мустӧмыдкӧд олӧм —
Куш зык да тусь ни пызь.

Ме абу ышӧ-пашӧ,
А неуна и код.
Ме сы вӧсна и гажа,
Мед сьӧлӧмӧй оз пот.

Чөв олоны, ловнысö веськөдоны.

АЛБИНА (*ышловзбө*). Огö на муналöй? Воим нин, буракö, да.
ВАСЬКА. Кытчö? (*Пуктö гудöксö*.)

АЛБИНА. Маті помö.

ВАСЬКА. Эг на нинöм шу да.

АЛБИНА. А ланьтін сэтчö да. Шу, кодлы мый шуан!
Дыр-ö тан тойтам?!

Васька дзуглясьö.

ЛЮБА. А мед и муноны, Васька, мед! Сэссия тупкы заворотö дай! Татшöм ыжыд уна ветлö!

ВАСЬКА. Люба, эськö тэ... энлы на суйсы быдлаö!

ЛЮБА (*чегсьылö*). А мый нö, ме муна?! А? Ме муна?!

ВАСЬКА. Гашкö и...

ЛЮБА. Шулы сöмын!

ВАСЬКА. Некод оз кут.

ЛЮБА. Ок, урöс! Кучка мыйöнкö, да мед потö юрыд? (*Видзö-далö кок улас*.) Изыйд абу! Косявла чужöмтö!

ВАСЬКА (*кутö Любаöс сойöдыс*). Мун, песовта сойтö скөр выльысь!

ЛЮБА. Тэ бара песовтан!

ВАСЬКА. А эн кутась дай! Эг на ме тэнад гез помысь ордчы!
Мун!

ЛЮБА (*муныштö*). А мед оз жö ло оломыд аслад! Гозйөн ни öткөн! Мед бордйыд чегö шыр варышлөн! (*Мунö*.)

ВАСЬКА (*чөв олыштöм бöрын*). Уна жö лёк төрö мортдылы.

АЛБИНА. А бурыс этша жö да. Сэссия лёкөн и тыран. Ми нö абу вомаöсь, чайтан?

РОЗА. Он и төдлы тай, шусяс, мыйкö.

ИЯ. Дилькмунан да.

ВАСЬКА. А вайö тшай пуктыламö!

РОЗА. Вайö.

АЛБИНА. Тшайнад этша нин веськөдан сьöлөмтö.

ВАСЬКА. Со öд тай... кодаыс.

АЛБИНА. Нинöм нин оз ков. Кода ни юмов.

ИЯ. Сідз пукыштамö на.

АЛБИНА. Кытчö нин кыскан?!

ВАСЬКА. Мый кыскан?

АЛБИНА. Лунсö тайöс. Пычкыны лоö кывтö. Абу жö тыр морт!

ИЯ. Мыйла абу?
 АЛБИНА. Сійон и абу. Став комыс тай татшом!
 РОЗА. Кутшом?
 АЛБИНА. Усьома ловнас! Кывзан да, найо и йозыс, а карта сайсыд вортө породоны, некытыс и вотчыныгө, да шуысыд абу!
 Ме кө ог шыаслы! (*Васькалы.*) А мый и ручасян?
 ВАСЬКА (*дөзмө*). Ог эськө ручась да!
 АЛБИНА. А быгтгө шедөмыс полан да! Шу, кодлы мый шуан!
 ВАСЬКА. Но лок... олам!
 АЛБИНА. Ме локта?
 ВАСЬКА. А мый нө?! Эн нө сы могыс вольт?
 АЛБИНА. А тадзи нө шулоны?! Мырдысьон?
 ВАСЬКА. Ме ог төд сэсса, кызди! Лок дай олам!
 АЛБИНА. Сьольшта вайтө! (*Босьтө сумкасө да мунө.*)
 ВАСЬКА (*ас кежас*). Сөтанскөйыд и эм!
 РОЗА. Кытөни и сумкай?
 ВАСЬКА. Сэсса тэ тшөтш?
 РОЗА. А эн меным шу да... лок пө олам.
 ВАСЬКА. А лок и олам, тадзтө кө!
 РОЗА. Ме ог тадзтө... бөрыннад. (*Мунө.*)
 ВАСЬКА (*Иялы*). Сэсса тэ мунан дай?
 ИЯ. Муна.
 ВАСЬКА. А кольчан кө и?
 ИЯ. Ме ог любитгөгыд. (*Мунө.*)
 ВАСЬКА (*жөвъялө*). Йөйтө и корси аслым!

Локтө Ч о ж и н ь.

ЧОЖИНЬ. Войтөди мөстө. Сысьяли йөвсө и. Гожся кухняд.
 Ыджыд бидонас. Кылан он?
 ВАСЬКА. Кыла.
 ЧОЖИНЬ. А быгтгө кольмөмыд да! Абу аслад чужөмыд! Мый нө сэтчө лоин?
 ВАСЬКА. Нинөм эг.
 ЧОЖИНЬ. Абу тай! А көнөсь нө баба рөдыс?
 ВАСЬКА. Мунисны.
 ЧОЖИНЬ. Кор?
 ВАСЬКА. Муртса на.
 ЧОЖИНЬ. А некодос эн и кольөд?
 ВАСЬКА. Эг.
 ЧОЖИНЬ. Мыйла?

ВАСЬКА. Налы быдӧнлы любитӧм колӧ да.

ЧОЖИНЬ. А тэ нӧ сытӧг кӧсьян? Мун, вайӧд, кодӧ аслыд мусаджык!

ВАСЬКА. Вайӧдан кызкӧ?!

ЧОЖИНЬ. А кок улас уськӧдчыв! Мед сылӧ сьӧлӧмыс! Ӧдйӧ!
(Тодмышкалӧ Васькаӧс, и сйӧ котӧрӧн мунӧ.) Котӧртӧ тай эськӧ да! (Нюмъялӧ.) Кодӧс вайӧдас-а?

З а н а в е с

П О М

КОРКӨ МУСА, КОРКӨ АБУ

Кык юкөна теш

В о р с ы с ь я с:

ПЕТЫР ПАВЕЛ — пөрысь морт
ОКУЛИНА — сылөн гөтырыс
БОТАН ИВАН — верстьё морт
ТАМАРА — сылөн гөтырыс
ОТКА ВАСЬКА — ар комына
ЛЮБА — сылөн төдсаыс
ЮРИК — том морт
ЗОЯ — сылөн гөтырыс

Водза юкөн

ПАНАС

Вөрса ты дорын. Коръя пуыс виждө нин. Тыдалө воливлан кер-
калөн водзыс да ваймалысь бипур, вожкаяс вылө ошлөм кулөм. Ывласа
пызан сайын пукалө Петыр Павел да чай юө.

ПАВЕЛ. *Ө-өй! (Ружтыштө.)* Со эськө коми мортыдлы и
гажыд да! Вөр-васьыс и пөтлан! Кула вот да кыгчөкө татчө и
тшөкта гуавны.

Ва дорысь кайө Ю р и к, пөрччө нопсө да матыстчө бипур динө.

Ю тшайтө. Со выльысь пузьөді.

ЮРИК. Час, кийө изөймитіс.

ПАВЕЛ. Абу өд нин гожа ва. Мыйкө шедыштіс?

ЮРИК. Кило-мөд. Кельчи сорыс.

ПАВЕЛ. Но, бөждор лэптөд!

ЮРИК. Кутшөм бөждор?

ПАВЕЛ. Гөтырыдлысь. Одиө кө лэччан, суан на. Вольпасьын
на, көнкө, дөрөм мыга, пөсялөма. Тэ өд тан кынмөдчан-а.

ЮРИК. Вєськодь сылы чериыд.

ПАВЕЛ. Мый нө колө?

ЮРИК. Быдтор, мый йёзыслысь аддзылас. Водан да, сійо и сёрни. Сэсса лөгасяс дай.

ПАВЕЛ. Оз и уллюнөд?

ЮРИК. Кор кызди. Коркө тай муртса эг кучкы-а. А мый нө, мед оз ышнясь дай мыйкөнас...

ПАВЕЛ. Мыйкөйс налөн и ышнясянаыс. А мелінас? Кутшөм?

ЮРИК. Куш мелыд сылы... он кө нбөбны мыйкө көсйысь! А век өд он вермы көсйысьны. Онi миллион колө нбөбасьнытө.

ПАВЕЛ. Оз на тырмы дай.

ЮРИК. Оз, дерт. А уна-ө нө босьтлан сиктад?

ПАВЕЛ. Нинөмө вайөдісны уджсө да. А мөдарө кө шуны, мед вывтисө оз на и горшась гөтырыд. Отпырйө ставсө он лосьөд!

ЮРИК. Быгтгьө эг шулы.

ПАВЕЛ. А некод эськө эз тшөкты тэныд та өдйөсө гөтрасьны. Армия бөрад позис на во-мөдтө... мыйкөкерыны. Отка Васька тай оз тэрмась.

ЮРИК. Абу и колөма. Да мыйкө-а...

ПАВЕЛ. Мый?

ЮРИК. Оз нө телепит овлы... зон дырйиыд?

ПАВЕЛ. Сійо өд и йөйтөдлө тай ми воктө. Гөтрасян да олан-а. А шөгөдас да, мыйла пө и гөтрасьлөмыд.

ЮРИК. Шөгөдлө жө?

ПАВЕЛ. Видлы... ветымын куим вотө... гозйөнтө овны... нбөти пышйывтөгьид да. Ой-ой! А бурө он и волы... матькөданлы.

ЮРИК. Окулинатө шуан?

ПАВЕЛ. Кодөскө өд ог. Роч кө вөлі, гашкө, кутліс и окаліс-а. Комиыдлысь он босьт! Отчид тай өшөдчыліс морөсө... война выльсь воөм бөрын.

ЮРИК. Менам эськө и джынвийө роч, да сэтшөм жө тай.

ПАВЕЛ. Кытчө кыскас. Мамыс өд татысь.

ЮРИК. Дыш и лэччынытө гортад.

ПАВЕЛ. А дыш и эм! (Мурөстө.) Ю тшайтө, кодзалас.

ЮРИК. А эз кольыштлы... төрыгтьясьыд?

ПАВЕЛ. Кыськө дай.

ЮРИК. А кольыштны, буракө, шулін да?

ПАВЕЛ. Шулы көть эн. Вой шөр бөрас на Ботан Иван садьмөдліс. Дзайгөмөн дзайгис. Мед пө оз думайтсьы.

ЮРИК. Мися, гажа на. (Бергөдчылө.) Со вот казътыв сөмын сійөс.

Ва дорысь кайө Б о т а н И в а н, ыджыдкодь нопгья.

ИВАН. Бара эськө волёма лои. (*Пөрччө нопсө.*) Өні сэсса горто кә вола и. У-ой! (*Нюжмасьё.*)

ПАВЕЛ. Лок, горштө веськөд.

ИВАН. Абу жә-а, мый колө.

ПАВЕЛ. Ачыл войнас помалін да.

ИВАН. Эн кә сет и. (*Чиктылө.*)

ПАВЕЛ. Садьтө тәд!

ИВАН. Но пукта водзөстө. Пайкөмөн кә чайтанныд. Аско-мысь али кор авансыс. Бара позьё волыны. Ветлыны тай пондөма чериыс. Турунас кайны и.

ПАВЕЛ. Көдздөдөм водзас.

ИВАН. Но! А могмөдіс эз?

ПАВЕЛ. Коді? Мыййон?

ИВАН. Тыыс нө, шондібан?

ПАВЕЛ. Волөм вылө.

ИВАН. Мун, ачыл Петыр Павел-а, чери оз шед!

ПАВЕЛ. Тэныд өд ботаннад, асывбыд на дизьгин да...

ИВАН. Мед босьтін жә дай. Кулөмад татчө, дерт, уна оз суй-сьы.

ПАВЕЛ. Ме ог нин лысьт пыжад сувтны.

ИВАН. А тэныд, Юрикыслы?

ЮРИК. Кило-мөд.

ИВАН. Узин асья войсө да. Чериыд өд синма жө. Час, разьла! (*Көсйылө разьны нопсө.*)

ПАВЕЛ. Дугды, дугды!

ИВАН. Мыйла?

ПАВЕЛ. Коді коми морт босьтас йөзыдылысь кыйөмтө!

ИВАН. А Юрик, гашкө и... Лэдзныджык кутас гөтырыд!

ЮРИК. Ог. Аслым оз кут шедны.

ИВАН. Ыкшаось абу?! Вина кә вөлі, небось эн шуйй, йөзлөн пө.

ПАВЕЛ. Винаыд өд... пырө тай. Урсалан жә эськө асьтө да.

ИВАН. Винанас?

ПАВЕЛ. А мый нө? Мукөдыслы кывтө шуны дышыд босьтө, а пуксян да юан на сэтшөмыскөд.

ИВАН. Менө чайтан?!

ПАВЕЛ. Ог. Тә өд горшасян-а, пожъялан кә дзоля кывтө. А сідзсө ачыл он жә бергөдчы, аслад кә мыйкө эмьшт. Отсалан и, ковмас кә. Коркө тай пес вөлі пиита да, ассьыд на выль пила чептө вайлін.

ИВАН. Сэсса казьтивны колө!

ПАВЕЛ. Ачыл дөзмылін да, менө пө чайтан.

ИВАН. Но көть тшайсө... нинөм абу дорысь!

ПАВЕЛ. Со аслад кружкайд. Кисът дай.

ИВАН (*кисътö да юыштö*). А тэнад эськö, Петыр Павел, овлö да. Век сьöрад. Питшöгланяд.

ПАВЕЛ. Сийö öд менам лекарство пыдди. Сьöлөмöс топöдö-мысь. А колö на довгыны. Ноп на сэтöн дай.

ИВАН. Огö öд кольöй.

ПАВЕЛ. Тьртöгыс нин менам лолöй пöдö.

ИВАН. Ставсö öд ог и кор. Войт дас кö и. А?

ПАВЕЛ. Сэся и тöдчылас кьтчökö тэныд сы мындайд? Чöv вай!

ИВАН. Мыйла нö оз, войтöдыштан кö? Кулö нин мортыд, да бур кьвийд лöсялö-а. Бур кыв жö быгтьö и лö мед тэсянь!

ПАВЕЛ. Но, на кулөмсьыд. (*Перйылö питшöгсьыс ичöтик доз да войтöдыштö Ботан Иванлы кружкаас.*)

ИВАН (*чурснитö*). Вот и ола на!

ПАВЕЛ. Олан эськö да. Кьдзи гöтырыд тэкöд олö-а? Усьö жö, буракö, юрсыс.

ИВАН. А оз и ов.

ПАВЕЛ. Эн сөр.

ИВАН. Сöра пö öд! Гожöмбыд на гожся кухняын узьлi. Пу диван вылын. А сийö керкаын дай, небыд вольпась вылын. Прöстуня и быдöн.

ЮРИК. А сэся?.. Он и мыйкөкерлы... ньöти?

ИВАН. Коркö öд... пывсян бöрын да кор да. Абу кö юыштöма да.

ПАВЕЛ. Пывсян бöрас и юыштан-а.

ИВАН. А вот... сiдзи асьтö и торкалан.

ПАВЕЛ. Но тавой керкаад нин узьтöдас!

ИВАН. Код тöдас сылысь.

ПАВЕЛ. Но, кьсымöныд ваян да?! Мед садьсö тöдö жö, тадзтö кö!

ИВАН. Садь тöдас! Дасьсö оз кер-а. Аслым ковмас.

ЮРИК. Ме тай век жö ачим-а. Пувтö ваян, и то оз весав. Öнiя гöтырьясыд!..

ПАВЕЛ. Мый сэся кьянныд? Кодлы?

ИВАН. Оз и ков эськö да. Тöрыт тай, мөдöдчи да, мынлöма пö эськö тэысь! А гортад дiтшвидзöмнад юсян жö. Тан коть сьöлөмтö бурмöдлан, кыйсян руыдлы сетчылан.

ПАВЕЛ. Сыысь öд и ышмылан тай коми мортыд.

ИВАН. Но! Вöрад öд мунан да... ли ва вылад петан да... он горт олөмтö юрад кут, гöтыртö да. Бöртö локтигад нин... баратö шогöдö.

ЮРИК. А збыль! Кымын матын тай гортыд, сымын и деливö.

ПАВЕЛ. А тшыкöдисны да... став бöждорасö. Кодi гöтыр, сийö и ьджд. Бөр сэтчö воим.

ИВАН. Кытчө?

ПАВЕЛ. Но, коркө тай вөлөм... зэв нин важөн... налысь мед и кывзысьөмыд.

ИВАН. Велөдан кө эськө дорын узьлыны!

ЮРИК. Асьтө жө өд пуксьөдасны.

ИВАН. Ме өд ог киөн воёмөн шу.

ЮРИК. А кызди нө? Юксьөмөн?

ПАВЕЛ. Юксьөмнад он жө ыло во.

ИВАН. Думьштлөмөн... мыйкө сэтшөмөс. Мед мөрччылас!

ПАВЕЛ. Мөрччылас налы мыйкө, он кө кув другөн.

ИВАН. А мый нө, мед оз нин и вежсьывны ньоти?

ПАВЕЛ. Вежсьыласны тэныд, он кө ентө веж!

ИВАН. Кутшөм ен?

ПАВЕЛ. Сус Кростоссо. Сылөн шуома да, мед өти гөтырөн олин. А өти гөтырыд, дерт, ышняяс. А мед нельөн кымын вөлины... мусульманалөн моз... ёна-ө сэк эськө лэптысисны.

ЮРИК. Вечмасисны эськө, коді меліджык. Асьныс тэнө малісны.

ИВАН. Он нин веж өні ентө. Вичкоястө нин со бөр восьталёны-а.

ПАВЕЛ. И гөтыртө он веж бурлянд.

ИВАН. Сьысь өд и дількйөдлө. Бөрддзыны он бөрддзы-а. На моз кө эськө ырөстлан, көть жальныс петалас-а. Вот и увтыртөны.

ЮРИК. Ёнатө эськө он жө сетчы да.

ИВАН. Он эськө да, век тай мыйөнкө мыжа-а.

ПАВЕЛ. Гортаныд на тай тэрмасынныд. Оз овсьы вөля вылас.

ИВАН. Ачыл и ов? Медводз на уськөдчин. Видзөдлі да, абу нин ва вылас.

ПАВЕЛ. Ме өд тшай пузьөдны да мый да. Юрөйлы сьөкыд лои и.

ИВАН. Палявны кутін, да сійөн. Садь юрнад өні, вөрад мунан да, висьөдө-а.

ЮРИК. Мыйла висьөдө?

ИВАН. Вир сөнтө паськөдө сөстөм сынөдыс. Ёні өд тэ он на казья-а. Овлы дырджык, пөрысьөдз!

ПАВЕЛ. Со тай тшайникыс, мыйта нин пуксьөма неджөгыс. А вир сөнад өд пуксьө жө. Колөкө, ставнас нин чорзьөма... кулан дорыд.

ИВАН. Вай энлы на кув.

ЮРИК. А коді эськө и вөтлө миянөс татысь? Коркө рытнас кө лэччам и. Унмөй эз жө веськав-а.

ИВАН. Ме эськө водла жö кöть да. Гортад он жö лысьт-а.
(Нюжмасьö.)

ПАВЕЛ. Мыйла он?

ИВАН. Пыр и вомалас да оз и сетлы узьнытö. Грым-йирк пондас ветлöдлыны. Мый вылö сэсса гöтырыд? А тэнö нö жалитö?

ПАВЕЛ. Кутшöм ру босьтлас сийöс. Чорыд-ö-небыд. Сы серти и лоö овны.

ИВАН. А, колöкö, небыд руа талун? Локтан гортад, а тыра доз нин пызан вылад. Пывсянтö вöдитöма и!

ПАВЕЛ. Эн серав.

ИВАН. Но и огö лэчöй. Узям на öти вой. Мед повзъылöны, кытчö пö мый лоины.

ЮРИК. Мед корсьöны!

ПАВЕЛ. Мед эськö и корсьöны да. Öтчыл кöть.

ИВАН. Черыс тай шедьштис, да сийö-а.

ПАВЕЛ. Мый сийö?

ИВАН. Он öд тшыкöд.

ПАВЕЛ. Он и тшыкöд. Керин да сольштин дай. Сы пондаыл!

ИВАН. А солыд?

ПАВЕЛ. Керкаас нö мый, нар улас?! Дзонь туис. Тулыснас на ме катöдл. Мися, ковмас кö.

ИВАН. Но и кольччылам. А локтасны кö, ог на и кывзъысьöй налысь öти здукөн. Шуам, гашкö, татчö и овмöдчам, Арай ты дорас.

ЮРИК. Мед лөвтöны!

ИВАН. Видзöдлам, мый дон мянöс пуктöны. А то велалö-маöсь, мед век на динь да син уланыс вöлим, да садьсö нин оз тöдны. Вай öнi и сёрнитчамöй!

ПАВЕЛ. Мый йылысь?

ИВАН. Мый асьным дор и кутам сулавны. Öтвылысь да помöдз! Торйөн мед некодлөн абу вöли сетчöма!

ПАВЕЛ. Ачыл эн сетчы-а. Варыш кодь тэнад Тамараыл да.

ИВАН. Öкулинаыл и гулю?

ПАВЕЛ. Кор кутшöм.

ИВАН. Но вот!

ПАВЕЛ. Вот пö öд! Ме Гитлерыслы эг сетчыв-а, Мурманск дорын морской пехотаын вöли да. Босьта да гöтырлы сетча, кор оз ков!

ИВАН. А синсö тильыштас, и небзян сэтчö.

ПАВЕЛ. Ог небзый!

ЮРИК. Ме ог жö-а. Кöть сёысь мед окалас.

ИВАН. А мый нö, окавлö тэнö Зояыл?

ЮРИК. Ньобан кӧ мыйкӧ сылы. Донаджыктор.
 ИВАН. Сюсь абу асланьыс!
 ПАВЕЛ. Сюсьлуныс налӧн и морттуйыс-а. Гӧтыръясыдлӧн. Ставыс нин ӧткодъось. Му пуксьӧмсяньыс. А мӧдарӧ кӧ шуны, быть налы сюсяв.
 ИВАН. Мыйла быть?
 ПАВЕЛ. Мыйла гӧтыр вылад на кызвыныс усьӧ. Горт олӧмьд. Тэ ӧд мыйкӧ вӧчин дай мынин быттӧ уджсьыд, а сылы быдлаӧ колӧ тырмыны. Мичаӧн на кольны и.
 ИВАН. Вай эн бӧрнясь. Вожалис нин кывйӧйд?
 ПАВЕЛ. Но?! Ме ӧд ог сетчӧм понда шу.
 ИВАН. Мый понда нӧ?
 ПАВЕЛ. Донъявны жӧ мед кызкӧ найӧс. А мый нӧ, нинӧмӧ пуктыны?
 ИВАН. Водзӧс. Асьныс тай нинӧмӧ жӧ мянӧс пуктӧны.
 ПАВЕЛ. А шӧракостӧ босьтӧн дай. Медся на бур.
 ИВАН. Но и босьт да лӧччы гортад, тадзтӧ кӧ. Ми огӧй-а. Да ӧд, Юрик?
 ЮРИК. Шулим нин да. (*Падъялӧ.*)
 ИВАН. Вежис нин кывсӧ.
 ПАВЕЛ. Ньӧти эг веж. А ӧлӧдӧ.
 ИВАН. Мыйысь? Кодӧс?
 ПАВЕЛ. Тянӧс. Мед вывтӧ энӧ жӧ лӧкнытӧ песӧй.
 ИВАН. Огӧ и песӧй. Велӧдыштам — и ставыс.
 ЮРИК. А ачӧд, Павел дядьыс, кодарӧ?
 ПАВЕЛ. Со тай! (*Довкнитӧ юрнас вӧр керкалань.*) Пыра да нӧжӧдчыла дай. (*Нюжмасьӧ.*)
 ИВАН. Но и тувьялим!

Локтӧ Ӧ т к а В а с ь к а, лазъя да пищаля.

ВАСЬКА. Асья бурӧн! Мися, ог нин су, а танӧсь на ставныд.
 ИВАН. Ми ог на лӧччӧй. Гашкӧ, и аски на огӧй, ли дырджык на.
 ВАСЬКА. Мыйла?
 ЮРИК. Велӧдыштны шуим... дорын узылыны.
 ВАСЬКА. Кодӧс?
 ИВАН. Абу ӧд тэ моз гӧтыртӧмӧсь.
 ВАСЬКА. Велькодъ. (*Серӧктӧ.*)
 ИВАН. Лӧсьыд тӧныд, куш мамыдыльс на ропкӧмсӧ и кывлан да. А мед вожасьлас кодкӧ шоша вылад?
 ВАСЬКА. Он вожӧд дай.
 ИВАН. Он, дерт, сы вылӧ и петӧмаӧсь да.

ВАСЬКА. Коді?
 ИВАН. Став бабаыс. Өні өд тэ аслыд быгтьё олан, а гётрасьлы,
 кодлы кутан овны?
 ВАСЬКА. Ог тай и гётрась со.
 ПАВЕЛ. Тадзтё өд Өтка Васькаон жё колян.
 ВАСЬКА. Мед!
 ПАВЕЛ. А лёсялан, буракё, да?
 ВАСЬКА. Кодкөд?
 ПАВЕЛ. Кодкөд шуоны?
 ЮРИК. Любаыдкөд но! Быгтьё ог төдөй.
 ВАСЬКА. Мый сійё лёсялөмыд?!
 ПАВЕЛ. А мый нө, ылөдлан коньёрөс?
 ВАСЬКА. Некод оз и ылөдлы.
 ПАВЕЛ. Он тай! Ачыл он вай ни мөдлы он сет. Сылы өд
 комын гөгөр жө нин. Коркө и кага на колө чужтыны.
 ВАСЬКА. Чужтас на, колөкө. Ноко, качөдлөй кодкө... шап-
 катө ли мый ли... инма ог?! (Лөсьөдчө лыны.)
 ПАВЕЛ. Пукты пицальтө, да мед оз луд кийд. Абу Афганиста-
 над.
 ВАСЬКА. Ачыл кө эськө сэтчө веськавлін!
 ПАВЕЛ. Тэ арлыднас ме мөдлаө веськавлі. Нель во на сэн
 пудьяси, виасны оз.
 ВАСЬКА. Мый сійё виөмтө висьталан?!
 ПАВЕЛ. А мый нө колө?
 ВАСЬКА. Быд война абу на өткодь. Кыгысь морт на воан,
 ловйөн кө колян, а кыгысь и гудыр-гадыр. (Пуктө пицальсө.)
 ПАВЕЛ. Морт на быгтьё да, Ен ськөдөн?
 ВАСЬКА. Видзөднытө өд.
 ПАВЕЛ. А ачыл он жө лючки висьтав да. Век нөдкывьясян.
 ВАСЬКА. Быд пежсө он висьтав.
 ПАВЕЛ. Он эськө да. Мыйыськө өд тшыкин жө либө?
 ВАСЬКА. Сьысь кө. Локтан кишлак дорад, да став мужикыс
 кокана. А мед пемдылас ывлаыс, мый батальонсьыд кольө?! Дерт,
 сэсья скөрман водзөстө. Коді веськалө син улад, он жө дыр видзөд.
 А век на пиньыд зяткакылө, да он шпуткытөг ов. Анаша ли, га-
 шиш ли. А сы бөрын көть өтнад ыж тушатө сёян. Сэтшөма колө.
 А сэсья... он на и пөт өти бабасьыд. Вот тэныд и война, сө миллион
 матьон!
 ПАВЕЛ. Сө миллион и эм. Но көть юртө вайин.
 ВАСЬКА. А гортйын кө вайисны, колөкө, бурджык на вөлі.
 ПАВЕЛ. Эн сөр.
 ВАСЬКА. Ог и сөр. Вина румкасьыд йөймөдө-а. Сигареттө

он лысыт кыскыштны ни, синтөм гут кодь лоан. Пемыдсыыд и то полан. Отнад кө нөшта.

ПАВЕЛ А кызд нө эськө узин вöрас?

ВАСЬКА. Эт и узь. Сидз би дорас пукалі. Ныровмунлан, и бөр синмыд гөгьль кодь.

ПАВЕЛ. Эн тай кольччы төрыт татчө. Вöрас, шуин, узья. Колө асытө певъявны!

ВАСЬКА. А мый нө, овны кө быттьө? Бөр и велала мед пемыд дорас.

ПАВЕЛ. Сидзтө кө, дерт. Ю тшайтө.

ВАСЬКА. Ме ачым пузьöдлі.

ИВАН. А мыйкө, Васька... эн скөрмы-а...

ВАСЬКА. Мый?

ИВАН. Он тай гөтрась да... Он вермы?

ВАСЬКА. Мый эськө ог вермы да?!

ЮРИК. А мый нө либө... сулалө кө?

ВАСЬКА. Аслым тай быттьө зывөк. Быттьө мырдөн көсья босьтны. И уся сьöлөмөн.

ПАВЕЛ. А пывсыны нуöдлы дай!

ВАСЬКА. Кодöс?

ПАВЕЛ. Любатө. Мед ачыс пөрччысьö. А сэсья... и петас вежыд, ставсö вунöдлан!

ВАСЬКА. Гижасытөгьд и мунас сийö пывсянад!

ПАВЕЛ. А гижась дай, код тэнö кутö? Мед локтан арнас кодкө быдмис нин!

ВАСЬКА (*шпыннälö*). Ме ог төд...

ПАВЕЛ. Он төд! Сидз нин этша комиыс, да падъялан сэтөн! Мун лэччы да сидзи и шу Любаыды!

ВАСЬКА. Мый?

ПАВЕЛ. Петыр Павел, шу, сельсöветö тшөктис нуöдлыны.

ВАСЬКА (*ышловзьö*). Мед эськө ме гөтраси жö. Асьныс няргöны-а.

ИВАН. Некод оз няргы.

ЮРИК. Кульыштам кыз кучикнысö, и олас!

ВАСЬКА. Збыльысь, онö лэччöй?

ПАВЕЛ. Огö, дерт. Ворсöдчыны татчө эг пуксьöй.

ВАСЬКА. Ме либө ог на жö.

ИВАН. Мыйла он?

ЮРИК. Мед Любаыс шогö жö усьлө. Да öд, Васька?

ВАСЬКА. А мый нө, сыкөд кө овны?

ПАВЕЛ. Но сэсья и... некодлы юөртö нуны! Ме тэ вылө чайтлі-а.

ВАСЬКА. Мыйла ме вылө?

ПАВЕЛ. Мися, таті жö кутан гортад лэччыны-а. Öти сайын и висьталан, мыйла ми кольччим. Öнi сэсса... он кö ыстыв кодöскö... оз и тöдлыны матькöдангъясид. Чайтасны, шедö чериыс, да сийön на огö локтöй. Оз и шызьывны.

ИВАН. Юрик эськö медся томыс да.

ЮРИК. Да, менö кутасны да.

ВАСЬКА. Кодi кутас?

ЮРИК. Гöтыр и, тьöща и. Коркö тай...

ПАВЕЛ. А он пырав гортад. Висьталан ывлаас кутшöмкö бабалы и бөр. Öдйö кывсяс!

ЮРИК. Мый висьтала?

ИВАН. Мый шуим но! Йöйö сэн лэччысян.

ЮРИК. А водзöс кö шуасны, мед пö эськö оз и волены?
Сэсса оз и сибöдны?

ПАВЕЛ. Сибöдасны. Мöдлы кодлыкö оз на убöлитны. Ачyd тай... мыйкö-а.

ЮРИК. Мый?

ПАВЕЛ. Полан быттö гöтырсьыд да. Век на али мый радейтан сийöс, киö шеданатö?

ЮРИК. А мый нö, ичötикатö?! А тi нö ньöти онöй... ассьыныд? *(Видзöдалö мукöдыслы синманыс.)*

ПАВЕЛ. Но, муртсатö.

ИВАН. Гаж бырöмысь. Каньтö и то малалыштан-а.

ЮРИК. А тэ, Васькаыс?

ВАСЬКА. А ме абу на гöтыра.

ЮРИК. Мед. Мустöм нö Любаыд?

ВАСЬКА. Абу жö бокöвöй.

ЮРИК. Но вот!

ПАВЕЛ. Да вöрзьы нин, ебере зять!

ЮРИК *(вöрзьö бөрөн)*. Час, мый лöб?!

З а н а в е с

СЕР

Сиктса керкаын. Öкулина ректö пызан вылö ньöбасян сумкасö, швач пукталö.

ÖКУЛИНА. Мыйкö жö нин менö бөрдöдлис. И век на этша мустöмлы. *(Чышкыштö синвасö.)* Кырсавлi кö ли мый ли, мед на.

А гортын и шуасьлі, да сійо и грекөй. Со од Енмыс, куш лёкөс и песі кө. Важон нин эськө парализуйтис. А видзө на, сө бурөй! (Пернапас чөвтө). Мися, локтас да... мудз да, кынмөма да... пывсян вөдиті... со на ньоби и... (Перйө сумкасыс тыра доз). Пасьнита вот да! Аслым уджсө вөча. (Лючки пуктө дозсө.)

Пошиктө-пырө Т а м а р а.

ТАМАРА. Гортад, Öкулина?

ÖКУЛИНА. Гортын. Чегсьомыд кө нин-а?

ТАМАРА. Чегсян од тадзтө. Ой, сувтас сьолөмөй! (Пуксьө.)
Оз нин шед лолөй. (Упкыштө.)

ÖКУЛИНА. Чөв олышт дай.

ТАМАРА. Да, эштан чөв овны, со мый керсьоны да.

ÖКУЛИНА. А мый нө эськө? Кытчө?

ТАМАРА. Ветлыны колө да вайөдны. Дась югыдөн.

ÖКУЛИНА. Кыдзикө?

ТАМАРА. Бедьыд од сюрө.

ÖКУЛИНА. Мун, бедьнад!

ТАМАРА. А мый нө, пөжасьомөн? Морт өти дозйөн налы да?

ÖКУЛИНА. Некидыз. Асьныс локтасны, кор локтасны. Ловьясь тай.

ТАМАРА. А юр яндзимыс? (Чеччө.)

ÖКУЛИНА. Кутшөм юр яндзим? Мыйысь?

ТАМАРА. А мый нө, пышьялө кө верөсыд, горттө кө оз төд?

ÖКУЛИНА. Пышйис на кытчөкө! Эз од мөд динө.

ТАМАРА. А вөрад кольччөмыд, гашкө, лёкджык на.

ÖКУЛИНА. Мыйонкө?

ТАМАРА. Матө нин он ков гөтырыд!

ÖКУЛИНА. Ме ог төд. Онөдз тай колі на-а.

ТАМАРА. Тан кө эськө вөлі, дыр эг видзөд да. Ок!

ÖКУЛИНА. Мун, битөгьыс нин пузьөмыд, Тамарушкой.

ТАМАРА. А тэныд веськодь дай.

ÖКУЛИНА. Абу эськө веськодь да. Дыр-ө сэн ыкшаасясны?!

ТАМАРА. Он тай уськөдчы! Мися, ветлам да.

ÖКУЛИНА. Уськөдча йөйсө корсьны!

ТАМАРА. Жөвьыв вот сэсса тані. Ойя да!

ÖКУЛИНА. Гортыд од эм. Уджыд да.

ТАМАРА. Да, кисьыд ставыс усьө-а.

ÖКУЛИНА. Но ог тай и ысты. Тойлан сэн асьтө!

ТАМАРА. Зояөс кө эськө нуөдла! Öдий вайөдам да.

ӨКУЛИНА. Чөв, вайөдөмнад. (*Өвтышитө кинас.*)

ТАМАРА. Тэ, колөкө, виччысь. Ми огөй-а.

ӨКУЛИНА. Со ачыс татчө локтө.

ТАМАРА. Коді?

ӨКУЛИНА. Зояыд. Мый тэныд висьталас?!
Пырө Зо я.

ЗОЯ (*шлюпкышитө*). Час, мися, пырала.

ӨКУЛИНА. Лок водзлань.

ТАМАРА. Татчө и кольө луныд!

ЗОЯ. А мыйкө шуинныд нин?

ТАМАРА. Мися, ветлыны колө да вайөдны.

ӨКУЛИНА. Йөз серамсө вөчны?

ТАМАРА. А өні нө оз серавны?

ЗОЯ. Юасьөны тай, оз на пө воны?

ТАМАРА. Лок, шлюпкөм дорсьыд! Миян көнкө важ койбедь эм, көрт пома. Босьтлам да!

ЗОЯ (*падъялышитө*). Ме ог. Волөма да, гортө эз пырав, а кута ме вайөдны сийөс. Мед оз и волы.

ТАМАРА. Мый нө, торйөдчан?

ЗОЯ. Матө ог сибөдлы дай. Мед өтнас узьлө.

ТАМАРА. Сидзтө и олөм лө?

ӨКУЛИНА. А тиян и лөө Иваныдкөд, койбедьнад кө вайөдан?

ТАМАРА. А этшаджык вошласяс!

ӨКУЛИНА. Оз и дөзмы, чайтан?

ТАМАРА. Сылөн дөзмөмыд!

ӨКУЛИНА. Да өд аслыд на... коркө ковмылас... Мед кутліс да окаліс. Юрсиөдыс нө кыскыштан?

ТАМАРА. Ой, дыр и дэльөдны да йөй мужиктө! (*Люг-лег вөчышитө*). Да өд, Зоя?

ЗОЯ. Куш сийө и колө налы да.

ӨКУЛИНА. А мустөмман кө, зэв эськө ышнясян да?

ТАМАРА. Коді?

ӨКУЛИНА. Тэ. Абу өд нин арся пув.

ТАМАРА. Мед. Номсөдла на.

ӨКУЛИНА. А матө он кут ковны дай, кыз ачыд шуан?

ТАМАРА. Он кө өд... Гожөмбыд тай өтнам узьлі.

ӨКУЛИНА. А мый нө, эз и вөзйысьлы Иваныд?

ТАМАРА. Корсюрө.

ӨКУЛИНА. А дугдас кө?

ТАМАРА. Чужъя ылӧджык!
 ӦКУЛИНА. Мун, тырӧмыд нин лӧкнад!
 ТАМАРА. А мед тӧдӧ гортсӧ дай! Любаӧс кӧ эськӧ нуӧдла!
 (Кӧсйылӧ петны, и пырӧ Люба.)
 ӦКУЛИНА. Со тай Любаыд. Мунас кӧ?
 ЛЮБА. Кытчӧ?
 ТАМАРА. Арай ты дорас. Мый сэн вӧчӧны шпана чукӧ-
 рыс?
 ЗОЯ. Некод эськӧ абу шпана да. Тешитчӧны-а.
 ТАМАРА. Ланьт, дыш кӧ вӧрзвынытӧ. Люба, лок! Бӧра-
 водза на удитам пемдыгӧдзыс. Со, шуан Васькаыдлы, он кӧ вӧтчы
 ме бӧрся! (Лӧптылӧ шамырсӧ.)
 ЛЮБА. Ме ог лысьт.
 ТАМАРА. Мыйла он?
 ЛЮБА. Ме ӧд абу на гӧтыр ли мый ли.
 ТАМАРА. А гӧтырпу, комиӧн кӧ!
 ЛЮБА. Код тӧдас.
 ТАМАРА (нерышитӧ). Те-те-е! Мыйла либӧ татчӧ локтӧн?
 Мед горгад и пукалӧн, код тӧдас кӧ!
 ӦКУЛИНА. Аттӧ дивӧ! Абу ӧд кын сьӧлӧма. Кытчӧкӧ инмӧ
 жӧ коньӧрлы.
 ТАМАРА. А сэтшӧма на и любитӧ, вот!
 ЛЮБА. Тӧ тӧдан?
 ТАМАРА. Он тай чепӧсйы.
 ЛЮБА. Ош нӧ косявлӧма?
 ТАМАРА. Но и виччысь, ош косявлӧмтӧ! Ог тӧд, мый виччы-
 сян-а, зуньӧй. Кынӧмасьлан он коркӧ да.
 ЛЮБА. Мырдӧн ӧд ме ог гӧтрӧд сийӧс.
 ТАМАРА. А тадзтӧ он и гӧтрӧдлы. Он кӧ желльӧн пыр
 зонмыдлы! Лок!
 ЛЮБА. Ог. Мед ачыс, колӧкӧ, домасьӧ. Гашкӧ, водзӧ на син-
 мыс да?
 ТАМАРА. Кытчӧ?
 ЛЮБА. Мӧд дӧнӧ.
 ТАМАРА. Но и сулав тан сюръя моз! Ме ветла-а.
 ӦКУЛИНА (дӧльӧдчӧмӧн). Ветлы, ветлы!
 ТАМАРА. А мый нӧ, пола тӧян моз? Ог ӧд йӧзлысь мужиксӧ
 вайӧд. А тӧян мед кольӧны. Скӧрма да, висьтала на.
 ӦКУЛИНА. Мый висьталан?
 ТАМАРА. Мися, нуӧдӧ да, эз и вӧрзвывны. Сэтшӧма на и
 виччысьӧны тӧянӧс!
 ӦКУЛИНА. Висьтав, висьтав! Сӧк бара ӧдйӧ локтасны.

ТАМАРА. Кытчө пырасны-а?

ӨКУЛИНА. Кытчө нө?

ТАМАРА. Оз и сюр да пыранинд. Петыр Павелтө быдөн на лэдзас.

ӨКУЛИНА. Коді быдөнныс?

ТАМАРА. Дөваыс. Коркө тай Ольга ордыс вөлі петкөдан. Шошаодыс!

ӨКУЛИНА. Ме өд пызан сайыс сійөс чеччөді, мед оз пездыс сэтчө юомысла. Эг вольпасыс.

ТАМАРА. А вольпасыд матынджык на дөва ордад. Он кө удит и.

ӨКУЛИНА. Мун, эн урсасы!

ТАМАРА. Ачыл он и?

ӨКУЛИНА. Сідз нин сьөкыд вөлі юрөйлы... уль сөйөн быгтьө сөялөмаось... да ещө на сэтчө! Ой, водыштлыны ковмас. Он кө мун татыс! (*Брыштчылө да пырө пыдіас.*)

ТАМАРА. Эг өд сибды татчө. Зоя, лок, он кө көсийы, мед мөд ордө пырис Юриkyд.

ЗОЯ. Кытчө мөд ордас?

ТАМАРА. Быгтьө он төд.

ЗОЯ. Ог.

ТАМАРА. А кодлыс нө эськө мырдин?

ЗОЯ. Ме мырди? Эн лөсьөдлы!

ТАМАРА. Лөсьөдлас кодкө! Эз нө Валякөд пысьмөась, кор армияс вөлі? А локтис дай, суйсин сэтчө.

ЗОЯ. Суйси тэныд! Ваө вөлі пырө код юрнас, да куті-а. Мед Валяыс и кутіс либө, сэн жө тай вөлі.

ЛЮБА. Кыс на и кутан, ачыл кө садьтө воштылан. Öтикөд пысьмөасьө, а мөдкөд мотоциклөн гурьясьө. Сыыс өд и чегсьыліс Юриkyс.

ТАМАРА. А радейтө на кө Валясө?

ЗОЯ (*ырөстө*). Эн вөтась!

ЛЮБА. Мун нин, мөдөдчин кө.

ТАМАРА. Кутшөмкө тэ ыстыс йөз ордас?! Эндөмыд нин сэтчө-а. Колөкө, абу и баба рөд.

ЛЮБА (*уськөдчылө*). Гойышта пөжөс!

ТАМАРА. А мый нө эськө пышгылан Васькасыс? Көні рушкuyд? Али вайлін нин кодөскө?

ЛЮБА. Абу өд дева Мария... сідзтө вайнытө...

ТАМАРА. А мед важөн нин водлін ськөд!

ЛЮБА. Водан, ачыс кө оз...

ТАМАРА. Чөв, мужик морт видзөдны кутас, дэльөдыштан кө, сетчан кө?! Ой! (*Чиктылө.*)

ЛЮБА. А висьö кө мортыс, кутыштглас и сырмыны кө пондас, быттьö рөдимеч босьтö?

ТАМАРА (*шйöвошлө*). Мый сэсса либö сэтшöмыскөд? Колөкө, оз и бурдлы да?

ЛЮБА. Тэтөг төдöны! Мед оз зырт мустö быдөн динö. Асьтö эз жö лавкаыс ньöб Ботан Иваныд, шнич выльöс. Карыс нин вайöдiс, кагааöс!

ТАМАРА. И вайöдiс! И сысянь нин куимöс быдта.

ЛЮБА. Но и быдтыс, а эн штукатуритчы.

ТАМАРА. Кыдзи?!

ЛЮБА. Сидзи. Эн нö штукатур-маярö велөдчыв?

ТАМАРА. Но и мый сэсса?

ЛЮБА. Гудйисян тай йöз олөмас, асьыд гөгөр штукатуритан-а. Быттьö онöй и косясьлöй гозья!

ТАМАРА. Ставсö öд он больгы! Мыйыс оз овлы да гозья костад?!

ЛЮБА. А ми эськө мед гут и бан тыдалим?

ТАМАРА. Сидз тыдалö уль сьөлөмыд! (*Петö.*)

ЛЮБА. Öгыраыс лоöма! (*Кост.*) Зоя, эн няргы!

ЗОЯ. Ветла кө эськө Вальö дiнас!

ЛЮБА. Мыйла?

ЗОЯ. Мед мунö татыс!

ЛЮБА. А мый нö, казътывлö на сийöс Юриkyд? Повзьöдлө тэнö?

ЗОЯ. Оз. Гусьөн кө оз пöж.

ЛЮБА. А скöрмö оз, шуан кө, мун Вальö дорад?

ЗОЯ. Скöрмö. Коркө тай шуи да...

ЛЮБА. Сидзкө, абу на көдзалöма.

ЗОЯ. Эсийö сэтчö урсасис и, Тамараыс.

ЛЮБА. Сылөн урсасьöмыд! Эз на öд öшйи кытчöкө.

ЗОЯ. Код төдас.

ЛЮБА. А пöлялышт асьтö юрсяньыд да кок улөдзыд да куимыс сьöлышт дай шуйга киняувтйид.

ЗОЯ (*вöчö сидзи*). А Вальöыскөд кыдзи? Оз кө мун татыс?

ЛЮБА. Кут Юриктö. (*Шамырлö кисö.*)

ЗОЯ. Кутан кызкө, оз кө и көдзавлы.

ЛЮБА. Эн тшыгйöд дай.

ЗОЯ. Ог нö вердлы? Талун на асывбыд пуסי. Мися, локтас да...

ЛЮБА. Мый сійо сёяныд?! Ме од... сёлөмнад шуа! А чущь-
явлан жө, колөкө?

ЗОЯ. А сьтөг нө? Мед мелён босьтө!

ЛЮБА. Да од мелид водзёса жө.

ЗОЯ. Ог нө овлы мели?

ЛЮБА. А коркө и ачыл водзвыв петкөдлы. Мед чуймылас
Юрикыд!

ЗОЯ. Да, сэсса велалас да...

ЛЮБА. А мый нө, тыртөммас сыысь сёлөмыд? Радейтан кө
быгтьө мортсө? Радейтан он?

ЗОЯ. Ме ог төд талун.

ЛЮБА. Талунсө огө лыддьой. А сідзсө?

ЗОЯ. Ме ог төд. Гашкө, ог сэтшөма.

ЛЮБА. Он кө, и ов кыз кужан. Кытчө воан-а нормаассьом-
над?

ЗОЯ. А аслад и некутшөм олом на абу.

ЛЮБА. Абу да, мый сэсса?! Он од пышый кытчөкө ачыл
ассьыд. Лоо нин сей гуын моз талясьны.

ЗОЯ. Сэтшөма али мый нин радейтан Васькатө?

ЛЮБА. Жаль мортыс. Да и виччыси.

ЗОЯ. А сійо эськө ачыс вөзйысьбома Афганистанас. Военко-
матас на и вөзйысьбома.

ЛЮБА. Колө од збоявнытө. Коркө тай, армияодзыс на, йи
мунигас өтарө-мөдарө Эжвасө вуджалис.

ЗОЯ. А өні неморг.

ЛЮБА. Мед. Меным сыысь шогыс. Ог тай некодлы норась.

ЗОЯ. А тэ од жаль жө.

ЛЮБА. Но и олас бур кывыйд. (*Чөв усьлө.*) Кытчө и ветлан,
вөрө кө он?

ЗОЯ. Мыйла вөрас?

ЛЮБА. Тасьтө пув кө сюрө и.

ЗОЯ. Тасьтө пондаыд!

ЛЮБА. Мед, луныс кө кольө и. Лок, татөн няргөм дорсьыд.
Мича югыд на со.

ЗОЯ. Ог, ме гортө муна.

ЛЮБА. Сэсса мыйкө и уджалан?

ЗОЯ. Гөбөч вылө кая да бөрда.

ЛЮБА. Бөрдөм вылад шогыд локтөджык на.

ЗОЯ. А мый нө, ньөти мед он и бөрдлы?

ЛЮБА. Кокньөд вылас. А сэсса чышкыштін ныр увтө и водзө...

ЗОЯ. Кытчө... водзө?

ЛЮБА. Водзө олин. Абу тай кагатөм.

ЗОЯ. Мөд на лоӧ и. Эз нин волы гӧстяыс.

ЛЮБА. Но вот! Усьлӧмыд на син улас Енмыслы. Менӧ тай вунӧдӧма-а. Ог тӧд, кутшӧм грекысь.

ЗОЯ. А гашкӧ, бурдас на Васькаыд да ваян на кагатӧ?! Нелямын арӧсӧдзыд век на позьӧ.

ЛЮБА. Мед эськӧ да!

ЗОЯ. А ачыл бӧрдан жӧ да?

ЛЮБА. Абу ӧд из.

Шлюпкӧны. Пыдӧысь петӧ *Ӧ к у л и н а*.

ӦКУЛИНА. Шлюпкӧны кыкнанныс!

ЛЮБА. Он ӧд серав мыйкӧ вьлӧ.

ӦКУЛИНА. А нинӧмысь на лимзавнысӧ. Эськӧ гортьӧын кӧ кодкӧ тан куйӧс-а.

ЗОЯ. А сэтчӧ кӧ и овмӧдчасны, Арай ты дорас? Шуӧмаӧсь тай.

ӦКУЛИНА. Налӧн шуӧмыд! Синманыс уджыд пырӧ да оз аддзыны-а. Сэн ӧд мусӧ путкыльтны колӧ. А кодӧ нӧ ӧни уськӧдчӧ мутӧ путкыльтны?

ЗОЯ. Аслад кӧ лоӧ муыл и?

ӦКУЛИНА. Мед эськӧ да! Кытчӧ тырмылаң-а? Ме ӧд верма жӧ шуньгӧ, мися, дас мӧс лӧсьӧдла на карта улӧ. Ӧтиысла гожӧмсӧ он тӧдлы-а. (*Ышловзӧ.*) Мыйкӧыс на сӧмын налы колӧ, миянысь вошлӧмыс.

ЛЮБА. Ми ӧд, тадзтӧ кӧ, вермам жӧ вошлынгӧ.

ӦКУЛИНА. А ми горт олысьяс. И му пуксьӧмсяньыс нин комиыдлӧн вӧлӧма: кодӧ горт олысь, сийӧ и кесийӧдысь. И мед оз сэн гажъявны куш асьныс! Миянлы сюрӧ жӧ гажыд, кӧсьям кӧ. Со тай пызан вьлын. (*Индӧ тыра доз вьлӧ.*) Час, мыйкӧ вомӧ суйыштны вая да.

ЛЮБА. Ой, да... ми ӧд эгӧ пукавны локтӧй.

ӦКУЛИНА. А меным ӧтнамлы дзугыль жӧ. Ог кӧ пет да гу кодйӧ ӧшинь улӧ. Зэв джуджыдӧс.

ЛЮБА. Мыйла гусӧ?

ӦКУЛИНА. Сидзи. Мыйкӧ ӧд колӧ вӧчны, скӧрман да. Вай матыстчӧй.

ЗОЯ. Ме ог-а.

ӦКУЛИНА. Мыйла он?

ЛЮБА. Нӧбасьӧ. Мӧдӧн.

ӦКУЛИНА. Но, Ен ськӧдӧн! Тшайыд менам пӧсь. Сьысь нинӧм на оз ло пыгтшиыд. Час, дыр-ӧ чукӧртны пызангӧ! Вайӧвайӧ!

Öдйö чукöртöны пызан да пуксьöны.

Ми Любакöд чурснитам-а. (*Восьтö дозсö да кисьталö кока рум-каясö.*) Эз кö лок, и удзöдам мустöмöс!

ЛЮБА. Век öд абу жö мустöм, Павелтö кö шуан?

ÖКУЛИНА. А талун и мустöм, вот!

ЛЮБА. Он и тöд сэсса, мый вöсна и юыштнысö.

ÖКУЛИНА. Асьным вöсна. Ыджыд мамö на коркö шулис, зонмыд пö аскиöдз олö, а нылыд пö аскомысьöдз. Вай! (*Точкысьöны да юыштöны.*)

ЛЮБА. Зоя, эн гажтöмтчы.

ЗОЯ. Ог.

ЛЮБА. А мыйкö дувмунин да?

ЗОЯ. Пельöй тай тиньгö. Веськыдыс.

ЛЮБА. Но, сідзкö, тэнö на думайтö Юриkyд. Вöтасьö ли. Збыль-збыль! Юав кöть, локтас да.

ЗОЯ. Юала.

ÖКУЛИНА. Узьöны сэн, колöкö. Мый сэсса налы, ай каньясыдылы. Коркö тай ми ай кань лöсьöдлим, да шырөн тырлим-а. Вай, Люба, мöдысьөн, да огö вунöдлöй син тильöданьясöс! (*Тильыштö синсö.*)

ЗОЯ. Вунöдлан кызкö найöс!

Юыштöны мöдысьөн.

ÖКУЛИНА. А зэв на томö асьтö пуктыв дай. Бытьтö колöнин эськö зонмыд, да некодкöд на он кольöдчы, мичасьыс-мичаöс на виччысян. Ме тай сідзикөн ачымöс пальöдла-а. (*Куньлö синъ-яссö, ымзыштö-сьылыштö.*)

ЛЮБА. А бөр жö öд Петыр Павелад воан.

ÖКУЛИНА. Воа эськö да... Сьöлөм югыдас öд вола жö. (*Ышловзё да пондö сьывны, Люба да Зоя тиöти.*)

Вайöй меным öшкамöшка,
Вылö, енколаас, пос.
Ыджыд сьöлөм вайöй нöшта,
Мед ог повззы, мед ог кос.

Ачым Енмыс динö кая,
Биа ньöвнас кö оз лый.
Ловья юрöс сылы вая,
Сэсса мед кöть шуас мый.

Гашкӧ, жалыыс сьлӧн петас,
Шуас, муас на пӧ ов.
Муса зонмӧс меным сетас,
Кодысь мусаыс оз ков.

Гашкӧ, бурӧс сиас нӧшта:
Овны-вывны юсьяс моз.
Вайӧй меным ӧшкамӧшка,
Вьлӧ, енколаас, пос.

Пырӧ Т а м а р а.

ТАМАРА. Бӧр локті.

ӦКУЛИНА. Локтін тай. Кутшӧм юрӧн-а.

ТАМАРА. А мый нӧ, вӧтланныд?

ӦКУЛИНА. «Водзлань» оз-ӧ ков шуны? Сӧмын на став-
нымӧс увтін да.

ТАМАРА. Эг ӧд тай куш киӧн. (*Перйӧ питшӧгсьыс тыра
доз.*)

ЛЮБА. Сюсь абу! Мед эськӧ бурасим.

ЗОЯ. Ме ог ю-а.

ӦКУЛИНА. Гортад мед дучкин. Татчӧ ваян!

ТАМАРА. Да, пырас ӧтнамы! Эг на ӧд юсьы.

ӦКУЛИНА. А миянлы и пырас тэнад вайӧмыд?

ТАМАРА. Абу ӧд кутшӧмкӧ морт виан. Иванлы видзлі, карту-
пель гу кодйӧмысь.

ӦКУЛИНА. Но и видзин мед. Самасян сэтӧн, шедам огӧ.

ТАМАРА. Ёна жӧ нин лӧкӧсь!

ЛЮБА. Урсасин нин, тырмас!

ЗОЯ. Тэ кодь бурыд!

ТАМАРА. Мый эськӧ он шулы, да ставсӧ кӧ матӧ пуктыны...

ЛЮБА. А кытчӧ нӧ?

ТАМАРА. А мед воштылан садьтӧ!

ЗОЯ. Садь юрнас?

ТАМАРА. Мый нӧ кӧть, потлас кӧ сьӧлӧмыд?

ӦКУЛИНА. Эн больгы, дась кок йылад на.

ТАМАРА (*рикӧстӧ*). А бӧрді кӧ нин, да сійӧн и локті? Вот
пукта дай! (*Пуктӧ пызан вьлӧ дозсӧ.*)

ӦКУЛИНА. А ачид нӧ, мунан?

ТАМАРА. Ог. Пукышта жӧ. (*Пуксьӧ.*)

ӦКУЛИНА. А яндзимыд... оз и сей асьтӧ?

ТАМАРА. Ог тай и жерьяв. Энӧ кутӧй лӧгтӧ дай.

ЛЮБА. Энө пö өд! А аслад нö кöнi вöли мывкыдыд?

ТАМАРА. Мывкыднад ме воштi нин öти мужикöс. Сэсся мөдöс али мый? Некод тай энö мунöй, кутшöма нуөдчи да!
(Бөрдыштö.)

ЗОЯ. Миянöс на тай дзерöдин. Öнi сэсся думайт быд лёксö!
(Ымöстö).

ТАМАРА. Скөрман өд! (Бөрдö.)

ЛЮБА. А мыйла нин и локтiн гортсьыд?

ТАМАРА. Каньлы өд ог бөрд сэни.

ОКУЛИНА. А дугдылöй! Пель сьöдмö.

Но дугдöм пыдди ставныс бөрдöны.

З а н а в е с

Мöд юкөн

ДÖРА

Вöрса ты дорын. Ывлаыс рөмдö. Пызан сайын вугралö Öтка Васька. Бипур дорын вöласьö Ботан Иван. Ва дорысь кайö Юрик тыра чайникөн.

ИВАН. Ва ваян?

ЮРИК. А мый нö? Ог öмöй нö узьöй? Рөмдö нин со-а.

ИВАН. Ме ог тöд, сiдзтö тан узьнытö... Эськö вöлыштiс кö-а... морт кыкысьбөн.

ЮРИК. Кодлыськö тан он кор.

ИВАН. Тшынасьнытö нинöмөн лоö и.

ЮРИК. Он сэтшöма шпуткы дай.

ИВАН. Сiдзтö лудикöсь керкаын узьöм кодь жö лоö.

ЮРИК. Лэччам нö?

ИВАН. Час, кытөн Петыр Павельс?

ЮРИК. Асьным шуим-а.

ИВАН. Мөдарö шуам дай.

ЮРИК. Мыйла либö менö ыстылiнныд?

ИВАН. Кокыд эз на ор.

ЮРИК. А йöйталöмыс?

ИВАН. Пукты нин, вайин кö. (Индö чайник вылас.)

Юрик клён пуктö чайниксö пызан вылö.

ВАСЬКА (*садьмылö*). Стой, кто?!
ЮРИК. Ме. Ва вайи.

ВАСЬКА. А-а... (*Бöр вугыртö*).

ЮРИК (*матыстчö бипур дорö*). Мый нö вöлалан?

ИВАН. Сидз, ачымöс лөнбöда.

ЮРИК. А некод эз и повзбы!

ИВАН. Мыйысь?

ЮРИК. Но, кольчим да. Шуан тай вöли, миян Тамара пö дыр

оз на виччысь, öдйö на татчö зурзьöдас. Гашкö пö, банö на сеталас.

А вот и воліс!

ИВАН. Кор шулі?

ЮРИК. Öнтай нö, юкватö пуигөн?

ИВАН. Ме öд серам вылö, эг збыльысь.

ЮРИК. Эн тай, ошйысин-а. Менö пö Тамараыд из улысь, а корсяс. Понлөн кодь пö исыс.

ИВАН (*чукрасьыштö*). А гашкö, эз и кывсьыв, некодлы эн и висьтавлы? Гашкö, эн и волы сиктас?

ЮРИК. Эг пö öд волы! Керкаысь керкаö öд ог ветлöдлы! Морт витлы, кодöс аддзылі, висьталі да бöр. Юалам аски, кывсьыліс эз.

ИВАН. Овлам кö тан аскиöдзвйд! (*Чöv усылö*.) Колöкö, Зояыд на и падмöдіс?

ЮРИК. Кодöс?

ИВАН. Тамарасö. Аслыс дыш тэнö корсьнытö, и сійö эськö мед оз мун.

ЮРИК. Вермис öд и скөрмыны. Эг и пырав гортö да. Нянь сёян руыд öд эм жö Зояыдлөн.

ИВАН. Ошйысин жö тай ачыд. Кöть пö локтас да сёысь окалас, ог пö лэччы. А вот и воліс да окаліс! Сэтшöма на и колан!

Кыкнанныс чöv олöны.

ВАСЬКА (*вöтасьö*). Вот он, вот он! Прикрой меня! Я его сейчас гада! (*Быттьöкö ныр улас лыйлö, и зургысьö юрнас пызан дорышö да садьмö*). Ой! А где я? (*Лапйöдлö синсö*).

ИВАН. Тани, гортад.

ЮРИК. Арай ты дорын.

ВАСЬКА. А-а... Эн сералöй.

ИВАН. Некод оз и серав.

ВАСЬКА. Вöтнас мыйлакö век рочася. Мамö шуліс нин, повзöдчан пö. (*Чечö да мöдöдчö*).

ЮРИК. Кытчө нө?

ВАСЬКА. Ыркөдчышта. Пөсялөма гөгөр. (Мунө.)

ИВАН. Ок жө эськө да!

ЮРИК. Мый «ок жө»??

ИВАН. Жугөдөм мортыд! Дзоньвидза нө Васькаыс??

ЮРИК. Ог и шу тай.

ИВАН. А ставным нин эськө жугалөмаоьс да. Дзуртөмсьыд мавтыштан асьтө винаон, и бара вой. Сьодас и олан, нинөм оз ков.

ЮРИК. А мый нө эськө колө вөлі?

ИВАН. Нинөм оз. Со тай пуксьылі... мися, көть потшөс дзирьяо калябеч вөча, и то дышөй босьтіс. Абу яндзим ни! (Сутышкылө пуртсө).

ЮРИК. Лөкөдан жө эськө асьтө да. Мыйта на чери кыйин-а.

ИВАН. А вадорас нин и кыскылө. Сэсья некытчө оз. Кытчө и вошис Петыр Павельс?

ЮРИК. Со, буракө, керка саяс. Мый сэн вөчө? А позьө өд видлыны, аслыд му-видз корны!

ИВАН. Видлы, сэтшөм кө зиль. Менө оз нин ышөд-а.

ЮРИК. Скөрма кө эськө!

ИВАН. Скөрмы! Совхознад и ставнас, шу!

ЮРИК. А вот Шом гу йөрыд миян дедөлөн на вөлөма. Кора кө бөр и!

ИВАН. Кор!

ЮРИК (падъялө). Сідзтө өд... мый гудыйштан, сійөс жө и кокыштан. Катша моз ковмас төвийныгтө. Оні көть воыштө на совхозсьыд-а.

ИВАН. Эн и больгы либө.

Керка сайысь петө П е т ы р П а в е л.

ПАВЕЛ. Некод жө вот онө дөзьөритөй керкатө. Войладорыс пасьтала нин осьса. Нитшкалышті ыргөмсьыс. А то ломты көть эн. Кытчө кутанныд волывлыны-а, варкалас да?

ИВАН. Выльөс вөчам. Дыр-ө нө өтвылысьтө?

ПАВЕЛ. Чөв, вит во нин ме тиянлы выльтө гарала. Дась вылас өйшөмыдөсь. Кулөмтө али мый виччысянныд? (Чукөртө вожка-яс вылысь кулөмсө.)

ИВАН. Лэччан нө?

ПАВЕЛ. Ог.

ИВАН. А чукөртан да?

ПАВЕЛ. Лысваасьөмсьыс. Бара он косьтысь. А ті нө... горт-ланьыд гыжъяөсь? Ноко, висьталөй?

ЮРИК. Иван тай нуодчö.
 ПАВЕЛ (*Иванлы*). Бызгун!
 ИВАН. А мый нö, он нö дözмы? Найö, колöкö, сэн гажöдчöны,
 а ми тан... арся гутъяс моз...
 ЮРИК (*мыкталыштö*). Гаж-жöдчöны?
 ИВАН. А мый озыс? Пуктысисны морт дозйөн и ставыс.
 Некод нин оз удзöд. А аски миянöс жö и гогналасны. Бурджык
 нин талун, лэччыны кö. Дась пемдытöдзыс.
 ЮРИК. А талун нö оз гогнавны?
 ИВАН. Кысь эськö озыс да? Мыйкö и суан на, гашкö. Доз
 пыдöстö. А, Петыр Павел?
 ПАВЕЛ. Ме ог кут.
 ИВАН. А ачyd?
 ПАВЕЛ. Менам и йöй кывйыс аслам. Шуи кö, и шуи. (*Ид-
 ралö кулöмсö нопъяс.*)
 ИВАН. А менö эн йöйтöдлöй? Эськö важөн нин гортын вöли-а.
 ЮРИК. Ачyd нö эн ыршась? Велöдны пö колö найöс дорын
 музьлыны! А сэссия и ульсалін.
 ИВАН. А тэ? Мый морла эськö тан пасьвидзан. Сё муса
 лоан Зояыды? Локтан да, кок улад уськöдчас?
 ЮРИК. Оз. А-а...
 ИВАН. Мый «а»?
 ЮРИК. Небзьыштас кö и. Верöсыд тай быдöнлы на колö.
 ИВАН. Но, небзьöд! (*Öвтыштö кинас.*)
 ЮРИК. А ме сылы аслым ногö эскаджык на.
 ИВАН. Дугды! Киöс муртса эг вöльшт.
 ЮРИК. А мый нö, оз овлы гозъя костаd? Юалам пöрысь
 мортыслысь. Павел дядьö, тэ эськö вот кодлы ёнджыка эскан, ас-
 лыд али Öкулинаыды?
 ПАВЕЛ. Ме ог тöд. Сылы кö-а.
 ИВАН. Мыйла сылы?
 ПАВЕЛ. А сыкöд ола да. Лолөн и вирөн. Эськö гусьöнаси
 кö меысь-а.
 ИВАН. А ачyd, нинöм дон?
 ПАВЕЛ. Ми воктö тöлыс на пугрöдлö. Налы на ми горшаныс
 тасасьлам.
 ИВАН. Асьвнас мед тадзтö сёрнитін!
 ПАВЕЛ. Ыкшаыд öд вöдитö.
 ИВАН. Но и лэччам.
 ПАВЕЛ. Ог. Коскöй висьö, да ог. Ой! (*Зыралö.*)
 ИВАН. А код водзын и пыксян? Ог гөгөрво.

ПАВЕЛ. Ас водзын. Йӱз серамтӱ эг на кыскавлы. Шызьӱдӱм кӱ йӱзсӱ, и узям на ӱти вой.

ИВАН. ӱти войыд мыйкӱ и сетас.

ПАВЕЛ. Ыстысян. Няньыд вылӱ ли табагыд вылӱ. Шуан, быри дай. Век нин помка, синтӱ лӱдзан да.

ИВАН. Да, йӱзыд ӱнӱ... асьныс гудыр-гадыр! Гусясьӱмсьыд кутасны, да синсӱ оз лӱдзылыны-а.

ПАВЕЛ. Ас саяд ставыс. Мортӱ али мыйӱ пуктан асьтӱ.

ИВАН. Но мортӱ и пуксы, а эн вывтӱась.

ПАВЕЛ. Мыйӱнкӱ?

ИВАН. Бытгӱӱкӱ тай Енмыс тӱнӱ татчӱ ыстӱма. Петыр Павел и эм бытгӱӱ эстысь. (*Вылӱ индылӱ.*)

ПАВЕЛ. Му вылысь на эськӱ да. Коми ай-мамлӱн.

ИВАН. А ме нӱ рынышысь? Абу комилӱн?

ПАВЕЛ. Тӱ мӱд кӱдза нин. Дай война бӱрся.

ИВАН. И мый сӱсся?

ПАВЕЛ. Мамыд бӱрын тӱныд эз нин усьлы югыдыс ни шоныдыс. Коммунизмысь ӱддор.

ИВАН. А тӱныд и усьлӱс? Сталиндыртӱ кӱ босьтны?

ПАВЕЛ. Ме суьштӱ на важ олан зумыдсӱ. Колхозад, и то на вӱлӱ яндысьӱны кык пӱвста уджсьыд.

ИВАН. А Юриkyс кутшӱм кӱдза?

ПАВЕЛ. Асла кадыс жӱ. Гашкӱ и, шептасьлас, сетасны кӱ овынӱсӱ. Мыйкӱ тай долбӱны.

ИВАН. ӱтнад тӱ и шептаыс!

ПАВЕЛ. А нуртӱм туся жӱ, гашкӱ. И тырмас сӱсся катгьысь-ныгӱ. Лӱччан кӱ, лӱччы.

ИВАН. А миян сарайын на картофельным. Эштӱдтӱм на выль гуыс. Мися, аски эштӱда-а.

ПАВЕЛ. Ен могьсьӱн! (*Ыстӱ кыкнан кинас.*)

Чӱв олӱны. Иван оз на вӱрзъы. Локтӱ **ӱ т к а В а с ь к а.**

ВАСЬКА. Мый нӱ энӱ юкӱй?

ЮРИК (*шмонитӱмӱн*). Ывласӱ.

ВАСЬКА. А вот ывласӱ на и юклӱм. Морт ногӱныс Му вылас, гашкӱ, эг на и овлӱй. Школаад тай куш война да революция и велӱдан-а. Вот мыйла эськӱ ме виаси Афганистанас?

ЮРИК. Васька, но... бара скӱрман, а мый и вочавидзан эськӱ? Асьтӱ ӱд вермисны жӱ вины.

ВАСЬКА. А вины и колӱс. Эн суйсьы йӱз му вылас.

ЮРИК. Тӱнӱ ӱд сӱтчӱ нуисны жӱ.

ВАСЬКА. Юртөм петук жө вөлі. Өні кө көнкө... бара кодлөнкө горшыс оз тыр... со, бля, менө ыстан!

ПАВЕЛ. Но, лөньөдчыв. Мисө өд некод тай огө омөльтөй тәнө.

ВАСЬКА. Ме ачым ачымөс ёра!

ПАВЕЛ. Сідзкө, эм на садьыд. Да куш ёрөмнад өд помалан жө асьтө.

ВАСЬКА. Дыр-ө нө лыйсьынытө?!

ПАВЕЛ. Ланьт, кучка вомад! Коркө өд и петас тадзтө вежыд!

ВАСЬКА. А оз нө петав?!

ПАВЕЛ. А мый нө кутө? Эз эськө, гашкө, ков, да юавсис.

ВАСЬКА. Окота на жө быгтьөкө овнысө. Да ылөдлөма лоө. Сы дыра нин вичычис да.

ЮРИК. Кодөс? Любатө?

ВАСЬКА. А мый нө, тешкодь тэныд?

ЮРИК. Абу. Ме тиян дор.

ПАВЕЛ. Вот и лэччы да ломты пывсянтө? Мый ме тэныд асывнас шул?!

ВАСЬКА. Талун? Вой шөрнас коркө ваймас да...

ПАВЕЛ. А вой шөрыс и гөрөдыс ныла-зонмаыдлы. Сельсө-ветьд мед дасьсө нин пасйө. Вай эн сулав!

ВАСЬКА (*шпынняялө*). Мыйкөкера кө эськө!

ЮРИК. Мый?

ВАСЬКА. Парашютнад тай... воддзавьсътө... полан жө чечыштныгө. А сэся пыркнитан полөмтө дай!

ПАВЕЛ. Вот и пыркнит!

ЮРИК. На, со нопйыд и пицальыд! (*Вайө.*)

ВАСЬКА. Быгтьө пышгья да тиян дорысь...

ИВАН. Ми асьным регыд пышгьям. Корсим нин йөйсө.

ПАВЕЛ. Чотасьөмыд тай сэтчө! (*Васькалы.*) Вөрзьи. Колөкө, тапкышта на. (*Тапкө пельпомас.*) Эг на некодөс вомдзавлы. Кокыд аслад, синмыд аслад! (*Индө туйсө.*)

ВАСЬКА. Аслам. (*Вашьялигтыр мунө.*)

ПАВЕЛ. Эстөн сирөд мыр вөлі да... Кералышта кө ломзьөдчан ыло... (*Мунө керка сайө черөн.*)

ИВАН. Ачыс эськө сирөд мыр! Пыжад сувтны нин полө, а колө на ырьянасьны.

ЮРИК. Этшсө кутө.

ИВАН. Колө кодыкө сьлөн этшыд!

ЮРИК. Аслыс. Быд здукө өд он веж кывтө.

ИВАН. Он и вежлы да! Кодкө өні видзө кывтө? Он лэччы? Чайтан, водзөстө оз и косөд Зояыд? Пыр и вунөдас?

ЮРИК. Ме ог төд да. (*Пытькырасьө.*) Мый нө менө нуөдан?

ИВАН. А кыз кужан! (*Нопьясьө да мунө.*)

Юрик падъялө. Нопъясьö нин да бөр пөрччө. Вылө чатрасьö. Киас черөн да чайгён петö керка сайысь П е т ы р П а в е л.

ПАВЕЛ. Мый нö сэтысь видзöдалан? (*Пуктö керка дорö черсö да чагсö*).

ЮРИК. Пемдö оз на.

ПАВЕЛ. Ботан Иван тай, буракö, утөвтöма нин-а. А тэ нö мый?

ЮРИК. Мый, мися, шуан?

ПАВЕЛ. Шуаси нин, тырмас.

ЮРИК. Ме öд регыд на гöтыра. Эськö дыр кö нин вöли. Пурсим ли. Бара зэв дыр оз бурась и.

ПАВЕЛ. Но, лэччы дай.

ЮРИК. А коскыд, шуан, висьö да?

ПАВЕЛ. Кыдзкö öд. Со тай керкаыс. Пачсö ломта да.

ЮРИК. А он лөгась ме вылö?

ПАВЕЛ. Мун, эн пемдöдчы. (*Пыртö чагсö керкаö.*)

Юрик нопъясьö да мунö. П е т ы р П а в е л петö керкаысь.

А мыйла и ломта пачсö? Ме öд абу жö домалöма. Коркö воа кö и. (*Нопъясьö да сулалыштö.*) Öкулинаыдлөн тырмас на шаньыд. Ветымын куим во тай олим да эг на юксьбылöй. А мед видö. Видан и эм ыкшаыд. (*Мунö.*)

З а н а в е с

ПОМА

Öкулина ордын. Гажмыштöмаöсь аньясыд да вунöдöмаöсь шогнысö. Занавес воссьытöдзыс на кылö налөн гизьбöмыс.

ÖКУЛИНА. Лөсьöдлан жö эськö да, Тамара.

ТАМАРА. Да збыль но! Мукöд бабаыс öд дзик йöй. Вöли тай мян бригадын, кор карад уджалі... Олöма öти шоперкөд и сьöктöма. Чайтöма, ваяс, а он босыт. И перйысьны мунас. Но и висьталас врачыс, кык пö вöли.

ЗОЯ. А оз нö овлы кык кагаыд?

ТАМАРА. Да, кывзы, а эн торкась! А медсестраыс, пöрысь выжыв, и пинялас на коньбөрös. Кык ловъяös пö бырöдин!

ÖКУЛИНА. Пинявны и коліс.

ЛЮБА. А мый тан тешкодъыс?

ТАМАРА. Да эг на во сэтчөдз! Час, помала да. Ачыс бөрүн-нас висьталіс. Өтикөд пө олі, юрөс пө мед кераласны, ылөдла кө, а кыгысь пө кыкыс?! Кыгысь пө кыкыс?!

ӨКУЛИНА. Кыськө тай усьлөма! Съөд вөр шөрын али мый быдмөма?

ЗОЯ. Өнi өд... быдторсө нин петкөдлөны да. Школаад велөдөны и. Эз на кө төд и?

ЛЮБА. А йөй мужикыд өд эм жө! Монтер Өльөтө өд төдан-ныд. Коркө тай юалі, мый нө, мися, лөз синма гөтырыд, да мед пө оз быдөнкөд узыла. А, вөлөмкө, вөтасьөма гөтырыс да надурнө вылад и висьталөма, тавой пө мыйкөкөд узи... но, кутшөмкө киновывсакод. А уна-ө нө колө йөйыдлы?!

ТАМАРА. А монтер Өльөйдкөд кө овны, он на татшөмтор вөтась. Коркө тай код юрнас увлань юра вөлі өшйөма сюръя вылас. Мыйкө жө лэдзисны, көрт гыжйыс кутө да. О-ой! (*Лыгышмунө.*)

ЗОЯ. А огө на муналөй?

ЛЮБА. Рыгыс өд мян.

ТАМАРА. Кор на гадзтө мынлам эсийөясысь? Өкулина, кись-тышт на, кисьтышт!

ӨКУЛИНА. Өдйө жө косьмө да... вомыд.

ТАМАРА. Улыс өд биа. (*Кучкыштө морөсас.*)

ӨКУЛИНА (*кисьтыштө*). Коддзам.

ТАМАРА. Коддзам кө, и кодалам. Ывлаө на петалам.

ӨКУЛИНА. Мыйла ывлаас?

ТАМАРА. Съывны. Мед Арай ты дорөдзыс кывлас. А збыль, локтө петаламөй и эм. Войнад өд юралө.

ЛЮБА. Йөзсө повзөдама. Колөкө, узьөны нин-а.

ТАМАРА. Йөзид! (*Өвтыштө кигугыс.*) Тэ ас пондайд майшась! (*Юө.*) Йөзид некор тэнө оз мездыны!

ЛЮБА. Мыйла оз?

ЗОЯ. Оз нө могыд сулы?

ӨКУЛИНА. Бөр на тай со локтін йөзис динө.

ТАМАРА. Ме өд ог тайөс шу.

ЛЮБА. А мый нө?

ТАМАРА. Мед лолө мыйкө ныла-зонма костад... ли гозья костад... кутшөмкө потас... ли съөд вуджөр... мездасны оз йөзид! Ставыс на ас вылад усьө. Водзөсасьны нө петан? Вайлы, шуан, Марья, меным вылітө ли улітө?

ӨКУЛИНА. Гозья костад өд... некод тай мед оз и суйсьы. Ставсө ас вылад и босьтан нывдырсянныд. Зонъясыд өд көч синмаөсь! Отарө-мөдарө аддзөны, а водзисьыд муртса!

ТАМАРА. А ме нӧ мый доля? Лок, Люба!

ЛЮБА. Кыгчӧ?

ТАМАРА. Петам эстчӧ, нӧрыс йылас, да косялам бвласӧ. Мед нюкыртлас Васькайдлысь сьӧлӧмсӧ! А оз нӧ, чайтан, морӧс тырнад кӧ ливкнитан?

ЛЮБА. Ме кодь сьылысьыд! Лӧк горшӧн кӧ ог горӧд.

ТАМАРА. Ме ӧд абу жӧ Логинова. Асьтӧ кӧ он жалит и! Колӧкӧ, войбыд на сьылам? Мед унмыс оз и волы сэн войдурьясьы! Лок!

ЛЮБА. Да... оз вот сылы пукавсьы!

ТАМАРА. Абу ӧд эновтӧма.

ЗОЯ. А ми нӧ эновтӧмаӧсь?

ТАМАРА. Ӗвсьӧмыдӧсь тай. Быгтьӧ войлӧмыдӧсь да кось-тысянныд. Юала кӧ эськӧ?

ӖКУЛИНА. Мый юалан?

ТАМАРА. А он веськыдатӧ висьталӧй!

ӖКУЛИНА. Колӧкӧ, тэ мый он юав да?

ТАМАРА. А вот колӧ оз Петыр Павельд?

ӖКУЛИНА. Ковтӧг оз ов!

ТАМАРА. А мыйла?

ӖКУЛИНА. Абу на ӧд сэтшӧм мустӧм. Олӧма и, быдтысьӧма и... Аслад и эм!

ТАМАРА. А тэныд, Зоя?

ЗОЯ. Мый?

ТАМАРА. Колӧ оз Юрикыд?

ЗОЯ. Колӧ.

ТАМАРА. А мыйла?

ЗОЯ. Но?! Мӧдӧн нин сьӧкыд-а. Корси нӧ кыськӧ?

ТАМАРА. Но и чӧвлы. Ӗнӧ Любалысь юала.

ЛЮБА. Юав. Ӗна и пола да.

ТАМАРА. Колӧ оз Васькайд?

ЛЮБА. Веськодь.

Ставӧн чуймӧны.

ТАМАРА. Эн эськӧ ылӧдчы! Тэӧ, майбыр, вӧлі нин коралысьыд. Быгтьӧ ог тӧдӧй!

Люба чышкыштӧ синвасӧ.

ЗОЯ. Кодӧ ӧд муса. Кодӧ синва петмӧныд жаль да... Да ӧд, Люба?

ӖКУЛИНА. А мыйла нӧ мӧдарӧ сӧрнитан?

ЛЮБА. Мед оз юась дай, мый оз ковсö.
ТАМАРА. Ме öд эг лёк вылö.
ÖКУЛИНА. Код тöдас тэнсьыд. Ассьыд юав, колö оз Ботан
Иваныд?
ТАМАРА. Колö!
ÖКУЛИНА (*нерыштöмөн*). А мыйла?
ТАМАРА. Олöм овны. Гозйөн сорөн.
ÖКУЛИНА. Кутшöм сорөн?
ТАМАРА. А мый нö, век мелiасян, он и тойласьлы.
ÖКУЛИНА. Мыйкö öд кутö жö... разалöмсьыд? Кутшöмкö
нöб гез?
ТАМАРА. Век öд абу жö мустöм. Коркö и муса. Некор он
вунöд и... кагаён нин босьтiс да.
ЛЮБА. А мыйла юасин?
ТАМАРА. Дiтшвидзанныд да. Сьывнытö и то энö петалöй.
Сэтшöма на и радейтанныд.
ÖКУЛИНА. Аттö дивö! Налы нö ми дорö пуктöмаяс? Локтiн
дай босьтiн? Мед пыдын жö видзöны! Паськыд морöсаось тай!
ЛЮБА. Радейтöмыд öд кык пома жö.
ЗОЯ. Мед насянь локтö жö.
ТАМАРА. А асьныд на варгöсось. Рытывбыд на... быттö
лыа бöрийнныд. Чирйөн-чирйөн.
ÖКУЛИНА. Оз на öд ваён ну... ойзынытö! Дай ачыс на коми
аныд изъя кыркöтш. Шулi нин, буракö, мед он няргы.
ТАМАРА. Да öд чукасьö сьölöмыд. Аслад на, кöнкö?
ÖКУЛИНА. Сийөн и пукалам тай. Мыйта нин сьылiм и. Бось-
тав, ми вöтчам.
ТАМАРА. Энлы, менö дзугыльтöдiс.
ÖКУЛИНА. Со тай веськöдчаныс. (*Кисьтыштö Тамара-
лы.*) Вайö, кодi вермö! (*Точкысьö.*)
ТАМАРА (*юыштöм бöрас*). А мыйла и лосьöдлöма Енмыс
ныла-зонмасö? Мед нин быдсяма ловъя ловсö-а!
ЛЮБА. Мусукасьны.
ТАМАРА. Мусукалан кыткö найöс, зоньястö!
ÖКУЛИНА. Некыт эськö, да быть öд.
ТАМАРА. Мыйла быть?
ЗОЯ. А сiдзтö öд он жö вайлы кагатö!
ТАМАРА. Оз и ков эськö да.
ЛЮБА. Мыйла?
ТАМАРА. Этшаджык шог! Да öтконтö ваö жö кыскö. (*Сьы-
лыштö.*) Бара вой тöv петалö, коръя пусö леталö. (*Чеччö.*)
А локтö, йöктöмөн! (*Чеччöдалö мукöдсö.*)

Бара вой төв петалө,
Корья пусө леталө.
Войыс пемыд, войыс кузь,
Он тай унмовсыы да узь.

У н а ы с ь:

Окма, олөма,
Сөмын шогө волөма!
Коді муса, коді мелань,
Сійөс кутны колөма.

Абу тайө ылөдлөм —
Өти өдзөс нылыдлөн.
Кодлы восьтан, кодлы он,
Медтө-й эськө муса зон.

Өтнам гортын пукала,
Ки пыдөсөс люкала.
Некөн матын абу морт,
Сьөлөмөйлы вия борд.

ЛЮБА. А, ноко, «Гордаястө» сьылам. Миянлы и лөсялө.

ТАМАРА. Нуөд.

ЛЮБА. Час, верма кө. *(Пондө сьывны йөктышталөмөн,
мукөдыс сы бөрся.)*

Ойдөм юлөн сөртасас
Кыкөн-кыкөн
Уялөны гордаяс
Тувсов рыгтө.

Локтөмаось быдтысьны
Чужанінас.
Петөмаось рытйысьны
Бадьяс дінас.

А ми, нивьяс, видзөдам
Вежалөмөн.
Сьөлөмнымөс личөдам,
Да и сөмын.

Ныв-зон костад вöлі кө
Эськө сідзи,
Шудтö аслад пöлыдкөд
Нэмтö видзин.

Зонъясыдлөн муслуныд
Дженъыд нэма.
Öзйылöны-куслöны,
Ок-и эмось!

Ойдом юлөн сёртасас
Кыкөн-кыкөн
Уялöны гордаяс
Тувсов рытö.

Пуксьö шондi вөр вылас,
Петö кодзув.
И век айыс бөрвылас,
Эньыс — водзын.

ТАМАРА (*йöктыштö*). Ок йöй, кыкысь йöй! Из улысь-ö-кытысь-йöй?

ÖКУЛИНА. Да, лольштамöй! Гажмисны эз?

ТАМАРА. А мянлы нö оз ков гажыс?

ÖКУЛИНА. Колö эськө да. Абу öд Ыджыд лун рыгъя.

ТАМАРА. А баба рыгъя! Ачыл тай шуан, энö пö няргöй.
(*Панö сьыланкывсö, и йöктöны сьылігтырйи.*)

Кöні гудök, кöні гажа,
Ачыс кокылд лыбалö.
Эсйö тай сюра йöйыс
Ме дінö и сибалö.

Ок, йöй, кыкысь йöй!
Из улысь-ö-кытысь-йöй?
Вöлі нин ме верöс саяд,
Ад гуранад ог нин вöй.

Дугдылі нин синва кысьтны,
Дугдылі нин шогавны.
Вётчас йöйылд кольöдны да,
Мед тöй эськө окавны.

Ок йӱй, кыкысь йӱй!
Из улысь-ӧ-кытысьӱй?
Муслунтӧгыс нин ме ола,
Эн, колӧкӧ, грекӧ вӱйт!

Мун нин, мися, унмӱй локтӧ,
Қинад, мися, эн ӧвтчы.
Йӱйлӧн, сълӧн, ӧти сёрни,
Ог пӧ тэысь энвотчы.

Ок, йӱй, кыкысь йӱй!
Из улысь-ӧ-кытысьӱй?
Бара аслым шогсӧ корся...
Ылӧдлан кӧ, мутивӱй!

ӦКУЛИНА. А, Зоя, эськӧ тэ пуксьыв. Нӧбасян кӧ, шуан.

ЗОЯ. Абу на ӧд ыджыд кынӧма.

ӦКУЛИНА. Мед. Инмыліс нин талун тэныд. Қывзы мен-
сьым.

ЗОЯ. Қывза. (Пуксьӧ.)

ЛЮБА. А меным и повнытӧ на нинӧмысь. Некодысь ни!

ТАМАРА. Мыйла некодысь?

ЛЮБА. А кодӧ нӧ ме вылын ыдждалӧ? Кодысь вежавидза?

ТАМАРА. Васькасыд.

ЛЮБА (рикӧстӧ). Васькаыд шедтӧм на! (Сьылӧ йӧктигмоз,
Ӧкулина да Тамара сы бӧрся, Зоя — пукалӧмӧн.)

Муса зонмӱй, мыйкӧ,
Татчӧ менӧ лый кӧть.
Қор тай менӧ сывйыштӧн,
Став олӧмӧс тывйыштӧн.

Муса зонмӱй, мыйкӧ,
Татчӧ менӧ лый кӧть.
Быд вой тэӧ вӧтася,
Қыз синваӧн кӧтася.

Муса зонмӱй, мыйкӧ,
Татчӧ менӧ лый кӧть.
Мунӧгмозыд суӧда,
Сой пӧлӧдыд нуӧда.

Муса зонмӱй, мыйкӱ,
Татчӱ менӱ лый кӱть.
Гортлань тӱнӱ кежӱда,
Тагья сурӱн вежӱда.

Муса зонмӱй, мыйкӱ,
Татчӱ менӱ лый кӱть.
Нӱмыд кежлӱ сирася,
Либӱ ваӱ йирася.

Пырӱ Ӧ т к а В а с ь к а.

ВАСЬКА. Кӱнӱсь жӱ, мися?! Со вӱлӱмаӱсь. (*Шпыннялӱ.*)
ТАМАРА. А тӱ нӱ эськӱ кытысь усин?
ВАСЬКА. Уси кӱ ӱд, дойми.
ЛЮБА. Эн серав, эн. (*Бергӱдчыштӱ.*)
ТАМАРА. А миянлӱн... дыш чукӱрыс?
ВАСЬКА. Кольлисны на. Ме ог тӱд сӱсса...
ӦКУЛИНА. Да ӱд мыйкӱ шуисны жӱ?
ВАСЬКА. Падьялӱны. Гашкӱ, локтӱны жӱ нин.
ЗОЯ. Муна кӱ эськӱ гортӱ да игнася.
ӦКУЛИНА. Вайӱдӱн кӱ ставнысӱ и! (*Кучкӱ ки пыдӱсас.*)
ВАСЬКА. Абу ӱд зонпосни.
ӦКУЛИНА. А зонпосниӱд вежӱраджыкӱсь. Горттӱ оз вунӱд-
лыны. Мамтӱ да.
ТАМАРА. А тӱнӱ нӱ кодӱ вӱрзӱӱдӱс?
ВАСЬКА. Ачым. Колӱ вӱлӱ дай локтӱ... Татчӱ и.
ЛЮБА. А некод эськӱ тӱнӱ тан эз виччысь, юр янӱдысьӱс.
ВАСЬКА (*шӱйӱвошлӱ*). Муна нӱ?
ЛЮБА. Мун. Тӱтӱг гажа.
ВАСЬКА. Но, тадзтӱ кӱ...
ӦКУЛИНА. Да, пуксьыв!
ВАСЬКА. Ме ог ю.
ӦКУЛИНА. Сӱдз олышт. Любаӱдкӱд бурасянный и.
ЛЮБА. Ёна колӱ!
ӦКУЛИНА. Да, пуксьыв, шуӱны! (*Кутӱ Васькаӱс.*)
ВАСЬКА. Некор.
ӦКУЛИНА. Мыйла некор?
ВАСЬКА. Менам пывсян ломтӱма.
ӦКУЛИНА. Войнас?
ВАСЬКА. Мый меным войӱд? Менам вошӱма нин олӱмсьыс
да. Эн кут, Ӧкулина тӱтӱтка. Скӱрма да сӱсса...

ӨКУЛИНА. Но, Ен бурөн. (*Пернапасалө.*)
ВАСЬКА (*педзыштө*). Воли тай-а. (*Петө.*)
ЛЮБА (*ырөстө*). Ойя да! (*Уськөдчө бөрсяныыс.*)

Кост.

ТАМАРА. А эмось жө бур йөзыд!

ӨКУЛИНА. Коді?

ТАМАРА. Васькаыс но! Миян тай оз тэрмасьны. Колөкө, шкоргөны нин сэни.

ЗОЯ. Чайтөны, кытчө нин гөтырыд пышгяс?!
ТАМАРА. Пышйивны эськө и колө да. Мед видлөны көрсө!

ТАМАРА. Пышйивны эськө и колө да. Мед видлөны көрсө!

ӨКУЛИНА. Кытчө?

ТАМАРА. Кытчөкө. Сөян босьтін да. Лун-мөд кежлө. Вөрүс өд паськыд.

ЗОЯ. Арай ты дорас и колө. Нарошнө! Найө локтасны, а ми — сэтчө, вот!

ӨКУЛИНА. Зэв өд збойөсь. Медтыкө сөмын водзөс босьтны. Сідзтө өд шыра-каня жө лоө олөмыд.

ТАМАРА. А ньөти нө водзөстөг? Мед бара тешитчисны?

ӨКУЛИНА. Люба моз. Дузьялыштін, и тырмас. Сэссия бара кызкө бурөн.

ЗОЯ. А найө мед лөкөн?

ӨКУЛИНА. Лөксө төлөдін дай. Сы вылө и гөтырыд.

ТАМАРА. Төлөдан кызкө налысь!

ӨКУЛИНА. Мый верман. Киноын моз нө көсьян? Чуш-чаш и мун сэтысь?!

ТАМАРА. А энлы на эськө тэ дорйы найөс! Аслыд на, гашкө, мыйта ковмас бөрдны? (*Бөрддзө.*)

ӨКУЛИНА. Менам өд... матын жө синвайд. (*Тильө синсө.*)

ЗОЯ. Колөма и ветлыны да вайөдны. (*Бөрддзө жө.*)

ТАМАРА. Ме тай шулі.

Бөрдөм шы уланыс и пырө Б о т а н И в а н.

ИВАН. Коді кулі?

ТАМАРА. Куліс на кодкө!

ИВАН. Мый сэссия никсаннды?

ТАМАРА. Огө өд гөрдлөй мыйыськө.

ИВАН. А тэнад эськө, Тамарлөн, гортыд абу!

ТАМАРА. А тэнад и эм, яндысьтөм синлөн?

ИВАН. Ме ветлысь и эм. Чери на вайи и. (*Кыйкъялө пызан
вылө.*) Мыйкө кольыштис эз?

ТАМАРА. Тэныд видзисны!

ИВАН. Ланьтлы йөз ордас! Окулина, он кө лөгав?..

ТАМАРА. Сюсь өд асланьыс кань-корысьыд!

ИВАН. Ланьтлы, тэныд шуоны!

ОКУЛИНА. А кык мижуйыс, пöрысьыс да томыс, сэтчö на
колины? Эз и кивыль керлыны?

ИВАН. Ачыд өд төдан Петыр Павелтö. Мыйкө шуас кө, майöг
моз сутшкас нин асьсö. Код юрнас оз вунөд-а, мыйкө шулас кө.

ТАМАРА. Тэ моз өд оз ю, садь быртөдзис.

ИВАН. Окулина, вот... ов вот татшöм гөтырыдкөд! Локти нин
да, корсьны нин асьсö петі и... Бара на сылы он лөся! Ноко, коді
садьыс да коді юмабыс? Лолышт мелань, лысьтан кө?

ТАМАРА. Мун сэтысь!

ИВАН. Узьны өд татчö эг лок. Код юраыдкөд ме ог на и вод.
Дум абу.

ТАМАРА. Ой, гажöй бырöма! Волан, час, гортö! (*Зымкнитö
кочнас да мунö.*)

ИВАН (*жергөдчылө*). Син вежысь! Асьсö кагаөн босьті-а.
Век на этша.

ОКУЛИНА. Дугды нин сійөн ошйысьныгтö! Аслад нин куимөн
сысянь. Эськө лывкъяліс кө да керкатö эндөдіс. Гөгөр на тай
дзим-дзурк. Асьтö на кесйөдны колö. Картопель гуыд на эштөдтöм.
Регыд кынмалас-а.

ИВАН. Аски шуи. Сійөн и локті.

ЗОЯ. А Юрикыс мыйла эз? Сылөн нö абу уджыс гортас?
Быдлаö ме?

ИВАН. Мед пö тай небзьыштас.

ЗОЯ. Коді? Мый?

ИВАН. Тэнö шуö. Буракö, чорыдасян жö да.

ЗОЯ. Небзя ме сылы, волас кө!

ИВАН. Окулина, он кө, мися, лөгав...

ОКУЛИНА. Со тай, пызан вылас.

ИВАН. Ачым нö кисьта?

ОКУЛИНА. Киыд өд эм.

ИВАН. Уна-ö, шуан?

ОКУЛИНА. А эн унаась.

ИВАН. Но, узьтөдас кө и. Гожся кухняын, пу диван вылын,
узьла да. (*Кисьтö да юö.*)

ОКУЛИНА. Тамараыд мед узьтөдас-а. Эн жö көть косьö воёй.

ИВАН. Ме ог төд. Сылы өд тай век гөн паньдыс.

ÕКУЛИНА. А мун нин сэсса.
 ИВАН. Энлы, эз на юрö во да.
 ÕКУЛИНА. Абу öд праздник.
 ИВАН. Абу эськö да. Мöдысь волöм дорысь. (*Кисьтö да юö.*) Õ-ой! Вöлисти горзьöдiс. (*Мунö.*)
 ЗОЯ. Кузь абу кийс!
 ÕКУЛИНА. Кутшöм горшыс, сэтшöм и кийс! Мый оломсьыс сюрштас, сы вылö и синмыс.
 ЗОЯ. А Тамараыслөн быдтор жö водзöса. Кык öткодь. Мед и косясьöны.
 ÕКУЛИНА. Ой, эн тадзтö сёрнит! Асьтö вомдзалан.
 ЗОЯ. Абу нö збыль?
 ÕКУЛИНА. Збыль эськö да. Уна-ö нö тэныд сыысь долыдыс? Ачyd морттуйтö эн вошты, и медся на бур!
 ЗОЯ. Кодкö локтö кö-а?
 ÕКУЛИНА. Юриkyд.
 ЗОЯ. Да-а?²

Пырö Ю р и к.

ÕКУЛИНА. Со тай! Ловья юрнас!
 ЮРИК. Мыйкö öд эг ло.
 ЗОЯ. Лоин нин, лоин!
 ЮРИК. Мый? Кытi? (*Видзöдалö асьсö.*)
 ЗОЯ. Мустöм! (*Бöрддзö.*) Чужьян! (*Кидöс вöчö.*)
 ЮРИК. А-а, усьласян... А-а юав Павел дядьöлысь, аски локтас да, мый ме сэн шуи. Мися, аслым ногö ме эскаджык на Зояыдылы! И Павел дядьö сiдзи жö, лолөн и вирөн пö ме Õкулина дорыд! Ботан Иванлөн весиг синмыс былявлiс. Оз пö вермы лоны! А мыйла оз, думыштлыны кö?
 ÕКУЛИНА. А мый нö энö думышtlöй? Вöрсаыс али кодi юрныгö песовтлiс? Абу на веськалöма дай... лёк, пöрысь гурдейлөн!
 ЮРИК. Но, кольчис на. Аскиöдз. Шуöма кö пö, мед шуöма вöли.
 ÕКУЛИНА. А тэнö нö лэдзис? Али пышйин?
 ЮРИК. Эг. Том гöтыра на пö, да лэччы и эм.
 ÕКУЛИНА. А менам мед сьöломöй потö? Абу жаль сылы?
 (*Бöрддзö.*)
 ЮРИК. Но, öти войтö, Õкулина тьöтка!
 ÕКУЛИНА. Абу öд тувсов вой.
 ЮРИК. Ме ог тöд, мый сэсса и вöчны да.
 ÕКУЛИНА. Мунöй гортаныд.
 ЗОЯ. А тэ?²

ӨКУЛИНА. Кыдзкө өд. Ог на кув да аддзөдла на, гашкө, ас синмөн. Мыйкө лысытас оз шуны?! Юрик, со, колөкө! (*Индө пызан вылө.*)

ЮРИК (*видзөдө Зоя вылө*). Ог нин талун.

ЗОЯ. Муна либө, Өкулина тьотка?

ӨКУЛИНА. Мун, дерт.

ЮРИК. А ме быттьө абу мунысь?!

ЗОЯ. Ме бөрти. И со тэныд, пановтан кө! (*Мунө.*)

ЮРИК (*бөрсяныс*). Да, сідзтө тэ игнасян да! (*Вөтөдө.*)

ӨКУЛИНА (*довялыштө шогысла да пуксьө пызан дорө*).

Юа вот да мед аски на ог паляв! (*Кисьтө, но оз вермы юнысө, кезьялө.*) Оз на өд и пыр, кор көсьян. Унмыд оз лок ни. Он кө сьыс аслыд. (*Пондө сьывны.*)

Ставыс нин кольөма бөрө,
Олөм и нок.
Нэм чөжыд мортыдлы төрө
Уна и шог.
Уна и шог.

Некор нин шудыд оз волы,
Важыс ни мөд.
Сыркьялө морөсад лолыд,
Ланьтлөм оз төд.
Ланьтлөм оз төд.

Синваыд чужөмтө сотө,
Кьывийд оз шед.
Сьөлөмыд потө и потө...
Потө и мед.
Потө и мед.

Пырө П е т ы р П а в е л.

ПАВЕЛ. Локті жө, Өкулина, локті.

ӨКУЛИНА. Мый вылө гажөн-а? Ок эськө вот!

ПАВЕЛ. Тэ вылө. Видан эськө да. Гортад и видөмыд на лөсялө.

Вайды улөс ли мый ли.

ӨКУЛИНА. Мый нө сэтчө лоин? (*Вайө улөс.*)

ПАВЕЛ. Коскөс жугөдө. Дзуляөдз нин воис. (*Зыртө.*)

ӨКУЛИНА. Сідзи и колө тэныд. Онгай мед локтін дай. Менам пывсян вөлі ломтөма. Пуксьы! (*Отсалө пуксьынысө.*)

ПАВЕЛ. Ой, эн лёкысь!

ӨКУЛИНА. Кута маласьны! Нопйыд нө көні?

ПАВЕЛ. Посводзын.

ӨКУЛИНА. А лекарство али мый вая? Тигра мазытө ли?

ПАВЕЛ. Энлы мазынад.

ӨКУЛИНА. А мый нө?

ПАВЕЛ. Сьөлөмөй на чеччалө. Өти вомтыр кө и... оз-ө лөнъышт. (*Довкнитө пызанлань.*)

ӨКУЛИНА. Вомтыртө тэныд ньөбөма вөлі. На, колөкө, мыльөссө. (*Кисытө вина да вайө.*)

ПАВЕЛ. Эн өд панылөй сэтысь. (*Юө.*) А вомө суйны?

ӨКУЛИНА. Кута ме тэныд котравны. На! (*Вайө няньтор.*)

ПАВЕЛ. Лэдзыштіс кө-а.

ӨКУЛИНА. Кыті?

ПАВЕЛ. Сьөлөмөс.

ӨКУЛИНА. А костө нө кытөн кынтін?

ПАВЕЛ. Пыжад өд.

ӨКУЛИНА. Зэв эськө өдьяөн сиптылі да. Гашкө, эз на сэтшөма көдзав. Пывсыөдас на отчыдтө. Петалан он?

ПАВЕЛ. Час, вермөдча да, гашкө.

ӨКУЛИНА. Отка Васька тай... воліс татчө Любасө нуөдны да... войнас ломтөма-а. Мый сылы юрас воөма?!

ПАВЕЛ. Ме мыйөн төда?

ӨКУЛИНА. А мыйла сідзсө вөчин, он жө төд. Сэтшөма нин дөзмин мейсь? Сэтшөма нин ме тэнө увтырті да, кедзовті да, коньөрөс? Ноко, висътав!

ПАВЕЛ. Нинөм ме ог куж висътавны.

ӨКУЛИНА. А сэн тай кужөмыд, Арай ты дорас?

ПАВЕЛ (*чеччө*). А эн жө мелі вөвлы. Коркө тай... война выдысь воөм бөрын... өшөдчылін сьылө, окалін и быдөн, а сэссия... (*Өвтышитө кинас.*)

ӨКУЛИНА. Ме нө окалысьыс, абу тэ?

ПАВЕЛ. А водзөсыд колө жө. Ловъя дырйиыд.

ӨКУЛИНА. Колө кө, и со! Гөгөр на окала!

ПАВЕЛ (*пыксьышитө*). Да дугды, дугды!

ӨКУЛИНА. Ог! Мед он шу мөдысь! (*Чеччышитлөмөн окалө.*)

З а н а в е с

Бөръя копытчыләмсө позьё вöчны шмонитөмөн жö. Медводз петöны
Л ю б а да Ö т к а В а с ь к а, сьылі гөгөрныс ки чышкөдаөсь.

ЛЮБА. Васька тай пывсян ломтöма да...
ВАСЬКА. Пывсим и ставыс!

Сэсся петöны Т а м а р а да Б о т а н И в а н, көртöдаөсь
косясьöмысла.

ТАМАРА. Мыйыс оз овлы да гозъя костад?!
ИВАН. Век öд он юксьы.

На бöрын петöны З о я да Ю р и к, но Юрикыс воськов-мөдөн
бөрвылас.

ЗОЯ. Со тэныд, он кө кут кывзысьны!
ЮРИК. Нинөм тай ог и шу.

И бөръяпомыс петöны Ö к у л и н а да П е т ы р П а в е л.

ÖКУЛИНА. Копыртчыв бур йөзыслы, Павелушко!
ПАВЕЛ. Коскөй висьö.

ÖКУЛИНА. Оз на чег. (*Личкыштö бялябөжöдыс.*) Коми
аньтö он на велөд дорад узьлыны! Бдждыдөн вöлі керка шöрад,
ыджыдөн и кольö, вот!

ПОМ

КОМИ БАЛ

Кык юкӧна теш

Ворсысьяс:

ИЛЛЯ АННА
ПАШӦ КЛАШӦ
ПОМАИДА
ИСА ЛИЗА
ӦНЬӦ ВАСЬӦ
ЯКӦ ОПӦНЬ
ПАРАМОНОВ
ВЕТЛА ТОЛЯ

Вӧчсьӧ ӧнія кадӧ. Ставныс олӧма йӧз.

Воддза юкӧн

Коми керка пытшкӧс, инпӧвсӧ сайӧдӧма занавесӧн. Шуйгаладорас тыдыштӧ посводзӧс, веськыдладорас — пыдӧ вежӧсыс.

Илля Анна чукӧртӧ пызан, мургыштӧ вомгорулас да тапикасьыштӧ:

Коркӧ эськӧ йӧктывлӧ,
Коркӧ эськӧ сывывлӧ,
Мусукӧйлысь гудӧк шысӧ
Весиг вӧтӧн кывлывлӧ.

АННА. Ньӧти на ютӧм, а гажъяла нин, йӧйыд. Урсася сэтӧн, этша на бӧрдлӧ да. (*Кытшовтӧ синнас пызансӧ.*) А мый сэсся и ваян ӧнія кадӧ? Пуксьыштлӧс нин кутшӧмакӧ олӧмыс, да бара сэтчӧ и талялісны. Лавкабсь пондісны ворсӧдны, быгтӧ озыр туйӧ видзисны. Быгтӧ ме ог тӧд, кодлы пензиятӧ некытчӧ воштынытӧ. Мед эськӧ шежъявны да шышкавны велалін! (*Ышловзӧ.*) Абу и коми пызан кодъ. А мед, вайӧма тай, мый эмьшт. Мыйкӧ на вая и... (*Вайӧ инпӧвсьыс кык доз, ас пуӧмсӧ.*) Кодарас и лои нырыс? Этайӧас кӧ-а? (*Войтӧдӧ паньӧ да видлӧ.*) Тайӧас тай.

Пырö П о м а и д а.

ПОМАИДА. Ен да бур йöз! (*Пернапас чöвтö.*) Но?!

АННА. Мый нö повзин?

ПОМАИДА. Эг эськö повзбы да. Медпöрысьыс тай медводз локта.

АННА. Мед. Абу öд кортöм. Пöрччысь.

ПОМАИДА. Чышгьянöс ог-а. Чышгьянтöгыс менам керкаас нин юрöй кынмö.

АННА. Лок водзлань, Помаида.

ПОМАИДА. Час, юала да.

АННА. Мыйкö?

ПОМАИДА. Тöрыт тай корин да, юрысь эз на петав. Эн öмöй нö тэ коркö арнас чужлы, Усьпенньö бöрын? Анна луныс сэтчö усьö да, арсяыс!

АННА. Арнас и чужлі.

ПОМАИДА. А öнi öд Микöла нин локтö, йи сувтöма! Нимлун сёйны кö быгтьö?!

АННА. Сидзи кори, пукавны. Ачым тай кысьяся жö. Водзöс!

ПОМАИДА. Бал шуин да?

АННА. А мый нö тэн, оз лöсяв балыс?

ПОМАИДА. Лöсялö бара. Öнi кулöмаинас гажöдчöны-а. А мыйкö нö... вийöдыштін?

АННА. Ваөн öд он юктась.

ПОМАИДА. Кымын чугун?

АННА. Кымынöс гудравлі.

ПОМАИДА. Оз öд висьтась, быгтьö удта кодлыкö. Абу öд бральö.

АННА. Эн юась дай, мый оз ковсö. Тырмас, кодавны кö локтін.

ПОМАИДА. Кодалöмыд менам, румкасьыс нин пöрöдö-а! Кодöс нö сэсья корин?

АННА. Ас кодлöмсö. Пашö Клашöös да, Öньö Васьöös да...

ПОМАИДА. Öньö Васьöтö эськö и тöда мыйла!

АННА. Мыйла нö?

ПОМАИДА. Ачыд вира сы дінö.

АННА. Вира нин кутшöмкö сизимдастö тыртигад. Тадзтö кö öд, тэ вира жö Якö Опонь динад.

ПОМАИДА. Но, ме öд сійöс ыж начкыны корлі. Сэсья пызан саяс...

АННА. А менö нö оз сулы могыс?

ПОМАИДА. Да мун, меным кökьямысдас нин локтö!

АННА. Мед, пачтö өд ломтан на. А Якö Опоньыд сартастö юкалас на.

ПОМАИДА. Муна кö эськö!

АННА. Пуксьы, сійöс тöд.

ПОМАИДА. А сэсся кодöс корин?

АННА. Якö Опоньтö и кори.

ПОМАИДА. Со тэныд!

АННА. А мый нö, вöтла, лючки-бура кори да?

ПОМАИДА. Мед пукалö. Коднас эськö быргун, да сыысь оз на пельыд съöдмы. Сэсся кодöс?

АННА. Парамоновöс. Бара тэныд оз лöсъяв?

ПОМАИДА. Век тай «уеду» шуö, роч лоöма да.

АННА. Кувнытö өд кыскö, кытөн чужлöмыд.

ПОМАИДА. Мый эськö оз кыскы да! Мед садьсö тöдыштö жö.

АННА. Кутшöм садь?

ПОМАИДА. А эз нö гöтыр вöв сылы Петыр Катьöйс? А сэсся, кул дай, «уеду». Сюсь абу!

АННА. Сюсь кутшöмкö! Эськö ловъя диньсь кö пышйис-а.

ПОМАИДА. Ловья коть абу! Кодкöд нэмтö олин, мед сыкöд орчöн и гуалöны.

АННА. Да эськö да, код тöдас на, кодкöд орчöн лöсялан. И кодлөн на кызз кукьяс олöмыс. Колökö, ачыл на шöракостын лоан.

ПОМАИДА. Коді костын?

АННА. Семöйд да Якö Опоньыд костын.

ПОМАИДА. Эн эськö тешитчы!

АННА. А тэ эн жö ыкшаась дай! Абу тэныд кык майöг гöтыра-верöсаыс, мед öтгшöтш ройкмунисны.

ПОМАИДА (*дузъялö*). Сэсся кодöс корин?

АННА. Коді локтас. Корöмөн шуа дай.

ПОМАИДА. Локтасны бара, тöдласны кö. Ветлö Тольö коддьöм.

АННА. А ме сідз кори сійöс.

ПОМАИДА (*шеньштчö*). Колантор кодлыкö! Гортас эз на öшйив-а, век кöнкö ветлö!

АННА. Мед, гудöкалас кö-и.

ПОМАИДА. Код тöдас сылысь, водзвыв кö гулькйöдлас. Эн лэдз син увсьыд.

АННА. Ог и лэдз.

ПОМАИДА. Дай оз на и öтнас лок Ветлö Тольöыд. Вот тэныд!

АННА. Кодкöд нö?

ПОМАИДА. Исö Лизö дорö тай вöлі зыртласьö лавкаын, пач саяс. А мöдыс мыйкö жö дай... дзирнясьö сэтөн... тойыштöм пыдди!

АННА. Тойыштныгö öд... öтка бабаыдлы... Мед лöсялöны!

ПОМАИДА. Дыр-ö кежлö кö?

АННА. Налөн гаж.

ПОМАИДА. А эн эськö дорйы тэ Исö Лизötö! Кымынкöд нин эз овлы-а.

АННА. Быть öд ов, морт шөрö кö он веськав. А кыс вöлі тан мортсö корсьны, кор милицияөн бөр колхозад вайöдлісны. Зонмыс, коді вöлі, армияөн мынлісны-а.

ПОМАИДА. Ставыс бур тэныд, кывзан да.

АННА. Кутшöм эмось. Ад гуранас олöма, да кытысь шаньбыс? Ен ськөдөн, кутö на муыс-а.

ПОМАИДА. Позьö öд шуны.

АННА. Кодлы? Мый?

ПОМАИДА. Исö Лизöбыслы. Некод, шу, тэнö эз кор.

АННА. Шу, сэтшöм кö нин чорыд.

ПОМАИДА. Ме шуа? Йöз ордас?

АННА. А ме нö сэсса мед ог нин паныдасьлы Лизаыскöд? Ог öд карын ов.

ПОМАИДА. Мыйлакö тай локті?

АННА. Ланьт, эн китшсьы водзвыв. Лöсьыд тэныд йöзтö тöдны, нэмтö верöс сайын олін да.

ПОМАИДА. Тэ вылö тай ог шуась. Тыр олöмсö эн жö тöдлы, да юртö эн на воштыв. Ачыс на Исö Лизöыд вунöдліс, көн пö и югыдыс.

АННА. А югыдыс кö сылы эз на и усьлы?

ПОМАИДА. Ветлö Тольöсьыд и усяс!

АННА. Налөн гаж, ме тэныд шулі нин. И абу тэн вичко олан керкаыс, коді грека да коді абу. Локтін да эн на со пуксьыв, кокыд вылö норасян-а.

ПОМАИДА. Сэсса кодöс корин?

АННА. Тырмас. Керка тыр öд ог чукöрт öти пензия вылад.

ПОМАИДА. А мый оз и локтавы?

АННА. Со тай кылöны.

Пырöны Пашö Клашö, Öнью Васью да Якö Опонью.

КЛАШÖ. Анна, олан-вылан! Кыкös на со вайöді.

ВАСЬÖ. Вайöді пö öд. Дась корöминас.

КЛАШÖ. А ротйысьöм гача на вöлін. Колökö, мый дыра на жуйялін?

ВАСЬӦ. Жуйялі пӧ ӧд. Вӧласьны пуксьылі, да помала нин
вӧлі-а. Анна, эз кывзы талысь.

КЛАЩӦ. Мыйла оз кывзы?

ВАСЬӦ. Дзерӧдны и кыйӧдан менӧ да.

ПОМАИДА. Позьӧ ӧд гӧгӧрвоны йӧй Ӧньӧ Васьӧлы.

ВАСЬӦ. Мый гӧгӧрвоны?

ПОМАИДА. Мыйла Пашӧ Клашӧыс дзерӧдчӧ.

ВАСЬӦ. Гӧгӧрвоана эськӧ да.

ПОМАИДА. Мый сэся либӧ лӧгасян?

ВАСЬӦ. Ог тай и збыльысь. Збыльысь кӧ ӧд, важӧн нин
маткышті.

АННА. Да пӧрчысьӧй да водзлань. Тыртӧм изкитӧ, мый сійӧс
бергӧдлан?

ПОМАИДА. А эсійӧ кыв на эз шулы, пырис да. Тырӧма
сэтчӧ тошнас и.

ОПОНЬ. Тэ эськӧ гортад ыджыдав. Анна, эн дивит.

АННА. Мыйыськӧ?

ОПОНЬ. Тош вылас тай каттысьсӧ да.

ПОМАИДА. А мый нӧ, он повзьӧдлы йӧзсӧ? Дӧрӧм улад на
со дзебӧмьд. А войнас кӧ?

ОПОНЬ. Мый войнас кӧ?

ПОМАИДА. Гырӧдзанад ли мый ли инман да? Он ошкӧн
чайт?

ОПОНЬ. Ми нӧ гозья тӕкӧд?

ПОМАИДА. Ен мед видзас Якӧ Опоньсьыд!

ОПОНЬ. А, колӧкӧ, менсьым на Енмьд кывзысяс.

ПОМАИДА. Кывзысяс, пернапастӧ он чӧвтлы-а!

ОПОНЬ. Чӧвта дай!

ПОМАИДА. Сэся мый?

ОПОНЬ. Ме ордӧ вуджан тӧвйынытӧ.

ПОМАИДА. Мун сӕтысь!

ОПОНЬ. А эн скӧрмӧдчы дай.

АННА. Вай энлӧ на... нинӧм абусьыс...

Пырӧ П а р а м о н о в.

ПАРАМОНОВ. Вечер добрый, народ хоробрый! С низким
поклоном Иван Парамонов!

АННА. Водзлань, водзлань.

ПАРАМОНОВ. Анна, ты меня знаешь...

АННА. А мый нӧ?

ПАРАМОНОВ. Завтра тебе дрова привезу.

АННА (*шййөвошлө*). Кутшөм пес, кытысь?
ПАРАМОНОВ. Свои. Видела у меня за баней большую-то
поленницу? Ну, так вот!
АННА. Сэн өд тэнад «МАЗ» тыр лоө. Вит доз сувтас, оз кө
унджык на.
ПАРАМОНОВ. Да иди ты со своею водкой!
АННА. А мый нө, сідзикөн?
ПАРАМОНОВ. Ну, считай, по-дружески. А то стал бы я тут
торговаться!
АННА. А ачылд нө? Кынтысьны петан кодкө ордө?
ПАРАМОНОВ. Уезжаю я, Анна. Уезжаю.
АННА. Кытчөкө?
ПАРАМОНОВ. В Россию, куда ж ещё?!
АННА. Россияылд мый пасьта да!
ПАРАМОНОВ. Ну, в город Нелидово Тверской области. До-
мой, так сказать.
ПОМАИДА. А тани абу горт? Эн гөтрасьлы ни?
ПАРАМОНОВ. Так...в доме-то хозяйка нужна.
ПОМАИДА. Нужна! Со тай Оньө Васьө и Якө Опонь ась-
ныс олоны. Эськө гөтыраось жө вөліны да.
ПАРАМОНОВ. Ну и что, весело им теперь? Нет, мужику
одному в доме — это хуже, чем в тюрьме.
ПОМАИДА. А кодкө тэнө и виччысьө сэни!
ПАРАМОНОВ. А сестра что, чужая она мне? Может, как у
матери я у ней буду?
ПОМАИДА. А керкатө нө татысь?
ПАРАМОНОВ. Пусть постоит. А там видно будет.

Кост.

АННА. Вай пуксялөй. Ветла Толя нин и коли локтөмыс. Со
тай, буракө.

Пырөны В е т л а Т о л я да И с а Л и з а.

ТОЛЯ. Здорово, коді оз спорө во!
АННА. Некод оз. А гудөкылд нө?
ТОЛЯ. Посводзад коли.
АННА. Мыйлакө?
ТОЛЯ. Мый, мися, шуан, кыкөнөсь да.
ЛИЗА. Ме өд... шуан кө...
АННА. Төрам. Лиза, пөрччысь. А тэ пырт гудөктө. (*Мукө-
дыслы.*) А мый оз и пуксявны?!

Пуксялõны.

ПОМАИДА. Опонь, кытчõ пуксян?

ОПОНЬ. Кытчõкõ õд.

ПОМАИДА. Ме дорõ он лысьт-а!

ОПОНЬ. Мый нõ ме, рынышысь пётõма?

ПОМАИДА. Вужля улысь. Ош гуысь. Лёк!

ОПОНЬ. Час, коркõ õд сулас на могыд.

ПОМАИДА. А тәнõ и оз. Эг на и веськõдлыв юртõ?

ОПОНЬ. Ме тай ог и ыкшаась.

ПОМАИДА. А мед шырин тоштõ дай. Кымынысь нин ме тәныд шули!

ОПОНЬ. Шыра тош тэ понда! Эськõ кодкõ томджык кõ вõли... гõтыр туйõ ли мый ли... сэки, гашкõ-а.

ПОМАИДА. Ог пõ õд ыкшаась! Со и вожалис нин кывйыд-а.

ОПОНЬ. Пуксьы, сийõс тõд! (*Пуксьõдõ да ачыс орччõн пуксьõ.*) Да чõв олышт.

ПОМАИДА. Ме эськõ, топõдчылан кõ!

ОПОНЬ. Колантор! Кос гырдызыд!

ПОМАИДА (*чушмунлõ*). Ог õд вунõд.

ПАРАМОНОВ. А вот поженем вас, что тогда?

ПОМАИДА. Асьтõ мед оз гõтравны! Петыр Катъõбид усьлõ на тәныд вõtõн. Чайтан, гуалин дай, мьини сэсы сыбсь?

ПАРАМОНОВ. А за что ей проклясть-то меня? Что я, бил её, денег не давал, детей у нас с ней не было? Я виноват, что они разъехались?

ПОМАИДА. Некод тай оз и шу.

ПАРАМОНОВ. А чего тогда пугаешь-то?

ПОМАИДА. Вõрззыны тай колõ кытчõкõ, тани оз нин кувсьы!

ПАРАМОНОВ. Ну, смерти-то дожидаться... уж лучше пой-ти да... и вся недолга.

ПОМАИДА. А сэн нõ мый кутан вõчны?

ПАРАМОНОВ. Сестре помогать. Дом, вон пишет, весь уж наперекосяк пошёл. Баньку бы поставить.

ПОМАИДА. Но и пуксьы, ныр улад улõсыс.

ПАРАМОНОВ. Нет, пусть Онъõ Вась сюда сядет.

ВАСЬÕ. Мыйла ме буретш?

ПАРАМОНОВ. За хозяина будешь.

ВАСЬÕ. Йõз ордас?

ПАРАМОНОВ. А что? И Анну бы уважил.

ВАСЬÕ. Ог нõ пыдди пукты?

ПАРАМОНОВ. Ну, тем более.

ВАСЬӦ. Час, кытчӧ ачыс шуас.

АННА. Шуа, дерт, мыйкӧ! Абу ӧд менам юклӧма, кодлы кытчӧ. Васьӧ, пуксьы, эн дзӧрнясь. А тэ нӧ эськӧ, Клашӧыс, мый виччысьян?

КЛАШӦ. Татчӧ, инӧ. Он кӧ дӧзмы. (*Пуксьӧ Ӧньӧ Васьӧ динӧ.*)

АННА. Ланьт. А тэ нӧ, Толяыс?

ТОЛЯ. Час, мед гӧсьтъясид...

АННА. А тэ нӧ абу? Куш гудӧкасьны и кори ме тэнӧ?

ТОЛЯ. Ме ог тӧд.

АННА. Мися, выдышта, гашкӧ, ӧти сайысь.

ТОЛЯ. Вид.

АННА. Бӧрти, ог кӧ вунӧд. Лиза, сибӧдчы. Но вайӧ кисьталӧй да точкысьмой. Кодлы чорыд, пув ванас соралӧй дай. Васьӧ, кисьтав!

ВАСЬӦ. Бара ме? Менам сідз нин кийӧ дзӧрӧ-а.

ПОМАИДА. Юан да ӧд.

ВАСЬӦ. Дугды. Усьӧмнас тэ менӧ эн на аддзыв.

ПОМАИДА. А мый нӧ эськӧ дзӧрӧ, шуан?

ВАСЬӦ. Этша нӧ пӧрӧдчылӧ быдсяма пиланас? Оз летьы сойтӧ пуд сьӧктаыс? Кырымасьны лючки ог вермы-а, пензиятӧ ваясны да.

ПОМАИДА. Но эсья и кисьтавнытӧ нин некодлы. Бӧр, буракӧ, лоӧ чеччыны.

ВАСЬӦ. Вай, Иван, тэ судзанджык. Да висьтав мыйкӧ.

ПАРАМОНОВ. Наше дело правое! (*Кисьталӧ.*) Раз уж Ӧньӧ Вась уступил мне слово, то вот что я вам скажу. С 47-го года вас знаю. Всяко бывало. И «власовцем» обзывали, и в глаза не видели. А от костра не отгоняли, и картошкой делились. И хлеба кусок отламывали.

АННА. Пеж олӧмсӧ мый сийӧс казьтылан?

ПАРАМОНОВ. Так ведь прошли через это, Анна. И у всех у нас душа-то исцарапана. И все-таки надёжный вы народ!

АННА. А тэ нӧ абу?

ПАРАМОНОВ. Ну, это вам судить.

АННА. А вот точкысьям дай, шуӧма лоӧ!

Точкысьӧны да юӧны, вом кӧрнысӧ вежӧны.

ПОМАИДА. А меным кучкис нин юрӧ. Коддза кӧ, Опонь, нуӧдны ковмас.

ОПОНЬ. Кытчӧ?

ПОМАИДА. Гортӧ! Юасьӧ сэтӧн?

ОПОНЬ. Кута кыскыны сы ылаа!
 ПОМАИДА. Кытчө нө пыртөдан?
 ОПОНЬ. Ас ордө.
 ПОМАИДА. Сюсь тай кылан!
 ОПОНЬ. А мый нө, коддзан кө?
 ПОМАИДА. А тадзтө кө, ме ог на и коддзы. Вот!
 ОПОНЬ. Эн. Этшаджык шог меным.
 ПОМАИДА. Шог пө өд! Ёна нин ме тэныд шогтө вайлі да!
 ОПОНЬ. А мый нө, он дэльөдчы?
 ПОМАИДА. Кор?
 ОПОНЬ. Кор он пырав тай. Этаті чышкытөм да, эсті мысь-
 кытөм да. Пусьылі эг да, пывсьылі эг да. Вомыд оз тупкысьлы. А
 шуан да...
 ПОМАИДА. Мый?
 ОПОНЬ. Мися, лок вай либө горт олысьөн, да өдйө тай лань-
 тан. А оз нө та бөрын сьөлөмыд муткыртчы?
 ПОМАИДА. Ме сэсса сэтчө и мыжми. Ачыс мыжтөм-а. Эг
 на и дількмуны.
 ОПОНЬ. Мыйысь? Кор?
 ПОМАИДА. Муртса на. Пызан саяс тан. Колантор тай, шуин,
 кос гырddзавд.
 ОПОНЬ. А мый нө тэн, дас көкъямыс? Гөгөр на тупльөс да
 вильскөб?
 ПОМАИДА. Сэки мед и сибалін, кор дас көкъямысыс вөлі.
 Ёні менсьым нинөм нин босьтнытө.
 ОПОНЬ. А ме, колөкө, ачим сета?
 ПОМАИДА. Мый сетан?
 ОПОНЬ. Малалышта... кыті лэдзан.
 ПОМАИДА. Мун, эн грекө вөйтчы! Көть мед кодкө сьывны
 горөдінныд. Кывзанныд сэн больгөмсө. Толя, збыльысь, босьтлы и
 эм гудөктө!
 ВАСЬӨ. Энлы, эгө на гажмөй да.
 ПОМАИДА. Коркө тэ гажмылан! Он кө литра дучкы.
 ВАСЬӨ. Вермылі эськө да. Ёні ог нин.
 ПОМАИДА. Парамонов, кисьтав! Дыр-ө сэн дйтшвидзасны?
 ПАРАМОНОВ. Тоже верно! (Кисьталө.)
 ПОМАИДА. Босьталөй! Анна, нуөд. Ли тэ, Клашө. Ме вылө
 век эн лэдзчысьөй. (Сьылыштө.)

«Няньөн да солөн да...»

Сувталөны да сьылөны гудөк улө.

Няньён да солён да
Му вылас олан да,
Сөмын өд асьтө он төд.
Му вылад олысьлы
Колө и волысьны,
Колө и лолыды пөт!
Овлө сьөд кымөра,
Юр весьтөд гымалө,
Овлө и шонди лөз.
Мед эськө шудлуныд
Шедөдчас кутлыны,
Мед эськө Ен да бур йөз!
Нимкодъыд, долыдыд
Ээв дыр оз волы да,
Эм на и шогыды сай.
Юыштам вайө да,
Юрө мед кайө да,
Сө майбыр, лөсялө тай!

Юоны да коставлоны сөйыштнысө.

ВАСЬӨ. Гажми нин, Помаида, полан вөлі-а.

ПОМАИДА. Мыйысь пола?

ВАСЬӨ. Он кө пө тай литра дучкы.

ОПОНЬ. Сылөн быдөны важ дон. Бытгө он и вежсьыв
мортыд.

ПОМАИДА. Кыт нө тэ вежсьылін?

ОПОНЬ. Татшөмөсь нө вөлім?

ПОМАИДА. Ортсытө мый тэ меным висьталан?

ОПОНЬ. А мый нө тэн колө?

ПОМАИДА. Пытшкөсыд.

ОПОНЬ. А пытшкөсыд нө оз вежсьы? Он и висьлы?

Эбөсссыд он усылы ни?

ПОМАИДА. Ме өд этштө шуа!

ВАСЬӨ. Этшыд өд абу жө чер: зудъялыштін да бара... Том
дырйиыд вөлі потшөс вомөн чечыштан, кокыд оз инмыв, а өні лөпсө
лоө кытшовтны.

ПОМАИДА. Коньөрөй!

ВАСЬӨ. Коньөрөй, дерт. Со Иван төдө. Лунтыр вөлі пөрөдча
да войнас на дас верст шутөвтла.

ПОМАИДА. Мед эн корсь дай, кысь оз ков. Татысь на кодкө
сюрис гөтыр вылад.

ВАСЬӦ. Сюрис ли эз ли, а кыскӧ вӧлі. А ӧні гортад локтӧны, да падъялан.

ПОМАИДА. Локтас кодкӧ! Клашӧ, тувкы бокас, мед оз ышнясь!

КЛАЩӦ. Мед сӧрӧ.

ВАСЬӦ. Вот тэныд и этш! Да вежсьӧ оз!

ПОМАИДА. Код тӧдас тэнсьыд.

ВАСЬӦ. Код тӧдас пӧ ӧд?! Сэсса мед он скӧрмы дай!

ПОМАИДА. А эн нӧ эськӧ дучкы, вермин кӧ?

ВАСЬӦ. Но, гашкӧ и...

ПОМАИДА. Сійӧ ӧд и эм! Висьталӧны тай вӧлі...

ВАСЬӦ. Мый?

ПОМАИДА. Ӧти пу дорын пӧ вина сулля, а мӧдсӧ пӧрӧдан.

ВАСЬӦ. Сэк ӧд вӧлі... видлы прӧгултӧ вӧчны!

ПОМАИДА. А пу улӧ кӧ веськалін код юнад?

ВАСЬӦ. Пуыд ӧд... орны кутас да... кыгчӧ на тӧлыс доровтас. Коркӧ тай Иван мездіс-а, тойыштны удитіс.

ПАРАМОНОВ. А ты меня сколько раз выручал? Помнишь, заступился перед оперуполномоченным? Отметиться я был должен в тот день, а Ӧньӧ Вась на речку повёл. Там у него гымга была на налимов. Ну и задержались, пока лёд-то кололи. Пришли, а тот уже матом на меня... И загремел бы обратно в Вожаэль, если б не он! (*Довкнитӧ Ӧньӧ Васьялань.*)

ВАСЬӦ. А ме нӧ тэно эг материтлы? Сё едритвойӧн, мяся, он кӧ бурджыка весав пу гӧгӧрсӧ! Эг кӧ кучкы на?

ПАРАМОНОВ. Сюда. (*Петкӧдлӧ шошаас.*)

ВАСЬӦ. Но вот! А кодкӧ мӧд кӧ вӧлі? Колӧкӧ, чиктыліс на мездӧм пыдди. Морт сайын, Иван, ставыс, морт сайын!

ПАРАМОНОВ. Само собой.

ПОМАИДА. А вот коминад эн и велавлы, Парамонов, мый дыра нин тан олан да. Гӧтырыд коми вӧлі-и.

ПАРАМОНОВ. Но я же всё понимаю.

ПОМАИДА. Мый сійӧ понимайтӧмыд!

ПАРАМОНОВ. Так высланный же я был. Думал, скорей бы отсюда. А вышло вон как!

АННА. Он кӧ каитчы и, мый сэсса?

ПАРАМОНОВ. Да нет, что ты, Анна?!

АННА (*Помаидалы*). Юасьны сэн кутас да...

ПОМАИДА. Асьныд жӧвъяланьныд да. Сьывны ни, йӧктыны ни. Пызаныд ӧд оз на пышйы. Колхозын моз чеччӧдны колӧ. Чеччӧй! Толя, босьтлы гудӧктӧ.

Сьылöны да йöктöны.

Коркö эськö йöктывлі,
Коркö эськö сьывывлі.
Мусукöйлысь гудöк шысö
Весиг вöтөн кывывлі.
Коркö эськö рытйысьлі,
Коркö эськö окасьлі.
Мамöлы ни, тöдсалы ни—
Некодлы эг шогасьлы.
Коркö эськö нылавлі,
Верöс сайö петавлі.
Ачыс коравнысö воліс,
Некодöс эз медавалы.
Коркö эськö нöбасьлі,
Коркö эськö быдтысьлі.
Бара на коть томмылан да,
Олöм помад кытысь нин.
Коркö эськö чайтöма,
Бур олöмсö дольöма.
Коркö эськö мый эз вöв да,
Коркöыс и кольöма.

КЛАШÖ. Но, мыйкö сэтчö и пуксялöны нин! Сöмын на
öддзылім-а, Мед эськö кодавны!

ВАСЬÖ. Со öд тай бригадирыс. Мед тшöктöдö.

ПОМАИДА. Да, менö ачымöс нин довйöдлö-а. Энлы, час ло-
лышта да. Опонь, кут!

ОПОНЬ. Лок, кутыштла.

ПОМАИДА. Тэ помысь! Бур йöзыс паныд уськөдчылöны-а.

ОПОНЬ. Ачyd тай ырьялан. Ен пö мед видзас меысь.

ПОМАИДА. Мый эськö он шулы да?!

ОПОНЬ. Но и олас! (*Матыстчö да кутыштлö.*)

КЛАШÖ. Ноко, Толя, «Öкулинатö»! Öнбö Васьö, мекöд али
кодкöд?

ВАСЬÖ. Он öд бöрнясь.

ПАРАМОНОВ. Тогда мы с Анной.

АННА. А гашкö, Лизакöд? А то пöвтöм кольö.

ЛИЗА. Менам со уджыс. (*Чышкыштö Толялысь ньылöмсö.*)

АННА. Сідзкö и, пудьясим. Толя, сьавкнитлы!

Сьылöны да йöктöны.

Аттö, зонмö, гудöка!
Гораджыка гудöкав!
А ми петам йöктыны,
Оз ков, майбыр, тшöктыны.

У н а ы с ь:
Öкулина, меланьджык!
Мусуканöй, тэланьджык!
Коді кодкöд лöсялö,
Сы дінö и пöсялö.
Лолыд гы моз лыбавлö,
Кокыд вылö кыпавлö.
Абу сурьсь-винаысь
Миян костын инаыс.
Некод абу зырысьыс,
Миян костö пырысьыс.
Топöдчылам топыда,
Шуöны мед, со пö тай.
Бöрти рытнас кольбöда,
Веж юрситö мольбöда.
Окышта да, гашкö да,
Мыйкö на и вашкöда.
И ог кöсийсь дорала,
Босьта да и корала.
Абу тэысь коланыс,
Сьöлөм вылö воаныс!

КЛАШÖ (йöктыштö). Ок и ок, ок и ок!
АННА. Кытчö и тэрмась? Мед пуксьылöны.
КЛАШÖ. Повзин на тай! Илля Аннаыс!
АННА. Мыйысь?
КЛАШÖ. Мед ог мырдды Öнбö Васьötö.
АННА. Коддзöмыд нин.
КЛАШÖ. А, колöкö, ме на медся воддзаяс Öнбö Васьöйдлөн,
мыйöн тöдан?
АННА. Некор эн и бöрдлы да!
КЛАШÖ. Пыр и тай вомалін, быттö тэнад нин лоöма.
АННА. Сета ставнас! Эг на жö узьтöдлы-а.
КЛАШÖ. Сідзкö и, кывйö сетчин?
АННА. Сетчи, сетчи!
ВАСЬÖ. Оз вермы тшетшыйсьтöгыс...
КЛАШÖ. А тэнö эськö ме талун йöктöда на да.

ВАСЬӦ. Сэсса мый?
 КЛАЩӦ. Мед юр вежӧрыд бергӧдчылас.
 ВАСЬӦ. Сэсса мый?
 КЛАЩӦ. Нуӧда гортад да вода орччӧн дай.
 ВАСЬӦ. Вод, сэтшӧма кӧ нин... Ӧтчыдтӧ, гашкӧ...
 КЛАЩӦ. Ме ӧд ог сы понда!
 ВАСЬӦ. Мый понда нӧ?
 КЛАЩӦ. Гашкӧ, мый дыра на он кув да. Мед эськӧ кодкӧ и...
 ыджыдалысь вӧлі.
 ВАСЬӦ. Сэсса и воссяс олӧмыд?
 КЛАЩӦ. А мый нӧ, ӧтка дорсьыд?!
 ВАСЬӦ. Ме ог тӧд, кӧдзалӧма нин ставсьыс да. Телевизорыс
 ывлӧ нин дӧзман-а. Тэ ӧд вома жӧ!
 КЛАЩӦ. Водзӧс. А мый нӧ, он сибӧд?
 ВАСЬӦ (*ышловзъӧ*). Вай, Иван, солькнит!
 КЛАЩӦ. Пыр ӧд и падвеж мунас.
 ТОЛЯ. Ачыд мыйкӧ жӧ да... веськыда зурӧдан.
 КЛАЩӦ. Тэ эськӧ чӧв ов! Локтін кӧ, ворс!
 ТОЛЯ. Зэв тай тшӧктысь! Эг на медасьлы да.
 КЛАЩӦ. Медаыс и эм тэ. Со доньд! (*Индӧ румка ылас.*)
 АННА. Клашӧ, эськӧ... он кӧ джынъявалы вомтӧ! Йӧзыс ывлӧ
 эн коньбӧд асьыд лӧктӧ.
 КЛАЩӦ. А мед оз лӧкӧдчы дай! Тшӧктытӧгыс жель на эз
 бергӧдлы, век на кӧнкӧ лывкъяліс. Ветлӧ Тольӧ на нимыс.
 ТОЛЯ. А ме, гашкӧ, сійӧн и лывкъялі, мый эз на сетлыны
 овнысӧ, век на сӧмын тшӧктылісны?
 ПОМАИДА. Сетӧны нин, кӧсьян кӧ. Кор аслыд ывлӧ му да
 видз да ов кыз кужан.
 ТОЛЯ. А вот и кора!
 ПОМАИДА. Чӧв!
 ТОЛЯ. Мыйла чӧв?
 ПОМАИДА. Мыйла жугӧдчыны ковмас лун и вой. Некрытчӧ
 он тырмыв.
 ТОЛЯ. Мыйла ог?
 ПОМАИДА. Сыла он! Вужинь-вежынь ай-мам керкаыд, да
 сэтчӧ китӧ он пуктив-а, волан да. Кутшӧмкӧ тэ олӧм олысь!
 ТОЛЯ. А вот и пукта! Вай заклад вартам!
 ПОМАИДА. Со, Лизаыдкӧд варт!
 ЛИЗА. Бара тшыкӧд!
 ПОМАИДА. Мый тшыкӧда?
 ЛИЗА. Менсьым олӧмсӧ.
 ПОМАИДА. Ме? Коркӧ тэнсьыд олӧм тшыкӧдлі?

ЛИЗА. А мый нө, эн суклявлы, кор мыйкөбискөд отлаасьлі...
аэропортсаыскөд?

ПОМАИДА. Сэтшөм отлаасьлөмыд! Картупель босьтны во-
лсны да... сы дыра кежлад?

ЛИЗА. А, колөкө, нэм кежлө, эн кө тэ суйсьы?! Сэтшөм да,
татшөм да... Кодөскө тай аддзөмыд да... Висьтавліс өд!

ПОМАИДА. А ме, колөкө, мортсө жалити?

ЛИЗА. А ме абу морт? Менө няйтө позьбө таявны? Модабид
нин тэнад сэтшөм. Оз кө пуксьы кодлөнкө олөмыс, мед эськө оз и
пуксьыв. Сыысь тэныд долыдыс!

ПОМАИДА. Мун, вир тшыкөдысь!

ЛИЗА. Ачыл абу?

АННА. Ойя да? Ме нө та вылө чукөртг? Мися, сідз нин
сьөдас олам, куш асьнымөс нин и новлөдлам, да койташын моз
гажөдчыштам-а.

ОПОНЬ. Тырмас нин эськө, Анна, кодөскөтө новлөдлыны.
Ставным нин зыртөм шошааөсь. Кулян кө, пасьтала гырл.

ВАСЬӨ. Гөч ли. *(Инемөдчылө шошаас.)* Менам тай оз и неб-
зьыв-а.

ПАРАМОНОВ. А что вы хотите? Чтөб бугров не было?
Этө ж как у лошадей! Нет, Анна, тут я с тобой тоже расхожусь.

АННА. Ме өд ог та йылысь. Бара мед кытчөкө мублизуйтисны.

ОПОНЬ. Мый йылысь нө?

АННА. Мед эськө мортгид нэмсө сьөкыд вөлі. Кыдзи тай ныв-
бабаыс овлан.

ВАСЬӨ. Мыйөн сьөкыд?

ПАРАМОНОВ. Добром, наверное. Или совестью.

АННА. Да но! Ставсө колө няклявны.

ВАСЬӨ. Сьөктынытө өд, сідзтө кө, колө жө кодсянькө. А
быдөн на пиняөсь да гыжъяөсь да...

АННА. Шонді вылас видзөдлы дай.

ВАСЬӨ. Сэсса мый?

АННА. Сэсса, гашкө, и сьөктылан, яндзим босьтлас мыйыськө.

ОПОНЬ. Босьтлө тай эськө яндзимыд да, сюраыс на тор-
касьб-а.

АННА. А ог на сетчө дай! Вай матыстчылөй да көтөдчылөй.
Бырө кө өд, вая на.

Оз нин точкысьөмөн юны. Вомгоруланыс сёрнитөны.

КЛАШӨ. А сэсса нө лөгасин быттьө, Тольөбис?

ТОЛЯ. Бур кывтө эн на убөлитлы да.

КЛАШӦ. Со, малышта юрӧдыд! Да гозйӧдчы, некодлысь эн кывзы! Важ ногӧн кӧ, видзам на битӧ, кодӧ кодлы перъяс, да ӧд, Лиза?

ЛИЗА. Мый нӧ он?

КЛАШӦ. Сэсся кӧ он ворс та бӧрын!

ТОЛЯ. Ворса.

ОПОНЬ. Ми нӧ огӧ чеччылӧй?

ПОМАИДА. Веськодъ.

Но оз нин инӧ пуктыны мукӧдыс Помаидалысь шуӧмсӧ. Йӧктӧны сьылӧгтырйи.

Ок и ок, ок и ок,
Ӧти зонмысь босьтӧ шог.
Абу ыкша, абу наян,
Абу мукӧдыс кодъ лӧк.

Ок и ок, ок и ок,
Ӧти нылысь босьтӧ шог.
Абу сямтӧм, абу туйтӧм,
Абу, майбыр, чукля кок.

Ок и ок, ок и ок,
Ӧти зонмысь босьтӧ шог.
Абу юысь, абу польсь,
Абу синмас чир ни ёг.

Ок и ок, ок и ок.
Ӧти нылысь босьтӧ шог.
Аттӧ, лӧсьыд, агтӧ, позьӧ
Видзӧдлыны гӧгӧрбок.

Ок и ок, ок и ок,
Кыкнанныслӧн ӧти шог.
Тадзтӧ он и помӧ волы,
Он кӧ воча-воча лок.

АННА. Помаида, чеччы. Эз на сэтчӧ тӧнӧ изъявны.

ПОМАИДА. Эз тай. Сьӧлӧмӧй дӧпкӧ нин-а. Юрӧ кӧ кучкас и.

АННА. Ме тӧнӧ ӧлӧдлӧ.

ПОМАИДА. Ӑлӧд кӧтъ эн. Менам ӧти визя ӧлӧмыс, да сийӧ визьсӧ и помала. Ог тӧян моз вожӧдлы.

АННА. Аттö дивö, мед эськö быдөн сы моз олісны! А эн кö, шуам, петавлы верöс саяд?

ПОМАИДА. Мыйла эг?

АННА. Аслад чорыдла. Ветліс-ветліс Семöйд да мöд вылö шыгтіс дай.

ПОМАИДА. Кыськö дай!

АННА. А лои кö мыйкö сыкöд? Некод сайö нин эськö эн и петав? Сідзи и эндін?

ПОМАИДА. Код тöдас. Быд ловъяыс тай эня-ая.

АННА. А мыйла нö эськö каттысян мукöдыс вылö?

ПОМАИДА. Ме öд... Шусяс да, бара мыжа лоан.

АННА. Шу. Ме тай батытöм пиöс жö быдті, да юрöй эз на кушмы сы понда.

ПОМАИДА. А тэнö эськö и вöлі вайысьыд. Ачыд йöйталін.

АННА. Ачымöс и йира тай öні сыысь. Босьті да кывзыси, кодлысь оз ков. Ок! (*Кучкыштö пызанас.*) Иван, тойышт, да мед зыркмуна джоджас!

ПАРАМОНОВ. Да ты что, Анна?

АННА. А мый нö, бöрддзöдлі жö кöньөрöс-а!

ПАРАМОНОВ. Так ведь и сама ты... как дурная, варежку-то кусала, чтобы не расплакаться.

АННА. Ме ог помнит.

ПАРАМОНОВ. Но я-то помню!

АННА. А смекайтчылісны жö тэ вылын. Öні öд быдөн тай бурöсь-а. Коркö тай... Брежнев дырйи нин... Победа лун-ö-мый вöлі... клубö жö вöлі локтöмыд да... Öнбö Васьö на и шуис, код пö тэнö татчö корис.

ВАСЬÖ. Менö öд тойлісны жö. Эськö залас кö пукалі-а. Сэс-ся юыштöма жö нин вöлі дай.

АННА. Садьтöм код эн на вöv.

ВАСЬÖ. А кайтчылі нин ме сыысь Иваныдлы. Со ачыс, пöръяса кö!

ПАРАМОНОВ. Анна, тут все чисто! И зря ты сейчас за меня заступаешься. Могло быть и наоборот.

АННА. Кыдзикö?

ПАРАМОНОВ. Очень просто. Он — в плену оказаться, а я — при медалях. И над ним бы измывался. Так, Öнбö Вась?

ВАСЬÖ. Сідз, дерт. Пленö шедöмсьыс и полан вöлі да, он виöмысь-а.

ОПОНЬ. Окружениесьыд петан, и то на кыскаласны, тайкö оз лыйлыны.

ПОМАИДА. А мыйкö... абу жö ранитчылöмыд да... Парамоновыс?

АННА. А кантузияыс нө тэныд? Татон на вөлі пельсьыс гыр д петалө-а. Вай пуктыла юр вылад ведра да клёнөбтыла мыйонкө, мый сэтчө лоан?

ПАРАМОНОВ. Да успокойся ты, Анна? Она же... как особот-дел, ей же доказать надо, что воевал. Так вот, Фомаида ёрт, медальто «За отвагу» нашла меня. А, между прочим, она фронтовая. Успели, выходит, записать.

ПОМАИДА. Но и бур, воюйтлин кө. Сэссия татон нин ов помөдз, дай ас туйө лоан. Чойыд динө өд сідз на позьө ветлыны.

АННА. Век на вот сылы бокөвөй!

ПОМАИДА. А мый нө, пышйө да?! Роч Иван вөлі, Роч Иван и кольө тадзтө.

ОПОНЬ. Век отар пельснад эн сын.

ПОМАИДА. А мед мыйкөкерө дай... Пестө вайөм дорысь... Аннаыдлы... асьтө кө вөзйин... А, Парамонов?

АННА. Бара шуан, кыськө пө тай эмось.

ПОМАИДА. Ог шу.

ПАРАМОНОВ. А что это ты подобрела вдруг?

ПОМАИДА. Кыскө ота-мөдныгтө да. Аддза өд.

КЛАШЮ. А вай сьылөдам! Роч Иван, Роч Иван... Толя, ворс!

Сьылөны да йөктөны.

Роч Иван, Роч Иван,
Мый нө сідзи видзөдан?
Со тай кымын мича нылыс,
Мыйла менө кыйөдан?
Роч Иван, Роч Иван,
Тэ өд менө ылөдлан.
Он и төдлы, рочад мунан,
А ме, йөйыд, коля тан.
Роч Иван, Роч Иван,
Дыр-ө менө шогөдан?
Абу жө тэ меным мустөм
Овны кө тан думайтан.
Роч Иван, Роч Иван,
Мый бара сэн сералан?
Сэки меным шудыс усьө,
Кор тэ менө коралан.
Роч Иван, Роч Иван,
Тадзтө кө и — гижасям!
Сизим кага тэныд вая,
Отлаын и быдтысям.

ПОМАИДА. Гозъя костад өд... кагаыд тай и гөрөдыд. Өнi эськө и сийө тай оз кут да. Видзөдан да, юксьөмаось нин.

ВАСЬӨ. А пöрысьыс өтлаасьöны, да налөн кутшөм гөрөд?

ПОМАИДА. Налөн? (*Шöйөвошлө.*)

ВАСЬӨ. Да. Ноко, висьтав.

ПОМАИДА. А, ноко, тэ висьтав, кужан кө!

ВАСЬӨ. Дөвечыс?

ПОМАИДА. А ме нө ог дөвуйт?

ВАСЬӨ. Чиганитчан да.

ПОМАИДА. А тэныд эськө мед ырсьял? Куш чукөстөм вылө и уськөдчи? Мөстө лоө кутшөма мелавны-а. Асьтө вот висьтала, мыйла дөвечалан?

ВАСЬӨ. Мыйла нө?

ПОМАИДА. Сёьсы нин пөтлин да быд пөлөс бабасьыс. Эн нө вуркъявлы? Соссьыны лысьтан?

ВАСЬӨ (*шпыннялө*). Мый тан соссян?! Эськө райкомын кө-а. Коркө тай корлісны да... Вайө тшынасямөй!

АННА. Да помалөй нин тайөс син вежөмысь. (*Ачыс кисталө.*) Абу на сёйыштөмыдөсь и. Локтөй!

КЛАШӨ. И өтчыд мед Толя гудөкалас на. Сэсся тшынасьöны. Налысь кө сөмын кывзыны... Васьө, сибөдчы!

ВАСЬӨ. Судза.

Юöны да сёйыштöны.

КЛАШӨ (*петө шөрө*). Пондісны сэн варгыны. Анна, вөтлав!

АННА. Пызан сайсьыс?

КЛАШӨ. Домасисны быттьө да. Толя, шызьөдлы. (*Йөктыштө.*) Шөвк чышгяна, сарапана... Васьө, лок, татчө быттьө колө зонмыс.

ВАСЬӨ. Адзөма зонмөс.

КЛАШӨ. Буретш, менлы вылө кө.

Толя ворсө. Йөктöны да сьылöны.

Шөвк чышгяна, сарапана,
Бывла вылын ветлөдлө.
Гөгрөс бана, кыз ситана,
Менсьым вежөс петкөдлө.
Шөвк чышгяна, сарапана,
Син водзын и пөртмасьө.
Дугды, мамө, лөвтны паныд,

Шуи кӧ, и гӧтрася.
Гӧгрӧс бана, кыз сӧтана,
Муса гӧтыр, сӧлӧмшӧр.
Кыз сӧтана, сӧ сӧтана,
Керка ӧдзӧсӧ оз тӧр!
Шӧвк чышгяна, сарапана,
Бшкӧ-пошкӧ, котӧртӧ.
Гӧгрӧс бана, кыз сӧтана —
Аслам синваӧй петӧ!

ЛИЗА. Важӧн нин эг серавлы.
ОПОНЬ. Тӧнад эськӧ, Лиза, гашкӧ, и воссьылас на серамыд да.
Эн ӧновтчы дай Анатолейсьыс.
ПОМАИДА. А тӧнад и оз?
ОПОНЬ. Оз нин артмы менам тӧнӧ мӧстӧ мозыд мелӧавны.
ПОМАИДА. А эн на тӧ видлы! Видлы да вӧлись шу!
ОПОНЬ. Но, тшынася да.
ПАРАМООНОВ. Перекур!

З а н а в е с

Мӧд юкӧн

Вӧчсьӧ сӧнӧ жӧ. Сӧмын дышӧдӧма нин ӧтчукӧрӧн пукавнысӧ да кодӧ кытӧн: кодкӧ посводзас тыдовтчылӧ, кодкӧ — пыдӧ вежӧсас.

Пызан сайын ӧтнас Иса Лиза, гыравыласьӧма да катласьӧ, нюркӧйӧд-лӧ куньтыра синмӧн.

Гашкӧ, воштгылі ме юрӧс,
Ньӧти ачымӧс эг кут.
Быдӧн виччысян ӧд бурӧс,
Быдӧн виччысян ӧд шуд.
Кодкӧ петӧ верӧс сайӧ,
Кодкӧ курыдсӧ оз тӧд.
А мен гажа рыгыс тайӧ
Быттьӧ сӧлӧм кырлан вӧт.

Пыдысь петӧ А н н а, тӧрмасьӧ.

АННА. Чай пуктылі да вунөді. Колөкө, сотчис нин пузбөдчаныс. (*Пырало инпөлас.*) Абу на тай эськө да. (*Матыстчө Лиза динө.*) Мый нө сэтчө шогө уськөдчин?

ЛИЗА. Сідз.

АННА. Лок пыдіас. Эсиян бара нин шпуткөны-а. Öтнад тан...

ЛИЗА. Мед. Менам велалөма нин өткөнсө кодавны. Кисьта вот да...

АННА. Кисьт, абу өд тай дзевөма. Киьд эм.

ЛИЗА. Ог, йөзыдлысь... ас кинад.

АННА. Он өд тай гусьон.

ЛИЗА. А-а... жөвйөдлө нин. (*Öвтыштө кинас.*)

АННА. Но и лок пыдіас да водыштлы.

ЛИЗА. Ог.

АННА. Мыйла он?

ЛИЗА. Öтдортчанныд жө мевсь-а.

АННА. Öтдортчас кодкө, ачыд кө он. Ачыд на тай... Шысяян кө, и поньялан. Кыгысь и лёкыд?

ЛИЗА. А кыгысь и бурыс? Ставсө нин пычкисны да... колхозлысь моз.

АННА. Лолыд өд коли на. Мамыдлөн сетлөмыс.

ЛИЗА. Сійөс Енмыс нин босьтас.

АННА. Енмыдлы... өти здук босьтнытө. А овнытө... гашкө, мыйта ва на кылалас. Толяыд кылалас и. Тадзтө!

ЛИЗА. Кыдзи?

АННА. Важ курыдтө нбылалөмнад.

ЛИЗА. Урсасис эсийө да... Ёмайдөыс.

АННА. Ачыд абу жө вежа. Öні тэныд керйөс моз колө кутны Толятө. Мед водзө оз кылав!

ЛИЗА. Кутан кызкө... потөм пыжнад.

АННА. Сідз на судзан, ловтө кө ломтылан. Овтөм керкаад коді пырас? (*Чөв усьлө.*) Узьлін нин ськөд?

ЛИЗА. Но, пиняв! Мен, гашкө, сійө и шедлі да.

АННА. Ланьт! Мортгыс овмөдчыны гаралө-а.

ЛИЗА. Овмөдчөмыд сьлөн... Төлыс на сійөс новлөдлө да.

АННА. А вот и сайөд төвсьыс! Бавгысьбөмыд сэтчө!

ЛИЗА. Мый нө колө вөчны?

АННА. Ачыд он төд?

ЛИЗА. Ог.

АННА. Юав, збыльысь он, шу, овмөдчы да мыйкө...

ЛИЗА. Мый?

АННА. Да месө, шу, код туйө öні тэныд.

ЛИЗА. Сетлөм бөрад.
 АННА. А мед эн на сетлы дай! Скөрмөдас сэтчө... Надеятөг
 нө көсьян овны?²
 ЛИЗА. Абу өд нин кага вайысь.
 АННА. А мый нө, гуө сюян?²
 ЛИЗА. Костас.
 АННА. Сэссия и матере?! Став вылас?! Он кө эськө чеччы
 да!.. (Пондылө чеччөдны.)
 ЛИЗА. Вөтлы!
 АННА. Со посводзыс, он-ө ыркалышт! Толяйд сәни и.
 ЛИЗА. Ачым төда. Сирасис сэтчө, кутшөма вөлі сьыла да!
 (Водзө сьылө. Анна тиөтти сюртчө.)

Өні меным ывла вылас
 Шонді югөрыс оз усь.
 Коді кытөн менө кылас,
 Кодлы ме моз войыс кузь?²
 Гашкө, матын, гашкө, ылын
 Кодкө өтка оло шань.
 Енмөй, Енмөй, висьтав сылы,
 Мый эм көнкө өтка ань.

Пыдысь петө П о м а и д а.

ПОМАИДА (очсыштө). У-ой! Вугыр босьтліс, да вөтаси и
 быдөн. Некод абу гортад нуөдысьыд.
 АННА. Мый вөтасин?²
 ПОМАИДА. Бытгьө тай көвтам Якө Опонькөд. Сійө дорө-
 сөдыс ветлө, а ме джуджыдінгтыс. А оз нө мөдарө овлы?² Скөрми
 да сьысь и садьми.
 АННА. Сідзкө, өтлаасьланныд на.
 ПОМАИДА. Ме ог-а!
 АННА. Инас кө вөтыд и?² Гортас пыртөдас Якө Опоньыд?²
 ПОМАИДА. Пыртөдас, ачыс нин вошласьө-а. Öнтая шуөмсө
 и вунөдас.
 АННА. Клашөыс нө мый вөчө?²
 ПОМАИДА. Ымзалө тай.
 АННА. Мыйыськө?²
 ПОМАИДА. Кольмөдча пө тай, лөз биөн пачөс тупка да.
 АННА. Кольмөдча ме сылы! (Пырө пыдіө.)
 ПОМАИДА. Тольөыд нө муніс али?²..
 ЛИЗА. Муніс! (Чеччө.)

ПОМАИДА. А со гудокыс да?
ЛИЗА. Юасян тай!
ПОМАИДА. Лөгав! Коркө өд потө сөптүд.
ЛИЗА. А тэнад и оз?
ПОМАИДА. Кыв ог шулы, мыйкө артмас кө Тольбөдкөд.
ЛИЗА. А оз кө? Бара шешмунлан?
ПОМАИДА. Шешмунла, ньоти нин жаяддзатом да! Посводзас
али кыгчө?
ЛИЗА. Мый сэсса, сэтчө да?
ПОМАИДА. Ысты Якө Опоньсө. (*Лиза петом бөрын.*)
Быгтбө и олом лолас кык откодълөн! Бур йөзыс вомонасьлоны-а.
(*Мунө инпөлас.*) Тшай вөлі висьталө да...

Пырө Я к ө О п о н ь.

ОПОНЬ. Сылөма нин кыгчөкө.
ПОМАИДА (*инпөвсянь*). Тани. Тшай кисьта ывсөдчысьлы.
ОПОНЬ. Ме тэнө ывсөдлө?
ПОМАИДА. А мый нө көсьылін, тшынася пө да? А кымы-
нысь нин сы бөрын петалин?
ОПОНЬ (*уьскөдө төд вылас*). Эг нө ме шулы, мися, оз нин
менама артмы тэнө мөстө мозыд мелавны?
ПОМАИДА. Мыйкө тэнад артмыліс! (*Петө инпөвсьыс кык
чашкаөн.*) Абу колөма кисьтны да. (*Пуксьө пызан сайө.*) Пуксьы,
дыр-ө сэн лашгылан!
ОПОНЬ. Но, горш косьманинө. (*Пуксьө орччөн.*)

Чурсйөдлөны чайсө.

ПОМАИДА. А ме вот, Опонасей... (*Чышкыштө синвасө.*)
ОПОНЬ. Мый?
ПОМАИДА. Вый тупыльөс моз эськө тэнө тапкөді, көсьысы кө!
ОПОНЬ. Менам өд эм жө кийд. (*Сывийыштө.*)
ПОМАИДА. Мун, турун нөбйыс кокныдджык!
ОПОНЬ. Бара сылы не сідз!
ПОМАИДА. А оз и ков тэнө матө сибөдны.
ОПОНЬ. Мыйла?
ПОМАИДА. Вөтаси да.
ОПОНЬ. Коркө кості?
ПОМАИДА. Вугыр босьтліс пыдіас. Быть өні пов.
ОПОНЬ. Мыйысь?
ПОМАИДА. Быгтбө тай көвтам ми тэкөд. Тэ дорөсөдыс
ветлан, а ме джуджыдінтіыс. Скөрми да сыысь и садьми.

ОПОНЬ. Но и мый сэсса?²
 ПОМАИДА. А ваыд абу на бур водзын. Синватё пычкас на.
 (Тільыштё синсё.)
 ОПОНЬ. А чериыс? Шедіс эз?²
 ПОМАИДА. Ме ог тёд.
 ОПОНЬ. Сэтшөма на и вөтасьөмыд.
 ПОМАИДА. Садьми да.
 ОПОНЬ. Шедіс кө, бур водзын-а. А ваас и коли көвтымыд?²
 Гашкө, мыйкө вөлі?²
 ПОМАИДА. Садьми, тэныд шуоны!
 ОПОНЬ. Но и гортад олан. Тэ ачыл, и ме ачым.
 ПОМАИДА. А ме нө вөзйыся?²
 ОПОНЬ. Он жө, быгтьө, меысь ылыстчы да.
 ПОМАИДА. Ог тай и өшөдчы.
 ОПОНЬ. А мед эськө меліалі? Мый понда кө?²
 ПОМАИДА. Сідз, бур вывсьыд.
 ОПОНЬ. Сідзтө өд... дышөдас жө.
 ПОМАИДА. Ок, дыш кучик!
 ОПОНЬ. А мый нө, он кө шедөдчы?²
 ПОМАИДА. Мый понда? Менсьым юасян-а?²
 ОПОНЬ. Но, мися, кык керка ломтам да... эськө өтиө на
 төрим-а.
 ПОМАИДА. Ю тшайтө, век эн ылав кытчөкө!
 ОПОНЬ. Эн ылөдлы дай. Сэтчө ни татчө, рытыс кольө-а.
 ПОМАИДА. Со, колөкө. (Топөдчылө да сывйыштлө.) Пе-
 ляд на окышта и, мед он забедуйт.
 ОПОНЬ. Ме өд верма жө. (Кутлө.)
 ПОМАИДА. Тырмас. Тырмас, мися! Ойя да, ныла-зонмаысь
 сэні кутіс ворсны! (Чеччө.)
 ОПОНЬ. Ныла-зонма и эмось! (Уськөдө улөссө.)
 ПОМАИДА. Кылас Аннаыс да... Гортад грымөдчы!
 ОПОНЬ. Лок! Отлаын!

Пыдыысь петө А н н а.

АННА. Мый нө сэтөн?²
 ОПОНЬ. Улөстө тай уськөді. Час, лэпта.
 ПОМАИДА. Ловья на Клашөыс?²
 АННА. Ен ськөд.
 ПОМАИДА. А мый и ымзалө? Эз висьтав тэныд?²
 АННА. Оньө Васьөос тай шуө, мед пө волас.
 ПОМАИДА. Сійөс эськө санөдлыны и колө да, Оньө Васьөтө.
 Дась код юрөн! Кымынөс тась мыльөсалис война бөрас!

ОПОНЬ. Война бõрад! Тырõма вõли вожа пунад да...

АННА. Тэ тай нõ эн горшась!

ОПОНЬ. Ме õд гõтыра нин вõли. Сыысь вывтi ёна он чеччав.

Сиктад нõшта.

ПОМАИДА. А ичõтикасõ?

ОПОНЬ. Ме ог тõд, гашкõ и... шыбõлитлис.

ПОМАИДА. Висьтав!

ОПОНЬ. Скõрман.

Помаида дузъялõ, шõйõвошõма.

АННА. Вай асьныд нин тi... (*Петõ посводзõ.*)

ПОМАИДА. Мыйысь скõрма? Мекõд водлiн?

ОПОНЬ. Водлi.

ПОМАИДА. Юр янõдысьыд тай эм! Кор?

Пырõ Õ н ь õ В а с ь õ.

ВАСЬÕ. Мый нõ Клашõыскõд лõма?

ОПОНЬ. Гажыс кõ бырõма-а.

ВАСЬÕ. Он нин мынлы сыысь. (*Пырõ пыдiõ.*)

ПОМАИДА. Кор водлiн?

ОПОНЬ. Кор тай Гудыр вожас пõрõдчим.

ПОМАИДА. Менõ эз нин вõрад ыстывны, эн сõр! Куим бõрдыс нин менам сэк вõли. Енвалид верõс да.

ОПОНЬ. Турун вайин вõвъяслы. А веж кõдзыд вõли, да турдõмыд, кывйыд оз артмав. Сэссия эн нин и пет вой улас. А ставõн õти баракын олим, да кытчõкõ он водтõд тәнõ торйõн. А ме содтыли õти пõв аслам нарийõ, да буретш и лõсялис. Лок тай, мися, тõран кõ.

ПОМАИДА. Сэтшõм водлõмыд! Эськõ гусьõн кõ-а.

ОПОНЬ. Пыр и тай сывкмуни. Мый кõtь вõли вõч.

ПОМАИДА. Эг тәныд и садьмы да?

ОПОНЬ. Чõв! Юрситõ кõtь вõли нетшкы-а.

ПОМАИДА. Сэссия и вõчин мыйкõ?

ОПОНЬ. Ог висьтав.

ПОМАИДА. Со тәныд! (*Ырõстõ.*) Мися, прамõй морт-а.

ОПОНЬ. Босьтi да тай жалитi! Абу колõма да. Эськõ ёна эн шваньяв õнi!

ПОМАИДА (*вашъялõ*). Опонасей, шоныд пасьõй, сьõлõм серти вурõмõй! Шваньялан, шуан, а пыртõдан кõ гортад, гашкõ, водзвылад на пыра. Со на ме кутшõм!

ОПОНЬ. Он тай и гõгõрволы тәнõ.

ПОМАИДА. Сійö и бур! Онджык öвсыы мейсь. Лок!

ОПОНЬ. Кытчö?

ПОМАИДА. Йöктöда, гудöк оз ков. (Йöктыштö.) Вöра-
лысь-вöралысь, пемыд вöрсö шöралысь. Отсав! Сибдöмыд сэтчö!
Час, выльысь.

Йöктöны сьылгтырайи. Вочасөн кылö музыка.

Вöралысь-вöралысь,
Пемыд вöрсö шöралысь.
Эв дыр кежлö бара мунан,
Лоöмыд тай вöралысь!
Вöралысь-вöралысь,
Нывъяс вылö скöралысь.
Ассьыд понтö сöмын тöдан,
Лоöмыд тай вöралысь!
Вöралысь-вöралысь,
Вай мен сюрсö йöралысь.
Эз и петав весиг нюмыд,
Лоöмыд тай вöралысь!
Вöралысь-вöралысь,
Абу öд тэ дзöралысь.
Со и тошкыд на оз быдмы...
Лоöмыд тай вöралысь!
Вöралысь-вöралысь,
Пемыд вöрсö шöралысь.
Коркö аслыд вöтөн уся...
Лоöмыд тай вöралысь!

ОПОНЬ. Лолöй тырис.

ПОМАИДА. Менам и эз?

Пуксьöны орччөн да нёровтчöны воча, ланьтöдчöны сывъяссьöмөн.
И пыдi вежöсас сэк тыдовтчöны Ö нь ö В а с ь ö да П а ш ö
К л а ш ö.

КЛАЩÖ (мездьсьö сойбордас кутчысьöмысь). Мынтöдчы,
шуöны! (БIрьыштчылö.)

ВАСЬÖ. А тэнад и эм? Кытөн он аддзы, сэтөн и кöвъясян!

КЛАЩÖ. А кöвъясьтöгыс он и öшйыв тэныд!

ВАСЬÖ. Öтнамлы нин меным овсяс! Дыр-ö сэн?

КЛАЩÖ. А меным оз!

ВАСЬÖ. Оз кö и, мöдöс корсь!

КЛАЩӖ. А тэ менӖ шышкалин! Тэ и вештысян!
 ВАСЬӖ. Шышкалис кодкӖ тэнӖ!
 КЛАЩӖ. Эн нӖ мырдӧн босьт?
 ВАСЬӖ. Дугды!
 КЛАЩӖ. Эг нӖ дзонь вӧв?
 ВАСЬӖ. Ме тӧда?
 КЛАЩӖ (*мынтӧдчӧ*). Сета ныр-вомад... пезлы! (*Сыркъ-ялӧ*.) Вузала мӧскӧс да юктала, кодӧ абу татысь, да мед кок уланыс и таялӧны! Став медальнад и весь! Немечыс, висьталӧны да, бурджыкӧсь вӧлӧмаӧсь. А тэ мый тан керсин, коммунист-стервоӧй?
 ВАСЬӖ. Коммунистас война вылын менӖ суйисны. И медальсӧ ставсӧ сӧтысь вайи. А локтӧ да пӧрдӧчи нелямын во, эг портпельӧн бротьяв мукӧдыс моз.
 КЛАЩӖ. Грамотаыд эз вӧв да, дерт.
 ВАСЬӖ. Вӧлӧ ли эз ли, а син гугтӧ эн петкӧдлы! Ме тэныд шулӧ гӧтыр кулӧм бӧрын. Мися, гашкӧ, идрасьны кутан воливлыны да «ойя да» и вӧлӧ воча кывийыд.
 КЛАЩӖ. А мый нӖ, кага видзан вайисны да? Ныв гозья. Эштылӧ ме сӧки?
 ВАСЬӖ. Эн эштыв, артмӧдчӧма кӧ вӧлӧ. Кагаыдкӧд ме на верми пукалыштны. Ачыд на сэн пытькырасин. Ӗнӧ сӧсся и арыштчин?
 КЛАЩӖ. Мырдья нӖ кодлыськӧ? Анналань ачыд?
 ВАСЬӖ. Некодлань. Дӧнзӧма нин тӧянысь!
 КЛАЩӖ. А ӧткӧнтӧ и ас вылад на дӧнзян. Да он кӧ кут вермыны горттӧ овны!
 ВАСЬӖ. Мед индомӧ нуӧны!
 КЛАЩӖ. Кыкысь эн шу! Индомад кӧ нуасны, ӧдий на вӧзйысьны кутан. Да — со! Ме тэнӖ босьта сӧки!
 ВАСЬӖ (*дзугыльтчылӧ*). Кыйсян жӧ эськӧ тэ, Клашӧ, да.
 КЛАЩӖ. А кыйтӧгыс нӖ шедӧ мыйкӧ?
 ВАСЬӖ. Мед эськӧ шуи ме тэныд...
 КЛАЩӖ. Ог тӧд, убӧлитан он.
 ВАСЬӖ. Абу ӧд игана, локтысь кӧ.
 КЛАЩӖ. Ог и пыравлы да!
 ВАСЬӖ. Ме олӧм вылӧ шуа.
 КЛАЩӖ (*топӧдчӧ*). А мыйла нӖ бӧрдӧдин?
 ВАСЬӖ. Абу и колӧма. (*Сывъялӧ*.)

Тапикасьмӧн ылыстӧны пыдӧ вежӧсас. Посводзъсь пырӧны А н н а
 да П а р а м о н о в.

АННА. Узьоны кө нин-а?
ПОМАИДА. Узяс кодкө!
АННА. Ланьтөмыдось да?
ПОМАИДА. Он өд чеччав, ачылд көнкө вошласян-а. Опонь, лэпты юртө!
ОПОНЬ. Меным нинөм нин оз ков.
ПОМАИДА. Но?! Со кытчө и воим?
ОПОНЬ. Пызан саяс, мися. Бөртиылд волас на тэныд.
ПОМАИДА. Мун, паськылд вом!
АННА. А Öньö Васьöыс да Пашö Клашöыс нö?
ПОМАИДА. Увгöны тай вöли, татчö кылö, а сэссия... Код төдас налысь. Сибалисны, буракö.
АННА. Мися, чай юам-а. Иван, пуксьы, төрамджык. Мед локтöны дай, кодлы колö. Менам висьталöма вöли. *(Мунö инпöлас.)*
ПАРАМОНОВ *(пуксьö)*. Якö Опонь, давай мы с тобой?! Два мужика?!
ОПОНЬ. Сьöкылд нин юрöйлы да.
ПАРАМОНОВ. По сизим грамм?!
ОПОНЬ. Тэкöд эськö позьö да, Иваныдкөд.
ПАРАМОНОВ. И я с тобой никогда не откажусь.
ПОМАИДА. А мекöд?
ПАРАМОНОВ. Так ты же сама... через дорогу со мной разговариваешь.
ПОМАИДА. Вида кө өд, ог на ёр. Мунан кө татысь, и жаль на.
ПАРАМОНОВ. Ну, так наливаю!
ПОМАИДА. Мун, асьныд нин...

Парамонов да Якö Опонь юöны. Анна вайö чай.

АННА. Вай выльысь кисьта тиянлы.
ПОМАИДА. Дундöма нин. Опонь кө оз?
ОПОНЬ. Тырмылас. Тшайтö.
АННА *(пуксьö)*. Кынмысьсöма посводзад.
ПАРАМОНОВ. Так вот же! *(Босьтлö суллясö.)*
АННА. Час, чукöрмам да.
ПОМАИДА. А мый оз и пыр Тольöыс?
АННА. Лизаыс на сулöдö.
ПОМАИДА. А вот, сьыв гудöктöгыс! *(И пондö сьывны, мукöдыс сы бöрся.)*

Йöзыс узьны водалö,
Личкө найöс ун.

А ме, коньөр, кодала,
Гортө ог на мун.

Йөктігтырйи съылышта
Томдырсяйи ног.
Курыда бөр ньылышта
Ортсө петысь шог.

Олөмтө көть олөма,
Он өд өшөд юр.
Сьөлөмылды колө на
Войт мында көть бур.

Өткаылды, аньылды,
Сибалөма нор.
Оз нө лөсяв каньылды,
Малалыштан кор?

Сюрас шудтө нуысьыд,
Корсьны оз на ков.
Абу тай вот шуысьыс,
Лок пө мекөд ов.

ПАРАМОНОВ. Так уж и нет?!

ПОМАИДА. А кодлы нө шулін? Шу Аннаыслы!

АННА. Да дугдөй.

ПАРАМОНОВ. А, может, и скажу.

АННА. Эн ышмы.

Парамонов шеньштлө кияссө. Варгөны да вочасөн лөньбөны. Посводзын тыдөвтчөны И с а Л и з а да В е т л а Т о л я.

ЛИЗА. Велалөмыд нин пышгьявнытө! Пыр!

ТОЛЯ. А эн юась дай быдторсө.

ЛИЗА. Тэ кутін юасьны да. Аслыд чушө, а меным и оз? Мед эськө ме чужи да томан сайысь эг на и петав, век на тэнө виччыси!

ТОЛЯ. А томансө тэ абу на төдлөмыд.

ЛИЗА. Вот и томнав, көсьян кө, мед некод сэсса эз вөрөд.

ТОЛЯ. Быть сылы гижасьны колө!

ЛИЗА. А мый нө эськө, юртө сиралан?

ТОЛЯ. Гашкө и, сирала.

ЛИЗА. Ог нуөд дона юрөс, ог! Кыгчө нин лысьтан петкөдлыны тэнө, зарни ёкмыльбөс?!

ТОЛЯ. А мый нө эськө пычкысян?

ЛИЗА. А тэ нө гындей моз косьян? Ме ордо сувтлін, сэсса мөд ордо, сэсса мунін дай?

ТОЛЯ. Олөмыс висьталас.

ЛИЗА. А менсьым öнi юасьö.

ТОЛЯ. Кодi юасьö? Эсiйö... милициясьыс?

ЛИЗА. Олөмыс! Кодi пö тэн Ветлö Тольöыс? Мый сiтла пö сiйöс лэдзин?

ТОЛЯ. Ачыд бöжтö лэпталін.

ЛИЗА. Чужья! Пон сейтöмöс!

ТОЛЯ. Тэ и сёна? Вольсьöма нин тэныд мортöдзыд.

ЛИЗА. А ме ачым на посьиься, вола ли ог-а. А тэ и кок улö он шогмы, пыр и варкалан. Бара сэтчö, нйит гуранас, и паськыси!

ТОЛЯ. Дерт, кодкö мыжа.

ЛИЗА. А мый нö, локтiн да, сёрнитiн? Öнтай на тани-а? Овмöдча да, видз-му босьта да... А петiн посводзас и ыркалiн? Садьö воин?

ТОЛЯ. Падмöдiсны да. Öнью Васьö, и то шуис, асьтö пö öд жугöдан жö.

ЛИЗА. А керкатö вузавны кодi чуйдiс? Вузавны кö пö эськö... кутшöмкö карсалы дача вылö... найö пö и сiсьсö ньюбöны... А ачыд нö, мися, кыгчö, да мый вочавидзин?

ТОЛЯ. Тани али мый сöмын олөмыс?

ЛИЗА. А тэныд некön абу! Дьшыд да наяныд и вöдитöны нин тэнö!

ТОЛЯ. А тэнад и сэтшöмыс вылö вежыд петö.

ЛИЗА. Сьöлышта! Тайöс кö вöли тöдöма... (*Чышкыштö син-васö.*) Вешйы син водзысь!

ТОЛЯ. А тэ нö кыгчö?

ЛИЗА. А öнi ме ыркалышта.

ТОЛЯ. Ыржав. (*Кöсiйлö пырны керкаö.*)

ЛИЗА. Көнi тавой узян-а? Он кö киссьöм пача гортад?!

ТОЛЯ. Көнкö öд.

ЛИЗА. Но и пыр, эн падъяв. Гудöктö ворсöд, а эн менö.

ТОЛЯ. А кольчча кö татчö? Уджыд сюрö.

ЛИЗА. Код ордо?

ТОЛЯ. Тэкöд мыйкөкери да.

ЛИЗА. Сэтчö и вежисны! (*Лигьшмунлö.*) Горш пыкöсыд... али кыгi письгiс, кыгөн вöли шаньыд?

ТОЛЯ. Дöзмöма нин йöзас. Он кö пурсьы, оз жö нинöм шед-лы-а.

ЛИЗА. А менö кодi жалитас?

ТОЛЯ. Шуан тай вөлі... гижасьомён.
ЛИЗА. Ог төд, ветлан он.
ТОЛЯ. Ветла, мый сэсся?!
ЛИЗА. А гижасьомнад тэнö и кутан!
ТОЛЯ. Кыдзи нö косьян?
ЛИЗА. Вөтлөмөн, сыысь тай полан!
ТОЛЯ. Позьö өд и... бур ногөн.
ЛИЗА. Бурнад быдтор позьö. Пыр, воштисны.

Тайö сёрни чöжыс керкаын пукалысьяс вермасны гораджыка шыась-
лыны. Ылөсас татшөм кывъясөн.

ПОМАИДА. Опонь, эськө унмовсьлан кө!
ОПОНЬ. А таво гожом ва вылад эг нин петав.
АННА. Номсасьоны, оз сёйны-а.
ПАРАМОНОВ. А люблю я твою капусту, Анна!

В е т л а Т о л я да И с а Л и з а п ы р ö н ы керкаö.

ПОМАИДА. Му сюръя али мый сувтөдінныд, сы дыра сэн..?
ЛИЗА. СувтөдİM. Оз кө пород төлыс.
ПОМАИДА. Эсиян сэтчö ланьтисны и. Анна, чукöст!
АННА. Асьныс петасны.
ПОМАИДА. Петасны коркө, водисны нин, колөкө-а! (Чеччö.)
Вуграв сэсся на вöсна тани. (Восьтыштö пыдi öдзöссö.) Узянныд
али оланныд?
КЛАШÖ (пыдисянь). Олам.
ПОМАИДА. Битөмөсь да?
ВАСЬÖ (пыдисянь). Гажаджык.
ПОМАИДА. Он кө эськө петöй сэсся!

П а ш ö К л а ш ö да Ö н ь ö В а с ь ö петöны.

ПОМАИДА. Чöсмылөмаось абу!
КЛАШÖ. Мый? Кытi? (Лөсьöдчыштö.)
ПОМАИДА. Руаланныд тай кыкнанныд.
КЛАШÖ. Быдтор эн аддзы!
ВАСЬÖ. Вежыс петö.
ПОМАИДА. Петтөг оз ов. Парамонов, кисьтав, тадзтö асьтö
тшötш удзөдан.
ПАРАМОНОВ. Все в сборе! Такое было условие. (Кись-
талö.) Давайте за Анну! Кузь нэм да бур шуд! Лучше не ска-
жешь.

ПОМАИДА. Любoв да сoвет!

АННА. Кoдкoд?

ПОМАИДА. Сo тaй oрчoн.

АННА. Эн янoдчы!

ПОМАИДА. Сo oд... бурсьид нин лoгасьo!

АННА. А ыджыда на колo меным лoльштны Иваньид водзын.

И oвсьы сэсся.

ПАРАМОНОВ. Дaвaйтe прoстo — зa Анну!

ПОМАИДА. Нo, вaйo! Ен мeд видзo!

Тoчкьсьoны дa юoны.

КЛАШO. Тoлa, aбу кo дыш?

ЛИЗА. Дьшыслы ньoр!

ТОЛЯ. Асьныд эн мудзoй-а. (*Босьтo гудoксo дa вoрсo.*)

Йoктoны дa сьылoны.

Кoдлыкo син улac усян,
Виччысьтoг кoзьнaлac нюм...
Сэки и вoсьылaн гусьoн,
Бытьбoкo вaдoрсa гум.

У н а ы с ь:

Муслуньид вoлo и oз.
Сьoлoмьид сьылa и пoз.
Кoсьян кo, вoлac-а,
Видзaн кo, oлac-а,
Он кo и — oз!

Муслунтo дoйoс мoз кьлaн,
Пeжaвны сийoс он сeт.
Мeдтькo сoмын он ылaв,
Мoрт шoрo вeськaлaн мeд.

Нинoмoн aсьтo он бурoд,
Он кo тaй мусaн лo.
Oткoдь вeк синвaйд курьид,
Кoльo кoть сьы мьндa вo.

КЛАШO. Тoлa, гудoкaв, гудoкaв, этшaджык бьзгacны.

ВАСЬӦ. Томӧн ӧд асьсӧ чайтӧ.
КЛАШӦ. А съӧлӧмыд век ӧти! Ӧнӧ эськӧ тай вежӧны пӧ да.
ПОМАИДА. Менсьым кӧ эськӧ кокъясӧс вежисны?!
ОПОНЬ. Сэсся мый?
ПОМАИДА. Ёна и вотчи на да.
КЛАШӦ. Толя, эн кывзы налысь.

Ветла Толя ворсӧ, съӧлӧны да йӧктӧны.

Ойя да, ойя да,
Вӧлі югыд воя да.
Вӧлі югыд воя да,
Кодкӧ небыд соя да.

Ойя да, ойя да,
Съӧлӧмыд век доя да.
Съӧлӧмыд век доя да,
Кодкӧ небыд соя да.

Ойя да, ойя да,
Шогсӧ шогӧн коя да.
Шогсӧ шогӧн коя да,
Кодкӧ небыд соя да.

Ойя да, ойя да,
Став олӧмӧс лоя да.
Став олӧмӧс лоя да,
Кодкӧ небыд соя да.

ПОМАИДА. Виасны татчӧ, лолыштнытӧ оз сетны.
ОПОНЬ. Некод эськӧ тӧнӧ оз петкӧд чивкъявнысӧ. Менӧ тшӧтш
лешмӧдан!

ПОМАИДА. Чивкъяла, муртса нин кокӧс кыскала-а! Толя,
энлы на, энлы. Мый сэсся, олысь али мунысь?

ТОЛЯ. Олысь.

ПОМАИДА. Вьяль керка кӧ лӧптан, ме нитштӧ перья!

ПАРАМОНОВ. А я знаю... летом ещё приметил, когда за
моршкой ходили... на Ыджыд нюр... там по дороге... сосен двести
можно взять!

ЛИЗА. Мыйкӧ... куштӧны нин кыйтӧм съӧласӧ!

ПОМАИДА. А кыйтӧгыс ӧд... тшак пуан! Овны ськӧд
лӧсьӧдчан, а сувтӧмыд да ӧлӧдчан. Гӧтырыд ӧд мед... ӧдӧм кодъ
верӧсылды... лун и вой тӧрӧщитӧ!

ЛИЗА. Төрөщитан өні кодөскө. Сідз на пон моз орөдчөны-а.
ПОМАИДА. А сідзтө кө и!.. (Пыркөдө юрсө.)
КЛАШО. Толя, асьтө куштасны, он кө дугөд. Ворс!

Ветла Толя ворсө.

АННА. А вайө пуксьылөй на.
ПОМАИДА. Мунөй нин, шу! (Пуксьө.)
АННА. Абу өд клубынөсь. Ог томнась.
ПОМАИДА. А пуксян да, и думайтсьө на.
АННА. Мыйкө?
ПОМАИДА. Шуин тай, ыджыда на пө колө меным лолышт-ны Иваныс водзын. Овсьөдін менө и. Сідзкө, соссян на мыйкө.
АННА. Сосся, пыр на гусьөн олі да!
ПОМАИДА. А мыйөн нө эськө мыжмин?
АННА. Быттьө оз төд!
ПОМАИДА. Ог. Он кө лючки висьтав.
АННА. Эг нө ме пөрөдчы жө? Оньө Васьöлы на вөлі мукөд лунас ог сетчы! А сэсья... партияө сүйисны да...
ПОМАИДА. Эз өд тюрмаө!
АННА. А видлы вөлі сэки... ыстөм саяд петнытө... билетаыдлы... Тюрма оз ков! Аддза эськө, абу шыбитана мортыс... ачыс мелань и... да он лысьт, оз позь! Петыр Катьöлы и веськаліс сэсья! А ме лягуша моз авзі на сэтөн, быттьө мустөмысь мыні. Купшөм синмөн ме өні?... (Ырөстө.)
ПАРАМОНОВ. Анна, успокойся. На тебя у меня никакой обиды. И тогда... почти не было. Я же понимал!
АННА. Косявла вот да! Кыгчө и пуктылі?!
ВАСЬО. Партбилеттө али мый?
АННА. Мыйкө өд ог?! Сы понда став олөмөс пежалі да.
ВАСЬО. А бергөдчылас кө на... власьтыс?
АННА. Тэ пов!
ВАСЬО. Менам өд... лыда во жө нин.

Чөв усьлөны.

АННА. А пуксьылөй на. Со тай эм на сигөртаныс. Иван, кисьтав.
ПАРАМОНОВ. Якө Опонь, скажи на посошок!
ОПОНЬ. Мыйкө ме кужа шуны. Садьтө кө төдан, быдөн на морт.
ПАРАМОНОВ. Вот именно!

Точкысьёны да юёны.

ПОМАИДА. Мыйлакё тай пöрысьман?! Толя, сьылöд, дай мунам сэсся.

Ветла Толя ворсö. Сьылöны сувталöмөн.

Мый и пöрысьыдлысь босьтан,
Енлы кö нин видзан лов.
Асывнас кор синтö восьтан,
Сыысь бурыс оз и ков.

Эськö татшöмось эг вöлйö,
Быдөн коркö вöлі том.
Мырдөн вöтлан коньöр вöлөн
Рöдтіс оломыс и — пом.

Ваймём сьöлөмтö он такöд,
Выльысь песты бипур ног.
Регыд мунам шойна ягö,
Кыгысь некод нин оз лок.

Райö веськалам-ö-адö,
Некод висьтавны оз куж.
Сöмын шогыд вой шöр кадö
Усьö-усьö, быгтьö пуж.

Мöдöдчöны гортаныс. Коді кисö Анналысь кутлö, коді сідз мыйкö шуö вомгорулас.

АННА. Пасибö, волінныд!

ПОМАИДА. Ачыд водзлань.

Ставөн мунöны. Анна кöсийлö идрасьны и нюкырмунö, пуксьö да шыгöг сьркъялö. Пырö П а р а м о н о в.

АННА (чеччö). Мый нö, Иваныс?

ПАРАМОНОВ. Анна, ты меня знаешь. Если ты скажешь, то никуда я отсюда не уеду. Ну, съезжу к сестре, а так вернусь!

АННА (воца локтö). Ачыд кö он... öтдорт.

ПАРАМОНОВ. Да ты что, Анна?! (Топöдчöны.)

ПОМ

НИМТӨМ ГӨТЫР

Ичөтик теш

Г. Корычевлөн висьталөм серти

В о р с ы с ь я с:

СИКТСӨВЕТСА ГИЖЫСЬ ЯРӨ ЗАКАР

Пызан сайын пукалө сиктсөветса гижысь, еджыд ковтаа да гөрд чышгыяна. Пырө Я р ө, пон ку шапкаа.

ЯРӨ. Суи на кө-а?

ГИЖЫСЬ. Суин на, суин. Пуксы, шойччы. Могон, көнкө?
Ваньө грездяньыд сідз эн на пет.

ЯРӨ (*пуксьө, пөрчө шапкасө*). Ньоти өд кок эбөсөй эз ло. Лунтыр локті. Кымыныськө пуксьылі жө. Час, лолос көть либө личөдышта, он на кө тэрмась.

ГИЖЫСЬ. Ог на, ог. Виччысьла. Миян уджыс сэтшөм, Советсайдлөн — туйдөдны голь йөзсө. Абу өд важ власьтыд. Коймөд во нин асьным ыджыдъясыс.

ЯРӨ (*видзөдлө Ленинлөн портрет вылө, коді өшалө гижысь сайын, стенас*). Тайө, гашкө, и Ленинд? Век тай гаралөны. Сартө эз сэтшөма казътывлыны.

ГИЖЫСЬ. А мый бурьсь вөлі сійөс казътывлынысө?

ЯРӨ. Полан жө өд вөлі.

ГИЖЫСЬ. Коді поліс, а коді и эз.

ЯРӨ. Сідз, дерт, чөвтисны кө. Оні нө сэссия коді, Ленинд сы пыдди?

ГИЖЫСЬ. Некод пыдди сійө абу, ас пыддиыс сійө. Голь йөз доp сулалысь, голь йөзөн и лэптөм да пуктөм.

ЯРӨ. Мича паськөма жө да, абу голь кодь.

ГИЖЫСЬ. Паськөм вылад тэ эн видзөд. Ветлөм-мунөм морт сійө, ыджыда велөдчөм и. А сьөлөмыс уджалысь вөсна висьө, оз дась нянь сөйысь вөсна. Рабочөйяс да крестьяна пө медым бура олсны. Та понда и революция вылад ышөдіс.

ЯРӨ. Ме ог төд, мый понда. Йөзсө тай ёна нин шөтісны-а.

ГИЖЫСЬ. Ковмас кө, и шотасны на.

ЯРӨ. Тэ тай зэв збой сёрни вылад, ачылд баба-а. Бытгтё Питирё ветлөмыд.

ГИЖЫСЬ. Ветлөма и сэтчө. Первой кага видзи, а сэсса фабрикаын уджалі.

ЯРӨ. Рочөн кужан и?

ГИЖЫСЬ. Кутшөмасөкө өд кужа, дерт. Пеляыд да кывъяыд мыйөкө велалан жө. Гижны да лыддысьны бур йөзыс велөдісны и.

ЯРӨ. Öнi, гашкө, тэ и юралысьыс сиктсөветас? Оз тай нө эськө вөлі тэнө висьтавын?

ГИЖЫСЬ. Ме абу. Ме сөмын гижысь, секретар ме.

ЯРӨ. Тырымөн бабаыдлы. Тайө на, гашкө, вывгi-а. Тiанөс дом йывсьыд кө лэдзлан... кутгөм нин сэсса лоө! Төдан он, мый важ йөзыс шулөмаөсь? Понтө пө окышт и малышт, а бабаыдлы пө и кабырыд любө.

ГИЖЫСЬ. А ми пом пуктам татшөм увтыртөмыслы. Оз ло сэсса тадзи, кыз тэ шуан. И нывльсь вөля кутны некод сэсса оз лысьт. Коді муса, мед сы сайө и мунас.

ЯРӨ. Муслунтө этша нулан. Мыйкө өд и сөйны ковмас, өтлаасян да. Кутшөмкө лэбулө юртө сөйны и.

ГИЖЫСЬ. А йөй зонтө өд, кодлөн некытчө сямьс абу, нылыд оз жө кут радейтны. Али джын юрабн чайтан нывъяссө?

ЯРӨ (*өвтыштө кинас*). А-а, олой кыз гажыл, менам ассөым пайөс олома нин.

ГИЖЫСЬ. Вот тадзи мед и шуин, а то кытчөкө важас пондылін кыскыны. Мый нө, кутшөм мөгөн Ваньө грездяньыс? Поводдясө урсавны али мый петін? Абу өд төв.

ЯРӨ (*дзебыштө шапкасө*). Юрөй кынмө, ичмоньөй, юрөй. А могтө, юалін да, висьтала жө. Отсөг, мися, оз-ө позь кыськө? Гозья өд колим. Кувны — ог на кулөй, а сөйнытө век со колө дай.

ГИЖЫСЬ. Татшөм отсөгтө ми коть эськө и зэв сьөлөмсянь, да огө вермөй. Карө колө гижны.

ЯРӨ. А вай и гиж либө, грамотнөйөн кө висьтасян. Пиөй Гөрд Армияын. Тасянь муналі Польскөй пронт вылө на. Ичөтыс бытгтё тайө. А ыджыдыс усьлі дай. Германскөй вылын на. Вердысьястөг гозья со и колим. Энө жө кедзөвтөй, поэяна кө. Ог өд тай уна кор.

ГИЖЫСЬ. Мыйла абу поэяна?! Совет власьтлысь коран, он кутшөмкө озырлысь.

ЯРӨ. Сийөс тай и шуа. Тайө власть пондаыд жө өд ичөтыс көнкө воюйтө.

ГИЖЫСЬ. Төда. Ачым карөдз муниганыс колльөді. И мый доброволөчөн муни, сийөс тшөтш гижам.

ЯРӦ. Гиж-гиж. Буртӧ ӧд ог жӧ вунӧд. Коркӧ черитор пыртышта, вермыла кӧ ва вылас петавны.

ГИЖЫСЬ. А вот таысь ме и скӧрма! Тэ кодӧн менӧ чайтан? Попӧн али урадникӧн? Ме, локтан кӧ черинад, асьтӧ и черитӧ кигуг ӧвтышта. Тадзи и тӧд! (*Заводитӧ гижны.*)

ЯРӦ (*гыжйыштӧ пель сайсӧ*). Тянкӧд и овнытӧ на он куж. Куш пасибӧбӧд ӧд, важ ногӧн кӧ...

ГИЖЫСЬ. Миянлы и пасибӧбыс буретш. Ми — Сӧвет власьт! Гӧгӧрвоин?

ЯРӦ. Коркӧ ӧд гӧгӧрвоа жӧ. (*Видзӧдӧ гижӧм вылас.*) Менӧ гижин нин? Нимӧс да овӧс да? Али висьтала? Ярӧ нимӧй. Игӧ Ярӧ. А овӧй Сивков.

ГИЖЫСЬ. Тӧда, тӧда. Ме ӧд Ваньӧ грездад вольвлӧ ичӧт дырйи. Косясьӧмтӧ на коркӧ аддзылӧ. Иван лун дырйи. Потшӧс майӧг пондылӧн перйыны.

ЯРӦ. Быдтор вӧвлӧ. Бур олӧмсӧ сӧмым эг аддзыв.

ГИЖЫСЬ. А вот гӧтыртӧ и ог бура тӧд. Кызди гӧтыртӧ шуӧны?

ЯРӦ. Ярӧ гӧтырӧн. А кыздз сӧсся?!

ГИЖЫСЬ. Ярӧ гӧтыр ӧд татчӧ он гиж. Нимыс колӧ!

ЯРӦ. Ним колӧ кутшӧмкӧ пӧрысь бабаыдлы. Он ӧд салдатӧ босьтӧй. Гӧтыр и гиж.

ГИЖЫСЬ. Мед йӧйӧн чайтасны тэа-меаӧс? Сэн ӧд, карад, лыддыны тайӧс кутасны. Кызди гӧтырыдлӧн нимыс? Кызди чукӧстлан?

ЯРӦ. Кызди чукӧстла? Гӧтырӧн и чукӧстла. А кыздз сӧсся?!

ГИЖЫСЬ. Да ӧд тӧдан жӧ гӧтырыдысь нимсӧ? Аслад гӧтырыдысь!

ЯРӦ. А вот ог, да мый сӧсся?!

ГИЖЫСЬ. Думыштлы, нокӧ, думыштлы. Коркӧ ӧд, колльӧдчылігад, нимнас жӧ шулӧн.

ЯРӦ. Ми эг колльӧдчылӧй. Некор вӧлі мен колльӧдчынысӧ. Пыр батӧ уджӧдіс, а сӧсся гӧтраліс дай.

ГИЖЫСЬ. Да ӧд кутшӧмкӧ ним эм жӧ гӧтырыдлӧн?

ЯРӦ. Дерт, эм, крещенной да. Абу пыртлытӧм. Абу венечтӧм ни.

ГИЖЫСЬ. Вунӧдін али эн и тӧдыв нимсӧ?

ЯРӦ. Коркӧ эськӧ тӧдлі жӧ да.

ГИЖЫСЬ. Анна? Катерина? Ӗльӧксандра?

ЯРӦ. Абу.

ГИЖЫСЬ. Павла? Парук? Матрена?

ЯРӦ. Абу.

ГИЖЫСЬ. Дарья? Домна?

ЯРӦ. Абу, абу.
 ГИЖЫСЬ (*нерыштӧ*). Абу, абу! Ньӧти жӧ нин абу радейтлӧмыд
 гӧтыртӧ.
 ЯРӦ. Мый пӧ сійӧ и радейтӧмыс?!
 ГИЖЫСЬ. Меліасьӧм.
 ЯРӦ. Коркӧ ме эштылі меліасьны.
 ГИЖЫСЬ. Кысь нӧ сэсся либӧ пияныд? Али абу аслад?
 ЯРӦ. Аслам жӧ эськӧ да.
 ГИЖЫСЬ. Косявла вот бӧр. Отсӧгтӧгыс олан.
 ЯРӦ. Час, энлы на, энлы. Петала сиктас да юала.
 ГИЖЫСЬ. Код нӧ тэныд тан висьталас, ачyd кӧ нин он тӧд?
 ЯРӦ. Пильӧ Закар и висьталас. Вӧтлысьліс коркӧ сы бӧрся.
 Быд праздник вӧлі локтӧ Ваньӧ грездад, гудӧксӧ воысалас да.
 ГИЖЫСЬ. Гӧтырыд бӧрся вӧтлысьліс?
 ЯРӦ. Эз на сэк вӧв менам гӧтыр. Ныв на вӧлі. Бӧрас ме сайӧ
 сетісны.
 ГИЖЫСЬ. Мырдӧн?
 ЯРӦ. А кӧть кызд сэсся шу. Сетісны тай-а. Закарыс эськӧ
 ыршасьліс жӧ менӧ мыйкӧкерны, да катаргасьыд, буракӧ, поліс. Но
 мед, мый вӧлі — вӧлӧма...
 ГИЖЫСЬ. Коньӧр, кӧнкӧ, ёна и бӧрдліс гӧтырыд?
 ЯРӦ. Гортын эз. Карта улысь тай вӧлі кывла-а. Кор мӧс
 лысьтныны лэччас.
 ГИЖЫСЬ (*ышловзвӧ ыджыда, видзӧдлӧ ӧшиньӧ*). Со
 Закарыд буретш мунӧ кытчӧкӧ. Чукӧстла ог?
 ЯРӦ. Чукӧстлы. Ӧні нинӧм нин повны.

Гижысь петалӧ да здук-мӧд мысти бӧр пырӧ **З а к а р к ӧ д**.

ЗАКАР. Кодлы нин ковми?
 ЯРӦ. Меным, Закар, меным. Тӧдан он, коді ме?
 ЗАКАР. Тэно нӧ, Ярӧос, мый ог тӧд. Коркӧ на ыджыд бурсыыд
 пель бокад вуштгыштли. Али вунӧдін нин?
 ЯРӦ. Аслыд эськӧ кӧсйылі жӧ, да майӧгыс дыр эз шед.
 ГИЖЫСЬ. Бара косьӧ воий! (*Ярӧлы.*) Вай юав, мый вӧлі кӧсьян.
 ЯРӦ. Юавтӧг ог ов. Закар, тэ ӧд радейтлін менсьым гӧтырсӧ?
 ЗАКАР. Век на али мый вежӧктан? Бур йӧзсьыс яндысь!
 ЯРӦ. Ог нин. Нимсӧ вунӧді, Закар.
 ЗАКАР. Тэ бара вунӧдан! Морт туяс эн и видзлы коньӧрӧс.
 Босьта вот шошаӧдыд да урӧс каньӧс моз...
 ЯРӦ. Бара сэтчӧ пузис!

ЗАҚАР. Скөрман өд тә коддьом вылас. Төдан, мустөмтө тәнө
нылыс, а ваян. Быттьө эн нин вермы батъыдлы паныд кыв шуны.

ЯРӨ. Шулы вөлі сәки! Эськө му ни, видз ни — корысьөн
ковмис гортись петны. Менө гөгөрво жө!

ЗАҚАР. Гөгөрвоа ме тәнө, нимсө нин со аканьлысь вунөдөмыд-а.

ЯРӨ. Акань кутшөмкө квайтымын вит арөсаыс.

ЗАҚАР. Коркө өд и кызь арөса вөвлі. Аканьсьыс на акань!
Вирыс вөлі ворсө, синмас быттьө чери сьөм вөлі дзирдыштлө, и
нюмыс вөлі кокни артмө, оз мукөд нылыслөн моз пычкөмөн.

ЯРӨ. Вот и висътав нимсө, век на кө радейтан. Сылы өд отсөгыс
колө жө. Карө со ичмоньыс көсийө гижлыны, а нимсө огө төдөй.

ЗАҚАР. Кывйөй оз бергөдчы тэныд висътавнысө.

ЯРӨ. А эн и меным, сылы висътав.

ГИЖЫСЬ. Меным висътав, Закар дед, меным.

ЗАҚАР. Дора. Митрадора, вичко ногөныс кө. Он өд вунөд!
(Ярөлы.) А тә эськө сән! (Брыштчылө.)

ГИЖЫСЬ. Косьө эн воий-а.

ЗАҚАР. Воан өд татшөмыдкөд.

ЯРӨ. Во! Нимсө тай висъталін-а. (Чиктылө.)

ГИЖЫСЬ. А, ноко, мед вөлі ланьтөма!

З а н а в е с

КЫК ВОК

Öти торъя драма

В о р с ы с ь я с:

ГРИГОРИЙ
МИХАИЛ
АГНИЯ
МАНЕФА
КАПИТОН

Сиктса керка пытшкös. Кык öдзös — посводзянь пыран, мöдыс — пыдi вежösö. Агния лöсьöдö пызан.

АГНИЯ. Аттö, сола тшакыд и эз ло. Манефалөн эськö, буракö, эм на да. Оз öд вот пырав, кор колö.

Пырö М а н е ф а.

Сöмын казътышт сийös.

МАНЕФА. Мый нö?

АГНИЯ. Вайышт сола тшактö.

МАНЕФА. Вайышта. Телевизор дораныд тай быд рыт жö вола.

АГНИЯ. Век öд артасьö. Сыысь öд ми дон ог на босьтö.

МАНЕФА. Но сiдз вайышта. А кодкö нö воис али мый — пызан лöсьöдан?

АГНИЯ. Гриша воис.

МАНЕФА. Горгад вот кыскö жö.

АГНИЯ. Кыскытöг оз ов. Сэсса öд и вок на эм.

МАНЕФА. Сийös тай и шуа. А эг тай нö эськö ме воёмсö кывлы? Подөн али мый локтис?

АГНИЯ. Мир туй вывсыньыс подөн.

МАНЕФА. Мися, эг кывлы машина шысö. А көнöсь нö?

АГНИЯ. Пывсыны лэччисны кык вок.

МАНЕФА. Дась пывсянад и ме лэччыла.

АГНИЯ. Лэччыв, öдйыс и ваыс на тырмас.

МАНЕФА. Ме сiдз шуи. Быдтор пыдди эн пукты. А мыйкö... Григорейыд пö öни мян район вылас ыджыдыс? Эбыль али мый?

АГНИЯ. Мый нö коть! Чуйдöмаось — и бöриймаось.

МАНЕФА. Кодi чуйдöма?

АГНИЯ (*дөзмөппырысь*). Кодкө, бур йөз. Мөдас юасьны, да помыс оз волы.

МАНЕФА. Пыр и өд дөзмас! Ог кө эськө вот вай сола тшактө и.

АГНИЯ. Ёна тай!

МАНЕФА. Да өд ме сідз шуи. Час, петала. (*Көсйылө нин петны, но оз на.*) Этйө... но... Капитон тані жө. Абу кө пө вөтлөмаось удж вывсьыс?! Эз на волы тьянө?

АГНИЯ. Эз.

МАНЕФА. Волас на бара, кывлас кө Григорейтө. Портпеля удж корны.

АГНИЯ. Кодкө сетас сылы, некытчө морттуйыс абу да.

МАНЕФА. Вөлі кө өд, ошйыліс кытчөкө дырджык кежлө. Грамотаыс сәсыя понлөн мында жө дай — увтны сөмын. (*Мыйкө көсйылө на висьтавын, но мөвпыштө да петө.*)

АГНИЯ. Волас да манитас сөмын. (*Помалө лөсьөдны пызансө.*)

Пыроны Г р и г о р и й да М и х а и л.

ГРИГОРИЙ. Уф, бура и пывсим. Аттьө, Агнуоша.

АГНИЯ. Коқни сьөлөмөн, сідзкө, кызд ыджыд айө мян шульвліс.

ГРИГОРИЙ. А сідз өд и эм. Мудзны — мудзан, а сьөлөмылды сэтшөм кокни!.. Коми пывсяныд коми пывсян на! (*Чөв усьлө.*) Не кө Миша...

МИХАИЛ. (*серам пыр*). Мый ме?..

ГРИГОРИЙ. Кыкысь тай вөтлылін. (*Агниялы.*) Кояс, да лолавнытө нинөмөн лолө. А сылы быттө веськодь — швачөдө сөмын.

МИХАИЛ. Пывсьыны кө — пывсьыны, а не кө — и не. Кыдз батьөыд шульвліс.

ГРИГОРИЙ. Сідз эськө да. Быттө тай...

МИХАИЛ. Мый?

ГРИГОРИЙ. Скөралан мыйыськө.

АГНИЯ. Скөралө, скөралө. Сессия вывсьыд гуысь вөтлөм ош кодь воис.

ГРИГОРИЙ. Эз тай и кольччы, узьтөда вөлі да. Вой улас муніс.

МИХАИЛ. Вай, Гриш, огө кутөй өні та йылысь. Пуксьы. (*Индө пызан дорө.*) Туй вылысь, буракө.

АГНИЯ (*нерыштөмөн*). Татшөм пызан саяд! Медтө эськө вот водзвыв, Гриша, юөртін, мый волан.

ГРИГОРИЙ. Аддзөмыд тай шог. Эг өд пир вылө лок.

МИХАИЛ. Пуксьы, менө тшөтш тшыгйөдан.

АГНИЯ. Неважён на эськө пывси да. Лэччыла жö юр мыськавны. (*Петигас нин.*) Мыйкө... Манефа сола тшак көсийс вайыштны. Тшöтш видлөй. (*Петö.*)

МИХАИЛ (*пуксьö пызан дорö*). Вай сибöдчы. Абу öд йöз ордын, гортад на воин, сідз кө нин шуны.

ГРИГОРИЙ (*пуксьö*). Сійö öд и эм! (*Ышловзёö, сэсса серöктö.*)

МИХАИЛ (*вина доз восьтигмоз*). Пач кунлөсад дзёбсьылöмьд али мый дум вылад уси?

ГРИГОРИЙ. И сійö тшöтш.

МИХАИЛ. Мыйкө жö ме корси сэки тэнö. Öдва и сюрин.

ГРИГОРИЙ. Шыаси да, дерт.

МИХАИЛ. Дзик бубуля кодь петін. Менö жö сэсса мамöйд и ньөрьяліс. (*Кисьталö винасö.*)

ГРИГОРИЙ. Тэ öд ыджыджык вöлін, позис öлöдны менö сэтчö пырёмсьыс.

МИХАИЛ. Ме нö мыйön тöді, мый сэтчö дзёбсян? (*Серальштö.*) Но, вай босьтлы. Вокъяс кө, мед збыльысь вокъясон лоны! (*Чургöдö румкасö точкысьны.*)

ГРИГОРИЙ. Эг гөгөрво. Дойдсис али мый кызкө менам тэнö?

МИХАИЛ. А сессия вылад нö?! Быгтьö эз нин позь метөг? Медводз дөжньштін.

ГРИГОРИЙ. Видан туяс эн во дай, кыз мамöйд шульыліс.

МИХАИЛ (*мөвпалö*). Эг нин көсийыс, да бара на шыасис. Эновтам. (*Öвтыштö кинас.*) Абу тайö талунья сёрни.

ГРИГОРИЙ. Абу кө, и абу. Вай, тöдан, мый вöсна юам... Мед век асьнымön лоны! Мед тöдчим ыджыд олөмас! (*Точкысь да юö.*)

МИХАИЛ (*матыслö нин румкасö, но оз ю*). А эг öмөй нö öнөдз асьнымön вöлөй? Эг öмөй нö тöдчылөй?

ГРИГОРИЙ. Эгö век. (*Майшыштчö.*) Сэтчö жö менам и вайöдсис. Öнi сэсса тэ крукасян.

МИХАИЛ. Час юа нин öти сайысь. (*Юö.*) Ми — салдатгяс, вокö! Содтöд — гурд билетаось! Мый тшөктасны, сійос и лоö вöчны.

ГРИГОРИЙ. Тшөктасны кө, сотан керкатö?

МИХАИЛ. Сота. Но мыйла тэ татчö бергöдан?

ГРИГОРИЙ. А сыла, мед тэ гөгөрвоин, мый тэнад аслад танi эмьшт. (*Иньмөдчö чуньнас кымöсас.*)

МИХАИЛ. Йөйön али мый нин менö чайтлін?

ГРИГОРИЙ. Эг.

МИХАИЛ. А мый нö эськө либö тадзи?..

Пырö М а н е ф а, киас сылөн доз, код вылө пуксьöдлөны кагаясöс.

МАНЕФА. Григорей, сёшайт, воома!
 ГРИГОРИЙ. Вои, Манефа тьотка, вои. Дыр на овны тэныд!
 МАНЕФА. Кувтөдз өд век ола. Эдروвайта коть вай бур кывьсыд. (*Киасьö Григорейкөд.*) Микайлö, тэкөд тшöтш нин либö, луннас на эськö паныдасьлим да. (*Киасьö Михаилкөд.*) Ме сола тшак вайи. Агнушаид корис да.
 МИХАИЛ (*векыштчылö*). Тайон али мый?
 МАНЕФА. А мый нö, кытi кутшöм дозйыс? Вугтя со и вевта. Пытшкöсыс малированной и.
 МИХАИЛ. Код нö тэнсьыд тась сёяс?
 МАНЕФА. А Григорей, гашкö, и зэв сёяс, тэ кö он. (*Григорейлы.*) Да өд, дона пи?
 ГРИГОРИЙ. М-ми өд сёйöмаось нин, Манефа тьотка. Водэджык кö эськö вайинныд.
 МАНЕФА. Пыр и повзисны, быттьö ме кага улысь босьтi. Тöрыт на өд сельповись ньöби, коть кодлысь юалöй.
 МИХАИЛ. Шöпöялан нин, буракö.
 МАНЕФА. Ме шöпöяла? Да ме тэ дорысь бурджыка на директорала, пуктасны кö. Медбөрря кывтö медводз эн шу!
 МИХАИЛ. Мый нö эськö либö тайöс ньöбин?
 МАНЕФА. Абусö өд ог ньöб, куш татшöм дозсö вайöмаось да.
 ГРИГОРИЙ. Но тайö нин — ме ог тöд?
 МАНЕФА. Збыль, збыль, Григорей. Он кö чирьшт таысь, кодöс колö, мöдысь, локтан да, ог и здрувайт. Эн вунöд.
 ГРИГОРИЙ. Ог, ог.
 МАНЕФА (*Михаиллы*). Кытчö нö пукта?
 МИХАИЛ. Нулы кывтас.
 МАНЕФА (*ветлö кывтö*). Ме телевизортö видзöдышта.
 МИХАИЛ. Видзöд. Сöмын эн зэв гораа мыйкөкер.
 МАНЕФА. Тöда, век эн велöд. (*Пырö пыдi вежсö.*)

Кост.

ГРИГОРИЙ (*ышловзвö*). Пола: зыкö воам. А мөд ногыссö... Мый, шуан, тадзи?
 МИХАИЛ. Да. Заводитiн кö, помав!
 ГРИГОРИЙ (*чеччö*). Казьтыштiн вот гөрд билеттö... А сийö өд юртö да сьлöмтö оз веж.
 МИХАИЛ. Бара заводитiс кытшлөдлыны. Он али мый вермы веськыдасö?
 ГРИГОРИЙ. Верма и веськыда. Вöв моз өд чотасьöма совхозыд.
 МИХАИЛ. Ме, сiдзкö, чотöдi? Да? (*Чеччö.*)

ГРИГОРИЙ. И тэ тшөтш!
 МИХАИЛ. Дивө тай!
 ГРИГОРИЙ. Дивө көть абу. Нинөмла вөлі «салдатавнысö».
 МИХАИЛ. А нинөмла вөлі командуйтнысö!
 ГРИГОРИЙ. Тэ эн отароась! Салдатыдлөн юр пöлыс, а аслас.
 А тэ кесйөдлан туйö сетчöмьд.
 МИХАИЛ. Ме? Ветымын арöс тыртігас?
 ГРИГОРИЙ. Да!
 МИХАИЛ. Ме öд верма и скөрмыны! (*Буқыша видзөдö Григорий вылө, доктышитö сылань.*)
 ГРИГОРИЙ. А ме öд абу нин ичөтдырся кодъыд, кор тэ менö вермывлін.
 МИХАИЛ (*бөр пуксьö*). Кык вок, гашкө, косьö огö на воö. Кыдзкө-мыйкө бурөн... Но тэ висьтав меным, кутшöм лөк ме вөчи?
 Мыйөн ме мыжэ лои? Стöча висьтав!
 ГРИГОРИЙ. Висьтала. Көнi няньыд? Кутшöм му вылын?
 Идзастö, и то ньöбан.
 МИХАИЛ. Бырөдны тшөктисны да. Нинөм пö мянлы тан няньсьыс.
 ГРИГОРИЙ. А тэ ачыд мөвпыштлін, кытчö тайö кучкас? Эн вермы кымынкö гектар кольöдны?
 МИХАИЛ. Кольöдлi Пильö йөрö, вөр бердас, да Капитон удтöма райкомас. Быть лои гөрны. Ачыд öд тöдан, кыззи сэк...
 ГРИГОРИЙ. Капитоньд дерт, Капитон. Сийöс сэтшöм удж вылө сöмын позьö сувтöдны, көнi нинөм оз ков вöчны. (*Чöv усьлө.*)
 Но и тэнö нинөмысь ошкыны. Воліс юрад коськөмтö бырөдiгад, мый йөнмөн верман тырны? Бара шуан: тшөктисны пö. А тшөктисны көть эз! Тэ ачыд сюра-тошка, олөм жö олан. (*Чöv усьлө.*) Аски-аскомысь гөрны-көдзны петанныд, а нинөм на, веськыда кө шуны, абу артыштöмьд стöча: мый вөдитны, кыззи вөдитны. Бара тшөктöм виччысян? А ми кө рис тшөктам көдзны? Көдзан жö?
 МИХАИЛ. Пыр сесся сэтчö и рис!
 ГРИГОРИЙ. А мый нö, керкатö көсийлін сотны да, тшөктасны кө пö?! (*Кост.*)
 МИХАИЛ. Лөсьыд тэныд... Ме местаын кө эськө вөлін!
 ГРИГОРИЙ. А меным, гашкө, сьöкыджык на вөлі. Тэнад öти совхоз, а менам...
 МИХАИЛ. Сьöкыд мыйкө райкомсаыдлы! Көть мый оз ло, бöрас век правöсь.
 ГРИГОРИЙ. А тэ лыддылін, мый ме йылысь гижлісны? Тэ выговорысь повзёмьд, а менö партияысь төкөтö эз вөтлыны. Гашкө, эськө и вөтлісны, да эз удитны арыс торкис. Медся бурöс районным

урожайсö босьтис, и йöвсö-йисö медся уна сетим. Менам эз жö
кокниа шед тай правлуныд, сідз кö нин шуны. (Кост.)

МИХАИЛ. Но и мый тэ косьян öнi мясянь? Мед ме кольöм
вояссö выль ног ол? Косöдлы кадсö, верман кö!

ГРИГОРИЙ. Эн йöй улö лэдзчысь.

МИХАИЛ. Ачыл менö йöйөн чайтан да!

ГРИГОРИЙ. А сюсьнас нинöмысь жö. Он шу, тайöс пö да
тайöс вöча. Кöни аслад гажыд?

МИХАИЛ. Гöгөрвои öд, мыйла локтин. Ог кö шогмы, и мед ог.
Кызь во тай песi йöйöс. Сöмын кодi пуксяс-а?

ГРИГОРИЙ. Директорыд эськö сюрас да. Му вылас олысь оз
сюр-а.

МИХАИЛ. Сет вöля!

ГРИГОРИЙ. И мый сэсся?

МИХАИЛ. Бөр колхоз вöча. И ог Сталин кодьöс, а... важөн
тай кызд öтвыльсь вöравлöмаöсь.

ГРИГОРИЙ. Видлы.

МИХАИЛ. А скöрмöдiн да!

ГРИГОРИЙ. Скöрмин кö, кыткö вöрзис нин.

МИХАИЛ. А эн эськö жерььяв! (Кисьтö румкаö да юö.)
Колöкö, ужнайт, а он кö... (Довкнитö юрнас посводз öдзöслань,
пырö пыдi вежöсас.)

ГРИГОРИЙ. Руальштг. Коркö öд кодзалан.

Быттö кабинетö, пырö К а п и т о н.

КАПИТОН (мычö юрсö). Позьö?

ГРИГОРИЙ (дöзмöмпырысь). А, Капитон. Но, лок инö.

КАПИТОН. Висьталисны, воöмыдöсь пö, да час, мися, ветла.
Дыр-ö кежлö нö, Григорий Иванович?

ГРИГОРИЙ. Аски бөр. Пуксьы.

КАПИТОН. Эг на мудз. Омöльтчöмыдöсь кö-а?

ГРИГОРИЙ. Ог тöд.

КАПИТОН. Вичмö, кöнкö, нокыл партиятö сакöм бöрад?

ГРИГОРИЙ. Уджыл век вичмылис. А тэ некытчö на эн?..

КАПИТОН. Сы могысь жö эськö и локтi да. Мися, öтлаын коркö
быдмылим и быдөн да, вуграсьлим и. Помнитанныд, мельнича пос дорад
тай ёкыш вугыртö сетлi? Мый ыджадас сэсся лэптiнныд. (Кост.)

ГРИГОРИЙ. Татчö эн шыасьлы? Удж кузьяд?

КАПИТОН. Татчö öд... пастукö кö ог... (Ловзьö.) А мый,
вежны косьяныд? (Индö пыдi вежöслань.) Кывсьылис тай:
критикуйтöмыдöсь пö. Дерт, эськö вок тiяны, но öд... Сы местаö
кö быттö, Григорий Иванович... (Пуксьö пызан дорö.) Верма!

ГРИГОРИЙ. А оз кӧ пуктыны?
 КАПИТОН (првзъыштӧ). Коді оз пукты?
 ГРИГОРИЙ. Йӧзыс.
 КАПИТОН. Йӧзыд! (Ӗвтыштӧ кинас.) Налысь кӧ кывзыны!
 ГРИГОРИЙ. А кызди нӧ?
 КАПИТОН. Сідз жӧ! Быдӧн абу на веськӧдлысь.
 ГРИГОРИЙ. А мыйсянь эськӧ заводитін, лоин кӧ быттӧ директорнас тани?
 КАПИТОН. Мыйсянь заводиті? Но... кыпӧді йӧзсӧ!
 ГРИГОРИЙ. Кытчӧ?
 КАПИТОН. Но... удж вылӧ.
 ГРИГОРИЙ. А оз кӧ кыпавны? Сэки кызд?
 КАПИТОН. Сэки? Но... мераяс примиті!
 ГРИГОРИЙ. Мися жӧ.
 КАПИТОН. А мый нӧ, мед ме вылын тешитчисны?
 ГРИГОРИЙ (нарошнӧ очсыштӧ). Вугыр босьтис. Лоӧ пальӧдчыны петавны. (Петӧ.)

Пыді вежӧсысь петӧ М и х а и л.

МИХАИЛ (петігмозыс). Тэ, Гриш, зэв эськӧ... (Аддзӧ Капитонӧс.) Но?
 КАПИТОН. Пальӧдчыны сійӧ петис.
 МИХАИЛ. А тәнӧ коді татчӧ корис?
 КАПИТОН. А ме эг и тэ дорӧ лок.
 МИХАИЛ. Кӧть код дорӧ. Пет керкасыс. Кодлы шуӧны?
 КАПИТОН. Волан кӧ эськӧ кинад!
 МИХАИЛ. Чайтан, дыр кута видзӧдны? (Кутчысьӧ Капитонлы морӧсас, лыбӧдӧ улӧс вывсьыс.)
 КАПИТОН (мынтӧдчӧ, вешійӧ ӧдзӧс дорӧ). Скӧрлуныс!
 Зептад али мый ме тэныд пыралі?
 МИХАИЛ. Мускӧдз нин тэ меным пыралін райкомад уджалігӧн.
 Ме тэныд мый шулі? Мися, водзӧстӧ коркӧ таысь босьтла на! Вот ӧні и босьта!

Пырӧ Г р и г о р и й.

КАПИТОН. Нӧйтны нин пондыліс, Григорий Иванович! Тайӧ кӧ пӧ морт!
 МИХАИЛ. Мортыс петӧма!
 ГРИГОРИЙ. Дугды, дугды.
 МИХАИЛ. А мед усйыяс татысь, кытчӧдз эг ойкӧд!
 КАПИТОН. Ок, кутшӧм кылӧ! Григорий Иванович, мыйкӧ...
 Збыль кӧ быттӧ ті, то ме... (Нюмъялӧ.)

ГРИГОРИЙ. Да эськө пö, да кысь нö сійö?! (*Паськөдлө кияссö.*) Кывлін татшöм шусьöгсö?

КАПИТОН. А мый нö сэсса ме уджтöг кута овны?

ГРИГОРИЙ. Вьль карта тай со йöзыс лэптöны. Чер босьт да тшöтш тшупсьы дай — вот и удж.

КАПИТОН. Но, энлöй, кык вок! Чайтанныд, эштіс нин партияйд? Сувтдас на кок йылö! И юалас на, коді сійöс пежаліс!

ГРИГОРИЙ. Сійö и эм.

МИХАИЛ. Пет дась бурөн!

КАПИТОН. Со эськө тіянлы! (*Пышиё.*)

МИХАИЛ. Вөтöдла вот да...

ГРИГОРИЙ. Вөтöд быд понсö!

Чөв усьлöны. Пырö А г н и я.

АГНИЯ. Уф! Быттö пыж кыски.

ГРИГОРИЙ. Асьнытö öні кокни сьölөмөн.

АГНИЯ. Аттö. А нинöм тай нö абу и вөрзьöдлөмыдöсь. Абу öмöй тшыгöсь?

МИХАИЛ. Менам оз сюмав кынöмöй-а.

АГНИЯ. Эн ылöдчы. Лөгасьöмыдöсь кө-а кык вок? Мыйысь нö, Гриша? Тайö öд некор оз висьтав. (*Индö верöс вылас.*)

ГРИГОРИЙ. Сідз вензьыштім.

МИХАИЛ. Буракодь! (*Агниялы.*) Кесійöдлан туйö пö менам овсьöма.

АГНИЯ. А мый нö, эн овлы?

МИХАИЛ. Кор?

АГНИЯ. А öшпиянтö нö? Кольöм вотö? Кутшöма на эськө быдмисны, сюрö на вöлі йирнысö, а тэ начкыны мөдөдін. Бара жö вöлі висьталан: тшöктісны пö. (*Чөв усьлө.*) А сютö? Шептасьö нин вöлі. Тырыс нянь эськө воис, а тшöктöмаөсь да, бара жö ытшкөдін. Быттö эз нин сюр сытöг туруныс.

АГНИЯ. Мый сьысь, йöй пессьöмсьыд?!

МИХАИЛ. Но и мед кодкө сюсясö юралö. А ме чер босьта да тшупсьыны кая. Чөвтны жö тай со менö локтöма-и.

АГНИЯ. Збыль, Гриша? (*Григорий оз вочавидз.*) Но, тадзтö кө, ме и мөдарö сёрни верма панны. Куш лёк сійö эз на жö вöч. Кодкө кө Капитон кодь сы местаын вöлі, важөн нин эськө коньөрьясö воим. Ме öд, кулиті кө öні Мишатö, ньöти эг талялөм понда. (*Кост.*) А мый сэсса, гөтыр ме сьлөн, дай ог вермы веськыдасö сёрнитны? Ме сэтшöм жö, кутшöм и мукöдыс. Кызьöд во жö нин мөсьяс дорын.

Пыдї вежӱсыйсь петӱ М а н е ф а.

МИХАИЛ. Олышт на, олышт сәни!

МАНЕФА. Олышта! Эг ӱд сирась телевизор дорад. Эськӱ йӱктисны ли сьылисны кӱ-а. А мыйысь нин бара скӱрмин?

МИХАИЛ. Тән сэтчӱдз ичӱт могыс. Пыран кӱ пыр, а он кӱ... со ӱдзӱсы! (*Индӱ керкаысь петан ӱдзӱс вылӱ.*)

МАНЕФА. Ньӱти ог пов, кӱть век индась. Ачым на коркӱ потшӱс костысь перйылі гачтӱм потейӱс, сибдӱмыд вӱлі да. Кӱнкӱ чирьшгӱс Григорейыд да пыр и дузмунӱмыд?! А чирьштны нин и колі.

МИХАИЛ. Тэ мыйкӱ тӱдан.

МАНЕФА. Тӱдтӱг ог ов. Восьса му вылас тракторнад силостӱ тальӱдин, да тӱвнас мый перйинныд? Джынйыс ӱд кын няйт вӱлі, а мӱд джынйыс сись дай.

МИХАИЛ. Но, сәсся ставыс бур лоӱ, ог ме директорнас ло да.

МАНЕФА. Код нӱ лоӱ?

МИХАИЛ. Кодкӱ ӱд. Капитон тай со уджтӱм.

МАНЕФА. Ме эськӱ, кӱвъяласны кӱ сійӱс!.. Ме, Григорей, татшӱм могӱн кӱ быгтӱӱ воин?.. (*Камӱдӱ пызанӱ.*)

ГРИГОРИЙ. А кодӱс нӱ эськӱ, Манефа тӱӱтка?

МАНЕФА. Кодӱс?! Михайлӱыс олас!

ГРИГОРИЙ. Ӑни на ачӱд сійӱс пӱвсалін да?!

МАНЕФА. Виді кӱ ме, бур вылӱ, а эг вежӱм вылӱ. И тэ сідзи. (*Чӱв усьлӱ.*) Вежны?! Ми, Михайлӱтӱ кӱ вежан, асьтӱ бӱрыннас чӱвтӱдам. Вот! (*Чӱв усьлӱ.*) Аттӱ кутшӱм петӱма! А тэ сӱрнитлін йӱзыскӱд та кузя? Эн кӱ, эн и бральӱдчы.

ГРИГОРИЙ. Но и бур!

МАНЕФА. Менам кывйӱ жӱ и воин! (*Кост.*) Сувтӱмаӱсь да сулалӱны! Мый нӱ он сӱйӱ-юӱ? Менсьым сола тшаксӱ тшӱтш видлӱй и. Агнуш, пуксьӱд.

АГНИЯ. Пуксьӱй. Ӑз пуксьыны да (*Кост.*)

ГРИГОРИЙ. Час, пуксям. (*Михаиллы.*) Чӱвтӱдны кӱ эськӱ ме тӱнӱ локтӱ, пивсянӱдзид на и висьталі.

МИХАИЛ. Но и... (*Ӑвтыштӱ кинас.*) Пуксьы. Сюмалӱ, буракӱ, кынӱмыд. Ачым ме тшыг и. Пуксьӱй.

МАНЕФА. Ме тшӱтш али мый?

МИХАИЛ. Юоалас на ӱд вот! Мый сәсся, пон али мый ме, мед мыйкӱсыс эравны?! Пуксьӱй!

МАНЕФА. Менсьым сола тшаксӱ, Агнуш, вай жӱ.

З а н а в е с

РАЙӨ КАЯН ГИЖӨД

Ичөтик теш

В о р с ы с ь я с:

ПАРУК
СЕКЛЕТЕЯ

Сцена выlö отарсяньыс пырö Парук, мөдарсяньыс — Секлетея. Паруклөн киас ведра. Секлетея кутö сумка да кöлач тыра сетка.

СЕКЛЕТЕЯ. Олан-вылан, Парук!

ПАРУК. Олан-вылан, Секлетея! Карö ветлн?

СЕКЛЕТЕЯ. Карö. Сöмын на локта. А тэ нö кытчö? Вала?

ПАРУК. Вала. Самöвар кöсья пуктивны. Видз вылысь муртса на вои. Горш зэв ёна косьмö. (*Кöсийö мунны.*)

СЕКЛЕТЕЯ. Да, пöдлинö! Тöкөттьö эг вунöд! (*Восьтö сумкасö, перйö сэтись нель пельö кусыньтöм кабала.*)

ПАРУК. Мый нö?

СЕКЛЕТЕЯ. Ошйбсян вöли-а. Со, Парук, райö каян гижöдыд! (*Сетö кабаласö Паруклы.*) Талун асывнас вичкоö ветлн да ньöби. Онн менам тэнад кодзьд эм жö!

ПАРУК (*видлалö*). Менам кодзь эськö абу да. Эн и сёрнит, Секлетея.

СЕКЛЕТЕЯ. Но!? Абу öд тэнад мөд пöлöс. Быдöнлы öткодзьöс сетöны. Видзöдлы асьыд, он кö верит.

ПАРУК (*дöзмö*). Видзöдлытöг ог ов. На! (*Сетö кабаласö Секлетеялы.*) Энлы мунлы. Ме дзык пыр. (*Пуктö ведрасö, мунö.*)

СЕКЛЕТЕЯ (*ас кежас*). Оз öд верит!? Быттьö öсöбөннöйöс сылы сетисны. Быттьö чина мыйöнкö Ен водзас. Нинöмөн на абу!

Котөрөн пырö П а р у к.

ПАРУК. Ноко, тэнад?

СЕКЛЕТЕЯ. Со! (*Паськөдö кабаласö.*) Мый сёсысь видзöдан?

ПАРУК. Ковмас кö, и кыксёсысь видзöдла. Мичаа кут. Зэв сьöккыд лыддынысö. (*Лыддьö.*) «Мо-лит-ва раз-ре-ши-тель-на-я». (*Син гугнас видзöдлö Секлетея выlö.*) Збыль али мый? (*Лыддьö асьыс.*) «Мо-лит-ва раз-ре-ши-тель-на-я». (*Зэв ыджыда лолыштö.*)

СЕКЛЕТЕЯ (*радпырысь*). Но, збыль абу?
 ПАРУК. А улиас, ноко, мый гижома?
 СЕКЛЕТЕЯ. Сийос жö, мый и тэнадö. Торйөн öд тэныд, Парук,
 оз гижны.
 ПАРУК (*оз инась*). Вайлы! Ог сёй. Бурён, Секлетея, кора.
 СЕКЛЕТЕЯ. Да, на! Манитны сэн кутін.
 ПАРУК. Ме манитча жö. Эн лөгась пыр нинём абусьыс.
 (*Видзöдлö первой Секлетеялысь, сэсся ассьыс.*) Öткодь öд и эм!
 (*Скөрись довкйöдлö юрнас.*)
 СЕКЛЕТЕЯ. Вай! Час сулöдін. (*Босьтö ассьыс кабаласö да суйö сумкаас.*)
 ПАРУК. Оз на некыт сотчы. Энлы на мунлы, энлы. Сёрни менам эм.
 СЕКЛЕТЕЯ. Мыйлакö тай шыаси!
 ПАРУК. Сэсся нö, кулам кö коркö, ми öтилаö веськалам? Ме райö и тэ райö?
 СЕКЛЕТЕЯ. А мый нö? Райыс öд öти. (*Серам пыр.*) Гашкö, орчча жыръясын на кутам овны.
 ПАРУК. Ме тэкöд?
 СЕКЛЕТЕЯ. А мый нö ме, кытí кутшöм? Морт виысь али мый?
 ПАРУК. Морт виём оз ков. Сытöг грекыд юр выв тырыд.
 СЕКЛЕТЕЯ. Менам?
 ПАРУК. Да, тэнад. Мый библияад гижома? Поте литса пö клөб еш.
 СЕКЛЕТЕЯ. Но и мый сэсся, гижома да?
 ПАРУК. А кор тэ ёнасö ньылöдлін? Кутшöм удж вылын?
 СЕКЛЕТЕЯ. Тэ, мися, ёна ньылöдлін. Мун, эн ошйысь аслад уджөн.
 ПАРУК. А ме ог и ошйысь. Менам со киясыс. Корöг кодьöсь. Мыйкö вöчлöма нин наён.
 СЕКЛЕТЕЯ. Веськодь! Уджалін кö, эн меным.
 ПАРУК. Тэныд ли, эг ли — абу сы йылысь сёрниыс.
 СЕКЛЕТЕЯ. Мый йылысь нö?
 ПАРУК. Ог ме кöсий тэкöд öтилаö веськавны. Вот! Абу тэ райын олысь!
 СЕКЛЕТЕЯ. А тэ олысь? Тэ гректöм?
 ПАРУК. А ме ог и шу, мый гректöм. Война дырйиыс эг кослунъявлы. Сэсся матькывлí гöригъясөн. Но тэ ыджада грек менам абу жö?! (*Паськөдлö кияссö.*) Тэ öд тюрмаö нин веськавлін!
 СЕКЛЕТЕЯ. Тюрмаад и тэ верман веськавны.
 ПАРУК. Ме? Мыйысь? Ме ог гусясь да?
 СЕКЛЕТЕЯ. Ме нö гусясь?
 ПАРУК. А сельпоад уджалігөн? Мый ыджада растрата вöчин.

Сійо нō абу гусясьом? Прōстаысь пуксьōдлісны? Пасибō шу, мый водз лэдзисны.

СЕКЛЕТЕЯ. Растратаыд и тэнад вермас лоны, ылōдласны кō.

ПАРУК. Ылōдліс кодкō тэно! Ачыд на тэ ылōдлан. Аддзылім ōд, кызд сэк олі, эг синтōмось вōлōй. Некод тай суд вылад эз дорйы.

СЕКЛЕТЕЯ. Но и мед, эз кō дорйы. Ловъя на тай коли-а. А-а... А тэ абу жō ангел.

ПАРУК. Абу, абу. Кысь меным ангелнас лонысō, му вылын ола да. Но абу жō ме тэ код? Тэ ōд садьтō нин воштылі!

СЕКЛЕТЕЯ. Ме садь воштылі?

ПАРУК. Соссыны он-ō кōсий? Кодкōд сōмын эн узьлы, мужиксьыд торйōдчин да. Быд лун код вōлін.

СЕКЛЕТЕЯ. Тэныд сэтчōдз зэв ичōт могыс. Кыдзи олі, ачым тōда. А завидь кō вōлі, мед узьлі нин жō дай.

ПАРУК. Мōдысь тайō кывтō эн шу! (*Зывōка.*) Райын олысь! Адын тэныд местаыс, сир пōртйын.

СЕКЛЕТЕЯ. А ме вот райō жō веськала. Мый эськō тэ вōчан?

ПАРУК. Висьтала Саваопыслы, мед бōр вōтлас.

СЕКЛЕТЕЯ. Кулōм бōрад этша нин висьталан.

ПАРУК. Страшнōй суд вылад юаласны, кызд овлін!

СЕКЛЕТЕЯ. Но и мый, юаласны кō? Эта вылō жō ōд видзōдласны. (*Перйылō райō каян гижōдсō.*) А мый тэнад, мый менам — дзик ōткодъсь. Ōтилаō и веськалам.

ПАРУК (*шōйōвошлō*). М-ме? Тэкōд? Секлетейкōд?

СЕКЛЕТЕЯ. Да, Парасковья, да!

ПАРУК. Нинōм вылō! Аски жō ветла вичкоас и кора вежны гижōдсō.

СЕКЛЕТЕЯ. Татшōмōс жō сетасны. Кōть Москваысь кор, татшōмōс ыстасны. Торъя рай тэныд оз лōсьōдны.

ПАРУК (*тīралō скōрысла*). А-а... А тадзтō кō, райнас и весь! Вот! (*Чукралō ассьыс гижōдсō да шыбитō.*)

СЕКЛЕТЕЯ. Шыблась! Кодōс повзьōдан-а? Ōдйō асьтō адō тодмышкаласны. Кувлы вот.

ПАРУК. А ог на и кув.

СЕКЛЕТЕЯ. Ме пайысь. (*Гигзьыштō да мунō.*)

ПАРУК (*дількмунлō*). Татōн он мынлы быдсяма пежсьыс и сэтōн бара ōглаын. А кōні и торъяиныс бур йōзыслы? (*Бōрдігтыр лэптō шыбитлōм гижōдсō да веськōдō пидзōс вылас.*) Енмыд ōд абу на син пōла!

НЕКЫТЧӨ НИНӨМ

Ичөтик теш

Верөсыс вуграсьö — пукалө шатина. Орччөн сулалө гөтырыс.

ГӨТЫР (дөзмөма). Öти чери öд оз волы!

ВЕРÖС (абу на дөзмөма). Оз тай.

ГӨТЫР (нерыштö). Оз тай! Век сылы веськодь!

ВЕРÖС. Скөравны али мый тэ моз кута, оз кө сөй?

ГӨТЫР. А тэ мыйкөкер, мед сөяс.

ВЕРÖС. Мый мыйкөкера?

ГӨТЫР. Мый, мый?! Йöзыслы тай шедö. Коді ветлас, сийö и вайö.

ВЕРÖС. Оз на быдөн.

ГӨТЫР. Тэ кодь ветьöкыс жö öд сөмын оз. Сэссия ставыс вайöны.

ВЕРÖС. Но и мед, вайöны кө.

ГӨТЫР. Мед! Век сылы мед!

ВЕРÖС. А мый нö ме верма вöчны, оз кө меным шед?

ГӨТЫР. Лэпты-лэдз ли мый ли көть! А тэ, чөвтін да, эн на вөрзöдлы. Измöмыд быттьö сэтчö.

ВЕРÖС (лэптö-лэдзö шатинсö). Но и мый, вөрзöдлі да? Эз жö со некод дэбнит-а.

ГӨТЫР. Дэбнитас кодкө тэнсьыд, йöйыс кө оз. Некытчö жö нин тэ нинөм! Чир ыджда абу морттуйыд.

ВЕРÖС. Тэ төдан?

ГӨТЫР. Төдтөг ог ов. Вöлі кө öд, вожөн нин карö босьтисны.

ВЕРÖС. Эштыла на, ог на кувны лосьöдчы.

ГӨТЫР. Эштылан! Квартиратö тай со эштылін жö судзöдны — чишнитіс сөмын пölöныд.

ВЕРÖС. Важас на овсьыштас. Мукöдыслөн и миян кодьыс абу.

ГӨТЫР. Мый тэ меным мукöдтö висьталан? Ме тэкöд ола, а ог мукöдкөд.

ВЕРÖС. Но, сетасны выльсö, сетасны. Арнас, гашкө, и сетасны. Төдöны öд, мый дзескыда олам. Көть здук кежлö ланьтлы. Гортын ызгы, окота кө.

ГӨТЫР. Тэ тай ызган.

ВЕРÖС. Но, мед ме, мед.

ГӨТЫР (*ланьтлө здук кежлө*). Шойчыны нуөдіс. Шойччан тэкөд тәні! Бытшкыны нин со күтіс сьөлөмөй. Ой-ой-ой!

ВЕРӨС. Нинөм абусьыс эн вийсьы дай. Вод да куйлы, бытшкө кө.

ГӨТЫР. Вода?! Куйлыны ме татчө локті!

ВЕРӨС. Либө йокты, мун эстчө да.

ГӨТЫР. Эн колөкө серав, а то тойышта ваас, мед он и петав сөсся. Вот.

ВЕРӨС. Аслыд жө өд шогсө вөчан.

ГӨТЫР. Ыджыд и шог — мынлөма көть лоө тэысь.

ВЕРӨС. Ок! Сэсся нинөм ог шу. Да здук джын кежлө көть ланьтлы!

ГӨТЫР. Ме вөсна! Көть төлысь ог шыасьлы! (*Ланьтө.*)

ВЕРӨС (*недыр мысти радпырысь*). Э-э!

ГӨТЫР. Мый «э»!

ВЕРӨС. Дзэбөдө кодкө.

ГӨТЫР (*нюммуно*). Көні?

ВЕРӨС. Таб вылас видзөд.

ГӨТЫР. А-а! Лэпты, лэпты!

ВЕРӨС. Энлы, нуны кутас да.

ГӨТЫР. Нуө нин, нуө.

ВЕРӨС. Оз на.

ГӨТЫР. Кысь нө оз! Вайлы, ноко, меным!

ВЕРӨС. Ог, ачым.

ГӨТЫР. Тэ помысь! Вайлы! (*Кватитө шатинсө да лэптө лёкысь.*)

ВЕРӨС (*дузмунө*). Тшөктис жө вот кодкө тэныд! Эз вермы виччысьлыны. Эськө, гашкө, шеді-а.

ГӨТЫР. Шедас абуыс! Некод, буракө, эз и вөв-а.

ВЕРӨС. Эз! Синтөм вөлі, эг аддзыв, кызди лэбөдіс. Гашкө, буретш ёді. Сы оланін кодь и эм со таті.

ГӨТЫР. Но чөвт выльысь. Одій!

ВЕРӨС. Кыдзкө-мыйкө тэ тшөктытөг нин! (*Чөвтө.*) Эн шумит.

ГӨТЫР. Ог, ог.

Неыджыд кост.

ВЕРӨС. Со! Со бара пондіс дэбөдны. Сө ен могысьөн, эн нин кутчысь. Ачым, кор ковмас, лэпта.

ГӨТЫР. Ачыд, ачыд.

ВЕРӨС. Ак! (*Лэптө чаль чунь кодь чериөс.*) Шеді! Ы-ы-ы! На, колөкө, кутышт.

ГӨТҮР. Мун, съольшта!
ВЕРӦС. Қутшӧм шеді но?!
ГӨТҮР. Йӧзыслы тай гырысь шедӧ!
ВЕРӦС. Йӧзыслы эськӧ мый оз шед да.
ГӨТҮР. Вот сійӧ и эм. Ме тэн шулі, мися, некытчӧ нинӧм,
сэтшӧм и вӧлӧмыд. Кодкӧ сайӧ тай мунан! (*Вешӧ.*)
ВЕРӦС (*ышловзӧ шога*). Кодӧскӧ тай ваян!

З а н а в е с

ЧӨСКЫД ВОТӨС — СЬӨЛАОЗ

Ичөтик теш

В о р с ы с ь я с:

ЁГОР
НИНА

Вадорын. Ёгор пукалө вугыр шатина. Локтө Н и н а, кias чемодан.
Кыкнанныс нин ыджыд арлыдаось.

НИНА (*сувтө Ёгор дорө, пуктө чемодансө*). Көн нө тан шойччан керкаыс? Тэ, бур мортыс, он висьтав?

ЁГОР. Эстөн, муныштан да.

НИНА. Сэн вөр да?! Кытчөкө тай веськалан!

ЁГОР. Да, со и эм, пуяс саяс. Муртса кыр паныд кайыштны.
Туйыс сэтчө нуодө и.

НИНА. Код төдас.

ЁГОР. Польсь абу! Эн на өмөй некытчө петавлы?

НИНА. Эштылі ме коркө лывкъявны. Абу өд карса.

ЁГОР. Төрыт колі локны. Эськө баянөн паныд волісны теплоход дінас.

НИНА. Ме ачым баян. Война чөжыс вомөн гудөкаси. Лок инды, а?

ЁГОР. Кок улад нө мый туйыс?! Али сэтшөм нин эскытөм?

НИНА. Код төдас, коді пө тэ.

ЁГОР. Тэ кодь жө шойччысь. Төрыт на жө вои.

НИНА. Шойччысь тэ кутшөмкө потш кыза сойнад.

ЁГОР. А тэ нө мыр бертны татчө локтін?

НИНА. Ыстісны, да өд быть! Гортө вайисны путөвкасө. Сөмын пө мед пропадитлас!

ЁГОР. Но и бур. Сідзкө, пыдди на пуктөны.

НИНА. Нинөмысь на менө омөльтнысө. Уджсьыд эг бөрыньтчывлы, колхозын көть совхозын. Ныла-пияос на быдті да велөді. Дөвалун помысь.

ЁГОР. А верөсыд нө... усьлі?

НИНА. Кытчөкө өд сэсса эз ло. Эз этшаос армеечтө войнаыд сөй. Тэ тай вот со ловйөн кольөмыд-а. Али эн шогмыв война вылас.

ЁГОР. Быдтор колө сылы төдны. (*Копыртлө юрсө.*) Со! Гачөс
ог нин пөрчыв-а.

НИНА. Мый кузя ворга! Тайө нө пулясы жө?

ЁГОР. Осколокөн. Да тырмас сэн маласьныгтө.

НИНА. Час, юрситө бөр лөсьөдышта. Тырыс жө тай нин
дзорыс.

ЁГОР. Эштөм абу.

НИНА. Сідзсө эськө тай абу зутш юрсиа да. Небыд.

ЁГОР. Но и мый сэссия?

НИНА. Абу лөк руа, колөкө.

ЁГОР. Ме ог төд. Йбз вылас тай ог на усьлась-а.

НИНА. Оз и ков. А мый нө эськө... нинөм юр вылад? Ньөти
он видз шондисьыс, садьтө он төд. Налы менсьым чышгьянсө, сідз
коть павкнитлы. Рыгнас бөр сетан.

ЁГОР. Аслам на сюрас. (*Кыскө гач зепсьыс ныр чышкөдсө.*)
Он волы тадзтө!

НИНА. Со өд вөглө нин, асьсө бур туйө пункт-а. Кыдз бара
гөтырыд тэкөд оло?!

ЁГОР. Овьсөма нин сьлөн... шонгьянөйлөн.

НИНА. Лөк верөсыдкөд өд... өдйө и быран бабабыд. Öнйя
трактор моз и жугалө сьблөмыд.

ЁГОР. Дугды! Он төд, а сэн... песны колө яя кывтө.

НИНА. Либө мед сідзи и висьталін, висьмис пө да кулі. А
пуксьөмыд да нөдкывьясян, быгтьө ме меласьны тэ дінө сувті. Ен
мед видзас татшөм грексьыд, витысь нин ыджыд мам да. Кымын во
нин-и.

ЁГОР. Аслам менам гоз-мөд пөльөн шуысьыд. И мунысь кө
мун сэссия, эз тэнө домавны татчө.

НИНА. Ог бара ме өні тэысь кольчы. Асьсө баянөн
вайөдөмаөсь, а менө өтнамөс ыстө. Сюсь абу!

ЁГОР. Дырджык кө эськө дэльөдчан! (*Ырыштчылө
шатиннас, оз лөкысь-а.*) Ме сэссия мыжми, эн төрыт лок да?

НИНА. А мед важөн нин чеччин да нуөдін менө, бур мортөн
кө висьтасян.

ЁГОР (*чеччө*). Но, со, со! Вевтыс весиг тыдыштө эсийө кыддза-
пожөма костөдыс. Аддзан?

НИНА. Вөр-пу йывсьыс эн инды. Абу сийө рака поз!

ЁГОР. Но и сулав, тадзтө кө! (*Бөр пуксьө вурасьнысө.*)

НИНА. Кодкө тэнад шедас, йөйыс кө оз.

ЁГОР. Меным и йөйыс олас, луныс кө кольө и. И мед вөлі абу
сөрнитөма сэссия менө.

НИНА. Дзик бара веськодь. Кыв сэсса ог шулы. Коркө өд кынөмыд чеччөдас. (*Пуксьө чемодан вылас.*)

ЁГОР (*ачыс пондө дзөрнясьны*). Мися, коть лолышта, сьёлөмөс личөдышта...

НИНА. Личөд, код нө кутө?

ЁГОР. Мед аслыд пуксьыласны мышку саяд.

НИНА. Да, вешья, сэтшөма кө нин... (*Вешийыштө.*) А кыськө нө эськө ачыд? Чужөм вылад тай катыдса кодь-а, войгыштан ныра.

ЁГОР. Кывтыдсаясыд, мися, и мичаось!

НИНА. Ёна на эськө том дырйи ти вокыслысь вежсө петкөдлим да. Кольөма тай кадыс-а. Совхозын жө лыддысыян?

ЁГОР. Некөн.

НИНА. Мыйла некөн? Көнкө өд уджавлин жө?

ЁГОР. Сплавывн. Нэмөс. Юр дойой муртса на кенясьыштөма вөлі, а колө пө дай муні.

НИНА. Зэк өд, война бөрад, кытчө вөлі ыстасны. А кызд, шуан, нимыд?

ЁГОР. Мый тэныд нимсьыс?

НИНА. Пуө гижа, мед оз вун. Ыкшаась сэтөн!

ЁГОР. Но, Ёгор.

НИНА. Зэв морт ним. Меліалөмөн кө, и Ёгорей на. А менсьым и он юав?

ЁГОР. Марпа жө-а, мый сійөс юалан.

НИНА. А вот и абу.

ЁГОР. А мый нө?

НИНА. Нина. Он кө быгтьө вунөд.

ЁГОР. Гашкө и, ог. Синмыд тай выя дзырыд на-а. Ортсы нома и. Соссьыныгтө, буракө, ньөти он куж.

НИНА. Ме ог. Менам кывйыд оз жожавлы.

ЁГОР. Но вот! (*Нюмъөвтө.*)

НИНА. Мый вот?

ЁГОР. А менө сэтшөмыс жө кыскө.

НИНА. Кыскө тай. Быгтьө сибдөмыд сэтчө.

ЁГОР. Эг эськө сибды да. (*Чеччө.*)

НИНА. Вот и нуөд шойччан керка дорөдзыс. А дышыд кө петө, мича нылө менө чайт дай.

ЁГОР. Асьтө на өд колө томө пуктыны.

НИНА. И пукты. Юрыд өд оз на усь.

ЁГОР. Но, лок, инө. (*Босьтө Ниналысь чемодансө.*)

Коставлө пемдылөмөн.

Бара вадорын. Ёгор вуграсьө. Локтө Н и н а.

НИНА. Ёгорей, гона пель, эн скорав. Меным од отнамлы гажтом жо.
 ЁГОР. Со тай лыа вылас кымыноносъ. Быть колө ме динө.
 НИНА. Сэн од том йоз. Пөрччыся да тшотш али мый кута
 мачасны? Пöрысьясис эстон картасöны-а.
 ЁГОР. Пуксин мед тшотш дай.
 НИНА. Чов, дтшвидзöмыд меным висьöмысь на сьöкыд. Меным
 эськö мед ывлаын да вöчны мыйкö ас окотаысь. А мый?
 ЁГОР. Ме тöда!
 НИНА. Көть сывны горöд Сюзь Матвей моз.
 ЁГОР. Сыв.
 НИНА. Но, талун тай мөдджык нин Ёгорейыс, арся лежнөг
 кодъ.
 ЁГОР. Мыйонкö?
 НИНА. Абу нин сэтшöм чуткасьысь.
 ЁГОР. А мыйкö тай... дышöдис вуграсьнысö. Со, пуксян кö.
 (Индö мөд чурка вылö.)
 НИНА. Пуктöма абу! Менлы вылö?
 ЁГОР. Сидзи. Эстысь тай сюри да.
 НИНА. Но мед. А гажтом жö од отнадлы.
 ЁГОР. Мый эськö торъя гажтом да.
 НИНА. Гортад на, ме чайтла, босьтлö гажтöмыд и. Ёнджыка
 на. Менö тай босьтлö-а. Ме сэки каньсö вида. Мися, ветлан конкö,
 горт он тöд, волан да сöмын сёйны авзан, кургöм он кывлы-а.
 ЁГОР. Мый нö сийсö, каньсö, видан?
 НИНА. Кодсö нö сэся? Мужик видан абу-а.
 ЁГОР. Сидзкö тай, повны колö тэысь, а то, мися, сибöдчыла,
 гашкö, да. (Серöктö.)
 НИНА. Он на бара ворссы мекöд. Ме од öтчыв вида, а мöдысь
 и чуп-окышта.
 ЁГОР. Нинöм он тöд. (Курччыштö вом дорсö, мед оз пет
 серамыс.)
 НИНА. Винатö, буракö, он жö бöрыньт?
 ЁГОР. Кор кызди. Ньöти абу жö видлытöм. А мый эськö
 сэтчö кежöдин?
 НИНА. Юыслөн кодъ модаыд да, льöбтö курччылан.
 ЁГОР. Да од велалöма. Век тöv йылын сплавад, варччöны вом
 дорьясыд.
 НИНА. А курччалöмсьыд и оз? Дугды татшöм модасьыд.
 Кывзы менсьым.
 ЁГОР. Лоö кывзыны.
 НИНА. Кывзысьтöмыдлы од сэтшöм жö водзöсыс. Ок, кольöма
 тай том кадыд! (Сыллö.)

Еджыд чышгъян, кыгчӧ пышгъян,
Ме вылӧ он видзӧдлы?
Ме вылӧ он видзӧдлы,
Сьӧлӧмӧс он личӧдлы?

Русыд юрӧй, медся бурӧй,
Ог пов тӕкӧд суӧмысь.
Ог пов тӕкӧд суӧмысь,
Пола лӕксӧ шуӧмысь.

ЁГОР. Водзӧ.
НИНА. Тырмас. Позьӧ нин гӧгӧрвоны.
ЁГОР. Мый гӧгӧрвоны?
НИНА. Мый мунны сӕсса мен колӧ.
ЁГОР. Кыгчӧ мунны?
НИНА. Тӕ дӧнысь ылӧджык.
ЁГОР. Дӕльӧдчан жӧ эськӧ да.
НИНА (чеччӧ). Вугрась, сийӧс тӧд.
ЁГОР. Мыйла либӧ волӧн, тӧдан нин менӧ да?
НИНА. Кужи кӧ, и висьталӧ. Мыштӧ тай паччӧрын шонтан, а сьӧлӧмтӧ морт дорын.
ЁГОР. Либӧ ӕн на и мун. А, Нина? (Чеччӧ.)
НИНА. Чӧв, Ёгорей, чӧв. Абу нин ми тӕкӧд ас окогаӧн олысьяс.
Ещӧ тӕ партееч на, буракӧ, дай.
ЁГОР. Но и мый? Кын сюръяӧ пӧри?
НИНА. Ӕн видзӧд ме вылӧ дай.
ЁГОР. Ӕн пӧ ӧд видзӧд, синмӧс куньмӧн нин аддза да.
НИНА. Ӑлӧд асьтӧ. Ме тай ӧлӧда.
ЁГОР. Ӑлӧдан кызкӧ, вирыд кӧ нин муткыртӧ.
НИНА. Ваас пырав, он-ӧ ыркав.
ЁГОР. Васыд ӧд бӧр на петан. Вайӧдис кодкӧ тӕнӧ татчӧ!
НИНА. Мутиыс.
ЁГОР. А, колӧкӧ, Енмыс? Мед пӧ кык шудтӧм аддзысьласны, да оз-ӧ... лӧсявны.
НИНА. Дырӧ кежлӧ кӧ?
ЁГОР. Мыйла дырӧ кежлӧ кӧ?
НИНА. А мый нӧ, гозийӧдчӧмӧ сетчам?
ЁГОР. А сӕтчӧ визувыс кучкӧ да.
НИНА. Бона сувтӧд. Йӧзыс мый шуасны, аслад жӧ челядыд, сийӧс думьштглы. Ме тай думайта.
ЁГОР. Некод нинӧм оз шу. А шуас кӧ, сӧмын сӕтшӧмыс, кодӧ ассыс дӧйсӧ куш кылӧ, сӕсса некодлысь оз. Ӕбыльысь юала, петан он эськӧ ме сайӧ?

НИНА. Мун, эн ййтав. Шуан, да шуома лоо, а он шу да...
Бөрддзодас сэтчө! (Чышкө синвасө.) Сэссия кө ме тэ динө
матыстчыла! (Бөрөн ылыстчө.)

ЁГОР. Он и лысьт, тадзтө кө!

Коставлө пемдылөмөн.

Бара вадорын. Ёгор вуграсьө. Локтө Н и н а. Муртса сувтовкерлө и
водзө муно, саялө.

ЁГОР. Тапгялө сэн мышку сайті, оз овсыы өтнаслөн. Мед эськө
мелалис сійөс кодкө и мед эськө некод эз төдлы. А кодос и ылөдлан
тадзтө, асьтө кө он? Менө сэссия он ывзьөдлы-а. Мед вот шыасьлас,
мый ме сылы висьтала!

Бөр локтө Н и н а.

НИНА. Веж турун пидзөсөдз, некодлы оз ков. А оз, дерт, дась
вылад олігөн. Ми тай лавкаысь нин горшасям-а. А коркө өд и
лавкаыд кушмас. Ойя да ойя!

ЁГОР. Эн татөн ойзы! Мун да көнкө.

НИНА. Ме өд ог тэныд. Пыр өд сэтчө и вомалас. Менам
сьолөмөй нөйтчө, адза кө ытшкытөм турунсө. Век на бытгтө мөскөн
ола. Босьті да бырөді дышөйла!

ЁГОР. Мед эн бырөд дай.

НИНА. Но?! Турун нөбйыд нө ачыс локтө кыр паныдтө, оз
мыш вылад? Мөскыс менө жугөдіс-а.

ЁГОР. Мый сэссия лөвтан?

НИНА. Шөрөд кылана, некытчө и сувтлыны.

ЁГОР. Мыйла некытчө?

НИНА. А мый нө, мөс ни верөс ни?

ЁГОР. Лөсьөд дай... кыкнансө.

НИНА. Лок!

ЁГОР. Эн скөрмөдчы. Ме тэныд ог нин эскы.

НИНА. Ме эськө ог жө да.

ЁГОР. Мый сэссия либө сибөдчин?

НИНА. Сідзи. Гашкө, мися, өвсин нин.

ЁГОР. Öвсян, кор... Öзтыв сирөд мыр, мый сыысь кольө?

НИНА. Мыйлакө тай сэк шыаси!

ЁГОР. Шыасин кө, мый на. Ыджыд емөн бытгтө став өдөмөс
писькөдін.

НИНА. Метөг на өд эмось...

ЁГОР. Эмөсьтө меным эн висьтав. Ме аддза нин.
 НИНА. Мый аддзан?
 ЁГОР. Но, лямпа гоз абу тэа-меа.
 НИНА. Гашкө, том дырйи кө.
 ЁГОР. Том путо шыгырглө на. А порьыс пуыд кутөдзыкк
 вьськыдсө.
 НИНА. Быдтор өд төдө. Эг нин көсийив, да бара и ылал
 татчө.
 ЁГОР. Мыйкө... эстөн коз улас... сьөлаоз быдмө... Воома нин.
 Чөсмась.
 НИНА. Ноко?! Збыль тай! А кутшөм юмов, вомад и сьлө.
 Мый нө ачыл эн вот?
 ЁГОР. Мися, гашкө, волан да.
 НИНА. Кыськө тай эм! А тадзтө вот гажаджык жө овнытө.
 ЁГОР. Кыдзи?
 НИНА. Тадзсө но, өткөн дорсьыд. Öткөннад өд... быттьө
 больничавын куйлан: кодкө видлыны волас, кодкө жалитыштас.
 А сьөлөмыд оз и инасьлы.
 ЁГОР. Сийө өд и эм.
 НИНА. Дерт, мед эськө моргыд морт шөрө жө вьскалан. Коркө
 тай воліс өти мужик коравны, да тэ сайө бара, мися, ме ог пет.
 Керкатө, мися, видзөдлыны оз шогмы, а кутшөм нө тэ олөм олысь?
 Тэ өд, мися, менө тшөтш нинөмө воштан.
 ЁГОР. Менам эськө олан керка на да. Мед оз ло ошйысьөма-а.
 Катлам миянө! Абу өд быть помөдз тан овны.
 НИНА. Мыйла тиянас?
 ЁГОР. Видзөдлан менсьым керкасө.
 НИНА. Кывтись ме татысь, Ёгорей, кывтись.
 ЁГОР. Сідзкө, либө ме тэкөд кывтла. А, Нинуш?
 НИНА. Вай огө нин. Тэ катысь, ме кывтись, мед сідзи и
 кольө. А бурөн ме тэнө унаысь на казтьыла.
 ЁГОР. Казьтылөмыд мыйкө и сетас! Быттьө горшыд косьмө, а
 некытись юнытө.
 НИНА. Да өд, кыкнас локтан да, тиянө көть миянө, мыйкө
 ковмас висьтавны йөзыслы.
 ЁГОР. И висьталам! Мися, отласям. И мед сэсса коді бызгө.
 Вьськодь!
 НИНА. Ёгорей жө эськө тэ да. Мыйла нө эн тодмышкав
 менө талун? Йөйөс, шу, кодкө тэнө новлөддө. Кык шог өд вөчин!
 ЁГОР. Тэ вот меным вөчин.
 НИНА. А тэ меным эн?

ЁГОР. Вот и отлаасям! (*Сувтö Нина водзö.*) И мед вöли шуöма
öни, кодарö меным, катны али кывтлыны тэкöд!

НИНА. Кывтлам.

ЁГОР. Тайö кывйыд и коліс.

НИНА. А мый нö, он жö нин тэысь мынлы-а! Лёк!
(*Кучкышталö Ёгорлы морöсас да топöдчö. Ёгор сывъялö сійös.*)

З а н а в е с

СЬӖЛӖМ КОСЬТЫСЬ

Тештор

В о р с ы с ь я с :

ТЕБЕНЬКОВ — участокса инспектор
ТЕБЕНЬКОВА — кукань видзысь

Неьдждьд вежӖс. Пызан сайын пукалӖ Тебеньков да лыддъысьӖ, кадъыс кадӖ пасйыштлӖ мыйкӖ аслыс. Стенас, мышку саяс вымпел ӧшалӖ.

Сёр нин и мудзӖма, очсӖдлӖ ТебеньковӖс. БосьтлӖ нин пызан вылысь фуражкасӖ, но бара на зунысьӖ книгаын.

Решетка ӧшинь сайысь тыдовтчылӖ юр, сэсся пырӖ Тебенькова.

Кыкнанныслы муртса на кызъысь петӖма, зэв нин арӖсӖн Тебеньковыс ыдыдджык, но кутӖ асьсӖ, дерт, лэптӖмӖн — уджыс абу шмонитана.

ТЕБЕНЬКОВА. ПозьӖ?

ТЕБЕНЬКОВ. Эн ӧд тэ могӖн лок. Бара дӖзмӖдчыны. ТӖда нин ме тӖнӖ Надя.

ТЕБЕНЬКОВА. А вот и могӖн. (*ПуксьӖ орчӖн.*)

ТЕБЕНЬКОВ. Эн сэтчӖ, татчӖ пуксьы. (*ИндӖ паныдӖн.*)

ТЕБЕНЬКОВА. Абу ӧмӖй ӧткодъ?

ТЕБЕНЬКОВ. Абу, эн кӖ рыт пукны лок.

ТЕБЕНЬКОВА (*шпынъялӖ*). МогӖн висьтаси да...

ТЕБЕНЬКОВ (*дӖзмӖ*). Бара коркӖя мозыд? (*СувтӖ.*)

Гражданка Тебенькова, верманьид ывла сынӖднас лолалыштны. ТӖ менӖ гӖгӖрвоиньид?

ТЕБЕНЬКОВА. А тэ ӧнӖ, Гриш, абу удж вылын, колӖкӖ луннас ыджыдав.

ТЕБЕНЬКОВ. КӖнӖ пукалан? Он ӧмӖй менам кабинетын?

ТЕБЕНЬКОВА. А ӧнӖ рыт нин. Ас кежад лыддъысян.

ТЕБЕНЬКОВ. Менсьым уджалан кадсӖ абу урчитӖма.

А лыддъыся кӖ, ме удж кузя жӖ.

ТЕБЕНЬКОВА. Удж кузяыд тай. Институтад на мыйкӖ лӖсьӖдан да.

ТЕБЕНЬКОВ. Ог ӧмӖй нӖ ме юридическӖйын велӖдчы?

ТЕБЕНЬКОВА. ЗаочнӖйятӖ! (*СералыштӖ.*)

ТЕБЕНЬКОВ. А тэ и заочнӖйясӖ он велӖдчы. ТӖныд эськӖ мед сӖмын лывкъявны.

ТЕБЕНЬКОВА. А кодї нӧ куканьяссӧ ме пыдди идралӧ? Тэ вольвлан?

ТЕБЕНЬКОВ. Сэтшӧма и идралан. Ньӧти оз быдмыны.

ТЕБЕНЬКОВА. Но?! Босьтлы тӧрыгтя райгазетсӧ. (Тебеньков видзӧдлӧ.) Но, кодї медводзын? Ачылд некытчӧ шогмыгтӧм.

ТЕБЕНЬКОВ. Менам со. (Индӧ вымпел вылӧ.) Некутшӧм мыж вӧчӧм на эз кольлы эрдӧдтӧг.

ТЕБЕНЬКОВА. А менам могыс сыын и эм, мед эз вӧчны, мед водзвыв... мыйкӧкерны... (оз сюр кывйыс). Но... став туйсӧ тупкыны.

ТЕБЕНЬКОВА. Туйылд бара сюрӧ. Ме и верма.

ТЕБЕНЬКОВ. Мый верман?

ТЕБЕНЬКОВА. Кутшӧмкӧ мыж вӧчны. Пистолетгӧ босьта да кытчӧкӧ дзеба дай. Сэсса корсь, колӧкӧ.

ТЕБЕНЬКОВ. Кысь на ӧд и босьтан.

ТЕБЕНЬКОВА. Коркӧ на купайтчигад позис. Йӧйылд, колӧма, да эг.

ТЕБЕНЬКОВ. А мый тэн пистолетсыс?

ТЕБЕНЬКОВА. Лыйны кодӧскӧ. Асьтӧ жӧ.

ТЕБЕНЬКОВ. Мыйысь?

ТЕБЕНЬКОВА. Ягбӧжад век ӧтарӧ ветльвлӧмсыд.

ТЕБЕНЬКОВ. Сэн йӧзыс быд пӧлӧсыс.

ТЕБЕНЬКОВА. Ок ӧд мудер! А нянь лавкасыс вузасысысӧ кытчӧ? Вунӧдам, быгтяӧ абу?

ТЕБЕНЬКОВ. Ме бара сыкӧд нинӧм... Вай эн лӧсьӧдлы.

ТЕБЕНЬКОВА. Ставсӧ тӧдам. Законад мый шуӧма? Не соссыны!

ТЕБЕНЬКОВ. А ме ог и соссы! Гӧтрасытӧгыс на овсяс. Институт колӧ помавны.

ТЕБЕНЬКОВА. Видзӧдлам.

ТЕБЕНЬКОВ. А тэныд эськӧ мый?

ТЕБЕНЬКОВА. Ӑлӧдны тшӧктисны. Ягбӧжад ветлӧмсыд. А мыйла эськӧ кортӧгыс сэтчӧ довгынысӧ? Ноко, висьтав?

ТЕБЕНЬКОВ. Милиционерыслӧн уджыс абу сӧмын корӧминӧ локтӧмын. Корӧминад мукоддырайыс сӧр нин овлӧ. А кодї тшӧктис ӧлӧднысӧ?

ТЕБЕНЬКОВА. Ӑти ныв.

ТЕБЕНЬКОВ. Татчӧс?

ТЕБЕНЬКОВА. Да. Но ог висьтав.

ТЕБЕНЬКОВ. Ачылд?

ТЕБЕНЬКОВА. Ёна колӧ!

ТЕБЕНЬКОВ (шӧйӧвошлӧ). А мыйла эськӧ локтін?

ТЕБЕНЬКОВА. Он на өмөй гортад мун? Некытчө он воливлы: ни репетиция вылө, ни йөктыны. Ыкшасьö, зон лоома да.

ТЕБЕНЬКОВ. Некор, мися. Кык контрольной на колө быстыны. Лөсьыд тэныд, некөн он велөдчы да.

ТЕБЕНЬКОВА. А вот и велөдча. Сельхозтехникумын. И ог ошйысь тэ моз.

ТЕБЕНЬКОВ. Но и лыддысь, мун да.

ТЕБЕНЬКОВА. А менам мог эм.

ТЕБЕНЬКОВ. Кутшөм мог? Абутөм верөсьыд нөйтө? (*Серам лэдзлө.*)

ТЕБЕНЬКОВА. Эны, юалан на өд. Видзөдлам сэки, серамыд петас оз. Гриш, кымын во эськө сетасны, кукань-мөд кө бокө вузала? Менам өд тшөгөдан группа. А көин сөйөмөн висьталам дай. Көиныдлысь, мый сылысь босьтан?

ТЕБЕНЬКОВ. Надя, колөкө эн скөрмөдчы. Ме өд абу жө кын мыр.

ТЕБЕНЬКОВА. Абу-абу! Нитшсялөм из! (*Петө.*)

ТЕБЕНЬКОВ (*ас кежас*). Көймөдысь нин тадзи. Бытгьө ме коркө пондылі сы динө, армиясянь гижлі ли. (*Лыддысьсь.*) Скөрмөдас, да сэсса юрад нинөм оз пыр.

Өшинь сайті вуджөртө Тебенькова. Недыр мысти кылө сылөн сьылөм.

Участковйй Тебеньков
Сюра мегөысь оз пов.
Полө месьь өтнамысь,
Весиг кольөдны оз лысьт.

ТЕБЕНЬКОВ. Лөсьөды! Дыр-ө лөсьөдлан-а, чирышгла кө өтчыд...

Тебеньковалөн гөлөс:

Некор оз, некор оз
Лолы менам верөс,
Сы вөсна мый радейта
Милиционерөс.

ТЕБЕНЬКОВ. Оз өд өвсьы. Ок, эськө петала кө! (*Фуражкаасьлө, да бөр пөрччө. Кывзысьыштө да пуксьө лыддысьыны. Сэки зильмунө өшиньыс.*) Но, өні ме тэд петкөдла! (*Петө зэв өдий.*)

Неыджыд кост. Тебеньков пыртөдө Тебеньковайс.

ТЕБЕНЬКОВА. Бара мынтөдчис, мися, сойбордйод кутчысьбөмөн
нин пырам-а. (*Шпыннялө.*)

ТЕБЕНЬКОВ. Пуксьы. (*Пуксьоны паныдөн.*) Ним, вич, ов?
(*Гижны лосьөдчө.*)

ТЕБЕНЬКОВА. Юасян? Эгө өмөй дас во өтлаын велөдчөй.

ТЕБЕНЬКОВ. Нинөм ог төд. Ним, вич, ов? Гражданка, ме
тиянысь юала.

ТЕБЕНЬКОВА. Тебенькова Надежда Ивановна.

ТЕБЕНЬКОВ. Кымын арөс? Кор чужлиныйд?

ТЕБЕНЬКОВА. Оти восяось. Аскөдыд.

ТЕБЕНЬКОВ. Эг кывлы. Кымын арөс?

ТЕБЕНЬКОВА. Кызь.

ТЕБЕНЬКОВ. Көні уджаланныд?

ТЕБЕНЬКОВА. Тани совхозас. Кукань видзысь. Йөйөйд,
кольчи гортө. Эськө тайөс кө төді... (*бөрдзыштө*).

ТЕБЕНЬКОВ. Мый төдінныд кө?

ТЕБЕНЬКОВА. Нинөм. Мый оз ковсө эн юась.

ТЕБЕНЬКОВ. Тайө тиян уджныд? (*Индө жугөдөм өшинь
вылө.*)

ТЕБЕНЬКОВА. Менам.

ТЕБЕНЬКОВ. И мый та кузя верманныд висьтавны?

ТЕБЕНЬКОВА. Нинөм.

ТЕБЕНЬКОВ. Но өд мыйлакө жугөдінныд жө?

ТЕБЕНЬКОВА. А вот тай жугөді, эг юав, мыйла. Мед петалан
ывлаас... Пасьвидзан тан быд рыт.

ТЕБЕНЬКОВ. А мый тияны сетас менам петалөмыс?

ТЕБЕНЬКОВА. Мыйкө сетас тэнад петалөмыд!

ТЕБЕНЬКОВ. Сідзкө, колі мунны гортаныд, и ставыс.

ТЕБЕНЬКОВА. А оз кө мунсьы?

ТЕБЕНЬКОВ. Ме понда али мый сэссия?

ТЕБЕНЬКОВА. Гашкө, и тэ понда.

ТЕБЕНЬКОВ. Тешкодь тай. Артмө: ме жө и мыжаыс.

ТЕБЕНЬКОВА. А мый нө тэ, мыжтөм? Асьтө сөмын төдан.
Весиг некод вылө он видзөдлы. Вот!

ТЕБЕНЬКОВ. А ме шулі нин, мый некодөс ог көсйы төдны
институт помавтөдз.

ТЕБЕНЬКОВА. Он лысьт тадзсө шуны!

ТЕБЕНЬКОВ. Но?! Тэ ногөн кө, меным быть колө кодөскө
радейтны?!

ТЕБЕНЬКОВА. Колө! Мортыс пö сы вылө и эм, мед мөд
мортлы нимкодълун вайны.

ТЕБЕНЬКОВ. Кодлы мөд мортыслы? Тэныд?

ТЕБЕНЬКОВА. А көть и меным.

ТЕБЕНЬКОВ. А мый, тэ өд сідзсө зэв сьөлөма, инад өшйыгтөм.
Помнитан, армияö мунігөн, асланыд юкмөсөдз чөскыд вала котөртлім.

ТЕБЕНЬКОВА. Котөртлі кө, эг на нинөм ло.

ТЕБЕНЬКОВ. Эн эськө да... А вот бара дум вылө уси.

И некор оз вун. Лок!

ТЕБЕНЬКОВА. Кытчө?

ТЕБЕНЬКОВ. Колльөда. Гортад.

ТЕБЕНЬКОВА. Горттө ме сідз аддза.

ТЕБЕНЬКОВ. Кытчө нө эськө?

ТЕБЕНЬКОВА. Кытчөкө... вадорланьыс.

ТЕБЕНЬКОВ. Лок!

ТЕБЕНЬКОВА. А өшиньыд?

ТЕБЕНЬКОВ. Сылы аски на луныс воас. Лок!

Кусөдөны бисө да петөны

МУСУКАСЬӦМ

Ичӧтик теш

В о р с ы с ь я с:

ЁМА
ВӦРСА

Ёмалӧн керка пытшкӧсыс. Шӧрас пызан да кык улӧс. Ӧдзӧсыслы паныдӧн тыдыштӧ пач вом, кыгысь югзьыштӧ би. Ичӧтик ӧшинь да рӧмпӧштан сы весьтын, орчӧн ӧшалӧ гитара. Позьӧ и нӧшта мыйкӧ содтыны, ӧниялань матыстны керка пытшкӧссӧ. Тыдыштӧ и ывлаыс, ӧдзӧс сайсьыс. Вывсянь пуксьӧ-чечыштӧ сэтчӧ Ёма. Кок вож костас сьлӧн бедя рос, а шуйга киас тыра пакет, кутшӧмкӧ серпаса. Паськӧмыс Ёмалӧн ӧния ногса жӧ, сӧмын абу гачасьӧма. Восьтӧ ключӧн ӧдзӧс томансӧ да пырӧ керкаас, бедя россӧ сувтӧдӧ пельӧсӧ, а пакетсӧ пуктӧ пызан вылас. Ӧзтӧ сись. Томналӧ ӧдзӧссӧ пытшсяньыс. И пыркӧдчӧ кынмӧмысь.

ЁМА. Изӧймиті, сиктӧ лӧбзьылі да. Бара сэтчӧ вой тӧв петӧма, бусйӧ лымсӧ. Йӧйыд эг гачась. (*Лӧдсалӧ пачсӧ да шонтысьыштӧ бӧждорсӧ лӧптылӧмӧн.*) Локтан гортад, да мед эськӧ кодкӧ паныд уськӧдчис-а. Некодӧс и юрӧдыс малыштнысӧ — кага ни баля. Мыйлакӧ тай чужан Ёмаӧн! Йӧзыс полӧны, и Енмыслы он ков. А абу нӧ эськӧ аньтуя, ньӧти нӧ сьӧлӧмтӧм? (*Чышкӧ синвасӧ.*) Лӧкпозйыдлӧн оз на доршасьлы синваыс. А видлысьыд весиг абу, кулӧмыд-ӧ ловъя. Сэтшӧм кӧ нин мисьтӧм вӧлі, медтӧ на. А кыт оз тырмы? (*Видзӧдчӧ рӧмпӧштанӧ да вежнясьӧ.*) Юся вот да некытчӧ нин тавой ог и лӧбзьыв! (*Ректӧ пакетсӧ: пызан вылас лӧпталӧ джынъялӧм доз, восьтӧм консерв банка да сьӧд нянь шӧрӧмгъяс. Вайӧ румка да кисьтӧ, кӧсйылӧ юны и нюкыртчылӧ.*) Эсийӧ, лӧк Вӧрсаыс и то оз волю. Кӧн-мый шӧйтӧ йи сувтӧм бӧрас? Век на али мый Васаӧс кыйӧдӧ вир йӧйыд? А локтас кӧ ӧд, ог жӧ сибӧд муштӧмӧс! Мед турдӧ!

Ывлаын мыччысьӧ В о р с а, тырӧма тошнас. Паськӧмыс сьлӧн ӧния жӧ, сӧмын кысь мый веськалӧма. Кӧмыс, и то абу ӧти пӧлӧс. Киас магнитофон. Чуткылӧ сийӧс, да зымкнитлӧ музыка. Керкаас Ёма чермуналӧ музыкасьыс да уськӧдчӧ бедя роскысла, сувтӧ ӧдзӧс дорас.

ВӖРСА (*тотшкӖдчӖ ортсысяньыс*). Ёмук! Шог пальӖдысь!
 Али водін нин?
 ЁМА (*лигышмунлӖ*). Эг на. (*БӖр сувтӖдӖ беддя россӖ*.)
 ВӖРСА. А игнасьӖмыд да?
 ЁМА. КодӖскӖ Ӗд ог виччысь.
 ВӖРСА. Он эськӖ, колӖкӖ, да. Менам тай со гажӖй бырис-а.
 Ог и соссьы. Шлывмунін юр весьтти, да пыр и котӖрті. СӖ збыль!
 ЁМА. Воськодъ.
 ВӖРСА. Мыйла?
 ЁМА. Збыльыд тӗнад кык вожа нин. Мун да ВасатӖ малав.
 (*ЧиктылӖ*.)
 ВӖРСА. Мый сийӖ малалӖмыд? ЭськӖ олі кӖ ме ськӖд-а.
 ЁМА. Код тӖдас тӗнсьыд, ВӖрсалысь.
 ВӖРСА. Код тӖдас пӖ Ӗд?! Абу нӖ сийӖ юрсяньыс да гӖйӖдзыс
 ныв, а водзӖсӖ чери?
 ЁМА. А мый нӖ эськӖ быд гожӖм сы динӖ кыскӖ?
 ВӖРСА. Аддзан да Ӗд...
 ЁМА. Вот и виччысь гожӖмсӖ. КытӖнкӖ коз улын. Аслад кер-
 каыд абу жӖ-а. Лыс чомтӖ весиг он вермы лӖсьӖдны.
 ВӖРСА. Мый сийӖ керканад ошйысян?
 ЁМА. МыйӖн верма, сийӖн и ошйыся.
 ВӖРСА. Он восьтыв?
 ЁМА. Ог.
 ВӖРСА. Муна кӖ Ӗд, аслыд гажтӖм жӖ лӖ.
 ЁМА. Мед. Менам велалӖма нин. Вольсася и вода.
 ВӖРСА. А эськӖ пукальштӖм. (*ЧуткылӖ магнитофонсӖ*.)
 Музыка кывзыштӖм. А, Ёмук?
 ЁМА. Да, сӗсса тӗ кольччан, да?
 ВӖРСА. Ме ог тӖд.
 ЁМА. Сюсь Ӗд кылӖ! (*ШешмунлӖ*.)
 ВӖРСА. НьӖти абу сюсь. Сотыштлас быттьӖ морӖсӖс, и ста-
 выс. И мышку сайсянь кодкӖ быттьӖ тойлалӖ. А чужӖмтӖ на
 весиг ӗн петкӖдлы. Ӓн на Ӗд сӗтшӖма пӖрысьмы та Ӗдий.
 ЁМА. А, гашкӖ, пӖрысьмы, рӖмпӖштанӖ нин ог лысьт видзӖдлы-
 ны? (*ЛӖсьӖдчыштӖ*.)
 ВӖРСА. Ме тай ог чайт-а. Восьтыв но! А, Ёмук?
 ЁМА (*восьтӖ*). Он нин тӗысь мынлы.
 ВӖРСА (*пырӖ*). СийӖ и бур, он кӖ мынлы.
 ЁМА. Ӓтша нин менӖ скӖрмӖдлін да.
 ВӖРСА. Бурасыны тай и локті. (*КӖсийӖ кутыштлыны*.)
 ЁМА (*вештӖ кисӖ*). Дыр-Ӗ кежлӖ? Ва воссьытӖдз?

ВӖРСА. КолӖ вот сылы дэльӖдчыны! КольӖматӖ Ӗд, сійӖс...
вунӖдін дай. И бара воссьылас нюмыд.

ЁМА. Оз на тай вун.

ВӖРСА. Оз, дерт, тадзтӖ. Шуан да, шуӖма лоӖ, а сьӖкыд руа жӖ
тэ, Ёмук, сьӖкыд руа.

ЁМА. КутшӖм эм. Он Ӗд веж асьтӖ.

ВӖРСА. Он мыйкӖ?! Пуыс и то лыссӖ вежлӖ-а. БӖр Ӗд ог
мун, пыри нин да.

ЁМА. Ачыд тӖдан. Ме ог кут.

ВӖРСА. А меным эськӖ, мед кутін.

ЁМА. Вывті тай кӖсьян!

ВӖРСА. Вывті и кӖсья. ВодзӖс асьтӖ мусаавны. А тэ чушь-
ялан, и меным оз сюр мелі кывійыс. Он шу, лок пӖ водзлань.

ЁМА. Но, лок водзлань...

ВӖРСА (*видзӖдлӖ пызан вылӖ*). Ок, кузь на тай вӖлӖма кокӖй!
Мися, мыйкӖ Ӗнтай ныр улӖй лудззыліс.

ЁМА. Зэв Ӗд тэрыб. СійӖс бытгӖӖ и виччыси.

ВӖРСА. А кодӖс нӖ?

ЁМА. Сідзи. СиктӖ тай лэбзьылі да пыралі Ӗти керкаӖ. Ась-
ныс усялӖмаӖсь, а пызаныс идратӖм. Локті да, час, мися, кынмӖ-
мысь. А игӖдчыны сэн кутін.

ВӖРСА. Шышкасян жӖ эськӖ да.

ЁМА. А тэ он? КыськӖ нин со этайӖс... повзӖӖдчансӖ... (*ИндӖ
магнитофон вылас.*)

ВӖРСА. НьӖти абу повзӖӖдчан. (*ПуктӖ магнитофонсӖ пы-
зан вылӖ да чуткылӖ.*) Туристъяс тай войколӖн волісны, ныв-зон
чукӖр, да налысь босьті. А мый нӖ, узыны оз сетны да?

ЁМА. Но, пуксьы, пуксян кӖ.

ВӖРСА. А тэ бурӖн шу.

ЁМА. А тэ бурнас ло жӖ.

ВӖРСА. А он сибӖд ачыд матӖ да. Мед эськӖ ог и инмӖдчыв.

ЁМА. ИнмӖдчылӖмыд мыйкӖ тэныд и сетас?

ВӖРСА. А мыйкӖ и сетас. КутшӖм на со лайков пельпомыд.
(*ИнмӖдчылӖ пельпомас.*) И морӖсад бытгӖӖ кык сьӖла пуктӖмыд.
УвланьсӖ ог нин шу-а.

ЁМА. А мый нӖ увланьыс?

ВӖРСА. Абу на жӖ буждӖмыд. ГӖгӖр на буретш.

ЁМА. Быдтор Ӗд аддзӖ. (*ШпыньмунлӖ.*)

ВӖРСА. Абу Ӗд синтӖм. Он кӖ нӖ нинӖм аддзы, мый сэтшӖм
нывсьыд. БыдӖнлӖн на тай мичыд вылӖ вежыс петӖ.

ЁМА. Да пуксьы, эн сулав. Эн Ӗд вольтӖм керкаӖ пыр. Час,
ме мӖд румка вая. (*ВетлӖ да вайӖ.*)

ВӖРСА (*пуксьӧ да вайгьялӧ*). Ёмук, гашкӧ, он эскы, а унаысь нин ме тэнӧ и вӧтасьлі. Топӧда, топӧда быгтӧ морӧс бердӧ, а тэ он сетчы, тойласян.

ЁМА. Кокыд ӧд вӧлі, вӧтасьлін кӧ. Эн на тай петкӧдчы, лым сылігас мунлін да.

ВӖРСА. Тойласьӧмсьыс и полі.

ЁМА. А ӧні он пов?

ВӖРСА. Ог. Пызан сайӧ на пуксьӧдін да.

ЁМА. Шуан тай, сьӧкыд руа пӧ. (*Кисьтӧ и вайӧм румкаас.*)

ВӖРСА. Век ӧд абу жӧ. Коркӧ и мелі овлан.

ЁМА. Но, ю, эн видзӧд.

ВӖРСА. Огӧ нӧ точкысьӧй?

ЁМА. Шу мыйкӧ либӧ.

ВӖРСА. Час, энлы. Кыдзи тай ӧти шор мӧдӧ усьӧ, мед ме сідзикӧн жӧ век тэӧ уси. Вай! (*Точкысьӧны.*)

ЁМА. Усь. Чукльӧдла нӧ ме тэысь?

ВӖРСА. Он.

Юӧны да муртса коставлӧны сёрнисьыс. Ёма сьывны пондӧ вомгорулас, сэсся чеччылӧ гитараысла, ворсігтырйи сьылӧ:

Киа-кока, ныра-вома,
Мый тэн колӧ, ставыс эм.
Кӧнкӧ вӧрын олӧ Ёма,
Кӧньӧр ӧтнас узьлӧ нэм.

Некод сы дінӧ оз волы,
Козьнав сылы чӧскыд ун.
Весиг Вӧрса, шӧйтан лолыд,
Ӗшинь увтыс оз мун.

Эзысь тӧлысь югӧр койӧ,
Эськӧ он на пыр да вод...
Гажтӧмыс нин сійӧс сейӧ,
Кытчӧдз сьӧлӧмыс оз пот.

ЁМА. А тэ вот чукльӧдлан мейсь, Вӧрсукӧй! Волас мед тулысыс, ӧдйӧ на васа дорад... (*Ӗшӧдӧ гитарасӧ.*)

ВӖРСА. Да Васанад и ставнас! Мыйкӧ сылысь босьтан, джын-выйӧ чериыдлысь?! Вежӧгтан сэтӧн!

ЁМА. Ныв джынсӧ. Окалан дай.

ВӖРСА. Окалӧмсьыд и пӧтлан! Тэнад кӧть кок вож и быдтор-а...

ЁМА. Эн сөр, мый оз ковсө? (*Кучкыштö пызанас.*)
 ВÖРСА. А нбöти сытöгыд... абу жö мусукасьöм. Эн тэ ме-
 ным и висьтав.
 ЁМА. А тэ нö мусукасьны и локтін?
 ВÖРСА. Эг.
 ЁМА. Абу тай. Синмыд кодзлалö нин-а.
 ВÖРСА. А тэ нö кын мыр пукалан? Жугöдчöмөн ме пыри, эн
 ачыд лэдз?
 ЁМА. Ме öд гозйөн олөм вылө, а эг...
 ВÖРСА. А гозйөн олөмыд сытöгыд оз жö пуксьы, Ёмукöй. Ог
 тöд, кодöс ылөдлан-а?
 ЁМА. Ылөдла кодöскö! Мусукасьнытö... оз на ков мусюр йылö
 кайлыны. Тэ муслунсö тöдлы!
 ВÖРСА. Мый нö колö вöчны?
 ЁМА. Эн на тай шулы, кымынысь нин узьлн да: ватö пö вая ли,
 пестö пö вöча ли.
 ВÖРСА. Тшöктн кö и.
 ЁМА. Тшöктöм нö колö, радейтан кö менö? Ачыд он аддзы?
 Со кутшöм керкай, ош янöдас. Он шу, кык та ыдждас пö лэпта.
 Вот шу, коко!
 ВÖРСА. Быть нö öнi али мый?
 ЁМА. Öнi, дерт. Эськö мöдысь на кисьта.
 ВÖРСА. Да мыйкö... он на удит пырны, лочки сёрнитны...
 быгтьöкö гозья нин...
 ЁМА. А мый нö, сöмын на тöдмасим?
 ВÖРСА. Лöсялам на.
 ЁМА. Ланьт! Ныла-зонма кö вöлим, важөн нин кага бöрдис-а.
 Век на сöмын лöсялам?! Ой! (*Пузвылө.*)
 ВÖРСА (*чеччö*). Муна кö эськö?!
 ЁМА. Мун, садьтö кö он тöд.
 ВÖРСА. А тэ и тöдан? Став сьöлөмтö нин сылы восьтан, да
 век на этша. Вой улад на колö дöзмöдчыны. Кутлы сэсся та
 бöрын!
 ЁМА. Эн и кутлы дай.
 ВÖРСА. Торйөн нö водам? Ачыд пач саяд, а ме татчö,
 джоджад?
 ЁМА. Гашкö и, пач сайö жö.
 ВÖРСА. Сэсся мойдчыны кутам?
 ЁМА. Узьны. Мыш на мыш.
 ВÖРСА. Ыкшаыд нин эськö тэнö босьтöма. Он шу: пуксьы пö
 да сiдзи на мöдысь кисьта, абу жаль.
 ЁМА. Мöдысь и кисьта, овны кö мекöд чайтан.

ВӖРСА. Чайга.
ЁМА (*кисьталӧ*). На, унджык на со тэныд, тадзтӧ кӧ. Гашкӧ,
та вӧсна и юам!
ВӖРСА. Но!

Точкысьӧны да юӧны.

ЁМА. Овны кӧ ӧд, ВӖрсукӧй, ме тэ понда карӧ на лэбзьыла.
ВӖРСА. Мыйла карас?
ЁМА. Кӧмӧда и пасьтӧда тэнӧ. Мед асьтӧ он тӧд. Калбас на,
гашкӧ, кыськӧ сюрас и.
ВӖРСА. Ме ӧд керкатӧ лэпта жӧ, колӧкӧ, ог дышӧдчы да.
ЁМА. Вот тайӧ сӧрни нетшкан тошлӧн! (*Кватитчӧ*.) Ой, ме-
ным юрӧ нин кучки! Эн дивит! Он ӧд дивит?
ВӖРСА. Ог.
ЁМА (*сывтӧ*). А ме ёна нин вежси?
ВӖРСА. Ньӧти.
ЁМА (*сьылыштӧ йӧктыштӧмӧн*):

Ойя да, ойя да,
Вӧлі югыд воя да.
Вӧлі югыд воя да,
Кодкӧ небыд соя да!
Ойя да, ойя да,
Сьӧлӧмыд век доя да.
Сьӧлӧмыд век доя да,
Кодкӧ небыд соя да.

(*Дугдӧ сьывны*.) А вай чишкалам тоштӧ!
ВӖРСА. Мыйлакӧ?
ЁМА. А сьысь став шогыс!
ВӖРСА. А шудыс и абу?
ЁМА. Кыкнанныс. Тоштӧм кӧ вӧлін, тан эн пукав.
ВӖРСА. Эг, дерт. (*Чуткӧ магнитофонсӧ*.) Лок!

Йӧктӧны ӧнія йӧктан. Вочасӧн ВӖрса пондӧ меліасьны.

ЁМА. Да энлы на сэн, волас на тэныд кадыс.
ВӖРСА. А, гашкӧ, водам да? А, Ёмук?
ЁМА. Водам на кытчӧкӧ, абу на ӧд вой шӧр.
ВӖРСА. Вой шӧртӧ кӧ виччысьны и... Кодысь миянлы повнысӧ?
Ёмук, но?!

ЁМА. Сираяс сэтчө да! Но вод мун, ме локта.
ВÖРСА. Да, гашкө, тэ мый дыра на он лок-а?!
ЁМА. Локта, локта, игнася и локта.
ВÖРСА. Час. (*Мунө пач сайө.*)

Ёма ветлө да игнасьө, дугөдө магнитофонсө, ышловзё да тільыштө синъяссө.

ЁМА. Кысь эськө мусаыс, да быть өд қодкөдкө вод. Кыдзи бара йөзыс олөны-а?! Тадзи жө кө и... (*Өвтыштө кинас да шпут пөльыштө бисө.*)

ПОМ

ВИР ТШЫКӦДЫСЬ

Ичӧтик драма

Ворсысьяс:

ОЛЬГА
РЕВОЛЬТ

Сиктса керка. Пырӧ Р е в о л ь т. Корзьӧм паськӧма, шуйга коксьыс резина сапӧгсӧ пуртӧн вожӧдӧма.

РЕВОЛЬТ. Ольга тьӧтка! Узян али гӧбӧчад? Оз ӧд шыась.
(*Петалӧ посводзас.*) Ольга тьӧтка! Али абу гортад?
ОЛЬГАЛӦН ГӦЛӦС. Тани. Мӧс дорын. Час войтӧда нин.
РЕВОЛЬТ. А-а! Но виччысьла! (*Пуксьӧ лабич помас.*)

Недыр мысти пырӧ О л ь г а, мӧс лысьтан ведраа.

ОЛЬГА. Мися, кодӧ нин сэтшӧм зымӧдан кокаыс? Револьт и вӧлӧма. Мый нӧ ветлӧддан?

РЕВОЛЬТ. Сӧдзи.

ОЛЬГА. Сӧдзиыд эськӧ тэнад оз овлы да. Ӧти могыд.

РЕВОЛЬТ. Но! Воськӧдан кӧ юрӧс и.

ОЛЬГА. Со, колӧкӧ, мӧс вӧра йӧлӧн.

РЕВОЛЬТ. Эн серав.

ОЛЬГА. А кытысь меным курыдыс? Ӧти талонтӧ сетласны да...

РЕВОЛЬТ. Кодкӧ луно на кыкӧс ньӧбин. Быттӧ эг аддзыв.

ОЛЬГА. Но, сы вылӧ ӧд ме пес вайӧдӧ.

РЕВОЛЬТ. Мый нӧ коть? Кыкнансӧ и юкталин? Эн ылӧдчы,

ОЛЬГА (*шӧйӧвошлӧ*). А-а... бур вылӧ бурӧн!

РЕВОЛЬТ. Вожалис нин кывйыд. Ачыд Ен тӧдан-а. Ки чышкӧд на сэтчӧ ӧшӧдӧмыд.

ОЛЬГА. Еннад тэ менӧ эн зурӧд. Асьтӧ тӧд. Сизимдас вит арӧсаыслысь менсьым дзайган, локтӧмыд да!

РЕВОЛЬТ. А мый нӧ тэ, абу олысь? Мӧс на видзан да. Ӧтнад нин тан, кывтыдпомас.

ОЛЬГА. Верма на дай видза. Мӧскыс меным и гажыс.

РЕВОЛЬТ. Эн и коньӧрась сӧни! (*Сетчыштӧ пызан дорас да вожмалӧ кокъяссӧ.*)

ОЛЬГА. Мый нө тэ, кулакавны менө локтін?
 РЕВОЛЬТ. Кулакавны и колө эськө да. Ставсө выльысь.
 ОЛЬГА. Мед оз нөйтчы батъйдлөн вирыс!
 РЕВОЛЬТ. А оз нө қуравны сьөмсө?
 ОЛЬГА. Коді куралө, сылы кочкылө на коскас. Курав жө дай,
 вежыд кө петө.
 РЕВОЛЬТ. Абу ме сэтшөм.
 ОЛЬГА. Қутшөм?
 РЕВОЛЬТ. Горш пон.
 ОЛЬГА. Мый нө эськө көвтчан?
 РЕВОЛЬТ. Ог өд государствоислысь.
 ОЛЬГА. А государствоислы өд абу жө тэ помысь өтлекыс.
 Куш на Револьт нимыд тэнад!
 РЕВОЛЬТ. А ме аддза нин!
 ОЛЬГА. Мый аддзан?
 РЕВОЛЬТ. Қытчө оломсө бергөдоны. Колхозыд көн нин миян
 абу. Регыд и совхозыд оз ло.
 ОЛЬГА. Қытчө нө лоө?
 РЕВОЛЬТ. Чашгысны арендаөн. Сідзи ли.
 ОЛЬГА. Арендаыд өд, коми ногөн кө, көртым на. Лунтө удж-
 өдас и войтө на пальөдас, көсьян кө, мед аслыд тшөтш мыйкө воис.
 РЕВОЛЬТ. Оз кө во, оз на ыштыны.
 ОЛЬГА. Ышты жө дай, код тэнө кутө? Абу на квайтымын.
 РЕВОЛЬТ. А сідз на позис овны.
 ОЛЬГА. Позис: өти лун дучкан, мөд лун веськөдчан.
 РЕВОЛЬТ. А тадзтө абу жө сөветскөй ногөн.
 ОЛЬГА. Мыйла абу? Кодлы сыысь лекыс, вөрзяс кө уджыс?
 РЕВОЛЬТ. Мыйла өтилы бур, а мөдлы дур.
 ОЛЬГА. Кодлы мөдлысө?
 РЕВОЛЬТ. Эг нө ме пузьөдчы тан, мөс картаас? Кымын во
 нин! А босьтисны арендаө, и — мун сэтысь!
 ОЛЬГА. А тэнө эськө мед жаляддза видзисны? Тырмас, тор-
 касин нин йөзыслы. Коркө на вөлі потөма пөртгыйд йизьөмысла.
 РЕВОЛЬТ. Мыйыс оз овлы да.
 ОЛЬГА. Чөв, Сталин дырйи кө тэнө таысь өдийө на шердийөдис-
 ны кытчөкө. Эн и волы гортад.
 РЕВОЛЬТ. А мый нө, гажыд быри Сталинсьыс?
 ОЛЬГА. Мун, эн сөткөд! Велалөмыд нин гугөдны, мый оз шуны.
 РЕВОЛЬТ. А вот кытчө ме өні?
 ОЛЬГА. Менсьым юасян?
 РЕВОЛЬТ. А тэ сэтшөм сюсьыс да! *(Веший пызан дорас,
 наяна өшөдчө гырдыда вылас.)*

ОЛЬГА. Джагөдчы! Грекөвөйтчан сэтөн!
 РЕВОЛЬТ. Пасибө чуйдөмсьыд.
 ОЛЬГА. А мый нө, ме тэныд уджтө корся?
 РЕВОЛЬТ. Тэ мыйкөтө корсьылы... Уджыд меным сюрө на.
 ОЛЬГА. Абусө ог корсь.
 РЕВОЛЬТ. Ок, өд, Ольган-больган.
 ОЛЬГА. А мый нө, тэ менам и гөсьтыс?
 РЕВОЛЬТ. Вөча жө мыйкө водзөстө.
 ОЛЬГА. Ланьт, сө водзөс нин тэ сайын.
 РЕВОЛЬТ. А он аддзы коксө? Вождьдны лои сапөгөс. Ой,
 висьө оз?
 ОЛЬГА. Мый нө, керыштін али мый?
 РЕВОЛЬТ. Соті. Дзоля пач ломтгигөн.
 ОЛЬГА. Кыдзыкө?
 РЕВОЛЬТ. Вугыртлі, да өгырыс чеччыштөма сапөг костө.
 ОЛЬГА. Вугыртлөмыд и эм, збыль кө бытгтө.
 РЕВОЛЬТ. Но, дерт, гажа вөлі. А юав больничасьыс, он кө
 эскы. Кысь меным еджыд бинтыс либө?
 ОЛЬГА. Код төдас тэнсьыд.
 РЕВОЛЬТ. Со разьла, колөкө. (*Ызвьө.*)
 ОЛЬГА. Колантор!
 РЕВОЛЬТ. Но и кисьт стөкан джын. Муна сэссия гортө, да
 ог-ө унмовсьылы.
 ОЛЬГА. Мунан, дерт, тэ мөдысь кортөг.
 РЕВОЛЬТ. Муна. А полан кө, унджык кисьт дай. Кольө на,
 кодлы видзан.
 ОЛЬГА. Ог нин тэысь мынлы! (*Вайлө югыд доз да кисьтө
 сэтысь стөканө.*) Юан да мед вөлі мунөма сэссия. Ме гөбөчө
 пырта коляссө.
 РЕВОЛЬТ (*шешмунлө*). Ачыд төдан.

Ольга дыркөдь оз петкөдчы. Но и Револьтыс төдөмөн оз на чеччы, да бөр локтө.

ОЛЬГА. Көн нө гортыд... гортө мунысьлөн?
 РЕВОЛЬТ. Энлы, юрө жөвгис да.
 ОЛЬГА. Кытчө нө колө? Сітанад?
 РЕВОЛЬТ. Разальштө мед.
 ОЛЬГА. Разөда вот, укват босьта да, тадзтө кө!
 РЕВОЛЬТ. Укватыд өд кык пома.
 ОЛЬГА. А менам мөскөй дівзө. Эг и лысьты кушөдз!
 РЕВОЛЬТ. Лэччы да лысьты дай.

ОЛЬГА. Коля тэнö керка шөрö!
 РЕВОЛЬТ. Либö ачыл и кысьт мöдысь. Кытчö пыртгн гөбöчад?
 ОЛЬГА. А тэ нö морт абу, а? Морт абу?!
 РЕВОЛЬТ. Эн карлась. Ачыл абу жö бöжтöм. Нывтö кыр-
 салн на война бöрас. Питö ог шу-а.
 ОЛЬГА. Сета вот нырад! Эз нö усь менам юр кутысьыс?
 РЕВОЛЬТ. Кодлөн эз и усь да. Эз на тай быдөн кок вожсö
 паськöдлыны тэ моз.
 ОЛЬГА. Ок, пеж! Тадзикөн и корсян аслыл гажтö?
 РЕВОЛЬТ. А эн нö кырсава нывтö?
 ОЛЬГА. Кырсаля кö, ачым на быдтн? (*Кучкö пызана.*) Не-
 кодлысь на грöш эг корлы. Тэ вот кодöс быдтгн-а? Кодн гуад
 сюяс, чергöдчан да?
 РЕВОЛЬТ. Сюясны, индомö муна да.
 ОЛЬГА. А пет керкасьыс! Синмөн мед ог аддзы тэнö, вир
 тшыкöдысьöс!
 РЕВОЛЬТ. Эн тэрмась. Пырав гөбöчад, да вöлись.
 ОЛЬГА. Со тэныд!
 РЕВОЛЬТ. Песовта сойтö, дырджык кö сэн... (*Чечкö лё-
 кысь.*)
 ОЛЬГА. Пондыв! Тэныд öд законыс эм жö!
 РЕВОЛЬТ. Лэдза увлань юрөн, да чегö сьылдзирйыд! Тöдлан
 сэки законсö! Колöкö, ачыл усин?

Дилькьялгтырйи Ольга пыралö гөбöчас да петкöдö стöкан джын.

ОЛЬГА. На, мед лолалан горшад веськалö, да пезьдан сэтчö.
 РЕВОЛЬТ. Оз веськава. Абу сылы туйыс тöдтöм. (*Гулькнитö.*)
 ОЛЬГА. Чайтан, ог и висьтава некодлы?
 РЕВОЛЬТ. Висьтава, мый босьтан бурсö-а?
 ОЛЬГА. Мый нö вöчан? Виан?
 РЕВОЛЬТ. Мед тшынийыв он кай керкайдкöд öтлаын! На, пукты
 стöкантö. Ме сесся гортö мунысь. (*Мунö.*)
 ОЛЬГА (*сьöмдалгтыр*). О, господьö, кодöскö тай видзан му
 вылас!

З а н а в е с

КУЛА КӖ ЭСКӖ

Ичӧтик драма

Ворсысьяс:

ӦНДРЕЙ
МАНЕПА
САНЯ } — олмаӧсь

Ӧндрей да Манепа пукалӧны пызан сайын, чай юӧны, сѣянсӧ абу на идралӧма пызан вывсӧсь.

МАНЕПА. Вугрӧдлӧ нин... коньӧрӧс.

ӦНДРЕЙ. Лешмӧдін да. Дыш и вӧрзъыныгӧ.

МАНЕПА. А зэр улӧ он коль кос турунсӧ. Сѣ майбыр, зорӧдӧ на воис.

ӦНДРЕЙ. Воис. Мися, оз нин эштыв-а.

МАНЕПА. А вод! Кытчӧ водан? Ме дінӧ али торйӧн?

ӦНДРЕЙ. Ме ог тӧд. Тэ чужъясян да.

МАНЕПА. А быдторсӧ тай вӧтасян. Мый водзын кӧ.

ӦНДРЕЙ. Лӧк водзын нӧ?

МАНЕПА. Код тӧдас.

ӦНДРЕЙ. Олам тай со. Кымын во нин.

МАНЕПА. А ог жӧ ӧд тай и гижасьӧмӧн.

ӦНДРЕЙ. Эсы понда жӧ ӧд. Пышйис да оз юксӧсь ни, оз волы ни.

МАНЕПА. Ачылд тай он жӧ юксӧсь ськӧд. Судӧ сетін дай.

ӦНДРЕЙ. А сідз овсяс! Лӧкала нӧ тэ вылын? Вӧтла?

МАНЕПА. Он. Зэв на и морт. Ӧндреюшко.

ӦНДРЕЙ. Тэ тай менӧ дзескӧдлан. Манепаыс.

МАНЕПА. Ме? Мыйӧнкӧ?

ӦНДРЕЙ. Но... талун эскӧ и позьӧ вӧлі да... ичӧтикатӧ... Куш чайылд быгтьӧ...

МАНЕПА. Да-а, мед веськавлас тэныд... ичӧтикаылд. Эштылас сӧки турун пуктӧмыд!

ӦНДРЕЙ. Сійӧн жӧ ӧд тай ог и дзайгы. Тӧда нин ачымӧс да.

МАНЕПА. А вод, веськӧд мудзтӧ. Час, вольсала диван вылас. (Чечӧ.) Ой, аслам нин гӧгӧр рудзалӧма. (Нюжмасьӧ.) Но, кодкӧ и локтӧ на, кылӧ.

Пырö С а н я, ыджыдкодь сумкаа.

ӨНДРЕЙ (*чуймө*), Саньö, едритвойöнүд!

САНЯ. Ме. Лысьта кө?

ӨНДРЕЙ. Пырин нин да?

САНЯ. Пета бөр, шуан кө.

ӨНДРЕЙ. Некод оз шу.

САНЯ. Сийö и бур. (*Пуктö сумкасö.*)

МАНЕПА. Лок водзлань. Со идравтöм на пызанöй.

САНЯ. Ме абу тшыг. Дыр-ö автобуснад?

МАНЕПА. Чай стöканыд төрас на.

САНЯ. Но, инö. (*Пуксьö пызан помö.*)

МАНЕПА (*вайö чай*). Пыдöджык.

САНЯ. Судза. (*Юышитö чайсö.*)

ӨНДРЕЙ. Вежсьöмыд жö тай.

САНЯ. Вежсян öд... сы дыранад.

МАНЕПА. Öдйöджык на бабаыд. (*Пуксьö.*)

ӨНДРЕЙ. Во дас вит, буракö, эн петкöдчыв.

САНЯ. Аслад нин вунöма.

ӨНДРЕЙ. А кымын во нö?

САНЯ. Дас сизим.

ӨНДРЕЙ. Но, пышйöмсянбыд.

САНЯ. Пышйис кодкö!

ӨНДРЕЙ. А мый нö вöчин?

САНЯ. Муні.

ӨНДРЕЙ. Сідзи нö муңлöны? Палялі, а некön абу. Бöрыннас кывсис, Зеленечын пö, порсь комплексас, уджалö.

САНЯ. Эн тай волы да бөр вайöд.

ӨНДРЕЙ. Вайöдан кыдзкö пышйöмтö?

САНЯ. А-а... (*Таркö пызанас.*) А ме нö öтнам пышйи? Эг кык челядьöн? Öтиыс мөздорын, мöдыс сой пöлön. Ноп на мышку сайын дай. Мед Манепаыд шуö, коді мыжаыс.

МАНЕПА. Ме татчö нинöм ог лысьт шуны.

САНЯ. А эг нö öтнам сэсся быдтысь? Нинöмö вошті кык-нансö?

МАНЕПА. Ен ськөдön. Сьöлöма на вöлöмыд.

САНЯ. А öнi нö сьблöмтöм?

МАНЕПА. Некод оз шу. Öндрей тай мыйкö ланьтис-а.

ӨНДРЕЙ. Он öд асьтö лэпты, юсьöма нин и вöлі да. Эз кө Манепа дугöд, важön нин гуын куйлі. Кымынön тай нин бырины. А бара на со морт олысь. Чайтан, этша сылы шогыс да нокыс сюри?

САНЯ. А ме нө дивита сійӧс? Юсьӧматӧ кутны... сы мында
вотӧ... сьӧлӧм жӧ колӧ!

ӦНДРЕЙ. Но кыкнанныд и бурӧсь, сідзтӧ кӧ. Водзӧсӧ
кызди-а?

Кост.

МАНЕПА. Саня, эн чӧв ов.

ӦНДРЕЙ. Мыйлакӧ ӧд локтін жӧ... сы ыджда сумканас?

САНЯ. Видлыны.

ӦНДРЕЙ. Эн ручась.

МАНЕПА. Мися, вӧтася помала... Со и, вӧлӧм! (*Няргыштӧ.*)

ӦНДРЕЙ. Вӧтла нӧ ме... коньӧранӧс... тэ понда?

САНЯ. Ме ог суйсьы тѳян костӧ.

МАНЕПА. А мыйла нӧ эськӧ?

САНЯ. Сідзи. Сёрниӧн.

ӦНДРЕЙ. Кутшӧм сёрниӧн? Коді ӧні тэ меным?

САНЯ. Воддза гӧтырыд. А закон серти кӧ, и ӧні на.

ӦНДРЕЙ. Закон вылад тэ эн ыстысь.

САНЯ. Но?! Керка джыныйд на менам, законыд серти кӧ. Сӧмын
сетлы судад!

ӦНДРЕЙ. Но и сет. Юксьы и. Кызд кужан.

САНЯ. Ме ог.

МАНЕПА. Ме эськӧ мед муна? Мемьсь Ӧндрейтӧ кӧдзӧдан?

САНЯ. Ӧлӧй, Криста ради.

ӦНДРЕЙ. А ачыл нӧ он олӧм вылӧ лок?

САНЯ. Ӧлӧм вылӧ.

ӦНДРЕЙ. Кытӧн? Татӧн? (*Зымкнитӧ джоджас.*)

САНЯ. Ӧг, мӧд керкаад. Ті асылас, ме рытылас.

ӦНДРЕЙ. Сэсья... ӧ-ӧти посводзӧн?

САНЯ. А мый нӧ, торйӧн быть?

МАНЕПА. Сьысь ӧд, Саня, оз жӧ сьӧлӧмыд бурмы.

САНЯ. Мед, оз кӧ.

ӦНДРЕЙ. А мыйла либӧ и вӧрзян Зеленечсьыд? Патера и
быдӧн, буракӧ, да. Эн кут тӧрны?

САНЯ. Эг и кут. Нылыд нин гозъя да, пиыд нин гозъя да...
Некытчӧ и воднытӧ аслыд.

ӦНДРЕЙ. А мед лӧсьӧдӧны патерасӧ, гозйӧдчыны кӧ кужӧны.

САНЯ. Ньӧб кодныслыкӧ. Кӧпейка тай эн ыстыв, быдмис-
ны да.

ӦНДРЕЙ. Эн гыжъяв, кыті доя.

САНЯ. А менам нӧ оз некыг доймы? (*Бӧрддзылӧ.*)

Кост.

МАНЕПА. Дона-о нө өні шиперыс?

ӨНДРЕЙ. Мыйкө... вөшласяң кө-а! Шипер сэтчө ковмис?!

МАНЕПА. Көнкө өд сулалө на аслам керкашойй. Вевттям да, видзас на. (Чеччө.)

ӨНДРЕЙ. Эң шөпгьяв! (Пуксьөдө.)

МАНЕПА. А ме и муна. Некод жө татөн-а.

ӨНДРЕЙ. Коді шуө?

МАНЕПА. Шуөм оз ков. Саня, он лысьт ме вылө лөгавны-а. Эг ме тэнсьыд мырддьыв сійөс.

САНЯ. Ог и лөгав. Ачыд кө ме вылө он?

МАНЕПА. А мед! Йөз мужикыд пө тай... дыр-ө кежлө кө. Со, бөр ставнас! (Тувкыштө Ондрейлы пельпомас.)

ӨНДРЕЙ. Эң матькөд пызан саяс!

МАНЕПА. А шу кодарөкө.

ӨНДРЕЙ. Мый?

МАНЕПА. Кодкөд сэсса олан?

ӨНДРЕЙ. Вой узьны нө волін? Ньөти нин садьөс ог төд? Сыкөд бөр и кольчча, локтіс да?

МАНЕПА. А өти посводзөн нө көсьян овны?

ӨНДРЕЙ. Олөны тай, висьталөны, карын. Воддза гөтырыс пө и мөдыс. Öти патераас.

МАНЕПА. Мун, сэтшөм пон олөмыд!

ӨНДРЕЙ. А кытысь ме өні бурсө босьта? Ачым пышгья кыгчөкө? Ылөджык тиянысь?

МАНЕПА. Эң и кут либө менө. (Көсйылө чеччыны.)

ӨНДРЕЙ (кутө). Кута! Ээв на матө пукта и.

МАНЕПА. А Санятө нө он? Вєськодь? Со на кутшөм да?

САНЯ. Кутшөм?

МАНЕПА. Азь гум кодь тай. Пөкъя, кыті колө.

САНЯ. А тэ нө сө чукырөсь? Ең сыкөдөн на.

МАНЕПА. Да өд тэнө коркө любитліс! (Ондрейлы.) Эң нө?

ӨНДРЕЙ. Мый сійө коркөтө?!

МАНЕПА. А бара и кыскас! Öти посводзнад!

ӨНДРЕЙ. Оз. Абу юрпөла.

МАНЕПА. А абу и кодзөма. Шусяс, мый оз ковсө.

САНЯ. Он өд сибөд дай.

МАНЕПА. Он, дерт, ыркалөм сьөлөмнад. Каньлы дорысь на бабаыдлы шөңыд кыыд колө. Төда өд. (Ырөстө.)

ӨНДРЕЙ. Бара и юсяң татчө! Öти олөм и усьлө мортыдлы, да сійөс он вермы лючки овны.

САНЯ. Эн тай ов. Кутшöма позис да.
 ÖНДРЕЙ. А пондылі нин... выльысьöн... да вайöдис кодкö тэнö.
 САНЯ. А меным и важысьöныс на дона.
 ÖНДРЕЙ. Мыйöнкö? Бөрдöдлі сöмын да?
 САНЯ. Водзсö öд эн. Мустöм сайö нö петали?
 ÖНДРЕЙ. А шöриала нö сэссия ачымöс?
 МАНЕПА. Ме муна, ме!
 ÖНДРЕЙ. Он!
 МАНЕПА. А мый нö, йöз серам вöчан? Кык гöтырөн пö оло?
 САНЯ. Йöзыд эськö мый оз лöсьöдлыны да?
 МАНЕПА. А сідзи на оз бурөн помась татшöм грекö вöйтчöмыд. Öдйö на пурасьöмö воан.
 ÖНДРЕЙ. А тэ кö мунан, и бурөн помасьяс?
 МАНЕПА. Тиянлы и бурөн... важ гозьялы.
 ÖНДРЕЙ. А сэки, чайтан, и нинöм оз шуны йöзыд? Оз менö кыскавны кутны быд кывийн? Оліс-оліс пö да бөр коньöрöс...
 (*Öвтыштö кигугыс.*) Важ гöтырсö на пö и любитлöма.
 МАНЕПА. А он нö?
 ÖНДРЕЙ (*шöйöвошилö, мурöстö*). А тэнö мед вошта? Тыр вежөрөн? Бытгö эн и вöблы?
 МАНЕПА. Бытгöкö.
 ÖНДРЕЙ. Ланьт! (*Чöв усьлöм бöрын.*) Саньö, гашкö...
 САНЯ. Мый?
 ÖНДРЕЙ. Ыстыны абу лöсьыд-а... Он на, гашкö, нетшкы менö... Манепа дорсьыс?
 САНЯ. Сідз шедан. (*Чеччö да босьтö сумкасö.*)
 МАНЕПА (*чеччö*). Бөр али кытчö?
 САНЯ. Мöдарас. (*Петö.*)
 МАНЕПА. Вот и олім тэа-меа.
 ÖНДРЕЙ (*чеччö*). Кула кö эськö!
 МАНЕПА. Кув! Этшаджык шог! (*Лигышмунö.*) Ой, пеж во-мыд тай эм! (*Пернапасасьö.*) Водан али, мый али?
 ÖНДРЕЙ. Ме ог тöд. Син водзын гудыр и.
 МАНЕПА (*бөрдöмөн*). А лок, водтöда медбөрьяысь! (*Кутö Öндрейöс сойöдыс да нуöдö.*)

ПОМ

ШУТӨГЫС ОЛАС

Ичөтик теш

Ворсысьяс:

ЗИНА } — ар 30-өсь
МИШКА }

Вадор кыр. Пуксылан сэтөн, пуяс улас. Локтöны *Зина да Мишка*, лэдзём юраось.

МИШКА (*дузъялана*). Лок, пуксылам. (*Пуксьө*.)

ЗИНА. Пуксылам. Колö кö тэныд.

МИШКА. А тэныд и оз?

ЗИНА. Öткодь.

МИШКА. Мый öткодь?

ЗИНА. Пуксыла ог.

МИШКА. Эн скöрмöдчы! Овны кö косьян!

ЗИНА. Мый нö, виан?

МИШКА. Виас тэнö кодкö! Овны кö мекöд кöсьян!

ЗИНА (*дзугыля*). Ме ог тöд.

МИШКА. Он тöд?! (*Биллолалö*.) Сидзкö и, воим!

ЗИНА (*полөмпырысь*). Кытчö воим?

МИШКА. Кытчö оз ков! Вöрын тай пöрöма веськавлан-а.

ЗИНА. А, Мишка, он тэ менö любит! (*Пуксьө*.)

МИШКА. Коді шуö?

ЗИНА. Ачым аддза.

МИШКА. Мый аддзан?

ЗИНА. Ньöти абу мелуныд.

МИШКА. Абу?! Кутлан и быдтор да?!

ЗИНА. А пыр тай сэсья и бöж улö пыран.

МИШКА. А кытчö нö колö, дась верма на да? Гожöмбыд нин маласьöма и.

ЗИНА. Позьö öд морт ногөн.

МИШКА. Кыдзи?!

ЗИНА. Кутыштлыны асьтö. Сёрниён да кыз да. Мед ме ачым сетчи.

МИШКА. Кутчысян кызкö, юрад и кокад пондас жуныгыны да. А сетчём пыддиыд тойыштан дай. Яй сьöлөмыд да, оз на пот-а.

ЗИНА. А тойышттөгыс нө тэ өвсян?
 МИШКА. А эн и сибөд либө. Өтнад и ов!
 ЗИНА. Өтнам тай со и ола.
 МИШКА. Зина, шусяс өд!
 ЗИНА. Мый шусяс?
 МИШКА. Со керкаыд, да кокөн сэсса ог пырав.
 ЗИНА. Эн, садьтө кө он төд.
 МИШКА. А буретш да саяс и вои! Тырмас, йөйтөдлин нин менө.
 ЗИНА. Ме тэнө йөйтөдлэ? Ачыс... лавкаыс локтигөн... туй шөрас... сэтшөма топөдліс-а!
 МИШКА. А мыйла нө сэки эн тойышт?
 ЗИНА. А эг тай вот, босьтэ да.
 МИШКА. Но вот! А он нө сэсса ылав мортыд?
 ЗИНА. Ылалін на кытчөкө!
 МИШКА. А эг нө? Мися, лючки нин гөтрася, да ог-ө инась-лы, и со, колөкө!
 ЗИНА. Мый со?
 МИШКА. Век на некод тэныд. Кок шонтысь ни, верөс ни. Сідзи и шу, некод пө нин оз ков меным.
 ЗИНА. Оз и ков эськө да.
 МИШКА. Оз кө, и мун. Син вежөмысь.
 ЗИНА. А тэ нө кытчө?
 МИШКА. Өтнад нө тан өткаыс? Мыйкө дорө кө сибөдчылі, важөн нин узьлі ськөд.
 ЗИНА. Кодкөд?
 МИШКА. Төдтөгыс олан!
 ЗИНА. Кодкөд?
 МИШКА. Сідзи шуи.
 ЗИНА. Эн сідз шу. Вожаліс кывйыд. Сьөлөмыд вожа и! Мисьтөмлөн! (*Ырөстө да мунө.*)
 МИШКА (*чөв ольыштө*). Мичаыс ветлө! Быттьө ме дом йылө нин сылы шеді. Ог өд вөтчы.

Здук-мөд мысти З и н а бөр локтө.

ЗИНА. Чайтан, муні нин?
 МИШКА. Бөр тай кодкө вайөдіс!
 ЗИНА. Кокөй.
 МИШКА. А синмыд? Мисьтөм дінас?
 ЗИНА. Синмөй и.
 МИШКА. Сэсса мый?

ЗИНА. Нинём. (*Пуксьё*.)
 МИШКА. Нинёмтö и корсь, кытчö уськөдин. Татчö эн-а.
 ЗИНА. Шуан тай вöли...
 МИШКА. Мый?
 ЗИНА. Колö пö партук вурны... клеёнкаысь ли мый ли... мед
 гачыд оз котась ботанасигад.
 МИШКА (*нерыштö*). Öтö-тö-тö-тö! Сюсь абу асланьыс!
 ЗИНА. Оз нö нин ков?
 МИШКА. Мед эськө ме небзя. Ог небззы!
 ЗИНА. Мыйла он?
 МИШКА. Эновтчöма лои тэысь.
 ЗИНА. Кор?
 МИШКА. Дзик öнi.
 ЗИНА. Сидзтö кö öд, ме эновтча жö дай. Тэысь.
 МИШКА. Медся и бур! Кыкнаннымы.
 ЗИНА. Сэтшöм бурыд... паныдасьлигад. Он öд карын ов.
 МИШКА. А бöра ни водзö да! Дугдыны кö, и дугдыны!
 ЗИНА. Дугды.
 МИШКА (*ырскöбтö*). А кодлы и видзан асьтö, ог гөгөрво?!
 Воддзаыдлы, код сайö тай петавлiн?
 ЗИНА. Мун сэсь!
 МИШКА. А кодлы нö?
 ЗИНА. Некодлы. Аслым кö овсяс и.
 МИШКА. Муна да бөрöзда кодъя. Карта сайö. Вабис пу-
 калöмысь.
 ЗИНА. Мун, кодкö и кутö?!
 МИШКА. А танi жöвъялöм дорысь. (*Мунö*.)
 ЗИНА. Йöй комиыд тай эм! Быттö куш верöс сайö и петан.
 Он мусаыдла-а. Юрас оз волы мелi кывйыд. Мед, абу кö нин ныв.
 Абу на и... йöз серам.

М и ш к а бөр локтö.

МИШКА. А-а, Зина... (*Зина оз шыась*.) Öдйö öд лөгасяс.
 Сэсся ов татшöмыдкöд!
 ЗИНА. Овлы да сэки. шу.
 МИШКА. А вай, видлам!
 ЗИНА. Ланьт, видласьöмнад.
 МИШКА. А кызди нö сэсся... öтлаасьлытöгыс?
 ЗИНА. Некиды. Сидзи нин овсяс.

Кост.

МИШКА. А оз нө овлы?
 ЗИНА. Мый?
 МИШКА. Кор отнад керкаад. Некодос и малыштнытө.
 ЗИНА. Понтө.
 МИШКА. Понсьыд и бурмас съолөмыд.
 ЗИНА. Готрасьлін тай. Чаня-вөлаос на кыськө вайөдлін.
 МИШКА. Жаль лои да. Оні на жаль и... кагаыс.
 ЗИНА. А мамыс и абу?
 МИШКА. Сэтшөм мамыд, вина бобувыд!
 ЗИНА. Но, бурос аддзан.
 МИШКА. А эг нө аддзы?
 ЗИНА. Меысь отдор.
 МИШКА. Эн отдорасы!
 ЗИНА. А бурыд өд, Мишукөй, этша на жө. Колө на и, мед
 нөбөдис сы динө.
 МИШКА. Оз нө, чайтан, нөбөдлы? Туй шөрад сэки синтөг и
 зурасы тэо? Асьтө на сирөд мырйос моз нинөмон он вөрзөд.
 ЗИНА. А мыръяд өд пөран.
 МИШКА. Ловьяыс?! Нюмъялө на сэтөн и! Энлы!
 ЗИНА. Мый энлы?
 МИШКА. Босьтас отнадтө шуштөмыд, и нюкыртас этаті, сылі
 увтыд, да ачыд ме динө игөдчан.
 ЗИНА. Гашкө.
 МИШКА. А мый нө менө мучитан?
 ЗИНА. Эн лосьөдлы.
 МИШКА. Да өд мыйкө көсьян на, он кө на шедөдчы? Мед
 пидзөсчаныси... коми мортыс?!
 ЗИНА. Оз и ков.
 МИШКА. А мый нө колө?
 ЗИНА (оз дзык пыр). Ныв туйө на менө пукты дай.
 МИШКА. Кутшөм ныв туйө?
 ЗИНА. Томиникө. Асьтө и... томиник зонмө. Быгтьө полан
 на меысь, а ме тэысь.
 МИШКА. Комын арөснас?
 ЗИНА. Мый нө көть? Топөдчылін и водін нө?
 МИШКА. Сёысь нин топөдчылөма!
 ЗИНА. Сйө и эм. Кывйыд абу-а.
 МИШКА. Кутшөм кыв?
 ЗИНА. Съөкыд нө шунытө, любита пө?
 МИШКА. Шуөм нө колө?
 ЗИНА. А меным и колө! Отчыд и кывла мед нэмөн.
 МИШКА. Сэсыя и бурасын?

ЗИНА. Бурася. Лысьтан кө шунытö.
 МИШКА (*падъялö*). Оз нö ворсöм ло тадзтö?
 ЗИНА. А тэ збыльысь шу. Мед ме вериті.
 МИШКА. Шуан кызкө... водзвывтö чуйдöмнад. Эськө ас-
 лам кө шуяс-а. Тöдлытöг.
 ЗИНА. А мед алад и шуяс.
 МИШКА. Ме ог тöд... öнитö. (*Пондö Зина дінö.*)
 ЗИНА. Эны на понды. Шу да вöлись.
 МИШКА. А пондывтöгыд оз и шусьы.

 Кутчысьлöны да окасьöны. Зина сэсся мездысьö.

 ЗИНА. Но?! Пондылін да?
 МИШКА. А ме тэныд шулі нин.
 ЗИНА. Эн сөр!
 МИШКА. Шулі. Овны кө, мися, мекöд көсьян!
 ЗИНА. Овнытö öд... Мукöдыс тай пурсьöны да олöны да. На
 вылö и видзöдны?
 МИШКА. А ме нö лёкысь тэкöд? Китö пеславлі?
 ЗИНА. Эн.
 МИШКА. А гортад локтан да пызан дорыштö дась йирны.
 (*Тільö синсö.*). Этша на тэныд?
 ЗИНА. Но лок, шутöгыс олас. (*Ачыс кутлö Мишкаöс.*)

ПОМ

ВӨТЛЫ, ВӨТЛЫ

Ичөтик теш

Ворсысьяс:

РОЗА
КЛАНЬӨ } — ар 30-өсь
ВОЛОДЬ }

Йөр да дзирья. Локтө Р о з а да пырө йөрө, игналө бөр дзирьясө.
Ышловзё да вөрзё, и сэки мыччысьө К л а н ь ө, киас ыджыд сумкаа.

КЛАНЬӨ. Роза, энлы, энлы!

РОЗА. Мый нө?

КЛАНЬӨ. Сідзи, сёрнион. Кытчө нө ветлін?

РОЗА. Картагыс на. Йөв машинаыс дыр эз лок, да манитчим.

А тэ нө кытысь?

КЛАНЬӨ. Лавкаыс, кытысь сэсся? Няньтөг он ов. Порсылы да, аслым да...

РОЗА. Мыйкө... ог эшты, Кланы. Менам пеласян вөлі көтөдлөма. Тайө кө и сёрниыд?

КЛАНЬӨ. Абу.

РОЗА. А мый нө?

КЛАНЬӨ. Меным эськө веськодь да... Тэныд и?!

РОЗА (*полөмпырысь*). Мый меным?

КЛАНЬӨ. Бара тай нин тани... Володьыд.

РОЗА (*быттьө оз төд*). Кутшөм Володь?

КЛАНЬӨ. Кодкөд овлин но! Бурводсьыд али кытысь. Паныд лои, петі нин лавкасыс да.

РОЗА. Мый нө лывкъялө?

КЛАНЬӨ. Тэнө тай юалис, гортын абу пө.

РОЗА. Мыйлакө?

КЛАНЬӨ. Вөзйысьны кө бөр көсий-а.

РОЗА. Лэдза ме сійөс!

КЛАНЬӨ. Оз и ков! Эськө гижасьөмаось кө вөлінныд-а. Быд-тysin сысянь ли.

РОЗА. А код вөлі?

КЛАНЬӨ. Эз эськө да... Оз нө бара ылөдлы? Олыштас и пышьяс! Сы мында бара и босьтан!

РОЗА (*тапикасьö*). Ачым эськö абу жö ньöти мыжтöм да.
Ог и соссьы.

КЛАНЬÖ. Мыйöнкö?

РОЗА. Вомыд öд эм, оз тай топавлы. А любö нö мужикыдылы
быд лунтö зыргöмыд? Мед, юыштавлö кö. Сидзи тай и олöны со,
кодi гозьяыс.

КЛАНЬÖ. Бөр сибöдан?

РОЗА. Ме ог! Мед эз жергöдлы сэки пиньсö!

КЛАНЬÖ. Но! А то бара мунöмөн и кутас повзбöдлыны. И
кынöмөн на, гашкö, колян.

РОЗА. Колö сысянь кынöмыд... мустöмсяньыд!

КЛАНЬÖ. А локтас кö? Колökö, локтö нин! (*Кыйкнитлö.*)
Некөн на эськö оз тыдав да.

РОЗА. Вöтла!

КЛАНЬÖ. Вöтлы, вöтлы!

РОЗА. Скöрмодас кö, чужъя на.

КЛАНЬÖ. Чужйы, чужйы! Мед бөр и мунö, кытөн олö.

РОЗА. Мыйкöын... карö вотöдз тай гидъяс кодыыс. Балок али
кыз шусьö сэтшöмыс. Зывök и пырнытö.

КЛАНЬÖ. Вот сэтөн мед и кольö нэмыс!

РОЗА. Кытöнкö öд оз! Патератö öнi, ачыд кö он ньöб... А мый
вёлö ньöбас?

КЛАНЬÖ. Сийөн и бара либö... он-ö лэдз дiнад.

РОЗА. Колантор!

КЛАНЬÖ. А игнась да эн и восьты. А йиркöдчыны кö кутас,
зорьялiн дай.

РОЗА. Зорйыд öд кильчö помын.

КЛАНЬÖ. Но вот! (*Кыйкнитлö.*) А со, буракö, локтö нин.
Сийö, сийö, мисьтöм чужöмыд!

РОЗА. Сэтшöм эськö... абу на мисьтöм да.

КЛАНЬÖ. Шунытö он лысьт! Ачыд на сылань, тадзтö кö.
Гусьөн мейсь!

РОЗА. Ньöти абу сылань. Синмөн ог аддзы.

КЛАНЬÖ. Он кö и... зэв öдийö гортад да игнась!

РОЗА. А тэ?

КЛАНЬÖ. Гортö жö. Тан ог сулав.

Роза падъялыштö да котöртö йөр пыдiö. Кланьö чöвтö сумкасö мышку
саяс да мунö, но оз вёлö, сöмын сайöдчö. Сайöдсьыс сөсся и мыччасьлö
да кывзысьö. Локтö Володь, сувтовкерлö дзирья дорö да пырö йөрö,
нөджьялö, сөсся ньöжйөнник тувчалö, вошö син улысь. Недыр мысты
кылö сылөн гольöдчöмыс да йиркöдчöмыс.

Володълөн гөлос: Роза! Восьтыв но! Оз од быгтё кыв, ачыс пытшкөсья-
нныс игнасьома-а. Роза, ме тайö, эн кө тöд. Володя, Распопов. Но, скöрав,
ме тэ динö бурöн-а. Гашкö, мися, выльысь! Уволитчи и. Сэсья ог нин
сидзтö, коркöя мозыд. Овны кө, и овны. Öтнад жö-а! А, Роза?

Гольöдчö и йиркöдчö на, кылö, Володь да дугдö, локтö дзирья дорö.
И Кланьö сэки сайöдсьыс петö, сумкатом.

КЛАНЬÖ. Мый нö, эз лэдз Розайд?

ВОЛОДЬ. Колö тэныд тöдны, кывзысян сэтөн!

КЛАНЬÖ. Абу од пельтöм. Муна тай вöли да, бывла тырнас
горзан. Асьтö уськөдан, нинöм дон он пукты.

ВОЛОДЬ. Мыйла ог?

КЛАНЬÖ. Мусман нö вöзйысьöмнад? Оз кө лэдз, и мед оз.
Вöрсьыд пö тай сюрö на пуыд. Кутшöм колö!

ВОЛОДЬ. Овлi нин ськөд да... сөкөд он ов.

КЛАНЬÖ. Он и сөкөд! Аддзин кодöскö бур сьөлöмаос и до-
масин. Гижасьöмөн и быдөн.

ВОЛОДЬ. Он на зэв и аддзы.

КЛАНЬÖ. Он мыйкö, синмыд кө эм.

ВОЛОДЬ. Асьтö шуан?

КЛАНЬÖ (*яндысьöмөн*). Лысьта ме тэныд ачымöс шуны!
Тэныд, гашкö, кутшöм колö-а!

ВОЛОДЬ. Мый торья кутшöмыс? Аньтуя кө и!

КЛАНЬÖ. Медся бур... сидзитö. (*Сьылыштö йөктігмоз.*)

Визув юö петö ёль,

Петö ёль, петö ёль.

Быдмö сэтөн марьямоль,

Марьямоль, марьямоль.

Марьямоль да марьямоль!

Марьямоль да марьямоль!

ВОЛОДЬ. Тэкöд эськö оз босьт гажтöмыд да.

КЛАНЬÖ. Оз и босьт!

ВОЛОДЬ. Абу лöсьыд-а.

КЛАНЬÖ. Мыйысь?

ВОЛОДЬ. Роза водзас. (*Довкнитö юрнас йөр пыдiлань.*)
Сы динö быгтё локтi, а мöд динö...

КЛАНЬÖ. Лэдзис нö Розайд?

ВОЛОДЬ. Абу и колöма, либö, игöдчыны.

КЛАНЬÖ. Мед, сы пондаыд!

ВОЛОДЬ. Кланя жö эськö да!
КЛАНЬÖ. Кланя.
ВОЛОДЬ. Автобуссыыс коли и.
КЛАНЬÖ. Колин.
ВОЛОДЬ. А ывлаын öд он узь.
КЛАНЬÖ. Он, дерт. Абу öд пышгьялысь. Лок, локтысь кö!
ВОЛОДЬ. Локтысь. (*Петö йöрысь, игналö дзиргьясö.*)

Котöрөн мыччысьö Р о з а, киас зорья.

РОЗА. Сюсь абу?! Сюсь абу асланьыс?!
КЛАНЬÖ (*мыкталö*). К-кодi?
РОЗА. Асьтö и зорьяла, шедлан кö! (*Дыр оз вермы восьты-ны дзиргьясö, и Кланьö удитö пышйыны.*)
ВОЛОДЬ (*видзчысьö кучкöмысь*). Сэссия менö?
РОЗА. Колö жö эськö да! (*Брыштчылö.*) Пыр керкаас!
ВОЛОДЬ. Мыйла пыра?
РОЗА. Овны!
ВОЛОДЬ. Ачыд эн лэдз, а сэссия и...
РОЗА. Этiйö тай гудрöдлiс! Муртса кö, и сьöлөмöй потiс! (*Бöрддзылö да небыда.*) Пыр бурөн, а, Володя?!
ВОЛОДЬ. Пыра бурнад.

Пырöны йөрö, да Роза игналö дзиргьясö.

РОЗА. Сета кодлыкö ас видзанöс! Мед, кутшöм эм! (*Вөтөдö Володьöс.*)

ПОМ

ЛОК, ПЫРАВ

Ичотик теш

Ворсысьяс:

НАДЯ } — ар 35-ось
ГРИША }

Бвлавин. Надя вала петалёма да вайё, а Гриша лавкаысь локтё. Пакет сылөн киас, куштгысьём ныв серпаса.

НАДЯ (*чезыртчылё*). Кыськё тай эм! (*Пуктё ведрасё.*)

ГРИША. Мый... кыськё?

НАДЯ. Видзёдлы... кысьыд.

ГРИША. Пакетсё шуан? (*Лэптылё.*)

НАДЯ. Мун, пачё сюя.

ГРИША. Мед оз вузавны дай.

НАДЯ. Мый эськё они оз вузавны да. Быдлаё тай куш ситан и ошлёма.

ГРИША. Но вот. А ме мыжа.

НАДЯ. А асьтё на ыкшавид новлөдлө.

ГРИША. Кутшөм ыкша?

НАДЯ. Томё на пуксян. Зонмё. Ме пё и эм.

ГРИША. Нылё нё пёри?

НАДЯ. Зон кутшөмкё... комын арёс бөрад.

ГРИША. А тэ и том, тадзтё кё?

НАДЯ. Ог и шу. Менам нылөйлы нин дас өти.

ГРИША. Сійөн и ышнясян?

НАДЯ. А тэ серти тода на садьтё. Татшөм мыйкөнад ог на ветлөдлы. Нянь кёрыш на, буракё, сэтöни дай.

ГРИША. Мый нё сылы лөө?

НАДЯ. Вомад оз пыр.

ГРИША. Дугды лосьөдлыныгтё.

НАДЯ. А мун, эн сулав.

ГРИША. Ачыд тай сувтөдин. Муна и вөлі, да шыясин.

НАДЯ. Ланьті нин. Мун, дась садь на.

ГРИША. Тэныд эськё мед лясъялі!

НАДЯ. Войдөрлун на вөлі потшөсысь потшөсё локтан. (*Петкөдлө.*)

ГРИША. А талун и ог. Ньоти видлыгём. Гашкө, и дугды-
ла на.

НАДЯ. Эн өмөй ньоб лавкасыд?

ГРИША. Эг. Наросьнө эг.

НАДЯ. Блөдлы кодөскө!

ГРИША. Со! Кытөни? (*Паськөдлө пакетсө.*)

НАДЯ. Мый водзын нин?

ГРИША. Мый... мый водзын?

НАДЯ. Кослуналан?

ГРИША. Аслым дышөдис.

НАДЯ. Чөв, винаысь дышөдас! Юысьтө!

ГРИША. А оз нө, гудыр-гадыр кө и лоө... ывлаыс и, оломыд и?
Лыйся нө?

НАДЯ. Эн урсасы! Он шу, овны пө на босьтчыла!

ГРИША. Овны и босьтчыла. Талун лючки нин уджалі.

НАДЯ. Сө майбыр!

ГРИША. А вот он жө юав, мый уджалі. Воськодь тэныд!

НАДЯ. Мый нө уджалін?

ГРИША. Бөр аслам трактор вылын. Прессуйтчи. Эстысь уна
вося турунсө. Видзөдлы, кымын рулон!

НАДЯ. Аддза ме тасянь мыйкө.

ГРИША. Сувтлы потшөс вылад.

НАДЯ. Сідз верита.

ГРИША. Он. Тэ менсьым лёксө куш и аддзан. Ньотчид на
морт ногөн эн шыасьлы, век дэльөдчөмөн. Видзөдлы дай пырт,
колөкө, ватө!

НАДЯ. Да верита, верита!

ГРИША. Он. Ог сідзтө лэдз. Ачым лыбөдла. (*Чөвтө па-
кетсө муө да кутө Надяөс, лыбөдө моздорас.*)

НАДЯ (*вөрө-мездысьө*). Абу кө тыр сюсь-а?!

ГРИША. Лыдды, кымын рулон!

НАДЯ. Сө кымын.

ГРИША. Абу сө. Эн содтав.

НАДЯ. Тырыс тай-а.

ГРИША. Көкъямысдас куим. Сэсса артав.

НАДЯ. Мый артала?

ГРИША. Кымын тонна лоө.

НАДЯ. Ме төда?!

ГРИША. Төдан. Куимсө килограмм быдын.

НАДЯ. Кута ме тэныд артасьны! (*Нетшкысьө.*)

ГРИША. А ог на лэдз.

НАДЯ. Мый нө вөчан?

ГРИША. Сідз кутышта.
 НАДЯ. Кут. Ме өд юрситө нетшка жö. (*Някыртö.*)
 ГРИША. Надя, колөкө! (*Лэдзö.*)
 НАДЯ (*шешъялö*). Öдйö тай нимөн шуин! Мися, вунөдöмыд
 нин-а.
 ГРИША. Коркө на шулі. Регыдөн.
 НАДЯ. Кор?
 ГРИША. Кор тай удждысьныгтö волі.
 НАДЯ. Сідзтö, дерг. Аслыд доз вылад колö да. А бур кузяыд?
 ГРИША. А тэ менö... бур кузяыд? Кыгтысь он аддзы, сэтысь
 и дöжналан.
 НАДЯ. Дöжналанасö эн ов дай.
 ГРИША. А талун?
 НАДЯ. Ен сыкөдөн. Гришаөн и шуа.
 ГРИША. Но. (*Босьтö пакетсö.*) А сэсса мед гортö муна?
 НАДЯ. Ме ог тöд, кыгчö. Коді кыгтөн виччысьö.
 ГРИША. Некод оз и виччысь. Он шу, пырав пö.
 НАДЯ. Мыйлакö?
 ГРИША. Сідз, пукавны.
 НАДЯ. А сэсса? Водзö вылө кө?
 ГРИША. Ачыд тöдан. Кодар берегас.
 НАДЯ (*педзикасьö*). Öнi тайö юрад воис?!
 ГРИША. Эз, унаысь нин воліс. Öнi вомысь петіс-а.
 НАДЯ. Шеванад? (*Кутö серамсö.*)
 ГРИША. Шева тэныд... лов гөрөдыд! Кодос тадзтö йөйтöдлан-а?
 НАДЯ. А он нö весьөпөр? Босьті да шыаси.
 ГРИША. Сійö и бур. Тыра со ведраыд и. Эськө тыртөм вед-
 раөн кө паныдасин-а! Он и вомдзассы.
 НАДЯ. Код тöдас.
 ГРИША (*ыззылö*). А гозъя костö нö суйся? Ловъя мужик
 дінсьыд нетшка?
 НАДЯ. Он эськө да. Öтнам нö ме ог быдтысь?
 ГРИША. Мед, сійö и бур! Сэсса мясянь ваян.
 НАДЯ. Эзв өд тэрыб. Пыжö на пуксьыгтөм, а мөдлапöлын нин.
 ГРИША. А мый нö, он и думыштлы мед? Он и лысьт?
 НАДЯ. Лысьган, мыйла он?
 ГРИША. А он тай шу, пырав пö.
 НАДЯ. Ме ог на талун.
 ГРИША. А кор нö?
 НАДЯ. Коркө, гашкө.
 ГРИША. Полан мейсь?
 НАДЯ. А повтөг нö тэ көсьян?

ГРИША. Ог өд пондыны кут. Пукальшта и муна. Пызан оз ков ни. Чай ли мый ли кө.

НАДЯ. Сыысытö полöмьд... (Öвтыштö кинас.) Öдйö на бөр петан!

ГРИША. А мыйысь нö... полан?

НАДЯ. Талун өд садь-а. Йирыштас вина гагйыд, и бара...

ГРИША. А тадзтö нö оз йирышт? Вот бөр на ветла лавкаас!

НАДЯ. Ветлы. Некод оз кут.

ГРИША. А он верит?

НАДЯ. Мый?

ГРИША. Мый дугдыны верма?

НАДЯ. Верита. Мыйтакö.

ГРИША. Энлы, петкөдлас тэныд гождöмыс! Арыс и! Юсьыла ог!

НАДЯ. Оз и ков.

ГРИША. А мед эськö матö ог и сибавлы... сы дыранас? Сёрнион тайö ставыс и кольö?

НАДЯ. Медлы на. Ог и вунöд да.

ГРИША. А вай пырта ватö!

НАДЯ. Эн ышмы! (Оз лэдз босьтны ведрасö.)

ГРИША. Но кутшöмкö удж либö, мый ачыл он вермы. Телевизорыд петкөдлö?

НАДЯ (падгьялö). Оз бура. Вошласьлö.

ГРИША. Сидзкö, строчечной трансформаторыс.

НАДЯ. А тэ нö кужан... тöдан?

ГРИША. Куш трактор өд ог тöд. Лок, видзöдла.

НАДЯ. Да-а... сэсса тэ зев дыр он мун.

ГРИША (дöзмö). Мед эськö вот эг и пырав!

НАДЯ. Мöдысьджык.

ГРИША. Тшаква тэнад мöдысьджыкыд! Ачыл на кöдзыдасын. Йиа синма.

НАДЯ (тилъыштö синсö). Йиаыслөн нö петалö синваыс?

ГРИША. Либö и шу. Пырав пö.

НАДЯ. Но лок, пырав.

ПОМ

МЫЙ ОН ВИЧЧЫСЬ

Ичөтик теш

Ворсысьяс:

ЕКАТЕРИНА
ШУКТОМОВ

Ывлаын ичөтик пызан да бөртөм улөс. Пызан вылас таз. Екатерина вайо ведраын ва да пуктө улөс вылө, кошөн содгыштө васө тазйө да пондө пожъясны. Локтө Ш у к т о м о в, воысалөм сумкаа.

ШУКТОМОВ (*оз на матыстчы*). Здравствуйте!

ЕКАТЕРИНА (*родө*). Здравст-вуй-те.

ШУКТОМОВ. Видза оланныд, комиён кө.

ЕКАТЕРИНА. Видза жө.

ШУКТОМОВ. Эн повзьёй-а. (*Матыстчө*.)

ЕКАТЕРИНА. Ог. Абу өд вой шөр кад. А ньөти тай нө эськө төдтөмөсь?

ШУКТОМОВ. Төдтөм, дерт. Ме некор на татчө эг воы, Расвожад.

ЕКАТЕРИНА. А мый нө, кутшөм могөн?

ШУКТОМОВ. Тян динө. Ли тэ динө, коми ногөн кө.

ЕКАТЕРИНА. Ме динө?! (*Мөвпалө*.) А-а... мыйкөысь... редакцияысь. Босьти да гижы... йёйыд!

ШУКТОМОВ (*долыда*). Гижны и колө вөлі.

ЕКАТЕРИНА. А абу нө сідз? Мөскыд мед төвнас сулалө да куканясь, а оз гожөмнас. А лёка вердөмсыйд арөдзыс оз и корсьысылы. Сідзи и воштан йөвтө.

ШУКТОМОВ (*дзугыльтчө*). Ме ог төд.

ЕКАТЕРИНА. Он төд?! Юрыд абу?

ШУКТОМОВ. Эм эськө да... Абу ме редакцияысь.

ЕКАТЕРИНА. Кытысь нө? Ачыл ме динө, шуин-а.

ШУКТОМОВ (*шпынпялө*). Тэ динө.

ЕКАТЕРИНА. Эн ышмы. Абу ме тэныд дас квайт арөса.

ШУКТОМОВ. Ме өд абу жө. Комыно жө нин матысма.

ЕКАТЕРИНА. Сэсья меным тайөс висьталан?

ШУКТОМОВ. А коды нө?

ЕКАТЕРИНА. Мун, эн... (*Зіля пожъяссьыштө*.)

ШУКТОМОВ. А позьё юыштны?

ЕКАТЕРИНА. Ю, со тай. Сёмын на юкмёсысь.

ШУКТОМОВ. А кутшөм чөскыд!

ЕКАТЕРИНА. Абу өд хлорируйтөма. Абу чорыд ни. Юртө кө

мыськавны.

ШУКТОМОВ. Шампунь оз ков, да өд? (*Видзөдлө юрси вылас.*)

ЕКАТЕРИНА. Оз и ков. А мый нө эськө тэ ворсөдчан?

ШУКТОМОВ. Он өд шу... локтөмөн тшөтш.

ЕКАТЕРИНА. Шу, мый шуан. Ньоти ог пов.

ШУКТОМОВ. Ме ачым пола.

ЕКАТЕРИНА. Кодысь? Меысь?

ШУКТОМОВ. Да. Збыльысь кө...

ЕКАТЕРИНА. Мый збыльысь?

Кост.

ШУКТОМОВ. Плоскова өд тэ?

ЕКАТЕРИНА. Плоскова. Мужикөй серти кө.

ШУКТОМОВ (*чуймө*). А верөс сайын нө?

ЕКАТЕРИНА. Но... вөлі.

ШУКТОМОВ. А сэсся?

ЕКАТЕРИНА (*дөзмө*). Нинөм сэсся! Быдтор сылы төдны колө, локтис кыськө да.

ШУКТОМОВ. А, гашкө, ловъя на верөсыд? Тюрмаын пукалө? Оні өд уналөн тай...

ЕКАТЕРИНА. Ме ог төд унаыдлысь. Менам кыз му улын-а.

ШУКТОМОВ. Мый нө лои?

ЕКАТЕРИНА. Дыр-ө нө код юрнад?!

ШУКТОМОВ. Ме ачым коркө... веськыда кө... Куш юөм өні да. Сыысь нин и пышгяла. Майсянь эг видлы.

ЕКАТЕРИНА. Ме пайысь! (*Овтыштө кинас.*)

Кост.

ШУКТОМОВ. А Екатерина Васильевна өд?

ЕКАТЕРИНА. Да.

ШУКТОМОВ. А ме Шуктомов. Мишка. Пожөгдінысь.

ЕКАТЕРИНА. Ме ог төд некутшөм Шуктомовөс.

ШУКТОМОВ. Эз нө мясянь нинөм волы?

ЕКАТЕРИНА. Эз.

ШУКТОМОВ. Ачыд эн сетлы ни... некутшөм обявленньө?

ЕКАТЕРИНА. Ме? Кытчөкө?

ШУКТОМОВ. А мый нө, газетас, клуб знакомствоас? Эг сэтгэсь ме адрестө кор?

ЕКАТЕРИНА. Мун, эн тешитчы. Сета ме объявленнө кытчөкө! Оз нин овсы да мужиктөгыс! Менам со быдтаныс! (*Лэп-тылө тавсыс ичөтик колготки.*) Котралө көнкө-а.

ШУКТОМОВ. Ылөдлісны нө менө? Татөні и?! Юалі морт-мөдлысь, мися, Плоскова Екатерина Васильевнаыс кытөн оло, да — «Со!» — шуисны.

ЕКАТЕРИНА. А-а... (*Серөктө.*) А метөг на эм! Ов и, ним и, овна и — ставыс лөсялө. Сөмын сійө Екатерина первая, а мекторая. Эстөн, шор саяс, сійө оло. Колөкө, виччысьө. Зэв на и шогмана!

ШУКТОМОВ. Но... эн дивит.

ЕКАТЕРИНА. Ог. Одиө и мун. Эн сулав.

ШУКТОМОВ. Горшөй тай бара косьмө да. (*Юө көшысь.*)

Кост.

ЕКАТЕРИНА. А мыйкө нө... ачыдсө... эн на и гөтраслы али... юксылін?

ШУКТОМОВ. Он жө верит-а.

ЕКАТЕРИНА. Мый ог верит?

ШУКТОМОВ. Висьталө кө. (*Ветлөдлөмөн водзө сөрнитө.*)

ЕКАТЕРИНА. Висьтав. Гашкө, и верита.

ШУКТОМОВ. Но... вайөдлі өтиөс. Эжваын төдмасьлім. Зон моз шырсьөма. Кисьтан кө, оз бөрыньт и.

ЕКАТЕРИНА. Сэсся вөтлін?

ШУКТОМОВ. Вөтлыны и колөма.

ЕКАТЕРИНА. А кытчө нө лои?

ШУКТОМОВ. Нуөдіс. Кодкөд водзсө овлөма. Тюрмаын, вөлөмкө, сійө пукалө да петөма. Но и тебене... мися! Сы бөрын став баба вылас лөг петалис!

ЕКАТЕРИНА. А өні?

ШУКТОМОВ. Оз нин сэтшөма. Кодкө, гашкө, и олана весь-калө. Он нө чайт?

ЕКАТЕРИНА. А Пожөгдінад нө абу өткаыс? Йөзысь кор-сян?

ШУКТОМОВ. Оз на өд и кыскы... нэмтө кодөс төдан. Шуөны тай, йөз пыжад пө гырысьджык чериыд.

ЕКАТЕРИНА. Гашкө. (*Серөктө.*) А кытөн нө уджалан?

ШУКТОМОВ. Некөн ог, позьө шуны. (*Серөктө жө.*)

ЕКАТЕРИНА. Мыйла?
 ШУКТОМОВ. Пермерө петі. Мыйкө вермыла кө?[?]
 ЕКАТЕРИНА. Вермөдчы дай.
 ШУКТОМОВ. Өтнад некытчө он тырмы. Көзаяйкаыд колө
 жө.
 ЕКАТЕРИНА. Колө. Та туйөд... он на и сорассы, Катятө
 кө ваян. Уджач и, киподтуя и.
 ШУКТОМОВ. А тэкөд нө сорасся?
 ЕКАТЕРИНА. Ланьт, резышта ванас! (*Босьтө көшсө.*) До-
 налөма нин юрид шондї водзас!
 ШУКТОМОВ. Эг на эськө торксы да.
 ЕКАТЕРИНА. Абу тай! Өти дорө локтан, а мөд дорө сирасян,
 садьтө он төд.
 ШУКТОМОВ. Эг на өд гөтрасьны лок.
 ЕКАТЕРИНА. А мыйла нө?[?]
 ШУКТОМОВ. Аддзөдчывны. Колөкө, он на и кажитчы өта-
 мөдыды.
 ЕКАТЕРИНА. Вот и адзысьлы да вөлись тадзтө сөрнит.
 ШУКТОМОВ. А тэнө нө ог аддзы? Абу син водзын?[?]
 ЕКАТЕРИНА. И мый сэсся?[?]
 ШУКТОМОВ. Быттьө тай... веж петана.
 ЕКАТЕРИНА. Мун, йөй!
 ШУКТОМОВ. Муна, думышлан кө.
 ЕКАТЕРИНА. Кута думайтны!
 ШУКТОМОВ (*жугыля*). Эн, ме тай... збыльысь-а.
 ЕКАТЕРИНА. А эн сэсся тан сулав.
 ШУКТОМОВ. Ог. (*Вөрзьялө да сувтө.*)
 ЕКАТЕРИНА. Бара сэтчө и дувмуніс.
 ШУКТОМОВ. Оз на өд и мунсьы.
 ЕКАТЕРИНА. Да виас менө Катяыд! Гөгөрвоан он тайөс?[?]
 Йөзгыс пиняласны и. Ныр увсьыс пө чишнитөма. Ветлы гортас!
 ШУКТОМОВ. Дьш эськө да.
 ЕКАТЕРИНА. Дьш көть абу! Волін и мунін быттьө, энө
 мыйкөкерөй да... (*Отлаөдлө да паськөдлө кияссө.*)
 ШУКТОМОВ. А сэсся? Выльысь вола татчө?[?]
 ЕКАТЕРИНА. Ачыд төдан.
 ШУКТОМОВ. Төда! Час, ог и дыр! (*Долыдпырысь мунө.*)
 ЕКАТЕРИНА. Ойя да! (*Лэптылө тазьыс пожъялансө да
 бөр бруткө.*) Мый он виччысь, сийө и лоө!

ПОМ

ЗАБЕДНӖ

Ичӧтик теш

В о р с ы с ь я с:

ТОНЯ } — ар 40-ӧсь
РУСЛАН }

Сиктса керка пытшкӧс. Пырӧ Р у с л а н.

РУСЛАН. Тоня! Кӧни тэ?

ТОНЯ. Тани. Пыдыын. (*Петӧ пыдисьыс.*)

РУСЛАН. Видзӧдлы, петав да.

ТОНЯ. А эштис нӧ нин?

РУСЛАН. Эштис. Ветлӧ ӧдзӧсид. И томаныд кокниа вощьӧ.

ТОНЯ. Но пасибӧ. Сэсса уна-ӧ шуан?

РУСЛАН. А видзӧдлы, петав да.

ТОНЯ. Но, час. (*Петӧ посводзӧ.*)

РУСЛАН (*видзӧдалӧ*). Овтӧм керкаыд ӧдйӧ и вӧрзялӧ.

А мед, дача вылад олас на. (*Тоня бӧр пырӧ.*) Но?

ТОНЯ. Лючки.

РУСЛАН. Сэсса кытӧ-мый колӧ?

ТОНЯ. Быдлатӧ эськӧ колӧ да. Мед пуктылӧ жӧ кисӧ. А то...

гулькнитны сӧмын!

РУСЛАН. Мужиктӧ шуан?

ТОНЯ. Кодӧскӧ ӧд ог. Некуйтчӧ нинӧм.

РУСЛАН. Мед эн пет дай сэтшӧм саяс.

ТОНЯ. Тайӧс ӧд он тӧд!

РУСЛАН (*ышловзӧ*). Муна либӧ?

ТОНЯ. Энлы на. Эг на мынтысь да.

РУСЛАН. Дугды... деньганад!

ТОНЯ. А мый нӧ, сӧдзи?

РУСЛАН. Важ бурьысь.

ТОНЯ. Кутшӧм... важ бурьысь?

РУСЛАН. Вунӧдӧмыд.

ТОНЯ. Мый сийӧ... томдырсятӧ?

РУСЛАН. Абу на ӧд и кулӧмаӧсь. Мыйкӧ и усьлӧ на дум
вылад. Тэныд, гашкӧ, оз-а.

ТОНЯ (*шӧйӧвошлӧ*). А пуксьыв, сӧдзтӧ кӧ!

РУСЛАН. Мыйла?
 ТОНЯ. Эсылысь дзеблi да... Морт румкаон лоо на мияны.
 Вая? А, Руслан?
 РУСЛАН. Ме ог тод.
 ТОНЯ. Кос вомон но олан?
 РУСЛАН. Ог на эськo да.
 ТОНЯ. А мый но бoрнясян? Гoтырсьыд полан?
 РУСЛАН. Ог.
 ТОНЯ. А мый но, сiдзкo?
 РУСЛАН. Кыскыны кутас... татчo.
 ТОНЯ. Эн и пыравлы да... том дырйиыд.
 РУСЛАН. Oнiсo, шуа... тэ дiнo.
 ТОНЯ. А мед и... Ой! Сэтчo и шусяс, мый оз ков.
 РУСЛАН. Оз и ков... нинoмасьны.
 ТОНЯ. Мед сэсса он и пыравлы?
 РУСЛАН. Мыйла ог, ковмас кo мыйкo вoчны?
 ТОНЯ. А oтaрo нo? Волан да уджалан, а водзoстo... деньга ни,
 вина ни?
 РУСЛАН. Гашкo, и сiдзи.
 ТОНЯ. Сiдзи тэныд! Он кo пуксьыв! (*Вайo джынгялoм доз,
 кык румка да вундалoм калбас.*) Со калбас и, вомад суйныгтo.
 Пуксьы, шуoны. (*Пуксьoдo пызан сайo да ачыс тшoтш пуксьo,
 кисьталo румкаясo.*) Но вай! Точкысям!
 РУСЛАН (*точкысьo*). Оз эськo вoли ков да...
 ТОНЯ. Ю да сeрнит. (*Юoны да сeйиштoны.*) Мый кoсйылин
 шуны?
 РУСЛАН. Оз, мися, вoли ков... тэкoд, Тоня, юны ни точкысь-
 ны да.
 ТОНЯ. Мыйла оз? Лoгыд петo ме вылo?
 РУСЛАН. Оз. Эськo синмoн эг аддзы!
 ТОНЯ. А мый но эськo? Висьтав но, Руслан.
 РУСЛАН. Забеднo.
 ТОНЯ. Мыйысь?
 РУСЛАН. Кoркoясьыд.
 ТОНЯ. Сэтчo oд бара и кoсoдас, сe во саяс! Век на томoн асьo
 чайтo!
 РУСЛАН. Кьтчo сьoлoмыд! Кoркo тай стерлядь шедлi... Вoмлoс
 сeнысь... ыджыд ванас. Гашкo, пызан кузяыд. А oнi быд тулыс
 вoйтла гырыса кулoм, да некод оз пысасьлы. А колo вoйтлыны, оз
 овсьы сьтoг. Сiдзи жo и... мед мусмылас кодкo! Медводдзаыд пo
 тай оз и вунлы.
 ТОНЯ. Муса но вoли ме тэныд?

РУСЛАН. А эн нө? Некытчө эг и нуодлы, вөрө ни вадорө?
Эгө мыйкө ни? (*Кутлө быттьөкө.*)

ТОНЯ. Мый сийө ышмылөмыд?!

РУСЛАН. Ышмөм тэныд, быдлаө нин вөлі лэдзан да.

ТОНЯ. Эн лөсьөдлы.

РУСЛАН. Ог и лөсьөдлы. Босьті да ййїталі.

ТОНЯ. Кыдзыкөн?

РУСЛАН. Сідзыкөн. Ог, мися, вөрөд, армияысь локта да сэки.

Гөтрасьөмөн. А кодлы и види?

ТОНЯ. Аслыд.

РУСЛАН. Аслым тай! Öдйөджык сэтчө карө да верөс сайө!

ТОНЯ. А тэ меным шулін?

РУСЛАН. Мый?

ТОНЯ. Виччысь пө?

РУСЛАН. Шулі. Шулі, Тоня.

ТОНЯ. «Эн бөрд» сөмын шуин.

РУСЛАН. А машина кузовсяньыс... мый горөді?

ТОНЯ. Вөрзөм бөрас тай?

РУСЛАН. А мый нө? Мися, садьтө төд!

ТОНЯ. Ме эг нин велав. Мыйкө тай кинад быттьө өлөдін-а.

(*Петкөдлө.*)

РУСЛАН. Но вот!

ТОНЯ. А мый нин өні сийөс, важтө, пыркөдан? Сыысь сэссия и бурмас сьөлөмыд?

РУСЛАН. Оз эськө да. Быттьө воштылін мыйкө и корсян.

Век на.

ТОНЯ. Сюртөмсө? Эськө өтнам кө ме вөлі да, тэ өтнад да. А гөтыра тай, куим ныла-пия и!

РУСЛАН. А забеднө!

ТОНЯ. Меным эськө аслым өні забеднө жө да. Кысьсөм ватө этша нин куралан. (*Кисьтө пыдөссө Русланлы румкаас.*) Ю нин тайөс да мун гортад.

РУСЛАН. Шөриөн. (*Кондыштө Тонялы румкаас.*)

ТОНЯ. Коддза ме. А керка тыр на уджыс.

РУСЛАН. Мед. Öти рыт и сідз овлан. Вай! (*Точкысьөны да юоны.*)

Кост.

ТОНЯ. Гашкө, чай пуктыла да? А, Руслан?

РУСЛАН. Нинөмла.

ТОНЯ. А менам тайё и вöлыштiс. (*Индö тыртöм доз вылö.*)
 Абу сэсся.
 РУСЛАН. Оз и ков. Буретш.
 ТОНЯ. А он на чеччы да?
 РУСЛАН. Чечча. (*Чеччö.*) Ъстан кö.
 ТОНЯ (*чеччö жö*). А ыстытöгыд öд... полан жö тэысь.
 РУСЛАН. Сэки эн, а öни и полан?
 ТОНЯ. А öни и пола. Абу öд дöва.
 РУСЛАН. Понда нö?
 ТОНЯ. Он эськö да. Думыд кö босьтас и?
 РУСЛАН. А патравны и колö тэнö. Ош моз!
 ТОНЯ (*дзерöдöмөн*). Ви.
 РУСЛАН. Дась скөрвылысь!
 ТОНЯ. Эн кодав.
 РУСЛАН. А эн нö эськö менам вöv?
 ТОНЯ. А сыысь и ёра öни ачымöс. Гажöй бырö и.
 РУСЛАН. А менам и оз, чайтан? (*Кутчысьлöны да окасьö-*
ны.)
 ТОНЯ. Ой, дугдам, дугдам! Ой, эн сэсся! (*Мездысьö, оз лё-*
кысь-а.)
 РУСЛАН. А ог ме тадзтö мун.
 ТОНЯ. Кызди?
 РУСЛАН. Куш окасьöмнад.
 ТОНЯ. Эн вöтась. Восьса синнад.
 РУСЛАН. Ог и вöтась. Мед меным мыйкö шедлö жö! (*Кöсийлö*
кутлыны.)
 ТОНЯ. Мун, мыйкö шусяс да... Абу кö прöсуж-а?
 РУСЛАН. А öтчылд мед и воштгыла юрöс!
 ТОНЯ. А ме кытчö вошта... юр яндзимсö?
 РУСЛАН. Некод оз тöдлы. Öтчылдтö.
 ТОНЯ. А он нö сибав сэсся? Оз и казьяв гöтырыд? Öтчылдөн
 и бурасян?
 РУСЛАН. Бурася.
 ТОНЯ. Эн сөр! Асьтö и менö йöз серамö вайöдан!
 РУСЛАН. А мыйла нö эськö сетчылiн?
 ТОНЯ. Кор?
 РУСЛАН. А öни нö? Окавны и быдөн!
 ТОНЯ. Окасьöмыд абу на водлöм.
 РУСЛАН. Мед. А мыйкö висьталö жö.
 ТОНЯ. Но... важ мусаысь!
 РУСЛАН. А ме нö эг мусаысь?
 ТОНЯ. А бытгö водзöс менсьым бергöдан да.

РУСЛАН. А водзёса и эм тэ ме водзын. Эг ме тэнö карса-
ыдлы видзлы.

ТОНЯ. А нылö нö кызкö бөр пöртсьыла? Неямын арöсаыс
вылö вежыд петö?

РУСЛАН. А оз нö вермы? Ставыс нин кöдзыд таті? (*Зыралö
морöссö.*)

ТОНЯ. А зывöкты дай.

РУСЛАН. Кодöс?

ТОНЯ. Менö.

РУСЛАН. Эн скöрмөд. Босьта да... кокыд оз инмыв!

ТОНЯ. Мый нö вöчан?

РУСЛАН. Пыртöда пыдіад.

ТОНЯ. Мыйлакö тай чукöсті?! Тайöс кö тöдöма вöлі... (*Чыш-
калö синвасö.*)

РУСЛАН. Гөгөрвоны позис. Водзвыв.

ТОНЯ. А он сідзтö мун?

РУСЛАН. Ог. Ме тэныд шуи нин.

ТОНЯ. Но... лок.

Пырöны пыдіас.

ПОМ

ӨПИТЕННЬӨ

Ичөтик теш

Ворсысьяс:

ПИТИРИМ } — ар 60-өсь
АГЛАИДА }

Аглаида ветлөма вичкоо. Өзтө сись да пунктө ен джаджъяс. Сэссия юрбитө да шуалө вомгорулас: «Помилуй мя, господи, помилуй!» Сэки и пырө керкао П и т и р и м, шуйга кинас кутө мыйкө пинжак пөла улас.

АГЛАИДА. Өдйө өд локтас!

ПИТИРИМ. Эн нө ачыл шу? Локта пө вичкоось, и волы. Сэссия ме мыжа!

АГЛАИДА. А эн грекө вөйтчы дай!

ПИТИРИМ. Мыйон?

АГЛАИДА. Мыйла локтін, кутшөм могөн.

ПИТИРИМ. Ачыл төдан.

АГЛАИДА. А сійон шу.

ПИТИРИМ. Дыр-ө ыкшаасын-а, Аглаидаыс?! (Бергөдчылө.)

АГЛАИДА. А эн нө сибав, Питиримыс?

ПИТИРИМ. А мый нө, сибалі кө? Эг бур вылө тэныд? Аслым и?

АГЛАИДА. Бур нин кутшөмкө пөрысьнад гозйөдчөмыд!

ПИТИРИМ. А лёк нө, өтнад гортад колян да?

АГЛАИДА. Лёк ни бур!

ПИТИРИМ. Эн матькөд.

АГЛАИДА. Ме эськө, матькыштан кө! Өдйө тась петан да.

ПИТИРИМ. Сідзи на пета. Овтөм керкасыд!

АГЛАИДА. Керкаыс овтөм, ловъя со ачым сулала да?

ПИТИРИМ. Ловъя тай, измөма нин сьөлөмыд-а.

АГЛАИДА. Со тэныд! (Чургөдлө шамыра кисө.)

ПИТИРИМ. Со кө, и со. (Көсийлө петны.)

АГЛАИДА (лыгышмунлө). А-а, Питирим!

ПИТИРИМ. Но?!

АГЛАИДА. Зэв эськө быттьө мелань өні...

ПИТИРИМ. Но?!

АГЛАИДА. А водзсө нө көні вөлін?

ПИТИРИМ. Кор?

АГЛАИДА. Том дырйиыд. Эг усълы син улад?
 ПИТИРИМ. Усълн. Колльодлі и. Кыкысь али куимысь.
 АГЛАИДА. А мыйла нō тōлалн мōд дīнас?
 ПИТИРИМ. Мый сәсся йойыдлы?!
 АГЛАИДА. А өнi нō сюсь, сiдзтō кō?
 ПИТИРИМ. Ме ог тōд. Син водзō тай сувтлан и. Кор оз
 узъсбы.
 АГЛАИДА. Эн сōр.
 ПИТИРИМ. Ог и сōр. Ачыд на, Аглаида, водзōс косōдан.
 Кымын во нин коли-а.
 АГЛАИДА. А оз и вунлы.
 ПИТИРИМ. А тадзтō нō лōсявлан коркō?
 АГЛАИДА. Оз и ков.
 ПИТИРИМ. А мый нō эськō дэльōдчин?
 АГЛАИДА. Ме? Кыдзикō?!
 ПИТИРИМ. Эн нō шулы?
 АГЛАИДА. Мый?!
 ПИТИРИМ. «Некор оз пыравлы, өшинь увтiыд муно да».
 А пыравлыны кути, и топалiс вомыд. Кывтō он убōлит.
 АГЛАИДА. Кутшōм кыв? Он-ō сьōлōм вылō во? Коркōя
 мозыд?
 ПИТИРИМ. Кыськō дай! Морттуыд нин арся пужъя-а.
 АГЛАИДА. Ланьт, ланьт.
 ПИТИРИМ. А шуин нō, лок пō водзлань, пуксбы да шойччы?
 АГЛАИДА. Шулы тэныд, сәсся сёысь лоō ыстынытō.
 ПИТИРИМ. Эн ысты дай!
 АГЛАИДА. Узьтōда нō?!
 ПИТИРИМ. А мый нō эськō?! Шыш ме тэныд?
 АГЛАИДА (*шушкыльтō*). Шышсьыс на шыш!
 ПИТИРИМ. Мун, гōнасьōма нин кывйыд!
 АГЛАИДА. Кутшōм эм! Аслым кō шогма и. (*Чōв усълō.*)
 Шышкыд керкатō ректас, а тэ... (*Өвтыштō кинас увлань.*)
 ПИТИРИМ. Мый ме?
 АГЛАИДА. Став олōмōс шышкалн.
 ПИТИРИМ. Дугды. Отчыд, буракō, и окасълm, да сыысь мыйкō
 и лoин?
 АГЛАИДА. А эг нō чайтлы, мися, менō и ваян?
 ПИТИРИМ. Но... өнi вая. Мед, абу кō нин томōсь.
 АГЛАИДА. А өнi меным аслым веськодь. Вот!
 ПИТИРИМ. Либō и... мунысь ме. (*Кōсийлō петны.*) Босьтi
 да лавкаō на ветлi-а. Чōскыдōс ньōби. Он-ō, мися, бурасълы?
 (*Петкōдлō чōскыд вина дозсō.*) Пета да жугōда изйō.
 АГЛАИДА. Жугōд. Кодōскō и дойдан!

ПИТИРИМ. А дойдньгө кӱ, ме пызан вылад коля. На! (*Пуктӱ вина дозсӱ пызан вылӱ.*) Со на и! (*Перйӱ пинжак зепсыыс шоколад да пуктӱ жӱ.*)

АГЛАИДА. Он кӱ эськӱ бӱр босът! Чайтан, та вылӱ и шеда ме тӱнды?

ПИТИРИМ. А мый вылӱ нӱ?

АГЛАИДА. Нинӱм вылӱ ог.

ПИТИРИМ. Эн скӱрмӱд! Асьтӱ нин сылы вӱзъян юрнад и кокнад, да век на этша! (*Пуксьӱ пызан саяс.*)

АГЛАИДА. Со ӱд мый керсьӱ! Пуксис сэтчӱ!

ПИТИРИМ. Пуксьы жӱ вай. Воча ныр.

АГЛАИДА. Аслад керкаад ыджыдав. Со на, колӱкӱ, нянь зырйӱй, асывнас пӱжаси да, вичкоӱ нуыштны. (*Босътлӱ нянь зырсӱ.*) Зыръяла кӱ дӱзмӱдчӱмсьыд!

ПИТИРИМ. Зыръяв, аслыд жӱ ӱд юр яндзимыд лӱ.

АГЛАИДА. А эшта ме тӱкӱд пукавны! (*Нуӱ зырсӱ.*)

ПИТИРИМ. Кытӱ нӱ сотчӱ?

АГЛАИДА. Гӱгӱр! Юкмӱс дорӱ пожъясян кольлӱ, да петала кӱ, бурджык на... тӱкӱд пукалӱм дорысь.

ПИТИРИМ. Петав.

АГЛАИДА. А тӱ нӱ кытчӱ?

ПИТИРИМ. Вугыртла. Узьтӱм жӱ-а. (*Лӱдзчысьлӱ пызан вылас.*)

АГЛАИДА. Сиргагыд тай эм!

ПИТИРИМ. Нимтысь, сыысь кӱ нин и долыдыд.

АГЛАИДА. Мыйысь нӱ колӱ?

ПИТИРИМ. Воча бурсысь. Ме кӱ бур сьӱлӱмӱн, и тӱ бур сьӱлӱмӱн.

АГЛАИДА. А ог и лӱкав ме тӱ вылӱ.

ПИТИРИМ. Он тай. Мед эськӱ кокӱн ог тувчыв.

АГЛАИДА. Ме ӱд... мыйкӱыдла!

ПИТИРИМ. Мыйла?

АГЛАИДА. Корасьӱмыдла. Он кӱ дугды.

ПИТИРИМ. Ме ог.

АГЛАИДА. А ме ог жӱ сетчы дай!

ПИТИРИМ. Мыйла он?

АГЛАИДА. Ог висътав.

ПИТИРИМ. Метӱг на кодкӱ коралӱ? Аглаида!

АГЛАИДА. Некод оз.

ПИТИРИМ. А мый нӱ пыксян?

АГЛАИДА. Енмыс ёрас!

ПИТИРИМ. Мыйысь ёрас?

АГЛАИДА. Ӑпитенньӱ аслым пуктӱ да.

ПИТИРИМ. Мый-кутшом өпитенньо? Матъкан кыв?
 АГЛАИДА. Матъкан тэныд вичко кывйыс!
 ПИТИРИМ. А мый нө лоо?
 АГЛАИДА. Тасалан быттьо асьтө, дугодчан мыйыськө, некор
 он вöч. Көсийысян Енмыслы.
 ПИТИРИМ. А мый нө көсийысин?
 АГЛАИДА. Быдторсө. Грекыд од быдсямаыс тай сулө.
 ПИТИРИМ. А-а... верос сайо кузяыд?
 АГЛАИДА. Шуи жö. Сидзи нин, мися, овсяс. Некод сайо нин
 сэся ог петав.
 ПИТИРИМ. Абу кө тыр сюсь-а? Тайос од он жö көсийысь,
 тайос?! Тодан нин, корала да? Морт олысь на со да? Гөгөр на
 лючки и, водзяныыд и бөрсяныыд да?
 АГЛАИДА. А ветлы вичкоад да сувтлы Енмыд водзö!
 ПИТИРИМ. Мый сэся?
 АГЛАИДА. Вунөдлан ставсö. Быттьо лолыд нин сөмын и
 кольома пытшкад.
 ПИТИРИМ. А лолыд нө абу ловъялөн? Вирыд оз ветлы?
 АГЛАИДА. Мед. А югзылан быттьо ставнад. И петан ыв-
 лаас да нинөмон сэся асьтө мед он и пежав.
 ПИТИРИМ. Кувны и водан?
 АГЛАИДА. Он. Он од мынтөдчы оломсьыд. Ловъявывсьыд.
 ПИТИРИМ. А мыйла нө көсийысян мый оз ковсö? Отлаасям
 кө, и пежассян?
 АГЛАИДА. А код төдас на, кызди отлаад...
 ПИТИРИМ. Эн падъяв. Тэныд шуома вöли, мися, коркөя дор-
 сыд öнi мусаджык на.
 АГЛАИДА (*килькувлö*). А пунктi өпитенньосö да!
 ПИТИРИМ. Кор пунктiн?
 АГЛАИДА. Талун.
 ПИТИРИМ (*шытöг ёрчыштö*). Сэся... эн пö матькы,
 шуасны!
 АГЛАИДА. А он од бөр босьт, ПитириМ!
 ПИТИРИМ. А он кө и... мед ош косявлас, вотчынытö му-
 нан да!
 АГЛАИДА (*бөрдыштö*). Бур сёлөма и вөлөмыд, тайос кө
 нин туналан!
 ПИТИРИМ. А мый нө, синмөс кутан вежны: со эськө, да абу
 тэнад?
 АГЛАИДА. Ачылд меысь көдзөдчан.
 ПИТИРИМ (*нерыштö*). Көдзөдчан кызкө!
 АГЛАИДА. А мый сэся вöчан?
 ПИТИРИМ. Öпитенньонад и ставнас! (*Öвтыштö кинас.*)

АГЛАИДА. Да-а, мед виртö и яйтö сьöдöдас Енмыс?!
 ПИТИРИМ. Сьöдöдас мыйыськö на! Тадзтö öд быдөнöс позьö
 тшыкöдны, кодi гöтрасьö. Вайлы кык румка, öдйö!
 АГЛАИДА. Ог. Ну бөр.
 ПИТИРИМ (*восьтö вина дозсö*). Нуа ме тэныд, вайи нин да!
 АГЛАИДА. А-а... садь юрнад тэнö мырдөн лоö ыстыны, а код
 юрнад тэ вой кежлö и кольччан!
 ПИТИРИМ. Коддзан таысь, чöскыд винасьыд!
 АГЛАИДА. А кольччан он, висьтав.
 ПИТИРИМ (*дузьялö*). Пöжасьöмөн шуан, а ставсö нö вич-
 коö и нуин?
 АГЛАИДА. Эг.
 ПИТИРИМ. А мый нö он вайышт? Менам ас няньсьыс
 гажöй нин бырöма-а.
 АГЛАИДА (*вайö кымынкö шаньга*). На, видлы. Öдъявы-
 лысь пöжалi, да ме ог тöд...
 ПИТИРИМ. Майбыр вомыдлы! (*Няклясьö.*)
 АГЛАИДА. А кольччан он, висьтав.
 ПИТИРИМ. Сёйигад дöзмöдас!
 АГЛАИДА. А оз нö ков тöдны меным?
 ПИТИРИМ. Кольччан татчö, манастырад!
 АГЛАИДА. Олан керкаыс — манастыр?!
 ПИТИРИМ. А мый нö, тадзтö кö?! Ачыд нин быттö мöдар
 югыдын и.
 АГЛАИДА. Ловьяыс?!
 ПИТИРИМ. А мый нö, тадзтö кö?! Ноко, кыид!
 АГЛАИДА. Мый кыыс? (*Мыччö.*)
 ПИТИРИМ. Кöдзыд абу?
 АГЛАИДА. Эн серав!
 ПИТИРИМ. Абу на тай эськö кöдзыд да. (*Кыскыштö Агла-
 идаöс асланьыс.*)
 АГЛАИДА. Ойя да! Югыднас сылы колö кутлысьны!
 ПИТИРИМ. Гожöмнад оз и пемдыв да. Арсö он виччысь!
 АГЛАИДА. А Енмыс нö оз аддзы?
 ПИТИРИМ. Мед!
 АГЛАИДА. Да миян вылö со и видзöдö!
 ПИТИРИМ. Мед!
 АГЛАИДА. Но лок посводзö ли мый ли. (*Петöны.*)

ПОМ

МАТӨ ПУКТА

Шогөн ворсантор

В о р с ы с ь я с:

МАРЬЯ
ÖЛЬÖКСАН

Сиктын, пöрысьяслы восьтöм керкаын вежöс. Сэтöн куйлö Öльöксан.
Пырö М а р ь я, төвся паськöма, сумкаа.

МАРЬЯ. Со тай.

ÖЛЬÖКСАН. Коді нö?

МАРЬЯ. Ме.

ÖЛЬÖКСАН. Эг тай нö тöд?

МАРЬЯ. Эн тай.

ÖЛЬÖКСАН. А висьтась.

МАРЬЯ. Акö Марья. Öнтьöдорысь.

ÖЛЬÖКСАН. А-а, öнi тöдi. Лок водзлань. Пуксьыв.

МАРЬЯ. Пуксьыла.

ÖЛЬÖКСАН. Кыгьсь нин усин?

МАРЬЯ. Горгьсь.

ÖЛЬÖКСАН. Абу тай дыш. Та ылнаас.

МАРЬЯ. Эг öд подöн. Ветлö автобусыс.

ÖЛЬÖКСАН. Корсьöмыд на менö и.

МАРЬЯ. Корси. Пырала, мися, шонтысьны. А керкаыд овтöм,
видзöда. Лымъя кильчö содйыд. Юалi сэсся. Көн нö, мися, Гриша
Öльöксаныс, кувлi али мый нин, да татысь висьталiсны.

ÖЛЬÖКСАН. Татчö тай вуджи төвйынысö. Кокöй кö лö,
тулыснас бөр на петала.

МАРЬЯ. А мый нö тайö, индом али мый?

ÖЛЬÖКСАН. Сы модаа. Восьтiсны тай. Öтка пöрысьяслы.
Вермытöмыслы. Йöзыд öд мустöм на, нуöдасны кö.

МАРЬЯ. А мый нö кокыд?

ÖЛЬÖКСАН. Быри.

МАРЬЯ. Кытчö быри?! Ки улын на со кыкнанныс да? (Вид-
лалö гач пырыс.)

ÖЛЬÖКСАН. Уси кок эбöссьыс. Сувта кö, и юкалö.

МАРЬЯ. Сэсся он и чечывлы?

ӨЛЬӨКСАН. Ас могөн да мый да.
 МАРЬЯ. Коркө йөра кодь вөлін-а.
 ӨЛЬӨКСАН. Воан тай помад. Ачыд нө кутшөма нин овлан,
 Марьяыс?
 МАРЬЯ. Муртсатө бергала на керка гөгөрыд.
 ӨЛЬӨКСАН. Бабаясыд өд винёвось.
 МАРЬЯ. Пола жө эськө да.
 ӨЛЬӨКСАН. Мыйысь?
 МАРЬЯ. Висьөмнас жугөдөмысь. Мед эськө он и төдлы, водін
 и кулін.
 ӨЛЬӨКСАН. Дерт, эськө да. Оз на тай сідзтө лолыд пет.
 МАРЬЯ. Мукөдыслөн тай петө.
 ӨЛЬӨКСАН. Бөрийысьө на Енмыс.
 МАРЬЯ. Гашкө. Мыйён сылысь төдан?
 ӨЛЬӨКСАН. А тэ нө... менө видлыны и локтін?
 МАРЬЯ. Ме эг.
 ӨЛЬӨКСАН. Мыйла нө?
 МАРЬЯ (*шөйөвошлө*). Лук көйдыс, мися, оз-ө кодкө вузав.
 ӨЛЬӨКСАН. Эн өмөй ачыд пуктив?
 МАРЬЯ. Сісьмө. Кос сісьөн. Йөйыд век өти град вылө сюявла
 да. Мися, таво ог нин йөйтав. Вежа ставсө.
 ӨЛЬӨКСАН. А корсьөмыд на менө да? Мыйлакө?
 МАРЬЯ. Сідзи. Коли автобуссыыс, да кытчөкө вошты лунсө.
 Өти сайын, мися, аддзөдла нин. Оз эськө ков да.
 ӨЛЬӨКСАН. Мыйла оз ков?
 МАРЬЯ. Вёськодь.
 ӨЛЬӨКСАН (*дзугыльтчылө*). Мыйла вёськодь?
 МАРЬЯ. А коді нө ме тэныд? Чөй али, важ гөтыр али?
 ӨЛЬӨКСАН. Төдса. Бур төдса на. Томдырсянь.
 МАРЬЯ. Ланьт, ыкша! Абу на вежсьылөмыд.
 ӨЛЬӨКСАН. А он на эськө вөлі тойышт да. Пондыла кө,
 топөдла аслань. Окыштны сетчан и.
 МАРЬЯ. Кор?!
 ӨЛЬӨКСАН. Сэки.
 МАРЬЯ. Кор сэкисө? Эн вөтась!
 ӨЛЬӨКСАН. Вөтасы пө өд! Эгө нө өтлаас лөсявлөй? Оз вөлі
 ыстывны кертө лэдзны, моль бөжтө вөтлыны и?
 МАРЬЯ. Мый сійөс вунөматө казьтылан?
 ӨЛЬӨКСАН. Дум вылө и уси. Локтін да. Бара дөзман-а.
 МАРЬЯ. Мыйысь дөзма?
 ӨЛЬӨКСАН. Шуа кө.
 МАРЬЯ. Мый шуан?

ӨЛЬӨКСАН. Любитлі, буракө.
 МАРЬЯ. Эн лосьөдлы.
 ӨЛЬӨКСАН. Ог и лосьөдлы. Тэнө и колөма вайны.
 МАРЬЯ. Эн тай вай. Мөдөс аддзин.
 ӨЛЬӨКСАН. Йөйталі, босьті да.
 МАРЬЯ. А өні и сюсь?
 ӨЛЬӨКСАН. Абу жө.
 МАРЬЯ. Кымын во нин гөтыртөм, да эн тай мыччыв ныртө.
 Куш аслыд и олін.
 ӨЛЬӨКСАН. Тайөс өд он чайт.
 МАРЬЯ. Мый тайөс?
 ӨЛЬӨКСАН. Мый абу на вунөдөмыд менө. Тодмышкалан,
 мися, корала кө. А, вөлөмкө...
 МАРЬЯ. Мый, вөлөмкө?
 ӨЛЬӨКСАН. Век на кө мелань-а?
 МАРЬЯ. Мун сэтгысь! Скөрмөдчыныгтө сөмын и кужан. Ко-
 лан тэ өні кодлыкө вишкуныд!
 ӨЛЬӨКСАН. Он и ков. Тэнө тай кодкө вайөдөма-а.
 МАРЬЯ. Йөйыс, коді сэсся?!
 ӨЛЬӨКСАН. А пасибөтө өд висьтала жө. Гортын кө эськө
 вөлі, пызан саяд пуксьөдлі на да.
 МАРЬЯ. Менам сөйөма. Сьбөрысь босьті и. Со, колөкө. *(Перйө
 сумкасьыс рузума тубыр.)*
 ӨЛЬӨКСАН. Шаньга али мый?
 МАРЬЯ. Шаньга. Дас кымын. Гашкө, мися, пыралөм лоө да.
 ӨЛЬӨКСАН. Кыгчө?
 МАРЬЯ. Но... тэ ордө. Сельпо няньөн жө, мися, олан-а. Из
 чорыднас.
 ӨЛЬӨКСАН. Энлы, чеччыла.
 МАРЬЯ. Мыйлакө?
 ӨЛЬӨКСАН. Пось вала петала. Тшайөн юктөда.
 МАРЬЯ. Некор меным. Сөрма лунся автобус вылас.
 ӨЛЬӨКСАН. Мунан нө нин?
 МАРЬЯ. Но... олышта на дырөкө. *(Видзөдалө гөгөр.)*
 ӨЛЬӨКСАН. Мый нө сэтшөма видзөдалан?
 МАРЬЯ. Сідзи. Татчө эськө мед он жө мортыд веськав.
 ӨЛЬӨКСАН. Он эськө да, лоө тай.
 МАРЬЯ. А мый нө пийд ли нылыд оз босьтны дінаныс?
 ӨЛЬӨКСАН. Колантор налы пөрысьыд, нинөм вермыгтөмыд!
 Өні өд быдөн аслыныс олоны. Некод мед оз удзөд да дзескөд.
 МАРЬЯ. А водзөссө?! Эн нө быдты да велөд найөс?
 ӨЛЬӨКСАН. Чөв. *(Өвтыштө кинас.)*

МАРЬЯ. Видлыны оз волыны ни?

ОЛЬОКСАН. Эз на арсянныс.

МАРЬЯ. А сьёлөмыд нө оз пот?

ОЛЬОКСАН. Потө эськө да. Укол сюясны, дай бара кытчөдзкө

ЛОВЬЯ.

МАРЬЯ. Мун, татшөм ловьяыд!

ОЛЬОКСАН. А мый сэсса вөчан?

МАРЬЯ (*ышловзвө*). Лок, төвьөда!

ОЛЬОКСАН. Тэ менө?

МАРЬЯ. Ме, дерт! Сийөн и шуи.

ОЛЬОКСАН. Мый... кутшөм бурьыс?

МАРЬЯ (*чеччө, ветлөдлө*). Важ төдса кузя.

ОЛЬОКСАН. Важ төдса кузяыд... сьөлыштан кө, буретш на меным лоө. Эг нө бөрдөдлы, мөдтө вайи да?

МАРЬЯ. Мед. Водзөс он косөд сысыс. Со нин ачыл кутшөми да. Полаң на сэтчө и.

ОЛЬОКСАН. Мевыс?

МАРЬЯ. А мый нө, вөтасы кө?! Куйлан бытгтө тані, некодлы он ков, а ме жерьяла! Бур водзын нө сэтшөм вөгыд?

ОЛЬОКСАН. Гашкө, он на и вөтасы-а?

МАРЬЯ. Вөтасы. Тавой и вөтасы. Он кө чеччы да... Верман он?

ОЛЬОКСАН. Верма. Бытгтө сөнийөра на кокөй лои. Со, колөкө. (*Чеччө да ветлөдлыштө*.)

МАРЬЯ. Гожөмнас быдсыма турунсө чукөртлі. Зырасян вөча да ме тэңө бурдөдла на. Вот аддзылан.

ОЛЬОКСАН. Бурдөдлы. Аслыд өд пукта жө сьөлөмөс.

МАРЬЯ. Но и мунам, вежсы да. Көні аслад паськөмыд?

ОЛЬОКСАН. Да энлы, висьтасытөгыд. Мед оз пышшөмөн шуны.

Час, петала.

МАРЬЯ. Либө ме тшөтш. Оз кө лэдзны, сідзи шуа. Мися, ас вылө босьта! Лок.

ОЛЬОКСАН (*шешьялө*). Марья жө эськө да!

МАРЬЯ. Марья, Марья. Эн сулав.

ОЛЬОКСАН. Да оз на өд и веритсы.

МАРЬЯ. Оз мыйкө?! Ылөдчыны ме татчө локті! Лукла да!

ОЛЬОКСАН. А збыль на али мый?

МАРЬЯ. Мый?

ОЛЬОКСАН. Матө менө пуктан?

МАРЬЯ. Матө.

ОЛЬОКСАН. Эн и лөгасы либө, кутла кө.

МАРЬЯ. Ог. Ньөти ог.

ПОМ

КОДІ ШУИС?

Ичӧтик теш

В о р с ы с ь я с:

ИВАН — роч, ар 35-а

ВАЛЯ — сьлӧн гӧтырыс

ВЕРА ИВАНОВНА — тьӧщавыс

Карса оланінын кухняыс. Иван сѣйӧ сәні, дзугуль чужӧм вылас. Кылӧ триньӧбтӧм, локтӧ кодкӧ. Иван петӧ восьтыны. И сѣрнийс на сӧмын и кылӧ зятя-тьӧщалӧн, асьныс оз тыдавны-а.

ИВАН. О, тѣща приехала!

ВЕРА. Приекала. Асьныд он волӧй-а.

ИВАН. А что сумка-то такая тяжѣлая?

ВЕРА. Тьртӧг ӧд он лок. Грибы да, варенньӧ да, что да. Выташтшу сейчас.

ИВАН. Потом, потом. Я тут, на кухне... ужинал как раз. Заходи сюда. *(Пырӧ.)*

ВЕРА. А шаньгатӧ ӧд любишь?

ИВАН. Люблю.

ВЕРА *(пырӧ, киас тубыр)*. Но вот. *(Пуктӧ тубырсӧ пызан вылӧ да разьӧ.)*

ИВАН. Они у тебя всегда такие вкусные. *(Босьтӧ ӧти шаньга да курччыштӧ.)* У-у!

ВЕРА. Некусные эськӧ да.

ИВАН. Да что ты?!

ВЕРА. Мука-то старая была. Кыз ӧгырӧн сәсся суйи да. Угли-то такие на были. Муртса кӧ, и згорело.

ИВАН. Ну что ты все наговариваешь на себя? Что я, не понимаю, когда вкусно?

ВЕРА. Куснӧ кӧ, и сѣй.

ИВАН. Садись. Мясо будешь?

ВЕРА. Ме ог тӧд... мясо-то.

ИВАН. А чего?

ВЕРА. Видзала. Церков-то радом, да не кодишь.

ИВАН. Ах, пост у тебя. А рыбу?

ВЕРА. Ничего на. Эг подён лок. Автобусом — и город. Валя-то придёт, да месте и ужинаем.

ИВАН. Да она, может, долго ещё не придёт.

ВЕРА. Почему?

ИВАН. Скажет, задержалась.

ВЕРА. Петкөдла ме сылы «задержалась»! (*Камөдө пызанө.*)

А сын-то?

ИВАН. Гуляет, наверно, я сам только с работы. Меня сутки не было. Чаю налить?

ВЕРА. Налей тогда.

ИВАН. А, может, по рюмочке сначала? А, Вера Ивановна?

ВЕРА. Ог, сэсса тэ бара кисьтан. Опять нальёшь да опять да.

Валя-то придёт, а сам пьяный.

ИВАН. Ну что ты все боишься за меня? Много я в деревне-то выпиваю, когда бываю?

ВЕРА. Немного. Работаете и.

ИВАН. Вот так! И сено помогаю ставить, и картошку копать, и все, что скажешь.

ВЕРА. А таысь өд, Иван зять, и любита ме тэнö! Мед, роч кө. Дай голову-то, дай! Опустит.

ИВАН. Зачем? (*Копыртө юрсө.*)

ВЕРА. Малышта. (*Судзөдчылө да малыштө.*) Десеть раз на, кочешь дак.

ИВАН (*иешгялө*). Да ладно тебе. Давай лучше по маленькой. (*Вайө доз да кык румка.*)

ВЕРА. Эн вай, эн! Успеешь на.

ИВАН. Да не бойся ты за меня. Я же в аэропорту работаю, сама знаешь.

ВЕРА. Ну и что?

ИВАН. А то! Чтöб даже и не пахло там у нас! И лётчиков, и всех... кто за рулём особенно... во как проверяют!

ВЕРА. Так и надо.

ИВАН. А никто и не спорит. Мало ли что... да ещё с похмелья-то?! Подвожу я, скажем, бортпитание, даю задний ход и трах по самолёту. Это же... под суд и вообще! (*Отыштө кинас да чөв усылө.*) Мне вот сегодня можно, а завтра — всё, ни капли! Потому что послезавтра снова на работу.

ВЕРА. Но и корошо. Некор нин он юсы. Подождём и это... троём.

ИВАН. А мы с тобой... по-доброму?! Ради уважения?!

ВЕРА. Но та мындаөн. (*Петкөдлө чунь коластөн.*)

ИВАН. Другой разговор! (*Кисьталё.*) Бери. (*Мыччö рум-касö да точкысьё.*) Будь здорова! Держись!

ВЕРА. Сам тоже!

Юоны да чöв усьлёны.

ИВАН. А вот люблю я тебя. Вера Ивановна!

ВЕРА (*ырс чеччö*). Меня любишь?!

ИВАН. Да я же... как мать! Ты что?!

ВЕРА. А-а... тогда обратно... (*Пуксьё.*)

ИВАН. Сама по себе ты надёжная! В тебе никогда не обманешься.

ВЕРА. Ме ог тöд. Мыйкö тай ола-а. Как-то тай живу-а, откуда я знаю, какая.

ИВАН. Я-то знаю. Помнишь, отругала ты меня, стог заставила заново сложить?!

ВЕРА. А киссис нö мед, ва пырис? Развалился нö чтобы, дождём мочило да?!

ИВАН. И правильно! Вот сама ты себя, бывает, не жалеешь, унижаешь как будто. И это у тебя не уродилось, и это не вышло, и это не так получилось... А на самом деле все как надо!

ВЕРА. Эн ошкы, эн. Не квали, не квали.

ИВАН. Честно! Вот была бы ты молодая...

ВЕРА. Но?!

ИВАН. ...я бы на тебе женился!

ВЕРА. Кыськö тай эм? А Валя нö не моя дочь?!

ИВАН. Валя не такая.

ВЕРА. Какая нö? (*Иван чöв олö.*) Не любишь уже?!

ИВАН. Нет.

ВЕРА. О, господи! Нинöм он тöд-а. А так нö бывает?!

ИВАН. Как?!

ВЕРА. Тёщу любишь, а жену нет! Оз мöдарö овлы?!

ИВАН. А что, не может быть?!

ВЕРА. Кыдз эськö оз овлы да?! Держись, сам тай говоришь. Меня любишь, и Валю люби!

ИВАН. Не могу! И не хочу больше!

ВЕРА. Почему? Не пускает к себе? Сам безсильнöй? А у шоперов-то и может, спина-то дует да! Лечись, Валя-то медсестра, республиканскöй больниче работает!

ИВАН. Бак пустой! (*Кучкалö морöсас.*) Вот здесь! Понимаешь? И не будет у нас с ней жизни!

ВЕРА (*нерыштö*). Не будет! Мөдös нö аддзан? Другую нö найдёшь?

ИВАН. Да не надо мне никакой другой!

ВЕРА. А чево нö тогда?

ИВАН. Разные мы с ней.

ВЕРА. Разные?! Жили да не были, а сэся и на?!

ИВАН. Так жизнь-то какая пошла, не видишь? (*Гудыр-гадыр вöчö кинас.*)

ВЕРА. Вижу. Позьö нин вöли овны, да со тай мый вöчисны. Новый дом быттьö строили... а пришли да на дрова пилили. Опять и ништшöй, кто работает... производство.

ИВАН. Ну так вот!

ВЕРА. А Валя нö виновата? Не Мöсква толкает? Коркö тай колкозö, а öни бөр!

ИВАН. И Валя туда же.

ВЕРА. Куда?

ИВАН. За богатством. Чтобы миллионами я её приносил. Ушёл чтобы с этой работы... где больше можно урвать.

ВЕРА. А уйди дай, мало кö платят. Нинöмысь тай öни оз яндысьны. Кысь мый шедö! Никому, говору, не стыдно тепер. Кто как может, так и кватает. Волком!

ИВАН. Да не могу я рыскать по-волчьи. Не тот человек. Или в морду дам, или меня пристукнут. Или в дураках оставят, да то же самое и будет.

ВЕРА. Гөгөрвоа эськö да. Я сама такая, понимаю.

ИВАН. А Валя не хочет понять. Ей чтоб и квартира была другая, и обстановка, и всё такое! Сама вся извелась и меня довела.

ВЕРА. Абу омöльтчöмыд да? Не кудой да... чужöм вылад? Нос и, все и — на месте!

ИВАН. А нервы?! Того и жди... законтачит!

ВЕРА. Тогда и скажем. Мед оз чушъяв кань моз. Пусть не это... Кошка тай злится, да мегыром спина-то... А пусть и опускает!

ИВАН. Нет, её уже не переубедишь.

ВЕРА. А разведёшься нö, Иван зять?

ИВАН. А что, терпеть?

ВЕРА. Потерпи на.

ИВАН. Сколько?!

ВЕРА. Сколько можешь ештшо.

ИВАН. Мне перед тобой стыдно. Вера Ивановна! Тебя мне жалко! А то бы...

ВЕРА. Ок, оз öд волы! (*Кучкö пызанас.*) Не прикодит ведь!

ИВАН (*здук-мөд мысти*). Идёт, кажется.

ВЕРА. Слышу. Молчим на. Эн чеччы. Не ставай. Пусть сама поймёт!

Кухняё пырө В а л я, вöччöмакодь и неуна гажа. Киас букет да кампет кöрöб.

ВАЛЯ. Мамö локтöма! А ме ог и тэрмась. Ывлаас на сулалі.
(*Пуктö кисьыс кутансö да кöсий кутлыны.*)

ВЕРА (*бергöдö юрсö*). Локті эськö да...

ВАЛЯ (*шöйöвошлö*). А мый нö? Эсийö удтысис? (*Дузгысьлö Иван вылö.*)

ИВАН. А что... и слова не скажи? Чужая она мне?

ВАЛЯ. Вон полотенце! Утрись!

ИВАН. Причём тут полотенце?

ВАЛЯ. А притом! Расплакался... мужик! Сидишь, как грип-позный!

ВЕРА. Энлы увтлы мортсö. Ачыл абу жö, буракö, мыжтöм. Удж вылысь локтан, а вöччöмыд и, гажа и. Гортад ваян и. (*Индö вайöм вылас.*) Сидзи нö и сетис кодкö?

ВАЛЯ. Эз.

ВЕРА. А мыйысь нö? Улінад лышкыдасян?

ВАЛЯ. Эг на эськö да... (*Серöктыштö.*)

ВЕРА. Яндысь.

ВАЛЯ. Нинöмысь на. Ставыс, чайтан, гöль, коді висьö? Мукöдсö кулöмасъыс ловзьöдан да...

ВЕРА. Врач нö тэ?

ВАЛЯ. Врачыд видзöдліс и шуис. А сэсся ми ставсö. Укол ли, капельница ли.

ИВАН. Да все они там берут. А потом...

ВАЛЯ. Молчи, дурак!

ВЕРА. Он кö эськö ланьт!

ВАЛЯ. А мед оз удтысь дай.

ВЕРА. Ньöти эз удтысь. Лючки висьтасис.

ВАЛЯ. Висьталас мыйкö тайö, коньöрыд!

ИВАН. А-а, знаю! Конер — значит, никудышный. Ещё скажи «нямед» я. Портянки, значит.

ВАЛЯ. А кто же ты?! Я сама тебе место нашла. Договорилась с человеком, когда он у нас лежал. На дальние рейсы бы устроился. В заграницу бы ездил. Пошёл ты к нему?

ИВАН. И не пойду. Плевал я на этих торгашей!

ВАЛЯ. Сам ты заплёванный!

ВЕРА. Дугдöй!

ВАЛЯ. Вон у Тихоновны нашей, сестры-хозяйки... У мужа болезнь Бехтерева, весь уже кривой... А с одного рейса на телевизор приносит. А ты... здоровый мужик! ...на зарплате сидишь.

ИВАН. И сiju. И не надо мне этих миллионов. И хвостом ни перед кем не надо вилять.

ВАЛЯ. Ну так и живи в этой срульне!

ИВАН. Слыхала, Вера Ивановна?

ВЕРА. Слыкала.

ВАЛЯ. А что, квартира это, по-твоему?

ИВАН. Какую тогда дали.

ВАЛЯ. Вот. (*Иирыштö пиньсö.*) Вот вырос где-то там в бараке да барачным и остался! (*Петö кухнясьыс.*)

ВЕРА. Кыськö тай эм! (*Вöтчылö.*) Абу кö мортыс шежласьысь, мый сылысь пычкан? (*Иванлы.*) Я говорю... если не шпанствует человек, да что из него выжимать-то? Изйысь вый пычкöм и лоö. Из камня — масло!

ИВАН. Садись. Пока я ещё дома.

ВЕРА. А где нö будешь? (*Иван шеныштлö кияснас.*) Перестань!

ИВАН. А что делать? Посуду бить? Так хоть напьюсь сначала. (*Кисьтö.*)

ВЕРА. Напьюсь ме тэныд! (*Вештö румкасö и дозсö.*) Асьсö дорын узьлыны велöдам. Саму научим... кыдзи и рочнас? Вот так спать! (*Нуöдö кинас пызан дорышöд.*)

ИВАН. На краю, что ли?

ВЕРА. Да, да!

ИВАН. А как ты её научишь?

ВЕРА. А любит — не любит, посмотрим. Я буду тебе громко-громко говорить, а ты соглашайся. Будто правда! Но? (*Ветлöдлö да гораа.*) Иван зять!

ИВАН (*гора жö*). Слушаю.

ВЕРА. Ты ведь Любу-то в деревне знаешь?

ИВАН. Знаю, конечно.

ВЕРА. А женись на ней дай. Зятем был, зятем и будешь у нас.

ИВАН. А что? Чем тут мучаться в городе...

ВЕРА. Может, сейчас и поедем? Автобус успеет на... этот вычегодскöй. Бутылка у меня дома есть. Стразу к ней и пойдём!

ИВАН. А была — не была!

ВЕРА. А сгавай тогда. Быстро! Одевайся. Я тоже.

ИВАН. Все! Решено! (*Лэптылö улöссö да швачкöдö джоджö.*)

ВЕРА. Мед öтнас олö! Пусть одна живёт. Ли чёрного найдёт!

Петёны кухняысь. Некод оз тыдав, но кылö сэсса нокыс да сёрниыс.

ВАЛЯ. Кытчö, кытчö?

ВЕРА. Кытчö колö.

ВАЛЯ. А этот дурак?!

ИВАН. А ты умная?!

ВАЛЯ. Он кö эськö пырöй бөр! Кому говорят? (*Тойлалö-пыртöдö кухняö мамсö да верössö.*) Пуксьбй! (*Иванлы.*) Садись!

ИВАН. Вроде как арестованные!

ВАЛЯ. Милиция оз ков.

ИВАН. Затолкала обратно и думает, дело с концом.

ВАЛЯ. Думаю.

ИВАН. Так не нужен же я тебе такой!

ВАЛЯ. Кто сказал?! (*Видзöдлö ёся верössыс вылö и мамыс вылö, сэсса водздöраасьö да тильö синсö.*) Кто сказал?!

ПОМ

ЛЮБИТАН ОН?

Ичөтик драма

В о р с ы с ь я с:

ТОНЯ } — ар 50-өсь
ÖЛЬÖШ }

Вөчсё Тоня ордын, сиктса керкаын. Инпөвсө, пачводз дорсө, занавесөн торйөдома. Сэтысь, инпөвсыйс, и мыччысь Т о н я, шөйөвошөма.

ТОНЯ. Пырәлі мыйлакө гөбөчө, и ог төд мыйла. Вунөді. Энлы, мый нө вөлі колө? (*Куньлө сингяссө.*) Оз өд и усь дум вылам выльысьтө. (*Пыркнитө юрсө.*) Эсйө мисьтөм чужөмыс и сувтө син водзө. Педьө Маща ордө пырө. Кодколунө. Пемдигас нин. (*Нюкыртчылө.*) Энлы, Öльөшөй, со өд Енмыс... менө бөрдөдөмсьыд. (*Пернапас чөвтө.*) Мед эськө кокыд чегө, да некодлы он кут ковны! (*Тильө синсө.*)

Кодкө, кылө, локтө. Сэсся пырө Ö л ь ö ш.

ÖЛЬÖШ (*ышмана*). Олан-вылан, Тоняыс!

ТОНЯ. Мун сэтысь!

ÖЛЬÖШ. Мыйла?

ТОНЯ. Кыскалө кодкө тәнө!

ÖЛЬÖШ. Муна вөлі да... мися, аддзөдла маті синмөн... сэ-китө моз.

ТОНЯ. Мый бурла?

ÖЛЬÖШ. Ачыд тай шулін... водлім да... сэсся пө он лысьт... мейсь кытшлавны. Эн нө шулы? Лөсьөдла?

ТОНЯ. Он.

ÖЛЬÖШ. А оз нө сэсся выльысьтө кыскы... дырөкө мысти?

ТОНЯ. Мый тэ кыскөмтө висьталан?

ÖЛЬÖШ. А мый нө колө?

ТОНЯ. Кыскыныгтө и понйөс кыскө! Лөк, кыр пон и эм!

ÖЛЬÖШ. А мөдарө кө... тэ абу жө бөжувтөм.

ТОНЯ. Мун, чужья! Лысьтан локны дай!

ÖЛЬÖШ. А кытшалаі нө мед? Сэсся эг и волы?

ТОНЯ. Эн!

ÖЛЬÖШ. Мыйла?
 ТОНЯ. Везькодъ!
 ÖЛЬÖШ. Абу эськө везькодъ да. НекутгӀ на абу руш со да.
 (Пондылө.)
 ТОНЯ. Пондылан кӧ эськӧ! Öльӧш!
 ÖЛЬÖШ. А сэтшӧма нӧ нин пӧрысьмин ӧти гожӧмӧн?
 Кӧдзалин олӧмсьыс?
 ТОНЯ. Тэысь кӧдзали, йирмӧг босьтӧ! О-ой!
 ÖЛЬÖШ. Эн лӧкав дай... мыйыськӧ... ме вьлӧ.
 ТОНЯ. А ачид он тӧд, мыйысь?
 ÖЛЬÖШ. Ог. Сийӧн и пыри. Мися, сьӧлӧм оз-ӧ бурмыв.
 ТОНЯ. А кодкӧлунад нӧ эз бурмыв, пыралӧн да?
 ÖЛЬÖШ. Кытчӧ?!
 ТОНЯ. Педьӧ Машӧ ордад. Пемдӱгас нин.
 ÖЛЬÖШ. Ме?!
 ТОНЯ. А кодӱ нӧ? Татшӧм дӧрӧмаыс да татшӧм гачаыс? Эн
 тэ вӧв?
 ÖЛЬÖШ. Гашкӧ и... ме.
 ТОНЯ. Яндысьтӧм син! Луп ни лап оз мунлы некоднанныс!
 Ньӧти нин абу садьыд!
 ÖЛЬÖШ. Абу тэныд! Со! (Лайӧдлӧ синсӧ.)
 ТОНЯ. Мун, тойла кыкнан синтӧ! (Нюжӧдлӧ кисӧ чургӧдӧм
 кык чуньӧн.) Мыльӧстӧ меным ваян!
 ÖЛЬÖШ. Кутшӧм мыльӧс?
 ТОНЯ. Ассьыд! Став мелӧтӧ да шоныдтӧ Педьӧ Машӧлы, а
 ваймӧм чужӧмтӧ меным?
 ÖЛЬÖШ. Кодӱ ваймӧма? Топӧдла, колӧкӧ!
 ТОНЯ. Сетча ме тэныд! Босьта укват да...
 ÖЛЬÖШ. Ог ӧд лӧкысь. Окалӧмӧн!
 ТОНЯ. Мун, кырсук! Локтӧмыд да сибалан! Чайтан, ӧтка да,
 йӧртӧм керка и лои тэныд? Гурйыв ӧдзӧса да!
 ÖЛЬÖШ. Эн. Абу ӧд юысь ли... сӱдзи сетлач.
 ТОНЯ. А мыйла нӧ локтан?
 ÖЛЬÖШ. Вӧтӧн усьлан да. Ноксям на быттӧв, висьтавны кӧ.
 Сӧ збыль, Тоня!
 ТОНЯ (нерыштӧ). Нэ-нэ-нэ! А сӧсся бара Педьӧ Машӧ
 ордӧ?
 ÖЛЬÖШ. Ог сӧсся.
 ТОНЯ. Кыкысь эн шу.
 ÖЛЬÖШ. Кыкысь и шуа. Ог сӧсся!
 ТОНЯ. Мыйла?
 ÖЛЬÖШ. Быд баба абу на ӧткодь.

ТОНЯ. Ме ог төд.
 ОЛЬОШ. Кодыськө бурмө сьёлөмыд, а кодыськө оз. Аслыд
 бөрыннас гудыр-гадыр. (*Векыштчылө.*) Сійөн и... бөр тэ динө.
 ТОНЯ. Мыйла... сійөн?
 ОЛЬОШ. Лөсялан меным да.
 ТОНЯ. Мыйён?
 ОЛЬОШ. Ставнад. Ортсынад и пыдінад.
 ТОНЯ. Сюсь абу асланьыс?! Мед эськө ог вөтлы!
 ОЛЬОШ. Вөтлы! Отнадлы өд тэныд... Шуа да, лөгасян-а.
 ТОНЯ. Шу.
 ОЛЬОШ. Абу өд пөдөм вира. Водан да, мед некод оз ков.
 ТОНЯ. А кок шонтгысьыд сөмын... оз жө меным ков! Локтө
 нин унмөй сы пондаыд!
 ОЛЬОШ. Коді нө колө?
 ТОНЯ. Олөм олысь! Морттуя да дзоньвидза!
 ОЛЬОШ. Сэсся... ме кө быттьө... ог нин и шогмы?
 ТОНЯ. Муртса.
 ОЛЬОШ. Мыйла муртса? Урөс нө?
 ТОНЯ. Морттуйыд абу!
 ОЛЬОШ (*шай-паймунө*). Гусяся нө? Юси дзикөдэ? Некөн
 ог уджав? Вии кодөскө? (*Чөв усьлө.*) Морттуйыд пө өд абу!
 ТОНЯ. Этша. Некытчө оз тырмы.
 ОЛЬОШ. Мыйён этша?
 ТОНЯ. Некодөс он любит! Эн на любитлы ни! Джынвыйө
 морт, а джынвыйө... шыш!
 ОЛЬОШ. Мый тэнсьыд шышкалі? Ныв на вөлін, да ылөдлі?
 Скөрмөдас сэтчө!
 ТОНЯ. А он нө чайт... гашкө, гозйөн на кодкөдкө олыштан?
 А лөсьыдтө аслыд сөмын и корсян. Сы понда и волан. Ковмас да.
 ОЛЬОШ. А тэныд оз? Жүгөдчөмөн ме пыра? Ош моз тэно
 путкыляла? Он ачыд сетчы?
 ТОНЯ. Абу өд кын сюръя.
 ОЛЬОШ. Аскинас... пусьөмыд и пөжасьөмыд. Вашгьялан.
 Гөгыр и эм быттьө.
 ТОНЯ. Но.
 ОЛЬОШ. А век на этша! Век на сылы он тырмы!
 ТОНЯ. А волан и муан да! Сэсся мый дыра он воы! Кулө-
 мыд-ө-ловъя?! Гажыд оз быр ни! (*Тильө синсө.*) Меысь.
 ОЛЬОШ. Бырө! Инө ог өшйыв! Талун на... сэтшөма... пе-
 совтліс... Мед син водзын и вөлін! Сійөн и... (*Көсийө кутлыны.*)
 ТОНЯ. Дугды, дугды.
 ОЛЬОШ (*дугдө*). Мыйла? Аслыд мустөмми?

ТОНЯ. Эн на эськө да...
 ОЛЬОШ. А мый нө?
 ТОНЯ. Он тай шу...
 ОЛЬОШ. Мый ог шу?
 ТОНЯ. Отлаасям пө.
 ОЛЬОШ (*шіййовошлө*). Отлаасьомыд мыйкө и сетас!
 ТОНЯ. Сетас. Гөтыра и лоан. Висьман кө ли мый ли. Ме верөса лоа и. Шогөй бырө... пескысь и турунысь. Ольөш гозъя и лоам.
 ОЛЬОШ. Чөв! Эськө томось кө вөлим-а. Көр ни гос видлытөмось. А велалөма нин өткөнтө овны да... Сөмын кодзалан өта-мөдыд динө отлаасьомнад.
 ТОНЯ. Мыйла... кодзалан?
 ОЛЬОШ. Умман... өти пөлөс сөянысь моз.
 ТОНЯ. Эн повзөдлы.
 ОЛЬОШ. А сідзи на лөгасян. Тэ мыйыськө дөзман, ме мыйыськө скөрма, сэсся пурсьыны и кутам.
 ТОНЯ. Эн пурсьы дай. Садьтө төдан.
 ОЛЬОШ. Садьыд и кутас янсөдчөмсьыд! Медся на бур сідзикөн...
 ТОНЯ. Кыздикөн?
 ОЛЬОШ. Вольывлөмөн... өта-мөдыд динө. Войколөн ли, рытөн ли. Сьөлөмыд... сюмалөмысь.
 ТОНЯ. Ме ог сідзтө. Овны кө — овны, а... (*Шевгөдлө кияссө.*)
 ОЛЬОШ. Он өд кага вай! Сы понда кө быттө... Тоня. Эськө том на кө вөлін-а! Неямын арөс бөрад... нинөмысь нин повныгө.
 ТОНЯ. Мед. А ог ме сідзтө.
 ОЛЬОШ. Муна нө?
 ТОНЯ. Татчө он пемдөдчы.
 ОЛЬОШ. Ог и пуксьыв?
 ТОНЯ. Мыйлакө?
 ОЛЬОШ. Быттө эгө на и... Киө на меным эн шедлы, эн на водлы ме улө...
 ТОНЯ. Ланьт, эн быгзьы!
 ОЛЬОШ. А лэптан асьтө да! А кытчө и лэптан?!
 ТОНЯ. Мортө.
 ОЛЬОШ. Кутшөм мортө?
 ТОНЯ. Сэтшөмө. Оз-ө, мися, шондіавлы олөм помөй. Сэсся мед и кула.
 ОЛЬОШ. Он и гөгөрво тэнө. Мый и висьталін?
 ТОНЯ. Оз нө ков, мед кодкө любитіс? Сійөс он гөгөрво?
 ОЛЬОШ. Но, гөгөрвои.

ТОНЯ. А он тай шу, любита пö! Шу!
ÖЛЬÖШ. Шуан кызкө...
ТОНЯ. Вомыд öд эм!
ÖЛЬÖШ. Ачыс скөрмодас-а. Сэссия шу сылы. Энлы, бурасям да.
ТОНЯ. Бурасям. Лок, пуксы. Вая на мыйкө.
ÖЛЬÖШ. Вай. Вомö суйны. Кык румка да. (*Кыскө зепсыыс вина доз да пуктö пызан вылö.*)
ТОНЯ (*вайö инпöвсыыс коланасö*). Пуксы, эн сулав.
ÖЛЬÖШ. Ачыл пуксы жö.

Пуксыны воча.

ТОНЯ. Кисътав. Меным этшаник-а. Мед ог коддзы.
ÖЛЬÖШ (*кисъталö*). Мый нö, коддзан кö? Сийö и бур.
ТОНЯ. Гажма да лышкыл лоа.
ÖЛЬÖШ. Мед!
ТОНЯ. Абу мед. Сэссия тэ он и шу, мый колö.
ÖЛЬÖШ. Шу! Вай! (*Точкысыны.*)
ТОНЯ. Сидзтö кö.

Юöны да вом кöрнысö вежöны.

ÖЛЬÖШ. А ме, Тоня, бураси нин! Юрö нин кучкис и!
ТОНЯ. Сэтшöм öдийö?!
ÖЛЬÖШ. Дыр-ö нö колö... пöсьвывсыыд?! (*Чеччö да кутлö бöрсяньыс Тоняöс.*)
ТОНЯ (*оз сетчы*). Ойя да... Энлы на малась!
ÖЛЬÖШ. А кор нö?
ТОНЯ. Бöртиджык. Пукыштам да.
ÖЛЬÖШ. Бöртинад и ставнад! (*Оз öвсыы.*)
ТОНЯ. А либö и шу, любитан он!
ÖЛЬÖШ (*ышмана*). Любита, мыйла ог?!
ТОНЯ. Ышман да. Бöрвывсянь долян. А тэ водзвывсянь шу.
Синмö видзöдöмөн. Пуксы да. Лысытан он?!
ÖЛЬÖШ. Лысыта, мыйла ог?! (*Пуксыö.*)
ТОНЯ. Но и шу.
ÖЛЬÖШ. Энлы, мöдысыөн юам да. (*Кисъталö.*) Вай! (*Кöсийö точкысыны.*)
ТОНЯ. Ылöдлан кö, Öльöшöй! (*Точкысыö.*)
ÖЛЬÖШ. Ог!

Юöны. Тоня этшаника.

ТОНЯ. Но?!
 ÖЛЬÖШ. Эны, сөтө на горшос. (*Няклясьё*.)
 ТОНЯ (*виччысьё да дөзмө*). Но?!
 ÖЛЬÖШ (*чезыртчылö*). Любита, сэтшöма кö нин тэныд...
 ТОНЯ. Он! (*Бöрддзö*.) Он любит! Абу весиг гажа синмыд, абу
 мелí ни.
 ÖЛЬÖШ. А пычкан да... кывйöс. Быттьöкö ныв на...
 вöрзöдлытöм. Регыд нин пенсия вылö-а.
 ТОНЯ. Мый нö кö?
 ÖЛЬÖШ. А сытöг нин мед и овсьö!
 ТОНЯ. Мыйтöг?
 ÖЛЬÖШ. Любиттöгыс! Узльöмөн... кор ковмылас... ловъяöсь
 на да... (*Шешъялö*.) Шуан да, шуöма лоö-а!
 ТОНЯ. Куш узльöмыд... зэв на курыд бöрыннас.
 ÖЛЬÖШ. А öтнадлы и долыд, оз кö и волы некод?
 ТОНЯ. Абу.
 ÖЛЬÖШ. Эн и дöзмöдчы, сідзкö. Абу кö мустöмöсь öта-
 мöднымлы и... Олас!
 ТОНЯ. Тэныд, гашкö.
 ÖЛЬÖШ. А тэныд и оз? Мустöм ме тэныд? Зывöк?
 ТОНЯ. Абу.
 ÖЛЬÖШ. А мый нö сэсся?
 ТОНЯ. А абу и муса! (*Няргö*.)
 ÖЛЬÖШ. Но и няргы, тадзтö кö!
 ТОНЯ. Нярга.
 ÖЛЬÖШ (*чеччö*). А муна нö?!
 ТОНЯ. Мун.
 ÖЛЬÖШ. А ог и волы сэсся некор?
 ТОНЯ. Эн.
 ÖЛЬÖШ (*бугжылясьё*). Волí мыйлакö?! Деньга видзи и! (*Суйö
 джынъялöм дозö зептас*.)
 ТОНЯ. Вештыся. (*Чеччö*.) Уна-ö дон юи.
 ÖЛЬÖШ. Сета кö эськö ныр-вомад!
 ТОНЯ. Сет. Тэнад öд лёкыд тырмö.
 ÖЛЬÖШ. Вируля лоан!
 ТОНЯ. Мед. Вирөн и сьöлышта чужöмад.
 ÖЛЬÖШ. Сідз кусынътчан!
 ТОНЯ. Ен сайын!

Öльöш мурзалö на да мунö. Тоня пуксьö пызан сайö да бöрддзö.
 Бöрдигтырийиыс кучкалö пызанас.

ПОМ

ЕН НЫВ

Кык юкөна, сизимысь петкөдчылана ворсан мойд

Важ коми мойдъяс серти

В о р с ы с ь я с :

ЫДЖЫД АККА
ЙИГӨР
ЗАРАНЬ
ЕН
ЁРАНЬ
КӨИН-МОРТ

Воддза юкөн

М е д в о д д з а п е т к ö д ч ы л ö м

Джуджыд керöсын важ коми сикт. Ёсь йыла керкаяс топöдчöмаöсь
öта-мöд динас. Гөгөр вөр.

Ы д ж ы д А к к а петö аслас керкаысь да пукталö копыръяс сьылан
горөн.

ЫДЖЫД АККА

Тэн дас кык копыр мясянь, Вына Ен,
Со енколаыд тэнад помтöм-дортöм!
Эн некор лөгась миян вылö, эн,
Ми огö олюй тэнсьыд буртö кортөг.

Ми огö лысьтöй вуджны тэнсьыд кыв
И вежавидзам тэысь лунысь лунö.
И медводз тэныд нюжöдам ми сыв,
Мед парма шöрас миянöс эн вунöд.

Ми тöдам: усьлö нэмнад уна шог,
И овлам быдөн зумышöсь и норöсь.
Но мед эз сибав миян костö лёк,
Со öшöдöма сьысь дас кык корöсь.

Ме тэнсьыд кевма, синмөн судзтөм Ен,
Эн өтдорт некор аслад помтөм шаньысь.
И кытчөдз ловъя, ина лоя тэн
Ме Ыджыд Акка — татысь вежа аньыс!

Ыджыд Аккалөн кевмысигөн на локтө Ёрань. Киас сълөн вужйысь
кыём вугъя кидоз.

Ёрань пуктө кидозсө да чөла виччысьсө, кор Ыджыд Акка помалас
кевмысьнысө.

ЁРАНЬ

Мед Енмыс тэнө видзас, Ыджыд Акка,
Да уна во на миянөс он энөвт!
Бур асыв тэныд! (*Копыртчылө.*)
Шондіа да долыд!

ЫДЖЫД АККА

И тэнө, Ёрань, оз эськө мед шөгөд
Ни асылыс, ни лун шөрыс, ни рыгыс!
(*Копыртчылө.*) И Енмыс тэнө,
Айтөм-мамтөм нылөс,
Мед видзас керөмысь и лөгысь.
Со кытыськө нин вадорланьысь локтан?

ЁРАНЬ

Ме төрыт рыгнас эштөді кузьчышгьян,
А талун асыв пожъялі сөдз ваын,
Мед шонді рөмыс еджыд вылас югзис,
Вай ывла вылас өшөдам, и косьмас.

ЫДЖЫД АККА

Да потшөс вылас этатчө и өшөд.

Ёрань босьтө кидозйысь кузьчышгьянсө да өшөдө потшөс вылө.

ЁРАНЬ

Ме ог төд, мыйкө шогмана-ө артмис,
А, гашкө, дзуги кыткө коми серсө?
Тэ видзөдлы да веськыда и висьтав.
Ме, оз кө шогмы, биа горйө соя,
А сэсся выльөс лунөм-войөн кыа.

ЫДЖЫД АККА

Да, ен ськөдөн, оз сюр татысь аньыс,
Мед эськө вөлі тэысь киа-подъя!
Со мый дыра нин синмөс эг на вештыв,
А видзөда, и сьөлөмөй оз пөтлы.
Ме весиг ог төд, кодлы козин вылө
Ми тэнсьыд тайё кузьчышгьянтө пуктам:
Ли Саридз Айкалы, ли Вой Пөльлы, ли кодлы?
А, гашкө, Ёрань, аслыд вылө колям?
Од аслыд вылө, төдөмысь, и кьин?

ЁРАНЬ

Чөв, Ыджыд Акка!

ЫДЖЫД АККА

Меысь тэ яндысь!
Тэн дас квайт арөс. Вирыд-яйыд ворсө.
И коркө регыд аддзан аслыд пөвтө,
И кузьчышгьяныд лоо сылы козин.
А сийө водзөс керка тэныд лэптас,
И овмөдчанныд гозъя нэмыд кежлө.
Ме казьявлі нин, синбөжавлан кодөс.

ЁРАНЬ

Чөв, Ыджыд Акка!

ЫДЖЫД АККА

Меным тэ эн соссьы!
Мед эг ме тэнө сьөлөм дінысь чужты,
Но пузчужөмсянь ме дінын тэ быдмин,
Да аслам ныв туйө и пукта өні тэнө.
И көсья, мед эн веськав сямтөм шөрө,
А сэтшөм зонлы сөстөм ловтө восьтін,
Оз коді повзьы медся сьөкыд здукас,
И садьсө некор некытөн оз воштыв,
И вөрись-ваысь кодлы быдтор шедө.
Ме төда, тэнад Йигөр вылө синмыд!

ЁРАНЬ

Чөв, Ыджыд Акка! Чайтнысө ме пола,
Мый сийө меным лоө верөспуөн.

Оз весиг сійӧ шыасьлы ме дінӧ,
А Буско понсӧ окалӧ и кутлӧ.

ЫДЖЫД АККА

Да оз на кыскы нывъяс дінас сійӧс.
Мед эськӧ сӧмын вӧралысьӧн лоны,
Да верстьӧыскӧд сёрниӧ тшӧтш пырны.
Но воас кад, и вӧтасьлыны кутас,
Кыз морӧс бердас топӧдӧма нылӧс.
Дай воис нин, ме чайта, сылы кадыс,
Мед гӧтырпуӧн кодӧскӧ тась шуны.
Дерт, том на эськӧ, арӧсӧн и ыджыд,
Тэ серти кӧ, да петкӧдліс нин асьсӧ:
Со кутшӧм ошкӧс вӧйдӧрлуӧ виис!
Ӧд кымын мӧскӧс косявліс нин татысь,
А яй выв ошкыд абу турун сӧйысь,
И ӧдйӧ асьтӧ вируляӧ вӧчас,
Он лысьт кӧ воча сувтны сылы шынад
Да сутшкынытӧ муртса кӧ он удит.

ЁРАНЬ

А Йигӧрыслӧн некыт абу доя,
И сулалӧ да вашгялӧ на сэтӧн,
И тошкаыс на кывзысьӧны сылысь,
Оз некод вомав, нускыштас и сӧмын.
Ме ош кульӧмсӧ видзӧдлыны ветлі.

ЫДЖЫД АККА

А мый нӧ вӧчан? Быть ӧд налы нускы!
Мед, инӧ, асьныс помалісны ошсӧ!
А ӧні сёр нин пуксьынытӧ вылӧ.
И шуас кӧ вот Йигӧрыс...

ЁРАНЬ

Мый шуас?

ЫДЖЫД АККА

А локтас вот да, гӧтрася пӧ, шуас?!
И ме ог вермы пыкны сійӧс таысь.
Но видла ӧлӧдны, мый водз на, гашкӧ, сылы,
А бӧрья кывйыс сы сайын и кольӧ.

ЁРАНЬ

А кодос эськө гөтырпунас шуас?

ЫДЖЫД АККА

Ме юала.

ЁРАНЬ

А оз кө висьтав сійө?

ЫДЖЫД АККА

Сэк бур кывсө мед месянь оз жө виччысь
И кытчө гажыс мунө да мед олө.
Но сылөн аслас вожалас на кывйыс,
Да кутас мыктавны сэн, кодос пө и шуны.
Өд өнөдз сылөн некод на эз вөвлы
Ни морос кудьяс пыдын, ни юрас.
И ог кө чуйды, шойовошас ачыс
Да лыддьодлас тась, гашкө, кымын нылос.

ЁРАНЬ

Ой, Ыджыд Акка, чуйдін кө тэ эськө!
Ме таысь тэныд став олөмөс пукта!

ЫДЖЫД АККА

Чөв, Ёрань! Меным тырмас тэнад шаньыд,
А олөмтө тэ верөсыды пукты
Да быдтасыды, коді сэсса лоө.
А Йигөрыды тэнө ме и чуйда,
Мед сөмын волас висьтасьнысө сійө.

ЁРАНЬ

Ой, Ыджыд Акка, мыйкө меным шог на,
И сьолөмөй со тигйысьө, оз инась.
Вай лэччыла ме тэныд вежа вала,
Руд из увсьыд тай дзулькйөн эстөн петө,
Дзонь туйс тэныд зэв өдий и ката,
А сэсса вордкывтө кор ассыйд лыддян,
Тэ видзөдлан, и мый тэд вежа ваыс
Сэк петкөдлас? Мый виччысьсө менө?!

ЫДЖЫД АККА

Но лэччыв, инö. Он-ö сэссия бурась!
А тадзтö тэныд луныс оз ло югыд.

Ёрань петкөдö керкаысь тунс да котöртö вала. Ыджыд Акка
нюмъялігтыр довкйöдлö сылы бöрсяныыс юрнас, сэссия ышловзёбö да пондö
сылыштавны.

Нывъясöй да нывъясöй,
Лыбан морöс вывъясöй.
Ловтö сылы чöжанныд,
Кодöс гусьөн пöжанныд.
Верöс сайö көсьяанныд,
Тшынтöм биён öзъянныд.
Помтöм тиян полöмныд,
Кыз на пуксяс олöмныд.
Медтö-й шудсö тöдланныд,
Сьöлöмнаныд пöгланныд!

Локтö Йигöр. Тасмаас сьлөн пысалöма кузь пуртöс да бива. И
нöшта ош пинь.

ЙИГÖР

Тэн, Ыджыд Акка, муöдз мясянь копыр!
Мед некод тэнö дöзмöдны эз лысьтлы!
Мед тэнсьыд кывтö некодi эз вожмав!

ЫДЖЫД АККА

Лок водзлань, Йигöр! (*Копыртчылö воча.*)
Ош кыйöмсьыд аттьö!
Мед уна ошкөс чергöдан на татысь,
Мед гөгöр ош пинь тасма дорад лöö,
А ачyd татшöм дзоньвидза и колян!
Дерт, кöнкö, мөгөн?

ЙИГÖР

Висьтавнысö пола.

ЫДЖЫД АККА

А мый нö эськö? Лёктор юрад воис,
Мый Енмыслы ни меным тан оз лöсяв?

ЙИГӨР

Ме, Ыджыд Акка, лёктө эг на вөчлы,
И нинөмысь на менө татөн ёрны.
Но быдөн өд тай гөтрасьоны коркө,
И меным, гашкө, позьө жө нин өни?

ЫДЖЫД АККА

Ме, дона пиёй, абу таысь паныд
И водзө кежлө ньылыд тэныд шуа:
Мед тэ кодъыс и лэдзис татчө вужсө,
Да некор коми йылөмыс эз помась!
Но гөтрасьомыд — абу оштö кыйөм,
Кор повтöмлуныд регъдик и колö,
А нэм чöжыд мед сьöлөмнад эн усьлы,
Став сьöкыдсö и шогсö, мый оз сулы,
Мед ас вылысад босьтін да и нуин,
Эн гөгырыд да быдтас вылас вожод.
Эм коми шусьöг: сы вылö пö-й зонмыс,
Мед некор коскас тасмаыс эз личав!

ЙИГӨР

Ме, Ыджыд Акка, быд кыв пыдди пукта
И кöсйыся тэн синмад видзöдöмөн,
Мый лёк сёрниыд ме бöрся оз петав,
И мед эськө тэ ме вöсна эн падъяв!

ЫДЖЫД АККА

Ме ог и падъяв, эска тэныд помöдз,
Но, дона пиёй, тэ өд сэтшöм том на,
Со лов гöныд на ныр улад оз тöдчы,
Дай мукöд зонсö пановтан тэ тадзтö,
И шуасьöмыс налөн меным инмас.

ЙИГӨР

А эн тэ налысь шуасьöмсö кывзы,
Мед тöдöны жö яндзимсö и садьсö.
Ме эг тай налысь ышнясьöмсö видзöд,
А муні да и кыйи яй выв ошсö.
А, сідзкө-й, верма пановтнысö найöс.

ЫДЖЫД АККА

Да вермытөг он ов. Но абу өд тэ өтнад,
Нель ныла-пия мамыдлөн тэ бөрын,
И ывла вылө чой-воктө он вөтлы,
А бергөдчыны керкаад и төран.
Том гөтыртө өд посводзад он водтөд,
Дай аслыс инпөв сылы эськө колө,
А мамыд сылы инпөвтө оз сет на.
Тыр вежөрөн кө, дона пийө, овны,
То ас керкаө гөтыртө и колө
Тэн вайөдны. А ас керкаыд тэнад
Со вөр шөрын на эстөн сувтса йыла.
Эн скөрмы сыысь, веськыда кө шуи.

ЙИГӨР

Ме ог и скөрав, төд вылө на босьта,
Да талун жө и ката ю дор ягө,
Сэсь керсө пөрөда да пурйөн татчө вая
И ас керкатө төв кежлас и лэпта.
Ме ог пов уджсьыд, бур кывтө кө сетан!

ЫДЖЫД АКҚА

Ок, Йигөр, Йигөр, өдйө жө тэ олысь!
Да томьясыдлөн сэтшөм тай нин этшыс,
Мед эськө өдйө став колөмыс иніс.
И бур кывйыд тэд менам абу пыдын.
Но кодөс ачыл гөтырпунад шуан?
Тась нывъяс писъыс коді медся колан?

ЙИГӨР

Да ме... Да мыйкө...

ЫДЖЫД АККА

Ой-я жө дай мортөй!
Со мыкталан, а гөтрасьны нин көсьян.
Куш көсьөмыд на, видзөда ме, тэнад,
А сьөлөм вужйыд төвся кын на быттьө.
Өд локтін кө нин талун татшөм могнад,
Мед кыв йылад нин бергаліс ныв нимыс.

ЙИГӨР

Ме, Ыджыд Акка, таысь ёна мыжа

И кора тэнö: нöшта недыр кывзышт.
Мен тавой унмöй ньöти эз и волы,
Ээв уна нылöс сувтöдлі син водзö,
Но некод вылö бөръяпом эг инась
И шöйöвоши. Тэ кö эськö чуйдан?

ЫДЖЫД АККА

Ой, серам петкöдлан тэ эськö, Йигөр,
Да серавнысö сьöлөмöй оз лэпты.
Но чуйда ме, и гөтрасян тэ сэсса,
А олыштан, да мөд кö лоö муса?
Сэк кытчö коньөр гөтыртö тэ воштан?
Ме татшөмтортö пельөн мед ог кывлы!
Мед нэмыд кежлö гөтрасьöма вöлі,
А ыкшаыд кö босьтас — кытчö гажыд!
Тэ гөгөрвоин кывкутөмтö ассьыд?

ЙИГӨР

Ме, Ыджыд Акка, сы мogyсь и локті,
Мед ачыд меным чуйдін гөтырпуос,
Да кöсьйся тэн Енмыслөн син водзын,
Мый вөтлөмөдзыд ачымос ог вайөд.

ЫДЖЫД АККА

Но, инö, матö кöсьйсьöмтö пункта.
Со видзөд, кутшөм кузьчышгьяныс мича!
Тэ чайтан, сямлун сөмын татчö колö?
И кыпыд сьöлөм морөсад мед тiпкö,
А сытöгыд и сямлуныд оз отсав,
Да панөмторйыд помөдз оз и волы.
А төдан кодлөн тайö киподтуйыс?

ЙИГӨР

Водз асывнас ме ветлі чери кыйны,
И локтігөн нин паныдасис Ёрань,
Вуж дозийөн вöлі лэччö öзын дорö:
Со эштöді да пожъявны пö кöсья.

ЫДЖЫД АККА

Ок, юася, а төдан тай нин вөлөм!
Но, сідзкö, мөдтор юала, да висьтав.
Кор войнас, шуам, унмыд эз и волы,

Да уна нылӧс сувтӧдлӧн син водзэд,
Сэк тӧд вылад тӧн сійӧ эз и усьлы?

ЙИГӦР

Да, гашкӧ, медводз, веськыда кӧ шуны.
Да, мися, гашкӧ, он на сет тӧ сійӧс,
Ээв том на, шуан, нылалас пӧ мед на.

ЫДЖЫД АККА

Дерт, верӧссайыд сыысь оз на пышйы,
И нылалӧмыд медся гажа кадыс.
Но абу кӧ тӧ Ёрань дӧнас кӧдзыд,
Ме ог сувт паныд тӧян лӧсялӧмлы.

ЙИГӦР

Сӧ аттьӧ тӧныд, Ыджыд Акка, таысь!

ЫДЖЫД АККА

Тӧ авъя зон, и сійӧ тӧ дон лӧптӧ,
И видзӧдлыны гӧгӧр сылӧн тырмӧ,
И коркӧ арнас кӧлысь позьӧ вӧчны,
Кор ас керкаыд олан выйӧдз воас.

ЙИГӦР

Ме, Ыджыд Акка, котӧрӧн и гортӧ,
И босьта чер да ката ю дор ягӧ!

ЫДЖЫД АККА

Да сулавлы, оз юр весьтад на чардав!
Ог аслынымлы сӧмын пуӧй шыдсӧ,
Час, коймӧд морт на панявнысӧ локтас
И шуас, кутшӧм, курыд али буретш.
Со локтӧ нин. И сӧрнит сӧссия ськӧд.

ЙИГӦР

А тӧ?

ЫДЖЫД АККА

А ме... кор ковма, сӧки-й лоа танӧ.
Кор юртӧ лӧдзанныд да нинӧм лӧӧ шуны.

Ыджыд Акка пырö керкаö. Локтö Ёрань киас туйса. Ёрань
пуктö туйссö да шыасьö ворсöдчана.

ЁРАНЬ

А тэнö эськö кодi татчö корис?

ЙИГÖР

Сiдз, мөгөн волi Ыджыд Акка дiнö.

ЁРАНЬ

Мый, кутшöм мөгөн?

ЙИГÖР

Быдтор колö тöдны!

ЁРАНЬ

А, гашкö, мыйкö ме йылысь тшöтш больгин?!

ЙИГÖР

А мый нö эськö, кыв мед эг и шулы,
Кор буретш тэнö гаралöма лои?

ЁРАНЬ

А гаравныгö позьö уна ногөн.

ЙИГÖР

А мыйысь тэнö лёкöднысö меным?

ЁРАНЬ

И кытчö сэсса сёрнинаныд воид?

ЙИГÖР

А таво арнас гöтырөн мен лоан!

ЁРАНЬ

Ок, кутшöм кылö оштö кыйöм бöрын!
Тан медбур зонмыс сийö-й быгтьö лоис!

ЙИГÖР

А мый нö, лёкджык тэныд кодкö дорысь?

ЁРАНЬ

Да ме ог шу... Ой, вала өд ме ветлі...

Ёрань косьё босьтны туиссё, но Йигөр паныдалё сійёс, кутё киёдыс.

ЙИГӨР

А ваыд тэнад оз на эськё шоммы.

ЁРАНЬ

Тэ понды кинад, гётырөн кор лоа,
А өні водз на... (*Мынтөдчө.*)

ЙИГӨР

Кисьыд мыйкё лоан!

Кыкнанныс чөв усьёны да сулалёны юрсё ошөдөмөн. Керкаысь петё
Ы д ж ы д А к к а.

ЫДЖЫД АККА

Вай нинём абусьыс эн лөгасьёй ті сэтчө!
Кузь олём чөжныд быдторйыс на сулас,
И колё кужны асьнытё век кутны.
Со кутшөм луныс, кымөр чир оз тыдав,
И сьвкйё шонді — тиян понда быттё!
Вай киасьёй, и ме тшөтш пукта киёс,
И Енмыс водзын кикутём ми вөчам!

Ёрань да Йигөр киасьёны. Ыджыд Акка пуктё кисё налөн кияс вылө
да водзё сёрнитө.

А мясьнь бур кыв — разьны позьтём гөрөд
Мед нэмыд кежлө тиянөс тан йитас,
Мед Омольыс оз воы керка помад,
И оз ков шудтё корсьны ылі муысь!

Ыджыд Акка лэптылө кияссё вывлань да пуктё өти кисё Ёраньлы юр
вылас, мөдсө — Йигөрлы юр вылас.

Видз му вылас тэ найёс, Вына Енмөй!

Кост.

ЙИГӨР

Ме, Ыджыд Акка, ог нин вошты лунсö
Да муна гортö, ката ю дор ягö?

ЫДЖЫД АККА

Мун, дона пиö, ветлы лючки-бура!

Й и г ö р мунö. Ёрань топöдчö Ыджыд Акка бердö.

ЁРАНЬ

Ой, Ыджыд Акка, Ен бöрас тэ мöдыс!

ЫДЖЫД АККА

Чöв, ловъя мортсö та вылö эн пукты!
Ме сöмын кöсии кыкнанныды бурöс,
И вежа ваыд, аддзан, эз и ковмы.

М ö д п е т к ö д ч ы л ö м

Енкола. Вылісянь дзирдалö шонді. Гөгöрыс, пемыдас, чусалöны кодзувъяс. Тыдалö джынъя тöлысь. Улын лайкъялöны кымөръяс. Шонді улö петö Е н да очсалö-нюжмасьö. Пыркнитö юрнас, и сэки муркнитö гым.

ЕН

Кöть эн и водлы, мыйкö пыр и лоö,
Со кымын кодзув усьöмаöсь эстысь,
И шонді вылас петöмаöсь чутъяс,
А тöлысьлөн оз тыдав джынсьыс унджык.
Дерт, бара Муыс сайöдöма сійöс,
Век сүйсьö кытчökö, оз овсьы öтилаын.
И аслым мыйкö меным тонö сьökыд,
Кöть водлі медся небыд кымөр вылас.
Вот скөрмыла да лэдзла гымсö-чардсö,
Ог палялышт-ö, ас выйö-ö волы,
Да нылöй, Зарань, буракö на, узьö.
А мый вылö и лöсьöді ме сійöс?!
Но, мич вылö, мед видзöдлыны позис,
Но, гаж вылö, мед варовитны верми,

А рөкыд ыллө аслым шогсө корси.
Оз овсыы сылөн тані, югыд синлөн,
Век өти сёрни: лэччыла пө муө!
А мый сэн бурыс?! Ёрччыштөма лоө!
Ог нинөм шу да сідзикөн и муна.

Ен өвтыштө кинас да вөрзылө мунны, но сувтовкерө тільыштны
синсө да сьылыштө.

Ок, Енмыдлөн, ок, Енмыдлөн
Нэм помасьлытөм лов!
И некод сылы татөні
Енколаас оз ков.

Ок, Енмыды, ок, Енмыды
Тан медся муса чөв!
И некод матігөгөрын
Мед дөзмөдчысь эз вөв.

Ок, Енмыдлөн, ок, Енмыдлөн
Мед некоді оз чуж!
А мыйлакө тай лосьөдан
И овнытө он куж.

Енлөн мунөм бөрын шонді улө петө З а р а н ь.

ЗАРАНЬ

Дас вевся, гашкө, кымөрыс Му весьтас,
И абу төлыс разөдыштны найөс.
Сэк эськө позис синмөс чөвтны увлань
Да видзөдлыны, вөчөны мый йөзыс.
Но айөлы мед эськө синтөг олі,
Мед эз пет вежөй му выв олөм вылас.
А меным гажтөм кыккирудзтө помся
Тан пукавны, ли ветлөдлыны сідзи.
Ок, өдйөджык кө пөрысьмыны эськө
Да сэсья кувны, еджыд руө пөрны!
Но оз тай мөрччы меным татөн кадыс,
Ни пөрысьыс, ни кулөмыс оз волы,
И помтөг менө гажтөмыс тан сёяс!

Сэсса Зарань пондө сывны.

Тэд бурджык, айö, öнi кö,
Эг шуасьлы тэ вылö.
А меным бурджык, вöли кö,
Морт гозъялөн ме нылөн.
Мед эськö быдми на дорын,
И ас кодьюй жö томкөд
Веж видз вылын ли вадорын
Ме паныдаси зонкөд.

И сьөлөм вылас вон да,
Ме эг кут сыысь повны.
А сэсса гозъя лоим да,
Ми кутим сыкөд овны.

Сьылөм бöрас Зарань кыйкъялö увлань синмөн.

Ок, öти здук кöть видзöдлыны Муас,
Да кост öд абу, гөгөр вевса кымөр!
Со эстöнi кö муртса абу осьса?
Збыль, осьса-й эм, и тыдальштö Муыс!
Со визув ю, со кодлөнкö кузь пыжыс
Яг нöрыс улас тшукөдöма нырсö.
И бипур ваймö осьса вонийыс водзын.
А көн нö мортыс? Кытöнi мый вöчö?
Да со тай ягас керасьö, оз дугдыв.
А кымын пу нин пöрöдöма сийö
Да чинталöма öткузяа керйö.
Со мудзöмысла веськөдыштiс ловсö
Да чатöртчылис пöсьсö чышкыштiгөн.
А видзöднысö ачыс сэтшöм том на,
Куш юрсисö на шылькнитны и тöдлö.
Ой, кытөнкö тай Енколаын чужан
Да синтö вежмөн кыйкъялан — и ставыс!

Зарань бöрдö. Локтö Е н да видö сийöс.

ЕН

Ок, сьökыд висьöм, шы кывзыгöм быдтас!
Сэн шлюпкан-бöрдан, он куж асьтö кутны.

Тэ Енлөн ныв, тэ Енколаын олысь,
И му выв олөмыс тэн некытчө оз лөсяв.
А бара нин со видзөдөмыд Муас!
Да мый сэн бурыс? Лымгялө ли зэрө,
Ээв регыд кежлө гожөмыс и волө,
Дай сийө мустом лөддзыс-номыйс понда.
А йөзыс?! Во чөж тырөмаось уджөн,
И то на, овлө, виньгыртөны тшыглы.

ЗАРАНЬ

А кор и гажа, видзөдан да, налы:
То шывгялөны ю вывтыс пыжөн,
То веж луд вывти ветлөдлөны кытшөн,
То исласьоны төвнас джуджыд кырсянь.
И төв көть гожөм, ныла-зонмыс сэтөн
Быд рыгө кольбөдчөны, окасьоны гусьөн.
Ме унабсь нин аддзылі өд, төда.

ЕН

Ок, петөма тай вежыд мыйкө вылө?!
Да кольбөдчөмсьыс медся уна грекыс,
И менө весиг вунөдлөны сәки.
Но оз тай дыр и овны му выв йөзыд:
То чужөны, то эштөма нин нэмныс.

ЗАРАНЬ

А мый тан меным помасьлыгөм нэмсьыс?
Мед дитшвидзи да шудөс эг и төдлы?

ЕН

Да кутшөм шуд тэд табсь содтөд колө?
Век шондї улын, юр весьтыд оз гымав,
Он төдлы мудз ни кынөмыд оз сюмав.
А унмыд личкас — водлін кымөр сайө.
И мебсь өтдор некод тан оз ыждав.
А мебсь, аддза, этша нин тэ полан.
Но, кутшөм шуд тэд нөшта татчө колө?!

ЗАРАНЬ

Да гажтөмысла йөйман коркө тани!
Вай недыр кежлө лэччыла ме Муас?
А, Енмө-айө?

ЕН

Ланьт, эн менө скөрмөд!
Тэ кок пөвнад на тувччан сөмын Муас,
А мортө пөран! Гөгөрвоан тайос?

ЗАРАНЬ

А мед и пөра, сідзи кө нин быттьө!

ЕН

Эн шыблась кывнад.

ЗАРАНЬ

А ме ог шыблась.
Ме маті синмөн видзөдла көть мусө,
А сэсса вурьшт менө биа ньөвнад.

ЕН

И вурьшта, мед пөимыд и кольө!
Ме... сөмын вөрзъыв аснырөн тэ татысь!
А өні Мутө чардбиөн ме лыйла
Да ваөн тырта, олөмыс мед кусө,
Мед сэсса тэнө оз нин сэтчө кыскы!

Ен сыркйөдлө шамыра кинас, и пуксьөм пемыдас пондө гымавны да чардавны. Кор сэсса лөньө да бөр югдө, тыдалө сөмын Зарань. Повзөбмысла сийө куткырвидзө. Вочасөн уна рөмөн югзөбө өшкамөшка.

ЗАРАНЬ

Ой, мый сэн керсис, мыйта лэдзис скөрсө!
Ой, мыйлакө тай босьт да эг кывзысь.
И ме вөсна тшөтш мыжмис быттьө Муыс,
Сьөд шомө пөри, сэсса ваөн ойдіс,
И ловъя мортөс сэтгысь он нин аддзы.
Ме весиг пола видзөдлыны сэтчө.

Зарань видзөдлө да лыбзөбө.

Ок, повзөдліс, а сулалө на Муыс,
И вөрыс-ваыс — ставыс, кытөн вөлі,
А ю дор ягас өнтая том зонмыс
Со бара керасьө, и дзирдыштлө со черыс.

А слуда улас, кытөн сылөн пыжыс,
Со ошкамөшка уна рөмөн усьө.

Зарань кыйкнитлө, абу-ө матын Енмыс-айыс.

Вот ошкамөшка кузяыс и лэчча,
Мед оз и төдлы, абу тай со ачыс.

И З а р а н ь котөрөн муно. Кост мысти локтө Е н.

ЕН

Тэ көні, Зарань? Кытчө пыр и вошин?
Ок, ерөмакань, со тай нин тэ көні!
Лёк, синтө куньөмыд да ошкамөшка вывті
Шливк исковтан! Ок, лыйышта вот биён,
Мед весиг руыд Му вылас оз воы!
Да аслам ныв өд, ог нин лыбөд киос.
А садьтөмлы тэн тайө-й сөмын колө,
Со кыкнан кокнад сулалан нин Муас!
Но таысь мясянь буртө эн жө виччысь,
И Му вывсьыд мед он жө аддзы шудтө!
Ме ёра тэнө, ёра тэнө, Зарань!

Бара гымалө да чардалө.

К о й м ö д п е т к ö д ч ы л ö м

Югыд вой. Ю дорын, ваймысь бипур дінын сулалөны воча Зарань да
Йигөр. Мышку саяныс вон.

ЙИГӨР

Тэ өнтай лючки эн и висьтась меным.
Збыль, кытысь усин?

ЗАРАНЬ

Енколасьыс эстысь.
Кор ошкамөшкаыс тай кунөр бөрас петіс,
Ме сы кузя и исковті.

ЙИГӨР

Ог эскы.

Тэ ылдчан, ли вѳтася ме, гашкѳ.

ЗАРАНЬ

Да збыль! Ме Енлѳн ныв!

ЙИГӨР

А видзѳднысѳ морт да?

ЗАРАНЬ

А мортас пѳри, Му вылас кор тувччи.

ЙИГӨР

А мый нѳ эськѳ Му вывсьыс тэ корсян?

ЗАРАНЬ

Сидз, гажтѳмысла пышйи айѳ дѳнысь.

ЙИГӨР

А сѳсся?

Бѳр Енлѳн нылѳ пѳран вой шѳр бѳрас?

ЗАРАНЬ

Ог. Мортѳн татчѳ Му вылас и коля.

А вой шѳрыд со, полан кѳ нин, воис,

И юрйыв кодзувыс со весьтасаным буретш.

ЙИГӨР

Тѳн эскыныгѳ лысьтан али он на?!

А, гашкѳ, Вѳрсалѳн ли Васалѳн тэ нылыс,

А ме тан, йѳйыд, сѳрнита на тѳкѳд.

ЗАРАНЬ

Но видзѳдлы, ме сувтса синма абу,

Ли малышт юрсисѳ, да сотыштас оз китѳ.

Йигѳр видзѳдлѳ Зараньлы синмас, а сѳсся полѳмпырысь малыштѳ юрсисѳ.

ЙИГӨР

Эв небыд юрсиыд и синмыд абу сувтса,

И чужѳм вылад Ераньысь на мича.

ЗАРАНЬ

А кодї сійӧ?

Йигӧр чӧв усьлӧ да жугыльтчылӧ.

ЙИГӧР

Менам гӧтырпуӧй.

И таво арнас, керка лэптӧм бӧрын,

Мен колӧ гӧтрасьны. Дай кикутӧм нин вӧлі.

А эськӧ вӧлі тӧдӧма кӧ тайӧс!

Но кисьтӧм ватӧ он нин бӧртӧ курав.

Вай мун тэ татысь. Пуксьы менам пыжӧ,

И визув бӧрыс воан миян сиктӧ,

А сэтӧн пырав Ыджыд Акка ордӧ.

ЗАРАНЬ

А кодї сійӧ?

ЙИГӧР

Миян вежа аньным.

И висьтасян да, мый тэд сійӧ шуас.

Ме водзвыв тӧда, овны тӧнӧ коляс.

А регыд мысти сетас верӧс сайӧ,

Мед, морт кӧ лоин, морт олӧм и олін.

ЗАРАНЬ

Ме сы могысь и пышйи татчӧ, Муас,

И кодлыкӧ кӧ сьӧлӧм вылас воа,

Ме сылы водзӧс сьӧлӧмӧн жӧ мынта.

А мыйысь полан, войнас менӧ ыстан?

ЙИГӧР

Ог тэысь пов, а ас вӧсна ме пола.

И вошта юрӧс, он кӧ татысь мун тэ.

Со инмӧдчывны кийӧй нин и кыскӧ.

Эг мӧвпыштлы да кывзыси ме тэнсьыд:

И синмад видзӧдлі, и юрситӧ на сэтчӧ

Тшӧтш малышті.

Ок, кыськӧ тай ме змыд!

ЗАРАНЬ

Но, муна.

Ме тјан костö сүйсёыны ог кöсйы.
Вай Ёраньтö. А ме öд кызкö-мыйкö...

Зарань ньöжöйникөн муно. Йигöр оз öшйы инас.

ЙИГÖР

А, гашкö, сйö-й менам му выв шудöй?!
И кутшöм синмөн видзöдны ме кута,
Кор лоö сйö гöтырөн тан мöдлөн?
Дзик веськодь быттö, матысь ог и казаяв,
А сьöлөмöс мед ыджыд пуртөн кырлö?!
Час, энлы, Зарань! Мыжа ме тэ водзын,
Эг петкöдлы ме ньöти ассьым бурöс.
Тэ мудзöмыд, и унмыд тэнад локтö,
А öтнадтö ме войнас татысь ыстй.
Со вонйыс, вод да узь. И вöтлы менсьым мыжöс.

Зарань бöр локтö, но оз на матыстчы бипур дйнас.

ЗАРАНЬ

Ме тэнö, Йигöр, таысь ог и мыжды.
И нинöмла мен войсö татөн кольны.
Мен збыльысь бурджык пуксьыны да кывтны.

ЙИГÖР

Ок, эськö эг кö сэтшöма ме тэрмась!
Öд Енколасьыд ме дйнö тэ лэччин,
И некодлы эг сет ме эськö тэнö!
А öнй юрöс из улö кöть сую!

ЗАРАНЬ

А мый нö вöчан кикутöмыд бöрын?!

ЙИГÖР

Да оз ло менам Ёраньыскöд олөм!

ЗАРАНЬ

А мыйла оз, он морттуйтö кö сьöльшт?

ЙИГÖР

Да мустөм меным талун бöрын сйö,

А мустөмыдкөд морттуйыд оз отсав.
Вот некор сэсса ог и волы сиктас,
Тан съод вөр шөрас көнкө овны кута.
Мен чериыд и съола-тарыд шедө,
И йөраыд оз пышый меысь ылө,
А көрыд меным ачыс воча локтө.
Ме тыртөгыд эг воливлы на гортө.

ЗАРАНЬ

А өткөннад өд Вөрсаө жө пөран
Да йөзыс вылө усьласьны на кутан,
И босьтасны жө ловтө сэки тэнсьыд,
И весиг некод синвасө оз лэдзлы.

ЙИГӨР

А ог и өтнам кольччыны ме көсьыи,
А тэкөд кыкөн... Шуны кө нин, шуны!
А полан кө ли веськодь кө ме тэныд,
То сідз и висьтав. Кок йылысь ог усь на.

ЗАРАНЬ

Да ме ог пов. И абу тэ мен веськодь!
Но месө лэччи, йөзыскөд мед овны,
А, артмө, бара көнкө наысь торйөн.
Дай менө айө кыкысь бөрсянь ёрис,
И тэнө сиктад ёрасны жө таысь,
И олөм пыдди шог пыкөм и лоө.
А Ёраньтө кө артыштны на татчө?
Ог, ме ог көсьыи куймыдылы лөктө.

ЙИГӨР

А мый нө вөчан? Он өд асьтө помав.
Но чуйды мыйкө!

ЗАРАНЬ

Верми кө, и чуйді.
А, гашкө, мыйкө... Ыджыд Акка ордас
Ми кыкөн локтам. Висьтасям сэн лочки,
И Ёраньыд сэк кывйө, гашкө, сетчас,
А Ыджыд Аккаыд бөр кикүтөмтө босьтас.

ЙИГӨР

Оз, нинөм вылө Ёраньыд оз сетчы,
Дай асьтө, нокө, сы туйö тэ пуктыв:
Од урсалөма быттö лоö тэнö!

ЗАРАНЬ

Но вот и кывта, юөр тэсянь вая,
Мый уна кер нин пөрөдөма сийö
И регыд ачыс ыджыд пурйөн кывтас.
А сулала со, синмад тэныд пыра.

ЙИГӨР

Да колö меным ас керкаыд öнi!
Мед ставыс керйыс татөнi и сисьмас!

ЗАРАНЬ

Эн йöйтав, Йигөр. Ас кыв вылад сулав.
А лов курыдтö медым ме и тöда.
И кывта эсся. Эн нин менö косöд.

ЙИГӨР

Но кывт. Но висьтав, мый ме тэныд тшöкта.
Мед оз нин менö виччысьны ни корсьны.
Ме би сюръяөн аски луннас кая.

ЗАРАНЬ

Ме татшөм юөрнад ог көсий локны сиктад.

ЙИГӨР

А он кө-й, кольччы! Ловъя юрөн тэнö
Ме ог жö көсий воштыны нэм кежлö.

ЗАРАНЬ

А мый нö вöчан? Мырдөн менö босьтан?
Мен ваыд сюрас увлань юрнад пырны!

ЙИГӨР

Ме тэнö киөн весигтö ог вөрзёд,
Мен синва войтыд тэнад пуртысь лэчыд.

ЗАРАНЬ

А мыйла, сідзкө, кольөдін тэ менө?
Мый тэныд бурсө ваяс өти войыд?

ЙИГӨР

А өти вой көть ме дорын тан лоан.
А аски кыкөн шлывгам визув бөрыс
И кыкөн сувтам Ыджыд Акка водзас,
Кызд ачыл шуин здук-мөд сайын сөмын.
И мый лоаныс, сийө мед и лоө!
Ме төда, тэнө кольөдасны сиктас,
А меным ковмас мунны кытчө гажөй,
Но лов вылын көть лоө муртса югыд.

ЗАРАНЬ

Ой, мыйлакө тай аддзыси ме тэкөд
Да сир курыдсө сөмын тэныд вайи!

ЙИГӨР

Со вонийс, вод. Тэ гыж дон абу мыжа!

ЗАРАНЬ

А тэ нө кытчө?

ЙИГӨР

Бипур дорас ола.

Зарань пырө вонийө. Йигөр пуксө бипур дорө да пондө сывны
вомгорулас.

Со ворсө чери ю вылас,
И лэбачыс оз узь.
Эз усь мен шудыс му вылас
И некор нин оз усь.

Эз босьтлы менө полөмыс,
Эз ылөдывлы син.
Да абу меным олөмыс,
Көн менам чужанін.

Важ ордым вөрө нуодө,
А водзө — туй ни вож.
Мед кӱин менӱ суодӱ,
Ли косявлӱ мед ош.

Йигӱр ӱшӱдӱ юрсӱ да вугралӱ. Вонийсыс петалӱ Зарань да лӱдсалӱ
ваймӱм бипурсӱ.

Н ӱ л ӱ д п е т к ӱ д ч ы л ӱ м

Ыджыд Аккалӱн керка водзын. Джек вылын сулалӱ тунис. Керкаыс
петӱны Ыджыд Акка да Ёрань. На костын вӱлӱма нин сӱрни,
но Ёрань абу на ӱвсӱма.

ЁРАНЬ

А, Ыджыд Акка?! Видзӱдлы но ваад!
Ме талун асыв, тӱлысы на вӱлӱ,
Эз унмӱй лок, да выльӱс тӱныд вайи
Руд из увсыыд. И морт ни пон эз аддзыв,
Став сиктыс узис, вомидзысы кӱ повны.
Но дыр-ӱ тӱныд?! А ме тӱдны кута,
Мый вӱчӱ сийӱ та дырасӱ кӱни.

ЫДЖЫД АККА

Мый вӱчӱ сийӱ? Кер пӱрӱдӱ ягын!
Тӱ чайтан, керыйыд дзоль моз ӱдий артмӱ?
Ой, керка вылад ыджыд пур на колӱ!
А песан асытӱ, воштысымыд быттыӱ!

ЁРАНЬ

Ме ог и соссыы, збыльысы быттыӱ вошти
Сы мунӱм бӱрын лачаӱс и шудӱс.
И Ен могысыӱн кевмысы ме тӱныд,
Мед видзӱдлин тӱ эсыкӱ вежа ваад.
А, Ыджыд Акка?!

ЫДЖЫД АККА

Синваыд зӱв матын,
Ме видзӱда да, Ёрань, мыйкӱ тӱнад,

А тадзтö овлö, дількъялö нин кодi.
А нинöмысь на дількъявнысö тэныд.
Мед айтöм-мамтöм, эн на кеслач туйö
Тэ быдмы танi, мелисö на тöдлiн.
И медбур зонмыс киад тэныд усис.

ЁРАНЬ

Ме сы вöсна и пола, Ыджыд Акка,
Да вуджөр моз со вöтлыся тэ бöрся.
Но, инö, горöд ме вылö да вöтлы.

ЫДЖЫД АККА

Эн мый оз ковсö сёрнит личыд вомнад.
Час, видзöдла, да он-ö сэсса такав.

Ыджыд Акка осьтö туиссö да лыддьö вордкыв сьылышталöмөн.

Войнас лысваён тэ усин,
Руö пöрин шондi водзын,
Вылi енэжöдыс ветлiн,
Локтiн кымөрөн да киссин,
Муö пырин нитшка вöрын,
Пыдi сöдзöдчин да письтiн,
Из увсянь бөр ортсö петiн —
Со тэ кытысь, вежа вай!
Петкöдлы мен осьса синмөн
Öти зонмöс миян сиктысь,
Кодлөн Йигөр коми нимыс.

Ыджыд Акка видзöдö туисö. Сэсса лэптö юрсö да сьöкыда ыш-
ловзьö.

ЁРАНЬ

А мый нö, кулöма ли ловъя сийö?!
Мый вöчö сэн? Но, кок йылас ли абу?
Да, Ыджыд Акка, висьтав, но, эн чöv ов!

ЫДЖЫД АККА

Мен висьтавнысö, Ёрань, аслым шуштöм.
Ог весиг тöд, кыз вежöртнысö тайöс.

ЁРАНЬ

А мый нө эськө, ки ни кок, ни юрыс?

ЫДЖЫД АККА

Да ен ськөдөн, дзоньвидза и ловъя,
И көнкө матын, тайкө өні воас,
Да абу өтнас, мөд на ськөд орччөн.

ЁРАНЬ

А коді мөдыс?

ЫДЖЫД АККА

Ныв мыгөра кодкө.

Ёрань лөвтыштө да кутчысьө потшөсө. Ыджыд Акка довкъялө морөсас кутчысьөмөн.

Локтоны Й и г ө р да сыысь бөрвыльнджык Зарань. Йигөр көсийлө копыртчывны, но падмө. Зарань полөмысла вешйө сы сайө.

ЙИГӨР

Ме, Ыджыд Акка, юрөс тэныд вайи,
А эськө эг нин пежав кокөн керка водзтө.
И мый тэ шуан, сийөс ме и босьта
Тан ас вылө. И Ёранькөд ог вежмась.
А топыд вомөн шуөмысла сетча.
Ме төрытъясянь сө во кезлө мыжа.
Но тайө мыжсьыс абу меным курыд,
Да сы вөсна и лысьті татчө локны.

ЫДЖЫД АККА

А мый тэ вөчин, мыйөн сідзсө мыжмин
И коді нылыс тэнад мышку сайын?

ЙИГӨР

Ме висьтала, ог вештыв синмөс бокө.
Кор төрыт луннас кунөрыс тай муніс,
А сәсся өшйис джуджыд өшкамөшка,
Ме петі ю дорө, мед видзөдлыны пыжөс,
А ныв сэн сулалө да оз и меысь пышйи.
Со тайө нылыс. Зарань сылөн нимыс.

ЫДЖЫД АККА

А кытысь сійӧ съӧд вӧр шӧрас усис?

ЙИГӦР

Мед ачыс висьталӧ. Ме юалі жӧ сылысь.

ЫДЖЫД АККА

Ме кывза тәнӧ, кытысь, кодлӧн лоан?

ЗАРАНЬ

Ме — Енлӧн ныв. Ме айӧ дінысь пышйи.

Ме ӧшкамӧшка кузяыс и лэччи.

И мортӧ пӧри, мыйӧн тувччи Муас.

А айӧ менӧ кыкысь, кылӧ, ёрис.

ЫДЖЫД АККА

А мыйла пышйин?

ЗАРАНЬ

Гажтӧм менӧ йирис,

И вежӧй петіс му выв олӧм вылас.

А ӧні съӧлӧм морӧспаньӧ нӧйтчӧ,

Мый, ёрӧмыдлы, оз усь меным шудыд,

Дай кодлыськӧ на торка, гашкӧ, шудсӧ.

ЁРАНЬ

Вот бӧр и кай. Эз некод тәнӧ виччысь!

ЗАРАНЬ

Мен ӧні бӧртӧ кайсьӧма нин сэтчӧ.

Ме ӧні Муын олысь нин и кулысь,

А кузь-ӧ нэмӧй...

ЁРАНЬ

Коді тӧдас тәнсьыд.

А, гашкӧ, ньӧти абу Енлӧн нылыс,

А Омӧльыслӧн... Висьтасьныгӧ позьӧ.

Тэ, Ыджыд Акка, эн на сылы эскы.

ЙИГӦР

А мыйла оз?

Тэ ачыл, Ыджыд Акка,
Тан коркө мойдлин, ичот на ме вөлі,
Мый Енмыслон пө ныв эм Енколаас,
Да петкөдчывлө, востымыс кор ворсө.

ЫДЖЫД АККА

Ме збыльысь мойдлі, а мен — Ыджыд мамө,
Тан сійө коркө Аккаон жө вөлі.
Дай аслам синмон аддзылі ме отчыл
Лөнъ гоҗся рытө, шептасьө кор рудзөг,
Кызд воссис енэҗыс да мича нывлөн чужом
Сэк тыдовтчыліс югыд востым шөрас,
И чужомыс мен син водзө и коли,
И муніс, шуа, талон чужом вылө.
А ноко, нылө, волив туйс дінас.
Ме пукта вевся тас, да видлы юны васө.

Ыджыд Акка пуктө кинас вевся тас туйс вевьтас. Зарань лэптылө
туйссө да юыштө.

Эз, Омольдылы эз пыр эськө горшас.

ЁРАНЬ

А некыт абу мян серти мича,
И уджтө киас некор на эз босьтлы,
И мыйта шог на, гашкө, татчө ваяс.
Мед муно татысь, кодлыкө тан колан!

ЫДЖЫД АҚКА

Тэ эськө, Ёрань, кутыштлы на лөгтө.
Ми Йигөртө на эгө помөдз кывзөй.

ЁРАНЬ

А нинөмла и кывзынысө сійөс,
Ме аддза нин, кыт сылөн пытшкас кочкө.
А эсийө кө сы шөрө эз лөсяв,
То гажа луныс пуксьыліс на меным.
Тэ, Ыджыд Акка, кутыштлы жө шаньтө!

ЫДЖЫД АККА

А Йигөрыд нө кыв шутөг и коляс?
И кытчө өні сылы татысь туйыс?

ЁРАНЬ

Мед гортас мунö. Мөдыс — кытчö гажыс!

ЙИГÖР

Ме, Ыджыд Акка, бöрйи нин тась туйтö.

Мый көсйисьлі, ме төрытöдз и күті.

Кызд веськыд коз пу сетчö вына төвлы

Да кусыньмунö, сідзи жö ме сетчи

Став сьөлөмөн, а кодлы — ачылд аддзан.

Мен муса сійö, ог и таысь соссы,

И öнi меным туйыс сöмын вөрö.

ЁРАНЬ

Ой, сюсь öд кылö!

ЙИГÖР

Мый нö, тэнö вая?

Да изйөн би перйöм, а оз ло тэкöд олөм.

ЁРАНЬ

Эн бöрынясь тэ кикүтöмыд бöрын!

Мый көсйылін: и гөтрасян, и олан!

ЙИГÖР

Шу, Ыджыд Акка, ассыд чорылд кывтö.

ЫДЖЫД АККА

Тэ чайтан, меным кокньылд сійöс шуны?

Тэ медъен вужйыс вöлі тані мян,

И кутшöм йылөм сетін эськö водзö,

А босьт да орд? Со öд кытөн шогыс!

А, гашкö, Ёрань, кикүтöмсö сылысь

Ми босьтам бөр, да мөд сайö тэ петан?

Öд ышман руыс новлөдліс на сійöс,

Эз весиг төд на, коді сылы муса.

ЁРАНЬ

А найö медым гозйөдчöны, тэ ног?

ЫДЖЫД АККА

Ой, Йигөр, Йигөр, вильшасин кө эськö,

Ме юрсиöдыд някыртi — и ставыс.

А тэ өд он нин вольса гач новлы,
Со тасмаа, и биваа, и пурта,
И ош пиньыд на ошалö со сәні,
А локтöмьд да... Кытөн аслад кывийды?!
Вай Ёраньсö, и татөн лоан олысь!

ЙИГÖР

Ог, Ыджыд Акка.

ЁРАНЬ

Он кө-й, весась татысь!
Мед съöd вөр шöрас нюжөдан сән кыстö,
Ли Көин-морт мед косявлас сән горштö!

Бөрдигтырйи Ё р а н ь пырö керкаö. Ыджыд Акка чöv усьлö юрсö лэдзöмөн.

ЙИГÖР

Ме, Ыджыд Акка, öти здук — и муна,
Но Зараньсö тэ кольöдін кө эськö,
Мед тэнад бурөн морт олöмсö тöдлö:
Öд сы мogyсь и лэччис сийö Муас!
А чайтан кө, мый кутлі нин ме сийöс,
То шуа тэныд: киён на эг пондыв.

ЫДЖЫД АККА

Да мед и кольчö. Ме сийöс ог лөкөд.
Но ачыд лөктö ме вылö эн кут жö.

ЙИГÖР

Ог, Ыджыд Акка. Сы вылö и эм тэ,
Мед некод эз лысьт олөм артсö дзугны.
Тэд муödз копыр пукта ме и муна.

Й и г ö р копыртчылö да мунö. Зарань нөджъялö, кытчаныö сийö мунö.

ЫДЖЫД АККА

Мун, гажöй, мун! И кольöда ме синмөн,
А сәсся нинөм ог куж тэныд шуны.

Зарань шöйöвошлö да чепöсийö Йигөр бöрся.

А тэ нө кытчö? Кувнытö сы бöрся?
Чöв, нылö, чöв! Тэ олöмнад эн шыблась!

ЗРАНЬ

А сытöг менам сьölöмöй тан потас,
А сэн кöть вöрас бара кыкөн лолам.
Мен кузь олöмыд, шудтöмыд, оз ков жö!

Зарань котöртö. Ыджыд Акка вийсьö-шогалö, тапкыштö морöсас.

ЫДЖЫД АККА

А мыйла-й меным вийсьыны эськö?
Да быдөн дона, быдөн татчö инмö.
Ой, мый бара сэн коньöръяскöд лоö?!

Керкаысь петö Ё р а н ь. Сийö кывлö Ыджыд Аккалысь бöрья шуöмсö.

ЁРАНЬ

Тэ, Ыджыд Акка, мывкыдтö эн вунöд!
Тан олöм кутысьөн тэ мян лоан,
А, видзöда да, вошласян нин сэнi:
Ме кывлi öд, мый бöрьяпомтö шуин.

ЫДЖЫД АККА

Но, коньöръясөн мунысьяссö шуи.
А ловьяöсь öд... Кувтысьнытö вöрад!

ЁРАНЬ

А ме нö кулöма?!
Тэ менö серти найöс
И доньялин, и сьölöм дiнад босьтiн.

ЫДЖЫД АККА

Да тэ вöсна ме ог жö вöтлы шогöс,
Но эн öд кытчöкö, а йöзыс дiнö колин.

ЁРАНЬ

А юр яндзимыс?!
Кытчö сийöс вошта?!
Тэ чайтан, нетшка юрсиöс, дай мына?!
А адзöмыд нин коньöръястö, майбыр!
А тöдласны кö, висьтала да, йöзыс?

ЫДЖЫД АККА

Но, сукляв, инө, та вылө кө быдті,
Но керка помө сәсса эн жө воны.
И синтө кунь жө, паныд кө мен лоан?

Ы д ж ы д А к к а пырө керкаө. Ёрань бөрдигтыр сьылө.

ЁРАНЬ

Кыськө тай йөйыд ме эм:
Быдөнлы эскөмөн олі.
Мыйла и томлуныс мен,
Мыйла и муслуныс воліс?

Эг өмөй сы вылө чуж,
Муса зон мед менө вайө?
Эг өмөй овны ме куж,
Муні кө мусаыс сайө?

Ковмас мен ньылавны шог,
Ог кө нин уськөдчы йирө.
Тадзтө өд лоан, дерт, лёк,
Тадзтө, дерт, сьодасяс вирыд.

Мөд юкөн

В и т ө д п е т к ө д ч ы л ө м

Вөрын отарө бана лыс чом. Сы водзын помала бипур. Бипур дорас пукалө Зарань. Мөтыр йылын ошалө пөрт. Зарань вештө пөртсө би весьтсьыс.

ЗАРАНЬ

Со кымынысь нин дзулькйөн пуис ваыс,
А мый и пункта, изсө кө ог тайөс?
Ни яй, ни чери! Тшакла кө ог ветлы?
Да тшак вылад өд дыртө он жө кыскы.
Час, оз-ө Иигөр талун мыйкө вай нин?
Ен быд лун муно, медтө эськө кыйны,

Да оз шед нинөм. Бара кө оз шед и?
И вөр керкасө ләптынысө некор,
Со лыс чомйын на олам, быгтьө шышгъяс.
А төвнас кызди, көдзыдыс кор кучкас?

Зарань пондө сьивны.

Ме ачым сетчи синмөйлы
Да пышйи корсьны шуд.
И медым меным инмалө,
Ме няргыны ог кут.
 Ас нэмөн олі долыда
 Ме сөмын өти лун,
 И курыда мед ола да,
 Оз коркөяыс вун.

Ми муса зонкөд шогалам
Да ваймам кызди би.
Но сийө менө окавлө,
И өтлаынсь ми.

Зараньлөн сьылгөн на пуяс сайсьыс петкөдчывлө көин нисьө морт.
Сэсса сийө патуликасьө и мортө пөрө, петө З а р а н ь д инө. Зарань
ырскөбтө-сувтө.

Ой, коді нө тэ?! Мый тэн татысь колө?
Ой, горөда өд, верөсөй мед кывлас!

КӨИН-МОРТ

Эн йөйтав сәні! Ловтө тәнсьыд босьтны
Ме өти здукөн верми эськө гусьөн,
И ойөстныгтө весигтө эн удит.
Ме вөрүн олысь. Коркө зэв на томөн
Ме муні вөрө, ылали и воши,
И сэксянь эг на аддзыв йөзсө синмөн.

ЗАРАНЬ

А кызди нө тэ колин эськө ловйөн?

КӨИН-МОРТ

Эг шогө усь да кыйны-вайны куті.
Ме тјан моз ог виньгырт вөрад тшыглы,
Кор тырыс көр и йөра матын ветлө.

ЗАРАНЬ

Ми — ёрöмаяс. Ог тöд, дыр-ö олам.

КÖИН-МОРТ

Ме сідзи-й тöді. Унабсь нин татчö
Ме матыстчылі, сёрнитны мед тэкöд,
Да виччыси на...

ЗАРАНЬ

Мыйла сöмын мекöд?

КÖИН-МОРТ

А мый тэн бурьыс, тшыгылы кө тан кулан?
А мекöд эськö...

ЗАРАНЬ

Со кытчö тэ синан!

КÖИН-МОРТ

А мый нö, пöтыс ньöти оз ков тэныд
И шоныд вольпасьыс тэн некытчö оз лöсьяв?

ЗАРАНЬ

А кытчö сійöс, код сайын ме öні?

КÖИН-МОРТ

Эн ыкшаыдлы пырысьтöм-пыр сетчы.
Он радейтöмтö тыртöм пöртъяд пукты.
Тэ мөвпыштлы, да вöлись тадзтö юав.

ЗАРАНЬ

А кыз нö эськö? Сьöлышта, и тэкöд?
А сійö веськодь? Джагалö мед öтнас?
А, гашкö, бурджык, унмовсяс и, вины?

КÖИН-МОРТ

Эн кырлы пиньтö, овны кө на көсьян.
Ме тэныд висьталі, а сэсса ачыд тöдан.
Со локтö, кылö, верöсыд шор саяс,
Да бара тыртöм коньöрлөн лаз ноппыс.

К ö и н - м о р т жеръялігтыр мунö. Пуяс сайын сійö патурликасьö да бөр пөрö кöинö нисьö мортö. Но Зарань тайöс оз казявлы.

ЗАРАНЬ

Ой, сідз нин сьöкыд, овнытö оз ышöд,
А эсийöс на вайöдлісны, пежöс.
И висьтавнысö Йигöрлы он лысьт и!
Öд тöдлас кö, оз öтнамöс коль татчö,
А сэки-й нинöм виччысьнытö лоö,
Мый, гашкö, ваяс мыйкö вомö суйны.
А он висьтав, да бара локтас пежыс,
А мый ме ськөд верма öтнам вöчны?
Ой, öти юр и новлан пельпом вылад,
Дай сы вылö на мыйыс тон оз усьлы!

Локтö Й и г ö р. Киас сьлөн шы, а мышку саяс чер, ньöввуж да нюлыс. Йигöр личöдчö да дзугыль сувтö биपुर дінö.

ЗАРАНЬ

А мый он пуксьы? Кокъястö кöть кокньöд.

ЙИГÖР

Мен пуксьынысö тэ водзын нин яндзим.
Куш ачымöс и вайи бара тэныд.
Вай босьтлы черсö...

ЗАРАНЬ

Мый ме чернас вöча?

ЙИГÖР

А пукта юрöс джек вылас, да керав.

ЗАРАНЬ

А сэсся?!

ЙИГÖР

А сэсся петан татысь, сьöd вөр шöрсьыс.
Тась шондi сертиыс кö лунö мунны,
Быть петан коркö...

ЗАРАНЬ

Кытчө?

ЙИГӨР

Миян сиктө.

ЗАРАНЬ

А висьтала сэн?

ЙИГӨР

Висьтавтөгьс олан.

Но, шуан, кулис. Биавлис, да сыысь.

Оз кодкө пычкы, збыль-ө вөлі сідзи.

ЗАРАНЬ

Тэ, Йигөр, мыйкө... пагаломьд кө-а,

Ли көкаканы, ли мыйкө сөйөмьд да?

ЙИГӨР

Дерт, колө тэныд мыйкө татчө шуны.

ЗАРАНЬ

А кысь нө эськө тэныд татшөм руыс?!

Вот босьта юрөдыд да пыркөда, кыз колө,

Сэк он-ө садьө недыр кезлө волы.

ЙИГӨР

А тэ и сюсь? Тэн кымынысь ме шулі:

«Эн вөтчы ме бөрся!» А тэныд эз и инлы!

А кысь ме өні чери-яйсө босьта,

Кор оз шед нинөм, быгтьө чуқля киа?

И косьтөм няньыд, вольштіс мый, быри,

Эз ньөти коль нин.

ЗАРАНЬ

Эм на өти шөрөм.

Эг убөлит ме кодкө лунө сөйны.

Час, вая. Тадзтө кок йывсьыд тэ усян.

ЙИГӨР

Ме, ваян кө! Ме эстьсь шорсьыс ванас

Ог тэнө удзөд!

ЗАРАНЬ

Шорьд, майбыр, тырмас.

ЙИГӨР

А эз на менө Омольыс тан курччы,
Мед тэнсьыд няньтө аслым вомө сойны.

ЗАРАНЬ

Ме татөн бергала. Со ныр улын и чөдйыс.

ЙИГӨР

Эн менө дзерөд. Шуома — и ланьтин!
Час, лольшта да, рытыввылө ветла.

Кост.

ЗАРАНЬ

А тшак вотам да чөд вотам да косьтам.

ЙИГӨР

И мездас тэнө татшөм вөлөгайд!

ЗАРАНЬ

А кытчөдз олам... Ёрөм бөрад кысь нин...

Кост.

ЙИГӨР

А, гашкө, Зарань...

ЗАРАНЬ

Мый нө көсьян шуны?

ЙИГӨР

Но... айыд тэнад... абу жө өд синтөм.
И лов ли, мый ли көнкө эм жө сылөн.
И, кевмысян кө, сибөдас на, гашкө,
Да бөр и каян Енколаас сэтчө.

ЗАРАНЬ

Тэ вежөртан он, мый тэ меным вөзьян?
Эг ывла вылө рытйысьны ме пышйыв,

Мед видісны да лэдзисны на гортö.
Ме ёрöм донöн татчö Муас лэччи!
Мун бөр жö сиктад, Ёраньыдлы кевмысь,
И сибöдас на, тоткыштас да, тэнö.

ЙИГÖР

Да тшыгылы кулам! Ас понда мен веськодь,
И бөртö сиктад менö он нин вöтлы,
Тан коз пу улын йöжгыльтча и эшта,
Но ме ог кöсйы тэныд татшöм шудсö.
Вай шыасьлы, но, Зарань, айыд дінö!

ЗАРАНЬ

Оз воссьы вомöй! Да и сёр нин öнi.

ЙИГÖР

А мыйла сёрсö... öнi... ловъявывьсьыд?!
?

ЗАРАНЬ

Ме нöбася нин. Кык лов сьöлöм улын.

Йигöр нюмъялö и синсö тильö. Кöсйö кутлыны Зараньöс и падъялö.

ЙИГÖР

Тэ меным шуд, а ме тэн сöмын шоглун...
И аддзым, и вайи! Аски кежлас
Ог весиг вермы сетны тэныд лача.
Ме кок улад тэн таявны ог сулав!

ЗАРАНЬ

Тэ ачыд асьтö таялан нин, Йигöр.
Оз нинöм шед, и воштiн чорыдлунтö.
Быд ковтöм мöвпыс юрад тэнад ветлö.

ЙИГÖР

А он öд юртö восьтывлы да тölöд.
Дай абу нин ми сöмын тэа-меа.
Мед, кодön сьöкыд, эськö оз и чужлы?

ЗАРАНЬ

Мун вод да куйлышт, а ме тшакла ветла.

ЙИГӨР

Тэ ачыл асьтө ылөдлан нин, Зарань.
Эн ыръянит да шыась айыл динө.
Ме сэсся нинөм ог кор тэнө вöчны!

ЗАРАНЬ

Оз матө сибөд. Ёрөм бөрад нöшта.
И пежасьөмөн, чездылас да, шуас.
Вот адзылан, кызд...

ЙИГӨР

Нөбасян, да сыысь?

ЗАРАНЬ

А мый нө, чайтан, долыд сылы лоө,
Кор отка нылыд шы кывзытөг пышъяс,
А регыл мысти кынөма нин локтө?

ЙИГӨР

А куимыслы эштынысө тани?
Мед йөзыс ыло оз жö вивтi лөгав!
Но, виө менө, биа нөвнас лыйө,
А тэнө мездө... Шыасьлы но, Зарань!

ЗАРАНЬ

Дзик весьшөрө. Мед Ен, да кывсө вежис?!
Тэ кытысь кывлин коркө татшөмторсө?

ЙИГӨР

А шыасьлы! А сибөдас ли, оз ли...

ЗАРАНЬ

Ой, сьөлөмөс тэ чеган менсьым татчө!

Зарань чатөртө юрсө да шыасьө Ен динө.

Тэ кылан, айө? Эн на вомө кучкы
Да сетлы муртса висътасьны тэ водзын!

Вылын öйө востым, и сэтөн петкөдчө Ен.

ЕН

Мен оз ков, Зарань, висьтасьомьд тэнад.
Ме ставсö аддза, ставсö пельöн кыла.
Тэ ачyd аслыд корсин татшöм шогсö
И пежалін нин асьтö, сьöкыд висьöм.
Тэ кынöм пытшкад новлöдлан нин мортöс,
И абу тэныд Енколаас иныс.
Эн няргы сэтöн, мöдысь мед ог кывлы!

ЗАРАНЬ

Да ог и няргы.

ЕН

Муыс тэнö босьтас!

ЗАРАНЬ

А мед и босьтас.

ЕН

Ланьт, эн пельöс сьöдмöд?

Ен öвтыштö кинас, и востымыс пемдö.

ЗАРАНЬ

Ме тэныд шулі?

ЙИГÖР

Сет дай банö меным!
А локті со да кычан моз на никсі.
Ме ветла, Зарань, мыйкö бытьöн кыя!

Йигöр зэв öдйö чукöртчö да мунö.

ЗАРАНЬ

Кос нянь шөрöмсö вунöді и сетны,
И эсы йылысь, оя да, эг висьтав!

К в а и т ö д п е т к ö д ч ы л ö м

Вöрса кушин. Сэтчö петö Й и г ö р да пошкö мудзöмысла.

ЙИГÖР

Кысь вöтлысян, кор кок эбöсыд абу?
А сибöдчан и төв паныд, и гусьöн,
И ньöввужтö нин зэлöдан, мед лыйны,
И сийö здукас повзьöдасны көрсö,
Нач быгттьö понлөн эрыштöмыс кывлас.
А, кыгысь, кодлөн шöйтö татөн понйыс?
А, гашкö, кодкö кыйöдö ме бöрся?
Ме, тадзтö кө öд, ог жö сетчы бурөн!

Кост.

Со бара эстөн кодкö кышакылис.
И мелань, кылö, ньöжйöникөн локтö.
Час, петкöдчылас. Юрыс-сюрыс көрлөн!
Но, волы, волы, сьöлөмдортö лöсьöд!

Йигöр зэлöдö ньöввужсö, и сэки мышку сайсянныс уськöдчö сы вылö
Кöин-морт. Йигöр вермасьö, оз сетчы джагöднысö, зэркнитö Кöин-мортöс
муас да көсийö сутшкыны пуртнас, но мöдыс сэки мортö пöрö.

ЙИГÖР

Ме чайтi: көин! Мортö сэтчö пöри!
А шуяла кө асьтö тайö пуртнас?
Тэ лөк вылö и менам лөкыд тырмас!

КÖИН-МОРТ

Эн босьт на лолöс. Висьтася ме тэныд.
Ме зэв на томөн мунi коркö вöрö
И эг и тöдлы, ылали да воши.
И сэксянь вöрас, гу кодйи да, ола.

ЙИГÖР

Эн ылöдчы!

КӨИН-МОРТ

Да петкөдла көтө гусө.

ЙИГӨР

Мый ылалин да вөрас овны кольччин,
Ме сийос шуа. Шондыс эз кус на.
И висьталіс на эськө, кытөн гортыд.
Тэ лючки висьтась, коді збыльысь лоан!
Со кӱинлӱн на би чутьяса синмыд!

КӨИН-МОРТ

Ме морт и вӱлі. Дас кӱкьямыс тырис.
И ветла вӱрӱ, яй мед гортӱ вайны.
Но эз шед нинӱм, яндзим быдӱн лои.
И куті ыж да начки сийӱс гусьӱн.
И уналысь на шышкалі тадз ыжсӱ.
А сӱсся йӱзаси, и ёрисны сӱк менӱ:
Мун вӱрӱ пӱ да кӱин моз и ов сӱн.
А виисны кӱ, бурджык эськӱ вӱлі.

ЙИГӨР

Зӱв кокниа тай кӱсйӱмыд тӱ овны.
Ме, тадзтӱ кӱ ӱд, шышкалі жӱ ыжтӱ,
И эгӱ эськӱ виньгыртӱй тан гозья.

КӨИН-МОРТ

А мыйыськӱ ӱд вӱтлісны жӱ гортсьыд?!

ЙИГӨР

Ме ӱти нывкӱд кикутлі нин сӱні,
А сӱсся мӱдкӱд аддзыси и пыкси.
И мӱдыскӱд тан вешта ӱні мыжӱс.
И тӱ на сӱтчӱ... Эн кут тӱрны вӱрас?

КӨИН-МОРТ

А вӱрад аслас быдӱнлӱн на кытшов.

ЙИГӨР

Ме мыйӱн тӱді?! Эг на аддзыв пастӱ,
А бӱрвывсянь да кӱин моз и — горшӱ!
Вот вунда ассыйд, лӱдза татчӱ гырдтӱ!

КӦИН-МОРТ

Но эн на ыршась, вӧча на тэн буртӧ.
Дай аслым сыысь долыдыс мен воссяс.

ЙИГӦР

Мый, кутшӧм долыд?

КӦИН-МОРТ

Мортлы кӧ бур вӧча,
Ме бӧр на верма лоны лючки мортӧн.

ЙИГӦР

Но вӧч. Ме аттӧ кывтӧ сэки ог жӧ вунӧд.

КӦИН-МОРТ

Тан менсьым кывзсысьӧны йӧраыс и кӧрыс.
И чукӧста кӧ, кодкӧ пыр и локтас,
Код медся матын. Лый — и сэнӧ яйыд!

ЙИГӦР

Но чукӧст. А то повзьӧдлӧн на ӧнӧдз.

КӦИН-МОРТ

Тэ лӧсьӧдчы. Ме этатчӧджык вешъя.

Йигӧр лӧсьӧдчӧ лыйны ньӧввужнас, а Кӧин-морт вешйӧ сыысь бӧрланьӧ да чуксасьӧ: «Кро-кро-кро!»

Со локтӧ нин тэн кӧрыд?

ЙИГӦР

Ачым аддза.

Йигӧр зэлӧдӧ ньӧввужсӧ, и Кӧин-морт уськӧдчӧ сы вылӧ. Бара вер-масьӧны, и бара Йигӧр ляскӧ Кӧин-мортӧс.

А кӧн нӧ тэнад, юр вундысьлӧн, бурыд?!
Тэ сӧйӧмыд нин морттуйтӧ пеж горшад
И бӧж увтӧыд лэдзӧмыд нин важӧн.
Тэ он нин сулав пуртӧн сутшкӧм доныс,
Дай ловзян на тэ, кылӧдлан кӧть синтӧ.
Тэн сӧмын биын воас олӧм помыд.
Ме, вӧрзьылан кӧ!

КӖИН-МОРТ

Биась, эн сэн жуяв.

Мен сідз нин шуштӓм. Тшынйыв мед и кая!

Йигӓр виӓ Кӓин-мортӓс, зэв ӓдйӓ перйӓ би да ломзӓдӓ кос лӓптор,
быгыльтӓ бипур дӓнас шойсӓ.

ЙИГӓР

Мед пӓимыд и коляс сӓмын тӓысь

Да он нин урсав некор Коми мусӓ!

Кост.

Ой, мыйта кутӓс кодзувкотыс петны!

Йигӓр зывӓка чужьялыштӓ, а сӓсся вешйӓ да видзӓдӓ. Сйӓӓс
кезйӓдлӓ, и бергӓдчӓ да мунӓ. Кӓин-морт оз на дзик пыр вӓрззы. Здук-
мӓд мысти чеччӓ бипур дӓнсьыс да пыркӓдчӓ пон моз.

КӖИН-МОРТ

Мед чайтӓ ӓнӓ, ыштӓ сотчи помӓдз

Да сӓсся оз нин паныдасьлы мекӓд.

Но оз-ӓ бӓр лок? Кок шы тай нӓ кылӓ?!

Да абу сылӓн, ӓдйӓджык и небыд.

Час, сайӓдчыла, кодӓс татчӓ вайӓ.

Кӓин-морт сайӓдчӓ пуяс сайӓ да кӓинӓ нисьӓ мортӓ сэн пӓртысьсӓ.
Кушинӓ петӓ Ёр а н ь, киас чышгьянысь ёкмыль.

ЁРАНЬ

Ык, некод абу! А ме чайтӓ: Йигӓр!

И тшын кӓр вылас мый ылнасянь кежи.

А код нӓ эськӓ бисӓ тайӓс пестӓс?

И кытӓн ачыс? Горӓдла вот!

Ёрань оз удит горӓднысӓ, Кӓин-морт уськӓдчӓ сы вылӓ.

КӖИН-МОРТ

Он лысьт!

ЁРАНЬ

Ой, сӓяс менӓ ульӓн!

КӖИН-МОРТ

Сейнытӧ мен сюрӧ.

Повзӧмысла Ёрань воштӧ садьсӧ, и КӖин-морт небыда лӧдзӧ сийӧс муӧ, пӧртысӧ мортӧ да нюжӧдлӧ кисӧ малавны.

Ме синмӧйлы нин водзпӧрсӧ эг эскы,
А ныв и эм. И морӧс вылыс мылькъя,
И коскыс вӧсни, и со татӧ гӧгрӧс...
А, йӧйид, уськӧдчи да чегсьӧдӧ ме сийӧс.
Но лолыс ветлӧ, регыд воас садяс,
И сёрнитнытӧ кужа нин ме сӧки.
Ок, эськӧ мелань сьӧлӧмнас кӧ босьтас!
Ӧд эз жӧ бурӧн та ылнаас вӧрззы?
А мый нӧ, чойӧн Йигӧрыслы лӧӧ?
А, гашкӧ, пӧвтӧм, гозъя костӧ суйсьӧ?
А меным буретш татшӧмыс и колӧ!
Час, волас садяс, кыя сылысь кывсӧ.

КӖин-морт ыштӧкӧ легӧдӧ бӧжсӧ. Ёрань воӧ садьӧ, чеччӧ.

ЁРАНЬ

Ой, кытӧн нӧ ме?! Кодӧ нӧ тӧ мортыс?
А кӧиныс нӧ эз и менӧ курччав?

КӖИН-МОРТ

А ме и лӧа кӧиныс и мортыс.

ЁРАНЬ

Ой, веськалан тай вӧрад кодкӧ шӧрӧ!

КӖИН-МОРТ

А мый нӧ, кыткӧ вӧрзӧдӧ ме тӧнӧ?
Ме сӧмын повзӧдӧ, и вид тӧ менӧ сысысь,
А водзӧ тӧ дор сулавны ме кута.
Ме видзӧдӧ нин ӧна чужӧм вылад,
И малыштны нин кӧсийлы и быдӧн.

ЁРАНЬ

А месӧ тӧнӧ кодӧ туйӧ пукта?
Тӧ бурӧн морт, а скӧрман кӧ, и кӧин?

КӨИИ-МОРТ

Ме скөрмынысö тэ вылö ог вермы,
Дай кодлыкö мен колö вöчны бурсö,
Лёк тунлөн медым тшыкөдөмсыйс мынi
Да бара лои том да мича зонмөн.

ЁРАНЬ

Но вöч мен бурсö.

КӨИИ-МОРТ

Висьтав дай, мый колö.

ЁРАНЬ

Тан көнкө Йигөр гөтырыскөд олö.
Ме локта найöс видлыны со няньөн.
Тэ эськө сэтчö нуодан кө менö?

КӨИИ-МОРТ

Лок, нуода, ме төда налысь чомсö.
Но татшөм бурыд этшаник на сувтö.

ЁРАНЬ

А ыджыд бурсö вöчан, кор ме тшөкта.

КӨИИ-МОРТ

А кодi нö тэ Йигөрыслы лоан?

ЁРАНЬ

А, гашкө, чой?! Тэн быдтор колö төдны.

КӨИИ-МОРТ

Мен сийö висьтавлis, мый кикутлис нин нывкөд,
А сэссия пыксис, мөд ныв вылö ыштіс,
И сыысь öнi виньгыртöны гозъя.
Тэ сийö нылыс, кодлысь кисö кутлис?

ЁРАНЬ

А көть мед кодi, тэныд ичöt могыс!
Лок, нуодан кө, водзö пет да нуөд.

КӨИИ-МОРТ

А мый нö, бурөн на динö тэ локтан?

ЁРАНЬ

А мый нө, лёкөн кодкө няньнас волө?
Мед олоны, сідз Енмыс кө нин шуис.

КӨИН-МОРТ

Но мыйкө аслыд көсьян жө өд таысь?
Сідз эн на вөрззы?

ЁРАНЬ

Сирасис тай сэтчө!
Мед лөгөй бырө, войсө куті узыны
И кодкө сайө петі, эг на энды.
Тэн этша тайө?

КӨИН-МОРТ

Ме ог шу, мый этша.
Но өні меным аслым сэтшөм жугыль.
Со аддзысим и сёрнитім... А водзө?
Тан олыштан да өтнад бөр и мунан?

ЁРАНЬ

Ме, көинушко, ог жө тэнө вунөд.

Ёрань малыштө Көин-мортөс юрөдыс.

Мед сөмын эськө тшыкөдөмсыйд мынан!

КӨИН-МОРТ

А, гашкө, талун?!

ЁРАНЬ

Эбыльысь, гашкө, талун!

Көин-морт нимкоддысла сывны пондө. Ёрань сюртчө сы динө.

Кор абу өгнад,
Сэк шогтө вөтлан
И лун, и рыт,
И лун, и рыт.
Кор кодкө орчөн,
Сэк быгтьө дорчө
Том сьөлөмыд,
Том сьөлөмыд.

Кор водзё эскан,
Сэк быгтьё песка
И пусьё шыд,
И пусьё шыд.
Кор кодкё кыскё,
Сэк небыд лыска
Том сьёлөмыд,
Том сьёлөмыд.

Кор лөсьыд кыкөн,
Он волы зыкё
Ен гожомбыд,
Ен гожомбыд.
И кыись киё
Сэк ветлө биён
Том сьёлөмыд,
Том сьёлөмыд.

Көин-морт да Ёрань кутёны өта-мөднысё киёдыс да мунёны.

С и з и м ө д п е т к ө д ч ы л ө м

Бара вёрын лыс чом да сы водзын ваймысь бипур. Пуяс сайысь кыйёдчитгыр мыччысьёны Ёрань да Көин-морт.

ЁРАНЬ

А некод абу! Кытчөкө тай воим?!
Ме, аслад чомйё вайёдин кө, тэнё!

КӨИН-МОРТ

Да налөн чомйыс. Менам сё пөв бурджык.

ЁРАНЬ

А көнөсь, сідзкө?

КӨИН-МОРТ

Йигёрыс век кыйсьё,
Да оз шед нинөм коньөрөйлы вёрсьыс.
А Зараньыс... ме ог төд, кытчө муніс.
Но, гашкё, вотчө. Сёйнытё өд колё.
Со, локтё, кылё.

ЁРАНЬ

Вешйы өдйё татысь!

И шы кө сетан, кывзысьны кө кутан!

КӨИН-МОРТ

А сэсся мый?

ЁРАНЬ

Ме чукоста, кор ковман.

А өні медым исыд эз вөв тані!

К ө и н - м о р т г у с ь ö н и к м у н ö . Ё р а н ь с у в т ö б и п у р д о р ö . С ю м ö д ч у -
м а н ö н к и а с л о к т ö З а р а н ь .

ЗАРАНЬ

Ой, кысь нө тэыс? Ёрань али коді?

ЁРАНЬ

Да ме, дерт, Зарань. Эн на сэтчө повззы.

ЗАРАНЬ

Ме ог и пов, да... тайос өмөй чайтан?

ЁРАНЬ

Дерт, он и чайт. Ме кодкө лунөдз ачым
И сыркъялі, и кодлы нин эг кевмысь,
Мед эштанныд тан гозъя съөд вөр шөрас,
А сэсся быттьö тölөдісны юрös:
«А мый и песа на вылö ме лөгös?»
А мый и ола, ывласö ог аддзыв?»

Вот ветла вöрас видлыны ме найös
Да бурася на, вешта ассьым мыжös,
И петас лёкөй, ог ло букыд синма,
И кодкө, гашкө, верös сайö босьтас».
А мый нө вöчан, олöмыд öд кузь на?»

ЗАРАНЬ

Тэ миян водзын ньöти абу мыжа.
Ме тэ пыдди кө, шуам, быттьö вöлі,
То ме ог тöд на, дуалі мый дыра.

А, гашкӧ, нэмӧс. А тэ аслад кокӧн
Со локтӧмыд на, аддзӧмыд на со и.

ЁРАНЬ

Мен Ёджыд Акка висьталіс, кыз мунны,
И нянь на пуктіс, нуыштан пӧ налы.
Ми унаысь нин видзӧдлывлім ваӧ
Да ставсӧ тӧдам, оланнӧйд ті кызди.
На, сёйышт няньсӧ, вӧйӧма нин синмыд.

Ёрань разӧ чыштъянысь ёкмыльсӧ, пуктӧ джек вылӧ. Сэтчӧ жӧ За-
рань пуктӧ чумансӧ.

ЗАРАНЬ

Ме эг на сёйлы татшӧм рача няньсӧ
И быттьӧ вӧтӧн някляла со ӧні.
А мый нӧ ачӧд видзӧдан, он видлы?
Ӧд кысянь локтін!

ЁРАНЬ

Чегышта жӧ аслым,
А сэсса ог нин тӧянӧс ме удзӧд.

ЗАРАНЬ

И чӧдсӧ видлы.

ЁРАНЬ

Локтігӧн на сёйи.
А тэ эн яндысь. Няньыд медся пӧтӧс.

ЗАРАНЬ

Да унасӧ ӧд... Йигӧр на вот локтас.

ЁРАНЬ

А мый нӧ, видас? Горшасьӧмыд, шуас?

ЗАРАНЬ

Оз эськӧ вид, да аслым абу лӧсьыд.
И аскисӧ на колӧ кызкӧ овны.
А тэ нӧ эськӧ дыр-ӧ кежлӧ быттьӧ?

ЁРАНЬ

Да талун бөр, ли узя нин тан войсö,
Ог тиянлы тан дөзмөдчыны понды.
А, гашкө, меным сёрнитлыны сиктас,
Да лэдзасны мед локны татысь вөрсьыс?

ЗАРАНЬ

Ой, ме ог төд. Ме пола, Ёрань.

ЁРАНЬ

Меысь?

ЗАРАНЬ

И тэысь тшөтш. Эн лөгась сөмын таысь.
Тэ талун тадз, а аски... Синтө вежны
Ог, чайтан, кут ме, гусялі кор шудтө?

ЁРАНЬ

Но ме жö ачым бурасьнысö локті!

ЗАРАНЬ

А муткыртас, и...

ЁРАНЬ

Мөд сайö кө муна?

ЗАРАНЬ

И мөд саяс на сьөлөмтө он йөрмөд.
И кыз на йөзыс?! Отчыд найö бурөсь,
А мөдысь налы син улас эн веськав.
Мен сиктад ковмас шы ни гуөн овны,
Мед эськө мыйкө кодлыкө оз шусьы.
Ог, татысь, Ёрань, кокөн ог нин вөрзыы.

ЁРАНЬ

А Йигөрыд кө, висьтала да, ыштас?

ЗАРАНЬ

Мед, сьлөн гажыс!

ЁРАНЬ

А тэ кувны кольччан?

ЗАРАНЬ

А мый нӧ, сьӧкыд, асьтӧ кӧ он омӧльт?

Кост.

Тэ мыйкӧ, Ёрань, сайӧдан на меысь,
Он лючки висьтав, мыйла сиктас коран.

ЁРАНЬ

Да кутшӧм лючки таысь вывтӧ колӧ?
Тэ чайтан, меным некытчӧ оз мӧрччы,
Тан эштанныд кӧ? Нимкодъӧйла пота?
А полан кӧ, мед Йигӧртӧ ог мырдды,
То ас дырйиыд синмас сылы шуа,
Мый кута ылі кытшлавны ме сыысь.

Кост.

ЗАРАНЬ

Но локтас сійӧ. А ме мыйкӧ мудзи.
И юрын жувгӧ, сёрнитнысӧ сьӧкыд.
Ме, гашкӧ, водла?

ЁРАНЬ

Водлы, ме тан овла.

Зарань водӧ лыс чомйӧ. Ёрань виччысьыштӧ, кор сійӧ унмовсьӧ, да
пуктӧ мыйкӧ сылы морӧсас, паськӧм улас. Петкӧдчӧ К о и н - м о р т .

КӦИН-МОРТ

Но, мый мен вӧчны?

ЁРАНЬ

Он кӧ эськӧ дзебсьы!
Ме мый тэн шулі? Коді татчӧ корис?

КӦИН-МОРТ

А дыр-ӧ куйла? Ог и сідзтӧ мынлы
Ме тшыкӧдӧмсьыс. Шу, мый колӧ вӧчны!

ЁРАНЬ

Мун, пусӧ лыдды! Шuasны, кор ковмас!

КӖИИ-МОРТ

А ылӧдлан кӧ, кута жӧ ӧд асьтӧ
Да гортӧ нуа, кокыд мед оз инмыв.

ЁРАНЬ

И сѣян сѣсса?

КӖИИ-МОРТ

Гӧтыр менам лоан!

ЁРАНЬ

Ок, ёна-й повзи! Шы ог сетлы, нуӧд!

КӖИИ-МОРТ

Тэ сералан да?!

ЁРАНЬ

А ме дыр нин бӧрді.
И муң, эн скӧрмӧд. Куйлы, кытӧн куйлін.
Ме Йигӧрыскӧд сѣрнита, да сѣки...

КӖИИ-МОРТ

Со локтӧ нин. Ме шаркӧдчӧмсӧ кыла.

ЁРАНЬ

Но вот и дзебсьыв.

К о и н - м о р т мунӧ. Ёрань матыстчылӧ Зарань дорӧ да видзӧдлӧ,
личыда ышловзӧ.

Оз нин ветлы лолыс!

А мед и меным югдылас жӧ шудыс!

Сэк, кӧинушко, чужйиссян на ылӧдз!

Ёрань матыстчылӧ бӧр бипур дорӧ, пуксьӧ да ыштӧкӧ вугралӧ. Локтӧ
Й и г ӧ р, лаз ноппыс сьлӧн ыдждӧма.

ЙИГӖР

Но, Зарань, олам! Шеді лыйны кӧрыд!

Да войнас узян, вомдзалан сэн лунсӧ!

Йигӧр пӧрччӧ лазсӧ да садьмӧдӧ Ёраньӧс.

Но, садьмы, садьмы. Шоддза яй тэд вöча.

ЁРАНЬ

Ой, кодi сэни?! (Гильö синсö.)

ЙИГÖР

Тэ али мый, Ёрань?

ЁРАНЬ

Ой, эг и тöдды, унмовссöма сэтчö!
Эн скөрмы, Йигöр. Видлыны ме локти.

ЙИГÖР

А Зараньыс?

ЁРАНЬ

Со узьны чомгяд водiс.
Нач эбöстөм нин, кок йылас оз сулав.
А сы бöрын и менö вугыртöдiс.

ЙИГÖР

А кыз нö мый тэ... кутшöм руөн татчö?!
Öд ыджыд төлөн эз на гортсьыд нöбöд,
Ли гез помысь эн вöтчы кодкö бöрся?!

ЁРАНЬ

Дерт, эз и нöбöд, ни эз кодкö вайöд,
А сыркъяли да ас руөн и вöрзи.
Ме Зараньыдлы висьтаси нин тэöдз,
Мый ог нин лөгав, бурасьны нин локти,
Дай, көсьянный кө, бөр тась вöрсьыс корны.

ЙИГÖР

Тэн, Ёрань, мырдөн эскынытö колö!
А Ыджыд Аккаыс?

ЁРАНЬ

Эг юасьтөг, дерт, сылысь.
И ваö видзöдлiс да висьталiс, кыз мунны,
И нянь на пуктiс. Тiян дор жö сiйö.
Со, сёйышт няньсö.

ЙИГӨР

Энлы на тэ няньнад.

Тэ меным висьтав, мый тэ ачыл корсян?

ЁРАНЬ

А мый нө, лөгөс помся кута пөжны

Да сідзи-й энда!? Олөмыд өд кузь на!

А кодлы колан, коді тэнө ваяс,

Он мукөд зонсө синнад кө нин аддзы

Да каньыд моз кө чушъявныгө кутан?

ЙИГӨР

Но, каньыд чушъялө, да каньпиян на вайё.

ЁРАНЬ

Мун, яндысь тадзтө... бөрддзөдныгө мортгө...

Мед эськө тэныд кырсаі, да сідзи-к?!

Мед ваё пыри сиктсаыслөн лёкысь?!

ЙИГӨР

Но, шуи йөйыд... Мыждыся тэ водзын.

Но, дугды, дугды! Меным аслым зывөк!

Кост.

А мыйджык өнтай Зараньыс тэн шуис?

ЁРАНЬ

Ме ог пө төд. Час, Йигөр пө мый шуас.

ЙИГӨР

Но ме өд сыгөг... джын вома жө быгтгө.

Час, садьмөдла, да өглаын и шуам.

Йигөр вөрзёдө Зараньөс да шай-паймунө сэсся.

Вай чеччыв, Зарань! Войыс тэныд волас.

Да восьтыв синтө! Абу кө-а ловья?!

ЁРАНЬ

Ой, Енмөй, Енмөй! Узьны лючки водіс!

ЙИГӨР

Вот босьта чер да сапка аслым юрө!
Ме тшыглы сійӧс, югыданӧс, вии!

ЁРАНЬ

Эз весиг гарав, вися пӧ ли, мый ли.
А синмыс эськӧ вӧйӧма нин вӧлі.

ЙИГӨР

А чӧдйыс кыгысь?

ЁРАНЬ

Вотӧма нин вӧлі.

ЙИГӨР

А мый эз сӧйышт?

ЁРАНЬ

Рача няньсӧ видліс.
А мый нӧ сідзи видзӧдан ме вылӧ?

ЙИГӨР

А код тӧдас на, кутшӧм тэнад няньыд!

ЁРАНЬ

Ой, код тӧдас пӧ?! Чайтӧ, виан сорас
Ме сэтчӧ пункті? Со тэн: вомӧ сюя,
Да видзӧдлы вот, чергыся ог татчӧ.
Со буретш сылысь пиньтуйсӧ и босьті.

Ёрань сӧйӧ да педзышталӧ, виччысына кузя видзӧдлӧ Йигӧр вылӧ.
Мӧдыс шӧйӧвошӧма.

Эзв тадзтӧ кокни мыжавнытӧ морттӧ.
Ме мыйӧн тӧді, қувны нин мый водіс?

Кост.

ЙИГӨР

А сытӧг меным матын жӧ нин помыс.
Ме сійӧс гуала да регыд жӧ и эшта.
Ог сӧй да ю дай. Вужля улыд сюрас.

ЁРАНЬ

Тэ шогыдла на чеган öнi асьтö.
А ловъя пуыд кусыньö на сетчö
Да веськалö бөр. Он тöд быгтьö ачыл!

ЙИГÖР

Мед гортö локта, кöсьян меным шуны?

ЁРАНЬ

А мый нö эськö, тадзи кö нин лоис?
А ме понда кö, шулi нин ме тэныд.
И локтан бөр да йöзыс моз и олан,
Дась пöрöдлiн нин керка вылад кертö.

ЙИГÖР

Тэ керка кертö эн на меным казътыв.
Мен öткодъ кытöн öтнамыдлы öнi.

ЁРАНЬ

А он и öткөн, овны кö, дерт, кöсьян.
Со корöсьтö на öшлан быдөн гозйөн.

ЙИГÖР

И эськö тэнö сэсса мед и вайи?

ЁРАНЬ

Да ме ог вöзйись... сэтшöм кö нин мустöм...
А мöдарö кö... ачыл киöс кутлiн...
Эг вöтлысьöмөн коклябöрад кöвъясь.
И морт ногөн кö, абу жö ме тэныд...
Кöть он нин бöрд да... (*Чышкö синвасö.*)
Абу ылö чужъян!

ЙИГÖР

Ме ог и шу. Но аслым меным яндзим,
Тадз ылöдлi да, овны сэсса тэкöд.

ЁРАНЬ

Да мыйкö яндзим! Абу на öд понпуш,
Мед синмад петiс. Бурасям, и вунас!

ЙИГӨР

Чөв, Ёрань, чөв! Тэ менө он нин такөд!
И тэ ли, мөд ли... Ог нин корсь ме пөвтө.

ЁРАНЬ

А мый нө, кольччан?! Вужля улө пыран?!
Мун, сета банад! (*Ырыштчылө.*)

ЙИГӨР

Щуи кө, и пыра.

ЁРАНЬ

А тадзтө кө, ме дыр тан ог жө сулав.
Со муна нин! (*Ылыстчө.*)
Шу, овны кө на көсьян!

ЙИГӨР

Тэн шуома нин. Пойгин тан, и тырмас!

Ёрань муно пуяс сайө. Йигөр пуксьө бипур дорө да өшөдө юрсө, ышлалалө-бөрдө. Пуяс сайысь гусьон петоны Ёрань да Көин-морт. Ёрань шытөг усьөдө Көин-мортөс Йигөр вылө. Көин-морт сөсся уськөдчө да ляскө Йигөрөс муө, пондө джагөдны.

КӨИН-МОРТ

Тэ чайтін, сотчи онтай тэнад биын?!
Дыр он нин киргы!

ЁРАНЬ

Этшаджыка быргы!

Ёрань казялө кодөскө, доровмунө.

Ой, кодкө локтө! Джагөдан кө, джагөд?

Көин-морт шөйөвошө да кыйкьялө, личөдө кияссө. Йигөр пескыльтчө сы улысь. Локтө Ыджыд Акка, киас беддя. Ёрань да Көин-морт пышшөны.

ЫДЖЫД АККА

Ок, сьөд вөр шөрад со өд мый нин вөчсьө!
Мед беддыс тайө бөрсяньыд и вөтчас.

Ыджыд Акка шыбитө бедьсө. Йигөр веськөдө ловсө.

А эг кө удит, джагөдисны морттө.
И Ёрань, дзодзув, эг кө нин ме сорась!

ЙИГӨР

Эн, Ыджыд Акка.

ЫДЖЫД АККА

Кык пьдөса лолыд!
А меным шуис, видлыны пө ветла.
Но мыйкө синмыс кодзлаліс на сылөн,
Да бөрсяньыс и, бедь босьті да, петі.
А мөдыс коді?

ЙИГӨР

Көин-морт, ыж гусявлөмысь
Ас сиктсаыс и ёрөмаось сійөс.
Мен шедліс нин, да ловзьөма на пежыд.
Ме песті би да сотчыны и пукті,
Но тырыс күтіс кодзувкот сэк петны,
И зывөк босьтіс, бергөдчи да муні.

ЫДЖЫД АККА

А колө вөлі лыс чегны да сійөн
Став кодзувкотсө чышкыны бөр биас.
Дерт, тадзтө ловзяс! Кытысь өні корсян?
А кык өткодъыд тшыкөдасны мусө!

ЙИГӨР

Кыз тшыкөдасны?

ЫДЖЫД АККА

Оз нө йылөм сетны?!
И код төдас на, кодыс лоө унджык:
Ли дзодзувыс, ли югыд вира мортыс?!
А Зараньыд нө?

ЙИГӨР

Куліс, Ыджыд Акка.
Со чомйын куйлө.

ЫДЖЫД АККА

Урсасьлы вот меным!

Эз вөв на кулысь, видзөдлі кор ваас,

Тан эсийо на мыйкө тэтөг вочис!

Ыджыд Акка уськөдчө Зарань динө, кывзысьсө, видлалө.

Со, личкыштлан да, гөрдөдлө на гыжйыс!

А со и сюри! Пуктөма тай коркө!

Ыджыд Акка чеччө да петкөдлө сир пинь, ыршасьсө.

Ок, шедлы меным! Сир пинь тэныд пукта!

ЙИГӨР

А та мogyсь нин локтөма да, вөлөм.

Ме весиг эски. Дырджык кө эн во и?!

ЫДЖЫД АККА

А кызкө тай со вайөдіс на кокөй.

Час, чеччас Зараньыд. Со осьталө нин синсө.

Зарань вочасөн папалө да чеччө.

ЗАРАНЬ

Ой, унмовсьылі лун шөр кадас сэтчө!

А көн нө Ёраньыс? И Ыджыд Акка тани?!

ЫДЖЫД АККА

Эн повззы меысь. Йигөрыд со орччөн.

Лок, морөс бердө топөдла ме тэнө.

ЗАРАНЬ

Ме ог мун сиктад. (Оз топөдчы.)

ЫДЖЫД АККА

Ёна жө тэ перыд.

Ме эг на шу, а пановтін нин менө.

А буретш сиктас тиянлы и овны,

Мед бур йөзыслөн паськаліс жө вужйыс!

Тэ он на төд, мый тани, бобө, вөлі.

ЗАРАНЬ

А мый нө вөлі?

ЙИГӨР

Висьтала ме бөрти.

ЗАРАНЬ

И сиктө мунысь?

ЙИГӨР

Өтлаын но тэкөд!

И овмөдчам, и морт оломсө төдлан.

ЗАРАНЬ

Да некодлы ме ог вай сәні бурсө!

Ме ёрома! Мен нәмөс пыкны шөгөс!

ЙИГӨР

А кагаыды? Нөбасян тай, шуан?!

ЫДЖЫД АККА

Да, Заранюшко, тайө өд и шудыд!

И меным тшөтш! Ме чукөстла вот айтө

Да шуа сылы, медым оз на ыджад.

Ыджыд Акка шыасьө Ен динө.

Тэн дас копыр мясянь, Вына Енмөй!

Ме тәнсьыд кывтө эг на лысьтлы вуджны.

И медводз тэлань нюжөда ме сывйөс.

Ээв ыджыд мөгөн шыөдча өд талун.

Вай петкөдчывлы зарни востым шөрад.

Вылын öййө востым да петкөдчө Е н.

ЕН

Ме кывза тәнө, Ыджыд Акка, висьтась.

ЫДЖЫД АККА

Со, аддзан, нылыд! Мый нө көть и пышйис?

Эз кокни олом муас сййөс кыскы.

И мый нин шогсис!

ЕН

Ачыс шогсö корсис.

ЫДЖЫД АККА

Да оз тай кодкö мöд вылö и шуась.
И нинöмөн на асьсö тан эз пежав.

ЕН

Эн ылöдчы тэ, Ыджыд Акка, сэни,
А косьмас кывйыд!

ЫДЖЫД АККА

Ылöдча пö, шуан?!
А мый нö лёкыс, аддзысис кö зонкöд,
И муслуныс кö найöс татөн йитис?

ЕН

А нöбасьöмсö кытчö сылысь воштан?

ЫДЖЫД АККА

Да нöбасьöмыс медся вежаторйыс!
А мый нö, кöсьян, бырисны мед йöзыс?

ЕН

Да олöй асьныд. Шызьöданныд менö!

ЫДЖЫД АККА

А Зарань вывсьыд ёрöмтö бөр босьт дай!
Öд аслад нылыд, курдöдлö на ловтö.

Енмös курдöдлö, да бергöдлö юрсö.

ЕН

Тэ, Ыджыд Акка, эн, колöкö, дойдав!

ЫДЖЫД АККА

Да ог и дойдав. Сет нылыды шудсö!
Сэк пöльөн шуысь Му вылас тан лоас,
И дас кымын на медым эськö чужас.
И тэсянь, Енсянь, локны кутас вирыс,
Да бурджыкöсь и лооны тан йöзыс.
Босьт ёрöмтö, ме синва сорөн кора!

ЕН (ышловзъё.)

Но, босьта.

Востымыс кусö. Эдук кежлö рöмдылö. Став ворсысьяс петöны
видзöдысьяс водзö да сьылöны.

И эскöмön, и колöмön
Ми ворсім коми мойд,
Мед югдіс важся олöмыс
Да шуштöмön эз дойд.

Ми ставön локтам сэтсысянь,
Эз некод руысь чуж.
Ми Коми мулön петасыс
И пыдын миян вуж.

Мед кольöм кадыс пакталö,
Оз коми садъыс вун,
И лольыс Ыджыд Аккалön
Оз миян дінысь мун!

П О М.

ЮРИНДАЛЫСЬ

Кысь ме тэнö корся³ (повесть) 2

ВИСЬТЬЯС

Висьтасьöм	48
Шыödчöм	50
Роч зять	53
Му выв олысь	61
Морт дон	68
Лов пыкöс	74
Часовня	81
Карса	89
Верöстöм	97
Мынтöдчöм	108
Вир тшыкöдысь	113
Юрыд усьö	117
Куим йöй (мойд)	124
Конö Семö	126
Мыжа Наста	144
Ныв синва	160
Аски лоö мича	165
Кыдзи йöзыс	184
Висар	199
Кык вуграсьысь	203
Лöж слава	207
Чöскыд вотöс — сьöлаоз	209

Кык ёді!	219
Ветлісны пув вотны	232
Тöлысь карын	244
Медся сьöкыд витöд во	270
Ныв да зон	283
Öшинь водзын бурöвöй	289
Чомгья мусюр	303
Локтан субöтаö	312
Коньöр	325
Кыкысь олöм	334

ПЬЕСАЯС

Ловгья юрöн	343
Му вежан лун	387
Гöтыртöгыд абу олöм	426
Коркö муса, коркö абу	465
Коми бал	504
Нимтöм гöтыр	539
Кык вок	544
Райö каян гижöд	553
Некытчö нинöм	556
Чöскыд вотöс — сьöлаоз	559
Сьöлöм косьтысь	567
Мусукасьöм	572
Вир тшыкöдысь	574
Кула кö эськö	583
Шутöгыс олас	588
Вöтлы, вöтлы	593
Лок, пырав	597
Мый он виччысь	601
Забеднö	605
Öпитенньö	610
Матö пукта	615
Коді шуис?	619
Любитан он?	626
Ен ныв	632